



# আত্মকাহিনী

বা

## স্বরচিত জীবন-কথা

শান্তিপুর স্বতরাগড়-নিবাসী শ্রীযুক্ত রামেশ্বর সৈন্য মহাশয়ের জীবনী  
প্রসঙ্গে উক্ত গ্রাম, রঙ্গপুর, মানদহ, বাংলাদেশের প্রাচীন  
রাজধানী গোড়নগরের ও পাণ্ডুয়ার এবং আসাম  
প্রদেশের সংক্ষিপ্ত বিবরণ-সম্বলিত  
ইতিহাস

শান্তিপুর স্বতরাগড়-নিবাসী  
শ্রীরাজেন্দ্রনাথ দাশ কর্তৃক  
প্রকাশিত ।

১৩৩২

বিনামূল্যে বিতরিত ।



କଟକ ପ୍ରେସ

୩୩୩ ବେନେଟୋଲା ଲେନ, କଲିକାତା ।

ଶ୍ରୀଜ୍ୟୋତିଷଚନ୍ଦ୍ର ଘୋଷ ଦ୍ଵାରା ମୁଦ୍ରିତ ।

## উৎসর্গ

পিতৃদেব,

সাত বৎসর বয়সের সময়ে আপনাকে হারাইয়া আপনার ভালবাসা, স্নেহ, দয়া মমতা হইতে বঞ্চিত হইয়াছি। আপনার শ্রীচরণ সেবা করিবার সুযোগ পাই নাই, কিন্তু আপনার নিষ্কলঙ্ক দেবোপম চরিত্র আমার হৃদয়ের উপরে চিরকালই কার্য্য করিয়া আসিতেছে। আজ কি দিয়া আপনার পূজা করিব ? আপনার পবিত্র আত্মার উদ্দেশে এই “আত্মকাহিনী” রূপ ভক্তি-অর্ঘ্য প্রদান করিয়া আমাকে আজ ধন্য ও কৃতার্থ মনে করিতেছি।

আপনার দীনহীন পুত্র  
শ্রীরাঘবেন্দ্র সেন।



## ভূমিকা

এই আত্মকাহিনীর মধ্যে রঙ্গপুর, মালদহ, বাংলাদেশের পূর্ব-রাজধানী গোড় নগরের ও পাণ্ডুর এবং আসাম-প্রদেশের অনেক বিবরণ প্রদত্ত হইয়াছে। সুতরাগড় ও শাস্তিপুরেরও অনেক জ্ঞাতব্য বিষয় ইহাতে সন্নিবেশিত হইয়াছে। আমি একজন অতি সামান্য দরিদ্র ও নগ্ন লোক। একরূপ অবস্থায় আমার নিজ জীবনী লেখা নিতান্ত ধৃষ্টতার, বাচালতার ও উন্মত্ততার পরিচয় দেওয়া ভিন্ন আর কিছুই নহে। নিজ জীবনী লেখার ইচ্ছা আমার মনে কখন উদয় হয় নাই। তবে আমার শ্রদ্ধাভাজন পরম সুহৃদ স্বর্গীয় পণ্ডিত বীরেশ্বর প্রামাণিকের পুত্র স্নেহাস্পদ শ্রীমান যোগানন্দ প্রামাণিক বার বার আমাকে অনুরোধ করায় ও নির্বন্ধাতিশয়া প্রকাশ করায় আমি অতঃ এই কার্যে প্রবৃত্ত হইলাম। সম্ভবতঃ আমাকে ইহার জন্য হাস্যাস্পদ হইতে হইবে। হয়ত আমাকে উপলক্ষ্য করিয়া কত লোকে কত কথা বলিবেন। এ সমস্ত আমাকে অবিচলিতচিত্তে ও অম্লান বদনে সহ্য করিতেই হইবে। আমার জীবনে এমন কোন বিচিত্র ঘটনা ঘটে নাই যাহা এই আত্মকাহিনীতে লিপিবদ্ধ করিতে হইবে। তবে অতি সামান্য লোকেও যদি অধ্যবসায়, প্রগাঢ় যত্ন, উত্তম ও পুরুষকার সহকারে স্থায়ী কর্তব্য কর্ম সম্পাদন করিতে চেষ্টা করে তাহা হইলে তাহার কার্যে সে ব্যক্তি সাফল্য লাভ করিতে পারে এইটাই দেখাইবার জন্য আমি এই হাস্যাস্পদ কার্যে প্রবৃত্ত হইলাম। আমার এই সামান্য আত্মকাহিনী

পাঠ করিয়া যদি কোন দরিদ্র বালকের বা যুবাব স্বীয় কর্তব্য কার্যে উত্তম, উৎসাহ ও যত্ন করিবার প্রবৃত্তি জন্মে তাহা হইলে আমি আমাকে ধন্য জ্ঞান করিব ও যথেষ্ট পুরস্কৃত মনে করিব।

- ১৩২৬ সনের ১৭ই আশ্বিন বিজয়াদশমীর দিন আমি আত্মকাহিনী লিখিতে আরম্ভ করি এবং চারি বা পাঁচ মাসের মধ্যেই লেখা সমাপ্ত হয়। ইহা মুদ্রিত করিবার ইচ্ছা আমার আদৌ ছিল না। মুদ্রিত করিবার কারণ পূর্বেই উল্লিখিত হইয়াছে। ইহা এখনকার লেখা নহে। সুতরাং ইহাতে যে সকল ব্যক্তির নাম লিখিত হইয়াছে, আক্ষেপের বিষয় তাঁহাদের অনেকেই আর এখন ইহলোকে বিচলমান নাই।

এখন আমার বয়স ৮২ বৎসর অতীত হইয়া গিয়াছে। এখন আর আমার পূর্বের ন্যায় দৃষ্টিশক্তি ও শারীরিক সামর্থ্য নাই। এজন্য মুদ্রাঙ্কন কার্যে অনেক ভ্রম প্রমাদ আমি ধরিতে পারি নাই। কাজেই অনেক বর্ণাশুদ্ধি ও অর্থাসঙ্গতি এই আত্মকাহিনীর মধ্যে রহিয়া গিয়াছে। তজ্জন্য পাঠকগণের নিকট ক্ষমা ভিক্ষা করিতেছি।

আমার পূজ্যপাদ পুরোহিত শ্রীযুক্ত গণেশচন্দ্র ভট্টাচার্য মহাশয় মুদ্রাঙ্কন কার্যের অনেক দোষ সংশোধন করিয়া দিয়াছেন। শ্রীমান্ যতিভূষণ দে ও শ্রীমান্ রাজেন্দ্রনাথ দাশ এই আত্মকাহিনীর মুদ্রাঙ্কন কার্যে যথেষ্ট সাহায্য করিয়াছেন ইহাদের নিকট আমি আন্তরিক কৃতজ্ঞতা প্রকাশ করিতেছি।

সুতরাগড়  
২৫শে ভাদ্র,  
সন ১৩৩২।

}

প্রস্তুতকার।

# সূচীপত্র

## প্রথম অধ্যায়

বিষয়	পৃষ্ঠা
পূর্বপুরুষের বাসস্থান ও কুল-পরিচয়	১
মোদক জাতির বৈশিষ্ট্য ও চারি আশ্রমের কথা	১১
জন্ম-বিবরণ	১৩
বিদ্যারম্ভ	১৯
স্বতরাগড় মধ্য-ইংরাজি বিদ্যালয় স্থাপন ও হেড্‌ মাষ্টার হওয়া	৫৬
রামচরণ মাষ্টারের সর্ব প্রথম স্কুল	৬২
শ্রীযুক্ত বিশ্বেশ্বর বিশ্বাসদেব বাড়ীর স্কুল	৬৩
হরিপুর আদর্শ বঙ্গ-বিদ্যালয়	৬৩
আমার জীবনে প্রথম বক্তৃতা	৬৭
হরিপুর আদর্শ বিদ্যালয়টি হরিণাকুণ্ড গ্রামে স্থানান্তরিত	৬৮

## দ্বিতীয় অধ্যায়

গভর্ণমেণ্টের অধীনে চাকরীর বিবরণ বা দাস-জীবনের ইতিহাস

### রঙ্গপুর

সিভিল্‌ সার্জিন ডাক্তার কৃষ্ণধন ঘোষ	৭০
ম্যাজিষ্ট্রেট্‌ ই. জি. মেন্ডিয়ার	৭০
মুনসেফ্‌ শ্রীযুক্ত গোপালচন্দ্র বসু	৭১
ডিস্ট্রিক্ট কমিটির মেম্বরগণের নাম ও পরিচয়	৭১
আমার রঙ্গপুর যাত্রা ও রাস্তার বিবরণ	৭২

বিষয়	পৃষ্ঠা
মালদহের পুলিশ ও হেড্‌ ক্লার্ক শ্রীযুক্ত নৃত্যগোপাল লাহিড়ী	৭৫
মালদহ পুলিশের হেড্‌ কনষ্টেবল শ্রীযুক্ত আনন্দগোপাল সাম্মাল	৭৫
বাংলাদেশের প্রাচীন রাজধানী পাণ্ডুরাজ্যের জঙ্গল ...	৭৬
ময়রা বলিয়া পরিচয় দিয়া যে ব্যবহার পাওয়াছিলাম তাহারই কথা	৮১
রঙ্গপুর জেলা-স্কুলে কার্যভার গ্রহণ ...	৮১
কলিকাতা স্কুল-বুক-নোসাইটের এজেন্টের ভার গ্রহণ ...	৮৩
প্রেসিডেন্সি কলেজের অধ্যাপক জে. এন্‌ দাশগুপ্ত ...	৮৩
রঙ্গপুর জেলা-স্কুলের সংক্ষিপ্ত বিবরণ ...	৮৩
হেড্‌ মাস্টার চন্দ্রনাথবাবুর দয়া ...	৮৪
শ্রীযুক্ত প্যাটেন সাহেবকে বাংলা ভাষা পড়ান ...	৮৪
পাড়ার লোকের পরিচয় ...	৮৫
রঙ্গপুরে ম্যালেরিয়া জরাজীর্ণ হওয়া ...	৮৭
জেলা-স্কুল প্রতিষ্ঠার সময় কোচবিহারের রাজা ও জমিদার- দিগের দান ...	৮৮
ইনস্পেক্টর প্রাণেশ্বরীয়া শ্রীযুক্ত তুদেব মুখোপাধ্যায় মহাশয়ের জেলা-স্কুল পরিদর্শন ...	৮৯
বিজ্ঞান সমূহের ডেপুটি ইনস্পেক্টরদিগের কর্তব্য ...	৯১
জেলা-স্কুলের হেড্‌ মাস্টার চন্দ্রনাথ ভট্টাচার্য ...	৯২
চন্দ্রনাথবাবুর সহিত অগ্ন্যগ্নি শিক্ষকদিগের মনোমালিন্য ...	৯৬
আমার প্রতি হেড্‌ মাস্টার চন্দ্রনাথবাবুর দয়া ও স্নেহ ...	৯৭
গুরু-শিষ্য-যুদ্ধ ও আমার প্রতি বিদ্বেষ ভাবাপন্ন ...	৯৯
রঙ্গপুর জেলা-স্কুলের সর্বপ্রথম প্রবেশিকা পরীক্ষার ফল ...	৯৯
ক্লার্ক সাহেবের রঙ্গপুর আগমন ও তাঁহার সহিত আমার প্রথম পরিচয় ...	১০২
সর্বপ্রথম অস্বারোহণ ...	১১৮

বিষয়	পৃষ্ঠা
হেড্‌ মাষ্টার চন্দ্রবাবুর চতুরতা ও প্রকৃত কথা গোপন করা	১১৯
পুনরায় রঙ্গপুর জেলা-স্কুলে কার্যভার গ্রহণ ...	১২০
দার্জিলিং-এর শ্রীযুক্ত মতিলাল হালদার পরবর্তী কালের একজন উৎকৃষ্ট চা-কর ...	১২১
রঙ্গপুর জেলা-স্কুলটি দ্বিতীয় শ্রেণীর কলেজে পরিণত হইবার তারিখ ও তদানুসঙ্গিক ঘটনাসমূহ ...	১২২
মহারাজা ভিক্টোরিয়ার ভারতেশ্বরী উপাধি গ্রহণ ...	১২৩
ভাষাতত্ত্ববিদ ডাক্তার গ্রিয়ারসন্ ...	১২৪
দ্বিতীয় শ্রেণীর কলেজের হেড্‌ মাষ্টারের পদে কাহাকে নিযুক্ত করা কর্তব্য এই বিষয়ে ক্লার্ক সাহেবের অভিমত ও চন্দ্র- বাবুর হেড্‌ মাষ্টার হওয়া ...	১২৪
পণ্ডিতরাজ মহামহোপাধ্যায় শ্রীযুক্ত যাদবেশ্বর তর্করত্ন ...	১২৫
রঙ্গপুরের জেলা ও মেসন্‌ জজ লেভিন্‌ সাহেবের কথা ...	১২৬
ড্যামান্ট সাহেবের নাগাদিগের গুলিতে মৃত্যু ...	১২৮
রঙ্গপুরের জজ শ্রীযুক্ত কেলি সাহেব ...	১২৯
রঙ্গপুরের জজ শ্রীযুক্ত বিভারিজ সাহেব ...	১৩৪
সুপ্রসিদ্ধা পণ্ডিতা রমাবাই এর সহিত কাছারের উকিল শ্রীযুক্ত বিপিনবিহারী দাসের বিবাহ-সংগঠন ...	১৩৫
ডিব্রুগড় জেলা-স্কুলের সেক্রেণ্ড মাষ্টারের পদপ্রার্থী হইয়া আবেদনপত্র প্রেরণ ...	১৩৫

## ১. তৃতীয় অধ্যায়

### মালদহ

মালদহ জেলা-স্কুলের চতুর্থ শিক্ষকের পদে নিয়োগ ...	১৩৮
---	-----



বিষয়	পৃষ্ঠা
রঙ্গপুর হাইতে পূজার বন্ধে বাড়ী আসিবার সময়ে তিনবার তিন প্রকার বিপদে পড়া ... ..	১৩৮
রঙ্গপুরে হাইবার রেলপথ উদ্বাটন ... ..	১৩৯
রঙ্গপুর হাই-স্কুল হইতে অবসৃত হাইবার তারিখ ... ..	১৪০
পূর্ত-বিভাগের একাউন্ট্যান্ট বা হিসাব-রক্ষকের কার্যের জন্য পরীক্ষা দেওয়া ... ..	১৪০
মালদহ জেলা-স্কুলের চতুর্থ শিক্ষকের কার্যভার গ্রহণ ... ..	১৪১
পুনরায় অল্প দিনের জন্য গড়ের স্কুলে কার্য্য করা ... ..	১৫৩
ডিক্রগড় জেলা-স্কুলের দ্বিতীয় শিক্ষকের পদে নিয়োগ ... ..	১৫৪
শিক্ষক, সর্ব ও ডেপুটি ইনস্পেক্টরদিগের গ্রেড্ নির্দেশ হাইবার প্রস্তাব ... ..	১৫৪
১৮৭৭ সালে আসাম-প্রদেশ বঙ্গ-প্রদেশ হইতে বিচ্ছিন্ন হওয়ায় উহার শিক্ষা-বিভাগও বঙ্গদেশেব শিক্ষা-বিভাগ হইতে বিচ্ছিন্ন হয় ... ..	১৫৪
মালদহ জেলা-স্কুলের কার্য্য হইতে অবসর-প্রাপ্তি ... ..	১৫৫
দারবঙ্গের তৎকালের মহারাজ কুমার রমেশ্বর সিংহের গভর্নমেন্টের অধীনে জয়েন্ট ম্যাজিস্ট্রেটের পদগ্রহণ ... ..	১৫৬
প্রাচীন রাজধানী গোড়নগরের ধ্বংসাবশেষ দর্শনে যাওয়া ... ..	১৫৬
প্রাঃস্বরগীয়া মহারাজী ভিক্টোরিয়ার দ্বিতীয় পুত্র মাননীয় ডিউক অব এডিনবারার ভারতবর্ষে গুভাগমন ও ব্যাঘ্র- শিকারে মালদহের জমিদার ডোমনবাবু কর্তৃক প্রাণরক্ষা ... ..	১৫৮
গোড়নগরের ধ্বংসাবশেষ ও হস্তীপৃষ্ঠে থাকার সময়ে বিপদাশঙ্কা স্বাম্যকলি ... ..	১৬০
ডিক্রগড় হাইবার পূর্বে বাড়ী আসার পরে বিপদ ... ..	১৬১

বিষয়	পৃষ্ঠা
-------	--------

তৃতীয়া সহোদরার বিহুচিকা রোগে অকাল মৃত্যু ও তাহার শিশু সন্তানগণের তৎকালের অবস্থা ...	১৬২
---	-----

### ডিক্রগড়

ডিক্রগড় জেলা-স্কুলের দ্বিতীয় শিক্ষকের কার্যভার গ্রহণ ...	১৭১
--	-----

ডিক্রগড়ের পূর্ববঙ্গ ও পশ্চিমবঙ্গ-নিবাসি বাঙ্গালীদিগের মধ্যে বিদ্বেষভাব ও তাহার ফল ...	২২৬
---	-----

শাপে বর ...	২২৭
-------------	-----

ডিক্রগড় বঙ্গ-বিভাগের নূতন প্রধান শিক্ষক শ্রীযুক্ত হৃদয়নাথ দাস ...	২২৮
--	-----

ডিক্রগড়ে ব্রাহ্মসমাজ প্রতিষ্ঠার চেষ্টা ..	২৩০
--	-----

নূপেন পালিতের অন্যায় কারাদণ্ড এবং কলিকাতা হাইকোর্ট কর্তৃক নিদোষ প্রমাণ ও কারামুক্তি ...	২৩১
---	-----

ডিক্রগড়ের সহৃদয় শ্রীযুক্ত কালীনাথ বন্দ্যোপাধ্যায় ও উকীল শ্রীযুক্ত হরিশ্চন্দ্র বাক্চি ...	২৩২
--	-----

গোহাটির গভর্ণমেন্ট উকীল সদাশয় রামগোপাল চক্রবর্তী ও তাঁহার আত্মীয়গণের কথা ...	২৩৩
---	-----

ধুবড়ীর একষ্ট্রা এসিষ্ট্যান্ট কমিসনার শ্রীযুক্ত রামগোপাল ষাঁ ও উকীল শ্রীযুক্ত বিষ্ণুচন্দ্র চট্টোপাধ্যায় মহাশয়দিগের পরিচয় ...	২৩৬
---	-----

ধুবড়ী জেলা-স্কুলের হেড্‌ মাষ্টার শ্রীযুক্ত রামমোহন মিত্র ...	২৩৮
---	-----

শ্রীযুক্ত মোলভি মসিয়ৎউল্লা সাহেব ...	২৩৯
---------------------------------------	-----

### চতুর্থ অধ্যায়

#### ধুবড়ী

ধুবড়ী জেলা-স্কুলের সেকেন্ড মাষ্টারের কার্য করা ...	২৪১
---	-----

বিষয়	পৃষ্ঠা
ধুবড়ীতে বিস্মৃতিকা রোগের প্রকোপ ...	২৪১
ধুবড়ী জেলা-স্কুলের তৎকালের শিক্ষকগণের নাম ...	২৪১
ধুবড়ী জেলা-স্কুলের আমার সময়ের কয়েকটি ছাত্রের নাম ও তাহাদের পরিচয় ...	২৪৫
আসাম-প্রদেশের শিক্ষা-বিভাগের ইনস্পেক্টর জে, উইলসন্ সাহেব বাহাদুরের আমার সম্বন্ধে মত ...	২৪৯

## পঞ্চম অধ্যায়

### নওগাঁ

নওগাঁ হাই-স্কুলের সেক্রেটারি মাষ্টারের কার্যভার গ্রহণ ...	২৫০
১৮৮২ সালে নওগাঁ হাই-স্কুলের প্রবেশিকা পরীক্ষার ফল আশাতীত সন্তোষজনক ও আমার আশা ও মনোবাঞ্ছা পূর্ণ হওয়া ...	২৫৬
নওগাঁ হাই-স্কুলের বৃদ্ধ হেড্ মাষ্টার শ্রীযুক্ত হারানচন্দ্র চট্টোপাধ্যায় মহাশয় সম্বন্ধে কয়েকটি কথা ...	২৫৮
জেলা-স্কুলের হেড্ মাষ্টার ও স্কুল-ডেপুটী ইনস্পেক্টরের পরস্পর সম্বন্ধ ...	২৫৯
নওগাঁর স্কুল-ডেপুটী ইনস্পেক্টর শ্রীযুক্ত হরিমোহন লাহিড়ী মহাশয়ের দোষ ও গুণ এবং উহার আত্মসম্মান জ্ঞান ও নির্ভীকতা ...	২৬১
নওগাঁ সহরের ভদ্রলোকদিগের নাম ও পরিচয় ...	২৬২
জখলা বাঞ্চাসত্রের কর্তা শ্রীযুক্ত রঘুদেব গোস্বামী মহাশয় ...	২৬৩
রায় গুণাভিরাম বড়ুয়া বাহাদুর ...	২৬৩
নওগাঁ জেলা-স্কুলের অবসরপ্রাপ্ত হেড্ মাষ্টার শ্রীযুক্ত জনমেজয় দাশ আসাম-প্রদেশে ইংরাজি শিক্ষার প্রথম পথপ্রদর্শক ...	২৬৪

বিষয়	পৃষ্ঠা
দ্বিতীয়া কন্ঠার জন্মস্থান ও তারিখ ...	২৭১
প্রথম কন্ঠার জন্মস্থান ও তারিখ ...	২৭২
নগাঁর সিভিল সার্জন মহাত্মা ডাক্তার হিউজ ...	২৭২

## ষষ্ঠ অধ্যায়

### ধুবড়ী

গোয়ালপাড়া জেলার স্কুল-ডেপুটি ইনস্পেক্টর ...	২৭৪
ডেপুটি কমিসনার হিথ সাহেব ...	২৭৫
“ “ ড্রাইবার্গ সাহেব ...	২৭২
গোয়ালপাড়া জেলার বন-বিভাগের কর্তা জেলিকো সাহেবের সহিত আমার বাক্যুদ্ধ ও পরে তাঁহার সহিত আমার বিশেষভাবে মিলন ...	২৮৪
চিফ্ কমিসনার সার চার্লস ইলিয়টের সহিত মফঃস্বল ভ্রমণ ও তাঁহাকে আসামীয়া ভাষা পড়ান ...	৩০৬
আসামীয়া ভাষায় পরীক্ষা দেওয়া ...	৩১৮
মফঃস্বলে ভয়ানক অরাক্রান্ত হওয়া ...	৩২৪
দুর্কলতার পরিচয় ...	৩৩৭
ধুবড়ীর ডিষ্ট্রিক্ট ইঞ্জিনিয়ার ক্যান্সি সাহেবের সহিত আমার বিবাদ পরে মিলন ...	৩৪০
১৮৮৫ সনের এপ্রিল মাসে ধুবড়ীতে ভয়ানক অগ্নিকাণ্ড ...	৩৪৪
স্কুল ইনস্পেক্টর সি, বি, ক্লার্ক মহোদয় ...	৩৪৬
মেজর গ্রে ...	৩৬৪
“ ম্যাক্সোয়েল ...	৩৬৮
জি গডফ্রে ...	৩৬৮

বিষয়	পৃষ্ঠা
মধ্য-আসাম-বিভাগের একটিং ডেপুটী ইনস্পেক্টর ...	৩৭২
ধুবড়ীর সব-ইনস্পেক্টর ...	৩৭২
ডেপুটী কমিসনার জি গডফ্রে ...	৩৭৪
১৮৯১ সনের সেন্সস্ কার্ণে চার্জ সুপারিন্টেন্ডেন্ট হওয়া ...	৩৭৬
জলমগ্ন হওয়া ...	৩৭৬
মণিপুর রাজ্যে মাননীয় চিফ্ কমিসনার কুইন্টন্ ও ৪ জন উচ্চপদস্থ সাহেব নৃশংসভাবে হত হন ...	৩৭৮
ডিমাপুর ...	৩৮১

### সপ্তম অধ্যায়

#### কোহিমা

কোহিমা হাই-স্কুলের হেড্ মাস্টার হওয়া ...	৩৮৬
এ ডব্লিউ ডেভিস নাগা হিলের ডেপুটী কমিসনার ...	৩৯১
এসিষ্ট্যান্ট সার্জেন ডাক্তার প্রমথনাথ বন্দ্যোপাধ্যায় ...	৩৯৩
আসামের চিফ্ কমিসনার ওয়ার্ড সাহেবের কোহিমায় গমন ...	৩৯৬
আসামের চিফ্ ইঞ্জিনিয়ার রাইট সাহেব ...	৩৯৬

### অষ্টম অধ্যায়

#### নগাঁ

নগাঁ হাই-স্কুলের হেড্ মাস্টার হওয়া ...	৪০৫
ডিরেক্টর ডাক্তার বুথ্ ...	৪২০

### নবম অধ্যায়

#### তেজপুর

তেজপুর হাই-স্কুলের হেড্ মাস্টার হওয়া ...	৪২৯
---	-----

বিষয়

## দশম অধ্যায়

## ধুবড়ী

ধুবড়ী হাই-স্কুলের হেড্‌ মাষ্টার হওয়া	...	...	৪৭১
ডিরেক্টর হালওয়ার্ড	...	...	৪৮০
ডিরেক্টর সার্প সাহেব	...	...	৪৮৭
বংশতালিকা	...	...	৫০২
পরিশিষ্ট	...	...	৫০৩
Appendix	...	...	৫০৮









শ্রীরামেশ্বর সেন ।

জন্ম—শকাব্দ। ১৭৭২ বঙ্গাব্দ ১২৫৭ ৭ই আষাঢ় বৃহস্পতিবার  
ইং ১৮৫০, ২২শে জুন ।

# আত্মকথিত বা স্মৃতিত জীবন কথা

## প্রথম অধ্যায় ।

পূর্ব পুরুষের বাসস্থান ও কুল পরিচয় ।

মুকং করোতি বাচালং পশুং লজ্জয়তে গিরিম্ ।

যং কৃপা তমহং বন্দে পরমানন্দ মাধবম্ ॥

যং ব্রহ্মা বরুণেন্দ্র ক্রতুমরুতঃ স্তবস্তি দিবৈঃ স্তবৈ

বেদৈঃ সাক্ষপদ ক্রমোপনিষদৈর্গায়স্তি যং সামগাঃ ।

ধানাবস্থিততদ্গতেন মনসা পশুস্তি যং যোগিনো

যশ্চাস্তং ন বিদুঃ হুবা হুরগণা দেবায় তস্মৈ নমঃ ॥

আমাদের আদি বাসস্থান বর্দ্ধমান জেলার কোন অজ্ঞাত পল্লি । বিশেষ অনুসন্ধানে জানিয়াছি যে উক্ত পল্লির নাম বটগ্রাম, উহা কাটোয়ার সন্নিহিত । কেহ কেহ বলেন বর্দ্ধমানের প্রাচীন নাম বটগ্রাম । বগীর হাদ্যে উক্ত পল্লি পরিত্যাগ করার পরে হুগলী জেলার অন্তর্গত হুপ্রসিদ্ধ গুপ্ত-পল্লি বা গুপ্তি-পাড়ার নিকটে শালকুড়ো নামক ক্ষুদ্র গ্রামে আমাদের নূতন বাসস্থান স্থাপিত হয় । ১২৩০ সালের ভীষণ বন্যাতো এই শালকুড়ো গ্রাম জলমগ্ন হওয়ায় এবং মাটির দেওয়াল দেওয়া খড়্গা ঘরগুলি পড়িয়া যাওয়াতে তথা হইতে অন্তর্ভুক্ত আসিতে হয় । এই বন্যাতো গৃহস্থিত সমস্ত দ্রব্যাদি ভাসিয়া যায় । লবনের মধ্যে কয়েক কাহন কড়ি মাত্র ছিল । এই সময়ে আমার

পিতৃদেব ও পিতৃব্যের বয়স নিতান্তই অল্প ছিল। ইতি পূর্বেই আমার পিতামহের মৃত্যু হইয়াছিল। আমার পিতামহী অল্প বয়স্ক পুত্র দুইটাকে সঙ্গে করিয়া কলার ভেলায় করিয়া সাতগাছিয়া গ্রামে তাঁহার কনিষ্ঠ জামাতার গৃহে প্রথমে আসিয়া উপস্থিত হন। আমার পিতামহী অতি স্বাধীন ভাবাপন্ন। তেজস্বিনী মহিলা ছিলেন। জামাতার গৃহে অতি অল্প দিনের জন্তুও আশ্রয় গ্রহণ করা তিনি লজ্জা ও অপমানের বিষয় মনে করিয়া স্তত্রাগড় গ্রামের দক্ষিণ পাড়ায় ঠিক কৃষ্ণকালী তলার অল্প উত্তর দিকে তাঁহার পিত্রালয়ে আসিয়া উপস্থিত হন। আমার পিতামহীর পিতার নাম ছিল ভিখারী ইন্দ্র এবং ভ্রাতার নাম ছিল রামকমল ইন্দ্র। এ সময়ে তাঁহার পিতা বর্তমান ছিলেন না। তাঁহার ভ্রাতার স্ত্রী তাঁহাকে এইরূপ বিপন্নাবস্থায় পতিতা দেখিয়াও তাঁহার ও তাঁহার শিশু পুত্র দুইটির প্রতি সহানুভূতি প্রকাশ করিলেন না বরং কার্বের দ্বারা কতকটা অশ্রদ্ধা প্রকাশ করিলেন। তাঁহার এই অস্বাভাবিক ও অহুদার ব্যবহারে আমার পিতামহী নিতান্তই মর্ম্মাহত হইলেন এবং শিশু পুত্র দুইটাকে অল্প কালের জন্ত তাঁহাদের মাতুলালয়ে রাখিয়া তখনই একটি তৎকালের বাসোপযোগী গৃহ অন্বেষণার্থ বাহির হইলেন। শান্তিপুরস্থ বেঙ্গ পাড়ার মধ্যে একজন ব্রাহ্মণের বাড়ীতে একটি ক্ষুদ্র কুঠরী ভাড়া করিয়া সেই দিনই তাঁহার শিশু পুত্র দুইটাকে সঙ্গে করিয়া বেঙ্গ পাড়ায় সেই ব্রাহ্মণের বাড়ীতে আশ্রয় লইলেন। এই মহদন্তঃকরণ ব্রাহ্মণ ও তাঁহার দয়াবতী পত্নী আমার পিতামহী ও তাঁহার শিশু পুত্র দুইটাকে বিশেষ যত্ন করিতে লাগিলেন। আমার পিতামহী শিশু পুত্র দুইটাকে অবলম্বন করিয়া ও তাঁহাদের সাহায্যে একটি ক্ষুদ্র দোকান সেই ক্ষুদ্র ঘরেই খুলিলেন। তাহাতে তাঁহাদের গ্রাসাচ্ছাদনের সংস্থান হইয়াও তাঁহাদের হস্তে কিছু কিছু পয়সা জমিতে লাগিল।

দুই তিন বৎসর পরে এখন যেখানে মতিগঞ্জ সেই স্থানে একখানি ইটের দেওয়াল দেওয়া চালা ঘর প্রস্তুত করিতে সমর্থ হইলেন। পরে স্বর্গীয় মতিবাবু অর্থাৎ জমীদার উমেশচন্দ্র রায় মহাশয় যখন তাঁহার নিজ নামে গঞ্জ বসাইলেন সেই সময়ে তিনি আমার পিতামহীকে ঐ স্থান পরিত্যাগ করিয়া তাঁহার জমীদারির অন্তর্গত নূতন পাড়া নামক স্থানে (বর্তমান নূতন হাটের উত্তর পশ্চিম অংশে) উঠিয়া আসিতে বাধ্য করেন। এই সময়ের কিছু পূর্বে আমার পিতৃব্যের মৃত্যু হইয়াছিল। আমার পিতামহী অচিরেই নূতন পাড়ায় অপেক্ষাকৃত একটি ভাল বাড়ী প্রস্তুত করাইলেন। আমার পিতামহী দেবী অতি তীক্ষ্ণ বুদ্ধিসম্পন্ন ও পরিশ্রমশীলা মহিলা ছিলেন। এই সময়ে তাঁহার অবস্থার ক্রমেই উন্নতি হইতে লাগিল। আমার পিতৃদেবকে স্তুবোধ, শান্ত, পরিশ্রমী, ধীরপ্রকৃতি ও ধর্ম-ভীরু বুঝা মনে করিয়া অবাচিত ভাবে আমার মাতামহ তাঁহার কনিষ্ঠা কন্যার সহিত আমার পিতৃদেবের শুভ পরিণয় কার্য সম্পাদন করিলেন। আমার মাতামহ নিধন লোক ছিলেন না বরং তৎকালে ধনী বলিয়াই খ্যাত ছিলেন। আমার মাতৃদেবী আমার মাতামহ ও মাতামহীর সর্ব কনিষ্ঠ সন্তান স্ততরাং পিতা মাতার ও ভ্রাতা ভগিনীদিগের বিশেষ আদরের পাত্রী ছিলেন। আমার মাতৃদেবীর যখন তিন মাস মাত্র বয়স তখন আমার জ্যেষ্ঠ মাতুল ও মাতুলানী শ্রীশ্রীজগন্নাথ দর্শনে ৩পুরীধামে যাত্রা করায় আমার মাতামহীও জ্যেষ্ঠ পুত্র ও জ্যেষ্ঠা বধূ মরণ বাঁচনের দেশ ৩পুরীধামে যাইতেছেন দেখিয়া শিশু কন্যাটির মায়া তাগ করিয়া তাঁহাদের সঙ্গে চলিয়া গেলেন। আমার মাতৃদেবী আমার মধ্যমা মাতুলানীর স্তন্য-দুগ্ধ পান করিয়া জীবিতা ছিলেন। এই সময়ের কিছুকাল পূর্বে আমার মধ্যমা মাতুলানীর একটি সন্তান হইয়া মারা পড়িয়াছিল। স্ততরাং সর্বজন পালক শ্রীশ্রীভগবান্ আমার মাতৃদেবীর তৎকালের আহাৰ এই

রূপেই সঞ্চয় করিয়া রাখিয়াছিলেন। স্মতরাগড়ের চড়কতলায় যে হাকিম বাড়ী বলিয়া একটা বাড়ী আছে এবং যে বাড়ীর ছেলে পিলেগণ আজ পর্য্যন্ত হাকিম বাড়ীর ছেলে পিলে বলিয়া সাধারণ লোকের নিকট পরিচিত, আমার মাতামহ স্বর্গীয় ভরতচন্দ্র ইন্দ্র সেই বাড়ীর কর্তা ছিলেন। তৎকালে তাঁহার পারিবারিক ও বৈষয়িক অবস্থা বেশ ভালই ছিল। তাঁহার তখন চারিটা পুত্র, মাধবচন্দ্র, ঈশ্বরচন্দ্র, শ্রীরামচন্দ্র ও বৈকুণ্ঠনাথ ও চারিটা কন্যা বর্তমান। হাকিম বাড়ীর কর্তা বলিলেই তাঁহার বৈষয়িক অবস্থা স্মৃতিত হইল। আমার মাতামহীও বিশ্বাস বাড়ীর কন্যা। তাঁহার পিতার নাম ছিল ভৈরবচন্দ্র বিশ্বাস। তখন আমার পিতৃদেবের অবস্থার বিলক্ষণ উন্নতি হইতেছিল।

তখন আমাদের নূতন পাড়ার বাড়ীতে দুর্গোৎসব আরম্ভ হইয়াছে। আমাদের ঐ বাড়ীর দক্ষিণ ও পশ্চিম দিকে কতকগুলি খেজুর গাছ ছিল। সে গুলির উপস্থিত আমার পিতামহী ও পিতা ভোগ করিতে পাইতেন না। মতিবাবুই তাহার উপস্থিত ভোগ করিতেন। একবার দুর্গোৎসব উপলক্ষে টাপর বাধিবার সময় দুই একটি খেজুর গাছ কাটার প্রয়োজন হইয়াছিল। মতিবাবু কিছুতেই ঐ গাছগুলি কাটিতে দেন নাই। এই অসুবিধা দেখিয়া আমার পিতৃদেব তখন ঐ বাড়ী ত্যাগ করা নিতান্ত আবশ্যক মনে করিয়া আমাদের বর্তমান বাড়ীটা নির্মাণ করাইতে আরম্ভ করিলেন। স্মতরাগড় গ্রামে বাসস্থান নির্মাণ করার প্রবৃত্তি তাঁহার স্বতঃই উপস্থিত হইবার কথা যে হেতু তাঁহার শস্তর মহাশয় ও শাল-কেরা তখন বিলক্ষণ সঙ্গতিপন্ন ও ক্ষমতাপন্ন পুরুষ। যখন আমাদের বর্তমান বাড়ীতে উঠিয়া আসা হয় তখন আমার জ্যেষ্ঠ ভ্রাতা যজ্ঞেশ্বর সেন মাতৃগর্ভে। বর্তমান বাড়ীতেই তিনি ভূমিষ্ঠ হন। তিনিই আমার পিতামাতার প্রথম সন্তান ছিলেন। যখন তিনি

ভূমিষ্ঠ হন তখন আমার মাতৃদেবীর বয়স অনুমান ১৫ বৎসর। আমার মাতৃদেবী সময়ে সময়ে বলিতেন যে তিনি গুজরি পঞ্চম (রৌপ্য পদালঙ্কার) পায়ে দিয়া ষষ্ঠী পূজা করিয়া আসিয়া ছিলেন। দিন দিন আমার পিতৃদেবের বৈষয়িক অবস্থার উন্নতি হইতে লাগিল। ক্রমে তিনি আমাদের বর্তমান বাড়ীতেই একটি গুড়ের কারখানা খুলিয়াছিলেন। এই বাড়ীর দক্ষিণ পূর্বাংশে ২২টি কড়ির একটি পাকা গুদাম ঘর ও দক্ষিণ দিকে ইটের দেওয়াল দেওয়া আনুমানিক ৫০ হাত দীর্ঘ একটি দোচালা ঘর প্রস্তুত করাইয়া ছিলেন। সদর বাড়ীতে একখানি প্রশস্ত চণ্ডীমণ্ডপও ছিল। দরজার দুই পাশে দলিঙ্গ ও সিঁড়িযুক্ত পাকা ঘর ছিল। সে সকল ঘর এক্ষণে আমাদের অবস্থা হীন হওয়ায় বিলুপ্ত হইয়া গিয়াছে। আমরা নিজের আয়ে কোন ঘরই প্রস্তুত করিতে পারি নাই। বরং অনেকগুলি ঘর নষ্ট করিয়া ফেলিয়াছি। আমার পিতামাতার ক্রমে আটটি সন্তান হইয়াছিল। চারিটি পুত্র যজ্ঞেশ্বর, ভুবনেশ্বর, কেদারেশ্বর ও এই হতভাগ্য রামেশ্বর এবং চারিটি কন্যা। আমার পিতৃদেবের জীবদ্দশাতেই তাঁহার জ্যেষ্ঠ পুত্রের ও জ্যেষ্ঠা কন্যার মৃত্যু ঘটিয়াছিল। আমার জ্যেষ্ঠ সহোদরের বিবাহ হইয়াছিল। আমার জ্যেষ্ঠা ভগিনীরও বিবাহ হইয়াছিল। তিনিও অল্প বয়সে সধবাবস্থায় মারা যান। আমার পিতৃদেব আমার মধ্যমা সহোদরার বিবাহ দিবার অল্প দিন পরেই মারা যান। আমি আমার পিতা মাতার ষষ্ঠ সন্তান ও কনিষ্ঠ পুত্র। আমার পিতৃদেব বিলক্ষণ বুদ্ধিমান, বিষয়-বুদ্ধি-সম্পন্ন, কার্যকুশল, সদগুষ্ঠানপ্রিয়, ও ধর্মভীরু ব্যক্তি ছিলেন। তিনি সত্যবাদী, জিতেন্দ্রিয়, ও স্বধর্ম নিরত ছিলেন। তিনি কাহাকেও প্রবঞ্চনা করিতে জানিতেন না।

গুড়ের কারখানায় ব্যাপারীদের নিকট হইতে একটি প্রকাণ্ড হাড়ি করিয়া গুড় মাগিয়া লওয়া হইত। ঐ হাড়ির গলার অল্প

নিম্নে একটা চিহ্ন বা ফরা কাটা থাকিত। হাঁড়ীর মাপ ৮২ সের ছিল। হাঁড়ীটা একটু কাত করিয়া ধরিলেই ৮২ সেরের পরিবর্তে ৮৫ সের গুড় লওয়া যাইত। এইরূপে প্রায় সকলেই ব্যাপারীদিগকে ঠকাইতে চেষ্টা করিতেন ও ঠকাইতেন। আমার পিতৃদেব এইরূপ ব্যবসায়ে অধর্ম হইতেছে দেখিয়া কাঁটা পাল্লায় গুড় ওজন করিয়া লইবার রীতি প্রচলন করেন। তদবধি এই কাঁটাপাল্লা দিয়াই গুড় ওজন করিয়া লওয়া হইতেছে। আমার পিতার নাম ছিল রামধন সেন। আমার বয়স যখন ৭ বৎসর তখন আমার পিতৃ-বিয়োগ ঘটে। স্মরণ্যে আমি আমার সাধু পিতার চরিত্রের অনুকরণ করিবার স্ববিধা হইতে বঞ্চিত হইয়াছিলাম। আমার পিতা প্রত্যহ গঙ্গা স্নান করিতেন। কার্য্যবশে যদি কোন দিন বেলা অবসান প্রায় হইয়া যাইত তাহা হইলেও তিনি গঙ্গা স্নানে বিরত হইতেন না। ৪৫ বা ৪৬ বৎসর বয়সে আমার পিতা লোকান্তর গমন করেন। সজ্ঞানে গঙ্গা স্নান করিয়া ভাদ্র মাসে রাধাষ্টমী দিবসে গঙ্গাতীরে প্রাণত্যাগ করেন। আমার পিতামহী তখনও জীবিতা ছিলেন। আমার পিতার মৃত্যুর ৭ বা ৮ বৎসর পরে ২৫ বৎসর বয়সে আমার পিতামহী সজ্ঞানে গঙ্গা তীরে প্রাণত্যাগ করেন।

আমার পিতার মৃত্যুর পরে তিনি যে কয়েক বৎসর বাঁচিয়াছিলেন, প্রত্যহই অতি প্রত্যাঘে তাঁহার নিজ ভঙ্গ হইবা মাত্রই তিনি রামধন বলিয়া চীৎকার করিয়া উঠিতেন। ইনি বৃদ্ধ বয়সে গো-সেবায় রত ছিলেন। তাঁহার জীবিত কালে আমাদের বাড়ীতে ৩৪টা দুগ্ধবতী গাভী ছিল। প্রত্যেকটাই এক একবারে ১৪ / ৫ করিয়া দুগ্ধ প্রদান করিত। আশ্চর্য্যের বিষয় আমার পিতামহীর অন্তর্দ্বানের সঙ্গে সঙ্গেই আমাদের গাভীগুলিরও অন্তর্দ্বান ঘটিয়াছিল এবং আমাদের বৈজ্ঞানিক অবস্থারও দিন দিন অবনতি হইতে লাগিল। আমার পিতামহীর মৃত্যুও আশ্চর্য্যজনক। পূর্বেই বলিয়াছি আমার পিতামহী অতি

স্বাধীন ভাবাপন্ন, তেজস্বিনী রমণী ছিলেন। এরূপ তেজস্বিনী রমণীর মৃত্যুও যে বিচিত্র হইবে আশ্চর্য্যের বিষয় নহে। আমার পিতামহীর বর্ণ অতি উজ্জ্বল ছিল। তাঁহার বক্ষঃস্থলে ভেলা দিয়া রাম নাম অঙ্কিত ছিল। পীতবর্ণ বক্ষঃস্থলের উপরে কৃষ্ণ বর্ণের রাম নাম লেখা বিলক্ষণ শোভা পাইত। যে বৎসর উড়িষ্যায় ভয়ানক দুর্ভিক্ষ হয় সেই বৎসর, বোধ করি ইংরাজী ১৮৬৬ সালের বাঙ্গলা ১২৭৩ সনের জ্যৈষ্ঠ মাসে পূর্ণিমার দিবসে বেলা প্রায় অপরাহ্ন ২টার সময়ে গঙ্গা তীরে সজ্ঞানে কথা কহিতে কহিতে তিনি দেহ ত্যাগ করিয়া চলিয়া যান।

মৃত্যুর তিন দিবস পূর্বে বেলা ২টার সময় হঠাৎ তিনি বলিয়া উঠিলেন আমাকে গঙ্গাতীরে লইয়া যাও। ইতিপূর্বে তাঁহার সামান্য পেটের পীড়া হইয়াছিল। নাড়ীজ্ঞ ব্যক্তিরূপে এমন কি বেজ পাড়ার স্বযোগ্য চিকিৎসক শ্রীকান্ত রায় মহাশয়ও তাঁহার হাত দেখিয়া বলিলেন যে তীরস্থ করিবার মত তাঁহার কিছুই হয় নাই। আর একটা কথা এখানে লিপিবদ্ধ করা আবশ্যিক। আমার পিতাকে যখন গঙ্গাতীরস্থ করা হইয়াছিল তখন আমার পিতামহী আমার পিতাকে বলিয়াছিলেন যে রামধন তুইত চলিয়া যাইতেছিস, আমাকে কে গঙ্গায় দিবে। বাবা সেই সময় বলিয়াছিলেন যে রমানাথ থাকিল, সেই তোমাকে গঙ্গায় দিবে। রমানাথ নাগ আমার মাতৃশ্রম পুত্র ছিলেন এবং আমার পিতার গুড়ের কারখানায় প্রধান কর্মচারী ছিলেন। রমানাথ আমার পিতার মৃত্যুর পরে কয়েক বৎসর আমাদের কারখানায় কাব্য করিয়া ছিলেন এবং আমাদের ব্যবসায়ের ক্ষতি করিয়া ও তহবিল ভাঙ্গিয়া নিজে একটা অল্পায়তনের গুড়ের কারখানা খুলিয়া ছিলেন এবং আমাদের কার্য্যত্যাগ করিয়া চলিয়া গিয়াছিলেন। এজন্ত তাঁহার সঙ্গে আমার মধ্যম সহোদর ভবেন্দ্রের বিবাদ হইয়াছিল এতদূর বিবাদ হইয়াছিল যে পরস্পরের মুখ দেখাদেখি পর্য্যন্ত ছিল না। আমার পিতামহী যখন গঙ্গাতীরস্থ হইতে চান তখন আমার মেজ



দাদাকে বলিলেন, ভুবন, তোর দাদা রমানাথের সঙ্গে আর বিবাদ রাখিস না।

এই বলিয়া রমানাথকে ডাকিয়া পাঠাইলেন। বুড়ী ডাকিতেছে শুনিয়া রমানাথ আর বাড়ীতে থাকিতে পারিলেন না। তৎক্ষণাৎ আমাদের বাড়ীতে আসিলেন। তাঁহার বাড়ী ও আমাদের বাড়ীর মধ্যে একটি সদর রাস্তা মাত্র ব্যবধান। রমানাথ আসিবা মাত্র আমার পিতামহী বলিলেন “রমানাথ তোর মেসো মরণকালে কি বলিয়া গিয়াছিল। তুই আমাকে গঙ্গায় দিবি না?” রমানাথ বলিলেন “অবশ্যই দিব”। এখন তাঁহাকে তীরস্থ করিবার আয়োজন হইতে লাগিল। তখনই রামলাল স্ত্রীধর আসিয়া একখানি খাট তৈয়ার করিয়া দিল। সকল লোকেই বলিতে লাগিল বুড়ী পাগলী হইয়াছে। অনর্থক সকলকেই ভোগাইবে। আমাদের গ্রামের প্রধান প্রধান লোক যথা স্বর্গীয় বিষ্ণুচন্দ্র রায় মহাশয়, মহাদেব নন্দী, শ্রীরামচন্দ্র ইন্দ্র, আমার মেজ দাদার শ্বশুর গঙ্গাধর নন্দী ও আমার শ্বশুর দীননাথ ইন্দ্র মহাশয় প্রভৃতি আসিয়া তাঁহাকে তীরস্থ করিতে বারবার নিবেদন করা সত্ত্বেও তিনি কিছুতেই নিবৃত্ত হইলেন না। সংকীর্ণনের দল ডাকিতে লোক পাঠান হইল। কিন্তু আমার পিতামহীর গঙ্গাতীরে যাইবার ইচ্ছা তখন এতই প্রবল হইয়াছিল যে তিনি সংকীর্ণনের দলের জন্ত অপেক্ষা করিতে দিলেন না। বলিলেন, তোমরা হরিনাম করিতে করিতে আমাদের লইয়া চল।

তাঁহার কথা অনুসারেই কার্য্য করা হইল। তখনই গঙ্গাতীরে তাঁহাকে লইয়া যাওয়া হইল। গঙ্গাতীরে অর্থাৎ আমাদের গড়ের ঘাটে লইয়া যাওয়া হইল। ঘাটে গিরিধর কুণ্ডুর সজ্জানীয় ঘর এবং মুদিখানার দোকান ছিল। খেওয়া ঘাটের একখানি ঘরও ছিল। এখন পস্তির বা পয়োস্তির ধারে যে একটি বড় অশথ বৃক্ষ দৃষ্ট হয় তখন সেই স্থানেই গঙ্গা প্রবাহিতা ছিলেন। গঙ্গাতীরে লইয়া যাওয়ার পরে তাঁহার

খাটখানি গঙ্গার ধারে নামান হইয়াছিল। তিনি খাটের উপরে উঠিয়া বসিয়া গঙ্গাদেবীকে করযোড়ে প্রণাম করিলেন। তৎপরে বলিলেন যে এখন আমাকে সজ্জনীয় ঘরের মধ্যে লইয়া গিয়া রাখ। তাহাই করা হইল। সে রাত্রিটা গেল, তাহার পর এক অহোরাত্রি গেল। তৃতীয় দিবসে বেলা অল্পমান ২টার সময়ে বলিলেন যে আমাকে ঘরের বাহির করিয়া গঙ্গার কুলে লইয়া চল। ইতি পূর্বেই আমার কনিষ্ঠা পিসীমা তাঁহাকে একটি পাকা আম খাওয়াছিলেন। ঘাটে তখন আমি ছিলাম, আমার ভগিনীপতি মথুরামোহন ইন্দ্র, আমার ছোট মাঝা বৈকুণ্ঠনাথ ইন্দ্র আমার দুই পিসীমা ও মাতাঠাকুরাণী ছিলেন। আমার মধ্যমাগ্রজ ভুবনেশ্বর সেন বাড়ী আসিয়া আহালাদি করিয়া নিদ্রা-স্থানান্তর করিতে ছিলেন। আমার তৃতীয়াগ্রজ কেদারেশ্বর ধান কিনিতে বাদায় গিয়াছিলেন। স্ততরাং তিনি দেশে ছিলেন না। আমি বলিলাম এখন ঘরের বাহিরে ভয়ানক রৌদ্রের তাপ। এখন বাহির করার প্রয়োজন নাই।

তাহাতে তিনি উত্তর করিলেন যে যেদিন আমাকে এখানে আনিয়া-ছিল সেদিন গঙ্গার ধারে একখানা নৌকায় গাবের রং দেওয়া হইতেছিল। যদি সে নৌকাখানি এখনও তথায় থাকে তবে তাহার পাশে ছায়া আছে। অথবা ঘরের পিছনে ছায়া আছে। আমাকে ঘরের মধ্যে রাখিও না। বাস্তবিক নৌকাখানি তখনও সেই স্থানেই ছিল। তাঁহাকে খাটে করিয়া ঘরের বাহির করিয়া নৌকা খানির পার্শ্বে লইয়া যাওয়া হইল। খাটের উপরে বসিয়া করযোড়ে তিনি ভক্তিভরে গঙ্গাদেবীকে প্রণাম করিয়া যেমন বালিশের উপরে মাথা রাখিতে গেলেন, অমনিই তাঁহার চক্ষুদ্বয় উন্টাইয়া গেল। খাটের উপর হইতে নামাইয়া তাঁহাকে অন্তর্জালী করিয়া দুই চারিবার তাঁহার কাণের নিকট হরিনাম উচ্চাচরণ করিতে করিতেই তাঁহার প্রাণবায়ু বহির্গত হইয়া গেল। এটা কি আশ্চর্য মৃত্যু নহে?

ব্যবসায়ের উল্লেখ করাতে স্পষ্টই প্রকাশ করা হইয়াছে যে আমি মোদক কুল সম্ভূত। তবে মধু মোদক, নাপিত মোদক, বা কুরী মোদক নহি। আমরা জাতিতে মোদক। এইজন্ত আমরা জাতি মোদক বলিয়া পরিচয় দিয়া থাকি। ব্যবসায়ের জন্ত মোদক নহি। শাস্তিপুত্রের মিউনিসিপ্যাল স্কুলের হেড মাস্টার শ্রীমান্ বিষ্ণেশ্বর দাস তাঁহার “কার্তিক চরিত” নামক পুস্তকে মোদক জাতিকে শূদ্র বা বর্ণসঙ্কর জাতি বলিয়া উল্লেখ করিয়াছেন। তাঁহার সহিত আমার একমত্য হয় না। শ্রীশ্রীভগবান্ শ্রীকৃষ্ণ স্বয়ং শ্রীমদ্ভগবদ্গীতার ৪র্থ অধ্যায়ের ত্রয়োদশ শ্লোকে বলিয়াছেন।

“চাতুর্কণ্যং যয়া সৃষ্টং গুণ কৰ্ম বিভাগশঃ।

তস্ম কৰ্ত্তারমপি মাং বিদ্যাকৰ্ত্তার মব্যয়ম্ ॥”

অর্থাৎ আমি গুণ ও কর্মের বিভাগ দ্বারা চাতুর্কণ্য সৃষ্টি করিয়াছি (সত্য কিন্তু) তাহার কৰ্তা হইলেও বস্তুতঃ আমায় অব্যয় এবং (আসক্তি শূন্যতাবশতঃ) অকৰ্তা জানিও ॥ সমুদ্রপ্রধান ব্রাহ্মণ, সমুদ্রজঃ প্রধান ক্ষত্রিয়, রজস্বলঃ প্রধান বৈশ্য, তমঃ প্রধান শূদ্র। পুনরায় অষ্টাদশ অধ্যায়ের ৪১, ৪২, ৪৩ ও ৪৪, শ্লোকে বলিতেছেন—

“ব্রাহ্মণ ক্ষত্রিয়বিশাং শূদ্রাণাঞ্চ পরস্তপঃ।

কৰ্ম্মণি প্রবিভক্তানি স্বভাবপ্রভবৈশ্বৈঃ ॥

শমোদমস্তপঃ শৌচং ক্ষান্তিরাজবমেবচ।

জ্ঞানং বিজ্ঞানমাস্তিক্যং ব্রহ্মকৰ্ম্ম স্বভাবজম্ ॥

শৌধ্যং তেজোগতির্দার্ষ্যং যুদ্ধে চাপ্যপলায়নম্।

দানগীশ্বরভারশ্চ ক্ষাত্ৰং কৰ্ম্ম স্বভাবজম্ ॥

কৃষিগোরক্ষা বাণিজ্যং বৈশ্যকৰ্ম্ম স্বভাবজম্।

পরিচর্য্যাশ্রকং কৰ্ম্ম শূদ্রাশ্রাপি স্বভাবজম্ ॥

হে পরস্তপ ব্রাহ্মণ, ক্ষত্রিয়, বৈশ্য এবং শূদ্রগণের কর্ম সকল পুঙ্খ অল্প সংস্কারজাত গুণদ্বারা বিশেষরূপে বিভক্ত। শম, দম,

তপশ্চা, শৌচ, ক্ষমা; সরলতা জ্ঞান, বিজ্ঞান, ও আন্তরিক্য ব্রাহ্মণদিগের স্বভাবজ কর্ম। শৌর্য, তেজ, ধৃতি, দক্ষতা, যুদ্ধে অপলায়ন (দূঢ় প্রতিজ্ঞা), দান ও ঈশ্বরভাব এইগুলি ক্ষত্রিয়দিগের স্বভাবিক কর্ম। কৃষি গো পালন এবং বাণিজ্য বৈশ্যদিগের স্বভাবজ কর্ম এবং পরিচর্যাশ্রম কর্ম শূদ্রদিগের স্বভাবজ।

## মোদক জাতির বৈশিষ্ট্য প্রতিপন্ন করণ ও উহাদের চারি আশ্রমের কথা।

মোদকজাতি প্রধানতঃ যে ব্যবসায়ের দ্বারা জীবিকা অর্জন করিয়া থাকেন, তাহাকে ত পরিচর্যাশ্রম কর্ম বলা যাইতে পারে না। বরং তাঁহাদের ব্যবসায় বৈশ্যের ব্যবসায়। বর্দ্ধমান, বাঁকুড়া, বীরভূম, মেদিনীপুর প্রভৃতি জেলার মোদকগণের প্রধান ব্যবসায় কৃষি ও বাণিজ্য। সুতরাং মোদকগণের ব্যবসায় দ্বারা সূচিত হইতেছে যে ইহারা বৈশ্য। ইহাদের মিস্ট্রান প্রস্তুতকরণ ও উহা বিক্রয় করণ কার্য্য কিছুতেই পরিচর্যাশ্রম কার্য্য নহে। যদি ইহাদের এই কার্য্যকে পরিচর্যাশ্রম কর্ম বলা যায়, তাহা হইলে সকল ব্যবসায়ই পরিচর্যাশ্রম কর্ম হইয়া পড়ে। শ্রীমদ্ভগবদগীতা হইতে উদ্ধৃত শ্লোকগুলি হইতে স্পষ্টই বুঝা যাইতেছে যে মোদক জাতি শূদ্র বা বর্ণসঙ্কর নহেন বরং ইহাদিগকে ক্ষত্রিয় জাতির অন্তর্গত করা যাইতে পারে। আমার পূর্বপুরুষেরা বর্গীর হাঙ্গামে বর্দ্ধমান জেলা হইতে উঠিয়া আসিয়াই হুগলি জেলায় অবস্থিতি করিয়াছিলেন পূর্বেই উক্ত হইয়াছে। সুতরাংগড়ের সমস্ত মোদকেরই আদি বাস বর্দ্ধমান বা হুগলি জেলায় ছিল। কেহ আমাদের পরিচয় জিজ্ঞাসা করিলে আমরা বলিয়া থাকি আমরা জাতি মোদক, রাঢ় আশ্রম, স্থান বর্দ্ধমান, শিবদাসের সন্তান। জাতি মোদক চারি আশ্রম বা শাখায় বিভক্ত যথা—রাঢ়, মোঢ় বা ময়ূর, ধর্মস্বত ও অজা বা অজাউৎ। আমার বিশ্বাস রাঢ়

দেশে বাস করার জন্ত এক শ্রেণীর নাম হইয়াছে রাঢ়, ময়ূরাক্ষি নদী প্রবাহিত স্থানে ষাঁহার বাস করিয়াছিলেন তাঁহাদের নাম হইল মোড়, ষাঁহার প্রধানতঃ ধর্মপূজা করিতেন তাঁহারাই হইলেন ধর্মসূত, আর ষাঁহার ধর্মপূজায় পৌরোহিত্য ও শাস্ত্রালোচনা করিতেন তাঁহারাই হইলেন অজ্ঞা। কেহ কেহ বলেন যে শব্দটা অজ্ঞা নহে, ওঝা (পণ্ডিত) ওঝা শব্দের অর্থ পণ্ডিত যেমন কীর্ত্তিবাস ওঝা বা কীর্ত্তিবাস পণ্ডিত (বাংলা ভাষায় রামায়ণ গ্রন্থ প্রণেতা) এই চারি শ্রেণীর বা আশ্রমের মোদকগণ এক মূল আদি পুরুষের সন্তান বলিয়া প্রতীতি হয়। বাসস্থান, বৃত্তি ও কার্য্য ভেদে ইহাদের ভিন্ন ভিন্ন আশ্রম হইয়াছে। যেমন দেখিতে পাই স্থান বিশেষে বাস করার জন্ত ব্রাহ্মণদিগের মধ্যে রাঢ়ী ও বারেন্দ্র শ্রেণী হইয়াছে। রাঢ় অঞ্চলে ষাঁহার বাস করিয়াছিলেন তাঁহারাই হইলেন রাঢ়ী ও বারেন্দ্রভূমে ষাঁহার বাস করিয়াছিলেন তাঁহারাই হইলেন বারেন্দ্র এইরূপ কায়স্থদিগের মধ্যে দেখিতে পাই উত্তর রাঢ়ী, দক্ষিণ রাঢ়ী, বারেন্দ্র ও বঙ্গজ।

মানভূম্ ও সিংহভূম্ জেলার কোন কোন স্থানের মোদকগণের মধ্যে ধর্মপূজার আধিক্য এখনও দেখা যায় এবং তাঁহারাই নিজেই ঐ পূজায় পুরোহিতের কার্য্য করেন। আমার বিলক্ষণ মনে আছে যে আমার জ্যেষ্ঠ শ্রালক সনাতন ইন্ডের যখন প্রথম বিবাহ সূত্চর নিবাসী নন্দলাল নাগের কন্যার সহিত হইয়াছিল তখন সূত্চরের কুটুম্বগণের সহিত ঘটনাক্রমে মানভূম্ জেলার দুই তিন জন কুটুম্ব আমার স্বস্তর দীননাথ ইন্ড মহাশয়ের বাড়ীতে আসিয়া উপস্থিত হইয়াছিলেন।

তাঁহাদের সঙ্গে শিলাময়ী ধর্মঠাকুরের প্রতিমূর্ত্তি ছিলেন এবং তাঁহারাই নিজেই ঐ ঠাকুরের পূজা করিয়াছিলেন। লাউসেনের রাজত্বকালে রাঢ়ে ধর্মপূজার বিশেষ প্রাবল্য হইয়াছিল। বীরভূম হইতে আরম্ভ করিয়া কাঁথি পর্য্যন্ত প্রায় সকল স্থানেই ধর্মপূজার প্রচলন হইয়াছিল। শূন্ত পুরাণের এক অদ্বিতীয় ব্রহ্মই ধর্মঠাকুর রূপে পূজিত

হইয়াছিলেন। এই পূজায় যে কোন ব্যক্তি পুরোহিতের কার্য্য করিতে পারিতেন। এমন কি ডোমও পুরোহিতের কার্য্য করিত প্রমাণ পাওয়া যায়।

অজ্ঞাশ্রম বা অজাউৎ সম্বন্ধে আমার মনে আর একটা কথা উপস্থিত হয়। “অজ্ঞ” শব্দের অর্থ যাহার জন্ম নাই সুতরাং অজ্ঞ শব্দেও এক অনাদি অনন্ত ব্রহ্মকেই বুঝায়। আমার বিশ্বাস অজাউৎ ও ধর্ম্মসূত এক অদ্বিতীয় ব্রহ্মের উপাসক।

আত্মকাহিনী বলিতে গিয়া অনেক অবাস্তব বিষয়ের উল্লেখ করিতে বাধ্য হইলাম। ভরসা করি তজ্জন্ত উদার চিত্ত পাঠকগণ আমাকে ক্ষমা করিবেন। মোদক নাম গুনিয়াই অনেকেই নাসিকা কুণ্ডল করিয়া থাকেন এবং এই সদাচারী জাতিকে ঘৃণার চক্ষে দর্শন করেন। আমার নিজের জীবনের একটা ঘটনা হইতে স্থানান্তরে দেখাইব যে আমি কোন একস্থানে মোদক বলিয়া পরিচয় দিবামাত্রই কিরূপ ব্যবহার পাইয়া মর্মান্বিত হইয়াছিলাম।

### জন্ম বিবরণ।

এক্ষণে আমার জন্মকাহিনী বলিতে প্রবৃত্ত হইলাম। শকাব্দা ১৭৭২ বঙ্গাব্দ ১২৫৭ ৭ই আষাঢ় ইং ১৮৫০ ২২শে জুন তারিখে বৃহস্পতিবারে শুক্রা একদশী তিথিতে ও স্বাতী নক্ষত্রে আমাদের বর্তমান স্মতরাগড়স্থ বাটীতে আমি জন্মগ্রহণ করি। আমার পিতার নাম রামধন সেন ও মাতার নাম বিধুমুখী দাসী। আমি আমার পিতামাতার ষষ্ঠ সন্তান এবং কনিষ্ঠ পুত্র।

আমার কনিষ্ঠ পিতৃদেহা স্বামী শঙ্কু চন্দ্র নাগ অপুত্রক ছিলেন। তাঁহার প্রথম পক্ষের জ্যেষ্ঠ গর্ভে দুইটা মাত্র কন্যা জন্মিয়াছিল। উক্ত কন্যাদ্বয়ের পৌত্রেরা এখনও বর্তমান। একটা কন্যার পৌত্র শান্তিপুত্র নিবাসী ত্রীযুক্ত হাজারী লাল সেন ও অপরটির পৌত্র স্মতরাগড় নিবাসী

শ্রীযুক্ত তারাপদ ইন্দ্র। তাঁহার প্রথমা জ্বর বিয়োগ হওয়ার পরে তিনি আমার কনিষ্ঠা পিসীমাতাকে বিবাহ করেন। আমার পিসীমা দুর্ভাগ্যক্রমে বন্ধ্যা ছিলেন। এজন্ত তাঁহার সন্তান জন্মে নাই। আমার জন্মের পূর্বেই তিনি আমার পিতাকে বলিয়া রাখিয়াছিলেন যে এবারে তোমার পুত্র হইলে সে পুত্রটিকে আমায় দিতে হইবে। আমার পিতাও তাহাতে সম্মতি প্রকাশ করিয়াছিলেন। সুতরাং আমার জন্মের পরেই আমার পিসে মহাশয় ও পিসী মাতাঠাকুরাণী আমাকে লইবেন বলিয়া আগ্রহ প্রকাশ করেন। আমার পিসে মহাশয়ের পূর্ব নিবাস বর্দমান জেলার অন্তর্গত সাতগাছিয়া গ্রামে ছিল। পুরাতন সাতগাছিয়া গ্রাম এক্ষণে কালচক্রে গঙ্গার এই পারে অর্থাৎ আমাদের পারে আসিয়া পড়িয়াছে। তিনি সাতগাছিয়ার বাটী পরিত্যাগ করিয়া সুতরাগড় গ্রামে আসিয়া বাস করেন। আমাকে লইবার জন্তই তাঁহার এখানে উঠিয়া আসা। শ্রীমান্ কাহ্নিক চন্দ্র দাসের বর্তমান বসতি বাটীই তাঁহার বাটী ছিল। আমার পিসে মহাশয় ঐ বাড়ীটী এক গন্ধ বণিকের নিকট হইতে কিনিয়াছিলেন। ঐ গন্ধ বণিকের নাম ছিল দাশরথী। লোকে উহাকে দেশোপেত্বে বলিত। কাহ্নিক চন্দ্রের পিতা আমার পিসে মহাশয় বা আমার পিসীমার নির্ম্মিত পুরাতন ঘরগুলি ভাঙ্গিয়া ফেলিয়া, বর্তমান অট্টালিকা নির্মাণ করিয়াছিলেন। ক্রমে যখন আমার বয়স তিন বা চারি বৎসর হইল তখন আমার পিসে মহাশয় আমাকে পোস্ত পুত্ররূপে গ্রহণ করিবার জন্ত ইচ্ছা প্রকাশ করিলেন। আমাদের পুরাতন কাগজ পত্রের মধ্যে দেখিয়াছি যে আমাকে পোস্ত-পুত্র গ্রহণ করিবেন বলিয়া দলিল আদি লিখিত হইয়াছিল। কিন্তু আমার পিতা আমাকে গোত্রান্তর করিয়া পোস্ত পুত্ররূপে আমার পিসে মহাশয়কে দিতে পরে সম্মত হন নাই। সুতরাং আমাকে সেন উপাধি পরিত্যাগ করিয়া নাগ উপাধি গ্রহণ করিতে হয় নাই। আমাকে পোস্ত পুত্ররূপে না পাইলেও আমার পিসে মহাশয়ের আমার প্রতি স্নেহের লাঘব হয় নাই। তিনি যতদিন

জীবিত ছিলেন, ততদিনই আমাকে আন্তরিক স্নেহ করিতেন ও আমার সমস্ত ব্যয় তিনি যোগাইতেন। আমি তাঁহাকে কষ্টা বলিয়া সম্বোধন করিতাম। আমার পিসে মহাশয়ের মৃত্যুর পরেও আমার পিসী মাতা-ঠাকুরাণী আমাকে পুত্র নির্বিশেষে প্রতিপালন করিয়াছিলেন এবং তিনি আমার বস্ত্রাদির ও শিক্ষার ব্যয় বহন করিয়াছিলেন। আমার বিবাহের ব্যয়ও তিনি যোগাইয়াছিলেন। আমার পিসীমাতাঠাকুরাণীর নাম ছিল ভগবতী দাসী। আমার পিসে মহাশয় ও পিসীমাতার জীবন হইতে আমি বাল্যকালে অনেক শিক্ষা লাভ করিয়াছিলাম। ইহারা দুই স্বামী স্ত্রী আদর্শ নরনারী ছিলেন বলিলে অত্যুক্তি হইবে না। এইস্থানে তাঁহাদের বিষয় সংক্ষেপে কিছু বর্ণনা না করিলে আমার আত্মকাহিনীই বলা হইবে না। সুতরাং এ বিষয়ে পাঠকবর্গের সাহুগ্রহ সম্মতি ভিক্ষা করিতেছি। আমি এ বিষয়ে তাঁহাদের ক্ষমার ভিখারী। ইহাদের চরিত্রই আমার জীবনের উপর বিশেষভাবে কার্য্য করিয়াছিল এবং জীবনের গতি ফিরাইয়া দিয়াছিল।

আমার পিসে মহাশয়ের সাতগাছিয়ার বাড়ীটি দ্বিতলগৃহ ছিল। বাড়ীর সম্মুখে ঠিক পূর্বদিকে তাঁহার নিজ প্রতিষ্ঠিত শিবলিঙ্গের মন্দির ছিল। এই বাড়ীটি তিনি তাঁহার গুরুবংশ সম্বৃত্ত দামোদর গোস্বামী মহাশয়কে দান করিয়া আসিয়াছিলেন। গোস্বামী মহাশয় ঐ বাড়ীতে কিছুকাল বাস করার পরে আমার পিসে মহাশয়ের সুতরাগড়ের নূতন বাটীতে একদিন আসিয়া তাঁহাকে বলিলেন “দাদা তোমার বাড়ী তুমি ফিরাইয়া লও। আমি তোমার ঐ বাড়ীতে বাস করিলে আমার পৈতৃক বাড়ীটি নষ্ট হইয়া যাইবে।” গোস্বামী মহাশয় আমার পিসে মহাশয়কে দাদা বলিয়া ডাকিতেন। আমার পিসে মহাশয় তদন্তরে তাঁহাকে বলিলেন যে ভাই আমি বাড়ীটি তোমাকে দান করিয়াছি। দত্তবস্ত্র আবার কেমন করিয়া ফিরাইয়া লইব। পরে স্থির হইল যে কিছু মূল্য দিয়া ঐ বাড়ীটি তিনি কিনিয়া লইতে পারেন। তদনুসারেই কার্য্য



হইল। আমার জ্যেষ্ঠা পিসীমা সন্তান সন্ততি বিহীন। বিধবা ছিলেন। তাঁহাকে তখন ঐ বাড়ীতে পাঠাইয়া দেওয়া হইল। তিনি তথায় থাকিয়া শিবের সেবা করিতে লাগিলেন।

গুরুদেবের বাড়ীতে আমার পিসে মহাশয় একটা অষ্টকোণ অতি সুন্দর রাসমঞ্চ ও একটা দোলমঞ্চ করিয়া দিয়াছিলেন এবং তাঁহার গুরুদেবের বাড়ীতে শ্রীশ্রীজগন্নাথ দেবের জন্ম-একখানি অতি সুন্দর কাঠময় পাঁচচুড়ার রথ প্রস্তুত করিয়া দিয়াছিলেন। বাল্যকালে আমি আমার পিসীমার সহিত তাঁহাদের সাতগাছিয়ার বাড়ীতে যাইয়া রথের সময়ে দশদিন অতি আনন্দে কাটাইয়া আসিতাম। তাঁহার ও আমাদের গুরুদেবের যুবা ও শিশু পুত্রকন্যাগণ রথের সময়ে কয়দিন বড়ই আমোদ আহ্লাদ করিতেন এবং প্রতিদিন বিশেষতঃ প্রথম রথের ও পুনর্ঘাট্রার দিন অতি সমারোহে নগর কাঁর্তন করিয়া তাঁহাদের প্রতিষ্ঠিত ৩৭৮৮৮ গোপালজীকে হাওদায় তুলিয়া নিজেরা স্কন্ধে করিয়া গ্রাম পরিভ্রমণ করিতেন। সাতগাছিয়ায় বাস করার কালে আমার পিসে মহাশয় প্রতি বৎসর দোল ও দুর্গোৎসব করিতেন। আমার পিসে মহাশয়ের মৃত্যুর পরেও আমার পিসী মাতাঠাকুরাণী আট দশ বৎসর রথের সময়ে সাতগাছিয়ার বাড়ীতে যাইয়া রথের কয়দিন থাকিতেন ও রথের উৎসবে যাহা ব্যয় হইত তাহা সমস্তই গোস্বামী প্রভুদিগকে দিতেন। পরে ঐ রথখানি একবারে ভগ্ন হইয়া গেলে অর্থাৎ উহার জীর্ণ সংস্কার অসম্ভব হইয়া পড়িলে রথের উৎসবটি বন্ধ হইয়া যায়।

আমার পিসে মহাশয়ের মৃত্যু সন্ধ্যাে এখানে কয়েকটা কথা বলা আবশ্যক। কোন এক বৎসর মাঘ মাসে (সন তারিখ স্মরণ হয় না) আমার পিসে মহাশয় জ্বরাক্রান্ত হন। জ্বরাক্রান্ত হওয়ার কয়েক দিন পরে তাঁহার গুড়ের কারখানার অভয়াচরণ দে নামক একজন কর্মচারীকে ডাকিয়া বলেন যে তোমাদের দপ্তরটা লইয়া আইস। দপ্তরটা আনা হইলে তিনি খাতা পত্র দেখিয়া বলিলেন যে আমি যত

গুড় খরিদ করিয়াছি তাহার দলুয়া ও চিটা আদি প্রস্তুত হইলে, আর যদি তোমরা গুড় খরিদ না কর, তাহা হইলে তোমাদের ৫০০ টাকা লাভ হইবে। এখন আমার সময় ঘনাইয়া আসিয়াছে। আমাকে গঙ্গা তীরস্থ কর। এই বলিয়া তাঁহাকে তীরস্থ করিবার আয়োজন করিতে বলিলেন। তাঁহার প্রথমা স্ত্রীর গর্ভজাতা কনিষ্ঠা কন্যা তখন বলিলেন আমি বাবা তোমাকে যাইতে দিব না। তাহাতে তিনি রোষ প্রকাশ করিয়া বলিলেন যে বেটি তুই আমাকে চির কালই জ্বালাতন করিয়া আসিতেছিস্ এখন মৃত্যুর সময়েও জ্বালাতন করিতে লাগিলি। এই বলিয়া আমার পিসীমাকে ডাকিয়া বলিলেন তোমার মেয়েকে ৫০০ টাকা দিও।

অতঃপর তিনি হরিনামাবলি খানি স্কন্ধে দিয়া নিজে হাঁটিয়া ঘর হইতে বাহির হইয়া আসিয়া খাটের উপর শুইলেন এবং স্ব-জাতি বেহারাদিগের স্কন্ধে উঠিয়া গঙ্গাতীরে যাত্রা করিলেন। গড়ের ঘাটে সজ্জানীর ঘরে লইয়া গিয়া তাঁহাকে রাখা হইল। ও দিকে সাতগাছিয়া হইতে তাঁহার গুরুপুত্র, গঙ্গাধর গোস্বামী এবং পূর্বোক্ত দামোদর গোস্বামী প্রভৃতি গোস্বামী প্রভুরা ও তাঁহার বন্ধু বান্ধবেরা এ পারে আসিয়া বলিলেন সে কি তুমি এ পারে মরিবা কেন ও পারে তোমার জন্মভূমি ও তোমার নিজের বাটী রহিয়াছে, তথায় চল। তথায় যাইয়া দেহ ত্যাগ করিবা। এই বলিয়া সকলে উত্তোষ করিয়া নৌকা ষোগে তাঁহাকে সাতগাছিয়ায় লইয়া গেলেন। তখন তাঁহার সাতগাছিয়ার বাড়ীটি গঙ্গার ভাঙ্গনে, গঙ্গাতীরের খুব নিকটস্থিত হইয়াছে। সাতগাছিয়ার বাড়ীতে গিয়া তিনি এক বা দুই রাত্রি বাস করিয়াছিলেন। তীক্ষ্ণাষ্টমীর দিবসে তিনি প্রাতঃকালে আমার পিসী মাতাকে বলিলেন আজ মদন গোপালজীর খিচুড়ী ভোগ দিবার আয়োজন কর। তদ্রূপ আয়োজন তখনই হইল। মদন গোপালজীর ভোগ হইয়া গেলে খিচুড়ী প্রসাদায় তাঁহার জন্ম আনীত হইল। ঐ প্রসাদ ভোজন করিতে করিতে তিনি দেহত্যাগ

করিয়া চলিয়া গেলেন। সাতগাছিয়ায় তখন তাঁহার সহোদর ভ্রাতা রামধন নাগ ও তাঁহার চারি পুত্র বলাই, কানাই, রামলাল ও শ্রামলাল পৃথক্ বাড়ীতে বাস করিতে ছিলেন। সাতগাছিয়া হইতে পরে তাঁহারাও স্ত্রতরাগড়ে উঠিয়া আসিয়াছিলেন। সাতগাছিয়ার বাড়ীতেই তাঁহার শ্রাদ্ধাদি কার্য্য মহা সমারোহে সম্পন্ন হইয়াছিল। শিবের মন্দিরটী কালচক্রে আবর্তনে গঙ্গার গর্ভশায়ী হইয়া এখন বর্তমান মেথিডাঙ্গার নিকটে আসিয়া পড়িয়াছে। তাহার ধ্বংসাবশিষ্ট হুই একখানি ইষ্টক অহুসন্ধান করিলে এখনও মেথিডাঙ্গায় পাওয়া যাইতে পারে। মন্দিরটী গঙ্গার গর্ভে পতিত হইবার পূর্বেই শিবলিঙ্গটীকে গোস্বামী প্রভুরা উঠাইয়া রাখিয়াছিলেন। বার বৎসর পরে ঐ শিবলিঙ্গটী পুনরায় প্রতিষ্ঠিত হন। আমার পিসীমাই উঁহার পুনঃ প্রতিষ্ঠা কার্য্য সম্পন্ন করেন। ঐ শিবলিঙ্গটী অজ্ঞাপি তাঁহার পুরোহিত রামগোপাল হালদার মহাশয়ের বাটীতে একটা ক্ষুদ্র গৃহে অবস্থিত করিতেছেন।

হালদার মহাশয়ের দৌহিত্র শ্রীযুক্ত তারাপদ ভট্টাচার্য্য এখন ঐ বাড়ীর অধিকারী। প্রতি বৎসর আমি শিবচতুর্দশীর দিনে তাঁহার বাড়ীতে যাইয়া ঐ শিবদর্শন করিয়া তাঁহার পূজার জন্ত যৎকিঞ্চিৎ দিয়া থাকি। শিবের ক্ষুদ্র গৃহটী আমার পিসীমাই নির্মাণ করাইয়া দিয়াছিলেন। আমার পিসীমা যদিও নিরক্ষরা ছিলেন তথাপি সাতকাণ্ড রামায়ণের ও অষ্টাদশ পর্ক মহাভারতের প্রধান প্রধান ঘটনা ও উপাখ্যানগুলি তাঁহার কণ্ঠস্থ ছিল। আমি বাল্যকালে প্রতি রাত্রিতেই তাঁহার সঙ্গে এক শয্যায় শয়ন করিতাম এবং তাঁহার মুখে রামায়ণ ও মহাভারতের উপাখ্যান গুলি শ্রবণ করিতাম।

## বিদ্যারস ।

৭ বৎসর বয়সের সময়ে সে কালের নিয়মানুসারে গুরুমহাশয়ের পাঠশালায় আমার হাতে খড়ি দেওয়া হয়। চড়কতলার আটচালা ঘরে তখন স্বর্গীয় কৃষ্ণচন্দ্র ভট্টের পাঠশালা বসিত। কৃষ্ণচন্দ্র ভট্ট অতি অমায়িক সর্বজন প্রিয় গুরুমহাশয় ছিলেন। তাঁহারই নিকটে আমার হাতে খড়ি দেওয়া হয়। হাতে খড়ি দিবার সময় গুরুমহাশয়কে একটা সিধা ও নগদ চারি আনা হইতে একটাকা পর্য্যন্ত দক্ষিণা দিতে হইত। পরে তালপাতা হাতে দিতে হইত। তারপরে কলার পাতা হাতে দিতে হইত। পরে কাগজ হাতে দিতে হইত। হাতে খড়ি দিবার সময়ে গুরুমহাশয় রান খড়ি দিয়া মাটির উপরে কিছু ইন্দুরের গর্ভের মাটি ছড়াইয়া দিয়া তাহার উপরে “সিদ্ধিরস্তু” অ, আ, ইত্যাদি অযুক্ত ও যুক্তাক্ষর লিখিয়া পড়ুয়া বা ছাত্রের হাতের মুষ্টির মধ্যে খড়িখানি গুঁজিয়া দিয়া নিজে তাহার হাত ধরিয়া ঐ মাটির উপরে লিখিত অক্ষরগুলির উপর বুলাইয়া দিতেন। এইরূপে কয়েক দিন পড়ুয়া মাটির উপরে দাগা বুলাইয়া অক্ষরগুলি চিনিতে। পরে তালপাতার উপর ছুরির আগা দিয়া অ, আ, ক, খ ইত্যাদি অক্ষরগুলি লিখিয়া দিয়া তাহার উপরে কালী কলম দিয়া পড়ুয়াকে লিখিতে দিতেন।

ক্রমে ক্রমে পড়ুয়া নিজে নিজেই অক্ষরগুলি তালপাতায় লিখিত। এইরূপে অসংযুক্তাক্ষরগুলি পড়ুয়ার শিক্ষা হইলে ফলা বানান ইত্যাদি অর্থাৎ ক, ক্ষ, ইত্যাদি যুক্তাক্ষরগুলি তালপাতার উপরে লিখিতে ও চিনিতে দেওয়া হইত। এইরূপে এক সঙ্গে বর্ণ ও অক্ষরগুলি লিখিতে ও চিনিতে শিক্ষা দেওয়া হইত। শতকিয়া, কড়া, গণ্ডা, বুড়ি, পণ, চৌক, কাঠা, বিঘা ইত্যাদি তালপাতেই লিখিয়া শিক্ষা দেওয়া হইত। পরে পড়ুয়ার হাত একটু বশ, এবং ঐ সমস্ত বিষয়ে তাহার শিক্ষা সমাপ্ত হইলে, তাহার হাতে কলার পাতা দেওয়া হইত।

কলার পাতে পত্রাদি লিখন ও যোগ, বিয়োগ, গুণ, ভাগ ইত্যাদি অঙ্ক কথান হইত। পরে হাত একটু অধিকতর পক বা বশ হইলে পড়ুয়ার হাতে কাগজ দেওয়া হইত। অর্থাৎ তখন সে কাগজে কালী কলম দিয়া লিখিতে আরম্ভ করিত। কলম অর্থে এখানে কঞ্চির, সরের বা খাগের কলম বুঝিতে হইবে। তখন কুইল পেন বা লোহার নিবের কলম ছিল না। পাঠশালায় আমাদের সময়ে প্লেটের ব্যবহার আরম্ভ হইয়াছিল। আমাদের সময়ের পূর্বে প্লেটও ছিল না। তালপাতে বা কলার পাতেই অঙ্কর পরিচয় ও লেখা হইত। কলার পাতেই অঙ্ক কথা হইত। পাঠশালায় শুভঙ্করী নিয়মে সমস্ত অঙ্কই শিক্ষা হইত। তেরিজ বা যোগ, জমা খরচ বা বিয়োগ, গুণ ও ভাগ বর্তমান নিয়মে পাঠশালায় শিক্ষা দেওয়া হইত। এতদ্ব্যতীত গুণ অথ প্রকারে শিক্ষা দেওয়া হইত। উহার নাম ছিল চালন, ভাগও অথ প্রকারে শিক্ষা দেওয়া হইত, উহার নাম ছিল খাওয়ান। মণকথা, সেরকথা, মাস-মাহিনা, বৎসর-মাহিনা, কাঠাকালী, বিঘাকালী ইত্যাদিও শিক্ষা দেওয়া হইত। এ ছাড়া নানা প্রকারের উদ্ভট অঙ্ক এবং খড়ি অর্থাৎ সমীকরণ (Equation) এবং সমীকরণ অস্থিত পঞ্চম অর্থাৎ সমীকরণ সম্বন্ধীয় প্রশ্ন অর্থাৎ (Problem) পর্য্যন্ত তখনকার পাঠশালায় শিক্ষা হইত। এখানে বলা আবশ্যক যে আমি পাঠশালায় কৃষ্ণচন্দ্র ভট্ট (রায়) মহাশয়ের নিকট হাতে খড়ি দিয়াছিলাম এবং কয়েক মাস মাত্র লিখিয়াছিলাম। আমার পাঠশালায় ভর্তি হওয়ার কয়েক মাস পরে বা এক বৎসরের মধ্যেই উক্ত গুরুমহাশয়ের মৃত্যু হইয়াছিল। তাঁহার মৃত্যুর পরে তাঁহার কনিষ্ঠ পুত্র পূজ্যপাদ দীননাথ রায় ভট্ট মহাশয় তাঁহার স্থলাভিষিক্ত হইয়া আমাদের শিক্ষা দিতে লাগিলেন। ইতি পূর্বে ইনি ইহার খুল্লতাত গোপীনাথ ভাটের রামায়ণের দলে গান করিয়া বেড়াইতেন। ইনি যখন আমাদের গুরু-মহাশয় হইয়া পাঠশালায় আসিয়াছিলেন, তখন সমস্ত পড়ুয়া বা

ছাত্রগণ এবং তাহাদের অভিভাবকগণ মনে করিয়াছিলেন যে ইনি রামায়ণ গান করিয়া বেড়ান ইনি আবার পাঠশালায় কি শিক্ষা দিবেন। কিন্তু এটা সকলেরই বিষম ভ্রমের কথা। ইনি ইহাঁর পিতা অপেক্ষাও দক্ষতা সহকারে আমাদিগকে শিক্ষা দিতে সমর্থ হইয়াছিলেন। ইহাঁর নিকট আমি চারি বৎসরের কিঞ্চিদধিক কাল শিক্ষা করিয়াছিলাম। ইহাঁর নিকট আমি নানা প্রকার অল্প শিক্ষা করিয়াছিলাম এবং কীৰ্ত্তিবাসের রামায়ণ ও কাশীরাম দাসের মহাভারত পড়িতে শিখিয়াছিলাম। তখন পাঠশালায় শিশু বোধক নামক পুস্তক পড়ান হইত উহাতে দাতাকর্ণের ও শ্রীকৃষ্ণের গুরু-দক্ষিণার উপাখ্যান লিখিত ছিল। ঐ সকল পুস্তক স্মর করিয়া পড়ান হইত। পাঠশালার অধিকাংশ ছাত্র অপেক্ষা আমি বয়সে ছোট হইলেও অচিরে সর্দার পড়ুয়া বা প্রধান ছাত্র হইয়া উঠিয়াছিলাম। আমি বয়সে ছোট হওয়াতে অনেক ছাত্রকে শাসন করিতে পারিতাম না বটে তবে অনেককেই শিক্ষা দিতাম। ছাত্র শাসন করিবার ভার আমার অপেক্ষা বয়সে অনেক বড় রামদাস চট্টোপাধ্যায়ের উপরে ব্রহ্ম ছিল। গুরুমহাশয়ের পাঠশালায় চারি বৎসরের কিঞ্চিদধিক কাল শিক্ষা করার সময়ে আমি আমার গুরু মহাশয়ের অল্প বিদ্যায় অর্থাৎ শুভঙ্করী ও পাটিগণিতে এবং জমীদারী, মহাজনী কাগজে যাহা কিছু পুঁজি পাটা ছিল সবই আদায় করিয়া লইয়াছিলাম।

তৎপরে পাঠশালায় যাইয়া বেড়াইয়া আসা হইত মাত্র। আমার গুরু মহাশয় দীননাথ রায় মহাশয় আমাকে অতিশয় স্নেহ করিতেন এবং বাবা বলিয়া ডাকিতেন। আমি পেন্সন্ লইয়া বাড়ী আসার পরেও তিনি অনেক দিন জীবিত ছিলেন। তিন বৎসর হইল তাঁহার লোকান্তর হইয়াছে। আমি বিদেশে চাকরী করিবার সময়ে মধ্যে মধ্যে ঋখন বিদায় লইয়া বাড়ী আসিতাম, তখনই তিনি আমার সংবাদ পাইলেই আমার বাড়ীতে আসিয়া দেখা করিতেন। আমার বাড়ীতে

বা রাস্তার মধ্যে আমি তাঁহার দর্শন পাইলেই ভূমিষ্ট হইয়া তাঁহাকে প্রণাম করিয়া তাঁহার পদ ধূলি গ্রহণ করিতাম। আমি বাড়ী আসিলেই তিনি বলিতেন “বাবা আমার চৰ্ম পাছকা ছিঁড়িয়া গিয়াছে। এক ঘোড়া চৰ্ম পাছকা আমাকে কিনিয়া দিয়া যাইও।” আমিও তাঁহার আজ্ঞা পালন করিতাম। শেষ বয়সে তাঁহার পুত্র একটা মোটা বেতনে চাকরী করাতে তাঁহার অবস্থা বেশ স্বচ্ছল হইয়াছিল। তথাপি তিনি গড়ে চড়কতলায় একটা পাঠশালা রাখিয়া শিক্ষা দান করিতেন। গড়ের অনেকেরই তিনি তিন পুরুষের গুরু মহাশয় ছিলেন। এখানে বলা আবশ্যক যে কৃষ্ণচন্দ্র রায়ের (ভাটের) পাঠশালা চড়কতলার আটচালায় বসিবার পূর্বে ঐ আটচালায় একটা গভমেণ্টের বঙ্গবিদ্যালয় কিছু কালের জন্ত ছিল। দুইখানি বৃহৎ আটচালা ছিল, একখানি সরকারী ও অপরখানি আমার মাতুল শ্রীরামচন্দ্র ইন্দ্র মহাশয়ের ছিল। দুইখানি আটচালা লাগালাগি ছিল। দুইখানির একটা নাত্র মটকা ছিল। আমি ঐ বাঙ্গালা বিদ্যালয়ে গুরুমহাশয়ের পাঠশালায় ভর্তি হইবার পূর্বে কিছু দিন পড়িয়াছিলাম। তথায় বর্ণপরিচয় ১ম ও ২য় ভাগ পড়িয়াছিলাম। ঐ বিদ্যালয়ে একজন প্রধান পণ্ডিত ও দুই জন গুরু মহাশয় ছিলেন। ঈশানচন্দ্র মুখোপাধ্যায় নামে এক জন প্রধান পণ্ডিত ছিলেন। কিছু দিনের জন্ত এক জন কলুর ব্রাহ্মণ নাম রাম কুশল শর্মাও প্রধান পণ্ডিত ছিলেন। কিছু দিন উভয়েই একত্রে কাজ করিয়াছিলেন। ঐ সময়ে কৃষ্ণনগর নিবাসী ব্রজনাথ মুখোপাধ্যায় মহাশয় স্থল ভেগুটি ইন্সপেক্টর ছিলেন। কৃষ্ণনগরের এ. ভি. এচ. স্কুল উক্ত ব্রজবাবুর প্রতিষ্ঠিত। এই নিমিত্ত ঐ স্কুলকে আজ পর্য্যন্ত ব্রজবাবুর স্কুল বোলে। আমার বেশ মনে আছে একদিন ব্রজবাবু আমাদের স্কুল পরিদর্শন করিতে আসিয়া আমাদের পক্ষের পরীক্ষা করিয়াছিলেন। আমরা তখন বর্ণপরিচয়ের দ্বিতীয় ভাগের ব্ ন্ অ্ এর উচ্চারণ শিখিতেছিলাম। কৃষ্ণ, বিষ্ণু

ইত্যাদির প্রকৃত উচ্চারণ তিনি আমাদিগকে শিখাইয়া দিয়া গিয়াছিলেন।

ইংরাজী ১৮৬২ সালের সেপ্টেম্বর মাসে আমি শান্তিপুর Higher Class English School এ প্রবেশ লাভ করি। তখন Entrance Examination এর পাঠ্য যে সকল বিদ্যালয়ে পঠিত হইত এবং যে সকল বিদ্যালয় হইতে University Entrance Examination অর্থাৎ বিশ্ববিদ্যালয়ের প্রবেশিকা পরীক্ষার্থ ছাত্র প্রেরিত হইত, সেই সকল বিদ্যালয়কে Higher Class English School বলা হইত আর Second grade College দিগকে High School বলা হইত যথা Midnapur High School, Chittagong High School, Rangpur High School ইত্যাদি। আমার ইংরাজী স্কুলে পড়িতে যাওয়ার সময়ে একটা কোঁতুকাবহ ঘটনা আছে। সামান্য লোকের কথাতেও অনেক কার্য্য হয় ইহাই ঐ ঘটনাতে প্রকাশ করিবে। আমি যখন ইংরাজী স্কুলে পড়িতে যাই তখন আমাদের দুইটা গুড়ের কারখানা ছিল। একটা আমাদের বর্তমান নিজ বাড়ীতে ও অপরটা শ্রীমান কার্তিকচন্দ্র দাসের বর্তমান বসতি বাড়ীতে ছিল। শেষোক্ত কারখানাটি আমার নামে চলিত, উহা আমার পিসীমার মূল ধনে চলিত। ঐ কারখানায় আব্বাসি সেখ নামে একজন মুসলমান কাজ করিত। সে গুড় জাল দিত। তাহাকে আমি আব্বাসি দাদা বলিয়া ডাকিতাম। সে আমাকে বিলক্ষণ স্নেহ করিত। তখন আমাদের গ্রাম হইতে পূজ্যপাদ বিষ্ণুচন্দ্র রায় মহাশয়ের জ্যেষ্ঠ পুত্র কালীপ্রসন্ন রায়, বামচন্দ্রণ সরকার প্রভৃতি তিন চারিজন বালক শান্তিপুরে ইংরাজী বিদ্যালয়ে অধ্যয়ন করিতে যাইতেন। তাঁহার ভাত খাইয়া পান চিবাইতে চিবাইতে পুস্তক হাতে করিয়া বিদ্যালয়ে যাইতেন, আর আমি পাভারি বগলে করিয়া প্রাতে ও অপরাহ্নে পাঠশালায় যাইতাম। তখনকার পাঠশালার বালকদিগের বসিবার জগ্গ Bench বা কাষ্টোন ছিল না।



প্রত্যেক বালককেই পাঠশালায় বসিবার জন্য এক একটি ছোট মেলের পাটী লইয়া যাইতে হইত। বাহারা তালপাতায় লিখিত তাহাদের তালপাতাগুলি ঐ পাটীর মধ্যে থাকিত। এই নিমিত্ত বোধ হয় উহাকে পাত্তারি বলিত। আক্বাসি আমাকে প্রতিদিনই বলিত যে দেখ দেখি রায়েদের ছেলে কালী কেমন কাপড় চোপড় পড়িয়া ভাত খাইয়া পান চিবাইতে চিবাইতে স্থলে যায়। আর তুমি প্রত্যহ সকালে বিকালে পাত্তারি বগলে করিয়া পাঠশালায় যাও ও কালীঝুলি মাথিয়া আইস। উহাদের দেখিয়াও কি তোমার ঐ রূপে স্থলে যাইতে ইচ্ছা হয় না। আক্বাসির এই কথাগুলি আমার মনে বড়ই লাগিত। আমি ইংরাজী স্থলে যাইব বলিলে আমার গুরুমহাশয় বলিতেন এমন কাজও করিও না। স্থলে গেলে তাঁতি-কুলও যাইবে বৈষ্ণব-কুলও যাইবে।

বাবসাদারের ছেলের ইংরাজী স্থলে যাইয়া কি লাভ হইবে। অর্থাৎ ইংরাজী শিখিয়া চাকরীও করিতে পারিবে না ব্যবসা কার্যেও ব্যর্থপন্ন হইবে না। ইহারই অর্থ তাঁতি-কুল যাওয়া ও বৈষ্ণব-কুল যাওয়া। আক্বাসির বিজ্ঞপাত্মক কথায় আমার হৃদয়ে বড়ই আঘাত লাগিত। অবশেষে আমি ইংরাজী স্থলে যাইতে কৃত সন্মত হইলাম। আমার মাতৃশ্রম পুত্র হলধর বরা একদিন আমাকে ও আমাদের পাড়ার গন্ধবণিক বংশসম্বৃত বিহারীলাল দত্তকে সঙ্গে করিয়া শাস্তিপুরের ইংরাজী স্থলে ভর্তি করিয়া দিয়া আসিলেন। তখন ঐ স্থল দত্ত পাড়ায় ছোট রায় মহাশয়ের বাটীতে বসিত। এখন যে বাড়ীতে শ্রীমুক্ত সত্যচরণ গাঙ্গুলী মহাশয় বাস করিতেছেন। আমি স্থলে ভর্তি হওয়ার কিছু দিন পরে স্থলটী ঐ বাড়ী হইতে উঠিয়া আসিয়া তাম্রাচিকে ভট্টাচার্য্যদিগের বাড়ীতে আসিয়াছিলাম। পূজ্যপাদ মণ্ডিলাল মৈত্র মহাশয় তখন হেড্‌মাষ্টার, ব্রজলাল মৈত্র মহাশয় এসিষ্ট্যান্ট হেড্‌মাষ্টার, দীনবন্ধু ভট্টাচার্য্য সেক্রেণ্ড মাষ্টার, নবীনচন্দ্র রায় ষার্ড মাষ্টার, অটল বিহারী চট্টোপাধ্যায় ফোর্থ মাষ্টার, নীলরতন মুখোপাধ্যায়

ফিক্স্ মাষ্টার, ব্রজনাথ মুহুরি মহাশয় সিক্স্ মাষ্টার, জয়গোপাল গোস্বামী মহাশয় হেড্ পণ্ডিত ছিলেন। কিছু দিন পরে ভুবনমোহন সান্যাল মহাশয় সেকেন্ড পণ্ডিতের পদে নিযুক্ত হইয়াছিলেন। আমি ব্রজনাথ মুহুরি মহাশয়ের ক্লাশে গিয়া প্রথমে ভর্তি হইলাম। তখন উহার নাম ছিল সপ্তম শ্রেণী তখন প্রথম এবং দ্বিতীয় শ্রেণীর মধ্যে একটি শ্রেণী ছিল তাহাকে বলিত preparatory class বা প্রথম শ্রেণী দ্বিতীয় বিভাগ। সুতরাং আমি সপ্তম শ্রেণীতে ভর্তি হইলেও প্রকৃত পক্ষে আমি অষ্টম শ্রেণীতে ভর্তি হইলাম। এই বিদ্যালয়ে ঘোড়ালে নিবাসী শ্রীযুক্ত শশিভূষণ ঘোষ কিছু দিন ষষ্ঠ শিক্ষক ছিলেন। জনসনের পকেট ডিকসনারী খানি ইহার কণ্ঠস্থ ছিল। শ্রীযুক্ত গঙ্গাপ্রসাদ বাগ্‌চিও কিছু দিন অত্যন্ত শিক্ষক ছিলেন। আমি যে দিন ইংরাজী স্কুলে ভর্তি হই সেই দিনই সপ্তম (প্রকৃত পক্ষে অষ্টম) শ্রেণীতে simple division বা সাধারণ ভাগহারের অঙ্ক কষান হইতেছিল। আমি অঙ্কটি পাইবা মাত্র উহা কষিয়া পরে ভাগফলকে ভাজক দিয়া গুণ করিয়া ঐ গুণ ফলে ভাগ শেষ যোগ দিয়া অঙ্কটি ঠিক কষা হইয়াছে কি না দেখিয়া মাষ্টার মহাশয়কে দেখাইলাম। মাষ্টার মহাশয় আমার অঙ্ক কষা দেখিয়া বড়ই সন্তুষ্ট হইলেন। অষ্টম শ্রেণীতে Society's Spelling Book সমাপ্ত করার পরে আমরা Society's Reader No 1 পড়িয়াছিলাম এবং মুখে মুখে Lenis Grammar বা লেনিকৃত ইংরাজী ব্যাকরণের অধিকাংশই শিক্ষা করিয়াছিলাম। অষ্টম শ্রেণীর বার্ষিক পরীক্ষায় উত্তীর্ণ হইয়া আমি প্রথম হই। আমাদের গ্রামের তারাপ্রসন্ন রায় দ্বিতীয় ও পুলিনবিহারী মঠ তৃতীয় স্থান অধিকার করেন। আমরা তিন জনেই ডবল প্রমোশন পাই অর্থাৎ সপ্তম শ্রেণী ডিভাইয়া ষষ্ঠ শ্রেণীতে উন্নীত হই। এই স্থলে বলা আবশ্যক যে আমি ১৮৬২ সালের সেপ্টেম্বর মাসে ইংরাজী বিদ্যালয়ে ভর্তি হই। ডিসেম্বর

মাসে বার্ষিকী পরীক্ষা গৃহীত হয়। স্মরণ্য সে বৎসর আমাকে অষ্টম শ্রেণীতেই থাকিতে হইয়াছিল। কাজেই ১৮৬৩ সনে বাৎসরিক পরীক্ষার পরে অর্থাৎ ১৮৬৪ সনে জাত্যয়ারী মাসে ষষ্ঠ শ্রেণীতে উন্নীত হইয়াছিলাম।

আমরা যখন ষষ্ঠ শ্রেণীতে, ১৮৬৪ সালে অর্থাৎ বঙ্গাব্দ ১২৭১ সনে পড়ি, সেই সময়ে আশ্বিন মাসে বড় বড় হয় তখন আমার বয়স ১৪ বৎসর। পাঠ্য ছিল :—

P. C. Sircar's Fourth Book      Society's Poetical  
of Reading,      Selections No I,  
Marshman's History of Bengal, Clift's Geography,  
Lenis Grammar,      Barnard's Arithmetic,

নীতি বোধ,

লোহারাম শিরোরত্নেরবাঙ্গলা ব্যাকরণ।

এই সময়ে পঞ্চম শিক্ষক নীলরতন মুখোপাধ্যায় মহাশয়ের অকালে মৃত্যু হওয়ায় ব্রজনাথ মুহারি মহাশয় তৎপদে নিযুক্ত হওয়ায় তিনিই আমাদের ষষ্ঠ শ্রেণীর শিক্ষক হইলেন। নীলরতন মুখোপাধ্যায় মহাশয়ের বাড়ী ছিল হরিপুর। তাঁহার হাঁপের পীড়া ছিল। তিনি হরিপুর হইতে প্রতিদিনই ঘোড়ায় চড়িয়া বিদ্যালয়ে আসিতেন। তিনি কুলীন ছিলেন এই নিমিত্ত তাঁহার তিনটি বিবাহ হয়। তিনটি স্ত্রীই বর্তমান ছিলেন। আমাদের গ্রামের মধুসূদন গঙ্গোপাধ্যায় মহাশয়ের কন্যা স্রীমতী মাতঙ্গী দেবী তাঁহার প্রথম স্ত্রী ছিলেন। তিনি বরাবরই পিত্রালয়ে বাস করিতেন। মধ্যে মধ্যে নীলরতন বাবু গড়ে থাকিতেন ও গড় হইতে বিদ্যালয়ে বাহিতেন। আজ কাল মধুসূদন গঙ্গোপাধ্যায় মহাশয়ের বাটী নৃসিংহ ও রামপদ মুখোপাধ্যায়দের হইয়াছে।

পুনরায় শিক্ষকদিগের মধ্যে অনেক পরিবর্তন হইয়াছিল। দ্বিতীয় শিক্ষক শ্রীযুক্ত দীনবন্ধু ভট্টাচার্য্য, তৃতীয় শিক্ষক শ্রীযুক্ত নবীনচন্দ্র রায় ও চতুর্থ শিক্ষক শ্রীযুক্ত অটলবিহারী চট্টোপাধ্যায় শিক্ষা বিভাগ পরিত্যাগ করিয়া রেলওয়ে চাকরী করিতে গেলেন স্মরণ্য শ্রীযুক্ত ব্রজলাল মৈত্র

মহাশয় এখন হইলেন দ্বিতীয় শিক্ষক ও কাঁসারিপাড়ার মতিলাল মিত্র মহাশয় তৃতীয় শিক্ষকের পদে নিযুক্ত হইলেন। দত্তপাড়ার মথুরামোহন মুখোপাধ্যায় হইলেন চতুর্থ শিক্ষক ও মহেন্দ্রনাথ ভট্টাচার্য্য মহাশয় হইলেন পঞ্চম শিক্ষক। সচরাচর ইঁহাকে সকলে মন্থ বাবু বলিত। ইঁহার বাড়ীও শান্তিপুরে। ষষ্ঠ শ্রেণীর বাষিকী পরীক্ষায় আমি হইলাম প্রথম, পুলিন বিহারী মঠ হইলেন দ্বিতীয় ও তারাপ্রসন্ন রায় হইলেন তৃতীয়। এবারেও আমি আর পুলিন ডবল প্রমোশন পাইয়া চতুর্থ শ্রেণীতে গেলাম। আমাদের শিক্ষক হইলেন মথুর বাবু। ইনি বিশেষ যত্ন সহকারে শিক্ষা দিতেন ও ভাল শিক্ষক ছিলেন। চতুর্থ শ্রেণীর পাঠ্য হইল :—

Goldsmith's Vicar of  
Wakefield.

Society's Poetical Selections  
No. III,

Highly's Grammar,  
Stewart's Geography,  
Barnard's Arithmetic,

Keightley's History of  
England,  
Wood's Algebra, Pott's Euclid,

চারুপাঠ ২য় ভাগ,

সংস্কৃত উপক্রমণিকা ব্যাকরণ,

লোহারাম শিরোরত্নের বাঙ্গালা ব্যাকরণ।

চতুর্থ শ্রেণীতে যখন আমরা পড়ি তখন মধ্যছাত্রবৃত্তি পরীক্ষায় উত্তীর্ণ হইয়া চণ্ডিচরণ চট্টোপাধ্যায় আসিয়া আমাদের শ্রেণীতে ভর্তি হইলেন, ইনি গৃহে পড়িয়া চতুর্থ শ্রেণীর উপযুক্ত ইংরাজী সাহিত্যে জ্ঞান লাভ করিয়াছিলেন বলিয়া একেবারে চতুর্থ শ্রেণীতে ভর্তি হইতে পারিয়াছিলেন। ইঁহার পূর্ব নিবাস ছিল যশোহর জেলায় বলরামপুর নামে একটি পল্লী। এখন ইনি শান্তিপুরে পঞ্চরত্ন তলায় বাড়ী প্রস্তুত করিয়া এখানেই বাস করিতেছেন। ইঁহাকে আমরা ঝড়ু খুড়ো বলিয়া ডাকিতাম এখনও লোকে ইঁহাকে ঝড়ু চাটুর্জে বলে। ত্রিযুক্ত মতিলাল মিত্র প্রধান শিক্ষক মহাশয় আমার পরীক্ষার ফলে এতই সন্তুষ্ট হইয়াছিলেন যে এবারেও আমাকে ডবল প্রমোশন দিয়া দ্বিতীয় শ্রেণীতে লইতে

আগ্রহ প্রকাশ করিলেন। এই সময়ে তৃতীয় শ্রেণীতে দুইটা ভাল ছাত্র ছিলেন। একটার নাম রামচরণ ইন্দ্র ও অপরটার নাম শশিভূষণ দত্ত (যিনি এখন রায় শশিভূষণ দত্ত বাহাদুর নামে পরিচিত)। দুই জনেই আমার অপেক্ষা বয়সে তিন চারি বৎসরের বড়। আমাকে দ্বিতীয় শ্রেণীতে লওয়ার প্রস্তাব হওয়াতে, শশীবাবু আমার সঙ্গে এক শ্রেণীতে পড়িতে অনিচ্ছুক হইয়া বলিলেন তাহা হইলে ডবল প্রমোশন দিয়া আমাকেও প্রথম শ্রেণীতে লইতে হইবে। কিন্তু মতিলাল বাবু তাঁহাকে প্রথম শ্রেণীতে লইতে সম্মত হইলেন না। আমিও বিশেষ বিবেচনা করিয়া দেখিলাম যে বার বার ডবল প্রমোশন লইলে ইংরাজী সাহিত্যে কাঁচা হইতে হইবে এজন্য আমিও এবারে দ্বিতীয় শ্রেণীতে উন্নীত হইতে ইচ্ছা করিলাম না।

চতুর্থ শ্রেণীর সংস্কৃত উপক্রমণিকার পরীক্ষক ছিলেন হরিপুর মডেল স্কুলের হেডপণ্ডিত পূজনীয় শ্রীযুক্ত কৃষ্ণ কিশোর বন্দ্যোপাধ্যায় মহাশয় এবং বাংলা সাহিত্য ও ব্যাকরণের পরীক্ষক ছিলেন শাস্তিপুর রত্ন ভক্তিবাজন শ্রীযুক্ত হরি মোহন প্রামানিক মহাশয়। ইংলণ্ডের ইতিহাসের পরীক্ষক ছিলেন শাস্তিপুর ছোট আদালতের হেড ক্লার্ক শ্রীযুক্ত ক্ষেত্রনাথ বন্দ্যোপাধ্যায় মহাশয়, ইনি বহুপূর্বে কলিকাতা জেনারেল এসেমব্লী ইনষ্টিটিউশনের স্কুল বিভাগের অগ্রতম শিক্ষক ছিলেন। সংস্কৃত উপক্রমণিকা ব্যাকরণের ১০০ মধ্যে ৯৮ নম্বর পাইয়াছিলাম এবং ইংলণ্ডের ইতিহাসে ১০০ মধ্যে ৮০ নম্বর পাইয়াছিলাম। কৃষ্ণ কিশোর বাবু নর শব্দের পরিবর্তে কৃষ্ণ শব্দের এবং মুনি শব্দের পরিবর্তে হরি শব্দের কোন কোন বিভক্তির রূপ করিতে দিয়াছিলেন। ক্ষেত্র বাবু ইতিহাসের প্রায় প্রত্যেক পৃষ্ঠা হইতেই প্রশ্ন দিয়াছিলেন। ইংরাজী সাহিত্য ও ব্যাকরণের পরীক্ষক ছিলেন স্বয়ং প্রধান শিক্ষক মতিলাল মৈত্রী মহাশয় এ বিষয়েও ১০০ মধ্যে ৮৩ নম্বর পাইয়াছিলাম। বাংলা সাহিত্য ব্যাকরণে ৫০ মধ্যে পাইয়াছিলাম ৪৭ নম্বর।

১৮৬৫ সালে অর্থাৎ বাদশালা ১২৭২ সালের জ্যৈষ্ঠ মাসে আমার বিবাহ হয়! বিবাহ কালে আমার বয়স ছিল ১৪ বৎসর ১১ মাস আমার জ্বর বয়স ছিল ৬ বৎসর ১১ মাস।

এবারে তৃতীয় শ্রেণীতে উন্নীত হইয়া শিক্ষক পাইলাম মতিলাল মিত্র মহাশয়কে। ইনিও ইংরাজী সাহিত্য বেশ ভালরূপে শিক্ষা দিতে পারিতেন। তবে ইনি কিছুদিন নীলকুঠীতে চাকরী করিয়াছিলেন বলিয়া অনেক সময়ে অল্পীল কথা বলিয়া ফেলিতেন।

তৃতীয় শ্রেণীর পাঠ্য নির্দিষ্ট হইল :—

Goldsmith's Citizen of the World,	Traveller,
Deserted Village,	Highly's Grammar,
Graham's Wordbook,	History of Greece,
Stewart's Geography,	Sanskrit Rijupat No I,
কৌমুদি ব্যাকরণ ২য় ও ৩য় ভাগ,	চারুপাট ৩য় ভাগ,

গণিত চতুর্থ শ্রেণীর গ্রায় সমস্তই।

তৃতীয় শ্রেণীর বাষিকী পরীক্ষাতেও আমি প্রথম স্থান অধিকার করিয়া দ্বিতীয় শ্রেণীতে উন্নীত হইলাম। দ্বিতীয় শ্রেণীর সমস্ত পাঠ্যই হইল ১৮৬৮ সালের বিশ্ববিদ্যালয়ের প্রবেশিকার পাঠ্য পুস্তক। আমাদের শিক্ষক হইলেন পরম পূজনীয় শ্রীযুক্ত ব্রজলাল মৈত্র মহাশয় ইনি ইংরাজী সাহিত্যে বিশেষ ব্যুৎপন্ন ছিলেন এবং পাটীগণিতে দক্ষ ছিলেন। ইহার শিক্ষা প্রণালী অতি উৎকৃষ্ট ছিল এবং ইনি অতি অমায়িক লোক ছিলেন।

আমরা যখন দ্বিতীয় শ্রেণীতে পড়ি তখনও শান্তিপুর হইতে মহকুমা রাণাঘাটে উঠিয়া যায় নাই, রাণাঘাটে যাইবে বলিয়া সমস্ত ঠিক ঠাক হইয়াছিল। তখন শান্তিপুরের সব ডিভিসন্যাল অফিসার ছিলেন শ্রীযুক্ত মহিমা চরণ পাল, ছোট আদালতের জজ ছিলেন শ্রীযুক্ত দুর্গা প্রসাদ ঘোষ, মুন্সেফ ছিলেন শ্রীযুক্ত তারা বিলাস মিত্র, বি, এ, বি, এল।

উকিলের মধ্যে ছিলেন শ্রীযুক্ত অঘোর নাথ ঘোষ, বি, এ, বি, এল আরও অনেক ভাল ভাল স্বশিক্ষিত ব্যক্তি শান্তিপুরে ছিলেন। তাঁহাদের মধ্যে খ্যাতনামা একজন ছিলেন ছোট আদালতের হেড ক্লার্ক শ্রীযুক্ত ক্ষেত্রনাথ বন্দ্যোপাধ্যায় ও অপর একজন ছিলেন নাজির গোবিন্দ চন্দ্র বসু। এই সময়ে পরম ভক্তি ভাজন শ্রীযুক্ত বিজয় কৃষ্ণ গোস্বামী মহাশয় প্রায়ই তাঁহার শান্তিপুরের বাটীতে বাস করিতেন। বিজয় কৃষ্ণ গোস্বামী মহাশয় একাধারে আমাদের উপদেষ্টা, স্বহৃদ, বন্ধু ও শিক্ষক ছিলেন।

খ্যাতনামা শিক্ষিত কার্যকুশল শ্রীযুক্ত ঈশ্বর চন্দ্র ঘোষাল মহাশয় সব ভিভিসিটাল অফিসারের পদে শ্রীযুক্ত মহিমা চরণ পাল মহাশয় প্রতিষ্ঠিত হওয়ায় উক্ত পদে স্বযোগ্য ব্যক্তির আগমন হয় নাই বলিয়া সাধারণের বিশ্বাস হইয়াছিল এবং তিনিও লোকের নিকট বিশেষ শ্রদ্ধা পান নাই।

এই সময়ে শান্তিপুর হইতে রঙ্গভূমি নামে একখানি মাসিক পত্রিকা বাহির হইত। এই রঙ্গভূমিতে ধারাবাহিক রূপে কয়েকটি প্রবন্ধ প্রকাশিত হইয়াছিল, উহার নাম ইডেনের মহিমা। এক অর্থে পবিত্র বাইবেলের Eden garden অর্থাৎ ইডেন উদ্যানের মহিমা, অন্য অর্থে ইডেন সাহেবের মহিমা চরণ পাল, এই ইডেন সাহেবই পরে বাঙ্গালা দেশের ছোট লাট সাহেব হইয়াছিলেন। যখন মহিম বাবু ডেপুটি ম্যাজিস্ট্রেটের পদে নিযুক্ত হন তখন তিনি লাট সাহেবের চীফ সেক্রেটারি ছিলেন কিছু দিন পরে বর্ধমান চীফ কমিশনার হইয়া যান।

এই প্রবন্ধে নানারূপে মহিম বাবুকে বিদ্রোপ ও অপদৃষ্ট করা হইয়াছিল। মহিম বাবুর প্রতি সাধারণের এতই অশ্রদ্ধা ছিল যে একজন প্রামাণ্য কবি বা কবিওয়ালা তুলনা করিয়া একটা গান রচনা করিয়াছিল।

‘গানটীর একটা চরণ এই,

ঈশ্বর ঘোষাল আর মহিম পালে।

শ্বেত চামর ও ধেড়েড়—“লে।

কথাটা অল্লীল বলিয়া উহ রাখিতে বাধ্য হইলাম।

এই সময়ে শান্তিপুর ব্রাহ্ম সমাজের বিশেষ শ্রীবৃদ্ধি হইয়াছিল, মতি-গঞ্জে মতিবাবুর কুঠি বাড়ীতে তখন সমাজের অধিবেশন হইত।

এই খ্যাতনামা পুরুষ ঈশ্বর চন্দ্র ঘোষাল মহাশয় বহুকাল শান্তিপুর মহকুমায় ম্যাজিস্ট্রেট ছিলেন। ইহারই আন্তরিক প্রগাঢ় যত্ন ও চেষ্টাতে শান্তিপুরে প্রথম গভর্নমেন্ট সাহায্য কৃত ইংরাজী স্কুল স্থাপিত হয়।

ইনি শান্তিপুর মিউনিসিপ্যালিটির করদাতৃগণের নিকট হইতে স্কুলের জন্ম মাসিক চাঁদা আদায় করিবার ব্যবস্থা করিয়াছিলেন।

স্কুলের চাঁদা না দিলে কাহারও নিকট হইতে মিউনিসিপ্যাল ট্যাক্স গ্রহণ করা হইত না। ট্যাক্স দারোগা এই চাঁদা ট্যাক্সের সহিত আদায় করিতেন। ইহার বাড়ী কলিকাতার পটলডাঙ্গায়।

ইতিপূর্বে বানকের কুঠিতে মিশনারী সাহেবদিগের ইংরাজী স্কুল, নর্ম্যাল স্কুল ও সংস্কৃত স্কুল ছিল। এখানে বিখ্যাত মিশনারী বম্‌ওয়েচ (Bomwetch) সাহেব ও ওয়েঞ্জার (Wenger) সাহেব ছিলেন এই মিশনারী ওয়েঞ্জার সাহেবের পণ্ডিত রামকমল বিদ্যালঙ্কার, সুবিখ্যাত প্রকৃতিবাদ অভিধান সঙ্কলন করিয়াছিলেন।

শান্তিপুর সাহায্য কৃত ইংরাজী বিদ্যালয় স্থাপিত হইলে প্রথমতঃ হাটখোলার গোস্বামী পাড়ার শ্রীযুক্ত জৈলোক্য নাথ লাহিড়ী হেড্‌-মাষ্টারের পদে নিযুক্ত হন। কিছুদিন কাটোয়া নিবাসী শ্রীযুক্ত চন্দ্র কুমার রায়ও হেড্‌-মাষ্টার ছিলেন। তৎপরে শ্রীযুক্ত মতিলাল মৈত্র মহাশয় হেড্‌-মাষ্টারের পদে নিযুক্ত হন।

আমরা যখন দ্বিতীয় শ্রেণীতে পড়ি, সেই সময়ে কিছুদিনের জন্ম



মতিলাল বাবু মুর্শিদাবাদ জেলার ডেপুটি ইনস্পেক্টরের পদে একটিং ভাবে নিযুক্ত হইয়া যান। তৎকালে প্রেসিডেন্সি বিভাগের স্কুল ইনস্পেক্টর ছিলেন এচ্. উড্রো (H. Woodrow) সাহেব। ইনি বড় একগুঁয়ে লোক ছিলেন। বাহা ধরিতেন তাহা না করিয়া ছাড়িতেন না।

মতিলাল বাবু উড্রো সাহেবের অতিশয় প্রিয়প্রাপ্ত ছিলেন। যখন ইনি মুর্শিদাবাদের একটিং ডেপুটি ইনস্পেক্টর হইয়া যান তখন উড্রো সাহেব মনে করিয়াছিলেন যে শান্তিপুর স্কুল হইতে তিনি তাঁহার বেতনের অর্দ্ধেক অংশ পাইবেন ও ডেপুটি ইনস্পেক্টরের বেতনের অর্দ্ধেক অংশ পাইবেন। দ্বিতীয় শিক্ষক ব্রজলাল বাবু শান্তিপুর স্কুলের একটিং হেড্ মাষ্টার হইয়া তাঁহার নিজের বেতন ও হেড্ মাষ্টারী করার নিমিত্ত কিছু অতিরিক্ত বেতন পাইবেন। কিন্তু শান্তিপুর স্কুলের কর্তৃ-পক্ষীয়েরা ঐরূপ বন্দোবস্ত না করিয়া হরিনাভি স্কুলের তদানীন্তন হেড্ মাষ্টার শান্তিপুর নিবাসী শ্রীযুক্ত জানকী নাথ মুখোপাধ্যায় মহাশয়কে মতিলাল বাবুর পদে পূর্ণ বেতনে একটীং নিযুক্ত করেন।

সুতরাং একটিং ডেপুটি ইনস্পেক্টরী করার কালে মতিলাল বাবুর আর্থিক ক্ষতি হয়।

এই লইয়া শান্তিপুরে বিলক্ষণ দলাদলির সৃষ্টি হয়। ইনস্পেক্টর উড্রো সাহেবও শান্তিপুর স্কুলের কর্তৃপক্ষীয়দিগের উপর বিশেষ অসন্তুষ্ট হন এবং তাঁহাদিগকে বিলক্ষণ শিক্ষা দিবার জন্য ক্রুদ্ধ-সঙ্কল্প হন।

আমরা যখন দ্বিতীয় শ্রেণীর বাহ্যিক পরীক্ষা দিই তখন আমাদের ইংরাজী সাহিত্যের পরীক্ষক হইয়াছিলেন মুন্সেফ্ তারাবিলাস বাবু, ইনি ইংরাজী সাহিত্যে বিলক্ষণ ব্যুৎপন্ন ছিলেন। ব্যুৎপন্ন ছিলেন বলিয়াই সাহিত্য ও ব্যাকরণের এত অধিক প্রশ্ন দিয়াছিলেন যে প্রধান শিক্ষক মতিলাল বাবু বলেন যে একদিনে তোমরা ইংরাজী সাহিত্য ও ব্যাকরণের প্রশ্নের উত্তর দিবার যথেষ্ট সময় পাইবে না। দুই দিনে

তোমাদের উক্ত পরীক্ষা দিতে হইবে, কার্যে তাহাই হইয়াছিল, এবারেও আমি পরীক্ষায় প্রথম স্থান অধিকার করিয়া প্রথম শ্রেণীতে উঠিলাম। নিতান্ত আক্ষেপের বিষয় এই যে তারা বিলাস বাবু কলিকাতায় কুকুরের কামড়ে মারা যান। ইহার নিজের পোষা কুকুরই ইহাকে কামড়াইয়াছিল। ইহার বাড়ী ছিল কলিকাতায় কখনে টোলায়। প্রথম শ্রেণীতে উন্নীত হইবার চারি মাস পরেই শান্তিপুরের দলাদলির ফলে এবং উড়ো সাহেবের ইঙ্গিতে একটীর স্থলে ২টি স্কুল হইল, ও আমাদেরও কপাল ভাঙ্গিল।

আমাদেরও কপাল ভাঙ্গিল বলিবার উদ্দেশ্য এই যে দুইটা স্কুল হওয়ায় কোনটাতেই ভালরূপ অধ্যাপনা হয় নাই। বলা বাহুল্য যে নূতন স্কুলটা মতিলাল বাবুই স্থাপন করেন। স্বতরাং তিনি উহার প্রধান শিক্ষক হন এবং তাহার জ্যেষ্ঠ ভ্রাতা ব্রজলাল বাবু দ্বিতীয় শিক্ষক হন। Old বা প্রাচীন স্কুলে প্রথমে হেড্‌ মাষ্টার হইয়া আসেন শ্রীযুক্ত বনোয়ারী লাল সেন। ইনি বি, এ ফেল ছিলেন এবং বৈচিত্র্য মধ্য ইংরাজী বিদ্যালয়ের হেড্‌ মাষ্টার ছিলেন। প্রাচীন স্কুলের কর্তৃপক্ষীয়েরা প্রকাশ করিয়াছিলেন যে বৈচিত্র্য মধ্য ইংরাজী স্কুল নহে। উচ্চ শ্রেণীর স্কুল অর্থাৎ Higher Class English School, কিন্তু প্রকৃত পক্ষে উহা তখনও উচ্চ শ্রেণীর স্কুলে পরিণত হয় নাই। মাত্র ৫০/- পঞ্চাশ টাকা বেতনে তিনি প্রধান শিক্ষক হইয়া আসিয়াছিলেন। তখন দ্বিতীয় শিক্ষক হইয়াছিলেন পূর্বোক্ত শ্রীযুক্ত দীনবন্ধু ভট্টাচার্য্য মহাশয়। নূতন স্কুলের হেড্‌ মাষ্টার মতিলাল বাবু হওয়াতে এবং তাহার প্রতি ছাত্রবৃন্দের অধিকাংশেরই প্রগাঢ় ভক্তি ও শ্রদ্ধা থাকায় প্রথম শ্রেণীর অধিকাংশ ছাত্রই নূতন স্কুলে যাইয়া ভর্তি হইয়াছিল।

আমারও প্রথমে যাইবার হচ্ছা ছিল, কিন্তু দ্বিতীয় শিক্ষক দীনবাবু ও পণ্ডিত জয় গোপাল গোস্বামী মহাশয়, ভাস্কর অভয়চরণ বাকুচি ও স্কুল কমিটির মেম্বরগণ বিশেষতঃ শ্রীযুক্ত দীনদয়াল প্রামানিক মহাশয়

আমাকে যাইতে নিষেধ করায় আমি প্রথমে যাইতে পারি নাই। আমি এই কথা বলিয়াছিলাম যে যদি উপযুক্ত হেড্‌মাষ্টার প্রাচীন স্কুলে আসেন তাহা হইলে আমি নূতন স্কুলে যাইব না। বনোয়ারী বাবু হেড্‌মাষ্টার হইয়া আসায় আমাদের মনে তাঁহার প্রতি ভাল ধারণা জন্মে নাই। তখন গ্রীষ্মকাল, প্রাতঃকালে স্কুলের কার্য্য হইতেছিল, শাস্তিপুত্রের হাটখোলা গোস্বামী পাড়ার শ্রীযুক্ত রামেশ্বর লাহিড়ী মহাশয়, বনোয়ারী বাবুকে শাস্তিপুত্রে আনেন এবং বনোয়ারী বাবু তাঁহারই বাটীতে উঠেন। লাহিড়ী মহাশয় প্রাতঃকালে বনোয়ারী বাবুকে সঙ্গে করিয়া স্কুলে আসেন এবং তিনি যখন আমাদের ইংরাজী সাহিত্য পড়াইতে আরম্ভ করিলেন তখন লাহিড়ী মহাশয় প্রথম শ্রেণীতে বসিয়া তাঁহার পড়ান শুনিতে লাগিলেন এবং একখানি ছোট কাগজে কি লিখিয়া বনোয়ারী বাবুকে দিলেন।

বনোয়ারী বাবু ঐ কাগজখানি পাইয়া আমাদের ইংরাজী কয়েকটি শব্দের Root বা ধাতু জিজ্ঞাসা করিতে লাগিলেন। সে দিন আমাদের Poetry বা পদ্যের পড়া ছিল। প্রবন্ধটি ইংলণ্ডের রাজকবি টেনিসন (Tennyson) সাহেব প্রণীত লর্ড অব্ বর্লে (Lord of Burleigh). বনোয়ারী বাবু এইদিন মন্দ পড়াইলেন না। বিজ্ঞানায়ের ছুটি হইবামাত্র দ্বিতীয় শিক্ষক দীনবাবু ও পণ্ডিত জয়গোপাল গোস্বামী মহাশয় আসিয়া আমাকে জিজ্ঞাসা করিলেন, যে নূতন হেড্‌মাষ্টার কিরূপভাবে ইংরাজী সাহিত্য শিক্ষা দিলেন। আমি উত্তর করিলাম যে আজ যে ভাবে পড়াইলেন একরূপভাবে বরাবর পড়াইতে পারিলে, মন্দ হইবে না ও আমি এ স্কুল ছাড়িয়া নূতন স্কুলে যাইব না। তবে আগামী কল্য গল্প পড়া হইবে, আগামী কল্য এইভাবে পড়াইতে পারিলে চলিয়া যাইবে। তাহার পরদিন পড়া ছিল ইংরাজী গল্প বিষয়টি Smile's Selfhelp বা আইল সাহেব প্রণীত স্বাবলম্বন। বিষয়টি গবেষণা পূর্ণ ও দুর্লভ। পরের

দিন বনোয়ারী বাবু পড়াইতে আরম্ভ করিলেন। আমিও উপযুক্তপরি  
নানাপ্রকার প্রশ্ন করিতে লাগিলাম। এদিন আর তিনি ভাল করিয়া  
পড়াইতে পারিলেন না।

কতকগুলি প্রশ্নের তিনি নিতান্ত অসঙ্গত উত্তর দিয়া ফেলিলেন।  
এদিন দ্বিতীয় শিক্ষক ও পণ্ডিত মহাশয় জিজ্ঞাসা করিলে আমি বলিলাম  
যে ইহাকে দিয়া চলিবে না। আমি নূতন স্কুলে যাইব। বলা বাহুল্য যে  
মতিলাল বাবুর প্রতি আমাদের সকলেরই এমন একটা টান ছিল যে  
তাহার প্রতিষ্ঠিত নূতন বিদ্যালয়ে যাইবার জন্য আমরা অনেকেই  
ব্যগ্র হইয়াছিলাম। তখন নিয়ম ছিল যে এক বিদ্যালয়ের প্রথম শ্রেণী  
হইতে অন্ত্র বিদ্যালয়ের প্রথম শ্রেণীতে যাইতে হইলে বিভাগীয়  
ইনস্পেক্টার মহোদয়ের অনুমতি লইয়া না গেলে প্রবেশিকা পরীক্ষায়  
ভাল হইয়া উত্তীর্ণ এবং বৃত্তি প্রাপ্তির যোগ্য হইলেও বৃত্তি পাওয়া যাইত  
না। আমার বৃত্তি পাইবার যথেষ্ট আশা ও সম্ভাবনা ছিল। সুতরাং  
আমি ইতিপূর্বেই বিভাগীয় ইনস্পেক্টার মহাশয়ের অনুমতি পাইবার  
জন্য আবেদন করিয়াছিলাম। তখন বিভাগীয় ইনস্পেক্টার ছিলেন  
উড়ো সাহেব। ইনি হেড্‌ মাস্টার মতিলাল বাবুর হিতৈষী  
ও মঙ্গলাকাজী। উড়ো সাহেব আমার আবেদনের উত্তরে  
জানাইলেন যে যে ছাত্র তাহাদের শিক্ষক মতিলাল বাবুর প্রতিষ্ঠিত  
নূতন বিদ্যালয়ে যাইতে ইচ্ছা করে তাহারা যাইতে পারে। এই অনুমতি  
পত্র পাইয়া আমি ও আমার কয়েকটি সহাধ্যায়ী তৎপর দিবসেই নূতন  
স্কুলে যাইয়া ভর্তি হইলাম।

এইখানে বলা আবশ্যক যে ইংরাজী ১৮৬২ সাল হইতে শান্তিপুরের  
ইংরাজী স্কুল হইতে প্রথম Entrance বা প্রবেশিকা পরীক্ষার্থ ছাত্র  
প্রেরিত হয়। প্রথম বারের ছাত্রের মধ্যে কাশ্যপপাড়ার শ্রীযুক্ত  
রামধাছ ভট্টাচাৰ্য মহাশয় প্রথম বিভাগে উত্তীর্ণ হইয়া ১৪ টাকা বৃত্তি  
পান। এই বৎসরে বোধ হয় শ্রীযুক্ত হরিপ্রসন্ন মুখোপাধ্যায় মহাশয়ও

উত্তীর্ণ হন। পরে ইনি এম্. এ পরীক্ষায় উত্তীর্ণ হইয়া ভাগলপুরের তেজ নারায়ণ কলেজের Principal বা অধ্যক্ষ হইয়া বিলক্ষণ যোগ্যতা সহকারে কার্য করিয়া লক্ষ প্রতিষ্ঠা হইয়াছিলেন। ১৮৬৩।৬৪।৬৫ সালেও শান্তিপুর স্কুল হইতে অনেকগুলি স্বযোগ্য ছাত্র প্রবেশিকা পরীক্ষায় উত্তীর্ণ হইয়া ১৪, ৬ ১০ টাকা বৃত্তি পাইয়াছিলেন। ইহাদের মধ্যে বিশেষভাবে উল্লেখযোগ্য ছিলেন শ্রীযুক্ত উমাচরণ শীল (ইনি নিতান্ত দরিদ্রের সন্তান ও জাতিতে স্বর্ণ বণিক ছিলেন, আক্ষেপের বিষয় পরে ইনি উন্নত পাগল হইয়া পড়িয়াছিলেন) রামচন্দ্র খাঁ, বিহারীলাল বন্দ্যোপাধ্যায়, পূর্ণচন্দ্র লাহিড়ী, নন্দলাল ভট্টাচার্য। পূর্ণ বাবু ও নন্দবাবু প্রথম বারের পরীক্ষায় অকৃতকার্য হইয়া আসিয়াছিলেন। নন্দবাবু গণিতে বিলক্ষণ ব্যুৎপন্ন ছিলেন। পণ্ডিত জয়গোপাল গোস্বামী মহাশয় সম্বলিত গণিত বিজ্ঞানের মধ্যে ইহার মস্তিষ্ক হইতে উদ্ধৃত একশত জটিল প্রশ্ন সম্মিলিত হইয়াছিল।

কিছুদিনের জন্ত ইনি পুণিয়া জেলা স্কুলের তৃতীয় শিক্ষক হইয়াছিলেন। পরে ইনি রাজসাহী ডিষ্ট্রিক্ট বোর্ডের একাউন্ট্যান্ট হইয়াছিলেন। আর একটা যোগ্য ছাত্র ছিলেন পূর্ণচন্দ্র ভট্টাচার্য। ইনি অর্থাভাবে পাঠ্য পুস্তক কিনিতে পারিতেন না। পরের পুস্তক দেখিয়া পাঠাভ্যাস করিতেন তথাপি ১০ টাকা বৃত্তি লাভ করিয়াছিলেন। ইনি আমাদের গ্রামের মহাদেব চক্রবর্তী মহাশয়ের কনিষ্ঠ ভাগিনেয় ছিলেন। বৃত্তি না পাইলেও নিম্নলিখিত তিন ব্যক্তির নাম উল্লেখযোগ্য। দুই ভ্রাতা ভোলানাথ ও ভগবান্ মুখোপাধ্যায় এবং যশোদানন্দন প্রামাণিক। ১৮৬৬ সালে বৎসগুলি ছাত্র প্রবেশিকা পরীক্ষার্থ প্রেরিত হইয়াছিলেন, সবগুলিই বিফল হইয়া আসেন। ১৮৬৭ সালে ৮ জন ছাত্র প্রেরিত হইয়াছিলেন তন্মধ্যে একজন ছাত্র মাত্র—গোবিন্দচন্দ্র প্রামাণিক (পুলো) অকৃতকার্য হইয়াছিলেন। এইখানে বলিয়া রাখি, আমাদের ভক্তিভাজন পণ্ডিত জয়গোপাল গোস্বামী মহাশয়

নূতন প্রথমশ্রেণী গঠিত হইবামাত্র বলিতেন যে আমি স্কুলের কোন স্থানে লিখিয়া রাখিলাম যে কোন্ কোন্ ছাত্র আগামী বর্ষে ১৪ টাকার বৃত্তি পাইবে। শুনিয়াছি তিনি লিখিয়া রাখিয়াছিলেন যে আমিও ১৪ টাকার একটা বৃত্তি পাইব, কিন্তু আমার ভাগ্যে তাহা ঘটিল না, যেহেতু দুইটা স্কল হওয়ায় কোনটাহেই ভাল করিয়া সে বৎসর পড়াশুনা হয় নাই। সুতরাং সে বৎসরের ফল অত্যন্ত অসন্তোষজনক হইয়াছিল। ১৮৬৮ সালে ইংরাজী সাহিত্য ও গণিতের প্রশ্ন অন্তরূপ ও দুর্বল হইয়াছিল। ১৮৬৭ সালে কেহই বৃত্তি পান নাই। সে বৎসরের সমস্ত ছাত্রই তৃতীয় বিভাগে উত্তীর্ণ হইয়াছিলেন। সে বৎসর উত্তীর্ণ হন—নৃসিংচন্দ্র বন্দ্যোপাধ্যায়, আনন্দগোপাল সান্যাল, শশিভূষণ দত্ত ( এখন যিনি রায় বাহাদুর ), রামচরণ ইন্দ্র, রামকৃষ্ণ দাস, বিপিনবিহারী প্রামাণিক ( পরে ইনি ডেপুটি ম্যাজিস্ট্রেট হইয়াছিলেন ) ও বেণীমাধব তরকদার।

আমরা যে দিন নূতন স্কুলে দাইয়া ভর্তি হইলাম, তার পর দিনই গুজব উঠিল যে মতিলাল বাবু স্থায়ী ভাবে মুর্শিদাবাদ জেলার ডেপুটি ইনস্পেক্টরের পদে নিযুক্ত হইয়াছেন। সুতরাং নূতন স্কলটি আর স্থায়ী হইতেছে না।

কথাটা শুনিয়া আমরা মর্মান্বিত হইলাম। গুজবটা সত্য বলিয়া তত বিশ্বাস করিতে পারিলাম না। চলিত কথায় আছে, যাহা রটে তাহা বটে, গুজবটা সত্যে পরিণত হইল। পরদিন স্কুলে যথা সময়ে যাওয়ার পরে—তখন নূতন স্কল হইতেছে মতিগঞ্জে মতি বাবুর গুড়ে বাটাতে। মতিলাল বাবু ধুতি চাদর ও কামিজ পরিয়া হাতে একটা ব্যাগ লইয়া প্রাতঃকালে স্কুলে আসিলেন। অল্পাংশ দিন তিনি প্যাণ্টু লেন ও চাপকান পরিয়া আসিতেন। শ্রেণীর মধ্যে প্রবেশ না করিয়া বারান্দায় দাঁড়াইয়া আমাদের মধ্যে কয়েক জনকে ডাকাইয়া আনাইয়া বলিলেন যে তোমরা যাহা শুনিয়াছ তাহা সত্য বটে। তবে যদি তোমরা নিষেধ

কর তাহা হইলে আমি ডেপুটি ইনস্পেক্টরী গ্রহণ করিব না। উভো সাহেব আমাকে ডাকিয়া পাঠাইয়াছেন। আমি তাঁহার সহিত আজই দেখা করিতে বাইতেছি। তোমরা যদি সম্ভটচিত্তে আমাকে বিদায় দাও তাহা হইলে আমি তোমাদের মনোমত একজন হেডমাষ্টার আনাইয়া দিব। তিনজন যোগ্য ব্যক্তির নামও করিলেন—বলাগড়ের কপালি প্রসন্ন মুখোপাধ্যায় ইংরাজীতে এম্. এ, কালনার নৃসিংহ চন্দ্র মুখোপাধ্যায় সংস্কৃতে এম্. এ, এবং শ্রীরামপুর চাতরার ব্রজেন্দ্রকুমার বন্দ্যোপাধ্যায় হুগলি নর্ম্মাল স্কুলের ইংরাজী বিভাগের ভূতগুরু দ্বিতীয় শিক্ষক। তখন হুগলী নর্ম্মাল স্কুল হইতে ইংরাজীতে Teachership Examination বা শিক্ষক প্রস্তুতার্থে পরীক্ষা দেওয়ার রীতি ছিল। উক্ত পরীক্ষার্থিদিগকে ফাষ্ট আর্টস একজামিনেশন দিয়া শিক্ষা প্রণালীতে একটা পরীক্ষা দিতে হইত। কয়েক বৎসর এই পরীক্ষাটা গৃহীত হওয়ার পরে উহা উঠিয়া যায়। উহার সঙ্গে সঙ্গে ব্রজেন্দ্রবাবুরও চাকরী যায়। শ্রীযুক্ত ব্রহ্মমোহন মল্লিক মহাশয় নর্ম্মাল স্কুলের হেডমাষ্টার ছিলেন। ইনি ছিলেন গণিতাধ্যাপক। ব্রজেন্দ্র বাবু ছিলেন ইংরাজী সাহিত্যের অধ্যাপক। নর্ম্মাল স্কুলের বাঙ্গালা বিভাগটা থাকিল। সুতরাং ব্রহ্মমোহন বাবুর কার্য্য থাকিল। ব্রজেন্দ্রবাবুকে পুরী জেলা স্কুলের হেডমাষ্টারের পদ দিবার প্রস্তাব হইয়াছিল। তিনি বলিলেন আমি উড়িষ্যার দেশে যাইব না। তখন পুরীর রাস্তা বড়ই দুর্গম ছিল। পদব্রজে বা গোয়ানে যাইতে হইত সুতরাং ব্রজেন্দ্র বাবু এখন নিষ্কর্ণ হইয়া বসিয়াছিলেন। কপালি প্রসন্ন মুখোপাধ্যায় মহাশয় যে সর্ব্বো আসিতে চাহিলেন সে সর্ব্বো তাঁহাকে আনিতে পারা গেল না।

নৃসিংহ বাবু আসিতে প্রস্তুত ছিলেন এবং একদিন কলিকাতা হইতে কালনার বাড়ী যাইবার সময়ে আমাদের স্কুলের মধ্যে আসিয়াছিলেন। আমরা নৃসিংহ বাবুকে মনোনীত করিলাম না, ব্রজেন্দ্র বাবুকে চাহিলাম

এবং কিছুদিন পরে ব্রজেন্দ্র বাবুও আমাদের হেড্‌মাষ্টার হইয়া আসিলেন। মতিলাল বাবু বলিয়াছিলেন যে তোমরা যদি আমাকে ছাড়িয়া না দাও তাহা হইলে আমি ডেপুটি ইনস্পেক্টারী গ্রহণ করিব না। এটা কেবল তাঁহার আমাদের মন বৃদ্ধি লওয়া মাত্র, আন্তরিক কথা নহে। আমরা কি তখন তাঁহাকে তখনকার দিনের এত বড় একটা পদ ছাড়িয়া দিতে বলিতে পারি? ব্রজেন্দ্র বাবু অতি স্বেচ্ছায় হেড্‌মাষ্টার ছিলেন, ইংরাজী সাহিত্যে ও গণিতে বিশেষ ব্যুৎপন্ন ছিলেন। তিনি ইংরাজীতে অনর্গল দুই ঘণ্টা কাল ব্যাপিয়া বক্তৃতা করিতে পারিতেন। শান্তিপুরে আসিয়াই তিনি দুই তিন দিন বক্তৃতা করিয়াছিলেন।

শিক্ষিত লোক মাঝেই তাঁহার বক্তৃতা শুনিয়া তাঁহাকে ধন্য ধন্য করিয়াছিলেন। ইয়ং বেঙ্গলী বলিয়া তিনি একটা বক্তৃতা করেন পরে উহা পুস্তিকাকারে প্রকাশ করিয়া তৎকালীন লেক্টর্যান্ট গভর্ণর সার তমাস্ গ্রে মহোদয়ের নামে উৎসর্গ করেন। গ্রে সাহেব বাহাদুর উহা পাঠ করিয়া বিশেষ প্রীত হন এবং তাঁহার সহিত সাক্ষাৎ করিবার জন্ত ব্রজেন্দ্রবাবুকে ডাকিয়া পাঠান।

কিন্তু দুর্ভাগ্যক্রমে ব্রজেন্দ্রবাবু তাঁহার সহিত সাক্ষাৎ করেন নাই। সাক্ষাৎ করিলে, নিশ্চয়ই তিনি একটা ডেপুটি ম্যাজিস্ট্রেট পাইতে পারিতেন।

এখানে বলিয়া রাখি মতিলাল মৈত্র মহাশয় ৫১৭ দিনের ও বেশী-কাল নূতন স্কুলের হেড্‌মাষ্টারী করেন নাই।

পুরাতন স্কুলের হেড্‌মাষ্টার বনোয়ারী বাবু, ব্রজেন্দ্র বাবুর এইরূপ বাগ্মীতা শ্রবণ করিয়া গ্রীষ্মাবকাশের বন্ধের সময় যে বাড়ী চলিয়া গেলেন আর ফিরিয়া আসিলেন না।

তাঁহার পরে ইংরাজী সাহিত্যে ব্যুৎপন্ন শ্রীযুক্ত শশিভূষণ ভাট্টা সিনিয়র স্কুলার মহাশয় পুরাতন স্কুলের হেড্‌মাষ্টারের পদে অভিষিক্ত



হইয়াছিলেন। ইহারই পুত্র কৃষ্ণনগরের খ্যাত নামা উকীল রায় ইন্দুভূষণ ভাট্টা বাহাদুর ইহার কার্যকালে শান্তিপুরে ভূমিষ্ট হন। শশীবাবু তয়েক মাস মাত্র শান্তিপুরের পুরাতন স্কুলের প্রধান শিক্ষকের কার্য করিয়া স্বর্গীয় বিজ্ঞানাগর মহাশয় কর্তৃক আহৃত হইয়া তাঁহার প্রতিষ্ঠিত মেট্রোপলিট্যান ইনষ্টিটিউসন নামক কলেজে ইংরাজী সাহিত্যাধ্যাপক হইয়া যান। পরে শ্রীযুক্ত চন্দ্রকান্ত পাইন বি, এ, পুরাতন স্কুলের হেড্‌মাষ্টার হইয়া আসেন। এই সময়ে চন্দ্রভূষণ চক্রবর্তী মহাশয় উক্ত বিদ্যালয়ের দ্বিতীয় শিক্ষক হইয়া আসেন।

পরে ইনি ডেপুটী ম্যাজিস্ট্রেট হইয়াছিলেন এবং এক্ষণে পেন্সন্‌ লইয়া কৃষ্ণনগর গোয়াড়ীতে বাস করিতেছেন।

চন্দ্রকান্ত পাইন মহাশয় পরে বি, এল্‌ পরীক্ষায় উত্তীর্ণ হইয়া বহুকাল দার্জিলিং এ ওকালতী করিয়াছিলেন।

আমাদের নূতন হেড্‌মাষ্টার ব্রজেন্দ্রবাবু অতি সুবোধ্য শিক্ষক হইলেও তাঁহার একটা বিশেষ দোষ এই ছিল যে তিনি সোমবারে আসিব বলিয়া শনিবারে বাড়ী গেলে তার পরবর্তী সোমবারে ত আসিতেন না। হয়ত দুই তিনটা সোমবার চলিয়া বাইত।

তাঁহার ভ্রাতৃপুত্র উপেন তাঁহার সঙ্গে আসিয়াছিল এবং আমাদের সহাধ্যায়ী ছিল। উপেন বলিত যে কাকার তিনটি বিবাহ, তিনটা স্ত্রীই বাড়ীতে বর্তমান। কাকা বাড়ী গেলে ভাগে পড়েন, স্ততরাং সোমবারে কিছুতেই আসিতে পাবেন না। তাঁহার আর একটা দোষ ছিল, তিনি দিনের বেলায় আমাদিগকে ইংরাজী পড়াইতেন না, দিনের বেলায় আমাদিগকে গণিত শিক্ষা দিয়া এবং অস্ত্রান্ত্র বিষয়ে লিখিত প্রশ্ন দিয়া নিম্ন শ্রেণীতে যাইয়া ইংরাজী পড়াইতেন। রাত্রিতে আমাদিগকে তাঁহার বাসায় লইয়া গিয়া ইংরাজী পড়াইতেন। তখন মন্তিগঞ্জের কালীচরণ চট্টোপাধ্যায়ের বাটীতে স্বল ও তাঁহার বাসা।

রাত্রি ১০।১১টা পর্যন্ত তাঁহার বাসায় থাকিয়া আমরাগিকে ইংরাজী পড়িতে হইত এবং তারপরে বাড়ী ফিরিয়া আসিতে হইত। স্বভাবঃ আমরা বাড়ীতে অস্ত্রাশ্রয় বিষয়ের পাঠাভ্যাস করিতে প্রায়ই অবসর পাইতাম না। ব্রজেন্দ্রবাবুর ইংরাজী উচ্চারণ ঠিক সাহেবদের মতন ছিল। এই সময়ে নদীয়ার ম্যাজিষ্ট্রেট ছিলেন বেল্ (Belle) সাহেব পরে ইনি হাই কোর্টে ব্যারিষ্টারি করিতেন। বেল্ সাহেব স্কুল দেখিতে আসিতেছেন সঙ্গে আছেন মিউনিসিপ্যালিটির ভাইস চেয়ারম্যান আনন্দময় মৈত্র মহাশয়। তাঁহারা স্কুল বাড়ীর নিকটে আসিয়াছেন এদিকে ব্রজেন্দ্রবাবু তৃতীয় শ্রেণীতে ইংরাজী পড়াইতেছেন। বেল্ সাহেব বাহির হইতে তাঁহার ইংরাজী শব্দের উচ্চারণ শুনিয়া আনন্দময় বাবুকে জিজ্ঞাসা করিলেন যে এই স্কুলের হেড্‌ মাস্টার মহাশয় কি সাহেব ?

ব্রজেন্দ্রবাবু যে সময়ে হেড্‌ মাস্টার সেই সময়ে স্কুল ইনস্পেক্টর শ্রীযুক্ত উড়ো সাহেব শান্তিপুরের বিদ্যালয়গুলি পরিদর্শন করিবার জন্য শান্তিপুরে ভ্রমণগমন করিয়াছিলেন।

যেদিন নূতন স্কুল দেখিতে আসেন তাহার পূর্ব দিনে পুরাতন স্কুলটি পরিদর্শন করিয়াছিলেন এবং তাঁহার সহিত উক্ত বিদ্যালয়ের সম্পাদক জমিদার বংশীয় তেজস্বী পুরুষ ঈশানচন্দ্র রায় মহাশয়ের সহিত অনেক বাগ্‌বিতণ্ডা হইয়াছিল, তার ফলে পুরাতন স্কুলের গভর্নেন্ট সাহায্য ৫০ পঞ্চাশ টাকা বন্ধ হয়, এবং ঐ সাহায্য নূতন স্কুলে প্রদত্ত হয়। উড়ো সাহেব অতিশয় স্বলকায় ছিলেন, সাধারণ চেয়ারে তাঁহার বসিবার স্থান সঙ্কুলন হইত না। পুরাতন স্কুলের একখানি চেয়ার তাঁহার শরীরের ভারে মড় মড় শব্দে ভাঙিয়া পড়ে।

নূতন স্কুলে আসিয়া তিনি আর চেয়ারে উপবেশন করিলেন না একখানি নূতন বেঞ্চের উপর বসিলেন। Schoolএর Time tableএ অর্থাৎ ঘাঘাতে কোন্‌ শ্রেণীতে কোন্‌ দিন কি বিষয়ে শিক্ষা দেওয়া হইবে এবং কোন্‌ শিক্ষক শিক্ষা দিবেন লেখা ছিল, তাহাতে ব্রজেন্দ্রবাবুর স্বাক্ষর

দেখিয়া উভো সাহেব দ্বিতীয় শিক্ষক ব্রজলাল বাবুকে জিজ্ঞাসা করিলেন যে ইনি কোন ব্রজেন্দ্র? ব্রজলাল বাবু তাঁহার পরিচয় দেওয়াতে সাহেব বাহাদুর বলিলেন, যে তোমরা ভাগ্যক্রমে বিশেষ উপযুক্ত হেড্‌ মাস্টার পাইয়াছ। এদিন ব্রজেন্দ্রবাবু স্কুলে উপস্থিত ছিলেন না।

রীতিমত শিক্ষা না পাওয়ায় এমন কি আমাদের ইতিহাস, ভূগোল ইত্যাদি পুস্তক গুলির সমস্ত পাঠ্য বিষয় সমাপ্ত না হওয়ায় এবং দুইটি স্কুল হওয়ায় হৈ চৈ করিয়া বেড়াইয়া বেড়ানতে আমরা কোন মতেই প্রবেশিকা পরীক্ষার উপযোগী হইতে পারি নাই।

১৮৬৮ সালের প্রবেশিকা পরীক্ষার ধরণও অন্তরূপ হইয়াছিল, ইংরাজী সাহিত্যের ও গণিতের পরীক্ষা প্রণালী সম্পূর্ণরূপে পরিবর্তিত হইয়াছিল, আর এক কথা পরীক্ষার কয়েক দিবস আমার এরূপ পেটের পীড়া হইয়াছিল যে আমি তিনটার পরেই, কোন দিনই, পরীক্ষা গৃহে থাকিয়া সমস্ত প্রশ্নের উত্তর লিখিতে পারি নাই। তিনটার পরেই মলত্যাগ করিবার জন্ত আমাকে পরীক্ষা গৃহ হইতে বাহির হইয়া আসিতে হইত আর উহার মধ্যে প্রবেশ করিবার অধিকার পাইতাম না।

আমার পরীক্ষার কলও তদনুরূপই হইল। কোথায় প্রথম বিভাগে উত্তীর্ণ হইয়া ১৫ টাকা বৃত্তি পাইব—না তৃতীয় বিভাগে উত্তীর্ণ হইলাম।

শান্তিপুরের পুরাতন স্কুল হইতে ৮ জন এবং নূতন স্কুল হইতে ৯ জন মোট ১৭ জন ছাত্র সেবার পরীক্ষা দিতে গিয়াছিল, এই ১৭ জনের মধ্যে মোটে ৫ জন উত্তীর্ণ হইয়াছিল। নূতন স্কুল হইতে ৩ জন—বিপিন বিহারি মৈত্র ২য় বিভাগে এবং আমি ও গোবিন্দচন্দ্র প্রামাণিক (পুলো) তৃতীয় বিভাগে। পুরাতন স্কুল হইতে উত্তীর্ণ ২ জন—কালীপ্রসন্ন মুখোপাধ্যায় ও রাজেন্দ্র নাথ বন্দ্যোপাধ্যায়, দুইজনই দ্বিতীয় বিভাগে।

বিপিন বিহারী মৈত্র, কালীপ্রসন্ন মুখোপাধ্যায়, গোবিন্দ চন্দ্র প্রামাণিক দুই বৎসর কাল প্রথম শ্রেণীতে ছিলেন আমি ও রাজেন্দ্র কেবল এক বৎসরের ছাত্র।

আমার চির সহাধ্যায়ী পুলিন বিহারী মঠ এবারে পরীক্ষায় অকৃতকার্য হইয়া আসিলেন এবং এই সময় হইতে আমরা পরস্পরে বিচ্ছিন্ন হইয়া পড়িলাম। আমাদের মধ্যে একজন বেশ ভাল ছাত্র ছিলেন নাম—চণ্ডীচরণ চট্টোপাধ্যায়—আমরা ইঁহাকে বাড়ু খুড়া বলিয়া ডাকিতাম।

ইনি এখনও জীবিত আছেন, বাড়ী করিয়াছেন পঞ্চরত্ন তলায়, ইনি গণিতে বিলক্ষণ পারদর্শী ছিলেন। ছাত্রবৃত্তি পরীক্ষা দিয়া আসিয়া চতুর্থ শ্রেণীতে ভর্তি হইয়াছিলেন। দুঃখের বিষয় এক বাঙ্গালা ব্যতীত আর তিন বিষয়ে অর্থাৎ ইংরাজী সাহিত্য, গণিত আর ইতিহাসে ইনি ফেল বা অকৃতকার্য হইয়াছিলেন। ইঁহাকে কি আমাদের কপালভাঙ্গা বলে না? সে বৎসর আমরা বে ৫ জন উত্তীর্ণ হইয়াছিলাম তাঁহার মধ্যে আমরা ২ জন ছাত্র জীবিত আছি, আমি ও রাজেন্দ্র বন্দ্যোপাধ্যায়। আমরা দুই জনেই শিক্ষা বিভাগে কার্য করিয়া পেন্সন্ ভোগ করিতেছি। রাজেন্দ্র প্রাদেশিক শিক্ষা বিভাগে ছিলেন, সুতরাং ইনি বেশী টাকা পেন্সন্ পাইতেছেন। আমাদের আর একজন সহাধ্যায়ী ছিলেন—পুণ্ডরীকাক্ষ মুখোপাধ্যায়, ইঁহাকেও লোকে চণ্ডী বলিয়া ডাকিত। ইনিও ১৮৬৮ সালে পরীক্ষা দিয়া অকৃতকার্য হইয়া আসেন।

সঙ্গীত বিছায় ইনি বিলক্ষণ খ্যাতি লাভ করিয়াছিলেন। নিজে নিজে অনেকগুলি উৎকৃষ্ট গীতও রচনা করিয়াছিলেন ও বেশ তান, লয়, মান সহকারে ও সুস্বলিলিত স্বরে গান করিতে পারিতেন।

চতুর্থশ্রেণী হইতে ইনি আমার সহাধ্যায়ী, ইঁহার সহিত আমার

প্রগাঢ় বন্ধুত্ব ছিল, স্কুলের ছুটির পরে প্রায় প্রত্যহই ইনি আমার সঙ্গে আমার বাড়ীতে আসিয়া জল খাইয়া একত্রে পড়িতেন।

১৮৬৮ সালে আমি প্রবেশিকা পরীক্ষায় উত্তীর্ণ হইয়া ১৮৬৯ সালে প্রথমে কলিকাতার ডফ কলেজ বা ফ্রি চর্চ ইনষ্টিটিউসনে ৬ পরে কিছু দিন কৃষ্ণনগর কলেজে প্রথম বাষিকী শ্রেণীতে অধ্যয়ন করি। পরে শান্তিপুরের মধুসূদন ভক্ত ও হাতীশালার চন্দ্রকান্ত বসু সমভিব্যাহারে কড়কি ঘাট তথাকার ইঞ্জিনিয়ারিং কলেজে পড়িবার জন্ত।

আমাকে ও মধুসূদন ভক্তকে ভর্তি করিবেন বলিয়া উক্ত কলেজের প্রিন্সিপ্যাল কর্নেল মেড্‌লি কট্ (Principal Colonel Meddlecot) আমাদিগকে পূর্বে চিঠি লিখিয়া ছিলেন, অবশ্যই আমাদের আবেদনের প্রত্যুত্তরে। অনেকগুলি বাঙ্গালী যুবক সে বারে সেখানকার ইঞ্জিনিয়ারিং কলেজে প্রবেশ লাভ করিবার উদ্দেশ্যে তথায় বাইয়া উপস্থিত হন। অনেকগুলি বাঙ্গালী যুবক উপস্থিত হওয়ায় প্রিন্সিপ্যাল সাহেব তাঁহাদিগকে ভর্তি করিতে চান না। আমার ও মধুসূদন ভক্তের চিঠি দুইখানি কলেজের হেড্‌মাষ্টার কি (Key) সাহেব, আমাদের নিকট হইতে চাহিয়া লইয়া আর আমাদিগকে প্রতাপন করেন নাই।

পরে বাঙ্গালী যুবকেরা তথাকার এসিষ্টাণ্ট সার্জন কালী প্রসন্ন ঘোষ মহাশয়ের পরামর্শানুসারে পঞ্জাবের ছোট লাট মহোদয়ের নিকট তাহাদের অবস্থা জানাইয়া একখানি আবেদন পত্র প্রেরণ করেন। লাট সাহেব বাহাদুর বাঙ্গালী যুবকদিগকে ভর্তি করিয়া লইবার জন্ত প্রিন্সিপ্যাল সাহেবকে আদেশ দেন।

তদনুসারে অধিকাংশ বাঙ্গালী যুবকই ঐ কলেজে প্রবেশ করেন। আনার পীড়া হওয়াতে ও অর্থের অনটন বশতঃ মাসখানিক তথায় থাকিয়া কলেজ ত্যাগ করিয়া চলিয়া আসি। তথা হইতে বহির্গত হইবার পূর্বে আমি দেশে আমার পিসীমাকে এই বলিয়া চিঠি লিখি যে

আমার রুড়কি থাকা ঘটিল না। আমি কাশী যাইয়া তথাকার কলেজে ভর্তি হইবার ইচ্ছা করিয়াছি।

এই চিঠি পাইয়া আমার পিসীমা মেহের বশে ৮কাশীধাম যাইয়া তাঁহাদের পূর্বপরিচিত সাতগাছিয়া নিবাসী ঈশ্বরচন্দ্র স্ক্যালকার মহাশয়ের বাসা বাড়ীতে উপস্থিত হইয়া তথায় বাস করিতে থাকেন।

এই সময় রুড়কিতে শ্রীযুক্ত উমাচরণ ঘোষ নামে একটা ভদ্র লোক একাউন্ট্যান্টের কার্য্য করিতেন। ইনি অতিশয় বদান্ত ও মুক্তহস্ত পুরুষ ছিলেন। যে সমস্ত বাঙ্গালী ঐ সময়ে রুড়কি হইয়া হরিদ্বারে যাইতেন তাঁহারা প্রায়ই উমাচরণ বাবুর বাসায় অতিথি হইয়া আশ্রয় গ্রহণ করিতেন। সকলকেই তিনি আশ্রয় ও অকাতরে অন্ন দান করিতেন। সে বৎসর যে সমস্ত বাঙ্গালী যুবক রুড়কি কলেজে ভর্তি হইতে গিয়াছিলেন তাঁহাদের মধ্যে অনেকেই উঁহার বাসায় আতিথ্য গ্রহণ করিয়াছিলেন।

আমরাও কয়েক দিন উঁহার বাসায় থাকিয়া উঁহার অন্ন ধ্বংস করিয়া-ছিলাম। বর্দ্ধমান জেলার একটা যুবক উঁহার বাসাতে কয়েক দিন ছিলেন। রুড়কি কলেজে প্রবেশ লাভ করিতে পারেন নাই। তিনি উমাচরণ বাবুর নিকট একটা মনিব্যাগ রাখিয়াছিলেন, দেশে ফিরিয়া আসিবার সময়ে তিনি ঐ ব্যাগটী চাহিলেন, উমাচরণ বাবু তৎক্ষণাৎ উহা আনিয়া দিলেন। যুবকটী ব্যাগটী খুলিয়াই বলিলেন মহাশয় ইহার মধ্যে আমার একখানি ২০ টাকার নোট ছিল, উহা এখন মনিব্যাগের মধ্যে দেখিতেছি না। উমাচরণ বাবু বিস্মিত হইয়া বলিলেন সে কি হে, তুমি মনিব্যাগটী আমার হাতে দিবা মাত্রই আমি উহা বাড়ীর মধ্যে যাইয়াই লোহার সিন্দুকের মধ্যে রাখিয়া দিয়াছিলাম। লোহার সিন্দুকের চাবি সর্বদাই আমার ক্যাস বাক্সে থাকে। ক্যাস বাক্সের চাবি আমার নিকটে থাকে। লোহার সিন্দুকটী আমি ভিন্ন আর কেহই খোলে না একরূপ অবস্থায় তোমার নোটখানি কিরূপে অন্তহিত হইল। যুবকটী

বলিলেন, মহাশয় নিশ্চয়ই উহার মধ্যে আমার বিশ টাকার নোটখানি ছিল। উমাচরণ বাবু আর দ্বিধাজ্ঞ না করিয়া তাঁহাকে দুইখানি দশ টাকার নোট আনিয়া দিলেন। যুবকটী উহা আগ্রহ সহকারে গ্রহণ করিলেন। যুবকটী চলিয়া গেলে উমাচরণ বাবু বলিলেন সম্ভবতঃ উহার বাড়ী যাইবার খরচের টাকার অভাব হইয়াছে; আমার নিকট উহা প্রকাশ করিলেই আমি উহাকে সাহায্য করিতাম। আমাকে বিশ্বাস-ঘাতক, চোর বানাইয়া গেলেন। শুনিয়াছি উমাচরণ বাবু প্রায়ই বিপন্ন ব্যক্তিদিগকে অর্থ সাহায্য করিয়া বিপদ হইতে উদ্ধার করিতেন।

আমি রুড়কি হইতে বাহির হইয়া প্রথমতঃ লক্ষ্মী যাই তৎকালে তথায় আমাদের শাস্তিপুত্রের স্বনাম ধনু রাম গোপাল বিজ্ঞান্ত মহাশয় আউদ্ ও রোহিলখণ্ড রেলওয়ের ইঞ্জিনিয়ারের কার্য্য করিতেন। তখন তিনি ছুটি লইয়া কিছু দিনের জন্ত দেশে আসিয়াছিলেন। তাঁহার বাসায় আমার সহাধ্যায়ী গোবিন্দ চন্দ্র প্রামানিক (পুলো) তাঁহার শ্রালক হরিবিলাস খাঁ ও কাশ্যপ পাড়ার লোহারাম ভাড়াটী ছিলেন। গোবিন্দ ও লোহারাম তখন সেখানে চাকরী করিতেছিলেন। তথায় ১৫।১৬ দিন থাকিয়া ক্যানিং কলেজে ভর্তি হইবার চেষ্টা করিয়াছিলাম, তখন ক্যানিং কলেজে রাজকুমার সর্দাদিকারী মহাশয় ইতিহাস ও সংস্কৃতের অধ্যাপক ছিলেন। বাসার সুবিধা করিতে না পারায় তথা হইতে চলিয়া আসিতে বাধ্য হই।

লক্ষ্মী থাকা কালে বর্দ্ধমান জেলার রায়না নিবাসী লক্ষ্মীকান্ত ঘোষ মহাশয়ের সহিত একদিন চিফ্ কমিশনারের আফিস দর্শন করিতে যাই। লক্ষ্মীবাবু ইংরাজী ও সংস্কৃত ভাষায় বিলক্ষণ ব্যাংপন্ন ছিলেন। তিনি চাকরীর চেষ্টায় লক্ষ্মী গিয়াছিলেন এবং রাম গোপাল বিজ্ঞান্ত মহাশয়ের বাসাভেই অবস্থিতি করিতেছিলেন। এখানে বলা আবশ্যক বিজ্ঞান্ত মহাশয়ের বাসার দ্বার অসহায় ও বিপন্ন ব্যক্তিদিগের জন্ত সর্বদাই উন্মোচিত থাকিত। অনেকেই তথায় চাকরীর চেষ্টায় গিয়া ৫।৬ মাস পর্য্যন্ত কাটাইতেন।

তিনি মুক্ত হস্তে সকলকেই অন্ন দান করিতেন। আমি তাঁহাকে জানাইলে অনায়াসেই সেই দুই বর্ষকাল তাঁহার বাসায় থাকিয়া ক্যানিং কলেজে অধ্যয়ন করিতে পারিতাম। কিন্তু আমি লজ্জা বশতঃ এবং পর-ভাগ্যোপজীবী হইতে অনিচ্ছুক থাকায় তাঁহাকে আমার বিষয় জানাইতে পারি নাই বা জানাই নাই।

চিফ্ কমিশনারের আফিসে গিয়া কোন এক বিভাগের হেড্ এসিষ্ট্যান্ট গিরিশচন্দ্র চক্রবর্তী মহাশয়ের সহিত আমার পরিচয় হয়। তিনি লক্ষ্মী বাবুকে বলিলেন আমার এই অঙ্কগুলি কষিয়া দাও না। লক্ষ্মী বাবু বলিলেন আমি বৃদ্ধ হইয়াছি, আমাকে দেখাইয়া দিয়া বলিলেন এই যুবকটিকে অঙ্কগুলি দেন। অঙ্কগুলি আর কিছুই নহে, কতকগুলি সূত্র্যার গড় বাহির করা, কতকগুলির শত করা হার বাহির করা এবং দুই চারিটা (Logarithm) লগারিথ্‌মের অঙ্ক। আমি সব অঙ্কগুলি অতি অল্প সময়ের মধ্যে কষিয়া দিলাম।

গিরিশ বাবু আমার প্রতি অতীব সন্তুষ্ট হইয়া বলিলেন চাকরী করিবা আমার অধীনে একটি ৩০২ টাকা বেতনের চাকরী খালি আছে। আমি বলিলাম না মহাশয়, আমার বি, এ পর্য্যন্ত পড়িবার ইচ্ছা আছে, এখন চাকরী করিব না। এই কথা শুনিয়া তিনি বলিলেন চাকরী করিলে ভাল করিতে তবে আমি তোমার অধ্যয়নের ইচ্ছায় বাধা দিতে চাহি না। যদি আমি তখন চিফ্ কমিশনারের আফিসে চাকরী গ্রহণ করিতাম, তাহা হইলে আমি পরে বিলক্ষণ উন্নতি লাভ করিতে পারিতাম। কিন্তু আমার অদৃষ্ট আমাকে তাহা করিতে দিল না। আমি লক্ষ্যে হইতে বাহির হইয়া কাশীধামে আসিয়া আমার পিসীমার বাসার অহুসন্ধান করিয়াছিলাম। কিন্তু উহা বাহির করিতে পারি নাই, পরন্তু গুণ্ডার হাতে পড়িয়াছিলাম। তখন আমার বয়স ১২ বৎসর মাত্র। ইতি পূর্বে কখনও এত দূর দেশে যাই নাই। আমি ভয় পাইয়া বাড়ী ফিরিয়া আসিলাম। আমার পিসীমা কাশীধামে বাস করিতে



করিতে কালক্রমে কাশীপ্রাপ্ত হইলেন। মৃত্যুর সময়েও তিনি বারবার আমার নাম করিয়াছিলেন। আমি হতভাগ্য তাঁহার সেবা গুণ্ণা করিতে বা কোন উপকারে আসিতে পারি নাই। কিন্তু আমি তাঁহার নিকট হইতে যে দয়া, স্নেহ, নমতা ও উপকার পাইয়াছি তাহার জন্ত তাঁহার আত্মার নিকট চিরকৃতজ্ঞ থাকিব ও তাঁহার গুণের কথা প্রানান্ত পর্য্যন্ত ভুলিতে পারিব না।

তাঁহার সাক্ষাতিক পীড়ার সংবাদ কাশী হইতে পাইয়া তাঁহার সেবা গুণ্ণার জন্ত আমার বড় পিসীমাকে হরিপুরের নদের চাঁদ বাগ্‌দিকে সঙ্গে দিয়া কাশীতে পাঠাইয়া দিয়াছিলাম। কয়েক দিন পরে তিনি সজ্ঞানে কাশীপ্রাপ্ত হন।

লক্ষ্মী যাইবার সময়ে কাণপুর দেখিয়া গিয়াছিলাম।

কাশী হইতে বাড়ী ফিরিয়া আসিবার সময়ে আমি পাটনা ও বাকি-পুর হইয়া আসিয়াছিলাম। রেল আসিবার সময়ে ভুলক্রমে পাটনা স্টেশন ছাড়াইয়া তার পরবর্তী স্টেশনে নামি। তখন রাত্রি হইয়াছে, যে স্টেশনে আসিয়া পড়িয়াছিলাম সে একটি ছোট স্টেশন এক ব্যক্তিই স্টেশন মাষ্টারের ও টেলিগ্রাফ সিগনালারের কার্য করিতেন। এই ব্যক্তি একজন বাঙ্গালী বাবু। তাঁহাকে আমার ভুলের কথা বলায় তিনি বলিলেন যে আপনি এখন এখানে থাকুন, পুনরায় যখন এদিক হইতে পাটনার দিকে গাড়ী যাইবে সেই সময়ে আপনাকে পাটনায় পাঠাইয়া দিব। কিন্তু তখন রাত্রি প্রায় শেষ হইবে। আপনি আমার এই বিছানায় এখন শুইয়া থাকুন। আমি গাড়ী আসিলে আপনাকে জাগাইয়া পাটনায় পাঠাইয়া দিব। ইনি কার্ধ্যেও তাহাই করিয়াছিলেন। অতি প্রত্যুষে আমি পাটনা স্টেশনে গিয়া পৌঁছিয়াছিলাম। পাটনা ও বাকিপুর যে পরস্পর হইতে অনেক দূর এবং বাকিপুর যে হেড কোয়ার্টার স্টেশন উহা আমার জানা ছিল না। বাকিপূরে যাওয়াই আমার উদ্দেশ্য ছিল। সুতরাং পাটনা হইতে একখানি একা গাড়ীতে উঠিয়া বাকিপূরে পৌঁছিয়া শ্রীযুক্ত

শশিভূষণ মুখোপাধ্যায় এম্, এ, বি, এল্ মহাশয়ের বাসায় গিয়া উঠিলাম। শশীবাবু তখন পাটনা কলেজের ইতিহাসের অধ্যাপক ছিলেন। শশীবাবু বাল্যকালে শান্তিপুরে ছিলেন। ইহার পিতা শান্তিপুরের আদালতের নাজির ছিলেন। নাজির মহাশয়ের নাম বোধ হয় শ্রীযুক্ত উমেশচন্দ্র মুখোপাধ্যায় ছিল। এই সময়ে শান্তিপুরের শ্রীযুক্ত রাজকৃষ্ণ প্রামাণিক মহাশয় বাকিপুরের কালেক্টারের হেড্ ক্লার্ক ছিলেন। শশীবাবুর বাসায় যাওয়ার উদ্দেশ্য ছিল এই যে ইনি আমাদের গ্রামের ও পাড়ার শ্রীযুক্ত রাম গোপাল মুন্সী মহাশয়ের সহাধ্যায়ী ছিলেন। মুন্সী মহাশয়ের পরিচয় দিলেই উহার বাসায় নিশ্চয়ই স্থান পাইব, ফলে তাঁহার বাসায় সহজেই স্থান পাইলাম। ভদ্রলোকের বাসায় আগন্তকের যেরূপ যত্ন হওয়া উচিত আমারও সেইরূপ যত্ন হইল। এই সময়ে শশীবাবুর সহোদর বিধু বাবুও তাঁহার বাসায় ছিলেন। বিধু বাবু ভালরূপ লেখাপড়া শেখেন নাই। গান বাজনা ও আমোদ প্রমোদ করিয়াই সময় কাটাইতেন।

একদিন স্নান করিবার সময় বিধু বাবু আমার জাতি ও বাসস্থানের কথা তন্ন তন্ন করিয়া জিজ্ঞাসা করিতে লাগিলেন। জাতিতে ময়রা শুনিয়া বিধু বাবু আমাকে প্রশ্ন করিলেন তুমি গড়ের শ্রীরাম ইন্দ্রকে চেন, আমি বলিলাম চিনি, পরে প্রশ্ন করিলেন, তোমার সহিত তাঁহার কোন সম্পর্ক আছে? আমি অনেকক্ষণ চুপ করিয়া থাকিলাম। আমাকে চুপ করিয়া থাকিতে দেখিয়া তাঁহার মনে সন্দেহ হওয়ায় তিনি পীড়াপীড়ি করিতে লাগিলেন। অবশেষে আমি বাধ্য হইয়া বলিলাম যে শ্রীরাম ইন্দ্র মহাশয় আমার আপন মাতুল। এখানে বলা আবশ্যক যে যৎকালে বিধু বাবুর পিতা উমেশ বাবু শান্তিপুরে নাজিরী করিতেন তৎকালে আমার মাতুল শ্রীরাম ইন্দ্র উহার জামিন ছিলেন এবং তাঁহার সহিত তাঁহার যথেষ্ট সখ্য ভাব ছিল। বিধু বাবু বাড়ীর মধ্যে বাইয়া তাঁহার মাতাঠাকুরাণীর নিকট বলিয়াছিলেন যে যুবকটি আমাদের বাসায় আসিয়া

অতিথি হইয়াছে, ওটি গড়ের শ্রীরাম ইন্ডের ভাগিনেয়। আমাকে বৈঠক-খানার পার্শ্বে যে ঘরটিতে খাইতে দেওয়া হইত, বাড়ীর ভিতর হইতে উহার মধ্যে আসিবার একটা দুয়ার ছিল, খাইতে বসিয়াছি এমন সময়ে শশীবাবুর মাতাঠাকুরাণী ঐ দুয়ারটা খুলিয়া ঐ ছোট ঘরের মধ্যে আসিয়া বলিলেন “ওরে গুয়োটা, তোর বাড়ী রাম গোপাল মুন্সীর বাড়ীর নিকট এই তোর পরিচয়। তোর মামার নাম করিস্ নি কেন? বাড়ী গিয়া মা ও মামীদের কাছে গল্প করতিস্ আর তাঁরা আমাদের নিন্দা করিতেন। এই দিন হইতে তাঁহাদের বাসায় আমার যথেষ্ট আদর ও যত্ন হইতে লাগিল। একদিন শশীবাবু আমাকে সঙ্গে করিয়া লইয়া পাটনা কলেজে গিয়াছিলেন, সে দিন পাটনা কলেজে ছাত্রদিগের পারিতোষিক বিতরণ হইতেছিল।

ঝড়কি ও কাশী হইতে ফিরিয়া আসিয়া আমি পুনরায় কলিকাতার ডক্ কলেজের দ্বিতীয় বার্ষিকী শ্রেণীতে ভর্তি হইয়াছিলাম এবং তথায় ১৮৭০ সনের আগষ্ট মাস পর্য্যন্ত অধ্যয়ন করিয়াছিলাম। কিন্তু এক্ষণে পরীক্ষা দিই নাই—অস্বচ্ছলতা বশতঃ ও পরীক্ষার ফি যোগাড় করিতে না পারায়।

পরীক্ষার্থী ভালরূপ প্রস্তুত হইতে না পারায় লেখাপড়া ছাড়িয়া দিয়া চাকরীর চেষ্টা করিতে বাধ্য হইলাম এবং অল্পদিনের মধ্যেই শান্তিপুরের জমিদার শ্রীযুক্ত ভগবান্ চন্দ্র রায় মহাশয় প্রাতিষ্ঠিত তাঁহার বাটীস্থ মধ্য ইংরাজী বিদ্যালয়ের দ্বিতীয় শিক্ষকের পদে নিযুক্ত হইলাম। উক্ত পদের বেতন ছিল ২৫ টাকা, কিন্তু আমাকে ১৫ টাকার অধিক দিতেন না। তখন উক্ত স্কুলের হেড্-মাষ্টার ছিলেন শ্রীযুক্ত মণ্ণা মোহন মুখোপাধ্যায় মহাশয়, পরে শ্রীযুক্ত দুর্গাদাস বন্দ্যোপাধ্যায় মহাশয় তৎপদে নিযুক্ত হইয়াছিলেন। দুর্গাদাস বাবু পরে ওকালতী পরীক্ষা দিয়া কুষ্টিয়া মহকুমায় ওকালতী করিতেন।

ভগবান্ বাবু আমাকে বড়ই স্নেহ করিতেন, কিন্তু আমার নাম

ভুলিয়া গিয়া প্রায়ই আমাকে পরমেশ্বর বলিয়া ডাকিতেন। এই সময়ে তাঁহার স্বযোগ্য পুত্র হরিদাস বাবু ও ভ্রাতুষ্পুত্র যোগিন বাবু ঐ স্কুলের ছাত্র ছিলেন। হরিদাস বাবুকে ও ২৪ দিনের জন্য পড়াইয়াছি। হরিদাস বাবু পরে কলকাতার কলেজিয়েট স্কুলে গিয়া ভর্তি হইয়াছিলেন।

যোগিন বাবুকে অনেক দিন পড়াইয়া ছিলাম। যোগিন বাবুর একটা ভয়ানক কু অভ্যাস ছিল ঘুঁটের ছাই ও তেঁতুল খাওয়া। তাঁহার জামার পকেট খুঁজিলেই প্রায়ই ঐ দুইটা কদর্যা জিনিস পাওয়া যাইত। তাঁহার মাতাঠাকুরাণী দাসীর দ্বারা আমাকে প্রায়ই বলিয়া পাঠাইতেন যে তাঁহার জামার পকেট হইতে ঐ দুইটা জিনিস বাহির হইলে তাঁহাকে বিলক্ষণ প্রহার দিবা। স্বতরাং মধ্যে মধ্যে তাঁহাকে প্রহার দিতে হইত।

যে সময়ে দুর্গাদাস বাবু হেড্‌ মাষ্টার, সেই সময়ে আমি ঐ স্কুল পরিত্যাগ করিয়া ১৫ বৎসরে শান্তিপুর নূতন স্কুলের চতুর্থ শিক্ষকের পদে নিযুক্ত হই। এই ত আমার বিদ্যা বুদ্ধির দোড়।

এখন আমার চাকরীর কথা বা দাস জীবনের কথা সবিস্তারে বলিতে ইচ্ছা করি; এবং যথা স্থানে বলিব।

আমি পূর্বে বলিয়াছি যে আমি নানা কারণে উপযুক্তরূপে লেখাপড়া শিখিতে পারি নাই। এফ্‌ এ ক্লাসের দ্বিতীয় বাষিকী শ্রেণী পর্য্যন্ত অধ্যয়ন করিয়া নিজের ও পরিবারবর্গের ভরণপোষণের জন্য অতি অল্প বেতনে প্রথমে শ্রীযুক্ত ভগবান্ বাবুর স্কুলে, পরে শান্তিপুরের নূতন ইংরাজী স্কুলে চতুর্থ শিক্ষকের পদে নিযুক্ত হই। এই সময়ে ঐ স্কুলের হেড্‌ মাষ্টার ছিলেন শ্রীযুক্ত কালী মোহন ঘোষাল, দ্বিতীয় শিক্ষক শ্রীযুক্ত ব্রজলাল মৈত্র, তৃতীয় শিক্ষক শ্রীযুক্ত রামকৃষ্ণ দাস, চতুর্থ শিক্ষক আমি, হেড্‌ পণ্ডিত ব্রহ্মশাসন নিবাসী শ্রীযুক্ত কালীপ্রসন্ন ভট্টাচার্য্য মহাশয় ও অন্যান্য শিক্ষকের নাম এখানে বলিবার আবশ্যক নাই। যেহেতু যথা সময়ে বেতন না পাওয়ায় প্রায়ই শিক্ষকদিগের মধ্যে ঘন ঘন পরিবর্তন ঘটিত। শ্রীযুক্ত কালীমোহন ঘোষাল মহাশয় একজন অতি বিচক্ষণ,

স্বদেশ ও স্বযোগ্য হেড্‌ মাষ্টার ছিলেন। পূর্বে ইনি বালেশ্বর জিলা স্কুলের হেড্‌ মাষ্টার ছিলেন। কি জন্ত চাকরী যায় জানি না। শুনিয়াছি পরে ইনি গভর্ণমেন্টের নিকট আবেদন করিয়া কিছু পেন্সন্‌ পাইয়াছিলেন। ইনি ইংরাজী সাহিত্য ও গণিতে স্ননিপুণ ছিলেন। প্রথম শ্রেণীতে পড়াইতে ইংরাজী, ব্যাকরণ, গণিত, ইতিহাস, ভূগোল আদির পুস্তক ইহাকে খুলিতে হইত না। ব্রজলাল বাবুও ইংরাজী সাহিত্যে বিশেষ ব্যাপন্ন ছিলেন। ইহার মত বিগুহ ইংরাজী লিখিতে তৎকালে শাস্তিপুত্রে অল্প লোকেই পারিত।

শ্রীযুক্ত উমাচরণ কর নামে একজন বি, এ কিছুদিনের জন্ত এই স্কুলে হেড্‌ মাষ্টার ছিলেন। পরে ইনি মুন্সেফ্‌ হইয়াছিলেন। পরে যখন পেন্সন্‌ লইয়া অবসর গ্রহণ করেন তখন সব্‌ জজ পর্য্যন্ত হইয়াছিলেন। রামকৃষ্ণ বাবু এখনও জীবিত আছেন। ইনি পরে আসাম প্রদেশে বাইয়া প্রথমতঃ তেজপুর জিলা স্কুলের থার্ড মাষ্টার হন। পরে সব্‌ইনস্পেক্টরী করিতে করিতে পেন্সন্‌ লইয়া অবসর গ্রহণ করেন। অবসর গ্রহণ কালে ইহার বেতন ৭১ টাকা ছিল।

এ সময়ে সূত্রাগড় গ্রামে পাড়ায় পাড়ায় কয়েকটি পাঠশালা থাকা ভিন্ন আর কোন উপযুক্ত বিদ্যালয় ছিল না। প্রথম বয়স হইতেই এই অভাবটী সর্বদাই আমার মনকে কষ্ট দিত। যখন আমরা স্কুলে অধ্যয়ন করি তখন রঘুনাথপুর নিবাসী কৃষ্ণচন্দ্র ঘোষ নামে এক ব্যক্তির একটি পাঠশালা এখানে ছিল। পাঠশালাটির কার্য্য বর্তমান কালের সারদা, বরদা বিশ্বাস দিগের পূজার দালানে সম্পাদিত হইত। তখন এ বাড়ীটা ছিল তাম্বুলী বংশীয় অঘোর নাথ আসের বাড়ী। এই পাঠশালাটিতে গভর্ণমেন্টের সাহায্য ছিল। তখন খ্যাতনামা স্বর্গীয় ভূদেব মুখোপাধ্যায় মহাশয় প্রেসিডেন্সী ও মুর্শিদাবাদ বিভাগের অতিরিক্ত স্কুল ইনস্পেক্টর ছিলেন। ইহার অধীনে তখন কেবল পাঠশালাই ছিল, অন্ত স্কুল ছিল না।

ইহার অধীনে তখন নদীয়া জেলায় ডেপুটি ইনস্পেক্টার ছিলেন কৃষ্ণ নগরের চৌধুরী পাড়া নিবাসী হরি তারণ ভট্টাচার্য মহাশয়। ভূদেব বাবু হরি তারণ বাবুকে সঙ্গে লইয়া এই পাঠশালাটা পরিদর্শন করিতে আসিয়াছিলেন, এবং অনেকক্ষণ পর্যন্ত রাজবাড়ীর রোয়াকে বসিয়া সদালাপ করিয়া সকলকে সন্তুষ্ট করিয়াছিলেন।

ইতিপূর্বে ভূদেব বাবু হুগলী নর্থ্যাল স্কুলের হেড্‌মাষ্টার ছিলেন। ইনি হুগলি নর্থ্যাল স্কুলটাকে প্রথম স্থাপন করেন।

উক্ত নর্থ্যাল স্কুলটি স্থাপিত হইবার পূর্বে শান্তিপুরের বানকের কুঠিতে মিশনারি সাহেব দিগের একটি নর্থ্যাল স্কুল, একটি ইংরাজী বিদ্যালয় ও একটি সংস্কৃত বিদ্যালয় ছিল।

উক্ত মিশনারি সাহেবদিগের মধ্যে মহাত্মা বম্‌ওয়েচ ও ওয়েঞ্জার সাহেবের নাম বিশেষ উল্লেখ যোগ্য।

ভূদেব বাবু হুগলি নর্থ্যাল স্কুলটি প্রতিষ্ঠা করিবার পূর্বে শান্তিপুরে মিশনারি সাহেবদিগের দ্বারা পরিচালিত নর্থ্যাল স্কুলে কি প্রণালীতে শিক্ষা দেওয়া হইত জানিবার জন্ত শান্তিপুরে আসিয়া দত্ত পাড়ায় তাঁহার কোন আত্মীয়ের বাটীতে আসিয়া কয়েক দিন ছিলেন। যে বাড়ীতে ভূতপূর্ব একজিকিউটিভ ইঞ্জিনিয়ার রামকৃষ্ণ মুখোপাধ্যায় মহাশয়ের পুত্রগণ এখন বাস করিতেছেন এটি সেই বাড়ী। ভূদেব বাবু শান্তিপুর হইতে কয়েকটি বুদ্ধিমান ছাত্র সংগ্রহ করিয়া লইয়া গিয়া প্রথমে হুগলি গভর্নমেন্ট নর্থ্যাল স্কুল স্থাপন করেন। এই কয়েকজন ছাত্রের মধ্যে বিশেষ উল্লেখ যোগ্য ছিলেন নিত্যানন্দ গোস্বামী, যজ্ঞেশ্বর ভট্টাচার্য ও রাম গোপাল বিদ্যাস্ত। কথা প্রসঙ্গে ভূদেব বাবু জিজ্ঞাসা করিলেন যে এখন রাম গোপাল বিদ্যাস্ত কোথায় ও কি করিতেছেন, উত্তরে আমরা বলিলাম, তিনি এখন লক্ষ্মীতে আছেন ও আউন্ড ও রোহিল-খণ্ড রেলওয়ের এসিষ্ট্যান্ট ইঞ্জিনিয়ার। ভূদেব বাবু শুনিয়া সন্তুষ্ট হইয়া বলিলেন যে তাঁহার উপযুক্ত পদই রাম গোপাল পাইয়াছেন। এটি

ত বিদ্যালয় নহে বিদ্যালয়, সামান্য স্কুল পণ্ডিতী ইহার পক্ষে সম্পূর্ণ অসুপযোগী, ছাত্রেরা নর্থ্যাল স্কুল হইতে তখন উত্তীর্ণ হইলেই গভর্নমেন্ট বা গভর্নমেন্ট সাহায্য কৃত বিদ্যালয়ের পণ্ডিতের পদে নিযুক্ত হইতেন। রামগোপাল বাবুও তাহাই পাইয়াছিলেন। রাইপুর স্থপুল স্কুলের ইনি প্রধান পণ্ডিত হইয়াছিলেন। এই সময়েই গড়ের ঐ পাঠশালাটির জন্ম একটা স্বতন্ত্র ঘর প্রস্তুত করিবার নিমিত্ত ইচ্ছা আমাদের মনে অত্যন্ত বলবতী হইয়াছিল। এই নিমিত্ত আমরা চাঁদা সংগ্রহ করিতে বাহির হইয়া একদিন সন্ধ্যার প্রাকালে তদানীন্তন শান্তিপুরের স্কুলকর্জ্জ কোটের জজ টাওয়ার সাহেব মহোদয়ের নিকট যাই। তখন টাওয়ার সাহেব তিনটি মহকুমায় অর্থাৎ চুয়াডাঙ্গা, কুষ্টিয়া ও শান্তিপুরে পর্য্যায়ক্রমে কাছারি করিতেন।

আমাদিগের মধ্যে কালীপ্রসন্ন রায় ও কুঞ্জ সাহাও ( পরে ডাক্তার ) ছিলেন। কুঞ্জ বাবু আমাপেক্ষা বয়সে নয় মাসের ছোট, কালীপ্রসন্ন রায় বয়সে ২১০ বৎসরের বড়। আমি তখন অল্প অল্প ইংরাজী বলিতে শিখিয়াছি। জজ সাহেব বাহাদুর আমাদিগকে বালক দেখিয়া বলিলেন যে তোমরা এইজন্য কয়েকটা বালক আসিয়াছ কেন? তোমাদের বয়োজ্যেষ্ঠেরা আসেন নাই কেন, আমরা উত্তর করিলাম যে আমাদের বয়োজ্যেষ্ঠদিগের মধ্যে কেহই বিদ্যোৎসাহী নহেন এবং কেহই শিক্ষিত নন। অবশ্য শ্রীযুক্ত রাম গোপাল মুন্সী প্রভৃতি কয়েকজন সুশিক্ষিত লোক তখন ছিলেন বটে, কিন্তু তাঁহারা তখন বিদ্যাভ্যাস জন্ম বা নিজ নিজ কার্যব্যাপদেশে বিদেশে থাকিতেন। টাওয়ার সাহেব আমাদের কথা শুনিয়া বলিলেন, যে ভাল পুনরায় যখন আমি শান্তিপুরে কাছারি করিতে আসিব; সেই সময়ে তোমাদিগকে কিছু দিয়া যাইব। ফলতঃ তাহার কিছু দিন পরে যখন তিনি পুনরায় শান্তিপুর আসিয়াছিলেন, তখন আমরা তাঁহার নিকট যাওয়ায় ১০ টা টাকা দিয়া পিয়াছিলাম। কিছু টাকা সংগৃহীত হইলে তদ্বারা আমরা কতকগুলি

বাঁশ কিনিয়া বাকারি করিয়া জলে পচাইতে দিয়াছিলাম এবং পরে জল হইতে উঠাইয়া আনিয়া মুন্সীদের বাড়ীর সম্মুখে রাখিয়া দিয়াছিলাম। তখন ভগবান্ চন্দ্র মুন্সী মহাশয় জীবিত ছিলেন। আর টাকা সংগ্রহ করিতে না পারায় পাঠশালার গৃহ প্রস্তুত হইয়া উঠিল না বাঁশ বাকারি গুলি নষ্ট হইয়া গেল। পূর্বেই বলিয়াছি যে আমি মাসিক ১৫ টাকা বেতনে শান্তিপুরের নূতন ইংরাজী বিদ্যালয়ের চতুর্থ শিক্ষকের পদে নিযুক্ত হইয়াছিলাম।

তখন শান্তিপুরের দুইটি উচ্চশ্রেণীর Higher Class English School থাকায় কোনটাই স্ব্চারুপে চলিতেছিল না। অল্প বেতন-ভোগী শিক্ষকেরা কোন স্কুলটিতেই যথা সময়ে বেতন পাইতেন না। ছাত্রদিগকেও শাসন করিবার ক্ষমতা ছিল না। ছাত্রবৃদ্ধি করিবার অভিপ্রায়ে দুইটি স্কুলই অনেক ছাত্রের নিকট হইতেই, অর্দ্ধেক বা তদ্ব্যন্বয় হারে বেতন লইতেন। দুইটি স্কুলেই অবৈতনিক ছাত্রসংখ্যা অনেক ছিল। নূতন স্কুলে এই সময়ের ছাত্রদিগের মধ্যে ব্যারিষ্টার ব্যোমকেশ চক্রবর্তীর নাম বিশেষ উল্লেখযোগ্য। আমি যখন চতুর্থ শিক্ষক তখন ব্যোমকেশ তৃতীয় শ্রেণীর ছাত্র, মধ্যে মধ্যে তাঁহাকেও পড়াইয়াছি। অত্যাগত ছাত্রদিগের মধ্যে শ্রামাচরণ গঙ্গোপাধ্যায় ও রজনীকান্ত মৈত্রের নাম বিশেষ উল্লেখযোগ্য। ইহারা উভয়েই এখন ধনে ও মানে শান্তিপুরের মধ্যে শ্রেষ্ঠ ব্যক্তি।

ইহারা উভয়েই আমার ছাত্র, এবং আমাকে আজ পর্যন্ত বিশেষ শ্রদ্ধা ও ভক্তি করিয়া থাকেন। অক্ষয়কুমার ভট্টাচার্য্য, রাজেন্দ্রনাথ লাহিড়ী, মথুরানাথ মৈত্র, রাসবিহারী মৈত্র ও রমাপ্রসাদ মৈত্রের নামও উল্লেখযোগ্য। রাজেন্দ্র লাহিড়ী মুনসেফ্ হইয়াছিলেন, আক্ষেপের বিষয় তরুণ বয়সে বম্ভারোগাক্রান্ত হইয়া কালগ্রাসে পতিত হইয়াছিলেন। মথুর মৈত্র এখন ফরিদপুরের একজন খ্যাতনামা উকিল, রাসবিহারী মৈত্র এসিষ্ট্যান্ট সার্জন হইয়াছিলেন, ইনিও অল্প বয়সে মারা



গিয়াছেন। রমাশ্রমাদ মৈত্র সৰ্জ্জ হইয়াছিলেন, ইনিও অল্পদিন হইল মারা গিয়াছেন। অপরাপর ছাত্রের মধ্যে বিহারীলাল ভট্টাচার্য্য, হেমচন্দ্র ভট্টাচার্য্য ও নৃত্যগোপাল ভট্টাচার্য্যের নামও উল্লেখ করা যাইতে পারে। বিহারী ও নৃত্যগোপাল পরে শান্তিপুর মিউনিসিপ্যাল হাই স্কুলের শিক্ষক হইয়াছিলেন, শেষোক্ত তিনটি ছাত্রই এখন দুর্ভাগ্যক্রমে কালকবলে পতিত।

পূর্বেই উক্ত হইয়াছে যে আমাদের বাসগ্রাম স্মতরাগড়ে উপযুক্ত রূপ বিদ্যালয়ের অভাব। আমি পঠদশা হইতেই বিশেষভাবে অনুরাগ করিয়া আসিতেছিলাম। শান্তিপুরের হুতন ইংরাজী বিদ্যালয়ের চতুর্থ শিক্ষকের পদে নিযুক্ত হইয়া যখন আমি কার্য্য করিতেছিলাম, সেই সময়ে স্মতরাগড় গ্রামে একটি মধ্য ইংরাজী বিদ্যালয় স্থাপন করার ইচ্ছা আমার মনে অত্যন্ত বলবতী হয় এবং ঐ সময়ই উহার উপযোগী সময় বলিয়া আমার মনে ধারণা হয়। তখন গড় হইতে অনেকগুলি ছাত্র হুতন ইংরাজী স্কুলে পড়িতে যাইত। শান্তিপুরের দুইটি ইংরাজী স্কুলের অবস্থাই তখন অতি শোচনীয়। উভয় বিদ্যালয়েই তখন নানাপ্রকার বিশৃঙ্খলা ছিল। জমীদার শ্রীযুক্ত ভগবান্ চন্দ্র রায় মহাশয় প্রতিষ্ঠিত মধ্য ইংরাজী বিদ্যালয়টিও তখন উঠিয়া গিয়াছিল। এই স্বযোগে গড়ে একটি মধ্য ইংরাজী বিদ্যালয় প্রতিষ্ঠিত হইতে পারে এই ধারণা আমার মনে বদ্ধমূল হয়।

এই ধারণার বশবর্তী হইয়া আমি শ্রীযুক্ত বিশ্বেশ্বর বিশ্বাস মহাশয়ের সহিত পরামর্শ করিয়া ও তাঁহার সাহায্যে ইংরাজী ১৮৭২ সালে ১৩ই নভেম্বর তারিখে স্মতরাগড় গ্রামে একটি মধ্য ইংরাজী বিদ্যালয় সংস্থাপন করি। এই বন্দ্যোবস্তু স্কুলটি স্থাপিত হয়—বিশ্বাস মহাশয় বলেন যে মাসে মাসে যে কোন উপায়ে তিনি আমাকে ৮ টি করিয়া টাকা দিবেন এবং কয়েকখানি বেঞ্চ, চেয়ার, টুল ও একটি আলমারি প্রস্তুত করিয়া দিবেন। বেঞ্চ, আলমারি প্রস্তুত করিবার জন্ত আমকাঠের একটি

গুঁড়ি কেনা হয় তাহাতেই তাহারই তত্ত্বার দ্বারা বেঞ্চগুলি প্রস্তুত হয় ও একটি আলমারি ও একটি টেবিলও তৈয়ারী করা হয়। সেই আলমারিটি অত্য়পি স্ততরাগড় M. N. H. E. School এ অর্থাৎ স্ততরাগড় বর্তমান উচ্চ ইংরাজী বিভাগয়ের লাইব্রেরীতে রহিয়াছে।

এতদ্ব্যতীত আর কিছুই দিবেন না। আমি শ্রীযুক্ত মহাদেব নন্দী মহাশয়কে স্কুলের সম্পাদক করিবার জ্ঞাত প্রস্তাব করি, বিশ্বাস মহাশয় অতি স্হচতুর ও বুদ্ধিমান লোক ছিলেন। তিনি আমাকে বলিলেন “না হে তাহা করিলে স্তবিত্বা হইবে না, নন্দী মহাশয় বুদ্ধ ও সেকলে লোক। উনি টাকা পয়সা খরচ করিতে পারিবেন না উহার পুত্র শ্রীযুক্ত গোপীচরণ নন্দীকে স্কুলের সম্পাদক করা হউক,” প্রকৃত প্রস্তাবে তাহাই হইল নিম্নলিখিত কয়েক ব্যক্তি শিক্ষক নিযুক্ত হইলেন—

শ্রীযুক্ত রামেশ্বর সেন হেড্‌ মাষ্টার মাসিক বেতন ১৫ টাকা

শ্রীযুক্ত হরিশচন্দ্র ইন্দ্র সেকেণ্ড মাষ্টার „ „ ৬ „

শ্রীযুক্ত শ্যামাচরণ চট্টোপাধ্যায় হেড্‌ পণ্ডিত

( ব্রহ্মশাসন নিবাসী ) „ ৭ „

শ্রীযুক্ত হরিচরণ দে সেকেণ্ড পণ্ডিত „ ৬ „

শিক্ষকদিগের বেতন হইল মোটে ৩৪ স্কুলের বাড়ী ভাড়া ২ বাজে খরচ ১০ ও জল দিবার এবং ঘর পরিষ্কার রাখার জ্ঞাত একটি স্ত্রীলোককে দিতে হইত মাসিক ১০, মোটে স্কুলের ব্যয় ৩৮ টাকা মাত্র।

কিন্তু বিশ্বাস মহাশয় মাসে ৮ টাকার বেশী কিছুতেই দিবেন না বলিলেন। আমি উহাতে সন্তত হইয়া শ্রীযুক্ত সর্কেশ্বর দত্ত মহাশয়ের বড়ভ্রাত্তের বাজারস্থিত গৃহটি ২ টাকা মাসিক ভাড়ায় বন্দোবস্ত করিয়া লইয়া ঐ গৃহে বিভাগয়ের কার্য আরম্ভ করিয়া দিলাম। আমার বিশ্বাস অচিরেই ছাত্র সংখ্যা যথেষ্ট হইবে এবং ছাত্র দত্ত বেতন ও প্রতিশ্রুত মাসিক ৮ টাকা সাহায্যে বিভাগয়টির কার্য কোনপ্রকারে চলিয়া যাইবে। না চলে আমি ১৫ টাকার কম বেতন লইয়া কার্য

করিব। মঙ্গলময় শ্রীশ্রীভগবানের কৃপায় অচিরেই ছাত্রসংখ্যা সত্তর পঁচাত্তর জন হইল এবং ছাত্র দত্ত বেতন ও ৮২ টাকা সাহায্যে বিদ্যালয়টির কার্য কোন গতিকে চলিয়া যাইতে লাগিল। এস্থলে বলা কর্তব্য যে গোপীবাবু মধ্যে মধ্যে নানাপ্রকারে অর্থ সাহায্য করিতেন। আমি এই বিদ্যালয়ে ৪৫ মাস কালের অধিক কার্য করিতে পারি নাই। আমি বংকালে এই বিদ্যালয়ে হেড্‌মাষ্টারের কার্য করি তৎকালে হরিপুর নিবাসী শ্রীমান ভুবনেশ্বর প্রামাণিক হরিপুর আদর্শ বঙ্গবিদ্যালয় হইতে মধ্য ছাত্রবৃত্তি পরীক্ষায় উত্তীর্ণ হইয়া বৃত্তি না পাওয়াতে এই বিদ্যালয়ে আসিয়া প্রবিষ্ট হন। আমি উহাকে ইংরাজী না পড়িয়া মেডিক্যাল স্কুলে যাইয়া ভর্তি হইতে পরামর্শ দিই। ভুবনেশ্বর আমার পরামর্শে কলিকাতায় যাইয়া মেডিক্যাল স্কুলে প্রবিষ্ট হন এবং যথাকালে তথা হইতে উত্তীর্ণ হইয়া গভর্ণমেন্টের অধীনে হস্পিট্যাল এসিষ্ট্যান্টের পদে নিযুক্ত হন। আজ কাল ঐ পদের নাম হইয়াছে সব এসিষ্ট্যান্ট সার্জেন। ভুবনেশ্বর বিলক্ষণ স্বখ্যাতি ও দক্ষতাসহ স্বীয় পদের কর্তব্য কার্য সম্পাদন করিয়া রায় সাহেব উপাধি লাভ করিয়া এখন পেন্সন লইয়া অবসর গ্রহণ করিয়াছেন। ইনি চক্ষুরোগের একজন পারদর্শী চিকিৎসক। ভুবনেশ্বর অতাপি আমাকে বিশেষ শ্রদ্ধা ও ভক্তি করিয়া থাকেন এবং নিজ নিবাস হরিপুর গ্রামে আসিলেই আমার সহিত সাক্ষাৎ করিতে আসেন। ভুবনেশ্বরের পূর্ব নিবাস হিজুলী নামে একটা পল্লী গ্রামে।

৪৫ মাসের অধিক আমি এই বিদ্যালয়ের কার্য করিতে পারি নাই। তাহার কারণ এই যে শান্তিপুর নূতন ইংরাজী বিদ্যালয়ে আমার অঙ্কাম্পদ ও ভক্তিভাজন শিক্ষকদ্বয় শ্রীযুক্ত ব্রজলাল মৈত্র ও মতিলাল মৈত্র মহাশয় উহাদের মধ্যম সহোদর শ্রীযুক্ত হরলাল মৈত্র মহাশয় এবং তৎকালের স্কুল ডেপুটি ইনস্পেক্টর শ্রীযুক্ত মহেন্দ্র নাথ রায় মহাশয় বার বার অনুরোধ করিয়া আমাকে পুনরায় নূতন ইংরাজী স্কুলে যাইতে

বাধ্য করেন। তাঁহাদের বিশ্বাস ছিল যে আমি পুনরায় তাঁহাদের স্কুলে গিয়া চাকরী করিলে গড়ের স্কুলটা উঠিয়া যাইবে। কিন্তু আমি তাঁহাদিগকে স্পষ্টই বলি যে আমি পুনরায় তাঁহাদের স্কুলে গিয়া কার্য করিলেও গড়ের স্কুলটা উঠিয়া যাইবে না এবং যে সমস্ত ছাত্র আমার সহিত তাঁহাদের স্কুল পরিত্যাগ করিয়া আসিয়াছে তাহারাও পুনরায় তাঁহাদের স্কুলে ফিরিয়া যাইবে না ফলতঃ তাহাই হইল। আমি পুনরায় তাঁহাদের স্কুলে যাইবার সময়ে শ্রীযুক্ত বিহারীলাল ভবানী ও দত্ত পাড়া নিবাসী আমার জর্নৈক সহাধ্যায়ী শ্রীযুক্ত হরিদাস ভট্টাচার্যকে আমার কার্য করিবার জ্ঞ গড়ের স্কুলে নিযুক্ত করিয়া বাই। ইহার কিছুকাল পূর্বে জমিদার ভগবান চন্দ্র রায় মহাশয়ের প্রতিষ্ঠিত মধ্য ইংরাজী বিদ্যালয়টা উঠিয়া গিয়াছিল। ঐ স্কুলের কতকগুলি মানচিত্র ও ব্ল্যাকবোর্ড ছিল। অল্প মূল্যে আমি ঐগুলি গড়ের স্কুলের জ্ঞ কিনিয়া আনিয়াছিলাম। বিহারী বাবু বহুকাল এই বিদ্যালয়ে সেকেণ্ড ও হেড্‌ মাষ্টারের কার্য করেন। পরে বিদ্যালয়টা উচ্চ শ্রেণীর ইংরাজী স্কুলে পরিণত হইলেও উহার চতুর্থ শিক্ষকের কার্য বহুকাল করিয়া পরলোক প্রাপ্ত হন। এখন তাঁহারই স্মরণার্থে ভ্রাতা শ্রীযুক্ত সীতানাথ ভবানী বি, এ এই উচ্চ ইংরাজী বিদ্যালয়ের হেড্‌ মাষ্টার।

যে সকল ছাত্র আমার সহিত শান্তিপুর নূতন ইংরাজী বিদ্যালয় পরিত্যাগ করিয়া আসিয়াছিলেন তাঁহাদের মধ্যে একজন ছিলেন বিশেষ্বর দাস (বি, এ)। যিনি এখন শান্তিপুর মিউনিসিপ্যাল হাই স্কুলের প্রতিষ্ঠাবান্ হেড্‌ মাষ্টার। আমি পুনরায় শান্তিপুর নূতন ইংরাজী স্কুলে গিয়া কার্য করিলেও আমার মনটা গড়ের স্কুলেই পড়িয়াছিল। সুতরাং আমি দোটানায় পড়িয়া অশান্তি ভোগ করিতেছিলাম। এই নিমিত্ত শান্তিপুর হইতে বাহির হইয়া অন্ত্র চাকরীর অন্বেষণ করিতে লাগিলাম। চাকরী অন্ত্র বিভাগে নয় শিক্ষা বিভাগে, কেননা তখন আমার ইচ্ছা ছিল যে শিক্ষকতা করিতে করিতে এফ্., এ ও বি, এ পরীক্ষা দিব অথবা

গভর্নমেন্ট স্কুলে চাকরী হইলে তৎকালীন লার্ড সাহেব সার জর্জ ক্যাম্বেল (Sir George Campbell) বাহাদুর প্রতিষ্ঠিত সব্ ডেপুটিসিপ্ পরীক্ষা দিব। এই ইচ্ছার বশবর্তী হইয়া আমি গভর্নমেন্ট স্কুলে চাকরীর চেষ্টা করিতে লাগিলাম এবং এই উদ্দেশ্যেই চাকরী খালির বিজ্ঞাপন দেখিবার জন্ত এডুকেশন গেজেট নামক সাপ্তাহিক পত্রিকা লইতাম, ফলে আমি রংপুর গভর্নমেন্ট উচ্চশ্রেণীর ইংরাজী বিদ্যালয়ের পঞ্চম শিক্ষকের পদে মাসিক ২৫ বেতনে ১৮৭৩ সালের ২০শে জুন তারিখে নিযুক্ত হইলাম। এবং ঐ সালের ১৩ই জুলাই তারিখে ঐ পদে যাওয়া কার্য করিতে আরম্ভ করিলাম। নিয়োগ পত্রখানি এইরূপ—

MEMO No. 18.

Rangpur,

*Dated the 20th June, 1873.*

Babu Rameswar Sen is informed that he has been appointed Fifth Master of the Rangpur Government School on a salary of Rs. 25 per mensem.

2. The Babu is requested to join his appointment without delay.

(Sd.) E. G. GLAZIER,

*Vice President.*

বলা বাহুল্য যে তখন শ্রীযুক্ত ই, জি, গ্লেজিয়ার (E. G. Glazier) সাহেব বাহাদুর রংপুর জেলার ম্যাজিস্ট্রেট স্বতরাং ভাইস প্রেসিডেন্ট।

এই সময়ে শান্তিপুরের লক্ষ্মীতলা পাড়া নিবাসী শ্রীযুক্ত চন্দ্রনাথ ভট্টাচার্য্য মহাশয় এই বিদ্যালয়ের স্বযোগ্য ও সুপ্রসিদ্ধ হেড্ মাস্টার ছিলেন। শান্তিপুর নূতন ইংরাজী বিদ্যালয় ছাড়িয়া বাইবার সময় উহার সম্পাদক মহাশয় অল্পগ্রহ করিয়া আনাকে নিম্নলিখিত সার্টিফিকেট খানি দিয়াছিলেন।

It is hereby certified that Babu Rameswar Sen served in our school in the capacity of Fourth Master for about two years. I feel great pleasure in testifying to the zeal and interest with which he always discharged his duties. Without enlarging much on his merits, it would suffice to say that during his incumbency he had the rare fortune to win the golden opinion of all the parties concerned. I regret much to have to part with him, though I must say that it will always afford me great delight to see my teachers promoted to the government service.

SANTIPUR (Sd.) UMOR NATH MOOKERJI,  
Higher Class New School. *Secretary to the School.*

*1st July, 1873.*

বলা আবশ্যক যে সার্টিফিকেট খানির রচনা ভক্তিভাজন শ্রীযুক্ত ব্রজ-  
লাল মৈত্র মহাশয়ের এবং তাঁহারই হস্ত লিখিত।

গড়ের স্কুল হইতেও আমি একখানি নিম্নলিখিত সার্টিফিকেট  
পাইয়াছিলাম

I have the pleasure to certify Babu Rameswar Sen, who served as HeadMaster of our M. E. School, at Sutragarh far upwards of six months. He is a very intelligent painstaking young gentleman possessing a respectable knowledge in English Literature and Mathematics and is of good moral conduct. His method of training the boys and evident progress found in them, during so short a time of service gained him the good opinion of those concerned in the school. In short he is all adept in the art of teaching.

SUTRAGARH (Sd.) GOPICHARAN NANDY,  
*10th September 1874* *Secretary to the School.*

এই সার্টিফিকেটখানি গোপীবাবুর কথামত তৎকালীন হেড্‌ মাস্টার

শ্রীযুক্ত প্রিয়নাথ মুখোপাধ্যায় মহাশয় রচিত ও লিখিত। এই সার্টিফিকেট খানির ভাষা নির্দোষ নহে।

শ্রীমান্ বিশ্বেশ্বর দাস বি, এ, তাঁহার সঙ্কলিত “কান্তিক চরিতের” মোড়শ পৃষ্ঠায় লিখিয়াছেন যে “পঞ্চাশৎ বর্ষ পূর্বে এই গ্রামে (সুতরাগড় গ্রামে) শিক্ষার অবস্থা বড় শোচনীয় ছিল। বিভিন্ন বিভিন্ন পাড়ায় কয়েকটি পাঠশালা মাত্র দেখা যাইত। তৎপবে ইংরাজী ১৮৭০ সালে ৩জগদ্ধাত্রী পূজার অব্যবহিত পরেই ৩বিশ্বেশ্বর বিশ্বাস মহাশয়ের বাটীর দালানে একটি বাঙ্গালা স্কুলের হুচনা হয়। শান্তিপুর নিবাসী ৩মহাশয় ভট্টাচার্য্য এই বিদ্যালয়ের প্রধান পণ্ডিত নিযুক্ত হইয়াছিলেন। দুর্ভাগ্যক্রমে কয়েক মাস পরেই এই বিদ্যালয়ের অস্তিত্ব লোপ হয়। বাহা হউক ইহাকেই সুতরাগড়ের প্রথম বিদ্যালয় বলিতে হইবে।”

বিশ্বেশ্বর বাবুর এই উক্তিটি এককালে অস্বস্ত্য নহে। ইতিপূর্বেই আমি বলিয়াছি যে আমার শৈশবকালে কৃষ্ণচন্দ্র রায় (ভট্ট) মহাশয়ের পাঠশালা স্থাপিত হইবার পূর্বে চড়কতলায় কয়েক বৎসরকাল ব্যাপিয়া একটি গভর্ণমেন্ট বঙ্গ বিদ্যালয় ছিল। ঐ বিদ্যালয়টিকেও গড়ের প্রথম বিদ্যালয় বলা উচিত কিনা ইহাও বিবেচ্য।

### রামচরণ মাস্টারের সর্বপ্রথম স্কুল।

এই গভর্ণমেন্ট বঙ্গ বিদ্যালয়টি স্থাপিত হইবার পূর্বেও আর একটি বিদ্যালয় এখানে কিছুকালের জন্ত ছিল। শান্তিপুর নিবাসী তন্তুবায় জাতীয় শ্রীযুক্ত রামচরণ মাস্টার মহাশয় উহার শিক্ষক ছিলেন। তিনি বাঙ্গালা ও ইংরাজী উভয় ভাষাই শিক্ষা দিতেন। শ্রীযুক্ত চন্দ্রনাথ বিশ্বাস, দ্বারকানাথ বিশ্বাস, রাম গোপাল মুন্সী, বামাচরণ প্রামাণিক ও শ্রীনাথ সেন মহাশয়গণ এই বিদ্যালয়ে প্রথম শিক্ষা প্রাপ্ত হন। রামচরণ মাস্টারের বৃদ্ধাবস্থায় বামাচরণ বাবু তাঁহাকে একটি চাকরী দিয়া কিছু দিন প্রতিপালন করিয়াছিলেন। পরে যখন তিনি এককালে কার্য্য

করিতে অক্ষম হইয়া পড়িয়াছিলেন, তখনও বামাচরণ বাবু তাঁহার মৃত্যুকাল পর্য্যন্ত তাঁহাকে কয়েকটি টাকা মাসহারা দিয়া তাঁহার সাহায্য করিয়াছিলেন।

### শ্রীযুক্ত বিশ্বেশ্বর বিশ্বাসের বাড়ীর স্কুল

শ্রীযুক্ত বিশ্বেশ্বর বিশ্বাস মহাশয়ের বাটীর পূজার দালানে যে বঙ্গ-বিদ্যালয়টি স্থাপিত হইয়াছিল এবং যাহার অস্তিত্ব দুর্ভাগ্যক্রমে কয়েক নাসের মধ্যেই লুপ্ত হইয়াছিল বলিয়া শ্রীযুক্ত বিশ্বেশ্বর দাস আক্ষেপ করিয়াছেন। তাঁহার প্রতিষ্ঠা ও লোপের কারণ ও ইতিহাস এইস্থলে সংক্ষেপে বিবৃত হইল।

### হরিপুর আদর্শ বঙ্গ বিদ্যালয়

এই কাহিনীর এক স্থলে উক্ত হইয়াছে যে হরিপুর গ্রামে একটি গভর্ণমেন্ট মডেল স্কুল ছিল। ঐ বিদ্যালয়টি হরিপুরে আসিবার পূর্বে কুলে-বেলগড়িয়ায় ছিল। উহাতে তিন জন পণ্ডিত ছিলেন। কালনা নিবাসী পণ্ডিত শ্রীযুক্ত কৃষ্ণকিশোর বন্দ্যোপাধ্যায় মহাশয় প্রধান পণ্ডিত ছিলেন, তাঁহার বেতন ছিল ৫০৮, দ্বিতীয় পণ্ডিত ছিলেন রসিক চ্ড়ামনি ও উপস্থিত বক্তা কৃষ্ণনগরের নেদের পাড়া নিবাসী শ্রীযুক্ত উমাচরণ হালদার, তাঁহার বেতন ছিল ২৫৮, তৃতীয় পণ্ডিত ছিলেন প্রধান পণ্ডিতের ভ্রাতা শ্রীযুক্ত রাধাকিশোর বন্দ্যোপাধ্যায়, উহার বেতন ছিল ১০৮। এই বিদ্যালয়টির কার্য হরিপুর নিবাসী তৎকালের সমৃদ্ধ পুরুষ শ্রীযুক্ত রাজবল্লভ মুখোপাধ্যায় মহাশয়ের বাটীর পূজার দালানে বহুকাল পর্য্যন্ত চলিয়াছিল।

বহুকাল পরে উহার জগৎ স্বতন্ত্র স্কুল গৃহ প্রস্তুত হইয়াছিল। প্রধান পণ্ডিত শ্রীযুক্ত কৃষ্ণকিশোর বন্দ্যোপাধ্যায় মহাশয় কলিকাতার সংস্কৃত কলেজের ও বিভাগাগর মহাশয়ের ছাত্র ছিলেন। বিভাগাগর



মহাশয়ের বিধবা বিবাহ কার্যেও ইনি একজন তাঁহার প্রধান সহায়ক ছিলেন। কৃষ্ণ কিশোর বাবু একজন প্রসিদ্ধ সংস্কৃতজ্ঞ পণ্ডিত ও সূত্রবি ছিলেন। ইহার প্রণীত নীতিপুষ্পাঞ্জলি ও একখানি ক্ষুদ্রাকারের বাঙ্গালা ভাষার ব্যাকরণ বহুকাল পর্যন্ত বাঙ্গালা দেশের প্রধান প্রধান বিদ্যালয়ের পাঠ্য পুস্তক ছিল। আমি যখন শান্তিপুরের উচ্চ ইংরাজী বিদ্যালয়ের চতুর্থ শ্রেণীর ছাত্র ছিলাম, তখন ইনি আমাদের সংস্কৃত উপক্রমণিকা ব্যাকরণের পরীক্ষক হইয়াছিলেন। তাঁহার নিকট হইতে আমি উক্ত বিষয়ের পূর্ণ সংখ্যা ১০০ মধ্যে ২৮ নম্বর প্রাপ্ত হইয়াছিলাম। তাঁহার নিকটে নম্বর জার্নিবার জন্ত আমি হরিপুর মডেল স্কুলে শ্রীযুক্ত রাজবল্লভ মুখোপাধ্যায় মহাশয়ের বাটীতে গিয়াছিলাম। তুমি ২৮ নম্বর পাইয়াছ বলায় আমি তাঁহাকে জিজ্ঞাসা করিয়াছিলাম যে মহাশয়, আমি ২ নম্বর কম পাইলাম কেন? তদ্বত্তরে তিনি হাসিয়া বলিয়াছিলেন “বাপু হে, কোন পরীক্ষকই কখনও পুরো নম্বর দেন না।”

কালে দ্বিতীয় পণ্ডিত শ্রীযুক্ত উমাচরণ হালদার মহাশয় শান্তিপুরের মুন্সেফ আদালতে নাজিরী পদে নিযুক্ত হইয়া চলিয়া গেলে বেলগড়িয়া নিবাসী শ্রীযুক্ত শ্যামাচরণ মুখোপাধ্যায় মহাশয় তৎপদে নিযুক্ত হন। এবং তৃতীয় পণ্ডিত রাধা কিশোর বন্দ্যোপাধ্যায় মহাশয় পরলোক গমন করিলে, তৎপদে সূত্রাগড় নিবাসী শ্রীযুক্ত ভুবনেশ্বর রায় মহাশয় নিযুক্ত হন। ভুবনেশ্বর রায় মহাশয় আমাপেক্ষা বয়সে অনেক বড় হওয়া সত্ত্বেও আমার একজন পরম বন্ধু ও হিতৈষী ছিলেন। শ্রীযুক্ত ভুবনেশ্বর রায় ও হরিচরণ দেব সহিত আমি দিনের মধ্যে অনেক সময়ই থাকিতাম। দুইজন সর্বদা একত্র থাকিলে লোকে তাহাদিগকে মাণিকঘোড় বলে, আমরা তিনজনে একত্রে থাকিতাম বলিয়া আমাদিগকে লোকে মাণিক ধি বলিত।

প্রধান পণ্ডিত শ্রীযুক্ত কৃষ্ণকিশোর বন্দ্যোপাধ্যায় মহাশয় কলিকাতা নব্বাল স্কুলে বদলি হইয়া যাওয়াতে তাঁহার পদে দ্বিতীয় পণ্ডিত শ্রীযুক্ত

শ্রামাচরণ মুখোপাধ্যায় মহাশয় উন্নীত হইলেন বটে, কিন্তু তাঁহার বেতন ২৫ টাকাই রহিল। ভুবনেশ্বর রায় ১০ টাকা বেতনে দ্বিতীয় শিক্ষক হইলেন এবং তৎপদে ৫ টাকা বেতনে রঘুনাথপুর নিবাসী শ্রীযুক্ত রামলাল ঘোষ নিযুক্ত হইলেন। এখনকার হেড্‌পণ্ডিত শ্রীযুক্ত শ্রামাচরণ বাবু ছাত্রদিগকে বড়ই শাসন করিতেন এবং কঠিন দণ্ড দিতেন। সকলেই জানেন যে গড়ের জগদ্ধাত্রী পূজা পূর্বে বড়ই ধুমধামে সম্পন্ন হইত, এবং একদিন অতিরিক্ত কালের জন্ত প্রতিমাগুলিকে রক্ষা করা হইত এবং এখনও রাখা হয়। দশমীর দিনে বিসর্জন না হইয়া একাদশীর দিনে হইত এবং দুইদিন কাল যাত্রা, পাঁচালী ও কবি গান হইত। হরিপুর স্কুল জগদ্ধাত্রী পূজোপলক্ষে দুই দিন মাত্র বন্ধ থাকিত, কিন্তু গড়ের ছাত্রদিগের এই উপলক্ষে তিন দিন ছুটি পাইলে ভাল হইত। ১৮৭০ সালে জগদ্ধাত্রী পূজার বিসর্জন দিনে গড়ের কোন ছাত্রই হরিপুর বিদ্যালয়ে উপস্থিত হয় নাই। এই অপরাধে শ্রামাচরণ বাবু তাহাদিগের প্রত্যেকেরই অর্থদণ্ড ও শারীরিক দণ্ড বিধান করেন। বালকেরা এই কথা বাড়ীতে আসিয়া তাহাদিগের অভিভাবকদিগকে বলায় সকলেই অত্যন্ত অসন্তুষ্ট হন। তখন গড় হইতে বহু ছাত্র হরিপুর মডেল স্কুলে পাঠ করিতে যাইত। শ্রামাচরণ বাবুকে একটু শিক্ষা দিবার জন্তই শ্রীযুক্ত বিশ্বেশ্বর বিশ্বাস মহাশয়ের বাটীতে পূর্বোক্ত বাঙ্গালা বিদ্যালয়টি খোলা হয়। ইহার মূলেও আমি ছিলাম। আমি তখন শ্রীযুক্ত ভগবান্ বাবুর মধ্য ইংরাজী বিদ্যালয়ের দ্বিতীয় শিক্ষক ছিলাম এবং শ্রীযুক্ত বণীচরণ ভট্টাচার্য মহাশয় উহার হেড্‌পণ্ডিত ছিলেন। আমি তাঁহাকে আমাদের ঐ বাঙ্গালা বিদ্যালয়ে পণ্ডিতের কার্য করিবার জন্ত অনুরোধ করি। তাঁহার জ্যেষ্ঠ ভ্রাতা শ্রীযুক্ত দেবীচরণ ভট্টাচার্য মহাশয় তখন ইল্‌ছোবা মণ্ডলাই উচ্চ শ্রেণীর ইংরাজী স্কুলের হেড্‌পণ্ডিতের কার্য করিতেন। আমাদের মনে মনে সঙ্কল্প ছিল যে যদি আমাদের স্কুলটি স্থায়ী হয় তাহা হইলে বণীচরণ ভট্টাচার্য মহাশয় গড়ের স্কুলে কার্য

করিবেন এবং তাঁহার জ্যেষ্ঠ সহোদর দেবীবাবু ভগবান্ বাবুর স্কুলে কার্য্য করিবেন। তখন হরিপুর মডেল্ স্কুলের ছাত্র সংখ্যার মধ্যে গড়ের ছাত্র শতকরা প্রায় ৭৫ জন ছিল। গড় হইতে হরিপুরের স্কুল ঘর অনেক দূরে। আমাদের উদ্দেশ্য ছিল যে গড়ের ছাত্র হরিপুরে না গেলে উহার ছাত্র-সংখ্যা নিতান্তই কমিয়া যাইবে সুতরাং হেড্ পণ্ডিত শ্রামাচরণ বাবু একটু জব্দ হইবেন এবং আমরা হরিপুরের নীলকুঠির পূর্ব্বদ্বারে সেগুনতলায় উহার বাটী প্রস্তুত করিয়া দিয়া স্কুলটিকে অপেক্ষাকৃত নিকটে আনিব। এই সময় হরিপুর স্কুল ঘরটা ভগ্ন-প্রায় হইয়াছিল। এই প্রস্তাব করিয়া আমরা প্রেসিডেন্সী বিভাগের স্কুল ইনস্পেক্টার উড্রো সাহেব বাহাদুরের নিকট আবেদন করি। এদিকে হেড্ পণ্ডিত শ্রামাচরণ বাবু তাঁহার নিকট লেখেন যে ছাত্রদিগকে অল্পপস্থিতির জগ্গ শাসন করায় গড়ের লোকে একটা স্কুল খুলিয়াছে। এবং এইরূপে হরিপুর মডেল্ স্কুলের ক্ষতি ও হানি করিতেছে, উড্রো সাহেব বড়ই একগুঁয়ে লোক ছিলেন, তিনি আমাদের আবেদন পাইয়া তাহার উত্তরে আমাদের লেখেন যে হরিপুর মডেল্ স্কুলটি যে স্থানে আছে সেই স্থানেই থাকিবে, এক পাও সরাইয়া লওয়া হইবে না, ইহাতে যদি ছাত্রসংখ্যার হ্রাস হয় এই মডেল্ স্কুলটিকে অগ্ন জেলায় দেওয়া হইবে। তখন আমাদের জ্ঞান হইল যে আমরা কি ভয়ানক অনিষ্ট করিতে বসিয়াছি, একটি উৎকৃষ্ট মডেল্ স্কুলকে অগ্ন জেলায় স্থানান্তরিত করাইতেছি এবং তৎবিনিময়ে একটি সামান্য বাঙ্গালা স্কুল খুলিতেছি। উহারও স্থায়ীত্বের সম্ভাবনা খুবই অল্প। আমাদের তখন এই জ্ঞান হওয়ায় আমরা বিশ্বাস মহাশয়ের বাটিতে নূতন স্থাপিত বিদ্যালয়টি বন্ধ করিয়া দিয়া পুনরায় গড়ের ছাত্রদিগকে হরিপুর মডেল্ স্কুলে পাঠাইয়া দিলাম। এই সময়ে উড্রো সাহেব মহোদয়কে বত চিঠি পত্র লেখা হইয়াছিল সবই আমার ভাষায় ও আমার হাতের লেখায়। তখন আমার ইংরাজীতে চিঠি পত্রাদি লেখা তত অভ্যাস ছিল না এবং ভালরূপে পারিতাম না। আমার মনে হয় যে 'স্বামের উপরে আমি লিখিয়াছিলাম—

Mr. H. Woodrow Esq. যাহা লেখা যাইতেই পারে না। এই এই বিতর্কালয়ের উৎপত্তির ও বিলুপ্তির কারণ ও সংক্ষিপ্ত বিবরণ।

ইহার কিছুকাল পরে হরিপুর মডেল স্কুলের ছাত্রদিগের পারিতোষিক বিতরণ উপলক্ষে একটি সভা আহৃত হয়। এই সভায় উপস্থিত হইবার জন্ত আমিও একখানি নিমন্ত্রণ পত্র পাইয়াছিলাম। সভাস্থলে হেড্‌পণ্ডিত শ্রীমাচরণ বাবু গড়ের লোকে যে হরিপুর মডেল স্কুলের অনিষ্ট ও ক্ষতি করিবার জন্ত বিশেষ চেষ্টা করিয়াছিল ইহাই সকলকে বুঝাইয়া দিবার জন্ত একটি বক্তৃতা করেন। ভুবনেশ্বর রায় দ্বিতীয় পণ্ডিত, স্বতরাং তাঁহার ইচ্ছা থাকিলেও উক্ত বক্তৃতার প্রতিবাদ তিনি স্বয়ং করিতে পারেন না। তিনি বার বার আমার দিকে দৃষ্টিপাত করিতে লাগিলেন। ইতিপূর্বে আমি কোন সভা সমিতেতে কখনও কিছু বলি নাই। বলিবার শক্তিও আমার তাদৃশী ছিল না।

### আমার জীবনে প্রথম বক্তৃতা।

আমি কিছুতেই চুপ করিয়া থাকিতে পারিলাম না। প্রতিবাদ করিয়া নাতিদীর্ঘ একটি বক্তৃতা করিলাম। এই প্রতিবাদে বেশ স্পষ্টই বুঝাইয়া দিলাম যে গড়ের লোকে হরিপুর মডেল স্কুলের অনিষ্ট সাধন করিতে ইচ্ছা করিলে আজ আর এই পারিতোষিক বিতরণ জন্ত সভা আহ্বান করা ঘটিত না। স্কুলটী এতদিন উঠিয়া যাইত। আমার প্রতিবাদে শ্রীমাচরণ বাবু নীরব হইলেন এবং ভুবনেশ্বর রায় মহাশয় আমার প্রতি অতীব সন্তুষ্ট হইলেন। এই আমার সভাস্থলে প্রথম বক্তৃতা করা। এই সভায় আমি বলিয়াছিলাম যে ছাত্রদিগের কর্তব্য সম্বন্ধে যদি কোন ছাত্র তখনই একটি বক্তৃতা করিতে পারেন, তাহা হইলে আমি তখনই তাঁহাকে একখানি পুস্তক পুরস্কার দিব। আমার এই কথায় গড়নিবাসী কুঞ্জবিহারী নাগ নামক একটি ছাত্র তখনই সরল ভাষায় একটি বক্তৃতা দেন। এই কুঞ্জবিহারী হরিপুর মডেল স্কুল হইতে

ছাত্রবৃত্তি পরীক্ষায় উত্তীর্ণ হইয়া ৪২ টাকার একটি বৃত্তি পাইয়া শান্তিপুর নূতন ইংরাজী বিদ্যালয়ে ইংরাজী শিক্ষা করিতেছিলেন। : আমিও ঐ সময়ে ঐ ইংরাজী বিদ্যালয়ের চতুর্থ শিক্ষকের কার্য্য করিতেছিলাম। আমি কৃষ্ণবিহারীকে তখনই সেই সভা মধ্যে Society's Reader No. 4 নামে একখানি পুস্তক পুরস্কার দিয়াছিলাম।

### হরিপুর আদর্শ বিদ্যালয়টি হরিণাকুণ্ড গ্রামে স্থানান্তরিত

হেড্‌ পণ্ডিত শ্রীমাচরণ বাবুর মৃত্যুর পরে চাকদহ মধ্য ইংরাজী বিদ্যালয়ের হেড্‌ পণ্ডিত শ্রীযুক্ত প্যারীমোহন চট্টোপাধ্যায় মহাশয় এই বিদ্যালয়ের হেড্‌ পণ্ডিত হইয়া আসেন। ইহারই কার্য্যকালে মডেল্‌ স্কুলটি হরিণাকুণ্ড নামক একটি গ্রামে স্থানান্তরিত হয়। এই প্যারী বাবু তৎকালের প্রেসিডেন্সী বিভাগের স্কুল ইনস্পেক্টার শ্রীযুক্ত গ্যারেট সাহেব বাহাদুরের একজন প্রিয়পাত্র ছিলেন। গ্যারেট সাহেবের অনুগ্রহে চাকদহ মধ্য-ইংরাজী বিদ্যালয়ের হেড্‌ মাষ্টার শ্রীযুক্ত রামদয়াল ঘোষও স্কুল সব্‌ ইনস্পেক্টারের পদ লাভ করেন। শ্রীযুক্ত গ্যারেট সাহেব মফঃস্বল পরিভ্রমণ করিবার সময়ে মধ্যে মধ্যে চাকদহ স্কুলগৃহে অবস্থান করিতেন। মডেল্‌ স্কুলের পরিবর্তে হরিপুর গ্রামে বর্তমান গভর্ণমেণ্ট-সাহায্যপ্রাপ্ত মধ্য-ইংরাজী বিদ্যালয়টি বিদ্যমান্‌ রহিয়াছে।

## দ্বিতীয় অধ্যায় ।

গভর্নমেন্টের অধীনে চাকরীর বিবরণ বা দাস

জীবনের ইতিহাস ।

রঙ্গপুর

পূর্বে উক্ত হইয়াছে যে ১৮৭৩ সনের ২০শে জুন তারিখে আমি রঙ্গপুর গভর্নমেন্ট স্কুল বা জিলা স্কুলের পঞ্চম শিক্ষকের পদে মাসিক ২৫ টাকা বেতনে নিযুক্ত হই ও উহার চারি পাঁচ দিন পরে নিয়োগ-পত্র পাই। নিয়োগ-পত্র-দাতা রঙ্গপুর জেলার ম্যাজিস্ট্রেট শ্রীযুক্ত ই, জি, মেন্ডিয়ার সাহেব বাহাদুর। তাঁহার স্বাক্ষরের নিম্নে কোন ম্যাজিস্ট্রেট না লিখিয়া ভাইস প্রেসিডেন্ট লিখিত হইয়াছিল, তাহা সংক্ষেপে বলা আবশ্যক। তখন প্রত্যেক জেলার শিক্ষার ভার জেলাব ম্যাজিস্ট্রেট ও বিভাগীয় কমিশনারদিগের হস্তে গৃহ্য ছিল।

শিক্ষা বিভাগের কার্য্য নির্বাহ করিবার জন্য প্রত্যেক জেলায় একটা করিয়া কমিটি ছিল ঐ কমিটির নাম ছিল ডিষ্ট্রিক্ট কমিটি অফ্ পাবলিক্ ইনষ্ট্রাকশন্স। ঐ কমিটির অধিকাংশ মেম্বর হইতেন সরকারী কর্মচারী যথা—ম্যাজিস্ট্রেট, জয়েন্ট ম্যাজিস্ট্রেট, এসিষ্ট্যান্ট ম্যাজিস্ট্রেট, ডেপুটি ম্যাজিস্ট্রেট, সিভিল্ সার্জন্, কদাচিৎ দুই একজন মুনসেফ্, জেলা স্কুলের হেড্-মাষ্টার, ডিষ্ট্রিক্ট ডেপুটি ইনস্পেক্টর অফ্ স্কুল আর ২১৪ জন হজুরের যো হকুম সরকারী কর্মচারী বা বাহিরের লোক। নিয়মাত্মসারে জেলার ম্যাজিস্ট্রেটই হইতেন ভাইস প্রেসিডেন্ট। একজন জয়েন্ট ম্যাজিস্ট্রেট বা এসিষ্ট্যান্ট ম্যাজিস্ট্রেট তদভাবে একজন ডেপুটি ম্যাজিস্ট্রেট সিভিল্ সার্জন্ বা জেলা স্কুলের হেড্-মাষ্টার হইতেন কমিটির সেক্রেটারী বা সম্পাদক। আর বিভাগীয় কমিশনার হইতেন প্রেসিডেন্ট। বলা বাহুল্য যে এই সময়ে বাংলা, বিহার ও উড়িষ্যার

গদিতে বিরাজ করিতেছিলেন সার জর্জ ক্যাশেল সাহেব বাহাদুর। তাঁহার রাজত্বকালে প্রাদেশিক গভর্ণমেন্টের অধীনস্থ সমস্ত বিভাগেই তিনি স্বয়ং, তাঁহার বিভাগীয় কমিশনারগণ ও জেলার ম্যাজিষ্ট্রেটগণ সর্ব্বেসর্ব্বা ছিলেন।

### সিভিল্ সার্জন্ ডাক্তার কৃষ্ণধন ঘোষ

এই সময়ে রঙ্গপুরের ম্যাজিষ্ট্রেট ছিলেন ই, জি, গ্লোজিয়ার সাহেব বাহাদুর, আর সিভিল্ সার্জন্ ছিলেন প্রাতঃস্মরণীয় শ্রীযুক্ত কৃষ্ণধন ঘোষ, বা K. D. Ghosh, শ্রীযুক্ত অরবিন্দ ঘোষের পিতা এবং ধার্মিকপ্রবর শ্রীযুক্ত রাজনারায়ণ বহু মহাশয়ের জামাতা। ডাঃ ঘোষ, অতি অমায়িক, মিষ্টভাষী, সর্বজন-প্রিয় এবং পরোপকারী পুরুষ ছিলেন। সাহেব মহলে এবং জমিদারগণের মধ্যে তাঁহার বড়ই প্রভাব ও খ্যাতি ছিল। জেলার ম্যাজিষ্ট্রেটগণ তাঁহার পরামর্শ না লইয়া জেলার কোন জনহিতকর কার্যই করিতেন না। ডাক্তার ঘোষ একশত টাকার ছান বেতনভোগী কর্মচারীদের চিকিৎসা করিয়া ফি লইতেন না। অথচ তাঁহাকে ডাকিবা মাত্রই তিনি ঐ সমস্ত কর্মচারী-দিগের ও তাঁহাদের পরিবারস্থ ব্যক্তিগণের চিকিৎসার্থ তাঁহাদের বাড়ী আসিয়া উপস্থিত হইতেন। অল্প-চিকিৎসায় ও ধাত্রী-বিদ্যায় অর্থাৎ প্রসব কার্যে তিনি সিদ্ধহস্ত ছিলেন। জেলার ম্যাজিষ্ট্রেটদিগের দক্ষিণ হস্ত ছিলেন। শিক্ষা ও পৃষ্ঠকাষ্ঠ-বিভাগে তাঁহার পরামর্শ ব্যতীত কোন কার্যেরই অনুষ্ঠান হইত না।

### ম্যাজিষ্ট্রেট্ ই, জি, গ্লোজিয়ার

ম্যাজিষ্ট্রেট্ গ্লোজিয়ার সাহেব বড়ই কড়া ও এক গুঁয়ে হাকিম ছিলেন, তিনি বেশী কথা কহিতেন না। ইচ্ছিতেই সমস্ত কার্য করিতেন। কিন্তু তাঁহার একটা প্রধান গুণ ছিল এই যে কোন ব্যক্তি যে কোন

অপরাধ বা ক্রটির কার্য্য করিয়া উহা স্বীকার করিলে ও ক্ষমা প্রার্থনা করিলে তিনি তখনই তাঁহাকে প্রসন্নচিত্তে মার্জনা করিতেন।

### মুনসেফ্ শ্রীযুক্ত গোপালচন্দ্র বসু

এই সময়ে রঙ্গপুরে আর একটা সর্বজন-প্রিয়, মিষ্টভাষী ও পরোপকারী ব্যক্তি ছিলেন একজন মুনসেফ, উঁহার নাম ছিল শ্রীযুক্ত গোপালচন্দ্র বসু। ইনি প্রত্যহই প্রাতঃকালে বাঙ্গালী মহলে আসিয়া প্রায়ই প্রত্যেকেরই বাটী যাইতেন এবং তাঁহারা কেমন আছেন জিজ্ঞাসা করিতেন। ইনিও ডিষ্ট্রিক্ট কমিটীর মেম্বর ছিলেন।

### ডিষ্ট্রিক্ট কমিটীর মেম্বরগণের নাম ও পরিচয়

এই সময়ে এই জেলার স্কুল-ডেপুটী ইনস্পেক্টর ছিলেন শ্রীযুক্ত হরিহর দাস, কলিকাতার প্রেসিডেন্সী কলেজের স্বনামধন্য অধ্যাপক জে এন্ দাসগুপ্তের পিতা। ইনিও ডিষ্ট্রিক্ট কমিটীর মেম্বর ছিলেন।

আর একজন ডেপুটী ম্যাজিস্ট্রেট ছিলেন শ্রীযুক্ত তারিণীচরণ রায়। ইনিও ডিষ্ট্রিক্ট কমিটীর মেম্বর ছিলেন। ইনি বড়ই আত্মাভিমानी ও অহঙ্কারী ছিলেন। ষাঁহার একশত টাকার কম বেতন পাইতেন তাঁহাদের সহিত তিনি বাক্যালাপ করিতেন না।

একসিকিউটিভ ইঞ্জিনিয়ার শ্রীযুক্ত গোপালচন্দ্র মুখোপাধ্যায়ও কম অহঙ্কারী ছিলেন না। ইনিও ডিষ্ট্রিক্ট কমিটীর মেম্বর ছিলেন। পরে ইনি রায় বাহাদুর উপাধি লাভ করিয়াছিলেন।

বৃদ্ধ মুন্সী আবুল হায়াৎও ডিষ্ট্রিক্ট কমিটীর মেম্বর ছিলেন। ইনি আবগারী সেরেস্তাদার ছিলেন। লোকটা নিতান্ত নিরীহ ও পরোপকারী ছিলেন। তবে হজুরের যো-হুঁকুম-দরের লোক ছিলেন। ইঁহার পূর্বনিবাস ছিল বর্ধমান জেলার অন্তর্গত কোন পল্লীগ্রামে। ইনি রঙ্গপুরে বিবাহ করিয়া এইস্থানেরই চিরবাসী হইয়াছিলেন। ইঁহার এখানে অল্প পরিমাণে জমীদারীও ছিল।



হেড্‌মাষ্টার শ্রীযুক্ত চন্দ্রনাথ ভট্টাচার্য্য মহাশয়ও ডিষ্ট্রিক্ট কমিটির মেম্বর ছিলেন। ইহঁার দোষ ও গুণের কথা যথাস্থানে বিবৃত হইবে।

### আমার রঙ্গপুর যাত্রা ও রাস্তার বিবরণ

নিয়োগপত্র পাওয়ার ৪।৫ দিন পরে আমি রঙ্গপুর যাত্রা করিয়া-ছিলাম। তখন রঙ্গপুর যাতায়াতের রাস্তা অতি দুর্গম ও অস্ববিধাজনক ছিল। শান্তিপুর হইতে রঙ্গপুর পৌঁছিতে ৭।৮ দিন সময় লাগিত। দুই দিক্ দিয়া যাওয়া যাইত। একটি পথ রেলপথে গোয়ালন্দ যাইয়া তথা হইতে নৌকাযোগে ছড়ো সাগর, যমুনা, বাঙ্গালী ও ঘাঘট নদী বাহিয়া ১২।১৩ দিনে রঙ্গপুর জেলার মাহিগঞ্জ নামক স্থানে অবতরণ করিতে হইত। সকল সময়ে রঙ্গপুর মাহিগঞ্জ যাবার জন্ত গোয়ালন্দে নৌকা পাওয়া যাইত না; এবং ঘাঘট নদীতে স্থানে স্থানে জল যথেষ্ট থাকিত না। মাহিগঞ্জ হইতে গো-বানে রঙ্গপুর সহরে যাইতে হইত। অপর পথটী রেলপথে রাজমহল পর্যন্ত যাইতে হইত; তথা হইতে টাটিয়া গিয়া রাজমহলের নিম্নস্থ গঙ্গানদী খেওয়ার নৌকায় পার হইয়া উহার অপর পার্শ্বস্থ কালিয়াচক নামক স্থানে অবতরণ করিতে হইত। তথা হইতে গো-বানে মালদহ ও দিনাজপুর জেলা হইয়া রঙ্গপুরে যাইতে হইত। এই পথে গেলে ৭।৮ দিনে রঙ্গপুরে পৌঁছান যাইত। আমি শেষোক্ত পথ দিয়া রঙ্গপুর গিয়াছিলাম। যাইবার সময়ে, আমার সঙ্গে, আমাদের গ্রামের পূজ্যপাদ শ্রীযুক্ত কেদারনাথ রায় মহাশয় বর্দ্ধমান পর্যন্ত গিয়াছিলেন। তখন ইনি ঝাঁকুড়া বা বর্দ্ধমান জেলার অন্তর্গত টানাদিঘী নামক গ্রামের মধ্য বঙ্গ-বিদ্যালয়ের হেড্‌ পণ্ডিতের কার্য্য করিতেছিলেন।

টানাদিঘী যাইবেন বলিয়াই আমার সহিত বর্দ্ধমান পর্যন্ত গিয়া-ছিলেন। আমরা বাড়ী হইতে, গো-বানে উঠিয়া পাওয়া ষ্টেশনে গিয়াছিলাম। পাওয়া ষ্টেশন হইতে আমি রাজমহলের টিকিট কিনিয়া-

ছিলাম ও রায় মহাশয় বর্দ্ধমানের টিকিট কিনিয়াছিলেন। পূর্বে কখনও রাজমহলে যাই নাই, রাজমহলে যাইয়া কাহার বাসায় উঠিব এবং তথা হইতে কোন্ স্থান দিয়া এবং কিরূপে রঙ্গপুরে পৌঁছিব এই চিন্তাতেই আমি অস্থির হইয়াছিলাম। আমার সৌভাগ্যক্রমে রেল-গাড়ীতে কথায় কথায় একটা ভদ্র লোকের সহিত পরিচয় হইল। তিনি বলিলেন যে রাজমহলে শান্তিপুরের কাশপ-পাড়া-নিবাসী শ্রীযুক্ত গোবিন্দচন্দ্র রায় নামে এক ব্যক্তি একসাইজ্ সবইন্সপেক্টার বা আবগারী দারোগা আছেন। তাঁহার বাসায় গেলেই তিনি রঙ্গপুর যাইবার সমস্ত বন্দোবস্ত করিয়া দিবেন।

ঐ ভদ্র লোকটি পেনসিল্ দিয়া এক টুকরা কাগজে, আমার সম্বন্ধে গোবিন্দ বাবুকে একখানি চিঠি লিখিয়া দিলেন। অযাচিতভাবে এই চিঠিখানি পাওয়াতে, আমার মনের অবসাদ কতক পরিমাণে অন্তহিত হইল, এবং হৃদয়ে সাহস ও শক্তির সঞ্চার হইল। পরদিন অতি প্রত্যুষে রাজমহলে আমাদের রেলগাড়ী পৌঁছিল। ষ্টেশন হইতে একটা পাহাড়ীয়া কুলিকে সঙ্গে করিয়া আমার একমাত্র বিছানার গাঁটুরিটা তাহার মাথায় দিয়া অল্পসঙ্কান করিয়া গোবিন্দ বাবুর বাসায় পৌঁছিলাম। গোবিন্দবাবু তখনও শয্যা পরিত্যাগ করিয়া উঠেন নাই, আমার হাত হইতে চিঠিখানি লইয়া তিনি পড়িয়া বলিলেন, যে আপনি যদি অত্নই মালদহ যাইতে চান তবে আর বিলম্ব করিবেন না, এখনই রওনা হন, অধিক বেলা হইলে আর গঙ্গাপার হইবার জন্ত খেওয়ার নৌকা পাইবেন না।

রাজমহলের নীচের গঙ্গা অতি প্রশস্তা, ছোটখাট একটা সমুদ্র বলিলেই হয়। দিনের মধ্যে একখানি খেওয়া রাজমহল হইতে কালিয়াচক যাইত, আর একখানি খেওয়া তথা হইতে রাজমহলে আসিত। গোবিন্দ বাবু কালিয়াচক পুলিশ আউটপোষ্টের হেড্ কনষ্টেবলের নামে একখানি চিঠি লিখিয়া আমার হাতে দিলেন। তাঁহার এইরূপ

কার্য দেখিয়া তখন আমি মনে মনে করিলাম যে লোকে শাস্তিপুত্রের লৌকিকতার কথা বলে এটা তাহারই প্রমাণ স্থল। গোবিন্দ বাবু আমাকে এক বেলার জ্ঞাত ও বাসস্থান ও ভাত দিলেন না। কিন্তু আমার তৎকালের এই ধারণাটা নিতান্তই ভ্রান্তিমূলক। গোবিন্দ বাবু আমারই ইষ্টসাধন, স্ত্রীবিধা ও মঙ্গলের জ্ঞাত এইরূপ কার্য করিয়াছিলেন। রাজমহল হইতে তখন গঙ্গাদেবী অনেক দূরে অবস্থিতা ছিলেন। অনেকটা পথ খড় ও জঙ্গলের মধ্য দিয়া গিয়া গঙ্গাতীরে উপস্থিত হইলাম। গঙ্গার প্রশস্ততা ও ঢেউ দেখিয়া আমার মনে বড়ই ভীতির সঞ্চার হইল। মনে করিলাম আর রঙ্গপুরে যাইব না, বাড়ী ফিরিয়া যাই; কিন্তু গঙ্গাতীরে পারার্থ উপস্থিত কয়েকটা লোকের সহিত সাক্ষাৎ হইল, তাহারা পলু অর্থাৎ রেশমের পোকা লইয়া মালদহে যাইতেছিল। তাহাদের সহিত কথাবার্তা কহিয়া জানিলাম তাহারা আমাদিগের এই দিকের লোক। তাহারাই আমাকে উৎসাহ দিয়া খেওয়ার নৌকায় উঠাইল। ৪।৫ ঘণ্টা কাল পরে খেওয়ার নৌকায় কালিয়াচকের তীরে গিয়া লাগিল। ঐ সময়ে তথাকার পুলিশ আউট পোষ্টের হেড্‌কনষ্টেবল গঙ্গায় স্নান করিতেছিলেন। তিনি স্নান করিয়া উঠিলে তাঁহার হস্তে গোবিন্দ বাবুর লিখিত সেই পত্রখানি দিলাম। তিনি পত্রখানি পড়িয়া সাদরে আমাকে তাঁহার বাসায় লইয়া গেলেন। বাসায় লইয়া গিয়াই আমাকে বলিলেন—আপনি স্নান করিয়া আসুন। বেলা অনেক হইয়াছে, খাওয়াদিও প্রস্তুত হইয়াছে। আমি তখনই স্নান করিয়া আসিলাম। স্নান করিয়া আসিবামাত্রই তিনি এক গ্র্যাস চিনির সরবৎ আমাকে দিলেন। এবং পরক্ষণেই একসঙ্গে ভোজন করিতে বলিলেন। তিনি জ্ঞাতিতে ব্রাহ্মণ। তিনি বলিলেন যে আজই অপরাহ্নে এখান হইতে সরকারী টাকা ও অন্যান্য দ্রব্য লইয়া একখানি গরুর গাড়ী মালদহে যাইবে। ঐ সঙ্গে তিনজন কনষ্টেবল যাইবে। আপনিও ঐ গাড়ীতে যাইতে পারিবেন।

## মালদহের পুলিশ হেডক্লার্ক শ্রীযুক্ত নৃত্যগোপাল লাহিড়ী

আপনি মালদহে পৌঁছিয়া পুলিশের হেড্‌ ক্লার্ক শ্রীযুক্ত নৃত্য-গোপাল লাহিড়ী মহাশয়ের বাসায় গিয়া উঠিবেন। এই নৃত্যগোপাল বাবু শান্তিপুরের শ্রীযুক্ত আনন্দময় মৈত্র মহাশয়ের ভাগিনেয় ছিলেন। তিনি শান্তিপুরে স্থলে কিছুকাল পড়িয়াছিলেন। তখন তাঁহাকে দেখিয়াছিলাম; কিন্তু তাঁহার সহিত বিশেষভাবে আলাপ পরিচয় ছিলনা। তিনিও আমাকে চিনিতেন আমিও তাঁহাকে চিনিতাম মাত্র।

### মালদহ পুলিশের হেড্‌ কনষ্টেবল শ্রীযুক্ত আনন্দগোপাল সাম্যাল।

এই সময়ে শান্তিপুরের শ্রীযুক্ত আনন্দগোপাল সাম্যাল মালদহের সদর থানায় হেড্‌ কনষ্টেবল ছিলেন। আনন্দ বাবুর সহিত বিশেষ ঘনিষ্ঠ আলাপ ছিল। ঠিক সন্ধ্যার সময়ে মালদহে নৃত্যগোপাল বাবুর বাসায় গিয়া উঠিলাম। তখনও নৃত্যগোপাল বাবু আফিস হইতে ফিরিয়া বাসায় আসেন নাই। কালিয়াচক হইতে গরুর গাড়ীতে মালদহ যাইবার রাস্তায় বাঘের শব্দ শুনিয়াছিলাম। কনষ্টেবলেরা হুলা করিয়া রাস্তা দিয়া গিয়াছিল। সুতরাং আমাদের গরুর গাড়ীর নিকটে বাঘ আসে নাই। নৃত্যগোপাল বাবুর বাড়ীতে পৌঁছিবামাত্রই তাঁহার মাতাঠাকুরাণী ভৃত্যকে বলিলেন যে বাড়ীর দরজা বন্দ করিয়া দে। আজকাল বড়ই বাঘের উপদ্রব হইয়াছে। পরে নৃত্যগোপাল বাবু বাসায় আসিলে তাঁহার সহিত আলাপ পরিচয় হইল। তিন চারি দিন তাঁহার বাসায় থাকিতে বাধ্য হইয়াছিলাম। তিনি ও তাঁহার মাতা আমাকে বিশেষ যত্ন করিয়াছিলেন। আনন্দ বাবুর সহিত দেখা হওয়াতে তাঁহাতে একটা পূর্বপরিচিত বন্ধু পাইয়া মনে স্ফুর্তি জন্মিল। নৃত্যগোপাল বাবুর বাসায় আহ্বার করিয়া রাত্রিতে আনন্দ বাবুর বাসায়

যাইয়া শয়ন করিতাম। দুই জনে অনেক রাত্রি পর্য্যন্ত গল্প করিতাম। এ সময়টা মরমেদের সময় ছিল।

এই নিমিত্ত অনেক চেষ্টা করিয়া পুলিশের সাহায্যেও দিনাজপুর পর্য্যন্ত যাইবার জন্ত গো-গাড়ী সংগ্রহ করিতে পারি নাই। প্রতিদিনই পুলিশ ষ্টেশনে যাইয়া দারোগা বাবুর সহিত গল্প করিতাম। দারোগা বাবুর নাম ছিল শ্রীযুক্ত জগন্নাথ তেওয়ারি। ইনিও বড়ই সদালাপী, মিষ্টভাষী ভদ্র লোক ছিলেন।

### বাংলা দেশের প্রাচীন রাজধানী পাণ্ডুয়ার জঙ্গল

পরে অনেক চেষ্টায় ১০ টাকা ভাড়ায় দিনাজপুর পর্য্যন্ত যাইবার জন্ত একখানি গরুর গাড়ী পাওয়া গিয়াছিল। মালদহ হইতে গোয়ান যোগে রওনা হইয়া বিখ্যাত পাণ্ডুয়ার জঙ্গল দিয়া গাজল নামে একটি স্থানে পৌঁছি। এই পাণ্ডুয়াই এক সময়ে মুসলমান রাজত্বকালে বাংলা দেশের রাজধানী ছিল। মুসলমান রাজাদিগের অনেক প্রাচীন কীৰ্ত্তি ও বৃহৎ বৃহৎ অট্টালিকার ধ্বংসাবশেষ এখনও এখানে দৃষ্ট হয়। ঐ স্থানটির অধিকাংশই এখন বেড় বাঁশের জঙ্গলে আবৃত। গাজল থানার দারোগার নামে শ্রীযুক্ত নৃত্যগোপাল বাবু একখানি চিঠি দিয়াছিলেন।

দারোগার বাসায় চিড়া, দৈ ও গুড়ের ফলার আমার ভাগ্যে ঐ দিন মধ্যাহ্নে ঘটয়াছিল। পরে লাউতাড়া ও বিরলের মধ্য দিয়া আমি দিনাজপুর অভিমুখে যাত্রা করিলাম। রন্ধন-কাৰ্য্যে তখন আমি বড়ই অপটু ছিলাম। লাউতাড়ায় গাড়োয়ান আমাকে রান্ধিয়া পাইতে বারবার অহরোধ করায় আমি একজন মুন্দির নিকট হইতে কিছু চা'ল, ভাজা কলায়ের ডা'ল, আলু, লবণ, হলুদের গুঁড়া ও লক্ষা কিনিয়া লইয়া তাহারই দোকানের পিড়ায় খিচড়ী চাপাইয়া দিলাম। উহাতে এত অধিক জল দিয়াছিলাম যে খিচড়ীর মাড় গালিতে হইয়াছিল। ঐস্থানে একটি হাট বসিত এবং একটি জমিদারের কাছারি বাড়ী ছিল। আমি

স্বস্থ প্রস্তুত অতি উপাদেয় খিচড়ী ভোগ খাইয়া গাড়ীতে শুইয়া আছি এমন সময়ে ঐ কাছারি হইতে জমিদারের জনৈক কর্মচারী আমার গাড়ীর নিকট আসিয়া গাড়োয়ানকে জিজ্ঞাসা করিতেছিলেন যে গাড়ী-খানি কোথায় যাইবে এবং গাড়ীতে কে আছে। গাড়োয়ান উত্তর দিল গাড়ীতে একটি বাবু আছেন—দিনাজপুর যাইবেন।

দিনাজপুর যাইব শুনিয়া কর্মচারী মহাশয় গাড়োয়ানকে বলিলেন যে সে ঐ গাড়ীতে তাঁহাকে দিনাজপুরে লইয়া যাইতে পারে কিনা। গাড়োয়ান বলিল, যে বাবু গাড়ী ভাড়া করিয়াছেন তিনি না বলিলে সে তাঁহাকে লইয়া যাইতে পারে না। আমি শুইয়াছিলাম মাত্র নিদ্রা যাই নাই। নিদ্রিত হইয়াছি ভাণ করিতেছিলাম মাত্র। কথায় কথায় প্রকাশ পাইল যে কর্মচারিটী জাতিতে ব্রাহ্মণ, দিনাজপুরের আদালতে জমিদারের একটি মোকদ্দমা ছিল ঐ নিমিত্ত তাঁহাকে যে কোন প্রকারে জমিদারের দিনাজপুরস্থ সদর কাছারিতে তৎপরদিন উপস্থিত হইতেই হইবে। কর্মচারিটী জাতিতে ব্রাহ্মণ, দিনাজপুরের জমিদারের কাছারিতে যাইবেন এই কথাটী আমার কণ্ঠগোচর হওয়ায়, আমি রীতিমত ও দিনাজপুরে আশ্রয় পাইবার আশায় বলিলাম—মহাশয়, আপনি স্বচ্ছন্দে আমার গাড়ীতে উঠিয়া দিনাজপুর পর্য্যন্ত যাইতে পারেন। আপনার গাড়ীর ভাড়া দিতে হইবে না। কর্মচারিটী আমার কথায় সন্তুষ্ট হইয়া আমাকে তাঁহাদের কাছারিতে লইয়া গেলেন। তথায় কিছুক্ষণ নিদ্রা যাওয়ার পরে আমরা উভয়ে আসিয়া গাড়ীতে উঠিলাম; এবং দিনাজপুর অভিমুখে যাত্রা করিলাম। যথাকালে দিনাজপুরে জমিদারের কাছারিতে উপস্থিত হইলাম। কাছারিতে উপস্থিত হইয়া দেখি—জমিদারের সদর নায়েববাবুটির পেটযোড়া প্লীহা, সমস্ত শরীরে কাঁচা শির বাহির হইয়াছে। হাত দুইটী সরু হইয়া গিয়াছে। দিনাজপুর ও রঙ্গপুরে ভ্রমণক ম্যালেরিয়া জর হয় ও সকল লোকের পেটে বড় বড় প্লীহা

আছে বরাবর এই ধারণাটী আমার ছিল। এখন ম্যালেরিয়া রোগের এই জলন্ত মূর্তি দেখিয়া আমার মনে বড়ই ভয় ও আশঙ্কা হইল। সুতরাং আমি আর ঐ কাছারিতে ক্ষণমাত্র কালও না থাকিয়া অতৃত্র গমন করিবার ইচ্ছা প্রকাশ করিলাম। পূর্বেই আমার জানা ছিল যে আমাদের পূজ্যপাদ শিক্ষক মতিলাল মৈত্র মহাশয়ের জামাতা শ্রীযুক্ত শ্রীমন্ত সাত্তাল দিনাজপুরের আদালতে কার্য্য করেন। তাঁহার পিতাও ইতিপূর্বে ঐ স্থানে জজের সেরেস্তাদার ছিলেন। তাঁহার সেখানে নিজের বাসাবাড়ী আছে। তথায় আশ্রয় পাইবার আশায় আমি গাড়োয়ানকে গাড়ী জুড়িতে বলিলাম এবং অহুসঙ্কান করিয়া বেলা নয়টার সময় তাঁহার বাসায় যাইয়া উপস্থিত হইলাম। তাঁহার বাসার লাগালাগি বাসায় কৃষ্ণনগরের রাজার দেওয়ান পূজ্যপাদ শ্রীযুক্ত কার্তিকেশ্বর চন্দ্র রায় মহাশয়ের জ্যেষ্ঠ পুত্র শ্রীযুক্ত রাজেন্দ্র নাথ রায় মহাশয় বাস করিতেছিলেন।

ইনি তখন এখানকার পোষ্টাফিসের সর্ব্ব ইনস্পেক্টর ছিলেন। ইনি আমাদের গ্রামের শ্রীযুক্ত দীননাথ ভাট্টার জ্যেষ্ঠ জামাতা ছিলেন। কিছুদূরে অপর একটা বাসায় সাতগাছিয়া-নিবাসী পূর্ত্তবিভাগের স্বপারভাইজার শ্রীযুক্ত ভগবতী চরণ মুখোপাধ্যায় মহাশয় থাকিতেন। তাঁহার বাসায় আমাদের গুরুবংশীয় দামোদর গোস্বামী মহাশয়ের দ্বিতীয় পুত্র গৌরমোহন গোস্বামী ওরফে মুখাজ্জি মহাশয় ছিলেন। সাতগাছিয়ার সহিত আমাদের খুবই ঘনিষ্ঠ সম্বন্ধ ছিল পূর্বেই বলিয়াছি। ইহাদের সহিত সাক্ষাৎ হওয়ায় আমার যেন ধড়ে প্রাণ আসিল। শ্রীমন্ত বাবুর বাসায় দুইদিন কাটাইলাম। রাজেন্দ্র বাবুর বাসায় ভাল ভাল আমসহকারে জলযোগ চলিত। ভগবতী বাবু আমাকে রঙ্গপুরে যাইতে বার বার নিষেধ করিয়াছিলেন। তিনি সেই সময়ে দিনাজপুর হইতে বহরমপুরে বদলী হইবার আদেশ পাইয়াছিলেন। তিনি আমাকে বলিয়াছিলেন যে বিনাব্যায়ে তিনি আমাকে বহরমপুর পর্য্যন্ত লইয়া

আসিবেন; কিন্তু আমি তাঁহার কথা না শুনিয়া দিনাজপুর হইতে গরুর গাড়ী ভাড়া করিয়া রঙ্গপুর যাত্রা করিলাম। আমি রঙ্গুন কার্যে অপটু বলিয়া দিনাজপুর হইতে একহাঁড়ি কচুরি, নিম্বকি, মিঠাই ও কিছু চিড়া কিনিয়া লইলাম। দিনাজপুর হইতে রঙ্গপুর পৌছিতে অন্ততঃ দুই দিন কাল লাগিবে। এইজন্ত দুই দিনের উপযুক্ত চিড়া মিষ্টান্ন ও নিম্বকি কিনিয়া লইলাম। দিনাজপুর হইতে বাহির হইয়া তৃতীয় দিবস প্রাতঃ-কালে রঙ্গপুর পৌছিলাম। রাস্তায় বিলক্ষণ বাঘ ও ভালুকের ভয় ছিল এবং চিনির বন্দর নামক স্থানে ভয়ানক বড় বৃষ্টি পাইয়াছিল। একজন রাজবংশীয় ভদ্রলোকের বাড়ীর সম্মুখে গাড়ী রাখিয়াছিল। উহার মধ্যে বসিয়াই বিলক্ষণ ভিজিয়া গিয়াছিল। তথাপি উহার বাড়ীতে যাইয়া আশ্রয় লইতে সাহস করিতে পারি নাই।

এই সময়ে রঙ্গপুরের কটকীপাড়ায় শ্রীযুক্ত গণেশচন্দ্র ঘোষাল মহাশয়ের বাসায় আমার সহাধ্যায়ী শান্তিপুত্রের বেঙ্গপাড়া নিবাসী শ্রীযুক্ত শশিভূষণ মুখোপাধ্যায় মহাশয় বাস করিতেছিলেন। আমরা ইঁহাকে ভূষণ বলিয়া ডাকিতাম। ভূষণ, ঘোষাল মহাশয়ের ভাগিনেয়। ঘোষাল মহাশয় উক্ত কটকীপাড়ার কোন বাতুল জমিদারের জমিদারীর ম্যানেজার ও তাঁহার এক্সিকিউটর ছিলেন। রঙ্গপুর জেলার ঘোষাল মহাশয়ের নিজেরও কিছু জমাজমি ছিল। ঘোষাল মহাশয়ের জ্যেষ্ঠ পুত্র শ্রীযুক্ত রাজকুমার ঘোষালও শান্তিপুত্র স্কুলে পড়ার সময়ে আমার সহাধ্যায়ী ছিলেন। তিনিও বেঙ্গপাড়ায় ভূষণদের বাড়ীতে থাকিয়া শান্তিপুত্রের স্কুলে পড়িতেন।

ইঁহাদের বাড়ী হাওড়া জেলার অন্তর্গত মণ্ডলঘাটের নিকটে মুগ্‌কালিয়ান গ্রামে। রাজকুমার কালে বি, এল পরীক্ষায় উত্তীর্ণ হইয়া উকিল হইয়াছিলেন এবং হাওড়ায় কিছুকাল ওকালতি করিয়াছিলেন। এখন জীবিত আছেন কি না জানি না। যে সময়ের কথা বলিতেছি তখন ভূষণ তাঁহার মাতুল মহাশয়ের রঙ্গপুরের বাসায় বেকার অবস্থায় বসিয়াছিলেন।



## ময়রা বলিয়া পরিচয় দিয়া যে ব্যবহার পাইয়াছিলাম তাহারই কথা ।

রঙ্গপুর সহরে উপস্থিত হইয়াই সর্বপ্রথমেই ভূষণের সহিত সাক্ষাৎ করিবার ইচ্ছা স্বতঃই আমার মনে উদ্ভূত হইতে পারে—ঐ ইচ্ছার বশবর্তী হইয়া ঘোষাল মহাশয়ের বাসার অনুসন্ধান করিয়া প্রথমে তথায় গিয়া উঠিলাম। তখন ভূষণ বাসায় ছিলেন না। ঘোষাল মহাশয় তাহার কাছারি ঘরে ফরাসের উপরে তখন বসিয়াছিলেন।

আমি তাঁহাকে প্রণাম করিয়া ভূষণ বাসায় আছেন কিনা জিজ্ঞাসা করিলাম। তিনি বলিলেন যে ভূষণ বেড়াইতে গিয়াছে। ঘোষাল মহাশয় আমার নাম, ধাম ও জাতি জিজ্ঞাসা করিলেন। আমি সবই বলিলাম। জাতিতে মোদক এই কথা শুনিয়াই তিনি গৃহস্থিত একটা ছেঁড়া সপ (পাটী) দেখাইয়া দিয়া বলিলেন ঐটা লইয়া বস। মোদকদিগকে কিরূপ ঘৃণার চক্ষে ব্রাহ্মণ, বৈষ্ণব, কায়স্থ প্রভৃতি জাতীয় মহাপুরুষেরা দেখেন ইহা কি তাহার একটা জলন্ত দৃষ্টান্ত স্থল নহে? আমি তাহার এই ব্যবহারে মর্মে বড়ই আঘাত পাইয়াছিলাম। আমি আর তাহার বাসায় বসিলাম না। তখনই রাস্তার উপরে আমার গাড়ীর নিকটে আসিয়া দাঁড়াইলাম এমন সময়ে ভূষণ তথায় আসিয়া উপস্থিত।

ভূষণ আমাকে দেখিবামাত্র আমার গলা জড়াইয়া ধরিয়া বলিলেন “ওরে তুই কখন আসলি, বাড়ী হইতে তুই অনেকদিন হইল বাহির হইয়াছিস, এ সংবাদ হেড্‌ মাষ্টার চন্দ্রনাথবাবুর নিকটে তুই যে চিঠি লিখেছিলি তা থেকে জেনেছি, হোর রাস্তায় এত বিলম্ব হইবার কারণ কি” তৎক্ষণে আমি বলিলাম “সে সব কথা পরে বলিব, এখন হেড্‌ মাষ্টারের বাসী কোথায় বলিয়া দে, আমি এখনই সেখানে যাব।”

শুনিলাম হেড্‌ মাষ্টারের বাসা সাতগাড়া কেরানিপাড়ায়, কৈলাসরঞ্জন

স্কুলের নিকট। তাঁহার বাসার উদ্দেশে গাড়ী চালাইতে বলিলাম। ভূষণ অনেকদূর পর্য্যন্ত আমার সঙ্গে সঙ্গে আসিলেন। আমার প্রতি ভূষণের প্রীতিপূর্ণ ব্যবহার তাঁহার মাতুল মহাশয় স্বচক্ষেই দেখিলেন।

বোধ করি দেখিয়া একটু মনে মনে লজ্জিতও হইলেন। এই ঘটনার পরে ঘোষাল মহাশয় আমার প্রতি বরাবর যে স্নেহ ও ভালবাসা দেখাইয়াছেন তাহাই উহার প্রমাণ। ভূষণ কিছুদিন পরে বিশ টাকা বেতনে রঙ্গপুর স্কুলের সপ্তম শিক্ষকের পদে নিযুক্ত হইয়াছিলেন। পরে তথাকার মুনসেফ আদালতে চাকরী পান। অবসর গ্রহণ কালে তিনি মুনসেফের সেরেষ্টাদার ছিলেন। এখন মাসিক ত্রিশ টাকা হারে পেনসন্ পাইতেছেন এবং বেজপাড়ার বাড়ীতে বাস করিতেছেন। ভূষণের বয়স আমার বয়স অপেক্ষা দুই তিন বৎসর বেশী। ঘোষাল মহাশয়ের মধ্যম পুত্র শ্রীমান্ রাসবিহারী ঘোষাল আমার রঙ্গপুর স্কুলের একজন ছাত্র ইনি আলিপুরের কালেক্টরিতে চাকরী করিতেন।

আলিপুরের কালেক্টরিতে কোন কার্য উপলক্ষে কয়েক বৎসর পূর্বে আমার কোন আত্মীয় গিয়াছিলেন। তাঁহার মুখে আমার নাম শুনিয়া রাসবিহারী তাঁহার যথেষ্ট খাতির করিয়াছিলেন এবং তাঁহার কার্যটি অতি সহজেই করাইয়া দিয়াছিলেন।

### রঙ্গপুর জেলা স্কুলে কার্যভার গ্রহণ

ভূষণের নিকট হইতে বিদায় লইয়া আমি হেড্‌মাষ্টার চন্দ্রনাথ বাবুর বাসায় আসিলাম। সেইদিনই তাঁহার বাসায় আহার করিয়া তাঁহার সহিত স্কুলে যাইয়া স্বীয় কার্যভার গ্রহণ করিলাম। সেই দিন রাত্রিতেও তাঁহার বাসায় থাইতে পাইয়াছিলাম। পরদিন প্রাতে তিনি আমাকে সঙ্গে করিয়া লইয়া তাঁহার বাসার অদূরে শ্রীযুক্ত

ভগবতীচরণ দেব নামক জজের নাজির মহাশয়ের বাসায় লইয়া গিয়া বলিলেন যে আমি বন্দ্যোবস্তু করিয়া রাখিয়াছি—তুমি এই বাসায় থাকিয়া থাইবা ও ইহার দুইটা পুত্রকে পড়াইবা। আমি তখন কিছু বলিলাম না। তাঁহার বাসায় ফিরিয়া আসিয়া তাঁহাকে বলিলাম মহাশয়, পেট ভাতায় আমি প্রাইভেট টিউশনি বা বাড়ীতে ছেলে পড়ানর কার্য্য করিতে পারিব না। সেই দিন প্রাতঃকালে খাউ মাষ্টার শ্রীযুক্ত গিরিশচন্দ্র বাকুচি মহাশয়ের বাসায় তাঁহার সহিত থাইবার বন্দ্যোবস্তু করিলাম। গিরিশ বাবু ও আমি একত্র থাইতাম। আমাদের একজন পাচক ব্রাহ্মণ ছিল। মাসিক খোরাকি খরচ ও পাচক ব্রাহ্মণের বেতনে আমাদের প্রত্যেকের মাসিক ১০।১২ টাকা করিয়া লাগিত। হেড্ মাষ্টার চন্দ্র বাবু প্রথম প্রথম আমার প্রতি অতি সদয় সদ্ব্যবহার করিতেন। এই সময়ে রঙ্গপুর স্থলের দ্বিতীয় পণ্ডিতের পদ উঠাইয়া দিয়া সেই বেতনে একটা মোলভির পদের সৃষ্টি হয়। দ্বিতীয় পণ্ডিত ছিলেন বলাগড় নিবাসী বৈষ্ণবংশীয় শ্রীযুত প্যারীমোহন সেন। আমি না যাওয়া পর্য্যন্ত তিনি বিশ টাকা বেতনে অস্থায়ী ভাবে সপ্তম শিক্ষকের কার্য্য করিতেছিলেন। আমি যাওয়াতে তাঁহার এই কাজটীও গেল। তিনি কলিকাতার স্থল-বক-সোসাইটির রঙ্গপুর জেলা স্থলস্থ এজেন্ট ছিলেন অর্থাৎ বিনা মূল্যে সোসাইটি তাঁহার নিকট পুস্তক পাঠাইতেন। তিনি পুস্তক সকল বিক্রয় করিয়া সোসাইটির নিকট মনিঅর্ডার করিয়া টাকা পাঠাইতেন; অবশ্য তাঁহার প্রাপ্য কমিসন বাদ দিয়া। তখন ডাকঘরের মনিঅর্ডারের সৃষ্টি হয় নাই। কালেক্টরিতে মনিঅর্ডার হইত। কোন কোন পুস্তকের মূল্যের উপর শতকরা ১০, কোন কোন পুস্তকের মূল্যের উপর ৬০ কমিসন পাওয়া যাইত; কোন কোন পুস্তকে কমিসন পাওয়া যাইত না। হেড্ মাষ্টার চন্দ্র বাবুর সুপারিসে প্যারী বাবুর স্থলে আমি সোসাইটির এজেন্ট হইলাম।

## কলিকাতা স্কুলবুক সোসাইটির এজেন্টের ভার গ্রহণ

এই পুস্তক বিক্রয়ের ব্যবসায় আমি গড়ে মাসিক ১৫১৬০ টাকা করিয়া পাইতে লাগিলাম। চন্দ্রনাথ বাবু অল্পগ্রহ করিয়া আমাকে রঙ্গপুরস্থ গভর্ণমেন্টের দাতব্য চিকিৎসালয়ের ডাক্তার মুন্সি জেলাল-উদ্দিনের পুত্র আবদুল রহমানের, জোনাবালি নাজিরের ভ্রাতৃপুত্র আকর রহিমের ও ডেপুটি ইনস্পেক্টর হরিহর বাবুর জ্যেষ্ঠ পুত্র যোগেন্দ্রনাথ দাশের প্রাইভেট টিউটর অর্থাৎ ঘরুয়া মাষ্টার নিযুক্ত করিয়া দিয়াছিলেন। এই কার্যেও আমি মাসিক ১৫০ টাকা করিয়া পাইতাম। তিনটি ছাত্রই এক স্থানে বসিয়া পড়িত এই যোগেন্দ্রনাথ দাশই বিলাতে যাইয়া অক্সফোর্ড বিশ্ববিদ্যালয়ে প্রবিষ্ট হইয়া তথাকার বি, এ পরীক্ষায় উত্তীর্ণ হইয়া অক্সোনিয়ান এবং ব্যারিষ্টার হইয়াছিলেন।

## প্রেসিডেন্সি কলেজের অধ্যাপক জে, এন্ দাশগুপ্ত

ইনি পরে কলিকাতা প্রেসিডেন্সি কলেজের স্প্রসিঙ্ক ও স্বনামধন্য জে, এন্, দাশগুপ্ত নামে ভারতবর্ষে ও বিলাতে পরিচিত হইয়াছিলেন। প্রায় এক বৎসর অতীত হইল ইনি বিলাতে পরলোকপ্রাপ্ত হইয়াছেন। আবদার রহিমও বি, এন্ পরীক্ষায় উত্তীর্ণ হইয়া প্রথমে মুনসেফ্ হইয়াছিলেন পরে কি হইয়াছিলেন জানি না।

## রঙ্গপুর জেলা স্কুলের সংক্ষিপ্ত বিবরণ

আমি যে সময়ে রঙ্গপুর স্কুলের পঞ্চম শিক্ষক হই সেই সময়ের উক্ত স্কুলের অধ্যাপ্ত শিক্ষকদিগের নাম ও বেতন নিম্নে প্রদত্ত হইল।

নাম	পদ	বেতন
শ্রীযুক্ত বাবু চন্দ্রনাথ ভট্টাচার্য্য	হেড্ মাষ্টার	১৫০০
অক্ষয় কুমার মুখোপাধ্যায়		
( বি, এ ফেল্ )	সেকেন্ড মাষ্টার	৬০০

নাম	পদ	বেতন
শ্রীযুক্ত বাবু গিরিশ চন্দ্র বাক্চি		
(এফ্. এ ফেল্)	থার্ড মাস্টার	৪০৬
” নন্দলাল গুপ্ত (এফ্. এ ফেল্)	ফোর্থ মাস্টার	৩০৬
” রামেশ্বর সেন		
(সেকেণ্ড ইয়ার ট্রিডেন্ট)	ফিফ্. মাস্টার	২৫৬
” নবকুমার দাস (এণ্ট্রান্স পাশ)	সিক্স্. মাস্টার	২০৬
” গোপালচন্দ্র তালুকদার		
(এণ্ট্রান্স পাশ)	সেভেণ্. মাস্টার	২০৬
” বঙ্গচন্দ্র চন্দ (ঢাকা নর্ম্যাল স্কুলের ত্রৈবার্ষিক পরীক্ষায় উত্তীর্ণ)	হেড্. পণ্ডিত	২৫৬
মৌলভি মতি উল্লাহ (অতি বৃদ্ধ)	মৌলভি	২০৬

এই সকল শিক্ষকদিগের মধ্যে ফোর্থ মাস্টার নন্দবাবু ও সিক্স্. মাস্টার নবকুমার বাবু বড়ই ভাল মানুষ ও আমার বিশেষ স্নেহ ও বন্ধু ছিলেন। ইহারা উভয়ে পেনসন্ পাইয়া অবসর গ্রহণ করিয়া ছিলেন। এখনও জীবিত আছেন কিনা জানি না।

### হেড্. মাস্টার চন্দ্রনাথ বাবুর দয়া

হেড্. মাস্টার চন্দ্রবাবুর দয়া ও অল্পগ্রহে আমার বাজে আয় (বুক এজেন্সি ও প্রাইভেট টুইসনে) প্রায় ৩০৬ টাকা হইল। বেতন ও বাজে আয়ে আমার প্রায় ৫৫৬ টাকা আয় হইয়াছিল। এই বাজে আয়টা না হইলে আনি কিছুতেই রঙ্গপুরে থাকিতে পারিতাম না।

### শ্রীযুক্ত প্যাটেন সাহেবকে বাঙ্গালা ভাষা পড়ান

পরে আমি রঙ্গপুরের এসিস্ট্যান্ট পুলিশ সুপারিন্টেন্ডেন্ট জি, এ, প্যাটেন (Mr. G. A. Patten) সাহেবকে বাঙ্গালা পড়াইয়া মাসিক ২০৬ টাকা করিয়া পাইতাম। এই সাহেবটাকে

বাঙ্গালা পড়ান বড়ই কঠিন ও কৌতূকাবহ কার্য ছিল। কিছুতেই আমি সাহেবের মুখ দিয়া ক, খ, গ, ঘ, ঙ, চ, ট, ঠ, ড, ঙ, ন, শ, ষ ও স এর উচ্চারণ বাহির করিতে পারি নাই। সুতরাং নূতন পদ্ধতি অবলম্বন করিতে হইয়াছিল। ক, খ, গ, ঘ এর নাম দিয়াছিলাম, ফাষ্ট্ কে, সেকেন্ড কে, থার্ড কে, ফোর্থ কে, ফি ও ষী কারের নাম করিয়াছিলাম ই অন্ দি রাইট সাইড্, এবং ই অন্ দি লেফট্ সাইড্, ঙ ও ন এর নাম করিয়াছিলাম ফাষ্ট্ এন্ এবং সেকেন্ড এন্, শ, ষ ও স এর নাম যথাক্রমে হইয়াছিল রাউণ্ড এন্, মিডল্ এন্, এবং পুলিশ এন্। পুলিশ এন্ নাম শুনিয়া সাহেব আমাকে জিজ্ঞাসা করিয়াছিলেন উহার নাম পুলিশ এন্ দিলে কেন? তাহার উত্তরে আমি বলিয়াছিলাম যে 'স' টী পুলিশের একচেটিয়া 'স' যেহেতু পুলিশের বাঙ্গালা রিপোর্ট মাত্রেই ঐ 'স' টীর বাঙ্গল্য ব্যবহার দৃষ্ট হয়।

### পাড়ার লোকের পরিচয়

আমি রঙ্গপুরের যে পাড়ায় ছিলাম সে পাড়ার নাম ছিল কেরানী পাড়া; অথচ আমার সময়ে কেরানীর সংখ্যা খুবই অল্প ছিল। পাড়ার বাসাগুলি সব লাগালাগি ছিল ও এক বাসা হইতে অল্প বাসায় জ্বীলোক-দিগের যাতায়াত করিবার জন্ত বাসাগুলির মধ্য দিয়া দুয়ার ছিল। বলা বাহুল্য সে বাসাগুলির ঘর সমস্ত খড়ুয়া ও ঘরের দেওয়ালগুলি দর্শ্য-নিষ্মিত। কোন কোন ঘরের কাঠের দুয়ার ছিল কাহারও বা ঝাঁপের দুয়ার ছিল। পাড়ায় বাসার সংখ্যা খুবই কম ছিল। বাসাগুলির চারিদিকে বাঁশের বেড়া ছিল। ঐ স্থানের ভাষায় উহাকে চকুওয়ার বলিত। একধার হইতে আরম্ভ করিয়া অপরধার পর্যন্ত বাসার বাবুদের নাম নিয়ে প্রদত্ত হইল :—

১। কৃষ্ণকান্ত দাস—পুলিস সর্ব ইনস্পেক্টর

২। তারিণীচরণ নন্দী—মুনসেফ্ আদালতের মোহরার

- ৩। ভগবতীচরণ দেব,—জজের নাজির
- ৪। হীরালাল মিত্র—জজ কোর্টের উকীল ও তাঁহার ভ্রাতা হরলাল মিত্র—মুনসেফ আদালতের পেসকার
- ৫। পূর্ণচন্দ্র মিত্র—মুনসেফ কোর্টের উকীল
- ৬। রামচন্দ্র মিত্র— „ আদালতের মোহরার
- ৭। রামগোপাল তলাপাত্র—ম্যাজিস্ট্রেটের ফৌজদারি বিভাগের হেড্ ক্লার্ক ও তাঁহার ভ্রাতা—রামবাদব তলাপাত্র বি, এল্, উকিল
- ৮। অবিনাশ চন্দ্র মুখোপাধ্যায়,—সিভিল কোর্ট আমীন
- ৯। হরচন্দ্র বড়াল—কলেক্টারির একাউন্ট্যান্ট্
- ১০। চন্দ্রনাথ ভট্টাচার্য্য—হেড্ মাষ্টার
- ১১। নীলকণ্ঠ চট্টোপাধ্যায়—মুনসেফের পেশকার
- ১২। বেনীমাধব গঙ্গোপাধ্যায়—কন্ট্রোল্টর  
এই বাসায় একটা ক্ষুদ্রাকারের ইষ্টক-নির্মিত কোটা ঘর ছিল।
- ১৩। গিরিশ চন্দ্র বাক্চি—থার্ড মাষ্টার

রাস্তার অপর পার্শ্বে অল্প বাসা হইতে বিচ্ছিন্নভাবে শ্রীযুক্ত রুক্ষমোহন দাস, ভূতপূর্ন জজকোর্টের নাজিরের বাসা ছিল। ইহার নিবাস রঙ্গপুর জেলার মকঃসলে কোন পল্লীগ্রামে। ইনি পেন্সন্ পাইতেন। দুইটা পুত্রের বিদ্যাশিক্ষার্থ সহরের উপরে বাস করিতেন। ইনি জাতিতে কুরী ছিলেন। খুব বৃদ্ধ হইয়াছিলেন। লোকটা বড়ই ভাল মানুষ ছিলেন। উকিল হীরালাল বাবুর বাসার বাহিরের ঘরে কলিকাতার বিখ্যাত ডাক্তার প্রতাপচন্দ্র মজুমদার মহাশয়ের ভ্রাতা উকীল মহিম-চন্দ্র মজুমদার ও তাঁহার ভ্রাতা জানকী নাথ মজুমদার ( পরে ইনি রঙ্গপুর শুলের কেরাণি পদে নিযুক্ত হইয়াছিলেন ), ডিষ্ট্রিক্ট ইঞ্জিনিয়ার আফিসের একাউন্ট্যান্ট্ শ্রীযুক্ত কালীকৃষ্ণ ভট্টাচার্য্য ও এড্‌কেসন ক্লার্ক কাশীচন্দ্র দত্ত থাকিতেন।

হেড্ মাষ্টার মহাশয়ের বাহিরের ঘরে সেকেণ্ড মাষ্টার অক্ষয়বাবু ও

আবগারীর কেরাণী প্রসন্নচন্দ্র রায় থাকিতেন। এবং সময়ে সময়ে আমিও থাকিতাম। হরচন্দ্র বড়াল মহাশয় পেনসন্ লইয়া চলিয়া গেলে তাঁহার বাসাটী সেকেণ্ড মাষ্টার অক্ষয়বাবু কিনিয়াছিলেন। অক্ষয়বাবু বদলী হইয়া গেলে আমি ঐ বাসাটী ৬০ টাকায় কিনিয়াছিলাম। ঐ সময়ে কলিকাতার স্বপ্রসিদ্ধ ব্যারিষ্টার ডব্লিউ, সি, ব্যানার্জী মহাশয়ের পিতৃস্বশ্রু-পুত্র কলেক্টর সাহেবের অফিসের ডিষ্ট্রিক্ট বোর্ড বিভাগের একাউন্ট্যান্ট শ্রীযুক্ত হারকানাথ চট্টোপাধ্যায় মহাশয় আমার সঙ্গে ঐ বাসায় একত্রে থাকিতেন। আমি বদলী হওয়ায় আমার বাসাটী তিনি কিনিয়া লইয়াছিলেন।

কৃষ্ণকান্ত দাস, তারিণী চরণ নন্দী, ভগবতী চরণ দেব ও কাশীচন্দ্র দত্ত ব্যতীত আর প্রায় সকলেই পশ্চিমবঙ্গের অধিবাসী ছিলেন।

বিখ্যাত জামগাঁয়ের নন্দীবংশীয় শ্রীযুক্ত ত্রৈলোক্যনাথ নন্দী বি, এল্ মহাশয় রঙ্গপুরের অন্ত্যতম মুনসেফের কার্যে বদলী হইয়া আসায় আমাদের এই পাড়াতেই শ্রীযুক্ত ভগবতীচরণ দেব নাজীরের বাসার বাহিরের ঘরে কিছুকাল অবস্থিতি করিয়াছিলেন। আমরা পরম স্বখে সকলে একত্রে বাস করিতেছিলাম। ছুঃখের বিষয় বৃদ্ধ বয়সে উক্ত নাজির মহাশয় সরকারী তহবিল তছরুফপাত করায় দণ্ডিত হওয়ায় কারাগারে প্রেরিত হইয়াছিলেন। আমি রঙ্গপুরে থাকিতে থাকিতেই তিনি কারামুক্ত হইয়াছিলেন। আমরা পরস্পরে খুব সম্ভাবে থাকিয়া পরম স্বখে বাস করিতেছিলাম।

### রঙ্গপুরে ম্যালেরিয়া জরাক্রান্ত হওয়া

আক্ষেপের বিষয় আমি ম্যালেরিয়া জরাক্রান্ত হইয়া বিলক্ষণ ভুগিয়াছিলাম। যখন চন্দ্রবাবুর বাহিরের ঘরে থাকিতাম এবং সেকেণ্ড মাষ্টার অক্ষয়বাবু ও আবগারীর কেরাণী প্রসন্নবাবুর সহিত এক মেসে থাকিতাম তখন হেড্ মাষ্টার বাবুর বাসার বাহিরে



তাঁহারই জমিতে একখানি চালা ঘর তুলিয়াছিলাম। জর আসিলে যজ্ঞপায় ছটফট করিয়া ও পিপাসায় শুষ্ককণ্ঠ হইয়া উহার বাসার ভিতরের ইন্দারা হইতে পানার্থ জল আনিবার জন্ত চাকর পাঠাইলে উহার শাশুড়ী ঠাকুরাণী বিষম বিরক্ত হইয়া বলিতেন যে, তোমাদের জন্ত জল তুলিয়া রাখিয়াছি নাকি? যখন ইচ্ছা তখনই জল লইতে আইস কেন? বাহিরে সাধারণের ব্যবহারার্থ একটা ইন্দারা ছিল বটে কিন্তু তথায় সকল বাসার চাকরেরা জল তুলিত ও তাহার নিকটে স্নান করিত ও কাপড় কাচিত। উহাতে জল দূষিত হইত বলিয়া উহা পান করিতে প্রবৃত্তি হইত না। এই জন্তই বাড়ীর মধ্যে ইন্দারা হইতে জল আনিতে চাকর পাঠাইতাম। চন্দ্রবাবু বড়ই সন্দ্বিগ্নচিত্ত লোক ছিলেন। কেহ তাঁহার বাড়ীর মধ্যে গেলে ভালবাসিতেন না।

## জেলা স্কুল প্রতিষ্ঠার সময় কোচবিহারের রাজা ও জমিদারদিগের দান।

রঙ্গপুর জিলা স্কুলটা গভর্ণর জেনারেল লর্ড উইলিয়ম বেন্টিক্ (Lord Willam Bentick) বাহাদুরের সময়ে এবং কোচবিহারের রাজা নরেন্দ্রনাথ ভূপের কোচবিহারে রাজত্বকালে প্রতিষ্ঠিত হইয়াছিল। কোচবিহারের রাজাই ঐ স্কুলের জন্ত একটা ব্রিতল অট্টালিকা নিৰ্ম্মাণ করিয়া দিয়াছিলেন। উহাতে লেখা ছিল “যাবৎ স্কুল তাবৎ দান”। রঙ্গপুরের জমিদারবর্গ এবং কোচবিহারের রাজা ইহার প্রতিষ্ঠাকালে বিশেষ সাহায্য করিয়াছিলেন।

আমি যখন এই বিদ্যালয়ে নিযুক্ত হইয়া যাই তখনও স্কুলের তহবিলে জমিদারদিগের প্রদত্ত টাকার মধ্যে ২১০০০ টাকার কোম্পানীর কাগজ মজুত ছিল। উহার স্বেদ পাওয়া যাইত মাত্র। কোম্পানীর কাগজ গভর্ণমেণ্টের হাতে গুস্ত ছিল। এই গৃহীত ভগ্নপ্রায় হওয়াতে এবং পূর্তবিভাগের কর্তারা উহার জীর্ণ সংস্কার করিতে গেলে বহু

সহস্র টাকা ব্যয়ের প্রয়োজন প্রকাশ করায় এবং যদি ভবিষ্যতে স্কুলটা উঠিয়া যায় তাহা হইলে দানের সর্তানুসারে অট্টালিকাটি কোচবিহারের রাজারই হইবে এই ভাস্ত ধারণার বশবর্তী হইয়া উহা পরিত্যাগ করিয়া দরমার বেড়া দিয়া একখানি প্রকাণ্ড চালা ঘর ঐ অট্টালিকার পশ্চাৎ ভাগে প্রস্তুত করিয়া তথায় বিদ্যালয়ের কার্য চালাইতে আরম্ভ করা হয়। এদিকে ঐ অট্টালিকার সর্বনিম্ন গৃহগুলি ন্যাজিষ্ট্রেট ও পুলিশ সুপারিন্টেন্ডেন্ট প্রভৃতি সাহেব বাহাদুরদিগের ঘোড়ার আস্তাবলে পরিণত হইল।

### ইনস্পেক্টর প্রাতঃস্মরণীয় শ্রীযুক্ত ভূদেব মুখোপাধ্যায় মহাশয়ের জেলাস্কুল পরিদর্শন।

আমি যখন এই বিদ্যালয়ে নিযুক্ত হইয়া যাই তখন এই চালাঘরেই উহার কার্য চলিতেছিল। উহাতে প্রকাণ্ড প্রকাণ্ড শালগাছের খুঁটা ছিল। এই সময়ে রাজসাহী বিভাগের স্কুল ইনস্পেক্টর ছিলেন—সুপ্রসিদ্ধ স্বর্গীয় ভূদেব মুখোপাধ্যায় মহাশয়। তাঁহার দ্বিতীয়বার স্কুল-পরিদর্শন কালে যখন ঐ চালাঘর খানি অগ্নিকাণ্ডে ভস্মীভূত হইয়া গিয়াছিল এবং যখন স্কুলের কার্য কয়েক মাস ব্যাপিয়া নন্দাল স্কুল গৃহে, কৈলাস-রঞ্জন স্কুল গৃহে, ও উকীল হীরালাল বাবুর বৈঠকখানা ঘরে প্রাতঃকালে হইতেছিল, তখন তিনি পরিত্যক্ত কোচবিহার অট্টালিকাটির তৎকালের অবস্থা দেখিয়া হেডমাষ্টার চন্দ্রনাথ বাবুকে বলিয়াছিলেন যে, ঐ গৃহে স্কুলের কার্য না করিয়া পরস্পর হইতে অনেক দূরে অবস্থিত ভিন্ন ভিন্ন স্থানে উহার কার্য করিতেছেন কেন? হেডমাষ্টার বাবু তত্বতরে বলেন যে অট্টালিকাটির অবস্থা অতি শোচনীয় ও বিপদজনক, হঠাৎ ভাঙিয়া পড়িয়া ছাত্র ও শিক্ষকদিগের প্রাণ বিনাশের কারণ হইতে পারে। ভূদেব বাবু হাসিয়া বলিয়াছিলেন যে মহাশয় আপনি কি বাঙালীদিগের জীবনোপেক্ষা সাহেবদিগের ঘোড়ার জীবন কম

ম্লাবান্ মনে করেন? আপনি ঐ অট্টালিকাটি পরিষ্কার করাইয়া ও উহার সামান্যরূপ জীর্ণ সংস্কার করাইয়া আপাততঃ কিছুদিনের জন্য ঐ খানেই বিতালয়ের কার্য্য করিবেন। তাঁহার উপদেশানুসারে কয়েক মাসের জন্য ঐ অট্টালিকায় পুনরায় বিতালয়ের কার্য্য হইয়াছিল।

এইস্থলে ভূদেব বাবুর সর্বপ্রথমে রঙ্গপুরের শুভাগমনকালে একটা ঘটনার উল্লেখ না করিয়া থাকিতে পারিলাম না। ঐ সময়ে রাজসাহী বিভাগের স্কুল ইনস্পেক্টরের হেড্ কোয়ার্টার বা প্রধান অফিস ছিল বহরমপুরে। ভূদেব বাবু তাঁহার নিজের ভাউলেতে (এক প্রকার বাসোপযোগী নৌকা) উঠিয়া গঙ্গা ও পদ্মা নদীর বক্ষস্থল দিয়া পরে ছোট ছোট নদীর মধ্যে প্রবেশ করিয়া রঙ্গপুর হইতে চার পাঁচ মাইল দূরবর্তী মাহিগঞ্জ নামক স্থানে আসিয়া উপস্থিত হন। ব্যতিকালে তিনি পাল্কি আরোহণে রঙ্গপুর সহরে আসিতেছিলেন। ডেপুটি ইনস্পেক্টর হরিহর বাবুকে তিনি ইতিপূর্বে জানাইয়াছিলেন যে অমুকদিন রাত্রিতে আমি রঙ্গপুরে পৌছিব। হরিহর বাবু এই সংবাদ পাইয়া দিনাজপুরের জমিদার রায় সাহেবের রঙ্গপুরস্থ কুঠিতে তাঁহার অবস্থিতি করিবার ব্যবস্থা করিয়া তাঁহার রাত্রির আহারের জন্য লুচি, তরকারি, দুগ্ধ ও মিষ্টানের জোগাড় করিয়া রাখিয়াছিলেন। ভূদেব বাবু বেহারাদিগকে বলিয়া রাখিয়াছিলেন যে রঙ্গপুরের ডেপুটি ইনস্পেক্টর হরিহর বাবুর বাসায় তাহারা পালকী লইয়া যাইবে কিন্তু বেহারারা ধাপ নামক স্থানে আসিয়া (হরিহর বাবুর বাসা রঙ্গপুরে যে অংশে ছিল, তাহার নাম ধাপ) এইস্থানে একটা সামান্য গোছের বাজার প্রতাহই বসিত। কোন এক ব্যক্তিকে হরিহর বাবুর বাসা কোথায় জিজ্ঞাসা করিয়াছিল সে উহা দেখাইয়া দিতে পারে নাই। বেহারারা ধাপ অনেক দূর পশ্চাতে ফেলিয়া রঙ্গপুর হইতে প্রায় তিন মাইল দূরবর্তী নেস্‌বট্ গঞ্জ নামক একটা স্থানে আসিয়া তথাকার ঘাগট্ নদী পার হইবার জন্য নৌকা ডাকিতেছিল। তখন রাত্রি অনেকটা হইয়াছিল। ভূদেব বাবু

পাল্কি মধ্যে নিদ্রাস্থানুভব করিতেছিলেন। বেহারাদের ডাক্‌হাঁক শুনিয়া তাঁহার নিদ্রাভঙ্গ হওয়ায় তিনি বেহারাদিগকে বলিলেন তোরা গোলমাল করিতেছিস কেন? বেহারারা বলিল নদী পার হইতে হইবে। তিনি ঐ কথা শুনিয়া বলিলেন যে মাহিগঞ্জ রঙ্গপুরের মধ্যে কোন স্থানে ত নদী নাই। থেওয়ার নৌকাওয়ালা তখন বলিল মহাশয়, আপনি ত রঙ্গপুর ছাড়িয়া প্রায় তিন চার মাইল দূরে আসিয়াছেন। তখন আবার পাল্কী রঙ্গপুরের দিকে ফিরিল। পরে জিজ্ঞাসা করিয়া তিনি হরিহরবাবুর বাসায় পৌঁছিলেন। হরিহরবাবু তাঁহাকে রায় সাহেবের কুঠিতে লইয়া গিয়া তুলিলেন। রায় সাহেবের কুঠিতে নিদ্রিষ্ট স্থানে উপবিষ্ট হইয়া তিনি সৰ্ব্বপ্রথমেই হরিহরবাবুকে বলিলেন—হরিহরবাবু I see you are very unpopular অর্থাৎ আপনি বড়ই সাধারণ লোকের অগ্রিয়—এখানে সাধারণের মধ্যে অজ্ঞাত বুঝিতে হইবে। হরিহরবাবু বিস্মিত হইয়া বলিলেন যে আপনি আমাকে এরূপ বলিতেছেন কেন? আমি কিসে লোকের অগ্রিয় হইলাম। ভূদেববাবু বলিলেন—লোকে তোমায় চেনে না—তোমার বাসা কোথায় বলিয়া দিতে পারে না। হরিহরবাবু বলিলেন—আপনি কোন ছোটলোককে অর্থাৎ অশিক্ষিত লোককে জিজ্ঞাসা করিয়া থাকিবেন। তাহাতে ভূদেববাবু রক্তমুগ্ধি ধারণ করিয়া বলিলেন— I see you are still more unpopular, দেখিতেছি তুমি বিলক্ষণ অধিকতরভাবে সাধারণের মধ্যে অপরিচিত ও অজ্ঞাত।

### বিদ্যালয় সমূহের ডেপুটি ইনস্পেক্টরদিগের কর্তব্য

ডেপুটি ইনস্পেক্টরের কার্য্য হইতেছে অশিক্ষিত, সাধারণ লোকের সহিত মেশামিশি করিয়া তাঁহাদের মধ্যে শিক্ষার বিস্তার করা। ভূদেববাবুর এই কথাটা বাস্তবিকই সত্য। পরে খাতাদি অদ্ভুত

রহিয়াছে দেখিয়া—পা দিয়া সমস্তগুলি ঠেলিয়া ফেলিয়া দিয়া সমস্তগুলি নষ্ট করিয়া ফেলিলেন। খাওজবোর কিছুই রহিল না।

তৎপরে বৃদ্ধা জীলোকের শ্রায় এই বলিয়া নাকে কাঁদিতে লাগিলেন—  
আমার নিতান্তই কপাল মন্দ, তাই পদ্মা পারে বৃদ্ধ বয়সে বদলী হইয়াছি।  
এই স্থলে বলা আবশ্যক যে ইহার কিছুকাল পূর্বে সর্বশুণে অলঙ্কৃত  
তাঁহার প্রাণসমা পতিপ্রিয়া পত্নীর বিয়োগ হইয়াছিল এবং তাঁহার  
অতি স্নেহের ও ভালবাসার একটা দৌহিত্রীরও মৃত্যু হইয়াছিল।  
এই দৌহিত্রী তাঁহার জ্যেষ্ঠ জামাতা ডেপুটি ম্যাজিস্ট্রেট তারাপ্রসাদ  
বাবুর কন্যা ছিল।

তাঁহার তৎকালের এই ভাব দেখিয়া ডেপুটি ইনস্পেক্টর হরিহরবাবু  
অবাক ও স্তম্ভিত হইয়া রহিলেন। কিন্তু সূচতুর সব ইনস্পেক্টর  
শ্রীযুক্ত বিশ্বেশ্বর সেন তখনই কাহারও ঘরে ছেলেদের খাইবার উপযুক্ত  
একটু দুগ্ধ আছে কিনা অনুসন্ধান করিতে বাহির হইলেন এবং  
অল্পক্ষণ পরে সেরখানিক দুগ্ধ সংগ্রহ করিয়া ও উহা গরম করিয়া  
একটা বাটীতে ঢালিয়া লইয়া আসিয়া ভূদেববাবুর মুখের নিকট  
ধরিলেন। ভূদেববাবু উহা পান করিয়া তখন কথঞ্চিৎ সুস্থ হইলেন  
এবং এইরূপে বামুনে রাগ পড়িয়া গেল। তখন বলিতে লাগিলেন—  
বাবা বিশ্বেশ্বর, তুমি প্রকৃতই আজ বাপের কর্য্যে করিলে। ভূদেববাবুর  
স্বর্গীয় পিতার নাম ছিল বিশ্বনাথ মুখোপাধ্যায়। পরে ভূদেববাবু  
এই বিশ্বেশ্বরবাবুকে ডেপুটি ইনস্পেক্টরের পদে নিযুক্ত করিয়া হাওড়ায়  
বদলী করিয়া আনিয়াছিলেন। বিশ্বেশ্বরবাবু অনেকদিন পরে নিজের  
দোষেই চাকরীটা হারাইয়াছিলেন।

### জেলা স্কুলের হেড্‌ মাস্টার চন্দ্রনাথ ভট্টাচার্য্য

হেড্‌ মাস্টার চন্দ্রবাবুর একটা দোষ ছিল যে তিনি স্কুলের ঘড়ি  
দেখিয়া প্রায়ই স্কুলের কার্য্য আরম্ভ করিতেন না। তাঁহার নিজের

জেবঘড়ি ( Watch ) দেখিয়া স্কুলে যাইতেন এবং স্কুলের ঘড়িতে সময় যাহাই কেন হউক না স্কুলে যাইয়াই ১১টা বাজাইতে বলিতেন এবং স্কুলের ঘড়িতে ১১টা সময় করিয়া দিতেন। তিনি প্রায় অনেক শিক্ষকের পরে স্কুলে উপস্থিত হইতেন ; কেবল ফোর্থ মাষ্টার নন্দলালবাবু ও বৃদ্ধ মৌলভি বিলম্বে আসিতেন। যেহেতু ইহারা অপরের বাসায় থাকিতেন। আমাদের কচিং বিলম্ব হইত। ঘটনাক্রমে হেড্ মাষ্টার চন্দ্রনাথবাবু ও বৃদ্ধ মৌলভি একদিন সকলের আগেই স্কুলে উপস্থিত হইয়াছিলেন। হেড্ মাষ্টারবাবু তাঁহার নিজের ঘড়ি দেখিয়া স্কুলের কার্য্য আরম্ভ করিয়া দিয়া ভাইস্ প্রেসিডেন্ট্ অর্থাৎ ম্যাজিষ্ট্রেট্ গ্রেজিয়ার সাহেব বাহাদুরের নিকট একখানি এই মর্মে রিপোর্ট করিয়াছিলেন যে স্কুলের শিক্ষকেরা প্রায়ই নির্দিষ্ট সময়ে অর্থাৎ ১১টার সময়ে স্কুলে উপস্থিত হন না। তাঁহাদিগকে বার বার সতর্ক করা সত্ত্বেও কোন সফল হইতেছে না। পূর্বেই বলিয়াছি যে গ্রেজিয়ার সাহেব বাহাদুর বড়ই কড়া হাকিম ছিলেন। তিনি এই রিপোর্ট পাইয়া কোনরূপ অহুসঙ্কান না করিয়াই মৌলভি সাহেব ব্যতীত আর সমস্ত শিক্ষকেরই এক সপ্তাহের বেতন কাটিবার আদেশ দিয়াছিলেন। অবশ্যই হেড্ মাষ্টারের রিপোর্টে বিশ্বাস করা কর্তব্য। আমরা স্কুলে গেলে স্কুলের একজন ভৃত্য আমাদেরকে এই আদেশ দেখাইয়া গেল।

আমরা কেহই কিছু বলিলাম না। এই ভৃত্যের নাম ছিল দ্বীপচাঁদ। এ জাতিতে মেথর—ইহার একটা হাত মুলো ছিল এবং একটা পাও অবশ ছিল। মেথরের কাজ করিত এবং স্কুলের অনেক কাজই করিত। এ বড়ই কাজের লোক ছিল। খাজনা-খানা হইতে বিল ভাড়াইয়া টাকা আনিত। ছাত্র বেতন জমা দিয়া আসিত। স্কুলের সমস্ত খাতা পত্র চিনিত এবং লায়ব্রারি হইতে যে কোন আল্‌মায়রার নাম বলিয়া দিয়া অমুক নম্বরের বইখানি লইয়া আইস বলিলেই, সে আনিতে পারিত। এই সময়ে স্কুলের

খড়ুয়া ঘর ছিল বলিয়া সর্বদাই প্রয়োজনীয় পুস্তক যথা Dictionary, অভিধান, গণিতের পুস্তকাদি, সাহিত্য, ব্যাকরণ, ইতিহাস, পাঠ্য-পুস্তক, মানচিত্র ও Atlas ব্যতীত অন্যান্য সমস্ত মূল্যবান পুস্তক পাবলিক লায়ব্রারী (সাধারণ লায়ব্রারি) গৃহে উহার একটা পার্শ্বস্থ কুঠরিতে ও উহার হলেও রক্ষিত হইত। আমার হাতে লায়ব্রারির পুস্তক রক্ষার ভার গ্রস্ত ছিল। স্কুলের খড়ুয়া ঘরখানি পুড়িয়া যাওয়াতে, তাহার সঙ্গে সঙ্গে Webster, Worcester, Dictionary ও একখানি খুব বৃহৎ মূল্যবান Atlas পুড়িয়া গিয়াছিল। যে যে পুস্তক পুড়িয়া গিয়াছিল তাহার তালিকা করিবার সময়ে লায়ব্রারির সমস্ত পুস্তকগুলি ক্যাটালগের (পুস্তক-তালিকাবহী) সহিত মিলাইয়া দেখিতে হইয়াছিল। যেগুলি পাওয়া যায় নাই সেগুলি পুড়িয়া গিয়াছে বলিয়া লিখিত হইয়াছিল। হারাইয়া গিয়া থাকিলেও পুড়িয়া গিয়াছে বলিয়া লিখিত হইয়াছিল। অতি উৎকৃষ্ট কাগজে মুদ্রিত ও উত্তম মলাটে বান্ধা বাহার উপরে স্বর্ণাঙ্করে নাম লেখা ছিল এমন দুই খণ্ড ডিকুইন্সি (Dequency) প্রণীত নবগ্রন্থ এই সময়ে পাওয়া যায় নাই। উহা যে কেহ পড়িবার জন্ত লইয়া গিয়াছেন, তাহারও নিদর্শন লায়ব্রারির নোটবুকে বা পুস্তক ধার দেওয়ার খাতায় পাওয়া যায় নাই। হেড্‌মাষ্টার মহাশয়কে উহা বলায় তিনি বলিলেন পুড়িয়া গিয়াছে লিখিয়া রাখ। আমি বলিলাম মহাশয় ঐ দুইখানি পুস্তক কিছুতেই পোড়া যাইতে পারে না। উহা পাবলিক লায়ব্রারিতে কাঁচের দ্বারবিশিষ্ট আলমারায় ছিল। কখনও স্কুলের চালা ঘরে উহা আনা হয় নাই। ঐ দুইখানি পুস্তক কিরূপে পুড়িয়া গিয়া থাকিবে। হেড্‌মাষ্টার মহাশয় বলিলেন তবে কি তুমি নিজেই পুস্তক দুইখানি দিবে। কাজেই পোড়া গিয়াছে লেখা হইল। কিন্তু দিন পনের পরে ম্যাজিষ্ট্রেট সাহেব বাহাদুর ঐ দুইখানি পুস্তক ফেরত পাঠাইয়া দিয়া উহার পরবর্তী আর দুইখানি পুস্তক চাহিয়া একখানি রোকা লিখিয়া পাঠাইয়া দেন।

তখন আমি হেড্‌মাষ্টার মহাশয়ের নিকট যাইয়া পুস্তক দুইখানি দেখাইয়া বলি যে মহাশয় দেখুন এই দুইখানিই সেই পুস্তক। আপনি কমিটির মিটিং এর সময়ে পুস্তক দুইখানি সাহেব বাহাদুরকে দিয়া থাকিবেন। পাব্লিক লায়ব্রারি হলে মিটিং হইত এবং হেড্‌মাষ্টার মহাশয় প্রায়ই মিটিং এর দিন আমার নিকট হইতে লায়ব্রারির চাবি চাহিয়া লইয়া যাউতেন বা ঐ হল হইতে চাহিয়া পাঠাইতেন।

আমরা ম্যাজিস্ট্রেট সাহেবের ঐ অসঙ্গত কঠিন শাস্তি বিষয়ে কোন কথাই না বলিয়া চূপ করিয়া রহিলাম। বাহিরের লোকে—হাকিম, উকীল, মোক্তার, আমলা, প্রভৃতি এক বাক্যেই হেড্‌মাষ্টার মহাশয়ের এই অন্তায় রিপোর্টের বিষয়ে ও তাঁহার বিরুদ্ধে তীব্র সমালোচনা করিতে লাগিলেন। এদিকে থার্ড মাষ্টার গিরিশ বাবুর বাসায় ঐ দিন রাত্রিতেই এক মজ্ঞণ সভা বসিয়া গেল। আমি তখন ঐ স্থানের নূতন লোক ও নূতন শিক্ষক। মজ্ঞণ সভায় স্থির হইল যে ম্যাজিস্ট্রেট সাহেব বাহাদুরের নিকটে প্রকৃত ঘটনা লিখিয়া একখানি আবেদন পত্র পাঠাইয়া জরিমানা মাপ করিবার জন্য লেখা হউক এবং হেড্‌মাষ্টার মহাশয় যে প্রতিদিনই বিলম্বে স্কুলে উপস্থিত হইয়া—অগ্রাণু শিক্ষকের উপস্থিতির অনেক পরে নিজের ঘড়ি দেখিয়া স্কুলের কার্য আরম্ভ করেন একথাও উহাতে লেখা হউক। আমি বলিলাম যে এই প্রার্থনা পত্রে হেড্‌মাষ্টারের বিরুদ্ধে আপাততঃ কোন কথাই লেখা উচিত নহে। কেবল জরিমানা মাপের জন্য লেখা হউক এবং উহাতে লেখা হউক যে আমরা প্রায়ই কখনই বিলম্বে স্কুলে উপস্থিত হই না। আমার কথা কেহই শুনিলেন না। সুতরাং হেড্‌মাষ্টার মহাশয়ের দোষের কথা উহাতে লিখিত হইল। ম্যাজিস্ট্রেট সাহেব বাহাদুর আমাদের প্রার্থনা পত্র পাইয়া উহাতে লিখিলেন যে Fines might have been remitted but for improper reference to Head Master. Henceforth, the Collectorate time would be the School time.



ইহার মর্ম্ম এই যে হেড্‌ মাষ্টারের সম্বন্ধে অত্যন্ত উল্লেখ না থাকিলে জরিমানা মাপ হইতে পারিত। এখন হইতে কালেক্টরির সময় অর্থাৎ কালেক্টরির ঘড়ি বাজিলে স্কুল বসিবে, ভাদ্দিবে ও উহার কার্য্য হইবে।

হেড্‌ মাষ্টার চন্দ্রনাথ বাবু এখন যেখানে যান সেই খানেই মুখ পান না। পরে বাধ্য হইয়া আমাদের মত না লইয়াই ম্যাজিষ্ট্রেট সাহেবের নিকট লেখেন যে শিক্ষকেরা বাহা করিয়াছেন তাহার জ্ঞাত তাঁহারা আক্ষেপ ও অসুখাপ করিতেছেন। এক্ষণে অসুখগ্রহ করিয়া তাঁহাদের জরিমানা মাপ করিলে ভাল হয়। পূর্বেই উক্ত হইয়াছে যে গ্রেজিয়ার সাহেব বাহাদুরের এই একটা বিশেষ গুণ ছিল যে অপরাধ করিয়া ক্ষমা চাহিলে তিনি প্রসন্নচিত্তে অপরাধীকে ক্ষমা করিতেন। তিনি ভাবিলেন যে শিক্ষকেরা বাস্তবিকই এখন অপরাধ স্বীকার করিয়া ক্ষমা চাহিতেছেন; কাজেই তিনি আমাদের সকলের জরিমানা মাপ করিলেন। চন্দ্রবাবু ম্যাজিষ্ট্রেট সাহেবের এই আদেশ আমাদের কাছে দেখাইলেন। কিন্তু আমরা উহা দেখিয়া ভালমন্দ কিছুই বলিলাম না। হেড্‌ মাষ্টার চন্দ্রবাবুর সহিত তাঁহার সহকারী শিক্ষকদিগের মনোমালিন্যের এই সূত্রপাত হইল।

### চন্দ্রনাথ বাবুর সহিত অন্যান্য শিক্ষকদিগের মনোমালিন্য

এই ঘটনার কিছুদিন পরে আর একটা ক্ষুদ্র ঘটনা হইতে ঐ মনোমালিন্যের বৃদ্ধি হয়। তৃতীয় শিক্ষক গিরিশ বাবুর একদিন স্কুলের সময়ে শোচে যাইবার প্রয়োজন হয়। তাড়াতাড়ি তিনি পায়খানার দিকে যান এবং স্কুলের পানিওয়ালা বা জলদিবার চাকরকে তিনি এক লোটা জল দিতে বলেন। এই চাকরটা হিন্দুস্থানী ছিল। স্কুল হইতে বেতন পাইত, হেড্‌ মাষ্টারের বাসায় থাইত এবং তাঁহার বাসার সমস্ত কার্য্য করিত। এই সময়ে হেড্‌ মাষ্টার মহাশয়ের পরিবার বন্ধপুকে ছিল না।

গিরিশ বাবু ও হেড্‌ মাস্টার মহাশয় তখন এক মেসে ছিলেন অর্থাৎ হেড্‌ মাস্টার মহাশয়ের বাসায় তখন গিরিশ বাবু খাইতেন এবং খোরাকি খরচ তুল্য অংশে দিতেন। এই চাকরটা হেড্‌ মাস্টার মহাশয়ের পেয়ারের চাকর বা প্রিয় ভৃত্য ছিল। সে খাড্‌ মাস্টারকে জল দেয় নাই; একটা ছাত্র তাঁহাকে তখন জল দিয়াছিল। খাড্‌ মাস্টার মহাশয় একটু বেশী রাগী ছিলেন। তিনি পায়খানা হইতে বাহির হইয়া আসিয়াই ঐ চাকরটাকে জুতা দিয়া প্রহার করেন। সে স্কুলের ছুটি হইলে খাড্‌ মাস্টার মহাশয়ের নিজ বাসার সম্মুখে একখানি বাঁশ হাতে করিয়া আসিয়া উপস্থিত হয় এবং উহা দেখাইয়া নানাপ্রকার গালি গালাজ করিয়া তাঁহাকে প্রহার করিতে চায়।

এই সময়ে সেকেণ্ড মাস্টার সহ আমি খাড্‌ মাস্টারের বাসায় উপস্থিত ছিলাম। আমি তাঁহার বাসাতেই থাকিতাম। আমরা উহাকে বলি, “আয়না দেখি মার দেখি গিরিশ বাবুকে।” চাকরটা আমাদের ভাব দেখিয়া চলিয়া যায়। কিন্তু হেড্‌ মাস্টার মহাশয় চাকরটাকে কিছুই বলেন নাই। শিক্ষকবর্গই এই কারণেই হেড্‌ মাস্টার মহাশয়ের উপর বীতশ্রদ্ধ ও অসন্তুষ্ট হন।

**আমার প্রতি হেড্‌ মাস্টার চন্দ্রনাথ বাবুর দয়া ও স্নেহ।**

আমার প্রতি হেড্‌ মাস্টার মহাশয়ের দয়া ও স্নেহ এ পর্য্যন্ত অক্ষুন্ন ছিল। ১৮৭৪ সালের বার্ষিকী পরীক্ষার ফলের উপরে যে মন্তব্য লিখিত হইয়াছিল উহা তাহাই প্রমাণ করিবে।

Extracts from a report made by the Head Master on the Annual Examination of the School held in December 1874.

Sixth class—There were twenty three on the Roll, many of them were absent. In Arithmetic, the pupils of this class did capitally well, doing credit to themselves

and to the Fifth Master Babu Rameswar Sen whom I have always seen throw his whole heart into his duties. Abdur Rahim and Jogendra Nath Das deserve special mention for their proficiency in Arithmetic.

Rangpur

Sd. C. N. BHATTACHERJE,

6th January 1875.

Head Master.

এই যোগেন্দ্র নাথ দাশই উত্তর কালের সুপ্রসিদ্ধ অধ্যাপক জে, এন্ দাশগুপ্ত।

১৮৭৩ সালের ১৩ই জুলাই তারিখে আমি রঙ্গপুর স্কুলের কার্যে প্রথম প্রবৃত্ত হই। ঐ বৎসর পূজার ছুটিতে বাড়ী আসিয়া জরাক্রান্ত হওয়ায় ছুটির ঠিক পরেই স্কুলে স্থায়ী কার্যে উপস্থিত হইতে পারি নাই। পূজার ছুটি ১২ই অক্টোবর আরম্ভ হইয়া ২৫শে নভেম্বর শেষ হইয়াছিল। আমি ২৫শে ডিসেম্বর পর্য্যন্ত পীড়া নিবন্ধন বিদায়ে ছিলাম। সুতরাং ১২ই অক্টোবর হইতে ২৫শে ডিসেম্বর পর্য্যন্ত অর্ধেক বেতন পাইয়াছিলাম। রঙ্গপুর স্কুলের কার্যকালে আমি দুইবার চতুর্থ শিক্ষকের পদে অস্থায়ী ও প্রতি-নিধিভাবে কার্য্য করিয়াছিলাম। একবার প্রায় সাড়ে তিন মাসকালের জন্ত ও অন্য বারে কীঞ্চদধিক দেড় মাসের জন্ত। ঐ সময়ের জন্ত মাসিক ৫ টাকা হিসাবে বেশী বেতন পাইয়াছিলাম।

পুরাতন কোচবিহার অট্টালিকায় কিছুকাল স্কুলের কার্য্য হওয়ার পরে সহরের পূর্দধারে রেলিং সাহেবের কুঠিতে স্কুলের কার্য্য আরম্ভ হইল। এবং চিক্লির বিলের ধারে একখানি প্রকাণ্ড চালা ঘর উহার নিমিত্ত নির্মিত হইতে লাগিল। রেলিং সাহেবের কুঠিটা মাসিক ৫০ টাকা ভাড়ায় লওয়া হইয়াছিল। যে দিনে উক্ত কুঠিতে স্কুলের বেঞ্চ, ডেস্ক, চেয়ার প্রভৃতি লইয়া যাওয়া হয়, সে দিন পীড়া নিবন্ধন হেড্ মাষ্টার মহাশয় স্কুলে যান নাই। সেকেন্ড মাষ্টার অক্ষয় বাবু ঐ কুঠিতে যাইয়া যে ঘরে যে শ্রেণী বসিবে তাহার বন্দোবস্ত করিয়াছিলেন।

## গুরুশিষ্য যুদ্ধ ও আমার প্রাতি বিদ্রোহ ভাবাপন্ন

অক্ষয় বাবু নিজের দ্বিতীয় শ্রেণীর জন্ম একটি অপেক্ষাকৃত ভাল ঘর লইয়াছিলেন। পর দিবস হেড্‌ মাস্টার মহাশয় উক্ত কুঠিতে যাইয়া যে ঘরটী দ্বিতীয় শ্রেণীর জন্ম অক্ষয় বাবু লইয়াছিলেন, সেই ঘরটীতে প্রবেশ করিয়া অক্ষয় বাবুর সমক্ষেই উহার বেঞ্চআদি অল্প ঘরে লইবার জন্ম এবং উহাতে প্রথম শ্রেণীর বেঞ্চআদি আনিবার জন্ম আদেশ দিলেন। এমন কি উহা নিজেই সরাইতে আরম্ভ করিলেন। চন্দ্রবাবু স্থূল ও দীর্ঘকায় পুরুষ ছিলেন। শরীরেও যথেষ্ট শক্তি ছিল। এই উপলক্ষে হেড্‌ মাস্টার ও সেকেন্ড মাস্টার মহাশয়ের মধ্যে প্রথমে বাক্-যুদ্ধ হয়, পরে মুখামুখি ছেড়ে হাতাহাতির উপক্রম হয়। উভয়ে আন্তরিক গুটাইয়া মারামারি করিবার জন্ম প্রস্তুত হন। ইহাকে গুরু-শিষ্যের যুদ্ধ বলা যাইতে পারে। এখানে বলা আবশ্যক যে অক্ষয় বাবু—চন্দ্র বাবুর ছাত্র ছিলেন। চন্দ্রবাবু পূর্বে বলাগড় উচ্চ শ্রেণীর ইংরাজী বিদ্যালয়ে হেড্‌ মাস্টার ছিলেন। তিনি রঙ্গপুর বিদ্যালয়ের হেড্‌ মাস্টার হইয়া এইস্থান হইতে কয়েকটা বাছা বাছা ভাল ভাল ছাত্র সঙ্গে লইয়া রঙ্গপুর যান। ছাত্র লইয়া যাইবার উদ্দেশ্য ছিল এই যে রঙ্গপুর স্কুল হইতে ইতিপূর্বে এন্ট্রান্স বা প্রবেশিকা পরীক্ষায় এ পর্য্যন্ত একটি ছাত্রও উত্তীর্ণ হয় নাই। উহাদিগকে লইয়া গিয়া উক্ত পরীক্ষায় উত্তীর্ণ করা। যদিও ইতিপূর্বে এই স্কুলে জনৈক সাহেব এবং উত্তর কালের নামজাদা ডেপুটি ম্যাজিস্ট্রেট শ্রীযুক্ত হেমচন্দ্র কর হেড্‌ মাস্টার ছিলেন। তিনি যে উদ্দেশ্যে ছাত্র লইয়া গিয়াছিলেন তাহা সিদ্ধ হইয়াছিল।

রঙ্গপুর জেলাস্কুলের সর্বপ্রথম প্রবেশিকা পরীক্ষার ফল

রঙ্গপুরের স্কুল হইতে প্রথম বারে যে কয়েকটা ছাত্র উত্তীর্ণ হইয়াছিল, তন্মধ্যে অক্ষয় বাবু একজন ছিলেন। উহার বাড়ী বলাগড়ে। প্রথম

বারে এই স্থল হইতে বোধ হয় নিম্নলিখিত চারিটা ছাত্র উত্তীর্ণ হইয়াছিল।

১। অক্ষয়কুমার মুখোপাধ্যায়

৩। লাল সিংহ

২। দেবেন্দ্রনাথ মুখোপাধ্যায়

৪। বরদাপ্রসন্ন লাহিড়ী

অক্ষয় ও দেবেন্দ্র বাবু বলাগড় হইতে গিয়াছিলেন। লাল সিংহ রঙ্গপুরের সুপ্রসিদ্ধ ডাক্তার কুঠিয়াল ও জমিদার দয়াল সিংহ বাবুর পুত্র। ইনি পরে Sub-judge হইয়াছিলেন। বরদা বাবু রঙ্গপুর জেলায় নলডাঙ্গার জমিদার-বংশ-সম্ভূত ছিলেন। এই পরীক্ষার ফলে অতীব সন্তুষ্ট হওয়ায় রঙ্গপুরের জমিদারগণ হেড্‌ মাষ্টার চন্দ্রবাবুকে মূল্যবান একটা ওয়াচ্‌ ঘড়ি ও সোনার চেন দিয়াছিলেন।

এই হেড্‌ মাষ্টার ও সেকেন্ড মাষ্টারের বাক্‌-মুন্দের কাণ্ডে হেড্‌ মাষ্টার মহাশয়ই অধিকতর দোষী ছিলেন। সেকেন্ড মাষ্টার মহাশয় একবারে নির্দোষ ছিলেন না। ব্যাপারটা অনেক দূর পর্য্যন্ত গড়াইয়াছিল। ডিষ্ট্রিক্ট কমিটিতে উঠিয়াছিল। ইনস্পেক্টর সাহেব বাহাদুরেরও কর্ণগোচর হইয়াছিল। ইহার ফলে কয়েক মাস পরে অক্ষয় বাবুকে অপেক্ষাকৃত কম বেতনে—৫০ টাকা বেতনে বদলী হইতে হইয়াছিল।

এই ব্যাপারে হেড্‌ মাষ্টার মহাশয় আমাকে তাঁহার অনুকূলে ডিষ্ট্রিক্ট কমিটির গোচরে সাক্ষী দিতে বলেন। আমি বলি যাহা সত্য বলিয়া জানি তাহাই বলিব। কাহারও পক্ষ অবলম্বন করিয়া সাক্ষী দিব না। ইহাতেই হেড্‌ মাষ্টার মহাশয় আমার প্রতি বিরক্ত ও অসন্তুষ্ট হন এবং এখন হইতে আমার ক্ষতি করিতে কৃতসঙ্কল্প হন। এবং আমিও তাঁহার স্নেহ ও দয়া হইতে বঞ্চিত হই। এই সময়ে রঙ্গপুর জিলা স্কুলটাকে হাইস্কুলে অর্থাৎ দ্বিতীয় শ্রেণীর কলেজে পরিণত করিবার চেষ্টা হইতেছিল। জমিদারদিগের অর্থ সাহায্যে ম্যাজিষ্ট্রেট্‌ সাহেব বাহাদুর ইহাকে দ্বিতীয় শ্রেণীর কলেজে পরিণত করিতে কৃতসঙ্কল্প হন। এই

সময়ে চট্টগ্রাম জিলা স্কুলটিকেও পুনরায় দ্বিতীয় শ্রেণীর কলেজে পরিণত করিবার চেষ্টা হইতে থাকে। তখন বঙ্গদেশের শিক্ষাবিভাগের ডিরেক্টর ছিলেন উড়ো সাহেব মহোদয়। ইনি চন্দ্রবাবুকে বিলক্ষণ ভাল-বাসিতেন ও কার্যকুশল বলিয়া জানিতেন। চন্দ্রবাবুর সহিত রঙ্গপুরের সহকারী শিক্ষকদিগের বনিবনাও হইতেছে না বলিয়া ইনি উড়ো মহোদয়কে জানান এবং অন্ত্র বদলি হইতে চান। উড়ো সাহেব মহোদয় চন্দ্রবাবুকে এই বলিয়া চিঠি লেখেন যে, রঙ্গপুর ও চট্টগ্রামে—উভয় স্থলেই জিলা স্কুল দুইটি অতি সত্বরেই দ্বিতীয় শ্রেণীর কলেজে পরিণত হইবে। রঙ্গপুরের দ্বিতীয় শ্রেণীর কলেজের হেড্‌ মাস্টার হইবার আপনার সম্ভাবনা থাকিতে পারে। চট্টগ্রামে বদলী হইলেও তথায়ও ঐ সম্ভাবনা থাকিবে। অতএব চট্টগ্রামে বদলী হইবার ইচ্ছা করিলে আমাকে আমার এই পত্র প্রাপ্তির পরেই জানাইবেন। ঐ পত্র পাইয়াই চন্দ্রবাবু চট্টগ্রামে বদলী হইবার ইচ্ছা প্রকাশ করিয়া উড়ো সাহেব মহোদয়কে পত্র লিখিয়া উহা ডাকঘরে পাঠাইয়া দেন। এই দিন ডিস্ট্রিক্ট কমিটির মিটিং হইতেছিল। মিটিংএ ডাক্তার কে, ডি, ঘোষ মহাশয় ম্যাজিস্ট্রেট্‌ গ্রেজিয়ার সাহেবকে বলেন যে, আমরা আমাদের স্বযোগ্য হেড্‌ মাস্টার চন্দ্রবাবুকে হারাইতে বসিলাম। ইনি চট্টগ্রামে বদলি হইবার ইচ্ছা প্রকাশ করিয়া উড়ো সাহেব মহোদয়কে অগুই চিঠি লিখিয়া ডাকঘরে উহা পাঠাইয়া দিয়াছেন। গ্রেজিয়ার সাহেব বলিলেন— কেন ইনি চট্টগ্রামে বদলী হইতে ইচ্ছা করিয়াছেন? ডাক্তার সাহেব বলিলেন যে, দ্বিতীয় শিক্ষক প্রমুখ সকল শিক্ষকের সহিতই ইহার বনিবনাও হইতেছে না; এইজন্ত বদলী হইতে ইচ্ছা করিয়াছেন। ইহাতে ম্যাজিস্ট্রেট্‌ সাহেব বাহাদুর চন্দ্রবাবুকে সন্মোদন করিয়া বলিলেন—

I will make your hand strong. Bring back your letter to Mr. Woodrow from the Post Office. অর্থাৎ চন্দ্রবাবু, আমি

আপনাকে সমধিক শক্তিশালী করিব। ডাকঘর হইতে চিঠি ফিরাইয়া আছেন। চন্দ্রবাবু ডাকঘর হইতে তাঁহার চিঠি ফিরাইয়া আনিলেন। সেইদিনই বিভাগীয় ইনস্পেক্টর মহামতি ক্লার্ক (Clark) সাহেবকে ম্যাজিস্ট্রেট সাহেব ডিষ্ট্রিক্ট কমিটার ডাইস্ প্রেসিডেন্টরূপে চিঠি লিখিলেন যে, অবিলম্বে দ্বিতীয় শিক্ষক অক্ষয়বাবুকে এমনকি অপেক্ষাকৃত অল্প বেতনেও অন্তত বদলী করা আবশ্যিক।

এই চিঠি পাইয়া ইনস্পেক্টর সাহেব বাহাদুর অনিচ্ছাসত্ত্বেও অক্ষয়বাবুকে ৫০ টাকা বেতনে বগুড়া জেলা স্কুলের দ্বিতীয় শিক্ষকের পদে বদলী করিলেন। এবং তৎকালীন দিনাজপুর জেলা স্কুলে বার্ডমাষ্টার শ্রীযুক্ত বাবু নবীনচন্দ্র করকে ৫০ টাকা বেতনে রঙ্গপুরের সেকেণ্ড মাষ্টারের পদে পাঠাইলেন। এইরূপে এখন হইতে রঙ্গপুরের সেকেণ্ড মাষ্টারের বেতন মাসিক ১০০ টাকা হারে কমিয়া গেল। এই স্থানে বলা আবশ্যিক যে ৫০ টাকা পর্যন্ত বেতনের চাকরী তখন ডিষ্ট্রিক্ট কমিটার হাতে ছিল। ডিষ্ট্রিক্ট কমিটি ৫০ টাকা বেতন পর্যন্ত পদে শিক্ষক নিযুক্ত করিতে পারিতেন। নিযুক্ত করিয়া বিভাগীয় স্কুল ইনস্পেক্টরের উহাতে সম্মতি মাত্র লইতেন।

ক্লার্ক সাহেবের রঙ্গপুর আগমন ও তাঁহার সহিত

আমার প্রথম পরিচয়।

হেডমাষ্টার মহাশয় মনে মনে আমার উপর চটিয়া রহিলেন। এবং সুযোগ পাইলেই যে আমার অনিষ্ট করিবেন বেশ বুঝিতে পারিলাম। এই ঘটনার কিছুদিন পরে বিভাগীয় স্কুল ইনস্পেক্টর মহামতি দেবোপম সি, বি, ক্লার্ক (C. B. Clarke) সাহেব স্কুলসমূহ পরিদর্শন করিবার জন্ত রঙ্গপুরে আসেন। তাঁহার সহিত তাঁহার হেড ক্লার্ক নদীয়া জেলার অন্তর্গত দেবগ্রামনিবাসী শ্রীযুক্ত দুর্গাদাস চট্টোপাধ্যায় মহাশয় আসিয়াছিলেন। অফিসের অনেক মূলতবী

কাগজপত্র সঙ্গে করিয়া আনিয়াছিলেন। রত্নপুরে প্রায় এক সপ্তাহ কাল ছিলেন। ঐ সময়ে সাত দিনের জন্ত কোন উৎসব উপলক্ষে স্কুল সকলের কার্য বন্ধ ছিল। আমাদিগেরও যথেষ্ট অবসর ছিল। আমাদের দ্বারায় অনেক কাজ করাইয়া লইতে লাগিলেন। এই সকল কাগজের মধ্যে চিঠি পত্র ডকেট করার কার্য ছিল। ডকেট করার অর্থ—কোন বিষয়ের সংক্ষিপ্ত বিবরণ প্রস্তুত করা। চিঠি ডকেট করার অর্থ—চিঠিতে যে যে বিষয়ের উল্লেখ আছে সেই সেই বিষয়ের অতি সংক্ষেপ বিবরণ ভিন্ন ভিন্ন শীর্ষকে বিভক্ত একখানি ছাপার কাগজে লিখিয়া ঐ চিঠির উপরে লাগাইয়া রাখা। দ্বিতীয় শিক্ষক, তৃতীয় শিক্ষক ও আমাকে এই কার্য করিতে দিয়াছিলেন। খার্ড মাষ্টারের ডকেট নিতান্ত জঘন্য হইয়াছিল। সেকেণ্ড মাষ্টার কৃত ডকেট মন্দ হয় নাই, আমার ডকেট সর্বাপেক্ষা ভাল হইয়াছিল। হেড্‌ ক্লার্ক মহাশয় এই কথা ইনস্পেক্টর সাহেবের কর্ণগোচর করেন। ফোর্থ মাষ্টার নন্দবাবু সব ইনস্পেক্টরের পদপ্রার্থী হইয়া একখানি আবেদন পত্র দেন। আমিও ঐ পদপ্রার্থী হইয়া একখানি দরখাস্ত লিখিয়া লইয়া আমার পকেটে রাখিয়া সাহেব বাহাদুরের সহিত সাক্ষাৎ করিতে গিয়াছিলাম। পকেট হইতে দরখাস্ত খানির খান অন্ন বাহির হইয়াছিল; উহা দেখিয়া সাহেব বাহাদুর আমাকে বলিলেন—ওখানি কি? আমি বলিলাম ঐ খানি সবইনস্পেক্টরীর জন্ত দরখাস্ত। সাহেব বলিলেন সবইনস্পেক্টরী ত এখন খালি নাই। তবে আমার সেকেণ্ড ক্লার্ক মানিকবাবু ছুটিতে আছেন; সম্ভবতঃ তিনি আরও ছয় মাসের ছুটির জন্ত দরখাস্ত করিবেন। ঐ পদের বেতন ৫০ টাকা। তুমি পূর্ণ বেতনে ঐ পদে কাৰ্য্য করিবার জন্ত দার্জিলিং যাইবে? তখন রাজসাহী বিভাগের স্কুল ইনস্পেক্টর ও কমিশনারের অফিস দার্জিলিংএ উঠিয়া গিয়াছে। আমি রত্নপুরে ম্যালেরিয়া জরে ভুগিতেছিলাম ও হেড্‌মাষ্টার মহাশয়ের দয়া, মেহ ও সহানুভূতি হারাইয়া আমি সোৎসাহে যাইতে চাছিলাম। তৎপরদিবসেই



সেকেণ্ড ক্লাস্ক মাণিকবাবুর নিকট হইতে সাহেব বাহাদুর চিঠি পাইলেন যে, তিনি শীঘ্রই তাঁহার স্বীয় কার্যে উপস্থিত হইবেন। পরদিন সাহেব আমাকে বলিলেন যে মাণিকবাবু ত তাঁহার নিজ কার্যে উপস্থিত হইতেছেন। খার্ড ক্লাস্কের পদ খালি আছে; কিন্তু উহার বেতন ৩০ টাকা মাত্র। এ পদে তোমাকে নিযুক্ত করিতে পারি। কিন্তু এত অল্প বেতনে দার্ক্জিলিঙএর জায় মহার্ঘ স্থানে তোমার চলিবে না। আমিও এত অল্প বেতনে তোমাকে তথায় যাইতে পরামর্শ দিই না। ভবিষ্যতে আমার অফিসে সেকেণ্ড ক্লাস্কের পদ খালি হইলে তোমাকে লইয়া যাইব। সাহেব বাহাদুর অক্ষয়বাবুর মুখে তাঁহার সহিত হেড্‌মাষ্টার মহাশয়ের বিবাদের কারণ শুনিয়াছিলেন। শুনিয়া বলিয়াছিলেন বাবু, তোমার দোষ না থাকিলেও তোমার অনিষ্ট হইবে। তুমি Earthen Pipkin এবং হেড্‌মাষ্টার Iron Pipkin এই বলিয়া লোহময় ও মৃন্ময় পাত্রের গল্প বলিয়াছিলেন। আরও বলিয়াছিলেন যে যদিও আমি দেখিতেছি এ বিষয়ে তোমার দোষ অল্প, তথাপি আমার নিকট এই বিষয়ের রিপোর্ট গেলে আমি তোমাকেই শাস্তি দিতে বাধ্য হইব।

হেড্‌মাষ্টার মহাশয় কিন্তু আমার সম্বন্ধে সাহেবকে বলিয়াছিলেন যে, রামেশ্বর খুব ভাল একাউন্ট্যান্ট অর্থাৎ সে হিসাব বোঝে। এখানে ম্যালেরিয়ার ভূগিতেছে তাহাকে দার্ক্জিলিঙএ লইলে তাহার পক্ষে ভাল হয়। বলা বাহুল্য যে এই ক্লাস্ক সাহেবই চিরকুমার মহামতি দেবচরিত্র উদ্ভিদবিজ্ঞা-বিশারদ সুপণ্ডিত ক্লাস্ক সাহেব। যথা স্থানে ইহার সম্বন্ধে অন্যান্য বিষয়ের উল্লেখ করিব।

ইনস্পেক্টর ক্লাস্ক সাহেবের সহিত সাক্ষাৎ হওয়ার কিছু দিন পরে আমার ভয়ানক জ্বর হইতে লাগিল এবং বৃকে একটা বেদনা অনুভব করিতে লাগিলাম। একদিন ষষ্ঠ শিফক নবকুমার বাবুকে সঙ্গে লইয়া আমি ডাক্তার কে, ডি ঘোষের বাঙ্গালায় যাইয়া আমার রোগের

পরীক্ষার্থ তাঁহাকে অস্বরোধ করি। নবকুমার বাবু কিছুকাল পূর্বে ডাক্তার ঘোষের কেরাণির কার্য্য করিয়াছিলেন। সুতরাং তাঁহাকে সঙ্গে করিয়া লইয়া গিয়াছিলাম। পূর্বে উক্ত হইয়াছে যে ডাক্তার ঘোষ অতি উদারচিত্ত, দরিত্রবন্ধু ছিলেন। তিনি আমার রোগ পরীক্ষা করিয়া আমাকে বলিলেন বিদায় চান নাকি? আমি বলিলাম বিদায় পাইলে অবশ্যই লই। তিনি বলিলেন কয় মাসের বিদায়। আমি বলিলাম তিন মাসের বিদায় হইলেই হইবে। তিনি বলিলেন ছয় মাসের বিদায়ের জন্ত সার্টিফিকেট দিই। আমি বলিলাম তিন মাস হইলেই হইবে। উহাতে তিনি বলিলেন তিন মাসে রোগ সারিবে না। অবশেষে তিনি চারি মাসের বিদায়ের জন্ত সার্টিফিকেট দিলেন। কিন্তু আমি ছুটির সার্টিফিকেটের জন্ত তাহার কাছে যাই নাই। রোগ পরীক্ষা করাইবার ও ঔষধের ব্যবস্থাপত্র আনিবার জন্ত গিয়াছিলাম। অবাচিতভাবে সার্টিফিকেট পাইলাম। স্থলে আসিয়া হেড্‌ মাস্টার মহাশয়ের হাতে সার্টিফিকেট খানি দিলাম। হেড্‌ মাস্টার মহাশয় চটয়া বলিলেন তুমি আমাকে না বলিয়া ডাক্তার ঘোষের নিকট সার্টিফিকেট আনিতে গিয়াছিলে। আমি বলিলাম মহাশয়, আমি সার্টিফিকেট আনিতে যাই নাই। রোগ পরীক্ষা করাইতে ও ঔষধের ব্যবস্থা পত্র আনিতে গিয়াছিলাম। হেড্‌ মাস্টার মহাশয় আমার সে কথা বিশ্বাস করিলেন না। বিদায়ের আবেদন পত্র সার্টিফিকেট সহ হেড্‌ মাস্টারের হস্তে দিলাম। তিনি উহা ভাইস্‌ প্রেসিডেন্ট সাহেবের নিকট পাঠাইয়া দিলেন। মেন্ডিয়ার সাহেব বাহাদুর তখন মফঃস্বল পরিভ্রমণার্থ বাহির হইয়া গিয়াছিলেন।

জেলায় কার্যের ভার জয়েন্ট ম্যাজিষ্ট্রেট্‌ কল্লহেড সাহেবের হাতে ছিল। ইনি আবার ডিষ্ট্রিক্ট কমিটির সেক্রেটারীও ছিলেন। কল্লহেড সাহেব ডাক্তার ঘোষ যে কুঠিতে থাকিতেন সেই কুঠির অপর অংশে থাকিতেন। ম্যাজিষ্ট্রেট্‌ মেন্ডিয়ার সাহেব মফঃস্বলে থাকায় আমার

বিদায়ের আবেদন পত্র ডিষ্ট্রিক্ট কমিটীর শিক্ষাবিভাগের অফিসে কেরানীর হাতে পড়িয়াছিল। হেড্‌ মাষ্টার মহাশয় বলিলেন যে, 'ম্যাজিস্ট্রেট্‌ সাহেব সদরে ফিরিয়া না আসা পর্যন্ত বিদায় মঞ্জুর হইবে না। এদিকে আমার বুকের বেদনার উত্তরোত্তর বৃদ্ধি হইল। এজ্ঞা ডাক্তার ঘোষের নিকট আর একদিন গিয়াছিলাম। ডাক্তার ঘোষ আমাকে দেখিয়াই বলিলেন আপনি আজও বিদায় লইয়া বাড়ী যান নাই? আমি বলিলাম হেড্‌ মাষ্টার মহাশয় বলিতেছেন যে, ম্যাজিস্ট্রেট্‌ সাহেব সহরে ফিরিয়া না আসা পর্যন্ত আমার বিদায় মঞ্জুর হইবে না।

ইহাতে ডাক্তার সাহেব বলিলেন আপনি ঐ সার্টিফিকেট খানি দাখিল করিয়াছেনত? আপনি চলিয়া যান, আপনার কে কি করিতে পারে দেখিব। আমি বলিলাম আমার হাতে লায়ব্রারীর চার্জ আছে। উহা কেহ বুঝিয়া না লওয়া পর্যন্ত আমার যাইবার উপায় নাই। এই কথা শুনিয়া তিনি বলিলেন বটে, এগনই আপনার বিদায় মঞ্জুর করিয়া দিতেছি। এই বলিয়া কল্লহেড সাহেবের নিকট গেলেন এবং তখনই আমার বিদায় মঞ্জুর করিয়া আনিলেন। ইহাতে হেড্‌ মাষ্টার মহাশয় আমার উপর আরও চটিলেন। এবং আমার অস্থপস্থিতি কালে আমার স্থলে কার্য্য করিবার জ্ঞাত পূর্ণ বেতনে তাঁহার জনৈক ফাষ্ট্‌ আটম্‌ পরীক্ষোত্তীর্ণ ছাত্র কাশীনাথ দামকে নিযুক্ত করিলেন। আমি বলিলাম মহাশয় রোগের চিকিৎসার জ্ঞাত বাড়ী যাইতেছি; কিছু আংশিক বেতন না পাইলে আমার কিরূপে চলিবে। এখানে বলা আবশ্যক যে ২০ টাকা বেতনে আমার কার্য্য করিবার জ্ঞাত উপযুক্ত লোক উপস্থিত থাকা সত্ত্বেও হেড্‌ মাষ্টার মহাশয় এইরূপ অগ্রায় বন্দোবস্ত করিলেন। অনেক বলায় বলিলেন যে আচ্ছা, কাশীনাথের নামে পূর্ণ টাকার বিল হইবে। আমি উহা হইতে ৫ টাকা করিয়া কাশীনাথের নিকট হইতে লইয়া রাখিব। তুমি বিদায় অস্ত্রে আসিলে ঐ ৫ টাকা মাসিক তোমাকে দিব। এই বন্দোবস্তে আমি ১৮৭৬

সনের ২৪শে জাছুয়ারী তারিখে হেড্‌ মাষ্টার মহাশয়ের আদেশমত লায়ড্রারীর চার্জ সপ্তম শিক্ষক শশী বাবুকে বুঝাইয়া দিয়া ২৫শে জাছুয়ারী হইতে আরম্ভ করিয়া চারি মাসের বিদ্যায় বাড়ী আসিলাম। শশীবাবুকে চার্জ দিবার উদ্দেশ্য এই যে, তিনি আমার সহাধ্যায়ী ও বন্ধু। তাঁহাকে লায়ড্রারীর চার্জ দিলে সমস্ত পুস্তকাদি তন্ন তন্ন করিয়া দেখাইয়া দিতে হইবে না; এবং স্থল বুক সোসাইটীর এজেন্টের কার্যও তিনি করিতে পারিবেন।

রঙ্গপুর হইতে গো-বানে উঠিয়া ষ্টীমার ষ্টেশন কালীগঞ্জে গেলাম। সমস্ত মত ষ্টীমার না পাওয়াতে একখানি মেড়ুয়াবাদীর নৌকা ভাড়া করিয়া কালীগঞ্জ হইতে গোয়ালন্দে আসিলাম। গোয়ালন্দ হইতে রেলযোগে বাড়ী আসিলাম। এই সময়ে আমি হাইড্রোসিস্ অর্থাৎ জলদোষের পীড়ার ভুগিতেছিলাম। ঐ পীড়ার জন্তই মাসে মাসে তিন চার বার করিয়া জ্বর হইত। ঐ রোগ হইতে অব্যাহতি পাইবার জন্ত শান্তিপুরের ছমির ডাক্তারের দ্বারা Injection করাই। উক্ত রোগ এক প্রকার ভাল হইল। ভালরূপে সুস্থ হইবার পূর্বেই এবং চারিমাসের বিদ্যায় কাল মধ্যেই হেড্‌ মাষ্টার চন্দ্রনাথ বাবুর নিকট হইতে তাঁহার নামে ইনস্পেক্টর ক্লার্ক সাহেব লিখিত একখানি চিঠির নকল পাইলাম। উহাতে ইনস্পেক্টর সাহেব লিখিয়াছিলেন যে আমার সেকেন্ড ক্লার্ক মাণিকবাবু পুনরায় ছয় মাসের ছুটিতে চলিয়া গেলেন। এখন বাৎসরিক রিটার্ন ও রিপোর্ট প্রস্তুত করিবার সময়। আপনার কিঞ্চিৎ মাষ্টার রামেশ্বর বাবু উক্ত পদে ৫০০ টাকা বেতনে আসিতে চাহিয়াছিলেন। যদি তিনি অবিলম্বে আসিতে পারেন তবে তাঁহাকে পাঠাইয়া দিবেন। রামেশ্বর বাবু আসিতে না চাহিলে সিক্সথ্‌ মাষ্টার নবকুমার বাবুকে ঐ সপ্তম আসিতে চাহিলে পাঠাইয়া দিবেন। হেড্‌ মাষ্টার চন্দ্রবাবু ঐ চিঠির নকল পাঠাইয়া দিয়া উহার উপরে আমার প্রতি আদেশ স্বরূপে লিখিয়াছিলেন যে তুমি ইহা পাইবা মাত্র দার্জিলিং যাত্রা করিবা।

যাত্রার পূর্বে আমাকে টেলিগ্রাম করিয়া সংবাদ দিবা যে তুমি যাইতেছ এবং এখানকার কার্যের জন্ত আর ছয় মাস কাল ছুটির প্রার্থনা করিবা।

হেড্‌মাষ্টার চন্দ্রবাবুর এই আদেশ পাইয়াই আমি দার্জিলিং যাত্রা করিলাম এবং তাঁহার উপদেশ অনুসারে তাঁহার নিকটে আর ছয় মাসের ছুটি প্রার্থনা করিয়া আবেদন পত্র পাঠাইলাম। দার্জিলিং যাওয়ার রাস্তা তখন অতি দুর্গম ছিল। ইষ্ট ইণ্ডিয়ান রেলওয়ে যোগে সাহেবগঞ্জ স্টেশন পর্যন্ত যাইতে হইত। তথা হইতে কারাগোলা ঘাটে ষ্টীমারে উঠিয়া গঙ্গা পার হইয়া সাধারণ গো-বানে পুণিয়া পর্যন্ত যাইতে হইত। তথা হইতে Bird বা Carrying কোম্পানির গো-বানে উঠিয়া তেঁতুলিয়া, সিলিগুড়ি প্রভৃতি স্থান অতিক্রম করিয়া পাহাড়ের উঠিতে হইত। এবং করসিয়ংএর মধ্য দিয়া দার্জিলিংএ পৌছিতে হইত। অথবা সিকরন্ নামক ঘোড়ার ডাক গাড়ী করিয়া ঐ রাস্তা দিয়াই দার্জিলিং যাইতে হইত। সিকরন্ গাড়ীর ভাড়া পুণিয়া হইতে দার্জিলিং পর্যন্ত জন প্রতি ১৬ টাকা ছিল। পাহাড়ের তল পর্যন্ত যে গরুর গাড়ীগুলি যাইত তাহাদের কাঠের ছেঁ ছিল। তথা হইতে যে গাড়ী-গুলি যাইত তাহাদের ছেঁ ছিল না। গাড়ীতে মাল ও আরোহী উভয়ই যাইত। চারি পাঁচখানি গাড়ী একত্রে যাইত। এবং চারি পাঁচখানি গাড়ীর দ্বারা গাড়োয়ান ব্যতীত একজন চড়নদার বা রক্ষক যাইত। পাহাড়ের উপরে উঠিবার সময়ে মালের বস্তার উপরে বসিয়া যাইতে হইত। এবং রোদ্র ও বৃষ্টি ভোগ করিতে হইত। ঐ সকল মাল-গাড়ীর গাড়োয়ানেরা পাহাড়ীয়া জাতীয় লোক ছিল। তাহাদের কথাবার্তা কিছুই বুঝিতে পারা যাইত না। দিন রাত্রি গাড়ী চলিত। গরু ও গাড়োয়ান ভিন্ন ভিন্ন আড্ডায় বদলী হইত। কারাগোলা ঘাট হইতে দার্জিলিং পর্যন্ত এই সমস্ত গাড়ীর ভাড়া ৮ টাকা করিয়া ছিল। পুণিয়া পৌছিয়াই ক্যারিয়িং কোম্পানির অফিসে উপস্থিত হইলাম। তথায় মধ্য ইংরাজী বিদ্যালয়ের হেড্‌মাষ্টারের সহিত সাক্ষাৎ হইল।

আমি দার্কিলিংএ স্কুল ইনস্পেক্টরের অফিসে সেকেণ্ড ক্লার্ক হইয়া বাইতেছি শুনিয়া মাষ্টার বাবুটি আমার যথেষ্ট খাতির করিলেন এবং বলিলেন—মহাশয় আমাদের ডেপুটি ইনস্পেক্টর মহাশয় একটি বিষয়ে আমার কৈফিয়ৎ তলব করিয়াছেন। আপনি যদি আমার ঐ কৈফিয়ৎটা লিখিয়া দিয়া যান, তাহা হইলে আমার যথেষ্ট উপকার হয়।

গাড়ী এখান হইতে অনেক রাত্রিতে ছাড়িবে। আপনি এখানে বিশ্রাম করিয়া ও রাত্রিতে আমাদের বাসায় আহার করিয়া গাড়ীতে উঠিতে পারিবেন। আমি আপনার সকল বিষয়ের সুবিধা করিয়া দিব। ভদ্রলোকটির কৈফিয়ৎখানি লিখিয়া দিলাম। ভদ্রলোকটা যে বাসায় থাকিতেন সেই বাসায় ঐ দিন রাত্রিতে স্থানীয় কয়েকটি ভদ্রলোকের আহারের নিমন্ত্রণ ছিল; এবং তদনুরূপ আয়োজন হইয়াছিল। মাষ্টারবাবুটি আমাকে বলিলেন যে সন্ধ্যার পরেই আপনাকে খাওয়াইয়া দিয়া একটি নিভৃত কুঠরীতে আপনাকে শয়ন করাইয়া রাখিব। পরে গাড়ী ছাড়িবার সময়ে আপনাকে জাগাইয়া গাড়ীতে উঠাইয়া দিব। অত্যাশ্চর্য নিমন্ত্রিত ভদ্রলোকদিগের সহিত একত্রে খাইতে হইলে আপনার বিশেষ অসুবিধা হইবে। যে হেতু এই নৈশ ভোজনে মদের শোত চলিবে এবং অনেক বাবুই মাতাল হইয়া উপদ্রব করিবেন। এদিন শনিবার ছিল। তদনুসারে সন্ধ্যার পরেই আহার করিয়া একটি নির্দিষ্ট ছোট কুঠরীতে গিয়া শয়ন করিলাম। রাত্রি ১০টার সময় নিমন্ত্রিত বাবুরা আসিয়া মত্ত পান করিয়া নেশায় অস্থির হইয়া পড়িলেন। একটি নূতন ভদ্রলোক আসিয়াছেন শুনিয়া আমার অহুসন্ধান করিতে লাগিলেন এবং বাসার অত্যাশ্চর্য সমস্ত ঘরগুলি খুজিয়া আমাকে না পাইয়া পরে আমি যে ঘরে শুইয়াছিলাম সেই ঘরের সম্মুখে আসিয়া উহার দ্বার রুদ্ধ দেখিয়া বলিতে লাগিলেন, ওরে শালা এই ঘরে শুইয়া আছে। দুয়ার ভাঙ্গিয়া শালাকে বাহির করিয়া আনিয়া শালার মুখে মদ ঢালিয়া দিতে হইবে।

আমি ত ভয়েতে অস্থির। মাষ্টার বাবুটী মাতাল হন নাই। তিনি উহাদিগকে অনেক করিয়া বুঝাইয়া এবং আমি চলিয়া গিয়াছি তথায় নাই—এই ধারণা তাহাদের মনে জন্মাইয়া দিয়া তাহাদিগকে তথা হইতে লইয়া গেলেন। তাঁহারা চলিয়া গেলে মাষ্টার বাবুটী আমার সেই ঘরের ছুয়ারে আসিয়া বলিলেন—মহাশয়, আপনি উঠুন। এই স্বযোগে আপনাকে এখান হইতে পাঠাইতে হইবে, নচেৎ আপনার প্রতি অত্যাচার হইবে। আমি অবশ্যই নিদ্রা যাই নাই। তাঁহার কথা শুনিবামাত্র উঠিলাম এবং আমার ব্যাগ ও বিছানা লইয়া ক্যারিয়ার কোম্পানির গাড়িতে আসিয়া শুইলাম ভয়ে নিদ্রা হইল না। তৎপর দিবস বেলা ২টা, বা ৩টার সময়ে ক্লকগঞ্জে পৌঁছিলাম। তথাকার বাজারে যাইয়া একজন হিন্দুস্থানী হালুইকারের দোকানে জলবোগ করিলাম এবং রাস্তায় যাইবার জন্ত একটা হাড়ি লুচি, কচুরা, নিম্বকি, ও গজা কিনিয়া লইলাম। পরে ক্যারিয়ার কোম্পানির তথাকার এজেন্টের অফিসে আসিয়া বসিলাম। তথাকার এজেন্ট বাবুটী একজন পশ্চিম বঙ্গবাসী ব্রাহ্মণ ভদ্রলোক। নামটা বোধ করি গিরিশচন্দ্র বাকুচি। তিনি আমাকে হুতন লোক দেখিয়া জিজ্ঞাসা করিলেন আপনি কোথায় কি জন্ত যাইবেন এবং আপনার আহার হইয়াছে কি না। আমি আমার পরিচয় দিলাম এবং বলিলাম যে বাজারে গিয়া জল খাইয়া আসিয়াছি। তিনি বলিলেন, মহাশয়, এরূপ করিয়া চলিলে বিদেশে যাওয়া চলে না। আপনি বড়ই নিরীহ লোক দেখিতেছি। বিদেশে যে কোন ভদ্রলোকের বাসায় উঠিয়া বলিবেন যে আমার খাওয়া হয় নাই। আমাকে খাইতে দেন। তদুত্তরে যদি কোন কঠিনপ্রাণ ভদ্রলোক বলেন আমাদের খাওয়া হইয়া গিয়াছে এখন অসময় এখন আমার বাসায় খাওয়ার বন্দোবস্ত হইতে পারে না, তাহা হইলে বলিবেন যে আপনি ভদ্রলোক আপনার ঘরে অবশ্যই চা'ল, ঘি ও আলু আছে। আমাকে ঐ সমস্ত দ্রব্য দিন

আমি পাক করিয়া খাইব। একরূপ করিয়া না খাইলে আপনি অনশনে মরিয়া যাইবেন। ভদ্রলোকটির উপদেশ বেশ ভাল। শিলিগুড়ি পার হইয়া পাহাড়ে যাইয়া উঠিলাম। পাহাড়ে গাড়ীর উপরে যে কষ্ট পাইয়াছিলাম তাহা আর কখনও ভুলিব না। ক্রমে ক্যাসিয়াং পৌছিলাম। এখানকার স্বাভাবিক শোভা দেখিয়া সমস্ত কষ্ট দূর হইল। কত শত গোলাপ ফুল গাছে ফুটিয়া রহিয়াছে, আর অগ্ন্যগ্ন অনেক ফুলও ফুটিয়া রহিয়াছে, তবে স্বভাবজাত গোলাপ ফুলগুলি আকারে কিছু ছোট। উহার গন্ধও তত নাসিকা-স্বথকর নহে। পাহাড়ীয়া স্ত্রীলোকেরা ফুলের অলঙ্কার পরিয়া তাহাদের স্বামীর পার্শ্বে বসিয়া আছে। তাঁহাদের সরলতা ও পবিত্রতা দেখিলে বোধ হয় ইহার দেবকথা। ধরাধামে বিহারার্থে আসিয়াছে। ক্যাসিয়াংএ পৌছিয়া রাত্রিতে শীতে যে কষ্ট পাইয়াছিলাম তাহা বর্ণনাভীত। দিনের বেলায়ত পেটে ভাত জোটে নাই। রাত্রিতেও তদ্রূপ অবস্থা, কচুরি, নিম্বকি, ইত্যাদি চিবাইয়া চলিতেছে। এখানে Agentএর Officeএ যাইয়া রাত্রিকালের জন্ত আশ্রয় লইলাম। চারিদিক খোলা একটা বারান্দায় বসিয়া রাত্রি যাপন করিতে লাগিলাম। আমার যাহা কিছু শীত বস্ত্র ছিল সবই গায়ে জড়াইলাম। অধিক শীত বস্ত্রও আমার সঙ্গে ছিল না। তখন এপ্রিল মাস, এপ্রিল মাসে যে এত শীত পাইব মনেও করি নাই। রাত্রি দুই প্রহরের সময়ে এত শীত লাগিল যে আমি অত্যন্ত কাতর হইয়া পড়িয়া Agent বাবুকে ডাকিয়া জাগাইলাম এবং তাঁহার ঘরের মধ্যে একটু স্থান পাইবার জন্ত প্রার্থনা করিলাম। বাবুটি দয়াপরবশ হইয়া দুয়ার খুলিয়া আমাকে ঘরের মধ্যে লইলেন। ক্রমে দাঙ্গিলিং পৌছিলাম। স্থানটী আমার পক্ষে এককালীন নূতন ও অপরিজ্ঞাত। ঐ সময়ে শান্তিপুরের শ্রীযুক্ত ভোলানাথ মুখোপাধ্যায় মহাশয় ফরেস্ট ডিপার্টমেন্টে চাকরী করিতেন। তখন তিনি দাঙ্গিলিংএ থাকিতেন। অহুসঙ্কান করিয়া একজন কুলির মাথায় আমার ব্যাগ ও



বিছানাটা চাপাইয়া দিয়া তাঁহার বাসায় গিয়া উপস্থিত হইলাম। দার্কিলিং এ বাসা দুশ্রাপ্য এবং ভাড়াও অনেক বেশী। ভোলানাথবাবুর বাসায় যাইয়া দেখিলাম একটা ক্ষুদ্র কুঠরীতে তাঁহারা তিন চারিজন শয়ন করেন। ঘরটা তক্তাপোষে জোড়া। ঘরের মেজের মাটি একটুও দেখা যাইতেছে না। তাঁহার বাসায় আমার বিছানা ও ব্যাগটা রাখিয়া মাত্র একখানি অতিরিক্ত ধূতি হাতে লইয়া স্কুল ইনস্পেক্টর সাহেবের অফিসের অহুসন্ধানে ছুটিলাম।

ভোলানাথবাবুর মুখে শুনিয়াছিলাম যে ইনস্পেক্টর সাহেবের অফিসের হেড্ ক্লার্ক দুর্গাদাসবাবুর বাসা অফিসে। অফিস বাড়ীর নাম রুকারী। উহা ছোটলাট সাহেবের বাড়ী শ্রবেরী হইতে অল্প দূরে। যখন ভোলানাথবাবুর বাসা হইতে বাহির হই, তখন রাত্রি হইয়াছে। পাহাড়ের রাস্তা স্থানে স্থানে উঁচু আবার স্থানে স্থানে নীচু। একবার অনেকদূর উঠে উঠিতে হয় আবার অনেক নীচে নামিতে হয়। পাহাড়ে রাস্তায় চলিতে বুক ফাটিয়া যাইতে লাগিল। পেটেও ভাত নাই। অতি কষ্টে লার্টসাহেব বাহাদুরের বাড়ীর সম্মুখে বাইয়া দেখি একটা অল্প বয়স্ক নেপালী চাকর তথায় জলের কল হইতে জল লইতেছে; তাহাকে ইনস্পেক্টর সাহেব বাহাদুরের অফিসের কথা জিজ্ঞাসা করাতে সে পরিচিতভাবে বলিল, রঙ্গপুর হইতে বাবু আসিতেছেন। আমার সঙ্গে আসুন। এই চাকরটির নাম গোপাল। এ ব্যক্তি ইনস্পেক্টর সাহেব ক্লার্ক মহোদয়ের সহিত রঙ্গপুরে আসিয়াছিল এবং ইহার সহিত আমার রঙ্গপুরে আলাপ হইয়াছিল। বাসায় আসিয়া হেড্ ক্লার্ক দুর্গাদাসবাবুর সহিত সাক্ষাৎ হওয়ার পরে তিনি বলিলেন যে সাহেব সিকিম গিয়াছেন। তিনি বলিয়া গিয়াছেন রামেশ্বর অল্প বেতনে আসিতেছে, বাসা ভাড়া দিয়া এখানে থাকিতে পারিবে না। সে এখানে আসিয়া পৌছিলে তাহাকে তোমার বাসায় তোমার সঙ্গে স্থান দিবা।

আমি আফিসে আসিয়া আমার কার্যভার গ্রহণ করিয়া বীতিমত কার্য করিতে লাগিলাম। আফিস ঘরেই শয়ন করিতাম এবং হেড্‌ ক্লার্ক মহাশয়ের সহিত একত্রে এক বাসায় আহারাদি করিতাম। আফিসের স্থায়ী সেক্রেণ্ড ক্লার্ক মাণিকবাবু অতি অলস প্রকৃতির লোক ছিলেন, তাঁহার উপর সর্ব প্রকারের বিল পাস করার ভার ছিল। তিনি প্রায়ই বিলগুলি আসিলে হয় একহানে চাপা দিয়া রাখিতেন, নয় অগ্নিতে ফেলিয়া গোড়াইয়া ফেলিতেন। ক্কাচিৎ দুই চারিখানি বিল পাস করিতেন। সুতরাং ছাত্রবৃত্তিধারী বালকদের বৃত্তির বিল, সাহায্যকৃত বিদ্যালয়ের শিক্ষকদিগের বেতনের বিল, স্কুল ডেপুটি ও সর্ব ইনস্পেক্টর-দিগের Travelling allowance বিল, জেলা স্কুল সকলের বাজে খরচের বিল ইত্যাদি অনেক দিন হইতে পাস না হওয়াতে সকলেরই বিশেষ অসুবিধা হইয়া পড়িয়াছিল। তখন রাজসাহী বিভাগে নিম্নলিখিত কয়েকটা জেলা ছিল।

১। দার্জিলিং	৪। রঙ্গপুর
২। জলপাইগুড়ি	৫। বগুড়া
৩। দিনাজপুর	৬। পাবনা

৭। রাজসাহী।

এখনও ঐ কয়েকটা জেলা লইয়া রাজসাহী বিভাগ গঠিত আছে। (এখন মালদহ জেলাও উক্ত বিভাগে আসিয়াছে) এই কয়েকটা জেলার বিল বহুকাল হইতে পাস না হওয়ায় সকলেরই বিশেষ অসুবিধা হইতেছিল বিশেষতঃ ছাত্রবৃত্তিধারী বালকদিগের ও সাহায্যকৃত বিদ্যালয় সমূহের দরিদ্র শিক্ষকদিগের। সাতটি জেলার বিল একখানি রেজেষ্টারির মধ্যে সন্নিবেশ করিতে হইত। সুতরাং এই সমস্ত বিল পাস করিতে অনেক সময় লাগিত। একই রেজেষ্টারির মধ্যে একই ক্লার্ক ঐ সমস্ত বিল সন্নিবেশ করিয়া পাস করিলে ৪।৫ চারি পাঁচ মাস কালের মধ্যেও ঐ বিল পাস করা সুকঠিন কার্য ছিল। আফিসে তিনটি মাত্র কেরানি,

হেড ক্লার্ক দুগাদাসবাবু তখনকার সেক্রেটারী ক্লার্ক, আমি এবং তৃতীয় ক্লার্ক বারাকপুর নিবাসী শ্রীযুক্ত জগজ্ঞান হালদার। বিল সম্বন্ধে এই সমস্ত ব্যাপার দেখিয়া আমি হেড ক্লার্ক দুগাদাসবাবুকে বলিলাম যে দেখুন আমি যদি একাকী বিল পাস কর, তাহা হইলে সমস্ত বিল পাস করিতে অনেক সময় লাগিবে এবং দারুণ ব্যতিক্রমী ছাত্র ও সাহায্যকৃত বিদ্যালয়ের শিক্ষকদিগর ভয়ানক কষ্ট ও অসুবিধা হইবে। আসুন আমরা তিন জনেই বিল পাস করি। বিল পাস করা শেষ হইলে পরে আমরা তিন জনেই আফিসের অন্যান্য কার্য করিব। তত্বতরে হেড ক্লার্ক বাবু বলিলেন যে এখানে রেজেষ্টারি লইয়া তিন জনে এক সময়ে কিরূপে বিলের কার্য করিব ?

আমি বলিলাম যে যদি বিশেষ দোষের ও অনিয়মের কার্য না হয়, তাহা হইলে তিনখানি বিল রেজেষ্টারি বহি খুলিলে ক্ষতি কি হেড ক্লার্ক মহাশয় বলিলেন উহাতে ক্ষতি বা রীতিবিরুদ্ধ কার্য কিছুই হইবে না বরং সুবিধাই হইবে। তুমি ভালই বলিয়াছ। আইস উহাই করা যাক। তিনখানি রেজেষ্টারি খোলা হইল। অপেক্ষাকৃত ক্ষুদ্র দাঙ্গিলিং, জলপাইগুড়ি ও বগুড়া জেলার জজ একখানি, দিনাজপুর ও রঙ্গপুরের জজ আর একখানি এবং রাজসাহী ও পাবনা জেলার জজ তৃতীয় রেজেষ্টারিখানি খোলা হইল। সাতটা জেলার গভর্নমেন্ট স্কুলের ও সাহায্যকৃত বিদ্যালয়ের শিক্ষক ও ডেপুটি সর্ব ইনস্পেক্টর-দিগের নিকট একখানি সাধারণ চিঠি বা circular এই মধ্যে লিখিয়া পাঠাইয়া দেওয়া হইল যে, তাঁহাদের যত বিল পাস করিতে বাকী আছে সব বিলই যেন আবার নূতন করিয়া লিখিয়া পাঠান; এবং উহার উপরে ডুপ্লিকেট কপি বা পূর্বপ্রদত্ত বিলের প্রতিলিপি বলিয়া লিখিয়া দেন। সপ্তাহের মধ্যেই সাতটা জেলা হইতেই বিল আসিয়া পৌছিল এবং আমরা তিনজনে তিন চারি সপ্তাহের মধ্যে সমস্ত বিলই পাস করিয়া ফেলিলাম। ইতিমধ্যে ইনস্পেক্টর মহোদয় শ্রীযুক্ত সি, বি, ক্লার্ক

সিকিম পরিভ্রমণ করিয়া দার্জিলিংএ প্রত্যাগত হইলেন। উদ্ভিদ বিজ্ঞান উন্নতিকল্পে নানাবিধ বৃক্ষ, গুল্ম, লতা, পুষ্পাদি সংগ্রহ করিবার জগুই তিনি সিকিম পরিভ্রমণে বাহির হইয়াছিলেন। সিকিমএর ভয়ানক তুষার পাতের সময়ে ঐ স্থানের বিভিন্ন স্থানে পরিভ্রমণ করায় তিনি অল্পপ্রায় হইয়া আসিয়াছিলেন। তিনি যে দিন অপরাহ্নে দার্জিলিংএ প্রত্যাগত হইয়াছিলেন পর দিবসেই আমি স্নোয়িভিউ বা তুষার দর্শন নামক বান্দলোতে প্রায় বেলা ১০ টার সময় সাক্ষাৎ করিতে গিয়াছিলাম। বান্দলোয় উপস্থিত হইবামাত্রই তাঁহার সর্ব্ব কর্ণিষ্ঠা ভগিনী কুমারী ক্লার্ক মহোদয়া আমাকে দেখিয়াই বলিলেন — ভ্রাতঃ একটি নূতন বাবু আসিয়াছেন। তখন উহার ভোজন করিতেছিলেন। সাহেব মহোদয় এই কথা শুনিবা মাত্রই উঠিয়া আসিয়া ঘরের দুয়ার খুলিলেন এবং রামেশ্বর তোমাকে এখানে দেখিয়া বড়ই আনন্দিত হইলাম বলিয়া আমার কন্মদন করিলেন। পরে আমার স্বাস্থ্য কেমন আছে ইত্যাদি জিজ্ঞাসা করিয়া বলিলেন যে দেখ পাহাড়ে প্রথম আসিলেই বড়ই পেটের পীড়া হয়। তোমার তলপেটটা সর্ব্বদা ফ্রানেল দিয়া বাঁধিয়া রাখিবা। এই কথা বলিয়া সেদিন বিদায় দিলেন, এবং যত বিল পাস করা হইয়াছে সমস্তই তাঁহার স্বাক্ষরের জগু তৎপর দিবসে বেলা ৯টার সময়ে তাঁহার বান্দলোয় লইয়া যাইতে আদেশ দিলেন। তাঁহার ঐ উপদেশ অনুসারে তৎপর দিবসে নিদিষ্ট সময়ে রাশিকৃত বিল লইয়া তাঁহার বান্দলোয় গেলাম। এত অধিক বিল দেখিয়া তিনি বিস্মিত হইয়া বলিলেন যে এত অল্প সময়ের মধ্যে এই সমস্ত বিল কিরূপে পাস করিতে পারিলে। তিনখানি রেজেষ্টারি খুলিয়া তিনজনে বিল পাস করিয়াছি বলায়, এবং তিনখানি রেজেষ্টারি দেখিয়া বড়ই সন্তুষ্ট হইলেন, এবং বলিলেন যে বড়ই ভাল কাজ করিয়াছ। দরিদ্র ছাত্র ও শিক্ষকেরা বড়ই কষ্ট পাইতেছিল উহাদের বিশেষ উপকার হইল। এই কথা বলিয়া বলিলেন যে বৃত্তিভোগী ছাত্রেরা ৩৪।৫ টাকার বৃত্তির উপর নির্ভর করিয়া

তাহাদের বাড়ী ছাড়িয়া সহরের বিদ্যালয়ে পাঠ করিতে আসে। তাহাদের বিল সকলের আগেই পাস করিবা। তৎপরে সাহায্যকৃত বিদ্যালয়ের শিক্ষকদিগের বিল পাস করিবা। ইহারও গভর্ণমেন্ট প্রদত্ত সাহায্য ও ছাত্রবেতনের উপর নির্ভর করে। অধিকাংশ বিদ্যালয়েই স্থানীয় চাঁদা বলিয়া যে একটা হিসাব প্রদত্ত হইয়া থাকে ঐ সমস্ত চাঁদা প্রায়ই কখনই আদায় হয় না। ঐ চাঁদাটা হিসাবে দেখায় কেবল বিল পাস করিয়া লইবার জন্ত। উহাদের অবস্থাও অতি শোচনীয়।

তারপর স্কুল সব্ ও ডেপুটি ইনস্পেক্টরদিগের ভাতার বিল পাস করিবা এবং সকলের শেষে জেলা স্কুলের হেড্ মাষ্টারদিগের বাজে খরচের বিল পাস করিবা; যেহেতু ঐ সমস্ত হেড্ মাষ্টারেরা অপেক্ষাকৃত অনেক টাকা বেশী বেতন পান এবং তাঁহাদের বাজে খরচের বিলের টাকা যৎসামান্য। সাহেবের তুষার দর্শন নামক বাঙ্গলোটী অতি সুন্দর ছিল এবং উহা একরূপ অনাবৃত স্থানে অবস্থিত ছিল যে প্রাতঃকালে আকাশ পরিষ্কার থাকিলে সূর্য্যোদয়ের সময়ে উহার বারান্দা হইতে তুষারমণ্ডিত কাঞ্চনশৃঙ্গের অপূর্ণ সুন্দর ও মনোহর দৃশ্য দর্শন করিয়া বড়ই আনন্দ অনুভব করিতাম।

ইনস্পেক্টর আফিসে মাসখানিক কার্য করার পরে একদিন রঙ্গপুর হইতে হঠাৎ একখানি এই মর্মে টেলিগ্রাম পাইলাম যে যদি তোমার স্থায়ী কার্য্য রঙ্গপুর জেলা স্কুলের পঞ্চম শিক্ষকতা রক্ষা করিতে চাও, তাহা হইলে ২৩শে মের পূর্বে রঙ্গপুর আসিয়া উপস্থিত হইবা। তোমার প্রার্থিত আর ছয় মাসের বিদায় মঞ্জুর হয় নাই। বোধ হয় ১৯শে মে এই টেলিগ্রামখানি পাইয়াছিলাম। আমার সহাধ্যায়ী ও রঙ্গপুর জেলা স্কুলের সপ্তম শিক্ষক শ্রীযুক্ত শশিভূষণ মুখোপাধ্যায় এই টেলিগ্রামখানি করিয়াছিলেন। হঠাৎ এই টেলিগ্রামখানি পাইয়া ইনস্পেক্টর ক্লাক মহোদয়কে জানাইলাম। তিনি বলিলেন যে তোমার বিদায় মঞ্জুর না হইয়াতে বড়ই দুঃখিত হইলাম। যদি তোমার স্থায়ী কার্য্যের মায়া

পরিত্যাগ করিয়া অদৃষ্টের উপর নির্ভর করিয়া অস্থায়ী সেকেণ্ড ক্লার্কের কার্য লইয়া থাকিতে পার, তাহা হইলে এইখানে থাক। নচেৎ রঙ্গপুর চলিয়া যাও। আমি সম্প্রতি তিন মাসের ছুটি লইয়া কাশ্মীর ভ্রমণে যাইতেছি। এই তিন মাসের মধ্যে যদি স্থায়ী সেকেণ্ড ক্লার্ক মাণিকবাবু আসিয়া স্থায়ী কার্যের ভার গ্রহণ করেন, তাহা হইলে তোমার কাধ্য যাইবে। আমি বিদায়ে না গেলে তোমার একটা উপায় করিতে পারিতাম। আমার অনুপস্থিতিকালে আমার স্থলাভিষিক্ত ইনস্পেক্টর তোমার সন্ধক্ষে কি বিবেচনা করিবেন আমি বলিতে পারি না। আমি দেখিতেছি যে জেলা স্কুলের ৫০ টাকা পর্য্যন্ত বেতনভোগী শিক্ষকদিগের উপর আমার আর কোন হাত নাই। ইহাদের হর্ত্তা কর্ত্তা এখন জেলার ম্যাজিষ্ট্রেটগণ। এখন হইতে আর জেলা স্কুলের ঐ সকল শিক্ষককে অস্থায়ী কার্যে নিযুক্ত করিব না। সাহায্যকৃত বিদ্যালয় সকলের উপর আমাদের যথেষ্ট হাত ও ক্ষমতা আছে। এখন হইতে অস্থায়ীভাবে আনিতে হইলে ঐ সকল বিদ্যালয়ের শিক্ষকদিগকে আনাইব। এই বলিয়া দিনাজপুর জেলার অধীনস্থ রায়গঞ্জ নামক মধ্য-ইংরাজী বিদ্যালয়ের হেড্‌ মাস্টারকে আমার পদে মনোনীত করিলেন। তখন গুজব ছিল যে ক্লার্ক সাহেব মহোদয়ের বিদায়কালে তাঁহার কার্য করিবার জন্ত ইনস্পেক্টর বেলেট সাহেব আসিবেন। বেলেট সাহেব পশ্চিমবঙ্গ-নিবাসী লোকদিগের উপর অত্যন্ত চটা ছিলেন এই জন্ত তাঁহার কার্যকালে অস্থায়ীভাবে সেকেণ্ড ক্লার্কের কার্য করিবার জন্ত আমি রঙ্গপুর জেলা স্কুলের স্থায়ী কার্যের মায়া পরিত্যাগ করিয়া দার্জিলিংএর আফিসে থাকিতে পারিলাম না। কিন্তু আমি আফিস ছাড়িয়া আসার পরে জানিতে পারিলাম যে ক্লার্ক সাহেব মহোদয়ের অনুপস্থিতিকালে বেলেট সাহেব তাঁহার কার্যে না আসিয়া বিহার ডিভিসনের ইনস্পেক্টর ক্রফট সাহেব মহোদয় দুই বিভাগের (বিহার ও রাজসাহী) কার্য করিবার জন্ত দার্জিলিং আসিয়া অবস্থিতি

করিবেন। ক্রফট সাহেব অতি উদার ও মহানুভব ব্যক্তি ছিলেন। তিনি আসিবেন জানিলে আমি কখনই দার্জিলিংএর 'আফিস ত্যাগ করিয়া রঙ্গপুর স্কুলে ফিরিয়া আসিতাম না। বাঙ্গালা দেশে আমার অন্ন-বস্ত্রের সংস্থান হইবে না বলিয়াই বোধ হয় এই বিড়ম্বনা ঘটিল।

### সর্বপ্রথম অশ্বারোহণ।

এত অল্প সময়ের মধ্যে দার্জিলিং হইতে রঙ্গপুরে কিরূপে ফিরিয়া আসিতে পারিব ক্লার্ক সাহেব মহোদয়কে জিজ্ঞাসা করায় তিনি বলিলেন যে পরুর গাড়ীর রাস্তা দিয়া গেলে তুমি কখনই 'এত অল্প সময়ের মধ্যে রঙ্গপুরে পৌঁছিতে পারিবে না। দার্জিলিং হইতে কাসিয়াং পর্য্যন্ত গরুর গাড়ীতে যাওয়া তথা হইতে সোজা ঘোড়ায় চড়িয়া বাইবার রাস্তা দিয়া জলপাইগুড়ি গেলে এই অল্প সময়ের মধ্যে রঙ্গপুর পৌঁছিতে পারিবা। কাসিয়াংএ ঘোড়া ভাড়া পাওয়া যায়। সুতরাং আমি তাঁহার উপদেশানুসারে ঐ রাস্তা দিয়া আসিলাম। ইতি পূর্বে আমি কখনও ঘোড়ায় চড়ি নাই। যাহা হউক কোনরূপে কষ্টে সৃষ্টে দ্বিতীয় দিবসে জলপাইগুড়ি আসিয়া পৌঁছিলাম।

জলপাইগুড়ি আসিয়া তথাকার নর্ম্যাল স্কুলের হেড মাষ্টার শ্রীযুক্ত হরেন্দ্রনারায়ণ সান্যালের বাসায় উঠিলাম। তাঁহার বাসা নর্ম্যাল স্কুলের প্রাঙ্গণেই ছিল। এষ্ট স্থানে ব্রাহ্মধর্মপ্রচারক শ্রীযুক্ত রামকুমার ভট্টাচার্য্য বিজ্ঞানতত্ত্ব মহাশয়ের সহিত প্রথম পরিচয় হইয়াছিল। (উত্তরকালের কাশীধামের রামানন্দ স্বামী) বিখ্যাত লক্ষ্মীমণি চরিতের, লক্ষ্মীমণির স্বামী বিষ্ণুবাবুর সহিতও এই স্থানে আমার প্রথম পরিচয় হয়। বিষ্ণুবাবু তখন জলপাইগুড়ি নর্ম্যাল স্কুলের দ্বিতীয় শিক্ষক ছিলেন।

রঙ্গপুর স্কুলের কার্য্যের জন্ত আর ছয় মাস বিদায় না পাইবার কারণ নিম্নে প্রদত্ত হইল—

পূর্বে উক্ত হইয়াছে যে রঙ্গপুর স্কুলের হেড মাষ্টার চন্দ্রবাবুর

আদেশেই আমি দার্জিলিংএর ইনস্পেক্টর সাহেবের আফিসে গিয়াছিলাম। এবং তাঁহারই উপদেশানুসারে আর ছয় মাসের বিদায়ের জন্ত প্রার্থনা করিয়াছিলাম। যে দিন আমার বিদায়ের দরখাস্তখানি ম্যাজিস্ট্রেট সাহেব বাহাদুরের নিকট পেস হয়, সে দিন রঙ্গপুর স্কুলের পারিণৈমিক বিতরণ উপলক্ষে স্কুলগৃহে সভা হইয়াছিল। সভাপতি ছিলেন স্বয়ং ম্যাজিস্ট্রেট সাহেব। অনেক গণ্যমান্য ভদ্রলোকও ঐ সভায় উপস্থিত ছিলেন।

**হেড্‌মাষ্টার চন্দ্রবাবুর চতুরতা ও প্রকৃত কথা গোপন করা**

ডিষ্ট্রিক্ট কমিটির সম্পাদক ডেপুটি ম্যাজিস্ট্রেট শ্রীযুক্ত ব্রজমোহন রায় মহাশয়ও ঐ সভায় উপস্থিত ছিলেন। আমি কেন আর ছয় মাসের বিদায় প্রার্থনা করিয়াছি, ম্যাজিস্ট্রেট সাহেব জিজ্ঞাসা করায়, হেড্‌মাষ্টার চন্দ্রনাথবাবু বললেন যে সে দার্জিলিংএ স্কুল ইনস্পেক্টরের আফিসে অস্থায়ীভাবে চাকরী লইয়া গিয়াছে। তাঁহার আদেশানুসারে যে গিয়াছি একথা প্রকাশ করিলেন না। ম্যাজিস্ট্রেট সাহেব জিজ্ঞাসা করিলেন যে তাঁহার পূর্ববিদায়ের চারি মাস কাল অতীত হইয়া গিয়াছে কি না। হেড্‌মাষ্টার মহাশয় বলিলেন যে হ্যাঁ অতীত হইয়া গিয়াছে। এই কথা শুনিবামাত্র ম্যাজিস্ট্রেট ম্যেজিস্টার সাহেব চটিয়া উঠিয়া বলিলেন যে তাঁহাকে আর বিদায় দেওয়া হইবে না। তাঁহার কার্য খালি হইয়াছে বলিয়া সংবাদপত্রে বিজ্ঞাপন দেওয়া হউক। বিজ্ঞাপন দিতে হইবে কেন, আমার কার্যে হেড্‌মাষ্টার মহাশয়ের প্রিয় ছাত্র শ্রীযুক্ত কালীনাথ দাস কার্য্য করিতেছিলেন। তাঁহাকেই স্থায়ীভাবে নিযুক্ত করিবার অভিপ্রায়ে এবং আমার অনিষ্ট করিবার জন্তই হেড্‌মাষ্টার মহাশয়ের এই চতুর খেলা; কিন্তু প্রকৃতপক্ষে তখনও আমার চারি মাস বিদায়ের কাল অতীত হইয়া যায় নাই। ম্যাজিস্ট্রেট সাহেবের এই আদেশ প্রচার হইবার পরেই সভা ভঙ্গ



হইল। সভাগৃহ হইতে হেড্‌ মাষ্টার চন্দ্রবাবু ও ডিষ্ট্রিক্ট কমিটির সম্পাদক ব্রজমোহন রায় মহাশয় বাহির হইবামাত্রই আমার সহাধ্যায়ী সপ্তম শিক্ষক শশীবাবু বলিলেন যে সে কি মহাশয়? রামেশ্বরের বিদায়ের কাল ত এখনও অতীত হয় নাই। অতীত হইতে এখনও ৫১৬ দিন অবশিষ্ট আছে। হেড্‌ মাষ্টার উত্তর করিলেন এবং হাতে গণিয়া বলিলেন কেন জানুয়ারী, ফেব্রুয়ারী, মার্চ ও এপ্রিল এইত চারি মাস হইল? শশীবাবু বলিলেন যে রামেশ্বরত ২৫শে জানুয়ারী তারিখে বিদায়ে গিয়াছে সুতরাং ২৫শে মে পর্যন্ত তাহার ছুটি আছে। যে দিন আমার বিদায়ের আবেদন অগ্রাহ্য হইয়াছিল, সে দিন বোধ হয় ১৮ই মে। সহৃদয় ব্রজমোহনবাবু এই ব্যাপার জানিয়া বিস্মিত হইলেন এবং হেড্‌ মাষ্টার মহাশয়কে সন্মোদন করিয়া বলিলেন—চন্দ্রবাবু আপনি এইরূপে একটা নিরীহ ভদ্রলোকের মাথা খাইলেন কেন?

চন্দ্রবাবু তখন ত্যাক সাজিলেন এবং বলিলেন এখন আর কি করা যাইবে, যাহা হইবার হইয়া গিয়াছে। ব্রজমোহনবাবু আমার উপর ক্রুপাপরবশ হইয়া শশীবাবুকে বলিলেন যে গ্নেজিয়ার সাহেব ই। করিলে তাঁহাকে না করাইবার বা না করিলে তাঁহাকে ই। করাইবার উপায় নাই, তবে আমি চেষ্টা করিয়া দেখিব ২৪শে মের পূর্বে রামেশ্বরের কাজ না যায়। এই বলিয়া ব্রজমোহনবাবু আমার বিদায়ের আবেদন পত্রখানি হাতে লইয়া বরাবর ম্যাজিস্ট্রেট সাহেবের কুঠীতে গেলেন, এবং ২৪শে মের মধ্যে আমি কার্যে উপস্থিত হইতে পারিলে আমার চাকরী যাইবে না এই আদেশ উহাতে করাইয়া লইলেন। আমিও ২৩শে মে অতি কষ্টে রঙ্গপুর আসিয়া পৌছিলাম এবং ২৪শে আমার কার্যভার গ্রহণ করিলাম।

### পুনরায় রঙ্গপুর জেলা স্কুলে কার্যভার গ্রহণ

কার্যভার গ্রহণ করার পরে পূর্ব বন্দ্যোবস্তু অস্থায়ী মাসিক ৫৮ টাকা হারে আমার বিদায়কালের জন্য এলাউয়ান্স বা মাসহারা চাহি-

লাম। হেড্‌ মাস্টার মহাশয় বলিলেন সে কি, কিসের টাকা, সব টাকাইত কাশীনাথ লইয়াছে। এরূপ বন্দ্যোবস্ত করিয়া যে কাশীনাথকে তোমার স্থলে নিযুক্ত করিয়াছিলাম আমার এরূপ মনে হয় না। সুতরাং আমি আর ৫ টাকা হারে চারিমাসের বেতন বা মাসহারা পাইলাম না। বড়ই কষ্টে পড়িলাম। আমার অল্পপস্থিতি কালে শশীবাবু আমার পরিবর্তে স্কুল-বুক-সোসাইটির এজেন্টের কার্য চালাইয়াছিলেন। এই চারি মাসের কমিসন প্রায় ৫০ টাকা। তিনি না লইয়া আমাকে দিয়াছিলেন।

### দার্জিলিংএর শ্রীযুক্ত মতিলাল হালদার পরবর্তীকালের একজন উৎকৃষ্ট চা-কর।

যখন দার্জিলিং ছাড়িয়া আমি রঙ্গপুর রওনা হই, তখন আমার হাতে একটি টাকাও ছিল না। আফিসের থার্ড ক্লাস জগৎবাবু তাঁহার খুল্লতাত পুত্র শ্রীযুক্ত মতিলাল হালদার মহাশয়ের নিকট হইতে ৩০ ট্রিশটি টাকা ধার করিয়া আনিয়া আমাকে দিয়াছিলেন। আমি ঐ ঋণ পরিশোধের জন্ত আমার আফিসের প্রাপ্য বেতন তাঁহাকে বরাত দিয়া আসিয়াছিলাম। মতিবাবু তখন দার্জিলিং মিউনিসিপ্যালিটির হেড্‌ ক্লাক ছিলেন। ইনি বারাকপুর-নিবাসী এবং দার্জিলিং-প্রবাসী শ্রীযুক্ত মাধবচন্দ্র হালদারের ভুটিয়ানীর গর্ভজাত পুত্র। পরে ইনি চাকরী ছাড়িয়া চা বাগানের ম্যানেজার হইয়াছিলেন এবং চা প্রস্তুত বিষয়ে সিদ্ধহস্ত হইয়াছিলেন। পরে ইনি তেজপুর জেলার মনাই চা বাগিচার একজন স্বত্বাধিকারী হইয়াছিলেন; এবং নওগা জেলায় নিজের একটি চা বাগিচা খুলিয়াছিলেন। ইঁহার পুত্র মনোরঞ্জন হালদারও একজন সুদক্ষ চা-কর। ইঁারা ব্রাহ্মধর্মাবলম্বী। চা বাগান করিয়া অনেক টাকা উপার্জন করিয়া কলিকাতায় বাটী প্রস্তুত করিয়া বাস করিতেছিলেন জানি। এখন মতিবাবু জীবিত আছেন কি না জানি না।

## রঙ্গপুর জেলা স্কুলটী দ্বিতীয় শ্রেণীর কলেজে পরিণত

### হইবার তারিখ ও তদানুসঙ্গিক ঘটনাসমূহ ।

আমি ১৮৭৭ সালের ১৬ই জানুয়ারী পর্য্যন্ত রঙ্গপুর জেলা স্কুলের পঞ্চম শিক্ষকের কার্য্য করিয়াছিলাম। ১৮৭৭ সালের ১৭ই জানুয়ারী তারিখে রঙ্গপুর জেলা স্কুলটী হাই স্কুল বা সেকেন্ড গ্রেড কলেজে পরিণত হয়। ঐ তারিখ হইতে আমি সপ্তম শিক্ষক হইয়া ১১ই নভেম্বর পর্য্যন্ত ঐ স্থানে কার্য্য করি। সপ্তম শিক্ষক হইবার কারণ, চন্দ্রবাবু হাই স্কুলের হেড্‌ মাস্টার হইলেন, এবং কলিকাতাস্থ হেয়ার স্কুলের সপ্তম শিক্ষক বরাহনগর-নিবাসী শ্রীযুক্ত তারাপদ ঘোষাল ইংরাজী সাহিত্যে এম্‌, এ, মহাশয় তৃতীয় শিক্ষকের পদে ১২৫ টাকা বেতনে নিযুক্ত হইয়া রঙ্গপুরে আসিলেন। ইনি ইংরাজী সাহিত্যে, গণিতে, এবং আরবি ভাষায় বিলক্ষণ ব্যুৎপন্ন ছিলেন। ইনি ব্রহ্মশি শশিপদ বন্দ্যোপাধ্যায় মহাশয়ের নিতান্ত ঘনিষ্ঠ আত্মীয় ছিলেন। প্রথম বৎসরে দ্বিতীয় বার্ষিকী শ্রেণীতে, ছাত্র না হওয়ায় কেহই প্রথম বৎসরে দ্বিতীয় শিক্ষকের পদে নিযুক্ত হন নাই। হেড্‌ মাস্টার চন্দ্রবাবুর পূর্ব্বে বেতন ছিল ১৫০ টাকা এখন হইল ২০০ দুইশত টাকা। চন্দ্রবাবু পূর্ব্বে বলাগড় স্কুলের হেড্‌ মাস্টার ছিলেন। মেডিক্যাল কলেজে ভর্ত্তি হইবার মানসে, ইনি বলাগড় স্কুলে কার্য্য করিবার সময়ে প্রবেশিকা পরীক্ষা দিয়া প্রথম বিভাগে উত্তীর্ণ হইয়াছিলেন। ইনি বড়ই উচ্ছোষী পুরুষ ছিলেন। বুড়া বয়সে সেকেন্ড গ্রেড্‌ কলেজের হেড্‌ মাস্টার হইয়া ইংরাজী সাহিত্যের অনেক টাকা টিপ্সনী সংগ্রহ করিয়া ছাত্রদিগকে পড়াইতেন। বুড়া বয়সে কষ্টস্ব হইবে না বলিয়া প্রকাশে টাকা টিপ্সনী দেখিয়াই পড়াইতেন। ইনি একজন কৃতকর্ম্মা হেড্‌ মাস্টার ছিলেন। ইহার সময়ে অনেক ছাত্র রঙ্গপুর জেলা স্কুল হইতে প্রবেশিকা পরীক্ষায় উত্তীর্ণ হইয়া বৃত্তিলাভ করিয়াছিল।

যখন স্কুলটা সেকেণ্ড গ্রেড্ কলেজে পরিণত হয়, তখনও স্কুল ইনস্পেক্টর ছিলেন সি, বি, ক্লার্ক মহোদয়। কলেজে পরিণত করার একটা সৰ্ত্ত ছিল, যে প্রথম বার্ষিকী শ্রেণীতে অন্ততঃ ছয় জন ছাত্র হওয়া আবশ্যক। প্রবেশিকা পরীক্ষার কিছুদিন পূর্বে ক্লার্ক সাহেব মহাশয় স্কুল পরিদর্শন করিয়া লিখিয়াছিলেন যে প্রথম শ্রেণীর ছাত্রদিগকে পরীক্ষা করিয়া দেখিলাম যে, ছয় জন ছাত্রের স্থলে তিন জন ছাত্র এই স্কুল হইতে উত্তীর্ণ হইবে কিনা সন্দেহ। এই মন্তব্য পাঠে চন্দ্রবাবু ভীত হইয়া অন্যান্য স্থান হইতে ছাত্র সংগ্রহ করিতে আরম্ভ করিয়াছিলেন। শান্তিপুর হইতে বিহারীলাল ভট্টাচার্য্য, হেমচন্দ্র ভট্টাচার্য্য ও নৃত্যগোপাল ভট্টাচার্য্য বলাগড় হইতে কালীপ্রসন্ন চট্টোপাধ্যায়, দিনাজপুর জেলা স্কুল হইতে ঘনশ্যাম গিরি ও বগুড়া জেলা স্কুল হইতে একজন ছাত্র, এই ছয়জন ছাত্রকে হেড্ মাষ্টারবাবু সংগ্রহ করিয়া রাখিয়াছিলেন। এদিকে আবার রঙ্গপুর স্কুলের পরীক্ষার ফল আশাতীত সন্তোষজনক হইয়াছিল। দশজন ছাত্র প্রবেশিকা পরীক্ষার্থ প্রেরিত হইয়াছিল। তখন রঙ্গপুরের ছাত্রদিগকে কৃষ্ণনগরে আসিয়া পরীক্ষা দিতে হইত। এই দশজন ছাত্রের মধ্যে রঙ্গপুর জেলার নলডাঙ্গার ভূমিদার শ্রীযুক্ত নীলকমল লাহিড়ী মহাশয়ের পুত্র এবং স্বনামধন্য ভবানীপ্রসন্ন লাহিড়ীর জ্যেষ্ঠভ্রাতা দুর্গাপ্রসন্ন লাহিড়ীও একজন ছিলেন। ইহার সঙ্গে ইহার বৃদ্ধা পিতামহী দেবী কৃষ্ণনগর পর্য্যন্ত আসিয়াছিলেন। পিতামহী দেবী কৃষ্ণনগর হইতে ৩৮কালীধামে যাইয়া অবস্থিতি করিবেন এই অভিপ্রায়ে প্রিয়তম পৌত্রের সহিত কৃষ্ণনগর পর্য্যন্ত আসিয়াছিলেন; কিন্তু আক্ষেপের বিষয় দৈব বিড়ম্বনায় দুর্গাপ্রসন্ন কৃষ্ণনগরে বিনুচিকা রোগাক্রান্ত হইয়া আত্মীয়স্বজনদিগকে বিশেষতঃ বৃদ্ধা পিতামহী দেবীকে শোক সাগরে ভাসাইয়া ইহধাম ছাড়িয়া চলিয়া গেলেন।

মহারানী ভিক্টোরিয়ায় ভারতেশ্বরী উপাধি গ্রহণ

অবাশিষ্ট নয় জন ছাত্র সকলেই পরীক্ষায় উত্তীর্ণ হইয়াছিল। তিনজন

প্রথম বিভাগে ও ছয় জন দ্বিতীয় বিভাগে। যে দিন পরীক্ষার ফল কলিকাতা গেজেটে প্রকাশিত হইয়া রঙ্গপুর পৌছিয়াছিল, সেদিন ম্যাজিস্ট্রেট সাহেবের কুঠীতে একটি প্রকাণ্ড দরবার হইতেছিল। ত্রায়, ধর্ম ও দয়ার মূর্তিমতি দেবী মহারাণী ভিক্টোরিয়া ঐ দিবসে ভারতেশ্বরী উপাধি গ্রহণ করিয়াছিলেন। এই উপলক্ষেই ঐ দরবার।

### ভাষাতত্ত্ববিদ ডাক্তার গ্রিয়ারসন্

দরবারস্থলেই জয়েন্ট ম্যাজিস্ট্রেট এবং ডিস্ট্রিক্ট কমিটির সম্পাদক শ্রীযুক্ত গ্রিয়ারসন্ সাহেব, হেড্‌ মাস্টার চন্দ্রবাবুর হাত হইতে গেজেটখানি লইয়া ম্যাজিস্ট্রেট সাহেবকে অতি আহ্লাদ সহকারে দেখাইলেন এবং তখনই ডিরেক্টর সাহেব বাহাদুরের নিকট টেলিগ্রাম করিলেন যে নয় জন ছাত্র উত্তীর্ণ হইয়াছে সকলেই এই কলেজে পড়িবে। অতএব অবিলম্বে কলেজ খোলা হউক এবং জেলা স্কুলের হেড্‌ মাস্টার চন্দ্রবাবুকে কলেজের হেড্‌ মাস্টারের পদে ২০০০ দুইশত টাকা বেতনে নিযুক্ত করা হউক। এই গ্রিয়ারসন্ সাহেবই উত্তরকালের বিখ্যাত ভাষাতত্ত্ববিদ ডাঃ গ্রিয়ারসন্। ইনি রঙ্গপুরের অতি অল্পীল “মদন কামের” গানের ইংরাজী অনুবাদ করিয়াছিলেন এবং সময়ে সময়ে ঐ গানগুলি আমাকে দেখাইতেন। আমি অল্পীল গানের অনুবাদ দেখিতে লজ্জা বোধ হয় বলিলেও উনি আমাকে ছাড়িতেন না।

দ্বিতীয় শ্রেণীর কলেজের হেড্‌ মাস্টারের পদে কাহাকে নিযুক্ত করা কর্তব্য এই বিষয়ে ক্লার্ক সাহেবের

অভিমত ও চন্দ্রবাবুর হেড্‌ মাস্টার

হওয়া।

রঙ্গপুর দ্বিতীয় শ্রেণীর কলেজের হেড্‌ মাস্টারের পদে কাহাকে নিযুক্ত করা কর্তব্য এই বিষয় লইয়া ইনস্পেক্টর ক্লার্ক সাহেব মহোদয়

ডিরেক্টর সাহেবের নিকট এই মর্মে রিপোর্ট করিয়াছিলেন যে বিদ্যা বুদ্ধি দেখিয়া ঐ পদে হেড্‌ মাষ্টার নিযুক্ত করিতে হইলে হয় পাবনা জেলা স্কুলের বর্তমান হেড্‌ মাষ্টার ও ভূতপূর্ব চট্টগ্রাম দ্বিতীয় শ্রেণীর কলেজের হেড্‌ মাষ্টার শ্রীযুক্ত বাবু ঈশ্বরচন্দ্র বসুকে, নয় বগুড়া জেলা স্কুলের হেড্‌ মাষ্টার শ্রীযুক্ত চন্দ্রমোহন মজুমদার, এম্. এ, কে নিযুক্ত করা উচিত। চন্দ্রমোহন মজুমদার মহাশয় পরে প্রেসিডেন্সি বিভাগের বিদ্যালয় সমূহের ইনস্পেক্টর হইয়াছিলেন; কিন্তু প্রস্তাবিত কলেজটিকে সাফল্যমণ্ডিত করিতে হইলে রঙ্গপুর জেলা স্কুলের হেড্‌ মাষ্টার শ্রীযুক্ত চন্দ্রনাথ ভট্টাচার্য্যকে নিযুক্ত করা আবশ্যক। কাজেই চন্দ্রবাবু হেড্‌ মাষ্টার হইলেন। চন্দ্রবাবু সাহেব পটাইতেও বিলক্ষণ পটু ছিলেন।

### পণ্ডিতরাজ মহামহোপাধ্যায় শ্রীযুক্ত যাদবেশ্বর তর্করত্ন

এই দ্বিতীয় শ্রেণীর কলেজের প্রথমে হেড্‌ পণ্ডিত হইলেন নর্ম্ম্যাল স্কুলের হেড্‌ মাষ্টার শ্রীযুক্ত শ্রীমাচরণ চট্টোপাধ্যায়। নর্ম্ম্যাল স্কুলটা উঠাইয়া দিবার তখন কথাবার্তা চলিতেছিল, এবং কিছুদিন পরে উঠিয়া গিয়াছিল। শ্রীমাচরণ বাবু দুই ঘণ্টা কাল মাত্র কলেজে আসিয়া সংস্কৃত পড়াইয়া যাইতেন। তিনি পরে কলিকাতা নর্ম্ম্যাল স্কুলে বদলি হন। তাঁহার পদে হেড্‌ পণ্ডিত হইলেন শ্রীযুক্ত যাদবেশ্বর তর্করত্ন—বর্তমানে পণ্ডিতরাজ মহামহোপাধ্যায় যাদবেশ্বর তর্করত্ন। ইঁহার নিয়োগ-সম্বন্ধে একটা রহস্য আছে। জয়েন্ট ম্যাজিস্ট্রেট শ্রীযুক্ত গ্রিয়ারসন্ সাহেব যখন সংস্কৃতশিক্ষারস্ত করেন তখন ইঁহার সংস্কৃত শিক্ষক ছিলেন তর্করত্ন মহাশয়ের জ্যেষ্ঠ ভ্রাতা শ্রীযুক্ত যজ্ঞেশ্বর ভট্টাচার্য্য মহাশয়। সাহেব বাহাদুর সংস্কৃত পরীক্ষায় উত্তীর্ণ হইয়া দুই হাজার টাকা পুরস্কার পান। ঐ পুরস্কার পাইয়া তিনি যজ্ঞেশ্বর ভট্টাচার্য্য মহাশয়কে বলেন যে পণ্ডিতজী আপনিও আমার নিকট হইতে কিছু পুরস্কার গ্রহণ করুন। তখন ভট্টাচার্য্য মহাশয় বলিয়াছিলেন যে আমি এখন কোন পুরস্কার

লইব না। পুরস্কার লইবার সময় উপস্থিত হইলে লইব। শ্রামাচরণ বাবু কলিকাতা নর্ম্যাল স্কুলে বদলী হইলে ভট্টাচার্য মহাশয় গ্রিয়ারসন্ সাহেব বাহাদুরের নিকট উপস্থিত হইয়া বলিলেন যে এখন আমার পুরস্কার লইবার সময় উপস্থিত হইয়াছে। আমার ভ্রাতা যাদবেশ্বরকে কলেজের হেড্‌ পণ্ডিতের পদে নিযুক্ত করিয়া দেন। গ্রিয়ারসন্ সাহেবের চেষ্টায় ও অমুরোধে পণ্ডিতরত্ন যাদবেশ্বর তর্করত্ন মহাশয় ৫০ টাকা বেতনে হেড্‌ পণ্ডিতের পদে নিযুক্ত হইলেন।

মৌলভি আব্দুল মতিন্ কলিকাতা মাদ্রাসার উত্তীর্ণ জ্ঞানেক ছাত্র ৬০ টাকা বেতনে হেড্‌ মৌলভির পদে নিযুক্ত হইলেন। কিন্তু ইনি ভালরূপ ইংরাজী না জানায় ছাত্রদিগের ইংরাজী হইতে পারসীতে বা উর্দুতে অমুবাদ বা উর্দু হইতে ইংরাজী অমুবাদ দেখিতে পারিতেন না। এজ্জা তিনি তখন মাসিক ৫০ টাকা হারে বেতন পাইতে থাকেন এবং ঐ অমুবাদ দেখার কার্য তৃতীয় শিক্ষক তারাপদবাবু করাতে তাঁহার বেতনের অবশিষ্ট ১০ টাকা তারাপদবাবুকে দেওয়া হইত। পরে তিনি উত্তমরূপে ইংরাজী শিক্ষা করিয়া একটা স্থানীয় পরীক্ষায় উত্তীর্ণ হইলে ঐ পদের পূর্ণ বেতন ৬০ টাকা করিয়া পাইতে লাগিলেন। আমিই ইহাকে ইংরাজী শিক্ষা দিয়াছিলাম। লেখত্রিজের ইজি সিলেকসনস্ ও লেনিন্স গ্রামার পড়াইয়া ইহাকে উক্ত পরীক্ষায় উত্তীর্ণ করাইয়াছিলাম। গ্রিয়ারসন্ সাহেবই পরীক্ষক ছিলেন।

### রঙ্গপুরের জেলা ও সেশন্স জজ লেভিন্ সাহেবের কথা

রঙ্গপুরের কথা ভাল করিয়া বলিতে হইলে তথাকার কয়েকটি ডিষ্ট্রিক্ট ও সেশন্স জজের নাম উল্লেখ করা আবশ্যক। আমি যখন প্রথমে রঙ্গপুর যাই তখন উক্ত পদে প্রতিষ্ঠিত ছিলেন শ্রীযুক্ত লেভিন্ সাহেব বাহাদুর। ইনি প্রথম শ্রেণীর ডিষ্ট্রিক্ট ও সেশন্স জজ ছিলেন। অবশ্যই ইনি সিভিলিয়ান ছিলেন। কিন্তু ইনি কোন কার্যই করিতেন না। ইহার

সেরেস্তাদার শ্রীযুক্ত উমাচরণ সেন ইহার করনীয় সমস্ত কার্যই করিতেন। আদালতে বসিয়া সাক্ষীর জবানবন্দী লইতেন, জেরা কারতেন, উকীলদিগের বক্তৃতা শুনিতেন ও তাহাদিগকে আইনঘটিত প্রশ্ন জিজ্ঞাসা করিতেন। মোকদ্দমার রায়ও লিখিতেন, লেভিন্ সাহেব কেবল পুস্তলিকার গ্রায় চেয়ারে উপবিষ্ট থাকিতেন। রায় দিবার দিন সেরেস্তাদার লিখিত রায় পড়িয়া বাদী ও প্রতিবাদীক ও তাহাদের উকীলদিগকে শুনাইয়া দিতেন। স্ততরাং সেরেস্তাদার উমাচরণ বাবুর অর্থ উপার্জনের পথ বিলক্ষণ পরিস্কৃত হইয়াছিল। তিনি পক্ষ ও প্রতিপক্ষদিগের নিকট হইতে যথেষ্ট পরিমাণে উৎকোচ গ্রহণ করিতেন এবং সময়ে সময়ে উভয় পক্ষ হইতেও উৎকোচ গ্রহণ করিয়া দেওয়ানী মোকদ্দমায় আধা ডিগ্র ও আধা ডিস্টিমসের রায় দিতেন। খুনী মোকদ্দমায় আসামীর নিকট হইতে যথেষ্ট পরিমাণে উৎকোচ পাইলে সম্পূর্ণভাবে নির্দোষা বলিয়া মুক্তি দিতেন। তখন রঙ্গপুর জেলায় জুরির বিচার ছিল না। জুরির পরিবর্তে দুইজন এসেসর জজ সাহেবের সাহিত বসিতেন। কাজেই উকীলদিগের উপার্জনের পথ সঙ্কুচিত হইয়া পড়িয়াছিল। বাদী ও প্রতিবাদীগণ তাহাদের উকীলদিগকে বলিত বা বলিয়া পাঠাইত যে সেরেস্তাদার বাবুর সহিত পরামর্শ করিয়া কার্য্য করিবেন। ক্রমে উকীলদিগের ধৈর্য্যচ্যুতি হইয়া পড়িল। তখন ইহার সমবেত হইয়া এফিডেবিট করিয়া মহামান্য হাই কোর্টকে সমস্ত বিষয় জানাইতে বাধ্য হইলেন। হাই কোর্ট এই সমস্ত অবগত হইয়া খ্যাতনামা জজ জ্যাকসন্ সাহেব বাহাদুরকে সমস্ত তথ্যের অল্পসঙ্কান করিবার জন্ত রঙ্গপুরে পাঠাইয়া দিলেন। জ্যাকসন্ সাহেব বাহাদুর রঙ্গপুরে আসিয়া সেরেস্তাদার উমাচরণবাবুকে সমস্ত বিষয় জিজ্ঞাসা করিয়া প্রকৃত বিষয় জানিতে পারিলেন। উমাচরণবাবুকে বলিলেন তুমি এই সমস্ত অবৈধ কার্য্য করিলে কেন? উমাচরণবাবু বলিলেন, না করিলে চাকরী থাকে না, এই জন্ত করিয়াছি, উমাচরণবাবু সম্পূর্ণ হইলেন; এবং দিনাজপুরের



সেরেসাদার তৎপদে আসিলেন। উমাচরণবাবুকে ফৌজদারীতে সোপর্দ করিয়া হাজতে দেওয়া হইয়াছিল। তাঁহার একটা লোক দেখান বিচারও হইয়াছিল। বিচারক ছিলেন জয়েন্ট ম্যাজিস্ট্রেট ড্যামান্ট সাহেব। এই ড্যামান্ট সাহেবেই পরে নাগা পাহাড়ের ডেপুটি কমিসনার হইয়া কোহিমায় গিয়াছিলেন।

### ড্যামান্ট সাহেবের নাগাদিগের গুলিতে মৃত্যু

ইহার কিছুকাল পরে নাগা বিদ্রোহের সময়ে পিকিমায় বাইয়া নাগাদিগের গুলিতে প্রাণত্যাগ করেন। বলা বাহুল্য যে উমাচরণবাবু মোকদ্দমায় অব্যাহতি পাইয়াছিলেন; কিন্তু পদচ্যুত হইয়াছিলেন। তাঁহার আত্মীয়স্বজনের মধ্যেও যিনি যিনি তৎকালে জজের আদালতে বা আফিসে কার্য্য করিতেন সকলেই ডিসমিস্ হইয়া চাকরী হারাইয়াছিলেন। উমাচরণবাবুর চাকরী যাওয়াতে তাঁহার কোন অনিষ্ট হয় নাই, যে হেতু তিনি লক্ষাধিক টাকার উপরও চাকরী করিয়া উপার্জন করিয়াছিলেন। লেভিন্ সাহেবেরও একটা লোক দেখান বিচার হইয়াছিল। তিনজন খ্যাতনামা সিভিলিয়ান ইহার বিচারক হইয়াছিলেন। ভাগলপুরের কমিসনার লাউইস সাহেব, রাজসাহীর কমিসনার মলোনী সাহেব এবং বর্দ্ধমানের জজ কিং সাহেব। ব্যারিষ্টার লিংহাম্ সাহেব গভর্ণমেন্ট পক্ষ হইতে কাউন্সিল নিযুক্ত হইয়া লেভিন্ সাহেবের বিরুদ্ধে মোকদ্দমা চালাইয়াছিলেন এবং দিনাজপুরে জয়েন্ট ম্যাজিস্ট্রেট ওয়ার্ড সাহেব লেভিন্ সাহেবের পক্ষ সমর্থন করিয়াছিলেন। সার্কিট হাউসে উহাদের বৈঠক হইয়াছিল; এবং প্রায় দুই পক্ষ কাল ধরিয়া এই মোকদ্দমা চলিয়াছিল। অনেক গণ্যমান্ত লোকের সাক্ষ্য গ্রহণ করা হইয়াছিল। এই সকল সাক্ষীর মধ্যে ভক্তার দয়াল সিংহ ও কুড়ি গোপালপুরের জমিদার দক্ষিণামোহন রায় লেভিন্ সাহেব বাহাদুরের বিপক্ষে সাক্ষ্য প্রদান করায়, ম্যাজিস্ট্রেট সাহেবের কোপদৃষ্টিতে পড়িয়াছিলেন এবং

তাহার ফলভোগ করিতে বাধ্য হইয়াছিলেন। এই সময়ে অমৃতবাজার পত্রিকা প্রকাশ করিয়াছিলেন যে লেভিন্ সাহেবের কি হইবে? তিনি জজ আছেন কমিসনার হইবেন। ফলে তাহাই হইয়াছিল। তাঁহাকে জজের পদ হইতে সরাইয়া গায়ে পাহাড়ে হাতী ধরিবার জন্ত খেদা বিভাগের সুপারিণ্টেনডেন্ট করিয়া পাঠান হইয়াছিল। যেহেতু তখনও তাঁহার পূর্ণ পেন্সন্ লাভের সময় হয় নাই। পরে কয়েক বৎসর হাতী ধরিয়া মোটা পূর্ণ পেন্সন্ লইয়া বিলাতে চলিয়া গিয়াছিলেন।

এটি রঙ্গপুরের একটা বিখ্যাত ঘটনা বলিয়া এবং তাঁহার পরবর্তী দুইজন মহদন্তঃকরণ জজের নিকট রঙ্গপুর স্কুল ও তথাকার দরিদ্র ছাত্রগণ বিশেষরূপে ঋণী বলিয়াই এবং আমার সহিত তাঁহাদের কতকটা কার্যসম্বন্ধে সম্বন্ধ থাকায় এই ঘটনাগুলির উল্লেখ করা আবশ্যক মনে করিলাম।

## রঙ্গপুরের জজ শ্রীযুক্ত কেলি সাহেব

জজ লেভিন্ সাহেবের পরে ভূতপূর্ব ছোটলাট গ্র্যাণ্ট্ সাহেব বাহাদুরের পুত্র শ্রীযুক্ত গ্র্যাণ্ট্ সাহেব রঙ্গপুরের জজের পদে প্রতিষ্ঠিত হইয়া কিছুদিন কার্য করিয়াছিলেন। ইনি কাহারও সহিত বড় মিশিতেন না। যে কয়েকমাস রঙ্গপুরে ছিলেন আমোদ প্রমোদ করিয়াই কাটাইয়া গিয়াছিলেন। ইহার কার্যকালের পরে দরিদ্র বন্ধু পরদুঃখকাতর মহদন্তঃকরণ শ্রীযুক্ত সি, এ, কেলী, এম্, এ, আই, সি, এস, মহোদয় উক্ত পদে প্রতিষ্ঠিত হইয়া রঙ্গপুরে শুভাগমন করিয়াছিলেন। ইনি ইতিপূর্বে কিছুকালের জন্ত প্রেসিডেন্সী বিভাগের স্কুল সমূহের ইনস্পেক্টর ছিলেন। ইনি রঙ্গপুরে আসিয়াই প্রকাশ করিয়াছিলেন, যে সমস্ত দরিদ্র ভদ্র সন্তান স্কুলের বেতন দিতে এবং পাঠ্যপুস্তকাদি কিনিতে অসমর্থ, তিনি তাহাদিগকে ঐ সমস্ত বিষয়ে সম্পূর্ণভাবে সাহায্য করিবেন। এই শুভ সংবাদ পাইবামাত্র অনেক

দরিদ্র ছাত্র তাঁহার কুঠিতে গিয়া, তাহাদের অভাব জানাইতে লাগিল। জজ সাহেব বাহাদুরও উহাদের নিবেদন শুনিয়া প্রত্যেকের হস্তে হেড্‌মাষ্টার মহাশয়ের নামে এক একখানি সংক্ষিপ্ত লিপি এই মস্তে দিতে লাগিলেন—যে ঐ ছাত্রটী তাঁহার সাহায্য পাইবার উপযুক্ত কি না। হেড্‌মাষ্টার মহাশয়ের মত জানিবামাত্র উহার স্কুলের বেতনের টাকা হেড্‌মাষ্টার মহাশয়ের নিকট পাঠাইয়া দিতে আরম্ভ করিলেন। আর কেহ পুস্তকের মূল্য চাহিলে তাহার নিকট হইতে পুস্তকের ফদ লইয়া তাহার ঐ সমস্ত পুস্তক আবশ্যক কিনা এবং ঐ সকল পুস্তকের মূল্য কত জানিবার জন্ত আমার নিকট চিঠি লিখিয়া পাঠাইতেন। আমার উত্তর পাইবামাত্র তাঁহার জনৈক চাপরাসীর হস্ত দিয়া একখানি চিঠি সহ টাকা পাঠাইয়া দিতেন। এইরূপে অনেক দরিদ্র সন্তান তাঁহার কৃপায় বিভালাভ করিতে সমর্থ হইয়াছিল। কোন ছাত্র প্রকৃতপক্ষে বিশেষ দরিদ্র না হইলেও যদি কোনরূপে হেড্‌মাষ্টার মহাশয়ের সুপারিস সংগ্রহ করিতে পারিত, তাঁহার সাহায্য লাভ হইতে বঞ্চিত হইত না। অনেক ছাত্র আবার অনাবশ্যক পুস্তকের ফদ দিয়া তাহাকে ঠকাইয়া অতিরিক্ত টাকা লইবার চেষ্টা করিত। আমার মনে আছে শিবচন্দ্র ভট্টাচার্য্য নামে জনৈক বৃষক প্রবেশিকা পরীক্ষায় উত্তীর্ণ হইয়া কোচবিহার কলেজে পড়িবেন বলিয়া জজ সাহেব বাহাদুরের নিকট পাঠ্য পুস্তকের মূল্য প্রার্থনা করিয়াছিলেন। তাঁহার পুস্তকের তালিকার মধ্যে ওয়েবস্টারন্‌ লার্জ্‌ ডিক্সনারী এবং আরও বৃহৎ বৃহৎ ইংরাজী অভিধানের নামও স্থানপ্রাপ্ত হইয়াছিল। জজ সাহেব তাঁহার পুস্তকের তালিকা পাইয়া আমাকে একখানি চিঠি লিখিয়া তাহার মধ্যে ঐ তালিকাখানি পাঠাইয়া দিয়াছিলেন। এবং আমার মত জানিতে চাহিয়াছিলেন। আমি ঐ বৃহৎ বৃহৎ অভিধানগুলির নাম কাটিয়া দিয়া তৎপরিবর্তে চেম্বার্স ইন্টিমেলজিক্যাল ডিক্সনারী লিখিয়া দিয়াছিলাম। এবং পুস্তক সকলের মূল্যও লিখিয়া দিয়াছিলাম। আমার চিঠিখানি

পাইবামাত্র সাহেব বাহাদুর তাঁহার জনৈক বেহারার হাতে দিয়া একখানি চিঠি ও তৎসহ ১০৮ দশ টাকার তিনখানি নোট পাঠাইয়া দিয়াছিলেন। আমি ঐ সমস্ত পুস্তকের মধ্যে একখানি ব্যতীত অপর সমস্তগুলি কলিকাতা হইতে আনাইয়া উক্ত শিবচন্দ্র ভট্টাচার্য্যকে দিয়াছিলাম। একখানি পুস্তক তখন কলিকাতায় পাওয়া যায় নাই, ইহার মূল্য ছিল দেড় টাকা মাত্র। ঐ পুস্তকখানি পরে পাইবার আশায় ঐ দেড় টাকা আমার হস্তে অনেকদিন পর্য্যন্ত রাখিয়াছিলাম। অবশেষে যখন জজ সাহেব বাহাদুর রঙ্গপুর হইতে ভাগলপুরে বদলী হন, সেই সময়ে একখানি চিঠি লিখিয়া ঐ দেড় টাকা তাঁহার নিকট ফেরত পাঠাইয়া দিয়াছিলাম। সাহেব বাহাদুর ঐ দেড় টাকা গ্রহণ না করিয়া এই বলিয়া আমার নিকট চিঠি লিখিয়া পাঠান যে ঐ দেড় টাকা শিবচন্দ্র ভট্টাচার্য্যকে দিবা। শিবচন্দ্রকে অহুসঙ্কান করিয়া না পাইলে অণু কোন দরিদ্র ছাত্রকে উহা দিবা। দুঃখের বিষয় শিবচন্দ্র কোচবিহার কলেজে প্রবিষ্ট না হইয়া দিনহাটা নামক একটা গ্রামের মধ্য-ইংরাজী বিদ্যালয়ের হেড্ মাষ্টারের পদ গ্রহণ করিয়া চাকরী করিতেছিলেন। স্ততরাং তাঁহাকে ঐ দেড় টাকা অনর্থক না দিয়া অণু একটা ছাত্রের পুস্তকের মূল্য বাবদে খরচ করিয়াছিলাম। এই শিবচন্দ্র পরে মুনসেফ্ কোর্টের উকাল হইয়াছিলেন। দরিদ্র ছাত্রদিগের স্কুলের বেতন ও পুস্তকের মূল্য বাবদে সময়ে সময়ে আমার হস্তে ৫০৮ টাকা পর্য্যন্ত থাকিত। জজ সাহেব যখন রঙ্গপুর পরিত্যাগ করিয়া ভাগলপুরে যান তখন ঐ বাবদে আমার হাতে প্রায় ত্রিশ টাকা ছিল। এই টাকা হইতে রজনীকান্ত সরকার নামক একটা প্রকৃত মেধাবী দরিদ্র ছাত্রের পুস্তকের মূল্য বাবদে ১০৮ টাকা দিবার কথা ছিল। হেড্ মাষ্টার মহাশয় আমাকে রজনীর পাঠ্য পুস্তকগুলি স্কুল-বুক-সোসাইটি হইতে আনিয়া দিতে বলিয়াছিলেন। এই রজনীকান্ত বিশেষ পরিশ্রমী, অধ্যবসায়ী বুদ্ধিমান ও শিষ্টশাস্ত্র ছাত্র ছিল। রজনী উপব্যুপরি তিন বৎসর

বার্ষিকী পরীক্ষায় তাহার শ্রেণীস্থ ছাত্রদিগের মধ্যে সর্বোচ্চ স্থান অধিকার করিয়া ডবল প্রমোশন পাইয়াছিল অর্থাৎ সপ্তম শ্রেণী হইতে পঞ্চমে, পঞ্চম শ্রেণী হইতে তৃতীয় শ্রেণীতে, তৃতীয় শ্রেণী হইতে প্রথম শ্রেণীতে উন্নীত হইয়াছিল। হেড্‌ মাষ্টার মহাশয় উহার প্রথম শ্রেণীর পাঠ্য পুস্তকগুলি আমাকে জজ সাহেবের তহবিল হইতে কিনিয়া দিতে বলায়, আমি পুস্তকগুলি তাহাকে ইতিপূর্বেই দিয়াছিলাম। ঠিক এই সময়ে জজ সাহেবের বদলীর হুকুম আসিল। জজ সাহেব বাহাদুর বদলীর হুকুম পাইয়া হেড্‌ মাষ্টার মহাশয়কে লিখিয়া পাঠাইলেন যে তিনি এখন অন্ত্র যাইতেছেন যেখানে যাইতেছেন সেখানকার দরিদ্র ছাত্রদিগের সাহায্য তাঁহাকে করিতে হইবে, স্ততরাং রঙ্গপুরের দরিদ্র ছাত্রদিগের সাহায্য তিনি আর করিতে পারিবেন না। তখন তাঁহার যে টাকা আমার হস্তে ছিল তাহা উহাদিগের সাহায্যার্থ ব্যয় করিতে পারা যাইবে বলিয়া লিখিয়াছিলেন। আমাকে হেড্‌ মাষ্টার মহাশয় ঐ সংবাদ অবগত করায়, আমি বলিলাম তবে রজনীর পুস্তকের মূল্য বাবদে আমি জজ সাহেবের ঐ তহবিল হইতে ১০ দশটা টাকা লইতে পারি। হেড্‌ মাষ্টার মহাশয় তৎক্ষণে বলিলেন না, ঐ ১০ দশ টাকা ঐ তহবিল হইতে লইও না। অধর নামে একটি ছাত্র তখন সপ্তম শ্রেণীতে পড়িতে ছিল তাহার স্কুলের বেতনের জন্ত ঐ টাকা রাখিয়া দিতে বলিলেন। অধরের বেতন ঐ টাকা হইতে দিতে হইবে বলার মধ্যে বিশেষ একটি গুঢ় রহস্যও ছিল। অধর নিতান্ত দরিদ্র ছাত্র ছিল না। হেড্‌ মাষ্টার মহাশয়ের এই কথা শুনিয়া আমি বলিলাম যে ইতি পূর্বেই আপন্যার কথামত রজনীকে পুস্তক দিয়াছি। হেড্‌ মাষ্টার মহাশয় বলিলেন যে ঐ টাকা লইতে পারিবা না। রজনী এই কথা শুনিয়া কঁাদ কঁাদ হইয়া পুস্তকগুলি হাতে লইয়া আমার নিকটে আসিয়া বলিল,—“মাষ্টার মহাশয় পুস্তকগুলিতে আমি আমার নাম লিখি নাই ও ময়লাও করি নাই, আপনি পুস্তকগুলি ফেরত লন” আমি রজনীর তখনকার অবস্থা দর্শনে

বলিলাম রজনী তুমি পুস্তকগুলি লইয়া গিয়া অধ্যবসায় সহকারে পড়িতে থাক, আমি স্কুল-বুক-সোসাইটির পুস্তক বিক্রয় করিয়া প্রতি মাসে ১৫ টাকা হিসাবে পাইয়া থাকি মনে করিব যে একমাসে ৫ টাকা পাইয়াছি, তোমার নিকট হইতে পুস্তক ফেরত লইব না। তবে যদি এই ১০ টাকা অল্প কোন স্থান হইতে আনা হইয়া দিতে পারি তবেই লইব। এই বলিয়া রজনীকে প্রাতঃস্মরণীয়া দানশীলা মহারাণী স্বর্ণময়ী মহোদয়ার নিকট একখানি আবেদন পাঠাইতে উপদেশ দিলাম। আবেদন পত্রখানি কিভাবে লিখিতে হইবে তাহাও বলিয়া দিলাম। এইরূপ আবেদন পত্র হেড্‌ মাষ্টার মহাশয়দিগের হাত দিয়া পাঠাইবার রীতি ছিল। হেড্‌ মাষ্টার চন্দ্রবাবুকে আবেদন পত্রখানি তাঁহার মন্তব্যসহ মহারাণীর নিকট পাঠাইয়া দিতে অনুরোধ করিলে তিনি বলিলেন যে আমি উহা পাঠাইব না। হেড্‌ মাষ্টার মহাশয় পাঠাইয়া দিতে অসম্মত হইয়া আমরা তিনজন শিক্ষক, — আমি, ষষ্ঠ শিক্ষক নবকুমার বাবু ও সপ্তম শিক্ষক শশীবাবু একত্রে আমাদের নিজ নিজ মন্তব্য সহকারে উহা মহারাণীর সমীপে পাঠাইয়া দিলাম। মহারাণী মহোদয়া ঐ আবেদন পত্রখানি পাইবামাত্রই ১০ টাকার হাফ্‌ নোট রেজেষ্টারি করিয়া রজনীর নিকট পাঠাইয়া দিয়াছিলেন। প্রাপ্তি স্বীকার করিলে অপার্ট নোট পাঠাইয়া দিয়াছিলেন। এইরূপে রজনীর পুস্তকের মূল্য ১০ টাকা সংগৃহীত হইয়াছিল। এই রজনী সেই বৎসরেই প্রবেশিকা পরীক্ষায় প্রথম বিভাগে উত্তীর্ণ হইয়া ১০ টাকা বৃত্তি লাভ করিয়াছিল। বি, এ, পরীক্ষায় উত্তীর্ণ হইয়া মহারাণীর উলিপুরস্থ উচ্চ শ্রেণীর ইংরাজী স্কুলের হেড্‌ মাষ্টার হইয়াছিল। তথায় কয়েক বৎসর প্রতিপত্তি সহকারে চাকরী করার পরে রাজসাহী কলেজে একটা শিক্ষকতা পাইয়া, সেখান হইতে আইন পরীক্ষা দেয় এবং বি, এল্‌, পরীক্ষায় উত্তীর্ণ হইয়া রঙ্গপুর জেলার “নেল্‌ফামারী” মহকুমায় ওকালতী আরম্ভ করে, এখনও বোধ হয় ঐ স্থানে ওকালতী করিতেছে।

## রঙ্গপুরের জজ বিভারিজ্ সাহেব

মহোদয় কেলি সাহেবের পরে বিভারিজ্ সাহেব মহোদয় রঙ্গপুরের জজ হইয়া আসিয়াছিলেন। ইনিও একজন সদাশয় পুরুষ ছিলেন। ইহার সহধর্মিণী বিবি বিভারিজ্ ও ইহার ত্রায় সদাশয়া ছিলেন। ইহার কুমারীকালের নাম ছিল মিস্ একরইড্। ইনি কুমারীকালে মিস্ কার্পেন্টারের ত্রায় এ দেশের লোকের উপকার করিবার জন্য মিশনারী কার্যে আসিয়াছিলেন। ইহারা দুই স্ত্রী পুরুষে বিজালয়ের ছাত্রদিগকে বড় ভাল বাসিতেন। বাগানের লিচি পাকিলে ইহারা ছেলেদের জন্য লিচি ও রসগোল্লা পাঠাইয়া দিতেন। মধ্যে মধ্যে বাঙ্গালী ভদ্রলোকদিগকে তাঁহাদের সহিত “চা” পান করিবার জন্য নিমন্ত্রণ করিতেন, এবং সাহেবও বাঙ্গালীদিগের সহিত সমানভাবে ব্যবহার করিতেন। ইহার কার্যকালেই সর্বপ্রথমে শিক্ষিত ভদ্রলোকগণ এসেসরের পদে মনোনীত হইয়াছিলেন। ইতিপূর্বে উক্ত কার্যের জন্য সাধারণ লোক নিযুক্ত হইত। ইহার সময়ে একটা খনি মোকদ্দমায় আমিও এসেসর নিযুক্ত হইয়া ইহার এজলাসে বসিয়াছিলাম। ইনি পূর্বে বরিশালের ম্যাজিষ্ট্রেট ছিলেন। স্বতরাং বরিশালের লোকের ত্রায় বাঙ্গালা ভাষা বলিতেন।

সুপ্রসিদ্ধা পণ্ডিতা রমা বাইএর সহিত কাছারের উকিল

শ্রীযুক্ত বিপিনবিহারী দাসের বিবাহ সংঘটন।

মহারাজ্ঞিনী বিদূষী ও বাগ্মিনী প্রসিদ্ধা রমা বাইএর সহিত কাছারের উকীল শ্রীযুক্ত বিপিনবিহারী দাস, বি, এল্ এর শুভবিবাহ ইহাদের যত্ন ও চেষ্টায় সংঘটিত হইয়াছিল। বিপিনবাবু ইতিপূর্বে গোঁহাটী নর্থ্যাল স্কুলের হেড্ মাস্টার ছিলেন। গোঁহাটীতে অবস্থানকালে ইহাদের মনে প্রণয় বীজ উপ্ত হইয়াছিল। বিভারিজ্ সাহেব পরে হাইকোর্টের একজন মাননীয় জজ হইয়াছিলেন।

রঙ্গপুর জেলা স্কুলের ছাত্রদিগের মধ্যে নিম্নলিখিত ব্যক্তিবর্গ বিশেষ উল্লেখযোগ্য—

১। আকার রহিম্।

২। ষোগেজ্জনাত্ দাশ ( পরে প্রেসিডেন্সী কলেজের অধ্যাপক, জে, এন্, দাশগুপ্ত )।

৩। জগদীশচন্দ্র সেন ( বর্তমানে একজন উচ্চশ্রেণীর ডেপুটি ম্যাজিস্ট্রেট )।

৪। কিশোরীমোহন চৌধুরী ( রাজসাহীর উকীল বঙ্গদেশের ব্যবস্থাপক সভার সভ্য )।

৫। শশিলোচন মজুমদার, বি, এন্, ( গাইবান্ধার উকীল )।

৬। রজনীকান্ত সরকার, বি, এন্, ( নেল্ফামারির উকীল )।

### ডিব্রুগড় জেলা স্কুলের সেক্রেটারীর পদপ্রার্থী হইয়া আবেদন পত্র প্রেরণ।

রঙ্গপুরে দ্বিতীয় শ্রেণীর কলেজে কাৰ্য্য করিবার সময়ে আমি আসাম প্রদেশের ডিব্রুগড় জেলা স্কুলের দ্বিতীয় শিক্ষকের পদপ্রার্থী হইয়া আসাম প্রদেশের তদানীন্তন স্কুল ইনস্পেক্টর শ্রীযুক্ত ডাক্তার সি, এ, মার্টিন মহোদয়ের নিকট একখানি আবেদন পত্র পাঠাই। হেড্‌মাস্টার চন্দ্রবাবুকে আমার আবেদন পত্রখানি তাঁহার মন্তব্য সহ ম্যাজিস্ট্রেট ও ভাইস্ প্রেসিডেন্ট সাহেব মহোদয়ের নিকট পাঠাইতে অনুরোধ করি। ভাইস্ প্রেসিডেন্টএর অনুমতি ব্যতীত কোন স্থানে আবেদন পত্র পাঠান যাইত না। তৎকালে শ্রীযুক্ত লিভ্‌স্ সাহেব বাহাদুর রঙ্গপুরের ম্যাজিস্ট্রেট ও ডিষ্ট্রিক্ট কমিটির ভাইস্ প্রেসিডেন্ট ছিলেন। ইনি একজন বিশিষ্ট ভদ্রলোক ছিলেন। চন্দ্রবাবু প্রথমতঃ আমার আবেদন পত্র পাঠাইতেই চান না। অনেক বলার পরে উহা ম্যাজিস্ট্রেট সাহেব বাহাদুরের নিকট পাঠাইলেন কিন্তু



তাহার কোন মন্তব্য উহাতে লিপিবদ্ধ করিলেন না। আমি 'এডুকেশন ক্লার্ক শ্রীযুক্ত কাশীচন্দ্র দত্তকে বলিয়া রাখিয়াছিলাম যেন তিনি ম্যাজিস্ট্রেট সাহেব বাহাদুরের অনুমতি যাহাতে পাই তাহার জন্য চেষ্টা করেন। ম্যাজিস্ট্রেট সাহেব বাহাদুরের হস্তে আমার আবেদন পত্রখানি উঠিলে, তিনি কাশীবাবুকে জিজ্ঞাসা করেন যে এই মাষ্টারটি কেন রঙ্গপুর ছাড়িয়া স্বদূর ডিক্রগড়ে যাইতে চান। কাশীবাবু বলেন এখানে ইনি ২৫ টাকা বেতন পান, ডিক্রগড়ের কাজটি পাইলে ৫০ টাকা করিয়া বেতন পাইবেন। এই কথা শুনিয়াই সাহেব বাহাদুর আমার আবেদন পত্রের উপরে লিখিলেন Permitted to apply. He is doing very good work here অর্থাৎ আবেদন করিতে দেওয়া গেল, এ ব্যক্তি এখানে খুব ভাল কার্য্য করিতেছে। ইহাতে হেড মাষ্টার চন্দ্রবাবু আমার উপরে আরও অসন্তুষ্ট হইলেন। ডিক্রগড়ের দ্বিতীয় শিক্ষকের পদপ্রার্থী হইয়া আবেদন করার অল্প দিন পরেই আমি মালদহ জেলা স্কুলের চতুর্থ শিক্ষকের পদপ্রার্থী হইয়া আবারও একখানি আবেদনপত্র পাঠাইয়া দিলাম।

১৮৭৮ সনের ৩১শে জানুয়ারী তারিখে আমি ডিক্রগড়ের দ্বিতীয় শিক্ষকের পদে নিযুক্ত হইলাম। প্রথমতঃ ঐ পদটি দিনাজপুরের তৃতীয় শিক্ষক শ্রীযুক্ত কমলকৃষ্ণ সেনকে দেওয়া হইয়াছিল। তিনি স্বদূর ডিক্রগড়ে গেলেন না। তৎপরে বিষ্ণুগ্রামের মধ্য-ইংরাজী বিদ্যালয়ের হেড মাষ্টারকে উহা দেওয়া হইয়াছিল। তিনিও গেলেন না। তৎপরে আসাম প্রদেশের নওগাঁ জেলার তপোধর দত্তকে ঐ পদে নিযুক্ত করা হয়। ইনি এক, এ, পরীক্ষোত্তীর্ণ ছিলেন। ইনি ডিক্রগড়ে যাইয়া কয়েক মাস কার্য্য করিয়াছিলেন কিন্তু গণিতে তাহার ভাল জ্ঞান ছিল না; এজন্য প্রথম শ্রেণীর ছাত্রদিগের নিকট মধ্য মধ্য বড়ই অপদস্থ হইতেন। স্কুল ইনস্পেক্টর ডাক্তার মার্টিন মহোদয় যখন ডিক্রগড় জেলা স্কুল পরিদর্শন করিতে গিয়াছিলেন, তখন প্রথম শ্রেণীর

ছাত্রেরা তাঁহাকে বীজগণিতের কয়েকটা অঙ্ক ও জ্যামিতির কয়েকটা অতিরিক্ত সম্পাদ্য প্রতিজ্ঞা করিয়া দিতে অস্বীকার করে। সাহেব বাহাদুর বলেন “আমি কেন করিয়া দিব” তোমাদের দ্বিতীয় শিক্ষক মহাশয় ঐ সকল করিয়া তোমাদিগকে বুঝাইয়া দিবেন। তদন্তরে ছাত্রেরা বলে যে আপনি এমনই অযোগ্য শিক্ষক এখানে পাঠাইয়াছেন যে তিনি আমাদের এ সকল বিষয় বুঝাইয়া দিতে পারেন না। শ্রীযুক্ত তপোধর নিজের মান রক্ষার্থ চাকরী ছাড়িয়া দিয়াছিলেন। ইতিপূর্বে ষাঁহার ডিক্রগড় জেলা স্কুলের দ্বিতীয় শিক্ষক ছিলেন, তাঁহার হুই বি, এ, না হুই বি, এ, ফেলু ছিলেন।

১৮৭৪ সালের পূর্বে আসাম প্রদেশ, বঙ্গদেশের একটা অঙ্গ ছিল। কিন্তু ঐ সনে উহা বঙ্গদেশ হইতে বিচ্ছিন্ন হয়। স্বতরাং এখন আর বঙ্গদেশের শিক্ষকদিগকে জোর করিয়া আসামে পাঠাইবার যো ছিল না। কাজেই আর কোন ভাল শিক্ষক ডিক্রগড়ে যাইতেন না। এক সময়ে ডিক্রগড়ের বিখ্যাত উকীল শ্রীযুক্ত হরিশচন্দ্র বাক্চি, বি, এ, বি, এল্ এই স্কুলের দ্বিতীয় শিক্ষক ছিলেন।

## তৃতীয় অধ্যায়

মালদহ জেলা স্কুলের চতুর্থ শিক্ষকের পদে নিয়োগ

### মালদহ

পূর্বেই উক্ত হইয়াছে যে ডিব্রুগড়ের দ্বিতীয় শিক্ষকের পদ প্রার্থী হইবার অল্প দিন পরেই আমি মালদহ জেলা স্কুলের চতুর্থ শিক্ষকের পদ প্রার্থী হইয়া একখানি আবেদন পত্র পাঠাইয়া ছিলাম। ঐ পদের বেতন ছিল ২৫ টাকা মাত্র। আমিও রঙ্গপুরে ২৫ টাকা বেতন পাইতাম। সুতরাং সহজেই ঐ পদে নিযুক্ত হইতে পারিলাম। তখন মালদহ জেলা ভাগলপুর বিভাগের অন্তর্গত ছিল। এবং তখন ভাগলপুর বিভাগের স্কুল ইনস্পেক্টর ছিলেন স্বনামধন্য পুরুষ শ্রীযুক্ত ভূদেব মুখোপাধ্যায় মহাশয়।

ডিব্রুগড়ের দ্বিতীয় শিক্ষকের পদের ও মালদহ জেলা স্কুলের চতুর্থ শিক্ষকের পদের নিয়োগ পত্র এই পুস্তকের পরিশিষ্ট ভাগে প্রদত্ত হইবে।

রঙ্গপুর হইতে পূজার বন্ধে বাড়ী আসিবার সময়ে

তিনবার তিনপ্রকার বিপদে পড়া।

এই স্থানে বলা আবশ্যক যে রঙ্গপুর জেলা স্কুল—পরে হাই স্কুল—পূজার সময়ে দীর্ঘকালের জন্ত বন্ধ রহিত। পূজার সময়ে আমরা রঙ্গপুর-মাহিগঞ্জ হইতে নৌকা যোগে গোয়ালন্দে আসিতাম। গোয়ালন্দ হইতে রেলওয়ে যোগে রাণাঘাটে আসিতাম। তখন রাণাঘাট-কৃষ্ণনগর ছোট রেলওয়ে ও ইষ্টার্ন বেঙ্গল রেলওয়ের পোড়াদহ হইতে পার্কতৌপুর পর্যন্ত শাখা খোলা হয় নাই। মাহিগঞ্জ হইতে গোয়ালন্দ পর্যন্ত জলপথে আসিবার সময়ে আমরা তিনবার তিনটি

বিপদে পড়িয়াছিলাম। একবার জলদস্যুর হস্তে পড়িয়া বিপন্ন হইয়াছিলাম, কোন প্রকারে প্রাণ রক্ষা হইয়াছিল। আর একবার গোয়ালন্দের অপর পারের ভারেন্দ্রা গ্রাম ছাড়িয়া গোয়ালন্দে আসিবার পথে “পদ্মানদীর” উপর প্রবল ঝড়ের কোপে পড়িয়াছিলাম। এবারে আমাদের নৌকাখানি ছাড়িয়া দিয়া ছান্দির নৌকা করিয়া পদ্মায় গাড়ি দিতে হইয়াছিল। এবার আরোহী সহ অনেক নৌকা পদ্মাগর্ভে নিমজ্জিত হইয়াছিল। তৃতীয় বারে পদ্মার পাকে পড়িয়াছিলাম। মাঝিরা আমাদেরকে নিজ নিজ দেবতার নাম করিতে বলিয়া নৌকা হইতে ঝাঁপাইয়া পড়িয়া নিজেদের প্রাণরক্ষার চেষ্টা করিয়াছিল। কিন্তু আমরা তাহাদিগকে উৎসাহ দিয়া জোরে দাঁড় টানিতে বলায় তাহারা উহা করিয়াছিল, তাহাতে আমাদের প্রাণ রক্ষা হইয়াছিল। তখন পাকটীও ক্ষীণ শক্তি হইয়া আসিতেছিল।

### রঙ্গপুরে যাইবার রেলপথ উদঘাটন

দেবারে মালদহ জেলা স্কুলে বদলী হই, সেইবার পার্কতীপুর পর্যন্ত রেললাইন প্রথমে খোলে। তখন কিছুদিনের জন্ত পার্কতীপুর হইতে মালঞ্চ নামক স্টেশন পর্যন্ত রেলগাড়ী আসিত, তথা হইতে ষ্টিমার যোগে “পদ্মা” পার হইয়া কুষ্টিয়া পর্যন্ত আসিতে হইত। যে দিন প্রথম এই রেল লাইন খোলে সেদিন আমরা বিনা ভাড়ায় আসিতে পাইয়াছিলাম। তখনও আত্মীয় প্রভৃতি বহু নদীর উপরিস্থিত পুল সম্পূর্ণরূপে নিশ্চিত হয় নাই। ঐ সমস্ত নদী নৌকা যোগে পার হইতে হইয়াছিল। মালঞ্চ আসিয়া আমরা ষ্টিমার পাই নাই। সারাঘাট হইতে ষ্টিমার আসিবার কথা ছিল, আমরা ছান্দির নৌকা করিয়া পদ্মা পার হইয়া কুষ্টিয়ায় আসিয়াছিলাম। কুষ্টিয়া হইতে রেল যোগে রাণাঘাটে আসিয়াছিলাম। মালদহ জেলা স্কুলের কার্যে আমি দুর্গা-পূজার পরে যাইতে আদিষ্ট হইয়াছিলাম। স্মরণীয় পূজার বন্ধের পরে

আমাকে রঙ্গপুর হাই স্কুলে যাইয়া নিজ কার্যে উপস্থিত হইতে হইয়াছিল। যে পথ দিয়া পূজার পূর্বে বাড়ী আসিয়াছিলাম সেই পথ দিয়াই আবার আমাদিগকে রঙ্গপুর ফিরিয়া যাইতে হইয়াছিল।

### রঙ্গপুর হাই স্কুল হইতে অবসৃত হইবার তারিখ

১৮৭৭ সালের ১১ই নভেম্বর তারিখে আমি রঙ্গপুর হাই স্কুলের কাৰ্য্য হইতে অবসর পাইয়াছিলাম। অবসর পাইবার সময়ে আমি হেড্‌ মাষ্টার চন্দ্রবাবুকে আমার সাভিস্ বুকে মন্তব্যের বা চরিত্রের ঘরে তাঁহার মন্তব্য লিপিবদ্ধ করিতে অনুরোধ করায় তিনি বলিয়াছিলেন যে “আমি লিখিতে পারি—Excellent for the present অর্থাৎ বর্তমান সময়ে খুবই ভাল। এই কথা লিখিলে বুঝাইতে পারিত পূর্বে আমার চরিত্র ভাল ছিল না। এই কথা শুনিয়া আমি বলিয়াছিলাম ধন্যবাদ মহাশয়, আপনার কিছু লিখিবার আবশ্যক নাই, কাজেই তিনি কিছু লেখেন নাই। হাই স্কুলের তৃতীয় শিক্ষক শ্রীযুক্ত বাবু তারাপদ ঘোষাল, এম্‌, এ মহাশয় পরে একখানি আমার নিকট মালদহে সার্টিফিকেট লিখিয়া পাঠাইয়া ছিলেন। উহা পরিশিষ্ট ভাগে প্রদত্ত হইবে।

### পূর্ত বিভাগের একাউন্ট্যান্ট বা হিসাব রক্ষকের

#### কার্য্যের জন্য পরীক্ষা দেওয়া।

রঙ্গপুর হাই স্কুলে কার্য্য করিবার সময়ে, আমি পি, ডবলিউ, ডি, অর্থাৎ পূর্ত বিভাগের চতুর্থ শ্রেণীর একাউন্ট্যান্ট বা হিসাব রক্ষকের পরীক্ষা দিয়াছিলাম। এই পরীক্ষা ইঞ্জিনিয়ারিং কলেজের অধ্যক্ষ লিখিত প্রশ্নের দ্বারা গ্রহণ করিতেন। তখন ইঞ্জিনিয়ারিং কলেজ কলিকাতার প্রেসিডেন্সি কলেজের অঙ্গীভূত ছিল এবং সুপ্রসিদ্ধ অধ্যাপক টনি সাহেব মহোদয় তখন প্রিন্সিপাল বা অধ্যক্ষ ছিলেন। পাটীগণিত, মানসিক, ক্রতলিপি ও হস্তাক্ষরে পরীক্ষা গৃহীত হইত।

জেলার একজিকিউটিভ বা ডিষ্ট্রিক্ট ইঞ্জিনিয়ারের নিকট লিখিত প্রশ্ন প্রেরিত হইত। শ্রুতলিপি মাত্র একজিকিউটিভ বা ডিষ্ট্রিক্ট ইঞ্জিনিয়ার কোন একখানি পুস্তক হইতে মনোনীত করিয়া লইতেন। তখন রঙ্গপুরের ডিষ্ট্রিক্ট ইঞ্জিনিয়ার ছিলেন রবিন্সন্ সাহেব। রঙ্গপুরে আমরা দুইজন পরীক্ষার্থী ছিলাম। আমি ও রঙ্গপুর হাই স্কুলের কেরাণী শ্রীযুক্ত জানকীনাথ মজুমদার—কলিকাতার ডাক্তার প্রতাপচন্দ্র মজুমদারের সহোদর ভ্রাতা। পরীক্ষায় পাটীগণিত ও মৌখিক অঙ্কের প্রশ্নগুলি বড়ই জটিল ছিল। একটা দশমিকের ভাগহার ছিল যাহার ভাগফলে ১৩টা অঙ্কের পরে পৌনঃপুনিক দশমিক অঙ্ক বাহির হইয়াছিল। মৌখিক অঙ্কের প্রশ্নগুলিও খুব কঠিন ছিল। ডিষ্ট্রিক্ট ইঞ্জিনিয়ার রবিন্সন্ সাহেব নূতন লোক ছিলেন। তিনি আর কখনও এই পরীক্ষায় শ্রুতলিপির অংশ নির্বাচন করেন নাই। তিনি এত অধিক লিখিতে দিয়াছিলেন যে ফুলস্বাপ কাগজের পাঁচ পৃষ্ঠা উহা লিখিতে নিঃশেষিত হইয়াছিল। বলিবার সময়েও তিনি স্থানে স্থানে ভুল করিয়াছিলেন। কাজেই স্থানে স্থানে আমাদের লেখাও কাটিতে হইয়াছিল। যেটুকু শ্রুতলিপি লেখা হইত সেইটুকু হইতে হস্তাক্ষরের পরীক্ষা হইত। আমি অগ্রাণু বিষয়ে উত্তীর্ণ হইয়া মাত্র হস্তাক্ষরে অকৃতকার্য হইয়াছিলাম। জানকীবাবু একাধিক বিষয়ে অকৃতকার্য হইয়াছিলেন। পরীক্ষার ফল বাহির হইলে রবিন্সন্ সাহেব আমাকে জিজ্ঞাসা করিয়াছিলেন যে বর্ষায় আমি ৮০ টাকা বেতনে একজিকিউটিভ ইঞ্জিনিয়ারের আফিসে হিসাব রক্ষকের কার্যে নিযুক্ত হইয়া যাইতে ইচ্ছা করি কি না। তখন নিম্ন বর্ষা মাত্র ইংরাজ শাসনের অধীন ছিল। আমি যাইতে অস্বীকার করিয়াছিলাম। গেলে ভালই হইত।

**মালদহ জেলা স্কুলের চতুর্থ শিক্ষকের কার্যভার গ্রহণ**

১৮৭৭ সনের ১২ই নভেম্বর তারিখে আমি মালদহ জেলা স্কুলের চতুর্থ শিক্ষকের কার্যভার গ্রহণ করি। তখন ব্রহ্মশাসন নিবাসী শ্রীযুক্ত

শিবদাস ভট্টাচার্য্য মহাশয় মালদহ জেলা স্কুলের হেড্‌ মাষ্টার ছিলেন। ইনি ইতিপূর্বে আর কখনও হেড্‌ মাষ্টারী করেন নাই। ইনি পূর্বে বালেশ্বর জেলার স্কুল ডেপুটি ইনস্পেক্টর ছিলেন। যখন লাট-সাহেব শ্রী জর্জ কাশেল মহোদয়ের সময়ে ভেদনীতি অবলম্বন করিয়া উড়িয়া ও আসামীয়া ভাষা বাকলা ভাষার অঙ্গ নহে, স্বতন্ত্র ভাষা বলিয়া বড়ই ধুম পড়িয়া গিয়াছিল, তখন শিবদাস বাবু ও বালেশ্বর জেলা স্কুলের পণ্ডিত নবদ্বীপবাসী শ্রীযুক্ত কান্তিচন্দ্র ভট্টাচার্য্য একযোগে সম্বাদ পত্রে লিখিতে আরম্ভ করিয়াছিলেন যে উড়িয়া ভাষা স্বতন্ত্র ভাষা নহে। উড়িয়া ভাষা স্বতন্ত্র ভাষা নহে বলিয়া ধারাবাহিকরূপে সম্বাদ পত্রে প্রবন্ধ প্রকাশিত হওয়ায় শিবদাসবাবু লাট সাহেবের কোপ-দৃষ্টিতে পড়িয়া ছিলেন। ইহার ফলে তিনি বালেশ্বর জেলা হইতে বাঁকুড়া জেলায় বদলী হন। বাঁকুড়ায় আসার পরে যখন ৫ টাকা বেতনে গ্রাম্য গুরুমহাশয়েরা লাট সাহেবের নব প্রতিষ্ঠিত পাঠশালার শিক্ষক নিযুক্ত হইতে লাগিলেন, তখন আবার শিবদাস বাবু গ্রাম্য গুরুমহাশয়েরা তাঁহাদের ছাত্রদিগের নৈতিক চরিত্র গঠনে সম্পূর্ণ অক্ষপাণু বলিয়া রিপোর্ট করেন। যৎকালে লাট সাহেব ক্যাসেল বাহাদুর বাঁকুড়া জেলা পরিদর্শনে যান, তখন তিনি শিবদাস বাবুকে তাঁহার নিকটে ডাকাইয়া আনিয়া স্পষ্টাক্ষরে বলিয়াছিলেন, যে আমি যখন শিক্ষা সম্বন্ধে যে কার্য্য করিতে যাই—তখনই তুমি তাহার প্রতিবাদ ও তীব্র সমালোচনা করিয়া থাক। এজন্য তোমাকে অপেক্ষাকৃত ডেপুটি ইনস্পেক্টরের গুরুতর কার্য্যভার হইতে সরাইয়া লইয়া হেড্‌ মাষ্টারের কার্য্যে নিযুক্ত করিতেছি। ভবিষ্যতে আমার কার্য্যের সমালোচনা করিলে তোমাকে এককালেই পদচ্যুত করিব। ইহার কিছুদিন পরেই শিবদাস বাবু মালদহ জেলা স্কুলের হেড্‌ মাষ্টারের পদে নিযুক্ত হইয়াছিলেন। ডেপুটি ইনস্পেক্টরের পদ গেজেটেড্‌ পদ ছিল। হেড্‌ মাষ্টারের পদ তখন গেজেটেড্‌ পদ ছিল না। ইতিপূর্বে শ্রীযুক্ত উমেশচন্দ্র সেন মালদহ জেলা

স্কুলের হেড্‌ মাষ্টার ছিলেন। তাঁহাকে বগুড়া জেলা স্কুলের হেড্‌ মাষ্টারের কার্যে বদলী করা হইল। বগুড়া জেলা স্কুলের হেড্‌ মাষ্টার সিনিয়র স্কলার শ্রীযুক্ত চন্দ্রকান্ত মৈত্র ছিলেন। উপযুক্তপরি তিন চার বৎসরকাল ব্যাপিয়া মালদহ ও বগুড়া জেলা স্কুলের কোন ছাত্রই প্রবেশিকা পরীক্ষায় উত্তীর্ণ হইতে পারে নাই। চন্দ্রকান্ত মৈত্র মহাশয়কে “পাবনা” জেলা স্কুলের হেড্‌ মাষ্টারের পদে বদলী করা হইল। এবং পাবনা জেলা স্কুলের হেড্‌ মাষ্টার শ্রীযুক্ত ব্রজমোহন রায় মহাশয় দেশীয় সিভিল সাভিস্ পরীক্ষায় উত্তীর্ণ হইয়া ডেপুটি ম্যাজিষ্ট্রেট হইলেন।

শিবদাস বাবু এই প্রথম হেড্‌ মাষ্টার হইয়া মালদহ জেলা স্কুল হইতে বাছিয়া বাছিয়া তিনটা ছাত্রকে প্রবেশিকা পরীক্ষার্থ পাঠাইয়া ছিলেন। আমি মালদহ যাইয়া ইংরাজ বাজারে তাঁহার বাসায় গিয়া উঠিলাম। তিনি তখন কালেক্টরির হেড্‌ ক্লার্ক শ্রীযুক্ত মহেন্দ্রনাথ চক্রবর্তী মহাশয়ের সহিত এক বাসায় থাকিতেন।

আমি তাঁহার বাসায় উঠিবামাত্র তিনি পাটীগণিতের একটা ঠক্ বা কোম্পানী কাগজের জটিল অঙ্ক আমাকে কষিতে দিলেন। বলিলেন আমি অনেক চেষ্টা করিয়াও এই অঙ্কটি করিতে পারি নাই। আমি অঙ্কটি কষিয়া দিলাম। ইহাতে তিনি আমার উপরে অত্যন্ত সন্তুষ্ট হইয়া বলিলেন বেশ হইয়াছে, আমার সেকেন্ড মাষ্টার, গোলোকবাবু পীড়ানিবন্ধন তিন মাসের বিদায়ে গেছেন। তুমি চতুর্থ শিক্ষক হইয়া আসিলেও এখন দ্বিতীয় শিক্ষকের কার্য তোমাকে করিতে হইবে; কিন্তু ঐ বাবতে তুমি অতিরিক্ত বেতন পাইবে না। আমি আহ্লাদ সহকারে তাঁহার প্রস্তাবে সম্মত হইলাম। এই সেকেন্ড মাষ্টার গোলোকচন্দ্র চক্রবর্তী মহাশয় ইতিপূর্বে ডিব্রুগড় স্কুলের সেকেন্ড মাষ্টার ছিলেন এবং কিছুকালের জন্ত উপর আশামের একটিং ডেপুটি ইনস্পেক্টরও ছিলেন। ডেপুটি ইনস্পেক্টরের কার্য করার সময়ে ইনি “চা” বারগানের কোন মেমসাহেবকে ছাত্র বন্ধ করিয়া সেলাম না করাতে সাহেবেরা ইহার



উপর চট্টগ্রাম যান। এবং একযোগে তখনকার আসাম, রাঙ্গালা, বিহার ও উড়িষ্যার শিক্ষাবিভাগের ডিরেক্টর সাহেব রাহাচুরের নিকট ইহাকে স্কুলের কুরিয়ার জন্ত চিঠি লেখেন। ইহার ফলে গোলোকবাবু ৪০ টাকা বেতনে গোহাটি জেলা স্কুলের চতুর্থ শিক্ষকের পদে অবনত হন। পরে ৫০ টাকা বেতনে মালদহ জেলা স্কুলের সেকেন্ড মাস্টার হইয়া আসেন। উত্তরকালে ইনি কুমুনগর কলেজিয়েট স্কুলের হেড মাস্টার হইয়াছিলেন।

মালদহ জেলা স্কুলের চতুর্থ শিক্ষকের পদপ্রার্থী হইয়া ফাষ্ট আর্টস পরীক্ষোত্তীর্ণ এক ব্যক্তি আবেদন করিয়াছিলেন, ইনি সেকেন্ড মাস্টার মহাশয়ের সহোদর ভ্রাতা। হেড ক্লার্ক মহেন্দ্রবাবুর ভ্রাতা এফ এ, পরীক্ষায় ফেল হইয়া এখন তাঁহার মালদহের বাসায় অবস্থিতি করিতে ছিলেন। ইনিও উক্ত পদপ্রার্থী ছিলেন। সেকেন্ড মাস্টারের সহিত হেড মাস্টারের বড়ই ঝগড়া বিবাদ চলিতেছিল। এই জন্ত হেড মাস্টার মহাশয় ডিস্ট্রিক্ট কমিটির মিটিংএ বলেন যে একাকী সেকেন্ড মাস্টারই আমাকে অস্থির করিয়া তুলিয়াছেন আবার যদি তাঁহার ভ্রাতা চতুর্থ শিক্ষক হইয়া আসেন তাহা হইলে আমি আর এখানে তিষ্ঠিতে পারিব না। হেড মাস্টার মহাশয় এই কথা বলায় সেকেন্ড মাস্টার মহাশয়ের ভ্রাতা এফ এ পরীক্ষায় উত্তীর্ণ হইলেও উক্ত পদে নিযুক্ত হইতে পারেন নাই। মহেন্দ্র বাবুর ভ্রাতা কখনও শিক্ষকতা করেন নাই; কাজেই তিনি উক্ত পদে নিযুক্ত হইতে পারেন নাই। হেড ক্লার্ক বাবু এই নিমিত্ত শিবদাস বাবুর উপর অসন্তুষ্ট ও বিরক্ত হইয়াছিলেন। আমি প্রাতঃকালে তাঁহার বাসায় যাইয়া উঠি। আমি জ্ঞাতিতে মোদক—হেড ক্লার্ক বাবু পূর্বেই শুনিয়াছিলেন। আমি বাসায় উপস্থিত হইয়া ইনি শিবদাস বাবুকে বলেন যে “আমি ময়ূরার সহিত একত্রে বসিয়া ভোজন করিব না।” এই কথা শুনিয়াই শিবদাস বাবু সেই দিন হইতে আর ঐ বাসায় ভোজন করেন নাই। তিনি আমাকে বলিয়া গেলেন যে তিনি অগত্যা ভোজন করিবেন। আমাকে

ঐ বাসায় খাইতে বলিয়া গেলেন। শিবদাস বাবু, মুনসেফ্, শ্রীযুক্ত উমাচরণ দত্ত মহাশয়ের বাসায় যাইয়া সে বেলা ভোজন করিলেন এবং সেই দিনই বাজারের মধ্যে একটা দ্বিতল বাড়ী মাসিক ৭৮ টাকায় ভাড়া করিয়া সেই দিনই অপরাহ্নে আগাকে লইয়া সেই বাসায় গেলেন। রাত্রি কালে আমিও মুনসেফ্ বাবু বাসায় ভোজন করিলাম। হেড্, ক্লার্ক মহেন্দ্রবাবু আমাব সহিত কোনরূপ অসদ্ব্যবহার করিলেন না; তিনি আমার সহিত একস্থানে বসিয়া আহার করিলেন। আমার সহিত একত্রে বসিয়া ভোজন করিবেন না বলিয়াছিলেন একথা আমাকে কোনরূপে জানিতে দিলেন না। আমবা আমাদের নূতন বাসায় একজন পাচক ব্রাহ্মণ রাখিয়া দিলাম ও আমরা পরম স্বখে কাল কাটাইতে লাগিলাম। যৎকালে আমি মালদহ জেলা স্কুলের চতুর্থ শিক্ষকের পদ-প্রার্থী হই সেই সময়ে আমাদের গ্রামের পূজনীয় জ্যেষ্ঠাগ্রজ-সম শ্রীযুক্ত কেশদারনাথ রায় মহাশয় আমাব সম্বন্ধে শিবদাসবাবুকে এই মন্তব্যে একখানি চিঠি লিখিয়াছিলেন—“এক রামেশ্বর সেন তোমাকে যে পরিমাণে জ্বালাতন করিয়াছেন অপর রামেশ্বর সেন তোমাকে সেই পরিমাণে সন্তোষ প্রদান করিবে” এই এক রামেশ্বর সেন ছিলেন বাঁকুড়া ট্রেনিং স্কুলেব হেড্, মাষ্টার। অনেক দিন পরে ইনি বাঁকুড়ার ডেপুটি ইনস্পেক্টর হইয়াছিলেন। শিবদাসবাবু যখন বাঁকুড়ার ডেপুটি ইনস্পেক্টর ছিলেন সেই সময়ে এই রামেশ্বর সেন স্মল-কজ কোর্টের হেড্, ক্লার্ক উপেন্দ্রনাথ মুখোপাধ্যায়ের সহিত মিলিত হইয়া শিবদাস বাবুকে নানা প্রকারে জ্বালাতন করিয়াছিলেন; এমন কি বাহাতে ইনি পদচ্যুত হন এরূপ চেষ্টাও করিয়াছিলেন। এই উপেন্দ্রনাথ মুখোপাধ্যায় ছিলেন হাইকোর্টের তদানীন্তন নামজাদা উকীল শ্রীযুক্ত জগদানন্দ মুখোপাধ্যায়ের ভাতৃপুত্র।

শিবদাসবাবু প্রকৃতই শিবতুল্য উদার প্রকৃতি লোক ছিলেন। ইহাকে আপনি বলিলে ভাল বাসিতেন না, বলিতেন “আপনি বন্ধিল

সাত হাত তফাতে থাকিতে হয়, তুমি বলিলে নিকটে আসে আর তুই বলিলে কোলাকুলি ও গলাগলি হয়”। যে কয়েক মাস মালদহে ছিলাম, আমরা এক বাসাতেই ছিলাম। শিবদাসবাবু আমাকে তাঁহার কনিষ্ঠ সহোদরের মতন দেখিতেন এবং বিশেষ স্নেহ করিতেন ও ভাল বাসিতেন। এই সময়ে ইনি ১০০ টাকা মাত্র বেতন পাইতেন। দুইটা ভাই তারাদাস ও যুগদাসকে কলিকাতায় রাখিয়া কলেজে পড়াইতে হইত। তারাদাস মেডিক্যাল কলেজের পঞ্চম বার্ষিকী শ্রেণীতে ও যুগদাস General Assembly's Institution এর দ্বিতীয় বার্ষিকী শ্রেণীতে পড়িত। দুই ভাইকে প্রতিমাসে ৪০ টাকা দিতে হইত। ব্রহ্মশাসনের বাড়ীতে ভগিনীর, জ্বরী ও অগ্ন্যাশ্র ব্যক্তিদিগের খরচের জন্ত মাসিক ২৫ টাকা হিসাবে দিতে হইত। এই ৬৫ টাকা দিয়া বাবী ৩৫ টাকায় মালদহের বাসা খরচ ও অগ্ন্যাশ্র খরচ চালাইতে হইত। এবারে তারাদাস মেডিক্যাল কলেজের শেষ পরীক্ষায় অকৃতকার্য হওয়াতে শিবদাসবাবু আমাকে বলেন যে আর পারি না। তারাদাসের পড়া বন্ধ করিয়া দিই। যুগদাস তীক্ষ্ণবুদ্ধি ও মেধাবী আছে, উহাকেই পড়ান যাক। তাহাতে আমি বলি “না এ বৎসরটাও তারাদাসকে পড়াইতে হইবে। তারাদাস কোন্ পরীক্ষায় প্রথম চেষ্টাতে উত্তীর্ণ হইয়াছে? প্রবেশিকা পরীক্ষায় তৃতীয় বারে উত্তীর্ণ হইয়াছিল। মেডিক্যাল কলেজের তৃতীয় বার্ষিকী পরীক্ষায় উত্তীর্ণ হইতে উহার তিন বৎসর লাগিয়াছে। আপনি কিরূপে আশা করিতে পারেন যে সে একবারের চেষ্টায় মেডিক্যাল কলেজের শেষ পরীক্ষায় উত্তীর্ণ হইবে?” আমার পরামর্শানুসারেই কার্য হইল। তারাদাসকে আর এক বৎসর পড়াইতে হইল। পর বৎসরে তারাদাস এল, এম, এমু পরীক্ষায় উত্তীর্ণ হইল। তারাদাস পরীক্ষায় উত্তীর্ণ হইয়া বর্দ্ধমানের মহারাজা কর্তৃক ডাক্তার নিযুক্ত হইয়া মৃত্যুকাল পর্যন্ত কালনায় ডাক্তারী করিয়াছিল।

যুগদাস বি, এল, পাশ করিয়া মজঃফরপুরে ওকালতি করিত। কিছুদিনের জন্ত Acting Munsif হইয়াছিল। এই সময়ে শিবদাসবাবু মজঃফরপুর জেলা স্কুলের হেড্‌মাষ্টার ছিলেন এবং ২০০ টাকা বেতন পাইতেন। শিবদাসবাবু আমার পরামর্শ লইয়া প্রায়ই কার্য্য করিতেন। শিবদাসবাবুদিগের বাড়ী হইতেই খ্রীশ্চীজগদ্ধাত্রী মূর্তির প্রকাশ ও পূজার প্রচার হইয়াছিল। ইহাদের পূর্বপুরুষ স্বপ্রসিদ্ধ পণ্ডিত চন্দ্রচূড় ত্রায়পঞ্চানন ও পদ্মনোচন সার্বভৌম নদীয়া জেলার পণ্ডিতদিগের মধ্যে দুইটা উজ্জল রত্ন ছিলেন।

আমার মালদহের নিয়োগ পত্রে লেখা ছিল Subject to the confirmation of the Inspector of Schools, অর্থাৎ স্কুল ইনস্পেক্টরের সম্মতি প্রাপ্ত হইলে কার্য্যে পাকা ও স্থায়ীভাবে নিযুক্ত হইবে। এফ্, এ, পরীক্ষায় উত্তীর্ণ সেকেণ্ড মাষ্টারের ভ্রাতা ঐ পদ না পাওয়ায় ইনস্পেক্টর বাহাদুরের নিকট আপীল করিয়াছিলেন। এদিকে আমি আমার রঙ্গপুর হাই-স্কুলের স্থায়ীপদ পরিত্যাগ করিয়া মালদহে গিয়াছি। সুতরাং ঐ পদে পাকা হইতে না পারিলে আমারও চাকরী যায়। এই সময়ে বিহার বিভাগের স্কুল ইনস্পেক্টর ছিলেন স্বনামধন্য পুরুষ শ্রীযুক্ত ভূদেব মুখোপাধ্যায় মহাশয়। ভূদেববাবু এই আপীল পাইয়া মালদহের ডিস্ট্রিক্ট কমিটীকে লিখিয়া পাঠাইলেন যে—সমস্ত আবেদন পত্রগুলিই তাঁহার নিকট পাঠাইয়া দেওয়া হউক। তাঁহার আদেশ অনুসারে আবেদন পত্রগুলি তাঁহার অফিসে প্রেরিত হইল। সেকেণ্ড মাষ্টারের ভ্রাতাকে যে কারণে ঐ পদ দেওয়া হয় নাই তাহাও লিখিয়া দেওয়া হইল। অবশ্য ভাইস্ প্রেসিডেন্ট বা জেলার ম্যাজিস্ট্রেট সাহেব বাহাদুরই লিখিলেন। ভূদেববাবু এই সমস্ত আবেদন পত্র দেখিয়া শুনিয়া নিম্নলিখিতভাবে ডিস্ট্রিক্ট কমিটির সম্পাদককে চিঠি লিখিলেন, উহার অনুলিপি নিয়ে প্রদত্ত হইল।

No.  $\frac{T}{290}$

From—The Inspector of schools, Bihar Circle.

To—The Secretary, to the D. C. P. I., Maldah.

CAMP ARRAH,

*Dated the 8th December 1877.*

Sirs,

In returning the applications submitted to you for the Fourth Mastership of the Maldah Zila School endorsed in your letter No. 236 of the 28th ultimo.

I have to remark \* \* \* \* \*  
only one applicant had passed the First Arts Examination of the Calcutta University, and although the appointment was not given to him it has been given to apparently the best of the candidates who had failed to pass that Examination.

\* \* \* \* \*  
In conclusion I would remark that not seeing anything particularly objectionable to the appointment of Babu Rameswar Sen, I concur in the choice made of him by the Committee, as the 4th Master of Zila School of Maldah.

*I have etc.,*

(Sd.) BHUDEB MUKHERJEE,

*Inspector of Schools, Bihar Circle.*

No. .

*Extracts furnished to Babu Rameswar Sen, 4th Master, Maldah Zila School, with reference to his application dated 24th February 1878.*

MALDAH,

(Sd.) S. B. BHATTACHARJEE,

*Dated the 24th Feb. 1878.*

*Secretary, D.C.P.I., Maldah.*

উপরের চিঠিখানি সম্পূর্ণ চিঠি নহে। যে টুকু আমার সম্বন্ধে আবশ্যক সেইটুকুই পূর্ণ চিঠিটুকু হইতে উদ্ধৃত করিয়া আমাকে দেওয়া হইয়াছিল। এই চিঠিতে আরও অনেক কথা লেখা ছিল তন্মধ্যে এইটা উল্লেখযোগ্য। ইনস্পেক্টর মহোদয় উহাতে লিখিয়াছিলেন যে কমিটি নিজে নিযুক্ত না করিয়া যদি তাঁহাকে এই পদে লোক নিযুক্ত করিবার ভার দিতেন, তাহা হইলে তিনি বি, এ, পরীক্ষায় অল্পতীর্ণ লোক এই পদে নিযুক্ত করিয়া পাঠাইতে পারিতেন ফলতঃ পরে তাহাই করিয়াছিলেন। আমি কয়েকদিন সেকেণ্ড মাষ্টারের কাৰ্য্য করার পরে শ্রীযুক্ত মতিলাল মুখোপাধ্যায় নামক বি, এ, ফেল্ এক ব্যক্তি ২৫ টাকা বেতনে সেকেণ্ড মাষ্টারের অল্পপস্থিতি কালে তৎপদে কাৰ্য্য করিবার জগ্ন মালদহে আসিয়া উপস্থিত হইলেন। মতিবাবু আসিয়াই আমাদের বাসায় ছিলেন। ইনি বড়ই ভদ্রলোক ছিলেন। ইনি স্বগীয় মদনমোহন তর্কালঙ্কারের নাতজামাই ও চুঁচুড়ার শ্রীযুক্ত মাধবচন্দ্র রায় মহাশয়ের জামাতা। মাধববাবু ভূদেববাবুর একজন বিশেষ বন্ধু ছিলেন। ইহাকেই চতুর্থ শিক্ষকের পদে নিযুক্ত করিবার ইচ্ছা ছিল; এবং আমি মালদহ ছাড়িয়া ডিক্রগড় যাত্রা করিলে ইনিই আমার স্থলাভিষিক্ত হইয়াছিলেন। ভূদেববাবু ব্রাহ্মণ ভিন্ন অপর জাতীয় লোককে চাকরী দিতে চাহিতেন না এবং নিয়ম বান্ধিয়াছিলেন যে প্রবেশিকা পরীক্ষোত্তীর্ণ ব্যক্তিবর্গকে ১১ টাকা হইতে ১২ টাকা বেতনের কার্য্যে নিযুক্ত করিবেন। এফ, এ পরীক্ষোত্তীর্ণদিগকে ২০ টাকা হইতে ২২ টাকা পর্য্যন্ত বেতনের চাকরী দিবেন। বি, এ, পরীক্ষোত্তীর্ণদিগকে ৩০ টাকা হইতে ৪০ টাকা পর্য্যন্ত বেতনের কার্য্যে নিযুক্ত করিবেন। তদূর্দ্ধ বেতনের পদে এম, এ, পরীক্ষায় উত্তীর্ণ বা বি, এ, পরীক্ষায় উত্তীর্ণ অথচ অভিজ্ঞ, বহুদর্শী শিক্ষকদিগকে নিযুক্ত করিবেন। কার্য্যেও ঐরূপ করিতেন। প্রায় পরিচিত ব্রাহ্মণ জাতীয় ব্যক্তি ভিন্ন অপরকে চাকরী দিতে চাহিতেন না।

সেকেণ্ড মাষ্টারের অনুপস্থিতি সময়ে আমি যে অল্পকালের জন্ত তাঁহার কার্য্য করিয়াছিলাম, সেই সময়ে আমি প্রথম, দ্বিতীয়, তৃতীয় ও চতুর্থ শ্রেণীতে গণিত শিক্ষা দিতাম এবং তৃতীয় শ্রেণীতে ইংরাজী সাহিত্য পড়াইতাম।

প্রথম শ্রেণীতে কিশোরী নামে একটি ছাত্র ছিল। তাহার ইংরাজী সাহিত্য ও গণিতে জ্ঞান দেখিয়া আমি শিবদাসবাবুকে বলিয়াছিলাম যে আপনি ইহাকে প্রবেশিকা পরীক্ষার্থ পাঠান নাই কেন? ইহাকে পাঠাইলে এ অন্ততঃ দ্বিতীয় বিভাগে উত্তীর্ণ হইতে পারিত। তদন্তরে শিবদাসবাবু বলিয়াছিলেন যে তিনটি ছাত্র পাঠাইয়াছি, ইহাদের মধ্যে ১৥০ দেড়টি পাস হইলেও আমি সন্তুষ্ট হইব। আমি ঐ তিনটি ছাত্রকে বাশায় আনিয়া তাহাদের পরীক্ষার প্রশ্নগুলি হাতে লইয়া তাহাদিগকে জিজ্ঞাসা করি—কোন প্রশ্নের তাহারা কি উত্তর দিয়াছে। তাহাদের উত্তর শুনিয়া আমি বলিয়াছিলাম যে তিনটি ছাত্রই ভালরূপে উত্তীর্ণ হইবে। বস্তুতঃ তাহাই হইয়াছিল। তিনটির মধ্যে দুইটি প্রথম বিভাগে ও অপরটি দ্বিতীয় বিভাগে উত্তীর্ণ হইয়াছিল। প্রথম বিভাগে উত্তীর্ণ একটি ছাত্র গুণাত্মসারে প্রথম বিভাগের বিংশ স্থান অধিকার করিয়াছিল। সুতরাং শিবদাসবাবু একজন সুযোগ্য হেড্ মাষ্টার বলিয়া বিবেচিত হইলেন। বগুড়া স্কুল হইতে ছয়টি ও পাবনা স্কুল হইতে ১৪টি ছাত্র এইবারে উত্তীর্ণ হইয়াছিল। সুতরাং উমেশবাবু ও চন্দ্রকান্তবাবুও যশোলাভ করিলেন। ইতিপূর্বে ইহারা উভয়ে অযোগ্য ও অকৃতকার্য্য শিক্ষক বলিয়া পরিগণিত ছিলেন।

মালদহ জেলা স্কুলে আমি ১৮৭৭ সালের ১২ই নভেম্বর হইতে ১৮৭৮ সনের ২৫শে জানুয়ারী পর্য্যন্ত কার্য্য করিয়াছিলাম। আমি ঐ স্কুলে বদলি হইয়া সাইবার পূর্বে ঐ স্কুলে ৫টি মাত্র মাষ্টার ও একজন পণ্ডিত ছিলেন। ছাত্র সংখ্যা ক্রমশঃ বৃদ্ধি প্রাপ্ত হওয়ায় আর একটি শিক্ষকের প্রয়োজন হইয়াছিল। সুতরাং ২৫ টাকা

বেতনের একটি শিক্ষকের পদ সৃষ্টি হইয়াছিল। ঐ পদেই আমি নিযুক্ত হইয়াছিলাম।

পূর্বেরকার চতুর্থ শিক্ষক শ্রীযুক্ত বাবু বিপ্রদাস সেন বিশেষ উপযুক্ত না থাকায়, তাঁহাকে পঞ্চম শিক্ষকের পদে অবনত করিয়া, আমাকে চতুর্থ শিক্ষকের পদ দেওয়া হইয়াছিল। প্রথম শ্রেণী পর্য্যন্ত গণিত শিক্ষা দিবার জন্তই আমাকে নিযুক্ত করা হইয়াছিল। শিক্ষকদিগের বেতনও খুব অল্প ছিল। তদানীন্তন শিক্ষকদিগের নাম, পদ এবং কাহার কত টাকা বেতন ছিল তাহা নিয়ে দেওয়া গেল :—

নাম	পদ	বেতন
১। শ্রীযুক্ত শিবদাস ভট্টাচার্য্য ( কলিকাতা হেড্‌মাষ্টার ফ্রি চার্চ ইনস্টিটিউসনে বা ডফ্ কলেজের দ্বিতীয় বায়িকী শ্রেণীর ছাত্র )	হেড্‌মাষ্টার	১০০
২। শ্রীযুক্ত বাবু গোলোকচন্দ্র চক্রবর্তী ( ঢাকা কলেজের দ্বিতীয় বায়িকী শ্রেণী পর্য্যন্ত পড়িয়াছিলেন )	সেকেন্ড মাষ্টার	৫০
৩। গিরিশচন্দ্র বক্সী ( প্রবেশিকা পরীক্ষা পর্য্যন্ত পড়িয়াছিলেন )	থার্ড মাষ্টার	৩০
৪। বিপ্রদাস সেন ( প্রবেশিকা পরীক্ষার পাঠ্য পর্য্যন্ত পড়িয়াছিলেন )। আমি চতুর্থ শিক্ষক হইয়া যাওয়ার পরে ইনি ফিফ্‌থ মাষ্টার হইয়াছিলেন।	ফোর্থ মাষ্টার	২৫
৫। লক্ষণচন্দ্র দাস ( প্রবেশিকা পরীক্ষোত্তীর্ণ ; পরে সিকস্‌থ্‌ মাষ্টার )	ফিফ্‌থ্‌ মাষ্টার	২০
৬ ( পণ্ডিত মহাশয়ের নামটি মনে নাই )	পণ্ডিত	২৫

স্কুলের শিক্ষকদিগের মধ্যে কেহই গ্রাজুয়েট ছিলেন না। আমি ঐ স্কুলে নিযুক্ত হইয়া যাইবার পূর্বে ঐ স্থানে ভয়ানক ম্যালেরিয়া জরের



প্রকোপ হওয়ায় ছাত্রসংখ্যা খুবই কমিয়া গিয়াছিল। একশত পঁচিশের অধিক ছাত্র ছিল না। ইহাদিগের মধ্যে ৭০।৭৫ জনের অধিক ছাত্র বিদ্যালয়ে উপস্থিত হইত না। বিদ্যালয় গৃহটিও ক্ষুদ্রাকারের ছিল। এই সময়ে উহার আয়তন ও বৃদ্ধি হইতেছিল।

রঙ্গপুরে আমার আয় ৬০০ টাকারও অধিক ছিল। বেতন ছিল ২৫০ টাকা, বুক-এজেন্সিতে পাইতাম প্রায় ১৫০ টাকা ও প্রাইভেট টুইসন্ বা গৃহ শিক্ষকের কার্য্য করিয়া পাইতাম ২০০ টাকা। যখন পুলিশের এসিষ্ট্যান্ট ডিষ্ট্রিক্ট সুপারিণ্টেনডেন্টকে পড়াইতাম তখন আমার আয় ছিল ৮০০ টাকা। মালদহ যাইয়া মোটে ২৫০ টাকা বেতন পাইতে লাগিলাম। সুতরাং আমার বড়ই অর্থাভাব হইয়া পড়িল। মালদহে বা ইংরাজ-বাজারে কলুজাতীয় এক ঘর বড় জমিদার ছিলেন ও এখনও আছেন ইহাদের উপাধি চৌধুরী। এই বংশের শ্রীযুক্ত কৃষ্ণলাল পালচৌধুরী আমাকে তাঁহার পুত্র ও ভ্রাতৃপুত্রের শিক্ষার জন্ত গৃহশিক্ষক নিযুক্ত করিতে চাহিয়াছিলেন। বেতনও মাসিক ২৫০ টাকা করিয়া দিতে প্রস্তুত ছিলেন। শিবদাসবাবু আমাকে বলেন যে ৩০০ ত্রিশ টাকার কম বেতন দিলে তুমি ঐ গৃহ-শিক্ষকের কার্য্য গ্রহণ করিও না। আমিও তাঁহার কথামত ৩০০ টাকা বেতনে ঐ কার্য্যটি গ্রহণ করিলাম না। ৩০০ টাকার কম বেতনে ঐ কার্য্য গ্রহণ করিতে অস্বীকার করায় কৃষ্ণলালবাবু বলিয়াছিলেন যে স্মুলে ত মোটে ২৫০ টাকা বেতন পান, আমাদের নিকট ৩০০ টাকা চান কেন? উহাতে শিবদাসবাবু বলেন ২৫০ টাকায় যে গভর্ণমেণ্টের চাকর। ঐ বেতনে ব্যক্তি বিশেষের চাকর হইয়া নিজের মূল্য কমাইয়া ফেলিবে কেন? সুতরাং কৃষ্ণলালবাবু নিরন্ত হইলেন। কিন্তু অর্থাভাববশতঃ আমার বড়ই অস্ববিধা ও কষ্ট হইতে লাগিল। মালদহের কাজ পরিত্যাগ করিয়া অন্ত্র যাইবার অস্ববিধা খুঁজিতে লাগিলাম।

## পুনরায় অল্পদিনের জন্য গড়ের স্কুলে কার্য্য করা

এদিকে গড়ের মধ্য-ইংরাজী-বিদ্যালয়ের অবস্থা যোগ্য শিক্ষক অভাবে দিন দিন হীন হইতে লাগিল। সম্পাদক শ্রীযুক্ত গোপীচরণ নন্দী মহাশয় আমাকে এ বিষয় অবগত করায় আমি পুনরায় গড়ের স্কুলে আসিতে প্রস্তুত হইলাম। তিন সপ্তাহের বিদায় লইয়া মালদহ হইতে বাড়ী আসিয়া গড়ের স্কুলের হেড্‌ মাষ্টারের কার্য্য আবার গ্রহণ করিলাম। এই সময়ে শ্রীযুক্ত কৈলাসচন্দ্র দেব গুড়ের কারখানা বাড়ীতে স্কুলের কার্য্য চলিতেছিল। এবং শ্রীযুক্ত প্যারীমোহন বন্দ্যোপাধ্যায় মহাশয় নদীয়া জেলার স্কুল সমূহের ডেপুটী ইনস্পেক্টর ছিলেন। ইনি ঠিক এই সময়ে গড়ের স্কুল পরিদর্শনার্থ এখানে আসিয়াছিলেন। কয়েক বৎসর ধরিয়া গভর্ণমেন্টের জেলা স্কুলে শিক্ষকতা করায় ডেপুটী ইনস্পেক্টরদিগের সহিত আমাদের কোন সম্বন্ধই ছিল না। সুতরাং তাঁহাদিগকে ততটা খাতির বা মান্য করিতাম না। এই অভ্যাসটা তখন পর্য্যন্ত আমার যায় নাই। কাজেই প্যারীবাবু আমার নিকট হইতে তাঁহার আশাহুরূপ সম্মান বা তোষামোদ না পাইয়া মনে মনে আমার উপর একটু চটিয়াছিলেন। তিনি স্কুলের কর্তৃপক্ষদিগের নিকট বলিয়া গিয়াছিলেন যে আপনারা হেড্‌ মাষ্টার পাইয়াছেন ভালই বটে, কিন্তু আমার বিশ্বাস ইনি এখানে থাকিবেন না। আমিও ইহার ভাবগতিক দেখিয়া মনে মনে স্থির করিয়াছিলাম যে এইরূপে ডেপুটী ইনস্পেক্টরদিগের মন যোগাইয়া গড়ের স্কুলে আমার আর কার্য্য করা পোষাইবে না। কাজেই মালদহে ফিরিয়া গেলাম। এই বিদায় কালের জন্য আমি মালদহের জেলা স্কুল হইতে অর্দ্ধেক বেতন পাইয়াছিলাম। ১৮৭৭ সনের ২৬শে ডিসেম্বর হইতে ১৮৭৮ সনের ১৬ই জানুয়ারী পর্য্যন্ত আমি অর্দ্ধ বেতনে বিদায়ে ছিলাম।

## ডিব্রুগড় জেলা স্কুলের দ্বিতীয় শিক্ষকের পদে নিয়োগ

মালদহে ফিরিয়া যাইবার অল্প দিন পরেই আমি ডিব্রুগড় জেলা স্কুলের শিক্ষকের কার্যে নিযুক্ত হইবার পত্র পাই। এই নিয়োগ-পত্রখানির তারিখ ৩১শে জানুয়ারী ১৮৭৮ সাল। নিয়োগ-পত্রখানি শিলং হইতে প্রথমে রঙ্গপুর গিয়াছিল তথা হইতে মালদহে যায়; স্মরণ্য ফেব্রুয়ারী মাসের ১০ই, ১২ই এর পূর্বে উহা মালদহে পৌছায় নাই। নিয়োগ-পত্রখানি দেখিয়াই শিবদাসবাবু আমাকে ঐ পদ গ্রহণ করিতে পরামর্শ দেন।

## শিক্ষক, সব্ ও ডেপুটি ইনস্পেক্টরদিগের গ্রেড্ নির্দেশ হইবার প্রস্তাব।

এই সময়ে বাঙ্গালা দেশের শিক্ষক এবং সব্ ও ডেপুটি ইনস্পেক্টরদিগের গ্রেড্ নির্দিষ্ট হইবার প্রস্তাব চলিতেছিল। প্রথমতঃ সর্ব নিম্ন গ্রেড্ ৩০ টাকা হইতে আরম্ভ হইবার কথা ছিল কিন্তু পরে স্থির হয় যে ৫০ টাকা হইতে গ্রেড্ আরম্ভ হইবে। শিবদাসবাবু আমাকে বলেন, যে বাঙ্গালা দেশে তোমার বেতন ৫০ টাকা হইতে অনেক দিন লাগিবে। ৫০ টাকা হইবে কিনা তাহাতেও সন্দেহ আছে। তুমি ডিব্রুগড়ে ৫০ টাকা বেতনে গেলেই এখনই গ্রেড্ তুল্য হইতে পারিবা।

## ১৮৭৪ সালে আসামপ্রদেশ বঙ্গপ্রদেশ হইতে বিচ্ছিন্ন হওয়ায় উহার শিক্ষা-বিভাগও বঙ্গদেশের শিক্ষা-বিভাগ হইতে বিচ্ছিন্ন হয়।

১৮৭৪ সনে যে আসাম-প্রদেশ বঙ্গদেশ হইতে বিচ্ছিন্ন হইয়া; বাওয়ায় বাঙ্গালা দেশের শিক্ষা-বিভাগ হইতে আসামের শিক্ষা-বিভাগও চিরকালের জন্য বিচ্ছিন্ন হইয়া গিয়াছে এবং আসাম প্রদেশে গ্রেডের

সৃষ্টি হইবে কিনা ইহা আমরা উভয়েই জানিতাম না। স্বতরাং গ্রেড-ভুক্ত হইবার লোভে আমি ডিব্রুগড়ের কার্য গ্রহণ করিতে স্বীকৃত হইয়া আসাম বিভাগের স্কুল-ইনস্পেক্টর ডাক্তার মার্টিন্ মহোদয়কে পত্র লিখিলাম এবং মালদহ স্কুলের কার্যভার হইতে ২৫শে ফেব্রুয়ারী তারিখে অবসৃত হইয়া ডিব্রুগড়ে যাইবার উদ্দেশ্যে বাড়ী আসিলাম।

### মালদহ জেলা স্কুলের কার্য হইতে অবসর প্রাপ্তি

মালদহ জেলা স্কুলে অতি অল্পকালের জন্য কার্য করায় তথাকার ছাত্রদিগের মধ্যে বিশেষ উল্লেখযোগ্য কোন ছাত্রেরই নাম মনে নাই। এই পর্য্যন্ত মনে আছে যে পঞ্চম শিক্ষক বিপ্লবদাস বাবুর একটি পুত্র তখন চতুর্থ শ্রেণীতে পড়িতেছিল এবং এই ছেলেটি বেশ বুদ্ধিমান ছিল।

আর একটি অল্প বয়স্ক ছাত্রের নাম এখানে উল্লেখ না করিয়া ক্ষান্ত হইতে পারিলাম না। এই বালকটি ছিল জাতিতে “ইহুদি” ইহার নাম ছিল ডেভিড্। ইহার বয়স তখন ৫ বৎসরেরও কম ছিল। ইহার পিতা মালদহের ইংরাজ-বাজারে ব্যবসায় করিতেন। ইহার শরীরে এত বল এবং মনে এত সাহস ছিল যে ১২।১৩ বৎসরের বালকদিগকে কাঁচপোকায় যে ভাবে তেলাপোকাকে ধরিয়া অনায়াসে টানিয়া লইয়া যায় এও সেই ভাবে টানিয়া লইয়া যাইত। এ বড়ই দুঃস্বপ্ন ছিল। ইহাকে মারিলে এ বলিত “মাষ্টার সাহেব হাম্‌কো মারনেসে হামারা কুছ্ নেহি হোগা। পাশ্চা হাম্‌কো পিটাইকে পিটাইকে হামারা হাড়ি সব শকৎ কর দিয়া।”

মালদহে থাকা কালে তথাকার মুনসেফ্ শ্রদ্ধাঙ্গদ শ্রীযুক্ত উমাচরণ দত্ত মহাশয়ের সহিত বিশেষ সদ্ভাব হইয়াছিল। ইনি আমাকে বিলক্ষণ স্নেহ ও দয়া করিতেন এবং ভাল বাসিতেন। জাতিতে ইনি সুবর্ণবর্ণিক ছিলেন। আমি কোন কালেই জাতি-ভেদের পক্ষপাতী নহি।

**দ্বারবন্ধের তৎকালের মহারাজ কুমার রমেশ্বর সিংহের  
গভর্ণমেন্টের অধীনে জয়েন্ট ম্যাজিষ্ট্রেটের  
পদ গ্রহণ।**

এই সময়ে “দ্বারবন্ধের” ( দারভাঙ্গা ) বর্তমান মহারাজা গভর্ণমেন্টের অধীনে চাকরী লইয়া জয়েন্ট ম্যাজিষ্ট্রেটের পদে নিযুক্ত হইয়াছিলেন। কলিকাতা গেজেটে তাঁহার এই পদে নিয়োগের আদেশ প্রকাশিত হইলে উমাচরণ বাবু গেজেটে তাঁহার নামের পার্শ্বে লাল পেন্সিল দিয়া একটা চিহ্ন করিয়া রাখিয়াছিলেন এবং আমি তাঁহার বাসায় যাইবামাত্র আমাকে গেজেটের চিহ্ন করা ঐ স্থানটা দেখাইয়া বলিয়াছিলেন যে I have marked it for your name sake অর্থাৎ তোমার নাম ও এই নাম একই বলিয়া আমি উহা চিহ্নিত করিয়াছি। ( এস্থলে বলা আবশ্যক যে মহারাজার নাম প্রকৃতপক্ষে রামেশ্বর সিংহ নহে, উহার প্রকৃত নাম রমেশ্বর সিংহ এবং উহার জ্যেষ্ঠ ভ্রাতার নাম ছিল লক্ষ্মীশ্বর সিংহ বা লছমীশ্বর সিংহ তৎকালের মহারাজা। একথাটা মহারাজের নিজ মুখেই শুনিয়াছি।

এই সময়ে মালদহে আর একটা সদাশয় লোক ছিলেন ডেপুটি ম্যাজিষ্ট্রেট শ্রীযুক্ত নবীনচন্দ্র সেন। ইনি ইতিপূর্বে বাঁকুড়া জেলা স্কুলের হেড্‌ মাস্টার ছিলেন। ডেপুটি ম্যাজিষ্ট্রেট কবি নবীনচন্দ্র সেন নহেন। ইনি বড়ই মিষ্টভাবী ও হৃদয়বান পুরুষ ছিলেন। ইনিও আমাকে বড়ই অল্পগ্রহ করিতেন।

**প্রাচীন রাজধানী গোড় নগরের ধ্বংসাবশেষ দর্শনে যাওয়া**

মালদহ—অর্থাৎ ইংরাজ-বাজার হইতে বঙ্গদেশের প্রাচীন রাজধানী গোড়নগর তিন ক্রোশ মাত্র দূরে অবস্থিত ছিল। উহার এত নিকটে থাকিয়া উহার ধ্বংসাবশেষ না দেখিয়া চলিয়া আসা বড়ই অনায়াস কার্য্য

হইবে মনে করিয়া উহা দর্শন করিবার জন্ত একান্ত ইচ্ছা হইয়াছিল। হাতী চড়িয়া না গেলে জঙ্গলের মধ্যে প্রবেশ করিয়া উহার বিখ্যাত বিখ্যাত প্রাসাদ ও মসজিদগুলির ধ্বংসাবশেষ দেখা অসম্ভব, এজন্ত একটা হাতীর আবশ্যক হইল। চৌধুরী-জমিদারদিগের ২২।২৬টী হস্তী ছিল। উহার মধ্য হইতে একটা হাতী আনিবার জন্ত চেষ্টা করিলাম। জমিদার কৃষ্ণলালবাবুর নিকট চিঠি লিখিয়া একটা হাতী চাওয়া হইল। তিনি উত্তরে জানাইলেন যে ভাল ভাল শাস্ত্র হাতীগুলি শিকারে চলিয়া গিয়াছে—কেবল একটা দুর্বল দাঁতাল হাতী পিন্থানায় আছে। এটা দিতে পারি। ছুট হইলেও একজন খুব ভাল শস্ত্র মাহত দিব, সে উহাকে চালাইয়া লইয়া যাইতে পারিবে। গোড়নগর দেখিবার জন্ত তখন আমার ইচ্ছা এতই বলবতী হইয়াছিল যে ঐ ছুট হাতী চড়িয়াই যাইতে সম্মত হইলাম। প্রাতঃকালে বেলা আন্দাজ ৮টার সময়ে মাহত ঐ হাতী লইয়া আমাদের বাসার দুয়ারে আসিল। আমরা তিনজনে গোড়-দর্শন নিমিত্ত উহার পৃষ্ঠে উঠিলাম। তিনজন অর্থাৎ আমি, একটিং দ্বিতীয় শিক্ষক মতিবাবু ও এডুকেশন্ ক্লার্ক ত্রৈলোক্যবাবু। হাতী সহরের মধ্য দিয়া বেশ শাস্ত্রভাবেই চলিয়া গেল। সহরের বাহিরে গিয়া একটা বড় রাস্তার এক পার্শ্বে তাহার পশ্চাতের পা দুইখানি ও অপর পার্শ্বে সম্মুখের পা দুইখানি রাখিয়া হাতী গা ঝাড় দিয়া তাহার পৃষ্ঠ হইতে আমাদের ফেলিয়া দিবার জন্ত চেষ্টা করিতে লাগিল। আমরা প্রাণের ভয়ে মাহতকে বলিলাম যে “বাপু হে, আমাদের আর গোড় দেখিতে যাইবার ইচ্ছা নাই তুমি আমাদের উহার পিট হইতে নামাইয়া দিয়া আমাদের প্রাণরক্ষা কর।” মাহত বলিল “বাবু তা কি হতে পারে? আপনাদিগকে উহার পিঠে চড়াইয়া গোড়ের জঙ্গল দেখাইয়া আনিতেই হইবে। খুব শস্ত্র মাহত বলিয়াই ছোটবাবু আমাকে পাঠাইয়া দিয়াছেন। কৃষ্ণলালবাবু ছিলেন সর্ব কনিষ্ঠ। ভোমনবাবু মধ্যম ও পরেশবাবু ছিলেন সর্ব জ্যেষ্ঠ।

প্রাতঃস্মরণীয়া মহারাণী ভিক্টোরিয়ার দ্বিতীয় পুত্র মাননীয়া  
ডিউক অব্ এডিনবরার ভারতবর্ষে শুভাগমন। ব্যাত্র  
শিকারে মালদহের জমিদার ডোমনবাবু  
কর্তৃক প্রাণরক্ষা।

ডোমনবাবু খুব ভাল শিকারী ছিলেন। প্রাতঃস্মরণীয়া মহারাণী  
ভিক্টোরিয়ার দ্বিতীয় পুত্র ডিউক অব্ এডিনবরা যখন ভারত-দর্শনে  
শুভাগমন করিয়াছিলেন, সেই সময়ে ডোমনবাবু বাঙ্গালা দেশের সর্ব  
শ্রেষ্ঠ শিকারী পুরুষ বলিয়া বিখ্যাত ছিলেন। ইনি যখন মালদহ ও  
দিনাজপুরের প্রাণনগরের জঙ্গলে বাঘ শিকার করিতে গিয়াছিলেন তখন  
চৌধুরীবাবুদিগের ভাল ভাল হাতীগুলি লইয়া গিয়াছিলেন; এবং  
ডোমনবাবুকেও সঙ্গে লইয়াছিলেন। একদিন শিকারের সময়ে একটা  
প্রকাণ্ড বাঘ জঙ্গল হইতে বাহির হইয়া লাফ দিয়া ডিউক মহোদয়ের  
হাতীর উপরে উঠিয়া বসিয়া। তাঁহাকে ও তাঁহার সঙ্গী সাহেবদিগকে  
বিপন্ন করিয়া ফেলিয়াছিল। তাঁহার সকলে অজ্ঞান হইয়া পড়িয়া-  
ছিলেন। এদিকে মাহুত চীৎকার করিতে লাগিল এবং তাহার  
স্মৃষ্টি অশ্বীল ভাষায় সাহেবদিগকে গালি দিতে লাগিল আর বলিতে  
লাগিল “শালারা তোরাও মরুনি আমিও হাতীসহ মরুনি, শীঘ্র গুলি কর  
নহিলে কাহারও নিস্তার নাই।” কিন্তু সাহেবদের তখন কাহারও  
সংজ্ঞা ছিল না। ডোমনবাবু তখন তাঁহাদের পশ্চাতে আর একটা  
হাতীর উপরে ছিলেন। তিনি তখন বিষম সমস্যায় পড়িলেন। তাঁহার  
সম্মুখে সাহেবদের কাহারও অনিষ্ট হইলে তাঁহার বিশেষ অগ্যাতি ও  
নিন্দা হইবে এবং যদি তিনি বাঘকে লক্ষ্য করিয়া গুলি করেন ও সেই  
গুলি ফস্কাইয়া সাহেবদের কাহারও গায়ে লাগে তাহা হইলেও তাঁহার  
প্রাণ লইয়া টানাটানি পড়িবে। কিন্তু তিনি কিছুতেই নিশ্চেষ্ট হইয়া  
থাকিতে পারিলেন না। ভাগ্যে যাহা থাকে ঘটবে বলিয়া তিনি বাঘকে

লক্ষ্য করিয়া গুলি করিলেন। তাঁহার অব্যর্থ সন্ধান। একই গুলিতে বাঘ আঁত হইয়া ভূতলশায়ী হইল; তখন ডিউক বাহাদুরের জ্ঞান হইল; এবং তাঁহাকে গুলি করিতে অবসর না দিয়া ডোমনবাবু গুলি করিয়া তাঁহার অবমাননা কেন করিলেন বলিয়া তাহার কৈফিয়ৎ চাহিয়া বসিলেন। পরে যখন বুঝিলেন যে ডোমনবাবু বাঘকে গুলি না করিলে তাঁহার প্রাণরক্ষা হইত না, তখন ডোমনবাবুর সাহসের ও অব্যর্থ-সন্ধানের ভূয়ো ভূয়ঃ প্রশংসা করিতে লাগিলেন—এবং তাঁহাকে একখানি প্রশংসা পত্র দিয়া গেলেন। এই ঘটনার স্মৃতিরক্ষার জন্ত জমিদার বাবুদের বাড়ীতে মহা ধুমধামে সরস্বতী পূজা হইয়া থাকে। আমাদের নিজেদের কথা বলিতে গিয়া অনেক অবান্তর কথা বলিয়া ফেলিলাম।

মাহত কিছুতেই আমাদিগকে হাতী হইতে নামাইয়া দিল না। হাতীর মাথায় ডাঙ্গশ মারিয়াও কিছু করিতে পারিল না। শেষে তাহার মাথার উপরে “দা” দিয়া আঘাত করিতে লাগিল এবং তাহার মাথায় রক্তগঙ্গা বহাইয়া দিল। আর ডোমনবাবুকে গালি পাড়িতে লাগিল। ডোমনবাবুর অপরাধ হাতীটা তাঁহার বড়ই আদরের শিকারী হাতী। হাতী অবশেষে শান্তমূর্তি ধরিল এবং আমরাও গোড়ের জঙ্গলে যাইয়া প্রবেশ করিলাম।

## গোড় নগরের ধ্বংশাবশেষ ও হস্তীপৃষ্ঠে থাকার

### সময়ে বিপদাশঙ্কা।

বারহুয়ারী ও প্রাকারবেষ্টিত প্রাসাদের ধ্বংশাবশেষ ও পিটুলি মসজিদ প্রভৃতি কতগুলি স্থান দর্শন করিলাম। হাতী ছুট বসিয়া এবং সময়াভাব বলিয়া সোনা মসজিদটা (সর্বশ্রেষ্ঠ মসজিদ) দেখা ঘটিল না। মসজিদগুলির গঠন দেখিয়া স্পষ্টই বোধ হইয়াছিল যে ঐগুলি আগে হিন্দুমন্দির ছিল। মুসলমান বাদশাহ ও নবাবেরা উহাদের অংশবিশেষ ভাঙ্গিয়া ফেলিয়া বা দেওয়ালের গায়ে ছালটুড়িত গাঁথিয়া দিয়া



এবং মাথার চূড়া ভাঙ্গিয়া তৎপরিবর্তে গুহজ গাঁথিয়া ঐগুলিকে সহজেই মসৃজিদে পরিবর্তন করিয়াছিলেন। স্থানে স্থানে ছালটুভিত খসিয়া পড়ায় বিলক্ষণ কারুকার্য সহকারে খোদিত বা নিশ্চিত দেবদেবীর মূর্তিগুলি বাহির হইয়া পড়িয়াছে দেখিয়াছিলাম। আমি কয়েকখানি পীত, লোহিত ও নীলবর্ণে রঞ্জিত ইট উঠাইয়া আনিয়াছিলাম। ইট-গুলি কত শত বৎসর পূর্বে রঞ্জিত হইয়াছিল; কিন্তু ঐগুলির মলা মাটি ধুইয়া ফেলিবামাত্র, বোধ হইতে লাগিল যেন দুই তিন দিন পূর্বে ঐগুলি রঞ্জিত হইয়াছে। আমরা যখন মালদহাভিমুখে ফিরিয়াছি এমন সময় একটা মহা হল্লা উঠিল। বাঘ বাহির হওয়ায় নিকটবর্তী কতক-গুলি লোক চীৎকার করিয়া উঠিয়াছিল। আমাদের হাতীটা এই চীৎকার ধ্বনি শুনিয়া এবং সম্ভবতঃ বাঘের গন্ধ পাইয়া উহার গুঁড়টি উদ্ধে উঠাইয়া একটা গভীর গর্জনের নিকট পিছন ফিরাইয়া গা ঝাড়া দিয়া আমাদের কাছে তাহার পৃষ্ঠ হইতে ফেলিয়া দিবার চেষ্টা করিতে লাগিল। অনেক লোক সেখানে জড় হইল। তাহারা বলিতে লাগিল বাবু তিনটা এবারে মরিল। মাহত আমাদের কাছে চাখ্যামা বা গদির দড়া খুব শক্ত করিয়া ধরিয়া বসিয়া থাকিতে বলিল। আমাদের হাত বা করতল লাল হইয়া গেল। এবারেও মাহত হাতীকে সঙ্গেই উত্তম-মধ্যম প্রহার দিয়া উহাকে শাস্ত করিল। হাতী ইহার পরে আর পাগলামি ও ছুটামি করে নাই।

### রামকেলি

গৌড়ের জঙ্গলের বাহিরেই রামকেলি বলিয়া একটা স্থান আছে। এই স্থানে মহাপ্রভুর অর্থাৎ নিত্যানন্দ ও চৈতন্য প্রভুর মূর্তি একটা মন্দিরে প্রতিষ্ঠিত আছে। আমরা ঐ দেবমূর্তি-দর্শনাভিলাষে হাতী হইতে নামিয়া মন্দিরের সম্মুখে যাইয়া তথাকার সেবাইতদিগকে মন্দিরের ছয়ার খুলিয়া দিতে বলায় উহারা বলিল এখন বার পড়িয়া

গিয়াছে, এখন আর দর্শন পাইবা না। আমি এই কথা শুনিয়া যেন রুষ্ট হইয়া বলিলাম, সে কি? আমাদের দেশের প্রসিদ্ধ মহাপুরুষ নিতাই ও নিমাই এখানে আসিয়া দেবতা হইয়াছেন। আমরা তাঁহাদের দেশের লোক হইয়া তাঁহাদের মূর্তির দর্শন পাইব না। এই শুনিয়া সেবাহিত বৈষ্ণবেরা বলিল “আপনাদের বাড়ী কোথায় আমি বলিলাম শ্রীধাম নবদ্বীপ শান্তিপুরে।” তখন তাহারা মন্দিরের দুয়ার খুলিয়া আমাদিগকে ঠাকুর দেখাইল। আমরা তাহাদিগকে কয়েকটা পয়সা দিলাম। লোকে বলে যখন চৈতন্য মহাপ্রভু গোড় হইয়া কাশীধামে গিয়াছিলেন তখন এই স্থানে রূপ ও সনাতনের সঙ্গে তাঁহার সাক্ষাৎ হইয়াছিল। তখন ইহারা দুই ভাই নবাবের অতি উচ্চপদস্থ কর্মচারী ছিলেন। পরে ইহারা রূপ ও সনাতন গোস্বামী নামে প্রসিদ্ধি লাভ করিয়াছিলেন; এবং মহাপ্রভুর পরম ভক্ত হইয়াছিলেন। ইহাদের পূর্ব নাম ছিল দবিরখাম ও শাকর মল্লিক। এই ঘটনার স্মৃতি-রক্ষার্থই এই স্থানে ঐ মূর্তি প্রতিষ্ঠিত হইয়াছে; প্রতি বৎসর কোন একটা নির্দিষ্ট দিনে এখানে একটা মেলা হয় ইহার নাম রামকেলীর মেলা। অনেক নেড়ানেড়ি এই স্থানে তখন সমবেত হয়। শুনিতে পাই পাঁচসিকা দিলেই এইস্থানে তখন বৈষ্ণবী কিনিতে পাওয়া যায়।

মালদহ জেলা স্কুলের হেড্‌মাষ্টার মহাশয় আমার সান্নিধ্যবুকে তাঁহার মন্তব্যস্বরূপ যাহা লিখিয়াছিলেন তাহা পরিশিষ্টভাগে প্রদত্ত হইবে।

### ডিক্রগড় যাইবার পূর্বে বাড়ী আসার পরে বিপদ।

১৮৭৮ সালের ২৫শে ফেব্রুয়ারী তারিখে আমি মালদহ জেলা স্কুলের চতুর্থ শিক্ষকের কার্যভার হইতে অবসৃত হইয়া ২৬শে ফেব্রুয়ারী তারিখে ডিক্রগড় যাত্রা করিবার অভিপ্রায়ে বাড়ী আসিলাম। রাত্রিকালে বাড়ী আসিয়া দেখি যে আমাদের সর্বকনিষ্ঠা বালবিধবা

ভগিনীটী বিস্ফটিকা রোগে আক্রান্ত হইয়া উপরের ঘরে পড়িয়া আছে। তৎকালের অবস্থা দেখিয়া বোধ হইল যে তাহার মৃত্যু নিকট। আমি ও আমার দাদা বাড়ী না থাকায় তাহার চিকিৎসার কোন ভাল ব্যবস্থা হয় নাই। তাহার অবস্থা দেখিয়া তাহাকে ধরাধরি করিয়া নীচের ঘরে নামাইয়া আনিলাম। শ্রীকৃষ্ণ দত্ত নামে আমাদের পাড়ায় একজন হাতুড়ে ডাক্তার তাহার চিকিৎসা করিতেছিলেন। তৎপর দিবসে আমি শান্তিপুরের তৎকালের প্রসিদ্ধ স্বদক্ষ ও সূচিকিৎসক ডাক্তার যাদবচন্দ্র বন্দ্যোপাধ্যায় বি, এ, এম্ বি মহাশয়কে তাহার চিকিৎসার জ্ঞান লইয়া আসিলাম। যাদববাবু আসিয়াই তাহার অবস্থা পরীক্ষা করিয়া দেখিয়া বলিলেন তাহার পেটে একটা ব্লিষ্টার দিতে হইবে। তখনই ব্লিষ্টার দেওয়া হইল; কিন্তু তাহার শরীরে যথেষ্ট পরিমাণে রক্ত না থাকায় ব্লিষ্টার দেওয়াতেও ভালরূপে ফোঁস উঠিল না। যাদববাবু দেখিয়া বলিলেন যে তাহার বিস্ফটিকা (কলেরা) কি টাইফয়েড্ জ্বর হইয়াছে এখনও ভাল বুঝা বাইতেছে না। যাহা হউক তাঁহার সূচিকিৎসায় সে আরোগ্য লাভ করিল। তাহার গুরুত্বা করিবার জ্ঞান আমার তৃতীয় সহোদরা সৰুদাই তাহার নিকটে থাকিত।

**তৃতীয় সহোদরার বিস্ফটিকা রোগে অকাল মৃত্যু ও**

**তাহার শিশুসন্তানগণের তৎকালের অবস্থা।**

সে ভাল হইয়া উঠার পরে আমার তৃতীয়া সহোদরা আমাদের বাড়ী হইতে চলিয়া গিয়া তাহার স্বামীর ঘরে গেল। এই সময়ে গড়ের মধ্যম শ্রেণী ইংরাজী বিদ্যালয়ের কার্য্য ষড়ভূজের বাজারে বারওয়ারী ঘরের পশ্চাৎভাগে জগন্নাথ স্বর্ণকারের দুই তিনটী কুঠরীর মধ্যে হইতেছিল। এই সময়ে এই স্কুলের হেড্ মাষ্টার ছিলেন শ্রীযুক্ত দীনবন্ধু ভট্টাচার্য্য মহাশয়। ইনি ইহার বহুপূর্বে শান্তিপুর ইংরাজী স্কুলের সেক্রেণ্ড মাষ্টার ছিলেন। স্মরণ্য এক সময়ে আমারও শিক্ষক ছিলেন।

আমি ইহাঁর সহিত সাক্ষাৎ করিবার জন্ত স্কুলে গিয়াছিলাম। ইহাঁর সহিত কথাবার্তা কহিতেছিলাম এমন সময়ে আমার দ্বিতীয়া ভাগিনেয়ীটি স্কুলে যাইয়া আমাকে সংবাদ দিল যে তাহার মাতার (আমার তৃতীয়া সহোদরার) কয়েকবার দান্ত ও বমি হইয়াছে। আমি সংবাদ পাইবামাত্রই উহাদের বাড়ী গেলাম। উহাঁদের বাড়ী স্কুল ঘরের অতি নিকটে দক্ষিণদিকে। স্কুল ঘর ও উহাঁদের বাড়ীর মধ্যে একটা সদর রাস্তা মাত্র ব্যবধান। উহাঁদের বাড়ী যাইয়া দেখিলাম যে সে ভিজা কাপড়ে ঘরের সম্মুখে রোয়াকের উপরে পড়িয়া আছে। দান্ত ও বমি হওয়ার পরে সে শরিবৎ খার (আজকাল যাকে নন্দী পুকুর বলে) পুকুরে যাইয়া বেশ করিয়া সকল গায়ে তেল মাখিয়া স্নান করিয়া আসিয়া ভিজা কাপড়ে রোয়াকের উপরে প্রায় অজ্ঞান অবস্থায় পড়িয়া আছে। তাহার স্বামী বা বাড়ীর অপর কেহ তাহাকে দেখেও নাই—বত্ত করাত দূরের কথা। আমি গিয়া দেখিলাম যে তাহার চক্ষুর পার্শ্বে ও হস্তপদের অঙ্গুলিতে রক্তের চিহ্নমাত্রও নাই। সর্ব শরীর বিশেষতঃ চক্ষু দুইটির চারি পার্শ্ব নীলবর্ণ হইয়া গিয়াছে। আমার নিকট কর্পূরাসব বা Spirit Camphor ছিল। আমি তখনই তাহাকে উহার কয়েক ফোটা খাওয়াইয়া দিয়া ডাক্তার যাদববাবুকে আনিতে লোক পাঠাইয়া দিলাম। তখন বেলা প্রায় ১টা। যাদববাবু সংবাদ পাইবামাত্রই আসিলেন। আসিয়াই রোগীর অবস্থা দেখিয়া বলিলেন রোগ অতি কঠিন হইয়াছে জীবনের আশা খুবই কম। আমাকে জিজ্ঞাসা করিলেন যে নিকটে কোন ডাক্তারের ঔষধালয় আছে কিনা। যদি থাকে তবে তাহার সমস্ত কলেরা রোগের ঔষধ সহ তাহাকে ডাকিয়া আন। নিকটে হাতুড়ে ডাক্তার শ্রীকৃষ্ণ দত্তের ঔষধালয় ছিল, তিনিও তথায় তখন উপস্থিত ছিলেন। ঔষধ সহ তাঁহাকে ডাকিয়া আনিলাম। তাঁহার সেই বহুকালের আনীত ঔষধ হইতে কয়েকটা বাছিয়া লইয়া ডাক্তার যাদববাবু রোগিনীকে সেবন করাইলেন

এবং ঔষধের একখানি ব্যবস্থা পত্র লিখিয়া আমার হাতে দিয়া বলিলেন যে অতি শীঘ্র লোক পাঠাইয়া দিয়া আমার ঔষধালয় হইতে ঔষধ আনাইয়া পাঁচ মিনিট অন্তর রোগিনীকে খাওয়াইতে থাক। সে কালে ভাস্কারেরা ঘোড়ার গাড়ী করিয়া রোগী দেখিতে আসিতেন না। পাল্‌কীতে আসিতেন। সুতরাং ঔষধ আনিবার জন্ত যে লোক গেল, সে হাঁটিয়াই গেল। ঔষধ আনার পরে আমি রোগিনীর নিকট বসিয়া থাকিয়া পাঁচ মিনিট অন্তর ঔষধ খাওয়াইতে লাগিলাম। ঔষধে কোন ফলই হইল না। সে দিনটা গেল, রাত্রিটাও গেল, পর দিন বেলা বারটার পর হইতেই রোগিনীর যন্ত্রণা খুবই বাড়িল এবং ক্রমে ক্রমে রোগিনী অবসন্ন হইয়া পড়িতে লাগিল। আমার মাতা ঠাকুরাণী রোগিনীর নিকট সকল সময়েই উপস্থিত ছিলেন। আমার দাদার স্ত্রী ও আমার স্ত্রীও রোগিনীকে দেখিতে গিয়াছিলেন। আমার তখন সন্তান হয় নাই। আমার বয়স তখন ২৮ বৎসর ও আমার স্ত্রীর বয়স বিশ বৎসর। সকলেরই ধারণা ছিল যে আমাদের সন্তানাদি হইবে না। আমার স্ত্রীকে দেখিয়া রোগিনী বলিল যে ছোট বৌ তুই আমার ছোট মেয়েটাকে নিবি। তখন আমার এই ভগিনীর দুইটি পুত্র ও তিনটি কন্যা। বড় ছেলেটির বয়স তখন ১১।১২ বৎসর, বড় মেয়েটির বয়স তখন ১০ বৎসর। মেজ মেয়েটির বয়স ৬।৭ বৎসর। ছোট ছেলেটির বয়স অল্পমান তিন বৎসর। ও সকলের ছোট মেয়েটির বয়স ১৩ মাস মাত্র। বড় মেয়েটির ইহার পূর্ব বৎসরে বিবাহ হইয়াছিল। ছেলের কথা না বলিয়া মেয়ে লইবার কথা বলায় আমার মাতা ঠাকুরাণী আমার স্ত্রীকে মেয়েটি লইতে নিষেধ করিয়াছিলেন। সুতরাং আমার স্ত্রী মেয়েটি লইতে সম্মত হইতে পারিল না। মেয়েটির অবস্থাও তখন ভাল নহে। বেলা আন্দাজ চারিটার সময়ে রোগিনীর মৃত্যু হইল। মৃত্যুর দুই ঘণ্টা পূর্বে আমি রোগিনীর ভয়ানক যন্ত্রণা দেখিয়া এবং মৃত্যু নিকট

বুঝিয়া আমার ভগিনীপতিকে বলিলাম যে আর আমি থাকিয়া ঔষধ খাওয়াইতে পারিব না তোমরা এখন ঔষধ খাওয়াও ।

আমি এই বলিয়া চলিয়া আসার পরে দুই তিন ঘণ্টার মধ্যেই আমার ভগিনীর মৃত্যু হইল । আমার জ্যেষ্ঠ ভাগিনেয় কালীপদ তার জন্ম হইতেই আমাদের বাটীতে থাকিত এবং আমার মাকে মা বলিয়া ডাকিত । সে তাহার মৃত্যুর পরে সকলকে কাঁদিতে দেখিয়া কাঁদিতে লাগিল । আমি তাহাকে কোলে করিয়া লইয়া বসিয়া বলিতে লাগিলাম তুই কাঁদিস্ কেন । তোর মা ত মরেন নাই । আমার ভগিনীর মৃত্যুর পরে তাহার সর্বকনিষ্ঠা কন্যাটির তাহাদের বাড়ীতে অবত্ন হইতে লাগিল । আমার ভগিনীপতি বলিতে লাগিল যে উহাকে নেকড়া জড়াইয়া গঙ্গার জলে ফেলিয়া দিয়া আসি । আমার মাতাঠাকুরাণী তাঁহার নিজেই কন্যার শোকে এত অভিভূত হইয়া পড়িয়াছিলেন যে মৃত ভগিনীর সর্ব কনিষ্ঠা কন্যার প্রতি তখন তাঁহার এককালীন মায়ী মমতা হয় নাই । তিনি উহাকে আমাদের বাড়ীতে লইয়া আসিতে এককালেই অসম্মতি প্রকাশ করিলেন । আমি তাঁহাকে অনেক প্রকারে সান্ত্বনা করিয়া বলিলাম যে একটি অসহায় জীবকে রক্ষা করা পরম ধর্ম । উহাকে আমাদের বাড়ীতে না লইয়া আসিলে অথবা এটি মরিয়া যাইবে । সুতরাং উহাকে ও আমার মৃত ভগিনীর অস্ত্রান্ত পুত্রকন্যাগণকে আমাদের বাড়ী আনা হইল । এবং তাহাদের লালন পালনের ভার আমার বিধবা ভগিনীর উপরে দেওয়া হইল । অল্পসঙ্কানে জানা গিয়াছিল যে দিন আমার ভগিনী রোগাক্রান্ত হয়, তাহার পূর্বদিনে সাংসারিক কোন বিষয় লইয়া তাহার স্বামীর সহিত বিবাদ হইয়াছিল । তাহার মৃত্যু যে খুব নিকট তাহাও সে জানিতে পারিয়াছিল । যেদিন রোগাক্রান্ত হয় সেইদিন প্রাতে তাহাদের বাড়ীতে একজন প্রবীণা গোয়ালার মেয়ে তাহাদের গাই ছুহিতে আসিয়াছিল । ইহাকে আমার ভগিনী দীর্ঘ বলিয়া

ডাকিত, ইহাকে সে রোগাক্রান্তা হইবার পূর্বেই বলিয়াছিল গোয়াল দীদী তুমি আমার ছোট মেয়েটাকে লইবা। আমি ছেলে মেয়েগুলো লইয়া আর কষ্ট ও যত্ননা ভোগ করিতে পারি না।” বলা বাহুল্য যে আমার ভগিনীপতি ও তাঁহার দাদা অতি কৃপণ স্বভাবের লোক ছিলেন। আমার ভগিনীর অনেকগুলি সন্তান হওয়ায়, তাহাদের লালন পালন করিতে কষ্ট বোধ করিতেন। অথচ সে সময়ে একটি লোকের গ্রাসাচ্ছাদনে মাসিক ৩, ৪ টাকার অধিক ব্যয় হইত না। আমার বড় ভাগিনেয় কালীপদ ত আমার বাড়ীতেই থাকিত। তাহার খাওয়া পরা আমাদের বাড়ী হইতে চলিয়া যাইত। গোয়ালার মেয়েটা ঐ কথা শুনিয়া বলে “ঘাট ও কথা কি বলতে আছে তোমার মেয়েকে কোন্‌ দুঃখে বিলাইয়া দিবা।”

আমার ভাগিনেয় দুইটা ও ভাগিনেয়ী তিনটা আমাদের বাড়ীতে এখন হইতে রহিল। আমার ভগিনীপতি কেবল তাঁহার ছোট ছেলে ও ছোট মেয়েটির জন্ম দুইসের, আঢ়াইসের আনন্দের দুধ, তাঁহার বাড়ী হইতে প্রতিদিন দিতেন। মধ্যে মধ্যে দুই একখানি কাপড়ও দিতেন। এই ভাবে প্রায় দুই তিন বৎসর কাটিয়া যায়। পরে আমার ভগিনীপতি পুনরায় বিবাহ করাত্তে আমার মাতাঠাকুরাণী রাগ করিয়া বলিয়াছিলেন যে “যাহার ছেলে মেয়ে সে উহাদের বাড়ী লইয়া যাক্‌ আমি আর উহাদিগকে আমাদের বাড়ীতে রাখিতে পারিব না”।

এই সময় হইতে মাসিক ৭ টাকা হিসাবে আমার ভগিনীপতি তাঁহার ছেলেমেয়েদের জন্ম খরচ দিতে লাগিলেন। এ বিষয়ে আমাকে কিছু না জানাইয়াই আমার মাতাঠাকুরাণী মাসিক ৭ টাকা হিসাবে খরচ লইতে আরম্ভ করেন। এই সাত টাকাও ইনি একদিনে দিতেন না। দুই এক টাকা করিয়া তিন চারিবারে দিতেন। পাচটা ছেলে মেয়ের জন্ম মাসিক সাত টাকা খরচ। এই ভাবে আমার ভাগিনেয়

ও ভাগিনেয়ীরা আমাদের বাড়ীতে প্রতিপালিত হইতে লাগিল ও বহুকাল আমাদের বাড়ীতে ছিল। ছোট ভাগিনেয়ীটি আমার বিধবা ভগিনীকে বরাবর তাহার মা বলিয়া জানিত। এবং এখনও তাহাকে মা বলিয়া ডাকে ও মায়ের গ্ৰাম দেখে। তাহার সাংসারিক অবস্থা ভগবৎ কৃপায় এখন ভালই বলা যায়। তাহার বয়স এখন ৪৫ বৎসর ভাগিনেয় দুইটিকে আমি লেখাপড়া শিখাইয়াছিলাম এবং কিছুদিনের জন্ত তাহাদিগকে আমার নিকটে ধুবড়ী ও নওগাঁয় রাখিয়াছিলাম। তাহাদের চাকরীও আমি চেষ্টা করিয়া বলিয়া দিয়াছিলাম। বড়টি এখন ডাকবিভাগে ৬০৬৫ টাকা বেতনে চাকরী করে। মধ্যে একবার সে চাকরী ছাড়িয়া না দিলে এতদিনে তাহার বেতন ১০০ টাকা হইত এবং পেন্সন্ লইয়া বাড়ী আসিতে পারিত। প্রবীণ বয়সে অর্থাৎ তাহার দৌহিত্র ও দৌহিত্রী হওয়ার পরে তাহাকে পুনরায় ডাক বিভাগে প্রবেশ করাইয়া দিই। এবং তেজপুরের মহানুভব সিভিল্ সার্জন্ ডাক্তার ম্যাক্‌নাগারা সাহেবের অনুগ্রহে এত বয়সেও তাহার বয়স ২৫ বৎসর মাত্র নির্দিষ্ট হয়। ছোট ভাগিনেয়ীটি এখন বন-বিভাগে ফরেস্টারের কার্য্য করে। এখন সে কাছার জেলায় আছে এবং বেশ দু দশ টাকা উপার্জন করে ও সুখে স্বচ্ছন্দে আছে। বড় ভাগিনেয়ীটি প্রায় দুই বৎসর হইল ৫২ বৎসর বয়সে মারা গিয়াছে।

আত্মকাহিনী বলিতে গিয়া অনেক অবাস্তব কথা বলিয়া ফেলিলাম। যদি কেহ ইহা পাঠ করেন তবে এই দোষের জন্ত আমাকে মার্জনা করিবেন।

আমি মালদহের কার্য্য ছাড়িয়া বাড়ী আসিয়া এইরূপ বিপদে পড়িলাম। আমার ভগিনীর মৃত্যু হওয়ায়, আমার মাতাঠাকুরাণী আমাকে আর সুদূর দূরদেশ ডিক্রগড়ে যাইতে দিবেন না বলিতে লাগিলেন। এদিকে চাকরী না করিলেও আমাদের সংসার চলা ভার কাজেই অনেক প্রকারে তাঁহাকে বুঝাইয়া ডিক্রগড় যাইবার



জন্ম তাঁহার অল্পমতি প্রাপ্ত হইলাম। গড়ের স্কুলের হেড্‌ মাষ্টার দীনবন্ধু বাবুও আমাদের বাড়ীতে আসিয়া আমার মাতাঠাকুরাণীকে অনেক প্রকারে বুঝাইয়াছিলেন। আমি ডিক্রগড়ে না গেলে পাছে আমি আবার গড়ের স্কুলের হেড্‌ মাষ্টার হই এবং তাহা হইলে তাঁহার চাকরী যায় এই ভয়টাও তাঁহার মনে উদয় হইয়াছিল। আমি ডিক্রগড়ে যাত্রা করিবার সময়ে তিনি অনেক করিয়া আমাকে বলিয়াছিলেন যে যদি আমি তাঁহাকে তথাকার গভর্নমেন্ট স্কুলে একটা চাকরী যোগাড় করিয়া দিতে পারি তাহা হইলে তিনি বিশেষ উপকৃত হইবেন। পরে আমি তাঁহাকে ডিক্রগড় স্কুলে তৃতীয় শিক্ষকের পদে ৩০ টাকা বেতনে নিযুক্ত করাইয়াছিলাম এবং তিনিও আহ্লাদ সহকারে তথায় গিয়াছিলেন। তিনি তথায় বাইয়া আমার প্রতি কিরূপ ব্যবহার করিয়াছিলেন যথাস্থানে বিবৃত হইবে।

এই সমস্ত আকস্মিক বিপদবশতঃ আমাকে প্রায় তিন সপ্তাহকাল বাড়ী বসিয়া থাকিতে হয়। তিন সপ্তাহ পরে আমি ডিক্রগড় যাত্রা করি। রাণাঘাট ষ্টেশন হইতে রেলগাড়ীতে গোয়ালন্দে বাই। গোয়ালন্দ হইতে মাদ্রাজ নামক ষ্টিমারে উঠিয়া ১৯ দিনে ডিক্রগড়ে পৌঁছিয়াছিলাম। ১৮৭৮ সালের ৯ই এপ্রিল তারিখে প্রাতঃকালে ডিক্রগড়ে পৌঁছি। সেইদিন প্রাতে খুব বৃষ্টি হইয়াছিল। ডিক্রগড়ে যাত্রা করিবার পূর্বেই বাড়ী হইতে তথাকার হেড্‌ মাষ্টার মহাশয়কে একখানি চিঠি লিখিয়াছিলাম। হেড্‌ মাষ্টার মহাশয়ের ভাগিনেয় শ্রীযুক্ত আশুতোষ বন্দ্যোপাধ্যায় ডিক্রগড় ষ্টিমার ঘাটের রিসিভিং ক্লার্কের এজেন্টের অধীনে কেরাণী ছিলেন। আমি ঘাটে পৌঁছিলে ডিক্রগড় সহরে বাহাতে মোট মার্টারিসহ আসিতে পারি তিনি তাহার বন্দোবস্ত করিয়া রাখিয়াছিলেন। ঘাটে পৌঁছিবামাত্র ক্লার্কের সারং আমাকে অতি যত্নে গ্রহণ করিলেন। একটু পূর্বে মূলধারে বৃষ্টি হইয়া গিয়াছিল এবং তখনও অল্প অল্প বৃষ্টি হইতেছিল। সারং একটা খালাসীকে

আমার সঙ্গে দিয়া আমাকে ডিব্রুগড়ে পাঠাইয়া দিলেন। তখন কেবল একখানি অতিরিক্ত ধূতি, পেণ্টুলন, চোগা এবং চাপ্‌কান লইয়া ঐ খালাসীকে সঙ্গে করিয়া সহরে আসিলাম। সহরে আসিতে “ডিব্রু” নদী আবার নোকাযোগে পার হইতে হইল। ষ্টিমারে ১৮ দিন থাকার সময়ে ষ্টিমারের চিফ্‌ ইঞ্জিনিয়ারের সহিত বেশ জানাশুনা হইয়াছিল। ডিব্রুগড়ের ঘাটে ( ব্রহ্মপুত্র নদীর উপরে ) পৌছানকালে ভয়ানক বৃষ্টি হইতেছিল। চিফ্‌ ইঞ্জিনিয়ার সাহেব আমাকে বলিলেন যে Babu I have been to Dibrugarh these twelve years. I have never seen the sun shine here অর্থাৎ বাবু এই বার বৎসর হইতে চলিল আমি ডিব্রুগড়ে আসিতেছি, আমি এই দীর্ঘকালের মধ্যে এখানে সূর্যালোক দেখি নাই। ষ্টিমারে সময় কাটানর জন্ত নানা প্রকার পুস্তক ও মাসিক পত্রিকা পড়িতাম। ইহার মধ্যে শ্রীযুক্ত বঙ্কিমবাবুর বঙ্গদর্শনও ছিল। একদিন উহার মধ্যে Matrimonial Penal Code অর্থাৎ দাম্পত্য দণ্ডবিধি নামক প্রবন্ধটি পড়িতেছিলাম। উহা ইংরাজীতে লিখিত দেখিয়া ইঞ্জিনিয়ার সাহেব উহা পড়িতে লাগিলেন এবং কৌতুক করিয়া বলিলেন যে বাবু সত্য সত্যই কি এই আইন বিধিবদ্ধ হইয়াছে? হইয়া থাকিলে মন্দ হয় নাই।

ডিব্রুগড় সহরে আসিয়া যখন পৌছিলাম তখন বেলা প্রায় ১২টা। সহরে জুতা পায়ে দিয়া চলিবার রাস্তা নাই। সমস্ত রাস্তার উপরে প্রায় এক হাঁটু জল। জুতা হাতে করিয়া খালি পায়ে হেড্‌ মাষ্টার মহাশয়ের বাসায় আসিয়া পৌছিলাম। তখন হেড্‌ মাষ্টার মহাশয় স্কুলে চলিয়া গিয়াছেন। তাঁহার বাসায় বিবেশ্বর নামে একটা প্রবীন হিন্দুস্থানী চাকর ছিল। এ জাতিতে কান্ন। এ আমাকে জিজ্ঞাসা করিল, বাবু আপনার অবস্থা থাওয়া হয় নাই; আমি বলিলাম—না। সে আমাকে কয়েক পয়সার তেলে ভাজা শুকনা নিম্‌কী ও গজা আনিয়া দিল। আমি পেটের জালায় উহাই চর্কন করিয়া স্কুলে গেলাম।

ঘাটের ধারের রাস্তায় তত জল বাধে নাই, ঐ রাস্তা দিয়া স্কুলে গেলাম। এটা এপ্রিল মাস। তথাপি বৃষ্টি হওয়ায় বেশ শীত অনুভূত হইতেছিল।

হেড্‌ মাষ্টার বাবু ক্ষেত্রচন্দ্র চট্টোপাধ্যায় মহাশয় একখানি লাল রঙের শাল গায়ে দিয়া পা তুলিয়া চেয়ারে বসিয়াছিলেন। ইঁহার বাড়ী হুগলী জেলার সুপ্রসিদ্ধ উত্তরপাড়া নামক গ্রামে। তখন তৃতীয় শিক্ষক ছিলেন ত্রীযুক্ত উমাকান্ত চাক্রকাকতি। ইঁহার বাড়ী শিবসাগরে। ইনি প্রবেশিকা পরীক্ষোত্তীর্ণ ছিলেন। ইনি জাতিতে গণক বা দৈবজ্ঞ ব্রাহ্মণ। চতুর্থ শিক্ষকের পদ শূন্য ছিল। ষষ্ঠ শিক্ষক ছিলেন মহেশ্বর বড়ুয়া (যিনি অসমীয়া কাগজের সম্পাদক বলিয়া সম্প্রতি একটা মানহানির মকদ্দমায় দণ্ডিত হইয়াছেন)। মহেশ্বর বড়ুয়ার বাড়ী ডিব্রুগড়ে। ইঁহার পিতা মোহন বড়ুয়া সেকালের মুনসেফ ছিলেন। জাতিতে গণক বা দৈবজ্ঞ ব্রাহ্মণ। ইনি প্রবেশিকা পরীক্ষার পাঠ্য পর্য্যন্ত পড়িয়াছিলেন। কিন্তু বেশ ইংরাজী জানিতেন। পণ্ডিত ছিলেন বঙ্গ চন্দ্র সরস্বতী, নর্থ্যাল স্কুলের ত্রৈ বাবিকী পরীক্ষায় উত্তীর্ণ জাতিতে বারেন্দ্র ব্রাহ্মণ, বাড়ী ফরিদপুর জেলায়। তৃতীয় শিক্ষকের মস্তকে শিখা দেখিয়া তাঁহাকে পণ্ডিত মনে করিয়াছিলাম। আর পণ্ডিত বঙ্গবাবুকে অন্ততম শিক্ষক মনে করিয়াছিলাম। হেড্‌ মাষ্টারের পরনে পেণ্টুলন ও চাপ্কান আদি না দেখিয়া আমি হেড্‌ মাষ্টার খুজিয়া পাইতেছিলাম না। বঙ্গবাবুকে ইংরাজীতে জিজ্ঞাসা করিলাম হেড্‌ মাষ্টার কোথায়? তিনি দেখাইয়া দিলেন। ক্ষেত্রবাবু উঠিয়া আসিয়া আমাকে ইংরাজীতে জিজ্ঞাসা করিলেন যে তুমিই কি সেকেণ্ড মাষ্টার হইয়া আসিয়াছ। তোমার নাম কি রামেশ্বর বাবু? আমি বলিলাম হাঁ। জিজ্ঞাসা করিলেন খাওয়া দাওয়া হইয়াছে? আমি বলিলাম না। তখন তিনি বলিলেন Man, then you are starving অর্থাৎ তুমি অনশনে তবে মরিতেছ। আমি বলিলাম তাঁহার বাসার

চাকর আমাকে কয়েকখানি নিম্নকি গজা আনিয়া দিয়াছিল, তাহাই খাইয়া আসিয়াছি।

## ডিব্রুগড় জেলা স্কুলের দ্বিতীয় শিক্ষকের কার্যভার গ্রহণ।

তিনি তখন হাসিয়া বলিলেন What more you can expect then অর্থাৎ এতদপেক্ষা আর কি পাইবার আশা করিতে পার? সেই দিনই অর্থাৎ ১৮৭৮ সালের ২ই এপ্রিল তারিখে স্কুলের দ্বিতীয় শিক্ষকের কার্যভার গ্রহণ করিলাম। ছুটির পরে হেড্‌ মাষ্টার মহাশয়ের সঙ্গে তাঁহার বাসায় আসিলাম। তাঁহার সঙ্গে তখন পরিবার ছিল না। ইনি গোঁড়া হিন্দু ছিলেন। নিজহস্তে পাক করিয়া খাইতেন। সময়ে সময়ে জয়নগর মজিলপুরের একটি বৃদ্ধ ব্রাহ্মণ তাঁহার বাসায় থাকিতেন এবং তাঁহাকে পাক করিয়া খাওয়াইতেন। কিন্তু তিনি কোনরূপে বেতন লইতেন না। তিনি সময়ে সময়ে “চা” বাগানে বাঙ্গালী বাবুদের বাসায় যাইতেন এবং বিলক্ষণ অর্থ সংগ্রহ করিয়া আসিতেন। ইনি প্রতি বৎসরই ডিব্রুগড়ে দুর্গোৎসব করিতেন। নিজেই প্রতিমা গড়িতেন ও পূজার সমস্ত কার্য করিতেন। ইহাতেও কিছু উপার্জন করিতেন। যে দিন আমি ডিব্রুগড়ে পৌছি, সে দিন বোধ হয় এই বৃদ্ধ ভট্টাচার্য মহাশয় বাসায় ছিলেন না। হেড্‌ মাষ্টার মহাশয়ের রাত্রিতে পাক করিতে বিলম্ব হইতে পারে এজন্য বাঙ্গালা স্কুলের হেড্‌ পণ্ডিত শ্রীযুক্ত ব্রজনাথ চট্টোপাধ্যায়কে বলিলেন “ব্রজ, আজ রাত্রিতে সেকেণ্ড মাষ্টারকে তুমি ভাত দিও”। ব্রজবাবুর বাড়ী আমাদের এই অঞ্চলেই বনগাঁ মহকুমার অন্তর্গত আকাইপুর গ্রামে। তখন বনগাঁ নদীয়া জেলার অন্তর্গত ছিল। ব্রজবাবু হেড্‌ মাষ্টার মহাশয়ের বাসার একটি ঘরে রান্ধিতেন এবং বৈঠকখানার একটি প্রাকোষ্ঠে শয়ন করিতেন। বাঙ্গালা স্কুলের দ্বিতীয় শিক্ষক ছিলেন

শ্রীযুক্ত ব্রজনাথ রুদ্র। ইহাঁর বাড়ী কৃষ্ণনগরের নিকট দোগাছিয়া গ্রামে। ইনিও হেড্‌ মাষ্টার মহাশয়ের বাসার গায়ে একটা ক্ষুদ্র বাসায় তখন স-পরিবারে বাস করিতেছিলেন। ট্রেনিং স্কুলের হেড্‌ মাষ্টার ছিলেন শ্রীযুক্ত দ্বারকানাথ সেন, ইহাঁর বাড়ী বগুড়া জেলায়। ইনিও স-পরিবারে হেড্‌ মাষ্টার মহাশয়ের বাসার নিকটে অপর একটা বাসায় থাকিতেন। ডিব্রুগড় স্কুলের ভূতপূর্ব সেক্রেণ্ড মাষ্টার শ্রীযুক্ত লক্ষ্মী-নারায়ণ মিশ্র মহাশয়ও স-পরিবারে নিকটস্থ আর একটা বাসায় ছিলেন। ইনি তখন পুলিশ অফিসের হেড্‌ ক্লার্ক। ইহাঁর বাড়ী ছিল বর্ধমান জেলার কোন পল্লীগ্রামে। আমি আশাতীত ভাবে আমাদের দেশের লোকের মধ্যে যাইয়া পড়িলাম এবং পরম সুখে ডিব্রুগড়ে কাল কাটাইতে লাগিলাম। এ সময়ে বাঙ্গালী ও আসামীয়াদিগের মধ্যে বিলক্ষণ সদ্ভাব ছিল। পরস্পরের মধ্যে কোনরূপ বিদ্বেষের ভাব ছিল না। আমরা যে পাড়ায় ছিলাম, সে পাড়াতে কয়েকজন আসামীয়া ভদ্রলোকের বাস ছিল। ইহাঁদের মধ্যে উমাকান্ত শর্মা, মহীধর শর্মা ও মহেশ্বর শর্মা এবং জয় সিংহের নাম বিশেষ উল্লেখ যোগ্য। উমাকান্ত শর্মা ছিলেন উকীল। মহীধর শর্মা ডেপুটি কমিসনারের অফিসের মহরের ও মহেশ্বর শর্মা ছিলেন নাজির। জয় সিংহের চা বাগান ও নানা প্রকার ব্যবসায় ছিল। এক সময়ে ইহাঁর অবস্থা এত ভাল ছিল যে তাঁনি ষ্টিমার কিনিতে চাহিয়াছিলেন। আমি যে সময়ে ডিব্রুগড়ে বাই সে সময়ে ইহাঁর অবস্থা তত ভাল ছিল না। ইনি খাটি আসামীয়া ছিলেন না। ইহাঁর পিতা ছিলেন হিন্দুস্থানী ও মাতা আসামীয়া রমণী। রঙ্গপুরের ডাক্তার দয়াল সিংহ বাবুর ইনি আত্মীয় ছিলেন। দয়াল সিংহ বাবুর জন্ম স্থান ডিব্রুগড়ে। ইংরাজ, হিন্দুস্থানী, বাঙ্গালী ও মারোয়াড়ী পিতার ঔরসে ও আসামী মাতার গর্ভে জাত নরনারী তখন আসামের প্রায় সর্বত্রই দেখিতে পাওয়া যাইত; এবং ইহাঁদের মধ্যে তখন অনেক গণ্য মান্য ব্যক্তিও ছিলেন। এখন ইহাঁদের

বংশধরগণই খাঁটি আসামীয়া বলিয়া পরিচয় দিয়া থাকেন এবং বাঙ্গালী-দিগের প্রতি বিদ্বেষ ও ঘৃণা প্রকাশ করিয়া থাকেন। আজকালের অনেক আসামীয়া ভদ্রলোকের ও তাঁহাদের পূর্ব পুরুষদের জন্মবৃত্তান্ত আমি অবগত আছি। ডিব্রুগড়ের একজন বিশিষ্ট প্রাচীন ভদ্রলোককে আমি এক সময়ে জিজ্ঞাসা করিয়াছিলাম যে মহাশয়, আপনার নামের পশ্চাতে দত্ত উপাধি দেখিতেছি কিন্তু আসামে ত দত্ত উপাধি থাকবার কথা নয়। আপনি কোথা হইতে দত্ত উপাধি পাইলেন। তত্বতরে তিনি স্পষ্টরূপেই বলিয়াছিলেন যে “আমাদের পূর্ব পুরুষ বাঙ্গালী, তাঁহার নাম ছিল মাণিক চন্দ্র দত্ত। বাবু যদি আমি বাঙ্গালী বলিয়া পরিচয় দিতে লজ্জা বোধ করি, তবে কি আহম্ বা মটক্ হইব। আসামের আদি বাসীত আহম্ ও মটক্ ভিন্ন অল্প জাতি ছিল না। এই বৃদ্ধ ভদ্র লোকটির নাম ছিল শ্রীযুক্ত কেশবরাম দত্ত। পূর্বে ইনি পুলিশের দারোগা ছিলেন। এ সময়ে ডিব্রুগড়ের সদর মোজাদার ছিলেন। ইহঁার পুত্রদিগের মধ্যে অনেকেই কৃতবিদ্য ছিলেন এবং গভর্ণমেণ্টের অধীনে দায়িত্বপূর্ণ ভাল ভাল পদে নিযুক্ত ছিলেন। ইহঁাদের মধ্যে কেহ দত্ত কেহ বা বড়ুয়া উপাধি নামের পশ্চাতে লাগাইতেন। উপাধি বা পদবী লাগান সম্বন্ধে একটা হাত্তোদ্দীপক গল্প এখানে না বলিয়া থাকিতে পারিলাম না। ডিব্রুগড়ের ডেপুটী কমিসনারের অফিসে শ্রীযুক্ত বংশীধর দত্ত নামে একজন উচ্চ পদস্থ কেরানী ছিলেন। ইহঁার ভ্রাতা ছিলেন উপর আসামের স্কুল সমূহের ডেপুটী ইনস্পেক্টর শ্রীযুক্ত রত্নধরবাবু। রত্নধরবাবু নামের পশ্চাতে লাগাইতেন বড়ুয়া। এই সময়ে লখীমপুর বা লক্ষ্মীপুর জেলার ডেপুটী কমিসনার ছিলেন কর্ণেল ক্লার্ক। জেলার নাম লখীমপুর বা লক্ষ্মীপুর, এবং উহার প্রধান সহরের নাম ডিব্রুগড়। কর্ণেল ক্লার্ক বড়ই কৌতুকপ্রিয় বা রঙুড়ে লোক ছিলেন। একদিন ঘটনাক্রমে কার্য উপলক্ষে দুই ভ্রাতাই জ্যেষ্ঠ বংশীধরবাবু ও তাঁহার কনিষ্ঠ

রত্নধরবাবু সাহেবের সম্মুখে উপস্থিত। সাহেব বংশীবাবুকে জিজ্ঞাসা করিলেন “বংশী তোমারা পুরা নাম কেয়া” বংশীবাবু বলিলেন বংশীধর দত্ত। পরে রত্নধরবাবুকে জিজ্ঞাসা করিলেন “তোমারা পুরা নাম” ? রত্নধরবাবু বলিতে বাধ্য হইলেন যে রত্নধর বড়ুরা। বেহেতু তিনি যে সমস্ত কাগজ সাহেবের স্বাক্ষর করাইতে লইয়া গিয়াছিলেন সেই সকলে তাঁহার নাম লেখা ছিল রত্নধর বড়ুরা। সাহেব তখন রত্নধরবাবুকে বলিলেন যে বংশী তোমারা কোন লাগদা হয়। রত্নধরবাবু বলিলেন যে বংশীবাবু তাঁহার জ্যেষ্ঠ ভ্রাতা। তখন সাহেব হাসিতে হাসিতে বলিলেন যে বড়া মজা কা বাং, এক ভাই দত্ত দোসরা ভাই বড়ুরা। এই দিন হইতে রত্নধরবাবু নাম লিখিতে লাগিলেন রত্নধর দত্ত বড়ুরা।

এই সময়ে ডিক্রগড়ে অনেকগুলি বাঙ্গালী ভদ্রলোক ছিলেন। আমাদের পাড়ায় নিজ ঢাকা সহরবাসী শ্রীঅনন্তহরি বসাক, কৃষ্ণচন্দ্র বসাক ও কৃষ্ণহরি বসাক ছিলেন। ইহাদের বিলাতী মদের দোকান ছিল। যদিও এই জঘন্য ব্যবসায়ে ইহারা নিযুক্ত ছিলেন বটে, কিন্তু অনন্তহরি বসাক ও তাঁহার জ্যেষ্ঠ ভ্রাতা অতি ধর্মনিষ্ঠ লোক ও পরম বৈষ্ণব ছিলেন। দেখিতেও খুব সুশ্রী ছিলেন। ডিক্রগড়ে বাঙ্গালী দিগের মধ্যে প্রাতঃস্মরণীয় ছিলেন শ্রীযুক্ত কালীনাথ বন্দ্যোপাধ্যায়। ইহঁার বাড়ী ছিল ২৪ পরগণা জেলার অন্তর্গত দোদপুর্ গ্রামে। পূর্বে ইহঁার অবস্থা খুবই ভাল ছিল। ইহঁার বাসা ছিল ক্যান্টনমেন্টের সীমার মধ্যে। ইহঁার একখানি ঔষধের ও নানাবিধ সাহেবদিগের ব্যবহার্য ও খাওয়ার্য্যের দোকান ছিল। ডিক্রগড়ে চাকরী, ব্যবসায়ের বা অন্ত কোন উদ্দেশ্যে যে কোন বাঙ্গালী গেলেই, কালীনাথবাবুর বাসায় আশ্রয় গ্রহণ করিতেন; এবং এমন কি এক বৎসর পর্য্যন্ত তথায় স্থান পাইতেন। তিনি এককালে লক্ষ লক্ষ টাকা উপার্জন করিয়াছিলেন। কিন্তু উদার প্রকৃতি ও দাতা ছিলেন বলিয়া একটা পয়সাও রাখিতে

পারেন নাই। ডিক্রগড় রেজিমেন্টের সার্জন্স ও সিভিল সার্জন্স মহাহুভব জন বেরি হোয়াইট (Jhon Berry White) সাহেব ইহঁকে বড়ই ভাল বাসিতেন। এই হোয়াইট সাহেবের নামেই ডিক্রগড়ের মেডিক্যাল স্কুল পরে প্রতিষ্ঠিত হইয়াছে। মেডিক্যাল স্কুলের নাম হইয়াছে জে, বেরি হোয়াইট মেডিক্যাল স্কুল (J. Berry White Medical School) হোয়াইট সাহেব ইহার প্রতিষ্ঠাকালে চল্লিশ হাজার টাকা দান করিয়া গিয়াছিলেন।

আমি যখন ডিক্রগড়ে যাই তখন কালীনাথবাবুর অবস্থা দিন দিন হীন হইয়া আসিতেছিল। অবস্থা হীন হইবারই কথা। একেত দাতা তাহার উপরে আবার ব্যবসায়ের প্রতি তাঁহার বিশেষ দৃষ্টি ছিল না। তাঁহার কর্মচারীমাত্রেই বিলক্ষণ চুরি করিত। তাঁহার যে দরোয়ান ছিল সে এত অর্থ সংগ্রহ করিয়াছিল যে কালীনাথবাবু তাহার নিকট হইতে একসময়ে ৭০০০ টাকা ঋণ গ্রহণ করিতে বাধ্য হইয়াছিলেন। প্রত্যহ চা পান করিবার জন্ত তাঁহার বাসায় আটাই সের করিয়া চিনি লাগিত। ইহা হইতেই তাঁহার দৈনিক খরচের একটা মোটামুটি হিসাব করিয়া লওয়া যাইতে পারে।

এই সময়ে ডিক্রগড়ের বাঙ্গালী ভদ্রলোকদিগের মধ্যে শ্রীযুক্ত হরিশচন্দ্র বাকুচি বি, এল, মহাশয়ের অবস্থা অতি উৎকৃষ্ট ও শ্রেষ্ঠ ছিল। হরিশবাবু এক সময়ে ডিক্রগড় জেলা স্কুলের সেক্রেণ্ড মাস্টার ছিলেন। শ্রীশ্রীভগবান্ কখন কাহার কি অবস্থা ঘটাইয়া দেন, তাহা হরিশবাবুর জীবনী হইতে বোধগম্য হইতে পারে। শ্রীভগবানের নামই বা কেন করি। মানুষ আপন আপন কর্মফল ভোগ করিয়া থাকে। হরিশবাবু বি, এ, পরীক্ষায় উত্তীর্ণ হইয়া ৭৫ টাকা বেতনে পূর্ববঙ্গের কোন জেলার স্কুল ডেপুটি ইনস্পেক্টর হইয়াছিলেন। তখন মহাহুভব সি, বি, ক্লার্ক (C. B. Clarke) সাহেব টাকা বিভাগের স্কুল ইনস্পেক্টর ছিলেন। হরিশবাবু বি, এল, পরীক্ষায় উত্তীর্ণ হইয়া



ওকালতী করিবেন বলিয়া ডেপুটী ইনস্পেক্টরী ছাড়িয়া দেন। কিন্তু বাঙ্গালা দেশে তখনকার দিনেও ইনি ওকালতী করিয়া উদরার্নের সংস্থান করিতে পারেন নাই। পরে আবার চাকরীর জন্ত ক্লার্ক সাহেব বাহাদুরকে ধরেন। তখন আসাম প্রদেশ বাঙ্গালার লাট সাহেবের অধীনে ছিল। সুতরাং বাঙ্গালা প্রদেশের শিক্ষাবিভাগের ডিরেক্টর সাহেবের অধীনে আসাম প্রদেশের শিক্ষাবিভাগও ছিল। তখন (Atkinson) এটকিন্সন্ সাহেব বাঙ্গালা, বিহার, আসাম ও উড়িষ্ণার শিক্ষা বিভাগের ডিরেক্টর ছিলেন। ক্লার্ক সাহেব পুনরায় হরিশবাবুকে চাকরী দিবার জন্ত এটকিন্সন্ সাহেবকে বিশেষভাবে অনুরোধ করেন। এটকিন্সন্ সাহেব বলেন যে সে একবার চাকরী ছাড়িয়া দিয়াছে, তাহাকে আর চাকরী দেওয়া যাইতে পারে না ; বিশেষতঃ সে বি, এল্। চাকরী পাইলেও আবার সুযোগ পাইলেই সে চাকরী ছাড়িয়া দিবে। এটকিন্সন্ সাহেব বি, এল্ দিগকে শিক্ষা বিভাগে প্রায়ই লইতেন না। ক্লার্ক সাহেব এটকিন্সন্ সাহেবকে বিশেষ করিয়া ধরায় এটকিন্সন্ সাহেব বলিলেন যে ৫০ টাকা বেতনে সে যদি ডিব্রুগড় জেলা স্কুলের সেকেন্ড মাস্টারের পদে যাইতে চায়, তবে তাহাকে উহা দিতে পারি। এই তার শাস্তি মনে করিতে হইবে। হরিশবাবুর অবস্থা তখন এতই খারাপ হইয়াছিল যে তিনি বিশেষ আগ্রহের সহিত ঐ পদ গ্রহণ করিয়া ডিব্রুগড়ে চলিয়া গেলেন। তাঁহার অবস্থা তখন এতই হীন হইয়াছিল যে তাঁহার এমন একটাও সাট ছিল না যাহা গায়ে দিয়া তিনি স্কুলে যাইতে পারেন। ডিব্রুগড়ে গিয়াই কালীনাথ বাবুর বাসায় আশ্রয় লন। তখন ডিব্রুগড় জেলা স্কুলের হেড্ মাস্টার ছিলেন বালি-উত্তরপাড়া নিবাসী শ্রীযুক্ত ক্ষেত্রচন্দ্র চট্টোপাধ্যায়। আমার সময়েও এই ক্ষেত্রবাবুই হেড্ মাস্টার ছিলেন। হরিশবাবু সেকেন্ড মাস্টার হওয়ার পরে ক্ষেত্রবাবু তিন মাসের বিদায় লইয়া বাড়ী আসেন। এ সময়ে কর্ণেল ক্লার্ক সাহেব ডেপুটী কমিশনার এবং কাজেই ডিষ্ট্রিক্ট

কমিটি অব্ পব্লিক ইন্ট্রক্সনের ভাইস প্রেসিডেন্ট বা জেলার বিজ্ঞালয় সমূহের হর্ত্তাকর্ত্তা। হেড্ মাষ্টার মহাশয়ই ঐ কমিটির সেক্রেটারী বা সম্পাদক।

ক্ষেত্রবাবুর অল্পপস্থিতি কালে হরিশবাবু হেড্ মাষ্টার হইলেন ও ডিষ্ট্রিক্ট কমিটির সম্পাদকও হইলেন; সুতরাং সপ্তাহের মধ্যে অন্ততঃ একদিন করিয়া ডেপুটী কমিসনারের সহিত সাক্ষাৎ করিতে বাধ্য হইলেন। ক্লার্ক সাহেব গুলিলেন হরিশবাবু বি, এল্। তখন ডিক্রগড়ে একটাও ইংরাজী জানা উকীল ছিল না। বাঙ্গালা জানা উকীল বা মোক্তার ছিল। উকীলকেও তখন সাহেবেরা মোক্তার বলিতেন। ক্লার্ক সাহেব হরিশবাবুকে বলিলেন যে তুমি এখানে ওকালতী কর। হরিশবাবু বলিলেন সাহেব, আমি আর ওকালতী করিব না। ওকালতী করিয়া আমার যথেষ্ট শাস্তি ও শিক্ষা হইয়াছে। ক্লার্ক সাহেব তাঁহাকে জিজ্ঞাসা করিলেন যে তুমি স্কুলে কত টাকা বেতন পাও। হরিশবাবু বলিলেন ৫০ টাকা। সাহেব এই কথা শুনিয়া বলিলেন যে আমি নাসে মাসে তোমাকে ১০০ টাকা করিয়া বে কোন প্রকারে দেওয়াইব। ১০০ টাকা তোমার বাঁধা আর থাকিবে, তা ছাড়া তুমি যাহা উপার্জন করিতে পারিবা তাহাও তোমার থাকিবে। হরিশবাবু মাসে মাসে ১০০ টাকা নিশ্চয়ই পাইবেন শুনিয়া পুনরায় ওকালতী করিতে সম্মত হইলেন। কর্ণেল ক্লার্ক তখনই ১০টা চা বাগানের ম্যানেজার সাহেবদিগকে এই বলিয়া চিঠি লিখিলেন যে ইংরাজী জানা মোক্তার জেলায় তোমাদের না থাকাতে তোমাদের কাজকর্মের বিশেষ অল্পবিধা ও ক্ষতি হয়। একটা ইংরাজী জানা উকীল এখানে আসিয়া স্কুলের সেক্রেটারী করিতেছেন, তাঁহাকে তোমরা প্রতি মাসে প্রত্যেকে ১০ টাকা করিয়া রিটেনার বা নির্দিষ্ট বেতন দিলে তিনি তোমাদের সমস্ত কাজকর্ম করিয়া দিবেন। ম্যানেজার সাহেবরা আগ্রহ সহকারে এই প্রস্তাবে সম্মত

হইলেন। হরিশবাবুর বাঁধা মাসিক আয় ১০০ টাকা হইল। তিনি আবার ওকালতী করিতে লাগিলেন। তাঁহার অদৃষ্ট সুপ্রসন্ন হইল। তিনি মরণকালে প্রায় তিন লক্ষ টাকা নগদ, চা-বাগান এবং ভূমি-সম্পত্তি রাখিয়া গিয়াছেন। তাঁহার পত্নী-গর্ভজাত জ্যেষ্ঠ পুত্র শ্রীমান্ বিপিনবিহারী বাক্টি বি, এল্, পাস করিয়া ডিক্রগড়ে ওকালতী করিতেছিলেন জানিতাম। তাঁহার একটি পুত্র মুনসেফ হইয়াছেন সংবাদপত্র পাঠে জানিয়াছি। তাঁহাদের নিজ গ্রামে তাঁহার নামে একটি দাতব্য চিকিৎসালয় স্থাপন করিয়াছেন। তাঁহার রক্ষিতা আসাম দেশীয়া হাড়িনীর গর্ভজাত একটি পুত্র এখন কলিকাতা হাইকোর্টে ব্যারিষ্টারি করিতেছেন ও তাঁহার একটি কন্যা বি, এ, পাস করিয়া বাঙ্গালা বা বিহার প্রদেশে শিক্ষাবিভাগে কার্য করিতেছেন। হরিশবাবুর কি আশ্চর্য ভাগ্য-পরিবর্তন। ডিক্রগড়ে হাড়ীজাতীয় লোকেরা কোন নীচ কৰ্ম করে না। অধিকাংশ ঘোকেই স্বর্ণকারের কার্য করে, এজন্ত উহাদিগকে সোনারী বলে। উক্ত জাতীয় আমার একটি ছাত্র, তাহার নামের পশ্চাতে গোল্ডস্মিথ্ শব্দ ব্যবহার করিত। তাহার নাম ছিল পূর্ণানন্দ। সে লিখিত পূর্ণানন্দ গোল্ডস্মিথ্।

হরিশবাবুর বাসা ছিল দীঘলী বাজারের দক্ষিণে। এই স্থানে অনেক সোনারীর বাস ছিল। ঐ পাড়ার একটু পূর্বধারে একাউণ্ট্যান্ট কৃষ্ণকুমার সেন ও স্কুল ডেপুটী ইনস্পেক্টর জগদ্রাজ সেনের ও আরও কয়েকটি বাঙ্গালীর বাসা ছিল। একট্রা এসিষ্ট্যান্ট কমিসনার শ্রীযুক্ত রাজমোহন দের বাসাও ঐ স্থানে ছিল। তিনি বদলী হইয়া যাওয়াতে হরিশবাবুই তাঁহার বাসাটি কিনিয়াছিলেন এবং সেই বাসায় বাস করিতেছিলেন। রাজমোহনবাবু জাতিতে ছিলেন সুবর্ণ বণিক। কৃষ্ণকুমারবাবু ও জগৎবাবু ছিলেন বৈজ্ঞ। সকলেই পূর্ববঙ্গবাসী। আমার ডিক্রগড়ে যাওয়ার কিছুকাল পরে শ্রীরামপুর চাতরানিবাসী শ্রীযুক্ত বেণীমাধব চক্রবর্তী মহাশয় পুলিশ ইনস্পেক্টর হইয়া ডিক্রগড়ে গিয়াছিলেন;

এবং হরিশবাবুর বাসার এক অংশে বাস করিতেন। বেণীবাবু পেন্সন্ লইয়া আসিয়া বহুদিন শ্রীরামপুর চাতরার বাড়ীতে বাস করিয়াছিলেন এবং অনারারি ম্যাজিষ্ট্রেট ছিলেন। আজ কয়েক মাস মাত্র হইল ইহলোক পরিত্যাগ করিয়া গিয়াছেন। তাঁহার জ্যেষ্ঠ পুত্র শ্রীমান্ ঈশ্বরচন্দ্র চক্রবর্তী পুলিস বিভাগে কার্য্য করিয়া পেন্সন্ লইয়া বাড়ী আসিয়াছেন। পেন্সন্ লইবার সময়ে ইনি ডেপুটী সুপারিন্টেণ্ডেন্টের পদে অধিষ্ঠিত ছিলেন।

বেণীবাবুর কনিষ্ঠ পুত্র শ্রীমান্ ভোলানাথ চক্রবর্তী পূর্তবিভাগের সব্ ওভারসিয়ার ছিলেন। ইনিও পেন্সন্ লইয়া অবসর গ্রহণ করিয়াছেন। ভোলানাথের পুত্রের সহিত আমাদের প্রতিবেশী ও পুরোহিত শ্রীযুক্ত গণেশচন্দ্র ভট্টাচার্য্যের জ্যেষ্ঠা কন্যার বিবাহ হইয়াছে। এবং ঈশ্বরবাবুর একটা পুত্রের সহিত উক্ত ভট্টাচার্য্য মহাশয়ের তৃতীয়া কন্যার বিবাহ হইয়াছে। ডিক্রগড়ে আমাদের পাড়ায় শ্রীযুক্ত জোনাথ্যান্ রায় নামে একজন দেলীয় খৃষ্টান ছিলেন। ইনি ডিক্রগড়ের ডেপুটী কমিসনার অফিসে জুডিসিয়াল্ সুপারিন্টেণ্ডেন্ট ছিলেন। জোনাথ্যান্ বাবুর শালাপতি ভাই ডেপুটী কমিসনারের অফিসে একাউন্ট্যান্ট ছিলেন। ইহার পরবর্তী নাম হইয়াছিল জন্ ড্যানিয়েল হাভি। ইহার পূর্ব নাম ছিল কৈলাসচন্দ্র নন্দী এবং ইহার বাড়ী ছিল আগড়পাড়ায়, জাতিতে কায়স্থ ছিলেন। ইহার জ্বর নাম ছিল দীনময়ী, পুত্রের নাম এসলী ইডেন্। এই পুত্রটা এখন মিলিটারী এসিষ্ট্যান্ট সার্জন্। ইনি এখন এঙ্গলো-ইণ্ডিয়ান্ বলিয়া পরিচিত। জোনাথ্যান্ বাবুর জ্যেষ্ঠ ভ্রাতার নাম ছিল গ্রাথান্ বাবু। ইনি গোঁহাটিতে কমিসনার অফিসে সুপারিন্টেণ্ডেন্ট ছিলেন। ইহার জ্যেষ্ঠ সশঙ্কীর নাম ছিল স্ত্রামুএল লভ্‌ডে, কনিষ্ঠ সশঙ্কীর নাম ছিল প্রফুল্লচন্দ্র রায় এবং পুত্রের নাম ছিল স্ববর্ষকুমার রায়। আমার ডিক্রগড়ে ষাওয়ার কিছুদিন পরে পূর্ত-বিভাগের সুপারভাইজার হইয়া আসিয়াছিলেন শ্রীযুক্ত উমাকান্ত ঘোষ।

ইনি অতিশয় সদাশয় লোক ছিলেন। ইহার এক ভ্রাতা শ্রীযুক্ত রজনীকান্ত ঘোষ ঢাকা কলেজিয়েট স্কুলের হেড্‌মাষ্টার হইয়াছিলেন। আর এক ভ্রাতা রাধাকান্ত ঘোষ রঙ্গপুরের জজ লেভিন্‌ সাহেবের সময়ে “ট্রান্স্লেটার” বা অনুবাদক ছিলেন। ইনি চাকরী ছাড়িয়া হোমিওপ্যাথিক ডাক্তার হইয়াছিলেন। ইহার সংগৃহীত অনেক হোমিওপ্যাথিক চিকিৎসা পুস্তক আছে। ইহাদের বাড়ী ছিল ঢাকা জেলার বিক্রমপুর পরগণার অন্তর্গত বজ্রযোগিনী গ্রামে।

কিছুদিন পরে উলার (বীর নগরের) নিকটবর্তী বাঘরাল গ্রাম-নিবাসী শ্রীযুক্ত যোগেন্দ্রচন্দ্র গাঙ্গুলী পূর্ববিভাগের সব-ওভারসিয়ার হইয়া ডিক্রগড়ে আসিয়াছিলেন। ইনি পেন্সন্‌ লইয়া এখন কৃষ্ণনগর গোয়াড়িতে,—ইহার পুত্র শ্রীমান্‌ খগেন্দ্রচন্দ্র গাঙ্গুলী উকীল সহ বাস করিতেছেন। পেন্সন্‌ লইবার সময়ে ইনি এসিষ্ট্যান্ট ইঞ্জিনিয়ার ছিলেন এবং রায়বাহাদুর উপাধিলাভ করিয়াছিলেন। ডেপুটী কমিসনার বাহাদুরের রেভেনিউ ডিপার্টমেন্টের বা রাজস্ব বিভাগের সুপারিন্টেন্ডেন্ট ছিলেন শ্রীযুক্ত কৈলাসচন্দ্র সেন। ইহার বাড়ী ছিল কৃষ্ণনগরে ও ইনি জাতীতে হুড়ি। ইহার পিতৃব্য শ্রীযুক্ত শ্রীনাথ সেন, সিনিয়র স্কুলার। পূর্বে গোহাটী জেলা স্কুলের হেড্‌মাষ্টার ছিলেন। পরে ডিক্রগড়ে বদলী হইয়া আসেন। কৈলাসবাবু উৎকোচ লওয়ার অপরাধে অভিযুক্ত হইয়া ৬০০ টাকা অর্থদণ্ডে দণ্ডিত হইয়াছিলেন এবং পদচ্যুত হইয়াছিলেন। কারাদণ্ডই হইত, কিন্তু তৎকালের ডেপুটী কমিসনার মহাত্মভব ম্যাক্‌উইলিয়ম্‌ সাহেব বাহাদুর ইহার পূর্বকার প্রশংসাপত্র সমূহ দেখিয়া বলেন বাবু, তোমার কারাদণ্ড হওয়া উচিত ছিল, কিন্তু তুমি পূর্বে বিশেষ প্রশংসার সহিত কার্য করিয়াছ বলিয়া আমি তোমাকে ছয়শত টাকা অর্থদণ্ড করিয়া অব্যাহতি দিলাম। আমি যখন প্রথমে ডিক্রগড়ে বাই তখন পোষ্টমাষ্টার ছিলেন শ্রীরামপুর চাতরা নিবাসী শ্রীযুক্ত উমেশ চন্দ্র চট্টোপাধ্যায়; পরে হন শ্রীযুক্ত বাবু বঙ্কবিহারী ভট্টাচার্য। ইহার

বাড়ী ফরাসভাষার নিকট কোন স্থানে। ইনি এক সময়ে ডিক্রগড় জেলা স্কুলের সেকেন্ড মাস্টার ছিলেন। পরে পোষ্টমাস্টার হইয়া আসিয়াছিলেন শ্রীযুক্ত রজনীনাথ গুহ ঠাকুরতা। বাথরগঞ্জ জেলার বিখ্যাত বানরীপাড়ায় ইহার নিবাস ছিল। শ্রীযুক্ত বৃন্দাবনচন্দ্র ঘোষ নামে আর একটি ভদ্রলোক পূর্নবিভাগের স্থপারভাইজার হইয়া আসিয়াছিলেন; এবং কিছুকাল ডিক্রগড়ে ছিলেন। ইনি দেখিতে অতি সুন্দর পুরুষ এবং বড় সৌখিন বাবু ছিলেন। আমার ডিক্রগড়ে যাওয়ার প্রায় একবৎসর পরে স্বনামধন্য দানশীল, শ্রীযুক্ত তারকনাথ পালিত ব্যারিষ্টার মহাশয়ের ভ্রাতুষ্পুত্র শ্রীযুক্ত নৃপেন্দ্রনাথ পালিত ষ্টিল সাহেব নামক একজন নূতন সলিসিটরের ২০ টাকা বেতনে কেরানীর পদে নিযুক্ত হইয়া দেড় বৎসরের এগ্রিমেন্ট দিয়া হঠাৎ একদিন ডিক্রগড়ে আসিয়া উপস্থিত হইলেন। উপস্থিত হইয়া হেড্ মাস্টার ক্ষেত্রবাবুর বাসায় উঠিলেন। ইনি যে টি, পালিতের ভ্রাতুষ্পুত্র এ পরিচয় দিলেন না।

ক্ষেত্রবাবু তাহার আহারাদির জ্ঞান শনিচর ঠাকুর নামে একজন ব্রাহ্মণের বাসায় বন্দোবস্ত করিয়া দিলেন। শনিচর ঠাকুর অতি অপরিচ্ছন্ন লোক ছিল। তাহার পাক করা অন্ন ব্যঞ্জন খাইয়া নৃপেনের তৃপ্তি হইবে কেন? নৃপেন গোপনে অল্প আহার করিতেন, লোক দেখানর জ্ঞান একবার শনিচর ঠাকুরের ঘরে বাইয়া ভোজন করিতে বসিতেন এবং মাসে মাসে তাহাকে কয়েকটি করিয়া টাকা দিতেন। আমি একদিন নৃপেনকে টি পালিতের ভ্রাতুষ্পুত্র বলিয়া ধরিয়া ফেলিলাম। নৃপেনের পিতার নাম ছিল শ্রীযুক্ত ক্ষেত্রনাথ পালিত। এবং পিতামহ ছিলেন দানশীল মুচ্ছন্দীপ্রবর শ্রীযুক্ত কালীকিঙ্কর পালিত। ইহার হুগলী জেলার বিখ্যাত অমরপুরের পালিত। কলিকাতা হইতে অমরপুর পর্যন্ত পাকা বাঁকা রাস্তা শ্রীযুক্ত কালীকিঙ্কর পালিত নিজ ব্যয়ে করিয়া দিয়াছিলেন। এই কালীকিঙ্কর পালিতের চাকর কলিকাতা

শীলেন্দের চাকরের সহিত জেদাজেদি করিয়া বাজার হইতে একশত টাকা দিয়া একটা চালকুমড়ো কিনিয়া আনিয়াছিল। সে হটিয়া আসে নাই বলিয়া কালীকিঙ্কর পালিত মহাশয় তাহাকে একঘোড়া কাশ্মিরী শাল বক্শীস্ দিয়াছিলেন। নূপেনের বড় দাদার নাম ছিল যোগেন্দ্রনাথ পালিত ও মেজদাদার নাম উপেন্দ্রনাথ পালিত। আমি যখন রঙ্গপুর জেলা স্কুলের মাষ্টার ছিলাম সেই সময়ে ত্রীযুক্ত অভয়াচরণ চক্রবর্তী নামে জজ সাহেবের অফিসে একজন কেরানী ছিলেন। ইনি কোন সময়ে নূপেনদিগের গৃহ-শিক্ষক ছিলেন। ইহঁরাই নিকটে কথাপ্রসঙ্গে নূপেনের নাম শুনিয়াছিলাম। আমি একদিন নূপেনকে জিজ্ঞাসা করিলাম যে তুমি টি পালিতের ভাইপো নও? নূপেন বলিলেন কেন হঠাৎ তুমি আমাকে এ কথা জিজ্ঞাসা করিলে? আমি বলিলাম আমি তোমার প্রকৃত পরিচয় চাই। আমি তোমার পরিচয় জানি। তোমাদের গৃহ-শিক্ষক অভয় চক্রবর্তীর নিকট তোমার সম্বন্ধে আমি সমস্ত পরিচয় রঙ্গপুরে থাকা কালে পাইয়াছিলাম। নূপেন আর গোপন করিতে পারিল না, স্বীকার করিল এবং বলিল কাকার অমতে আমি এই চাকরী লইয়া আসিয়াছি। কাকাকে বলিয়াছিলাম ব্যারিষ্টারি শিক্ষা করিবার জন্য আমাকে বিলাত পাঠাইয়া দিতে। কাকা স্বীকার করেন নাই। এজন্য এই চাকরী লইয়া আসিয়াছি এবং প্রতিজ্ঞা করিয়াছি নিজে উপার্জন করিয়া অর্থ সংগ্রহ করিয়া বিলাত যাইয়া ব্যারিষ্টার হইয়া আসিব। নূপেন অত্যন্ত বুদ্ধিমান্ ছেলে ছিল। হিন্দু স্কুলে এনট্রান্স্ ক্লাস পর্যন্ত পড়িয়াছিল, কিন্তু পরীক্ষার্থ প্রেরিত হইতে পারে নাই। তখন হিন্দুস্কুলের হেড্ মাষ্টার ছিলেন ত্রীযুক্ত ভোলানাথ পাল। নূপেন বেশ ইংরাজী লিখিতে ও বলিতে পারিত। নূপেনের বেতন দেড় বৎসর গরে দেড় শত টাকা হইয়াছিল। ষ্টিল সাহেব সাক্ষীগোপাল স্বরূপ আদালতে উপস্থিত হইতেন। নূপেনই সমস্ত মামলা মোকদ্দমার তদ্বির করিত, এমন কি আসামী বা

সাক্ষীদিগকে জেরাও করিত। ষ্টিল সাহেবের দিন দিন বেশ পসার জমিয়া উঠিল। নূপেনও দেড়শত টাকা বেতন ছাড়া আরও অনেক টাকা পাইতে লাগিল। উকীল হরিশবাবুর পসার অনেক পরিমাণে কমিয়া গেল। হরিশবাবু এখন ষ্টিল সাহেবকে প্রতিদ্বন্দী মনে না করিয়া নূপেনকেই প্রকৃত প্রতিদ্বন্দী মনে করিতে লাগিলেন। নূপেনের সহিত তাঁহার একটু বেশ মনোমালিন্য ঘটয়া উঠিল। এই মনোমালিন্যের উত্তরকালে যে ফল দাঁড়াইয়াছিল তাহা পরে বলিব। নূপেনের সহিত আমার বিশেষ সৌহৃদ্য জন্মিয়াছিল। এক সঙ্গে অনেকদিন ছিলাম। নূপেন আমাকে একটু ভয়ও করিত। নূপেন বড় মস্তপায়ী ছিল, কিন্তু মদ খাইয়া কেহ তাহাকে কোন দিন মাতাল হইতে দেখে নাই। নূপেন যে প্রতিজ্ঞা করিয়া ডিক্রগড়ে গিয়াছিল তাহাও কার্য্যে পরিণত করিয়াছিল। নিজের অর্থে সে বিলাত গিয়াছিল এবং ব্যারিষ্টারও হইয়া আসিয়াছিল। সে একটা মেম বিবাহ করিয়াছিল। মৈমনসিংহে ব্যারিষ্টারী করিত। হঠাৎ একদিন কাছারিতে বসিয়া থাকাকালে তাহার হৃদযন্ত্রের কার্য্য বন্ধ হইয়া যাওয়ায় তাহার অল্প বয়সে মৃত্যু হয়। ডিক্রগড় হইতে আমি চলিয়া আসার পরে এবং তাহার বিলাত যাত্রার পূর্বে ধুবড়ীতে একদিন সে আরও কয়েকটা বন্ধুসহ আমার বাসায় আসিয়াছিল এবং সকলে একত্রই আমার বাসায় ভোজন করিয়াছিল। আমি তখন ধুবড়ীতে স্কুল-ডেপুটী ইনস্পেক্টর। ব্যারিষ্টার হইয়া আসার পরেও ধুবড়ীতে একদিন তাহার সহিত আমার সাক্ষাৎ হইয়াছিল।

এবারে একটা দায়রা মোকদ্দমার আসামীর পক্ষ সমর্থন করিবার জন্ত ধুবড়ী আসিয়াছিল। আমি তখন ধুবড়ী জেলা স্কুলের হেড্‌ মাস্টার। জুরির সমন পাইয়া আমি আদালতে উপস্থিত হইয়াছিলাম। এদিন মোকদ্দমা না হওয়াতে নূপেন আদালত হইতে ফিরিয়া আসিয়া ডাক বাজলোয় বসিয়া আছে এমন সময়ে আমি তথায় যাইয়া উপস্থিত



হইলাম। নূপেন আমাকে দেখিয়া বলিল আসুন এবং একখানি চেয়ার আনিয়া দিয়া আমাকে বসিতে বলিল। আমি বলিলাম আর আসুন বলিতে হইবে না, আমি কে বল দেখি, প্রথমে আমাকে চিনিতে পারিল না। পরে আমি আমার মাথার ক্যাপ বা টুপিটি খোলাতে তখন আমাকে চিনিতে পারিয়া বলিল মাষ্টার, তখন উভয়ে কোলাকুলি করিলাম এবং বড়ই আনন্দ অনুভব করিলাম। বিলাতের ও দেশের অনেক গল্প হইল। নূপেন আমাকে তাহার সহিত ডাক বাঙ্গলোয় থাইতে বলিল। আমি বলিলাম এখন কি আর তাহা হয়। এখন তুমি নাহেব আর আমি বাঙ্গালী হিন্দু। এই কথা শুনিয়া সে আর পীড়াপীড়ি করিল না। নূপেন সেই দিনই চলিয়া যাওয়াতে তাহাকে আর আমার বাসায় লইয়া যাইতে পারি নাই।

ডিক্রগড় থাকা কাল হেড্‌মাষ্টার ক্ষেত্রবাবুকেও নূপেনের প্রকৃত পরিচয়ের কথা বলিয়াছিলাম। ক্ষেত্রবাবু এক সময়ে মিষ্টার টি পালিতের সহাধ্যায়ী ছিলেন।

ডিক্রগড়ে এই সময়ে কমিসেরিয়েটের এজেন্ট ছিলেন শ্রীযুক্ত শ্রীপতি মুখোপাধ্যায়। ইহার বাড়ী ছিল নদীয়া জেলার আসমানি গ্রামে। মধ্যে মধ্যে ইহার বাসায় বাঙ্গালী বাবুদের নিমন্ত্রণ হইত। কমিসেরিয়েটের ঘি ময়দাতে বেশ ভালই খাওয়া হইত। কমিসেরিয়েটের চৌধুরী ছিলেন শ্রীযুক্ত মহেশচন্দ্র চট্টোপাধ্যায় বাড়ী বিক্রমপুরে। দেশবন্ধু শ্রীযুক্ত চিত্তরঞ্জন দাসের স্ত্রী শ্রীমতী বাসন্তী দেবীর পিতা বিজনীর ভূতপূর্ব দেওয়ান শ্রীযুক্ত বরদানাথ হালদারের ইনি ভগিনীপতি ছিলেন। ইনি ডিক্রগড়ে আমাদের সরকারী ঠাকুর দাদা ছিলেন। ইহাকে লইয়া অনেক মজা মন্ডরা হইত এবং মধ্যে মধ্যে ইহার বাসাতেও আমাদের খাওয়াটা চলিত; এই মহেশচন্দ্র চট্টোপাধ্যায়ের একটি পুত্র এখন কলিকাতা হাইকোর্টের ব্যারিষ্টার ও বেঙ্গল কাউন্সিলের একজন নামজাদা সদস্য; ইহার নাম শ্রীমান বিজয়চন্দ্র

চট্টোপাধ্যায়। কলিকাতায় ব্যারিষ্টার বি, সি, চাটার্জি নামে পরিচিত। ডিক্রগড়ে থাকা কালে ইহার অন্ন-প্রাশনের দিন আমরা ইহাদের বাসায় নিমন্ত্রিত হইয়া পরিতোষ পূর্বক ভোজন করিয়াছিলাম। ডিক্রগড়ে গণ্যমান্য বাঙ্গালী ভদ্রলোকদিগের নাম এক প্রকার বলা হইল। এখন কয়েকজন মিশ্র আসামী বাঙ্গালী বা মিশ্র আসামী হিন্দুদের নাম করি। এই শ্রেণীর লোকের মধ্যে একজনের নাম বলপুরী। এই বলপুরী বা বলরাম পুরীর পিতা ছিলেন একজন উদ্ধ বাহু সন্ন্যাসী। ইনি সন্ন্যাসী যুচিয়া আসামের ভেড়া হইয়া পড়িলেন। একজন আসামীয়া রমণীর প্রেমে বদ্ধ হইয়া সন্ন্যাসাশ্রম ত্যাগ করিয়া গৃহী হইয়া পড়িলেন। সন্তানাদি হইতে লাগিল। এই সন্ন্যাসীর ঔরসে ও আসামীয়া রমণীর গর্ভে বলরাম পুরীর জন্ম। পুরী নামেই সন্ন্যাসী ব্যক্ত হইতেছে। এই বলপুরীর পুত্র শ্রীযুক্ত গোপালচন্দ্র পুরী ভূঁইয়া বাঙ্গলার লেক্টেণ্টান্ট গভর্ণরের সেক্রেটারী অফিসে চাকরী করার কালে ভূঁইয়া উপাধিটা চেষ্টা করিয়া লাভ করেন। ইনি একেবারে ফিরিঙ্গী সাজিয়া ছিলেন। ফিরিঙ্গী ধরণের চলন, বলন, হাঁসি, কাসি ইত্যাদির সম্পূর্ণ অনুকরণ করিয়াছিলেন। ভাল চলতি ইংরাজী বলিতে পারিতেন। যখন সার্ চার্লস ইলিয়ট সাহেব বাহাদুর আসামের চিফ কমিসনার সেই সময়ে বাঙ্গালার লার্ড সাহেবের প্রধান সেক্রেটারী হোরেস কক্কেল সাহেবের নিকট হইতে ইনি একখানি সুপারিস্ চিঠি সংগ্রহ করিয়া ইলিয়ট সাহেব বাহাদুরের কাছে বান। আশা ছিল একটা একটু। এনিস্ট্যান্ট কমিসনারের পদ পাইবেন অর্থাৎ একাধারে ডেপুটি ম্যাজিস্ট্রেট ও মুনসেফের পদ পাইবেন। কক্কেল সাহেব ইহার নানা গুণের পরিচয় দিয়া ক্ষান্ত না হইয়া একথাও লিখিয়াছিলেন যে—He wears English dress too অর্থাৎ ইনি ইংরাজী পোষাকও পরিধান করিয়া থাকেন। কিন্তু ইলিয়ট সাহেব বাঙ্গালী বা আসামী হইয়া ইংরাজের

পোষাক পরিয়া ইংরেজ সাজিলে তাহাকে দেগিতে পারিতেন না। ইহাতে হিতে বিপরীত হইল। তাঁহাকে একট্টা এসিষ্ট্যান্ট কমিসনারের পদে নিযুক্ত না করিয়া সব্ ডেপুটীর পদে নিযুক্ত করিলেন। এই সময়ে আমি নওগা জেলা স্কুলের সেক্রেণ্ড মাস্টার ছিলাম। যে দিন আসাম গেজেটে তাঁহার নিয়োগ প্রকাশিত হইল এবং আমরা স্কুলে গেজেট পাইলাম, রায় গুণাভিরাম বড়ুয়া বাহাদুর একট্টা এসিষ্ট্যান্ট কমিসনার তখন আমাদের স্কুলে বসিয়াছিলেন। গেজেটে লেখা ছিল যে The Chief Commissioner is pleased to appoint Mr. G. C. P. Bhuya a Sub Deputy Collector অর্থাৎ চিফ কমিসনার মিষ্টার জি, সি, পি, ভূঁয়াকে সব্ ডেপুটী কলেক্টরের পদে নিযুক্ত করিলেন। গুণাভিরামবাবু উহা দেখিয়াই আমাকে বলিলেন বল দেখি লোকটা কে? আমি বলিলাম বলপুরীর পুত্র গোপালপুরী। আমাদের মধ্যে উহা লইয়া একটা খুব হাসির রোল উঠিল। এই শ্রেণীর আর একজনের নাম ইতিপূর্বেই করিয়াছি। ইহার নাম শ্রীযুক্ত জয়সিংহ। এই শ্রেণীর আর একজনের নাম চরণ বা রামচরণ ঘোষ। ইহার পিতার নাম শঙ্কর ঘোষ, শ্রীহট্ট দেশীয় গোয়ালী, মাতা আসামীয়া রমণী। সাহেবদের মধ্যেও দুই চারিজন এই শ্রেণীর লোক ছিলেন। পিতা খাটি সাহেব, মাতা আসামীয়া, নেপালী বা হিন্দু-স্থানী। ইহাদের একজনের নাম মিষ্টার ইডেন্। পিতা কর্ণেল ইডেন্। বাঙ্গালার লাট সাহেব সার্ এস্লি ইডেনের খুল্লতাত, মাতা নেপালিনী। স্কুলে পড়িবার সময়ে ইহার নাম ছিল দেবনারায়ণ, তখন গলায় পৈতাও ছিল। ইনি সার্ এস্লি ইডেনের নিকট নিজের পিতার পরিচয় দিয়া একটা ভাল চাকরী পাইবার জন্ত বিশেষ চেষ্টা করিয়াছিলেন। ভালরূপ লেখাপড়া জানিলে বড় চাকরীও পাইতেন। যাহা হউক এককালে পুলিশ ইনসপেক্টরের পদ পাইয়াছিলেন। আর একজন এস, সি, ক্যাষেল। ডিক্রগড়ে ইহাকে চাঁদী ক্যাষেল বলিত। ইনি নানাপ্রকার ব্যবসায় কার্যে ব্যাপৃত ছিলেন। কিন্তু ইহার কপালে কিছুতেই ঘো দিত না।

ইহার ভ্রাতা ছিলেন এস, ই, ক্যাশেল। ইনি আসামের মধ্যে একজন সুদক্ষ কর্মচারী হইয়াছিলেন। ইনি প্রথমে একটি একষ্ট্রা এসিষ্ট্যান্ট কমিসনারের পদে নিযুক্ত হন; পরে বিলাত বান। বিলাত হইতে ফিরিয়া আসার পরে এসিষ্ট্যান্ট কমিসনার হন। তৎপরে ডেপুটী কমিসনার; সর্বশেষে আসাম উপত্যকার কমিসনার হন। আমি যখন ডিক্রগড় হইতে বদলী হইয়া ধুবড়ী জেলা স্কুলের সেক্রেটারী হইয়া আসি, তখন ইহার ভ্রাতার নিকট হইতে ইহার নামে একখানি সুপারিস্ চিঠি লইয়া আসিয়াছিলাম। ইনি তখন ধুবড়ীর ডেপুটী কমিসনার। চিঠিখানি পাইয়া বলিয়াছিলেন You know my brother, I shall help you in any way I can অর্থাৎ তুমি আমার ভ্রাতাকে জান আমি তোমাকে যে কোন ভাবে পারি সাহায্য করিব। তেজপুর ইহার জন্মস্থান। যে স্থানে ভূমিষ্ট হইয়াছিলেন সে স্থানটী এখনও বিদ্যমান আছে। ইনি আমাকে প্রকৃতই সাহায্য করিয়াছিলেন।

ডিক্রগড়ে এই সময়ে বাঙ্গালী ও আসামীয়া ভদ্রলোকদিগের মধ্যে বেশ সম্ভাব ছিল। সামাজিক কার্যেও পরস্পরে বোগদান করিতেন। আসামীয়া ভদ্রলোকদিগের বাড়ীতে আমরা নিমন্ত্রণ পাইয়া খাইয়া আসতাম। উইরাও আমাদের বাসায় খাইতেন। কিন্তু একেবারে ষাহারা প্রাচীন, সে কালের লোক, তাহার আামাদের বাসায় খাইতেন না। কিন্তু দুঃখের বিষয় পূর্ব ও পশ্চিম বঙ্গবাসী বাঙ্গালীদিগের মধ্যে বেশ আন্তরিক সম্ভাব ছিল না। দুই একজন কুটিল লোকের জন্তই এরূপ হইয়াছিল এবং ক্রমে ক্রমে দুই দলের মধ্যে বিদ্বেষবল্লি জলিয়া উঠিয়াছিল। এবং তাহার ফলে কাহার কাহারও অনিষ্ট হইয়াছিল। পরে কারণ সহ সমস্ত বিবৃত করিতেছি।

আমি যে সময়ে ডিক্রগড়ে যাই তখন লখীমপুর বা লক্ষ্মীপুর জেলার ডেপুটী কমিসনার ছিলেন কণেল গ্রেহাম। ইনি বিলক্ষণ বলবান,

দীর্ঘকায়, উচিতবক্তা ও কার্যদক্ষ পুরুষ ছিলেন। ইনি চিফ কমিসনার বাহাদুরকেও উচিত কথা বলিতে বা চিঠিতে উচিত কথা লিখিতে ভয় করিতেন না। এ সম্বন্ধে পরে কয়েকটা কথা বলিব। এসিষ্ট্যান্ট কমিসনার ছিলেন দুইজন নব্য সিভিলিয়ান। একজনের নাম মিষ্টার গ্রিম্‌উড, অপরের নাম মিষ্টার ম্যাকেব্‌। গ্রিম্‌উড সাহেব এম্‌, এ, উপাধিধারী ছিলেন। এই দুই জন সাহেব অতি ভদ্র ও সদাশয় ছিলেন। কিন্তু বড়ই আক্ষেপের বিষয় যে উভয়েরই মৃত্যু অতি শোচনীয়ভাবে ঘটয়াছিল। গ্রিম্‌উড সাহেব অতি নৃশংসভাবে মণিপুর রাজ্যে আসামের মাননীয় চিফ কমিসনার কুইন্টন্ সাহেব বাহাদুরের সহিত ও অল্প তিন জন উচ্চপদস্থ সাহেব সহ হত হন। ইনি ঐ সময়ে মণিপুর রাজ্যে ব্রিটিশ গভর্ণমেন্টের রেসিডেন্ট বা পলিটিক্যাল এজেন্ট ছিলেন। ইহাঁর সহিত খ্যাতনামা বীরপুরুষ মণিপুর-রাজকুমার ও উক্ত রাজ্যের সেনাপতি কুনার টিকেন্দ্রজিতের সহিত বিশেষ বন্ধুত্ব থাকা সত্ত্বেও শোচনীয় মৃত্যুহস্ত হইতে রক্ষা পান নাই। এই সময়ে তাঁহার পত্নী বিবি গ্রিম্‌উডও তথায় ছিলেন। আর মিষ্টার ম্যাকেব্‌ সাহেব ১৮৯৭ সনের ১২ই জুন তারিখে আসামের অতি ভীষণ ভূমিকম্পের সময়ে শিলং সহরে তাঁহার বাসগৃহ চাপা পড়িয়া প্রাণ হারাইয়া ছিলেন। এই সময়ে ইনি আসাম প্রদেশের ইনস্পেক্টর জেনারেল অব পুলিশ ছিলেন। ইনি ইহাঁর শেষ জীবনে পারিবারিক অশান্তিবশতঃ অত্যধিক পরিমাণে মদ্য পান করিতে আরম্ভ করিয়াছিলেন এবং সর্বদাই প্রায় জ্ঞানশূন্য হইয়া পড়িয়া থাকিতেন। এই নিমিত্তই তাঁহার বাসগৃহ পতিত হইবার পূর্বে তিনি বাহির হইতে পারেন নাই। সে দিনও সে রাত্রিতে সকলেই আপন আপন ও স্বজনগণের জীবনরক্ষার জন্ত ব্যস্ত ছিলেন। সে রাত্রিতে ম্যাকেব সাহেব বাহাদুরের কথা কাহারও মনে উদিত হয় নাই। পরদিন প্রাতে তাঁহাকে দেখিতে না পাইয়া সকলেই অন্বেষণ করিতে লাগিলেন। এবং স্তুপাকার পতিত প্রস্তর

রাশির তল হইতে তাঁহার মৃতদেহ বাহির করিলেন। শিলংএর অধিকাংশ বাঙ্গলোরই প্রস্তরের দেওয়াল ছিল। গ্রিম্‌উড্ সাহেব ডিক্রগড়ে থাকা কালে বাঙ্গালা ভাষায় পরীক্ষা দিয়া উত্তীর্ণ হইয়াছিলেন এবং পুরস্কার প্রাপ্ত হইয়াছিলেন। জেলা স্কুলের হেড্‌ মাষ্টার শ্রীযুক্ত ক্ষেত্রবাবু তাঁহার বিশেষ অহুরোধে মাস দেড়েক কাল প্রাতঃকালে তাঁহার বাঙ্গলোয় বাধ্য একঘণ্টা করিয়া তাঁহাকে বাঙ্গালা ভাষা শিক্ষা দিয়া আসিতেন। সাহেব পরীক্ষায় উত্তীর্ণ হইয়াই ক্ষেত্রবাবুকে একখানি কৃতজ্ঞতাশুচক পত্র লিখিয়া তাহার মধ্যে তাঁহার পারিশ্রমিক স্বরূপ দেড় শত টাকা পাঠাইয়া দিয়াছিলেন। ক্ষেত্রবাবু অবশ্যই ঐ টাকা গ্রহণ করেন নাই। তিনি সাহেবকে ধন্যবাদ দিয়া একখানি পত্র লিখিয়া নোটগুলি তখনই ফেরত দিয়াছিলেন, এবং স্পষ্টই লিখিয়াছিলেন তিনি তাঁহাকে বন্ধুভাবে পড়াইয়াছিলেন, অর্থপ্রাপ্তির আশায় তাঁহাকে পড়াইতে যান নাই। এ সময়ে সিভিল ও মিলিটারী সার্জেন ছিলেন প্রাতঃস্মরণীয় পুণ্ড্রো কল (Colonel J. B. White) এবং একটন একজিকিউটিভ ইঞ্জিনিয়ার ছিলেন Ringwood সাহেব। পরে এই পদে আসিয়াছিলেন A. Sprenger সাহেব। ইনি অতি সুনিপুণ, কার্যদক্ষ, নিরপেক্ষ ও সুশাসক ইঞ্জিনিয়ার ছিলেন। এই সময়ে একাধারে ডেপুটী ম্যাজিষ্ট্রেট ও মুনসেফ্ ছিলেন শ্রীযুক্ত রাজমোহন দে, বি, এল্। তিনি স্থানান্তরে বদলী হইলে তাঁহার পদে আসিয়াছিলেন শ্রীযুক্ত পূর্ণানন্দ বড়ুয়া। রাজমোহনবাবুকে ডিক্রগড়ের মাড়গয়ারী ব্যবসায়ীগণ মুনসেফ্ বলিতেন। একদিন চুনিলাল নামে একজন ধনশালী মাড়গয়ারী ব্যবসায়ী তাঁহাকে মুনসেফ্ বাবু বলাতে তিনি তাঁহার প্রতি বড়ই অসন্তুষ্ট হইয়া বলিয়াছিলেন যে, রাজমোহনবাবুর এজলাসে বসি বলিয়া কি মুনসেফ্ হইয়াছি? এই কথা পূর্ণানন্দবাবু হেড্‌ মাষ্টার ক্ষেত্রবাবুর নিকট আসিয়া আমাদের সমক্ষেই বলিয়াছিলেন। বাবু বলিলে তিনি বিরক্ত হইতেন। ইনি অত্যন্ত সেলামপ্রিয় ছিলেন। তাঁহাকে সেলাম না

করায় তাঁহারই অফিসের একজন মোহারার আমাদের প্রতিবেশী শ্রীযুক্ত মহীধর শর্ম্মার উপরেও বড়ই অসন্তুষ্ট হইয়া তাঁহাকে জিজ্ঞাসা করিয়াছিলেন যে, তিনি তাঁহাকে রাস্তায় দেখিয়া তাঁহার প্রতি সম্মান প্রদর্শন করেন নাই কেন? মহীধর শর্ম্মা বড়ই মিষ্টভাষী ও রসিক লোক ছিলেন। তিনি করযোড়ে তখনই বলিলেন হজুর, আমি আপনাকে সেলাম করিব কি নমস্কার করিব ঠিক করিতে না পারায় কিছুই করি নাই। হজুর সেলাম বলিলে হয়ত আপনি আমার উপর রাগ করিয়া বলিতে পারিতেন যে আমি কি য়েচ্ছ, যে আমাকে দেখিয়া সেলাম করিলে? আর যদি নমস্কার করিতাম আপনি ব্রাহ্মণ ও আমিও ব্রাহ্মণ তাহা হইলেও আপনি বলিতে পারিতেন যে আমি কি আপনার সমকক্ষ ব্যক্তি যে আমাকে নমস্কার করিলেন? স্ততরাং আমি কিংকর্তব্যবিমূঢ় হইয়া কিছুই করি নাই। অথচ পূর্ণানন্দ বড়ুরা মহাশয় লোক মন্দ ছিলেন না। তাঁহার জ্যেষ্ঠা কন্যার বিবাহ দে সময়ে শ্রীযুক্ত পরশুরাম খাউণ্ডের সহিত হয়, সেই সময়ে তিনি ডিক্রগড়স্থ বাঙ্গালী ভদ্রলোকদিগকে নিমন্ত্রণ করিয়াছিলেন এবং পলাশ, মাংস, ও মিষ্টান্ন ভোজন করাইয়া পরিতুষ্ট করিয়াছিলেন। এই ভোজনের দ্রব্যাদি তিনি পাকপটু বাঙ্গালী ভদ্রলোকদিগের হস্তে দিয়া উকীল শ্রীযুক্ত হরিশবাবুর বাসায় আমাদেরিগকে ভোজন করাইয়াছিলেন।

ডিক্রগড় জেলা স্কুলের সেকেণ্ড মাষ্টারের কার্য করার সময়ে আমাকে দ্বিতীয় শ্রেণীতে ইংরাজী সাহিত্য ও ব্যাকরণ শিক্ষা, তৃতীয় শ্রেণীতে প্রথমে ইংরাজী সাহিত্য ও ব্যাকরণ শিক্ষা ও প্রথম, দ্বিতীয়, তৃতীয় ও চতুর্থ শ্রেণীতে গণিত শিক্ষা দিতে হইত। শিক্ষকের অল্পতাবশতঃ দুইটা শ্রেণীতে অর্থাৎ তৃতীয় চতুর্থ শ্রেণীতে এক সঙ্গে গণিত শিক্ষা দিতে হইত। হেড্ মাষ্টার ক্ষেত্রবাবু বেশ ভাল ইংরাজী জানিতেন এবং চলতি ইংরাজী ভাষায় বেশ কথাবার্তা বলিতে পারিতেন; কিন্তু দুঃখের বিষয় এককালেই গণিত জানিতেন না। এই সময়ে প্রবেশিকা

পরীক্ষায় গণিতের পাঠ্যমধ্যে পাটীগণিত সমস্ত, বীজগণিতের সমীকরণ পর্যন্ত, জ্যামিতির প্রথম চারি অধ্যায়, পরিমিতি ও জরিপ ছিল। জরিপের সমস্ত প্রয়োজনীয় Instrument অর্থাৎ যন্ত্রাদি ডিক্রগড় জেলা স্কুলে ছিল ; কিন্তু হুংথের বিষয় আমার ডিক্রগড়ে যাওয়ার পূর্বে কোন শিক্ষকই ঐ সকল যন্ত্রাদির ব্যবহার কোন দিনই করেন নাই। একদিন সমস্ত যন্ত্রাদির অনুসন্ধান করিবার সময়ে আমি Plane Tableটা খুজিয়া পাইলাম না। অবশেষে অনেক অনুসন্ধান করার পরে স্কুল-চৌকিদার ভিকাসিংহের গোয়াল ঘরের মধ্যে চোনা গোবরের মধ্য হইতে উহার উদ্ধার করিলাম। আমিও এই সময়ে ভালরূপ জরিপ জানিতাম না তবে নিজের চেষ্টায় অনেকটা শিখিয়াছিলাম। ডিক্রগড় জেলা স্কুলে তখন প্রথম শ্রেণীতে প্রায়ই ভাল ছাত্র থাকিত না। যেহেতু একটু ইংরাজী শিখিলেই এবং ইংরাজীতে কোনরূপে কথাবার্তা বলিতে পারিলেই চা-বাগানে বেশ মোটা বেতনে এবং এমন কি ডেপুটী কমিসনারের অফিসেও ৪০।৫০ টাকা বেতনে লোকে চাকরী পাইত। এই কারণে প্রথম শ্রেণীতে প্রায়ই ছাত্রাভাব ঘটিত। আমি ডিক্রগড়ে যাইয়াই প্রথম শ্রেণীতে নরকান্ত শর্মা নামে প্রায় আমার সমবয়স্ক একটা ছাত্র পাইলাম। আমার বয়স তখন কিঞ্চিদূর ২৮ বৎসর। নরকান্ত ইহার পূর্ব বৎসরে প্রবেশিকা পরীক্ষায় প্রেরিত হইয়া অকৃতকার্য হইয়া আসিয়াছিল। এ বৎসর ইংরাজী সাহিত্য ও গণিতে বিশেষ অনুপযুক্ত মনে করিয়া তাহাকে প্রবেশিকা পরীক্ষার্থ পাঠান হইল না। অত্ৰ কোন ছাত্রও প্রেরিত হইল না। ১৮৭২ সালে প্রবেশিকা পরীক্ষার্থ পূর্ণকান্ত শর্মা ও গোপীনাথ বর্দলৈ নামে দুইটা ছাত্রকে পাঠান হইয়াছিল। পূর্ণকান্ত প্রথম শ্রেণীতে তিন বৎসর যাবৎ অধ্যয়ন করিতেছিল। গোপীনাথ মোটে প্রথম শ্রেণীতে এক বৎসর ছিল। এবারে দুইটা ছাত্রই ইংরাজী সাহিত্যে অকৃতকার্য হইয়া আসিয়াছিল। অত্ৰাণ্ড বিষয়ে উত্তীর্ণ হইয়াছিল। হেড্‌মাষ্টার ক্ষেত্রবাবু নিজেকে বাঁচাইবার জন্ত বাৎসরিক



রিপোর্টে গোপনে গোপনে লিখিয়াছিলেন যে The two boys who were sent up to the University Entrance Examination had not been well prepared in English in the Second Class and as might be expected failed অর্থাৎ যে “দুইটা বালক প্রবেশিকা পরীক্ষার্থ এই বৎসর প্রেরিত হইয়াছিল, উহারা দ্বিতীয় শ্রেণীতে ইংরাজী সাহিত্যে ভালরূপে প্রস্তুত হয় নাই বলিয়াই যেরূপ আশা করা যায় তদনুরূপেই ফেল হইয়াছে অর্থাৎ ইংরাজীতে অকৃত-কাৰ্য্য হইয়া আসিয়াছে।” গোপনে গোপনে লিখিয়াছিলেন বলিতেছি কেন, যেহেতু তিনি নিজে রিপোর্ট রচনা করিয়াছিলেন এবং নিজ হস্তে উহা নকল করিয়া পাঠাইয়াছিলেন। আমাকে বা অন্য কোন শিক্ষককে উহা দেখিতে দেন নাই এবং উহার খসড়া রিপোর্টখানি লায়ব্রেরীর পুস্তকের আলমায়রার ভিতরে পুস্তকের পশ্চাৎভাগে লুকাইয়া রাখিয়া ছিলেন। অত্যাশ্চর্য্য চিঠি পত্র নিজে রচনা করিতেন কিন্তু আমাকে দিয়াই নকল করাইতেন। এরূপ করার উদ্দেশ্য পরোক্ষ কর্তৃপক্ষকে জানান যে আমি অল্পযুক্ত দ্বিতীয় শিক্ষক। এ কার্য্যটি করা কেবল নিজেকে দাঁচাইবার জন্ত। অথচ সকলের সাক্ষাতেই আমাকে ভাল উপযুক্ত শিক্ষক বলিয়া প্রকাশ করিতেন। এই রিপোর্টের কথা আমি পরে ক্ষেত্রবাবু গোঁহাটি জেলা স্কুলে বদলী হইয়া গেলে জানিতে পারিয়া ছিলাম। ক্ষেত্রবাবু গোঁহাটি চলিয়া গেলে তন্ন তন্ন করিয়া স্কুলের কাগজ পত্র অনুসন্ধান করিতেছিলাম এবং উক্ত রিপোর্টখানি আলমায়রার মধ্যে পাইয়াছিলাম। এবং উহা পাঠে জানিতে পারিয়াছিলাম যে ভূতপূর্ব্বে হেড্‌ মাস্টার ক্ষেত্রবাবু নিজেকে রক্ষা করিবার জন্ত আমার ঘাড়ে দোষ চাপাইয়াছিলেন। ক্ষেত্রবাবু গোঁহাটি জেলা স্কুলে বদলী হইয়া গেলে ঐ স্কুলের হেড্‌ মাস্টার শ্রীযুক্ত শ্রীনাথ সেন মহাশয় ডিব্রুগড়ের হেড্‌ মাস্টার হইয়া আসেন। ইনি সেকালের সিনিয়র স্কুলার ছিলেন এবং ইংরাজী সাহিত্যে ও উচ্চ গণিতে বিলক্ষণ ব্যুৎপন্ন ছিলেন। কিন্তু

এই সময়ে তাঁহার বয়স প্রায় ৫৫ বৎসর হওয়ায় তত কাজ করিতে পারিতেন না। ইনি অতি মহদন্তঃকরণ, সদাশয় ব্যক্তি ছিলেন। ইহার বাড়ী ছিল কৃষ্ণনগরে ও জাতিতে ইনি হুড়ি ছিলেন। ইহার ডিক্রগড় আগমনের পূর্বে পাকচক্রে আমি ডিক্রগড় জেলা স্কুলের তৃতীয় শিক্ষক হইয়া পড়িয়াছি বেতন পূর্বের গ্রায় ৫০ টাকাই আছে। ৭৫ টাকা বেতনে শ্রীযুক্ত ভবানীকিশোর মজুমদার নামে একজন নূতন বি, এ পরীক্ষোত্তীর্ণ যুবক সেকেণ্ড মাষ্টারের পদে নিযুক্ত হইয়া আসিয়াছেন। ইনি এককালেই অপরিপক্ক শিক্ষক, পুঙ্খ কখনও শিক্ষকতা করেন নাই। ইনি স্থায়ী কার্য্যভার গ্রহণ করিলেই হেড় মাষ্টার শ্রীনাথবাবু ইহাকে বলিলেন যে ভবানীবাবু, আপনাকে প্রথম তিন শ্রেণীতে গণিত শিক্ষা দিতে হইবে। ভবানীবাবু এই কথা শুনবা-  
 মাত্রই বলিলেন মহাশয়, আমার গণিতে এককালেই দখল নাই আমি উহা শিক্ষা দিতে পারিব না। ভবানীবাবু বড়ই সাদাসিদা লোক ছিলেন। তাঁহার কিছুমাত্র কপটতা ছিল না। আমাকে তিনি তাঁহার জ্যেষ্ঠ ভ্রাতার গ্রায় মাত্র করিতেন এবং সর্বদাই আমার নিকট থাকিতে ভালবাসিতেন। ভবানীবাবু গণিতে অপটু এবং উহা শিক্ষা দিতে পারিবেন না বলায় হেড় মাষ্টার শ্রীনাথবাবু আমাকে বলিলেন রামেশ্বর, তুমি প্রথম তিন শ্রেণীতে এখনও গণিত শিক্ষা দিবা কি? তুমি গণিত শিক্ষা না দিলে আমাকে এই বৃদ্ধ বয়সে উহা শিক্ষা দিতে হইবে। আমি তদন্তরে বলিলাম আমাকে যে শ্রেণীতে যাহা পড়াইতে দিবেন আমি সেই শ্রেণীতে তাহাই পড়াইব। ভবানীবাবু সেকেণ্ড মাষ্টার হইয়া আসাতে আমার অধ্যাপনার বিশেষ কিছু পরিবর্তন ঘটিল না। কেবল দ্বিতীয় শ্রেণীতে ইংরাজী সাহিত্য শিক্ষা দেওয়াটা বন্ধ হইল। এখন হইতে তৃতীয় শ্রেণীতে ইংরাজী শিক্ষা দিতে লাগিলাম এবং প্রথম চারিটা শ্রেণীতে পূর্বের গ্রায় গণিত শিক্ষা দিতে লাগিলাম। ভবানীবাবু দ্বিতীয় শ্রেণীতে ইংরাজী সাহিত্য

ও ব্যাকরণ শিক্ষা এবং প্রথম, দ্বিতীয় ও তৃতীয় শ্রেণীতে ইতিহাস, ভূগোল শিক্ষা দিতেন। হেড্‌মাষ্টার বুদ্ধ ও সেকেণ্ড মাষ্টার অপরিণত যুবক ( বালক বলিলেও অত্যাঁজি হয় না ) হওয়ায় স্কুলের সমস্ত কাৰ্য্যের ভারই আমার ঘাড়ে চাপিল। প্রকৃতপক্ষে আমি এক প্রকারে হেড্‌মাষ্টার হইয়া দাঁড়াইলাম। এ বিষয়ে এখানে একটা কথা বলি, স্কুলের সকল শ্রেণীর বাৎসরিক পরীক্ষা আরম্ভ হইয়াছে। ট্রেনিং স্কুলের হেড্‌মাষ্টার শ্রীযুক্ত দ্বারকানাথ সেন কোন কোন শ্রেণীর নৌপিকভাবে বাঙ্গালী পরীক্ষা করিতেছেন। এমন সময়ে যে যে শ্রেণীর তখন পরীক্ষা হইতেছিল না, সেই সেই শ্রেণীর ছাত্রেরা সে দিনের অবশিষ্ট সময়ের জন্ত ছুটা পাইবার আশায় গোলমাল করিতেছিল। সেকেণ্ড মাষ্টার ভবানীবাবু হেড্‌মাষ্টার শ্রীনাথবাবুকে বলিলেন যে ‘অমুক অমুক শ্রেণীর ছাত্রেরা বড়ই গোলমাল করিতেছে। তাহাদিগকে কি ছুটা দেওয়া যাইতে পারে ? হেড্‌মাষ্টার তাহার কথার উত্তর দিবার পূর্বেই আমি একটু উচ্চস্বরে বলিলান যে শিক্ষকগণের সমক্ষে ছাত্রেরা গোলমাল করিবে কেন ? বলা বাহুল্য যে, ছাত্রেরা গোলমাল করিতে তাহাদের অভীষ্ট সিদ্ধ হইল না অর্থাৎ ছুটা পাইল না। দ্বারকানাথবাবু বানান আসার পরে আমাকে বলিলেন মাষ্টার, আমি ত দেখিতেছি তুমিই হেড্‌মাষ্টার, সেকেণ্ড মাষ্টারকে যে ভাবে তাড়া দিলে তাহাতে তোমাকেই হেড্‌মাষ্টার বলিতে হয়।

আমি সেকেণ্ড মাষ্টার ভবানীবাবুকে আমার কনিষ্ঠ ভ্রাতার স্থায়ই স্নেহ করিতাম। তাঁহাকে অবমাননা করিবার জন্ত এ কথা বলি নাই, ভবানীবাবুও তজ্জন্ত দুঃখিত হন নাই। কিছুদিন পরে ভবানীবাবু বি, এল্‌ পরীক্ষা দিবার জন্ত তিন মাসের বিদায় লইয়াছিলেন। পরীক্ষা দিয়া আসিয়া উহার ফল বাহির না হওয়া পর্য্যন্ত স্কুলের কাৰ্য্য করিয়াছিলেন। পরীক্ষায় উত্তীর্ণ হইয়া কাৰ্য্য পরিত্যাগ করিয়া ময়মনসিংহে তাহার শস্তর উকীল শ্রীযুক্ত মোহিনীমোহন বর্দ্ধনের নিকট আসিয়া

তাঁহার জুনিয়র হইয়া ওকালতী আরম্ভ করিলেন। যে সময়ে ভবানী-বাবু তিন মাসের বিদায় লন সেই সময়ে তাঁহার অল্পপরিচয়কালেও আমাকে তাঁহার পদে একটিং দ্বিতীয় শিক্ষক নিযুক্ত করা হয় নাই। শিবসাগর নিবাসী শ্রীযুক্ত ষ্ট্যানল্ড ভরালী নামে একজন বি, এ পরীক্ষায় অল্পতীর্ণ যুবককে পূর্ণ বেতনে তাঁহার স্থলে একটিং দ্বিতীয় শিক্ষক নিযুক্ত করা হইয়াছিল। ইনিও প্রথম শ্রেণীতে গণিত শিক্ষা দিতে অসমর্থ ছিলেন। এটি আমার পক্ষে বিশেষ অল্পকূল ঘটনা হইয়া দাড়াইল। আমি কর্তৃপক্ষের এই অবিচারে বিশেষ দুঃখিত ও অসন্তুষ্ট হইয়া ছয় মাসের ছুটির জন্ত আবেদন করিলাম। এই সময়ে স্থলে অতিরিক্ত পরিশ্রম করার জন্ত আমার শরীরও একটু অস্থস্থ হইয়াছিল। আমার ব্রঙ্কাইটিস্ Brouchitis অর্থাৎ শ্বাসনালীর শাখায় প্রদাহ সহ উৎকট কাসি হইয়াছিল। এই সময়ে ডিক্রগড়ে Military ও Civil Surgeon ছিলেন ডাক্তার ম্যাকেনা। ইনি একেবারে ডাক্তার হোবাইটের বিপরীত ভাবাপন্ন লোক ছিলেন। অভ্যস্ত অর্থলোলুপ ছিলেন। ইহাকে ১০ টাকা দর্শনী দিয়াও আমি সহজে বিদায় পাঠবার জন্ত একখানি সার্টিফিকেট সংগ্রহ করিতে পারি নাই। অবশেষে ষ্টিমারের শ্রীযুক্ত হরিচরণ বন্দ্যোপাধ্যায় নামে একজন এল্, এম্, এন্স পাশ করা ডাক্তারের নিকট হইতে একখানি সার্টিফিকেট যোগাড় করিয়া ছয় মাসের বিদায়ের জন্ত আবেদন করিলাম। আমার আবেদন খানি পাঠাইবার সময়ে হেড্‌ মাষ্টার জীনাথবাবু উহাতে নিম্ন-লিখিতভাবে তাঁহার মন্তব্য লিপিবদ্ধ করিলেন। স্থায়ী দ্বিতীয় শিক্ষক ভবানীবাবু তিন মাসের বিদায় লইয়া গিয়াছেন। এই স্থলে তৃতীয় শিক্ষক রামেশ্বরবাবু ভিন্ন আর অল্প কোন উপযুক্ত শিক্ষক নাই। প্রথম শ্রেণীর ছাত্রদিগকে গণিত শিক্ষা দিতে পারেন এরূপ একজন উপযুক্ত শিক্ষক রামেশ্বরের স্থানে না পাঠাইয়া দিলে আমি ইহাকে ছাড়িয়া দিতে পারিব না। আমার বিদায়ের আবেদন পত্র পাঠিয়া

স্কুল ইনস্পেক্টর শ্রীযুক্ত উইলসন্ সাহেব লিখিলেন যে সিভিল সার্জনের সার্টিফিকেট ভিন্ন ছুটি দেওয়া যাইতে পারে না। আমি তদুত্তরে লিখিয়া জানাইলাম যে বিশেষ কোন কারণে আমি ডিব্রুগড়ের সিভিল সার্জনের নিকট হইতে সার্টিফিকেট সংগ্রহ করিতে পারিব না। আমার পীড়ার পরীক্ষার্থ আমাকে শিবসাগর বা কামরূপের সিভিল সার্জনের নিকট পাঠান হউক। আমাকে বিদায় না দেওয়াতে যদি আমার কঠিন কাশ রোগ জন্মিয়া তাহাতে আমার অকাল মৃত্যু ঘটে এবং এইরূপে একটি দরিদ্র পরিবার তাহার ভরণপোষণকর্তা হইতে বঞ্চিত হয়, তাহা হইলে ভগবানের নিকট ইনস্পেক্টর সাহেব বাহাদুর দায়ী হইবেন। এই চিঠিখানি পাইয়াই ইনস্পেক্টর সাহেব বাহাদুর অসময়ে অর্থাৎ আগষ্ট মাসে ডিব্রুগড় জেলা স্কুল পরিদর্শন করিবার জন্ত শিলং পাহাড় হইতে নামিয়া চলিয়া আসেন। অসময়ে বলিতেছি কেন? সাহেবরা ত বর্ষাকালে নকশ্বল পরিদর্শন করিতে বহির্গত হন না। তাহার। শীতকালে আমোদপ্রমোদ ও শিকার করিবার জন্তই মফঃস্বলে গুভাগমন করিয়া থাকেন। আমাদের ইনস্পেক্টর সাহেব বাহাদুর বরাবরই জানুয়ারী মাসে ডিব্রুগড়ে আসিতেন। এবার আমারই জন্ত অসময়ে ডিব্রুগড়ে গুভাগমন করিলেন। আমারও ভাগ্য সুপ্রসন্ন হইল।

ইনস্পেক্টর সাহেব বাহাদুর স্কুলে আসিয়া কোন শ্রেণীরই ছাত্রদিগকে পরীক্ষা করিলেন না। এই সময়ে প্রকাণ্ড একখানি চৌচালা ঘরে ডিব্রুগড় জেলা স্কুলের কার্য্য হইত।

প্রথম শ্রেণী ভিন্ন অবশিষ্ট অগ্ন্যস্ত শ্রেণীর কার্য্য এই চৌচালা ঘরের হলের মধ্যে হইত। কেবল প্রথম শ্রেণীটা উহার পোর্টিকো মধ্যে বসিত। ইনস্পেক্টর সাহেব বাহাদুর আসিয়া একটা শ্রেণীতে চেয়ারের উপর উপবিষ্ট হইলেন। এই সময়ে আমি তৃতীয় শ্রেণীতে ইংরাজী সাহিত্য পড়াইতেছিলাম ও একটিং দ্বিতীয় শিক্ষক ঈশানন্দ ভরালী দ্বিতীয় শ্রেণীতে উক্ত বিষয় শিক্ষা দিতেছিলেন। সাহেব

বাহাদুর নিকটে বসিয়া থাকা সত্ত্বেও আমি শিক্ষা দিতে ক্ষান্ত হইলাম না। একটিং দ্বিতীয় শিক্ষক শিক্ষা দিতে ক্ষান্ত হইলেন। তিনি ক্ষান্ত হওয়ায় সাহেব বাহাদুর তাঁহাকে পূর্বের আয় পড়াইতে বলায়, তিনি আবার পড়াইতে আরম্ভ করিলেন। সাহেব বাহাদুর আমাদের উভয়ের শিক্ষাকার্য ও শিক্ষাপ্রণালী বিশেষভাবে লক্ষ্য করিতে লাগিলেন। আমাদের শিক্ষা দেওয়া সমাপ্ত হইলে সাহেব বাহাদুর দ্বিতীয় শ্রেণীর বালকদিগকে ইতিহাসের কতকগুলি প্রশ্ন দিয়া তাহাদের উত্তর কাগজে লিখিতে বলিলেন। বালকেরা যথা সময়ে তাহাদের লিখিত উত্তর, সাহেব বাহাদুরের হস্তে দিল। এই সময়ে আমি দ্বিতীয় শ্রেণীতে ইতিহাস ও ভূগোল পড়াইতাম এবং একটিং দ্বিতীয় শিক্ষক মহাশয় ঐ শ্রেণীতে ইংরাজী সাহিত্য শিক্ষা দিতেন। সাহেব বাহাদুর প্রশ্নের উত্তরগুলি সঞ্চে করিয়া ডাকবাংলোয় লইয়া গেলেন। পরদিন স্কুলের সময়ে ঐ গুলিতে যেখানে যেখানে ইংরাজী ভাষা ঘটত ভুল ছিল সেই সেই স্থানে লাল পেন্সিলের দাগ দিয়া আনিয়া আমার হাতে দিয়া বলিলেন যে ঐ গুলি সংশোধন করিয়া দিও। আমি দেখিলাম ভাষাঘটিত ভুল, ইতিহাসের ঘটনা বিষয়ে ভুল নহে; সুতরাং আমি বিলক্ষণ সাহস সহকারে সাহেব বাহাদুরকে বলিলাম যে ভুলগুলি যখন ভাষাঘটিত তখন আমি উহার জ্ঞাত দায়ী নহি। আমি উহা সংশোধন করিয়া দিব না। দ্বিতীয় শিক্ষক মহাশয় ঐ ভুলগুলির জ্ঞাত দায়ী। যেহেতু তিনি ঐ শ্রেণীতে ইংরাজী সাহিত্য শিক্ষা দেন। আমার কথা শুনিয়া সাহেব বাহাদুর একটিং দ্বিতীয় শিক্ষককে ঐ ভুলগুলি সংশোধন করিয়া দিতে বলিলেন। তিনি বলিলেন যে আমি ঐ শ্রেণীতে ইতিহাস শিক্ষা দিই না, সুতরাং আমি উহার জ্ঞাত দায়ী নহি এবং আমি ঐ গুলি সংশোধন করিতে ইচ্ছা করি না। ইনসপেক্টর সাহেব বাহাদুর তখন কাগজগুলি হেড্‌মাষ্টার মহাশয়ের হস্তে দিয়া হাসিয়া বলিলেন হেড্‌মাষ্টারবাবু, আপনিই ভুলগুলি সংশোধন করিয়া

দিবেন। সাহেব বাহাদুর পর পর তিন দিন স্কুল পরিদর্শন করিলেন এবং ছাত্রদিগকে ইতিহাস ও গণিতে পরীক্ষা করিলেন। আমি প্রথম তিন শ্রেণীতে গণিত শিক্ষা দিতাম। গণিত পরীক্ষার ফল খুবই ভাল হইয়াছিল এবং বার্ষিকী পরীক্ষার সময়ে ডিব্রুগড়ের পাদ্রী Revd. J. Isacson সাহেব পর পর দুই বৎসর গণিতে দ্বিতীয় ও তৃতীয় শ্রেণীর ছাত্রদিগকে পরীক্ষা করিয়াছিলেন। তিনি ঐ বিষয়ে পরীক্ষা করিয়া যে মন্তব্য লিপিবদ্ধ করিয়াছিলেন, তাহাও বিশেষ সন্তোষজনক ছিল। প্রবেশিকা পরীক্ষাতেও আমার কার্যকালে কোন ছাত্রই গণিতে অকৃতকার্য হইয়া আসে নাই। সুতরাং আমি যে যে বিষয়ে শিক্ষা দিয়াছিলাম সেই সেই বিষয়ের পরীক্ষার ফল ভালই, এটা ইনস্পেক্টর সাহেব বাহাদুরের ধারণা জন্মিয়াছিল। তিন দিন স্কুল পরিদর্শন করার পরে সাহেব বাহাদুর তাঁহার মন্তব্য পরিদর্শন বহিতে লিপিবদ্ধ করিলেন। ঐ বহিখানি এবং পাদ্রী সাহেবের মন্তব্যগুলি আমি হাতে করিয়া লইয়া যে দিন সাহেব বাহাদুর ডিব্রুগড় ছাড়িয়া যাইবেন সেই দিন তাঁহার সহিত সাক্ষাৎ করিবার জন্ত ডাকবাঙ্গলোয় গেলাম। সাহেব বলিলেন কি জন্ত আসিয়াছ? আমি বলিলাম আপনার সহিত সাক্ষাৎ করিয়া আমার মনোবেদনা আপনাকে জানাইতে আসিয়াছি। এই বলিয়া সাহেবের নিজ মন্তব্যগুলি ও পাদ্রী সাহেবের মন্তব্যগুলি তাঁহাকে দেখাইলাম এবং জানিতে চাইলাম যে কোন্ দোষে আমাকে দ্বিতীয় শিক্ষকের পদ হইতে তৃতীয় শিক্ষকের পদে অবনত করা হইয়াছে। সাহেব বলিলেন কে তোমাকে বলিল তুমি অবনত হইয়াছ? তোমার পূর্ব বেতনই পাইতেছ। চীফ কমিশনার Sir Stewart Belly ৭৫ টাকা বেতনে একটা নূতন পদ এই স্কুলের জন্ত সৃষ্টি করিয়া আমাকে বলিয়াছিলেন যে এই পদে একজন বি, এ, কে নিযুক্ত করিতে হইবে। আমি তাঁহার আদেশ অতুসারে এই পদে স্থায়ীভাবে একজন বি, এ, কে নিযুক্ত করিয়াছি।

যখন এই পদের বেতন ৭৫ টাকা হইয়াছে এবং তুমি ৫০ টাকা বেতন পাইতে এবং এখনও পাইতেছ তখন তোমাকে প্রকৃতপক্ষে অবনত করা হয় নাই। পদের নামটার পরিবর্তন হইয়াছে মাত্র। আমি বলিলাম মহাশয়, আমি আপনাদের কুট তর্ক ও যুক্তি সবই বুঝি। ভাল, দ্বিতীয় শিক্ষক বিদায়ে যাওয়াতে, তাঁহার স্থলে আমাকে নিযুক্ত না করিয়া ঐ পদে একজন অপরিণত বি, এ, ফেলকে নিযুক্ত করিলেন কেন? তদন্তরে বলিলেন, আসামবাসীরা বলিতেছে তাহাদের মধ্যে এখন অনেক সুশিক্ষিত ব্যক্তি বিচক্ষণ আছেন। সরকারী কার্যে তাঁহাদিগকে নিযুক্ত না করিয়া বাঙ্গালীদিগকে নিযুক্ত করা হয় কেন? তাঁহাদের মুখ বন্ধ করিবার জন্ত এবং প্রকৃতপক্ষে তাঁহাদের মধ্যে কেহ দ্বিতীয় শিক্ষকের পদের উপযুক্ত হইয়াছেন কিনা দেখিবার জন্তই ঐ ব্যক্তিকে নিযুক্ত করিয়াছি। তখন আমি বলিলাম তবে আমাকে হয় অল্পগ্রহ করিয়া অল্প বদলি করুন, নয় ছয় মাসের বিদায় দেন। সাহেব বলিলেন তোমার শরীরের অবস্থা দেখিয়া বুঝিতেছি তোমার স্বাস্থ্য ত মন্দ নহে। আমি বলিলাম যে আমি কয়েক মান বাবৎ Codliver oil (কডলিভার অয়েল) ব্যবহার করিতেছি সে জন্ত শারীরিক অবস্থা আপাততঃ ভাল দেখিতেছেন। সাহেব বলিলেন You may use your Codliver oil for 9 years অর্থাৎ তুমি নয় বৎসর কাল কডলিভার অয়েল ব্যবহার করিতে পার। আমি বলিলাম উহা ব্যবহার করিতে হইলে টাকা পয়সা লাগে। ৫০ টাকা বেতন পাইয়া কিরূপে ঔষধের ব্যয় ভার বহন করিব? সাহেব তখন বলিলেন Rameswar I know you are a very hard working teacher. This school has been very badly worked for the last few years. This school is in need of a hard working and pains-taking teacher like you অর্থাৎ “রামেশ্বর আমি তোমাকে অতি পরিশ্রমশীল শিক্ষক বলিয়া জানি। কয়েক



বৎসর ধরিয়া এই জেলা স্কুলটির কার্য্য অতি জঘন্যভাবে সম্পাদিত হইয়াছে। তোমার মত একজন যত্ববান্ ও পরিশ্রমশীল শিক্ষক এই স্কুলের বিশেষ আবশ্যক হইয়াছে।” তখন আমি বলিলাম তবে আমাকে দ্বিতীয় শিক্ষকের পদে নিযুক্ত করুন। তখন বলিলেন You were badly reported অর্থাৎ তোমার সম্বন্ধে মন্দ রিপোর্ট হইয়াছিল। আমি বলিলাম by whom অর্থাৎ কাহার কর্তৃক। সাহেব বলিলেন আমি তাঁহার নাম করিব না। আমি ইতিপূর্বে জানিয়াছিলাম যে ভূতপূর্ব হেড্‌মাষ্টার পরোক্ষভাবে তাঁহার বার্ষিকী কার্য্যবিবরণীতে নিজেকে বাঁচাইতে গিয়া আমার ঘাড়ে দোষ চাপাইয়া ছিলেন। আমি বলিলাম আমি উহা জানি। যে ছেলেটা তিন বৎসর ধরিয়া হেড্‌মাষ্টারের নিকট প্রথম শ্রেণীতে ইংরাজী শিক্ষা করিয়াছিল সেও ইংরাজী সাহিত্যে প্রবেশিকা পরীক্ষায় অকৃতকার্য্য হইয়াছে। এবং যে ছাত্রটা আমার নিকট ২য় শ্রেণীতে এক বৎসর মাত্র ইংরাজী সাহিত্য শিক্ষা করিয়াছিল এবং পরে হেড্‌মাষ্টারের নিকট প্রথম শ্রেণীতে এক বৎসর ইংরাজী সাহিত্য পাঠ করিয়াছিল, সেও ফেল হইয়াছে। সুতরাং তাঁহার রিপোর্ট খানি প্রকৃত রহস্যের উদ্ঘাটন করিয়াছে কিনা? তিনি নিজেকে বাঁচাইবার জন্ত ঐরূপ রিপোর্ট করিয়াছিলেন। সাহেব তখন বলিলেন প্রথম স্বযোগ পাইবা মাত্রই আমি তোমাকে আসাম প্রদেশের মধ্যে সর্বোৎকৃষ্ট স্থানে বদলী করিব। I shall transfer you to the best place in Assam on the first opportunity এই কথা আমাকে বলিয়া পর দিবস পুনরায় স্কুলে আসিয়া তিনি হেড্‌মাষ্টার ত্রীনাথবাবুকে বলিলেন যে আপনি একটিং দ্বিতীয় শিক্ষক ত্রীযুক্ত ঈশানন্দ ভরালীকে তৃতীয় শিক্ষকের পদে লইতে চান কি না। হেড্‌মাষ্টার মহাশয় বলিলেন না, আমি উহাকে চতুর্থ শিক্ষকের পদে লইতে প্রস্তুত আছি। সাহেব বাহাদুর হেড্‌মাষ্টার বাবুকে অনেক করিয়া বুঝাইয়া বলিলেন যে, তাঁহার খাতিরে উহাকে

তৃতীয় শিক্ষকের পদে লইতে হইবে। এদিকে ডেপুটি ইনস্পেক্টর জগদ্বন্ধুবাবু সহরে প্রকাশ করিলেন যে রামেশ্বরবাবুকে সাহেব শ্রীহটে বদলি করিবেন স্থির করিয়াছেন। আসাম প্রদেশের মধ্যে সর্বোৎকৃষ্ট স্থান বলিলেই শ্রীহট্টকেই বুঝায়। কিন্তু আমাদের এ অঞ্চলের লোকের পক্ষে শ্রীহট্ট আসামের মধ্যে সর্বোৎকৃষ্ট স্থান নহে। আমাদের পক্ষে সর্বোৎকৃষ্ট স্থান ধুবড়ী। সুতরাং আমি জগদ্বন্ধুবাবু-কথিত শ্রীহটে আমার বদলির কথা শুনিয়া সন্তুষ্ট হইতে পারি নাই। আমি মনে মনে ধুবড়ী পাইবার জন্ত প্রার্থনা করিতেছিলাম এবং মঙ্গলময় শ্রীশ্রী ভগবান আমার প্রার্থনা পূর্ণ করিয়াছিলেন।

সাহেব শিলংএ কিরিয়া গিয়া আদেশ প্রকাশ করিলেন যে আনাকে ৬৫ টাকা বেতনে ধুবড়ী জেলা স্কুলের সেকেন্ড মাষ্টারের পদে বদলী করিলেন এবং ধুবড়ীর সেকেন্ড মাষ্টার শ্রীযুক্ত শশিধর বরকাকর্তিকে ৭৫ টাকা বেতনে ডিক্রগড় জেলা স্কুলে সেকেন্ড মাষ্টারীতে বদলী করিলেন; এবং শ্রীযুক্ত ঈশানন্দ ভরালীকে ৫০ টাকা বেতনে ডিক্রগড় স্কুলের তৃতীয় শিক্ষকের পদে স্থায়ী ভাবে নিযুক্ত করিলেন। এই বন্দোবস্ত ডিক্রগড় জেলা স্কুলের পক্ষে অল্পকূল হয় নাই। যে হেতু শশিধরবাবু গণিত জানিতেন না এবং ভরালী মহাশয়ও উহাতে অপটু। সুতরাং বৃদ্ধ বয়সে হেড মাষ্টার শ্রীনাথবাবুকে পেন্সন না লওয়া কাল পর্য্যন্ত প্রথম শ্রেণীতে গণিত পড়াইতে হইয়াছিল।

এ স্থলে শ্রীনাথবাবুর সম্বন্ধে কিছু বলা আবশ্যক। কুম্ভনগরের হুড়িদিগের মধ্যে ইনি সর্ব প্রথমে সুশিক্ষিত হইয়াছিলেন। ইনি সিনিয়র স্কলার সুপ্রসিদ্ধ শ্রীযুক্ত উমেশচন্দ্র দত্ত মহাশয়ের সহাধ্যায়ী ছিলেন। ভাগ্যক্রমে উমেশবাবু কালে কুম্ভনগর কলেজের অধ্যক্ষ হইয়াছিলেন এবং মাসিক ১৫০০ টাকা বেতন পাইয়াছিলেন। কিন্তু শ্রীনাথবাবুর ভাগ্যে উহা ঘটে নাই। পেন্সন লইয়া অবসর গ্রহণ কালে তাঁহার বেতন মোটে ১৫০ টাকা মাত্র হইয়াছিল।

উমেশ বাবুর বেতনের এক দশমাংশ। শ্রীনাথবাবু বহুকাল পর্য্যন্ত ৬০২ টাকা বেতনে বহরমপুর কলেজিয়েট স্কুলে ষষ্ঠ শিক্ষক ছিলেন। ষষ্ঠ শ্রেণীতে কলিকাতার স্কুল-বুক-সোসাইটী-সঙ্কলিত প্রথম নম্বর রিডার পড়াইতে পড়াইতে ইহঁার অজ্জিত বিজ্ঞার হাস ভিন্ন বৃদ্ধি প্রাপ্তি হয় নাই। গণিত শাস্ত্র একেবারে ভুলিয়া গিয়াছিলেন বলিলেও অত্যাঙ্কি হয় না। অথচ ইনি উচ্চ গণিত বিজ্ঞায় পারদর্শিতা লাভ করিয়াছিলেন। এক কালে জ্যোতিষ শাস্ত্রেও ইহঁার বিলক্ষণ জ্ঞান ছিল। ইনি আমাদের নিকট নিজ নুখেই ব্যক্ত করিয়াছিলেন যে, যখন বহরমপুর হইতে বালেশ্বর জেলা স্কুলের হেড্‌ মাষ্টারিতে বদলী হন, তখন ইনি জ্যামিতি এরূপ ভুলিয়া গিয়াছিলেন যে পুস্তক না দেখিয়া ক্ষেত্রতত্ত্বের প্রতিক্ষা-গুলি ছাত্রদিগকে বুঝাইয়া দিতে পারিতেন না, কিন্তু হেড্‌ মাষ্টারের কার্য্য করিতে করিতে ইহঁার গণিতশাস্ত্রের নষ্টজ্ঞান পুনরায় উদ্ধার করিয়াছিলেন। বালেশ্বর জেলা স্কুলের হেড্‌ মাষ্টারের কার্য্য হইতে বদলী হইয়া ইনি গোহাটী হাই স্কুলের অর্থাৎ দ্বিতীয় শ্রেণীর কলেজের তৃতীয় শিক্ষকের পদ প্রাপ্ত হন। তখন ঐ দ্বিতীয় শ্রেণীর কলেজের হেড্‌ মাষ্টার বা অধ্যক্ষ ছিলেন ইহঁারই ভাগিনেয় শ্রীযুক্ত লক্ষ্মীনারায়ণ দাস এম্, এ,। লক্ষ্মীবাবু গণিতে এম্, এ, ছিলেন। স্বতরাং গণিত বিষয়ে অধ্যাপনা করিতেন। দ্বিতীয় শিক্ষক ছিলেন আসামের মধ্যে সর্ব্বশ্রেষ্ঠ বিদ্বান্ শিক্ষক শ্রীযুক্ত চন্দ্রমোহন গোস্বামী মহাশয়। ইনি শান্তিপুরের শ্রীমৎ অদ্বৈত প্রভুর বংশ-সম্ভূত ছিলেন। ইহঁার পূর্ব্ব-পুরুষেরা শান্তিপুরের আতাবুনে গোস্বামীদিগের পরিবার-ভুক্ত ছিলেন। বহুকাল পূর্ব্বে ইহঁার পূর্ব্ব-পুরুষেরা শান্তিপুর পরিত্যাগ করিয়া গোয়ালন্দ্রের অপর পারে শিবালয় বা শিয়ালু গ্রামে যাইয়া বাস করেন। এখনও ইহঁাদের বাস সেই গ্রামেই আছে। ইহঁার পিতা শ্রীযুক্ত রাধামোহন গোস্বামী মহাশয় বহুকাল পূর্ব্বে আসামে কীর্ত্তন গান করিতে গিয়া গোহাটীতে অবস্থান করেন এবং গভর্নমেন্টের অধীনে আদালতে

প্রথমে সামান্য চাকরী লইয়া পরে মুনসেফ্ হন। মুনসেফের কার্য্য বহুকাল করার পরে পেন্সন্ লইয়া নিজ বাসস্থান শিবালয়ে আসিয়া প্রায় ত্রিশ বৎসরকাল জীবিত থাকিয়া পেন্সন্ ভোগ করিয়াছিলেন। চন্দ্রমোহনবাবুর মাতা সতী, সাধবী, পতিব্রতা, দানশীল ও অতিথি-সেবিকা রমণী ছিলেন। ইনি রত্নগুপ্তাও ছিলেন। ইনি তিনটি স্নপ্ৰসিক্ত পুত্রের জননী হইয়াছিলেন। প্রথম পুত্রের নাম ছিল শ্রীযুক্ত উৎসবানন্দ গোস্বামী, দ্বিতীয়ের নাম শ্রীযুক্ত চন্দ্রমোহন গোস্বামী ও তৃতীয়ের নাম শ্রীযুক্ত যাদবচন্দ্র গোস্বামী। গোঁহাটীতে অবস্থানকালে একদিন ইহাদের বাড়ীতে মহোৎসব হইতেছিল। এই মহোৎসব সময়ে ইহাদের মাতা পূর্ণগুপ্তা ছিলেন। মহোৎসবের দিনে ইনি প্রসব বেদনা অল্পভব করিতেছিলেন, তথাপি সেই প্রসব বেদনা লইয়াই আগত অতিথি অভ্যাগত বক্তৃদিগকে নিজহস্তে পরিবেশন করিয়া খাওয়াইতেছিলেন। সমস্ত লোকের ভোজনকার্য্য শেষ হইবামাত্রই ইনি স্মৃতিকাগৃহে প্রবেশ করিলেন এবং একটি পুত্র প্রসব করিলেন। উৎসবের দিনে এই পুত্রের জন্ম হইয়াছিল বলিয়া ইহঁার নাম রাখা হইয়াছিল উৎসবানন্দ। ইহঁারা তিনটি ভাইই বিলক্ষণ বিদ্বান্ হইয়াছিলেন বটে, কিন্তু ইহঁারা তিনজনেই অতিরিক্ত মদ্যপায়ী হইয়া পড়িয়াছিলেন। এই কুঅভ্যাসেই ইহঁারা নষ্ট হইয়াছিলেন। তিনটির মধ্যে সর্বাপেক্ষা বিদ্বান্ ছিলেন শ্রীযুক্ত চন্দ্রমোহন গোস্বামী। ইনি সিনিয়র স্কলার ছিলেন। উৎসবানন্দ কতদূর পর্য্যন্ত পড়িয়াছিলেন জানি না বটে, কিন্তু ইনি এক সময়ে আসামের স্কুল সমূহের ডেপুটী ইনস্পেক্টর ছিলেন পরে ইনি এক্ট্রা এসিষ্ট্যান্ট কমিসনারও হইয়াছিলেন। কিন্তু পানদোষই ইহঁার সর্বনাশ করিয়াছিল। ইনি এই দোষেই শেষে পদচ্যুত হইয়াছিলেন। তৃতীয় যাদবচন্দ্র গোস্বামী মহাশয় বি, এ, পাস করিয়া বাঙ্গালা দেশে একজন কার্য্যকুশল ডেপুটী ম্যাজিষ্ট্রেট হইয়াছিলেন। যে সময়ে কলিকাতার Harrison Road নির্মিত হয়,

সেই সময়ে ইনি ঐ কার্যের জন্ত Land Acquisition Deputy Collector হইয়াছিলেন অর্থাৎ ভূমি সংগ্রহার্থ ও উহার মূল্য নির্ধারণ জন্ত ইনি ডেপুটী কালেক্টর নিযুক্ত হইয়াছিলেন। এই কার্য প্রায় শেষ হইয়া আসিয়াছে এমন সময়ে ইনি একদিন দোকান হইতে মদ খাইয়া সন্ধ্যার সময়ে টলিতে টলিতে বাসায় আসিয়া উপস্থিত হইয়াছিলেন। ইহার পত্নী শ্রীযুক্তা ত্রৈলোক্যমোহিনী 'দেবী' ইহাকে দোকান হইতে মদ খাইয়া আসিতে নিষেধ করিয়াছিলেন। ইনি গৃহে মদ রাখিতেন এবং নিজহস্তে করিয়া পরিমিতরূপে প্রত্যহ রাত্রিকালে স্বামীকে মদ খাইতে দিতেন। যাদব গোস্বামী মহাশয় এই দিন তাঁহার ব্যবস্থা ভঙ্গ করিয়া দোকান হইতে মাতাল হইয়া আসিয়া শয্যা শয়ন করিলেন। ইহার নিয়ম ছিল কাছারি হইতে আসিয়া সন্ধ্যার সময়ে স্নান করা। এ দিন তাহা না করিয়া শয্যাশায়ী হইয়াছিলেন।

ভৃত্য আসিয়া তাঁহার পত্নীকে বলিল মা, বাবু আজ বেজায় মাতাল হইয়া আসিয়া বিছানায় শুইয়া পড়িয়াছেন। তখন তাঁহার স্ত্রী রত্নশালার কার্যে ব্যাপৃতা ছিলেন। তিনি রাগ করিয়া বলিলেন মরুকগে। পানিক পরে ভৃত্য বাবুকে বার বার ডাকা সত্ত্বেও তিনি উঠিলেন না। তখন সে তাঁহার গায়ে হাত দিয়া তাঁহাকে তুলিতে গিয়া দেখে যে তাঁহার শরীর শক্ত হইয়া গিয়াছে। সে তাড়াতাড়ি আসিয়া এই সংবাদ তাঁহার স্ত্রীকে দিল তখন ত্রৈলোক্য দেবী শিরে করাঘাত করিয়া বলিলেন যে আমি পোড়ার মুখে যাহা বলিলাম তাহাই ঘটিল। আগার কপাল পুড়িয়া গেল। আসিয়া দেখেন তাঁহার দেহ হইতে প্রাণবায়ু বাহির হইয়া গিয়াছে।

গৌহাটীর দ্বিতীয় শ্রেণীর কলেজটা উঠিয়া গেলে উহার হেড্‌ মাষ্টার বা অধ্যক্ষ শ্রীযুক্ত লক্ষ্মীনারায়ণ দাস এম্, এ, মহাশয় ছগলি ব্রাহ্ম স্কুলের হেড্‌ মাষ্টারের কার্যে বদলী হইয়াছিলেন। পরে ইনি কৃষ্ণনগর কলেজের অধ্যাপক হইয়াছিলেন। পূর্বে ইনি বিবাহ করিবেন না

বলিয়া স্থির করিয়াছিলেন, কিন্তু যখন কৃষ্ণনগর কলেজের অধ্যাপক হইয়াছিলেন সেই সময়ে বিবাহ করেন এবং কিছুকাল পরে যক্ষ্মারোগাক্রান্ত হইয়া অকালে প্রাণত্যাগ করেন।

দ্বিতীয় শিক্ষক চন্দ্রমোহন গোস্বামী মহাশয় কলেজটা উঠিয়া যাইবার পরে একট্র্যা এসিষ্ট্যান্ট কমিসনারের পদে একটিং বা অস্থায়ীভাবে নিযুক্ত হন। এবং দরঙ্গ জেলার মঙ্গলদৈ মহকুমায় প্রেরিত হন। এই স্থানে তাঁহার হস্তে Treasury বা মালখানার কার্যভার ভ্রষ্ট হয়। তিনি মদ খাইয়া প্রায়ই কার্য করিতেন না। বিচার কার্য ত প্রায়ই করিতেন না। ট্রেজারির কার্যেও নানাপ্রকার বিশৃঙ্খলা ঘটাইয়াছিলেন। এইজন্য উহাকে এই কার্য হইতে অপসারিত করাইয়া পুনরায় শিক্ষা-বিভাগে দেওয়া হয়। এইবার ইনি গোয়ালপাড়া জেলা স্কুলের (আজকাল বাহাকে ধুবড়ী হাই স্কুল বলে) হেড্-মাষ্টার হন। পরে শিবসাগর জেলা স্কুলের হেড্-মাষ্টার হন। কাজকর্ম না করার জন্য এবং কোহিমা হাই স্কুলে কোন কাজ না থাকায় সর্বশেষে ইনি তথায় প্রেরিত হন। কোহিমা হাই স্কুল. নামে হাই স্কুল থাকিলেও তথায় প্রথম শ্রেণীতে ছাত্র ছিল না। যখন ইহাঁকে কোহিমায় বদলী করা হয় তখন আসামের চিফ্ কমিসনার ছিলেন মাননীয় মহাত্মা Sir Deniz Fitz Patrick ( সার্ ডেনিজ ফিট্‌জ্ প্যাট্রিক্ )। পাছে ইনি এরূপ একজন বিদ্বান লোককে কোহিমা পাঠাইতে অসম্মত হন, এই জন্য আসামের ডিরেক্টর বাহাদুর শ্রীযুক্ত জে, উইলসন্ সাহেব তাঁহার প্রস্তাবে লেখেন যে Babu Chandramohan Goswami, Head-Master, Sibsagar Zila School, does no work. There is no work at Kohima, so he should be sent there. অর্থাৎ শিবসাগর জেলা স্কুলের হেড্-মাষ্টার বাবু চন্দ্রমোহন গোস্বামী কাজ করেন না। কোহিমা হাই স্কুলে কোন কাজই নাই অতএব তাঁহাকে সেই স্থানেই প্রেরণ করা হউক। কার্যেও তাহাই হইল। চন্দ্রমোহন

বাবু কোহিমায় যাইবার সময়ে শিবসাগর জেলা স্কুলের প্রথম শ্রেণী হইতে শ্রীযুক্ত পদ্মনাথ বড়ুয়া নামে একটি ছাত্রকে সঙ্গে করিয়া লইয়া গিয়াছিলেন এবং তাহাকে কোহিমা হাই স্কুল হইতে প্রবেশিকা পরীক্ষার্থ পাঠাইয়া তাহাকে উক্ত পরীক্ষায় উত্তীর্ণ করান। কোহিমা হাই স্কুল হইতে এই একটি মাত্র ছাত্র প্রবেশিকা পরীক্ষায় প্রেরিত হইয়া উত্তীর্ণ হইয়াছিল। শ্রীযুক্ত পদ্মনাথ বড়ুয়া আসামীয়া ভাষায় অনেকগুলি গল্প ও পদ্য পুস্তক রচনা বা অনুবাদ করিয়াছেন। ইনি একজন কবিও বটে। ইনি এখন Honourable Mr. Padmanath Barua, Member of the Assam Legislative Council. চন্দ্রমোহনবাবু বঙ্গদ্রাধিক-কাল কোহিমা হাই স্কুলে কার্য্য করার পরে ডাক্তারের সার্টিফিকেট সহ ১৮ মাসের জগ্গ বিদায়ের দরখাস্ত করিয়া উহা মঞ্জুর হইবার পূর্বেই তথ্য হইতে চলিয়া আসেন এবং আমাকে ডিরেক্টর সাহেব বাহাদুর বাধ্য করিয়া এই আঠার মাসের জগ্গ তথাকার হেড্‌ মাষ্টারের কার্য্যে প্রেরণ করেন। বাধ্য করিয়া বলিতেছি কেন, যেহেতু ইতিপূর্বে অর্ধাৎ . চন্দ্রমোহনবাবুকে তথ্য পাঠাইবার পূর্বেই আমাকে একবার তথ্য বাইতে বলিয়াছিলেন। আমি সেইবারে যাই নাই। তাঁহার সেই জিদ বজায় রাখিবার জগ্গই এবারে আমাকে তথ্য পাঠাইলেন। চন্দ্র-মোহনবাবু বিদায়ে আসিয়া আর কোহিমায় ফিরিয়া যান নাই। পেন্সন্ লইয়া অবসর গ্রহণ করেন। স্মরণ্য ঐ ১৮ মাসের জগ্গ আদি তথ্য একটিং হেড্‌ মাষ্টার ছিলাম। ১৮ মাস পরে Sub-protem-pore অর্থাৎ তৎকালের জগ্গ স্থায়ীভাবে হেড্‌ মাষ্টার হইয়াছিলাম। এবং প্রায় আড়াই বৎসরকাল তথ্য আনাকে থাকিতে হইয়াছিল। চন্দ্র-মোহনবাবু পেন্সন্ লওয়ায় পরে তাঁহার গোহাটস্থিত বাসায় বহুকাল বাস করার পরে ইহজগৎ ত্যাগ করিয়া গিয়াছেন। তাঁহার তিনটি পুত্র হইয়াছিল—প্রথমটির নাম শ্রীমান্ শরদিন্দু, দ্বিতীয়ের নাম শ্রীমান্ শুভেন্দু ও তৃতীয়টির নাম শৈলেন্দু। তিনটি পুত্রই বুদ্ধিমান্। জ্যেষ্ঠটি

ডেরাডুন বন-বিভাগের কলেজ হইতে উত্তীর্ণ হইয়া ফরেষ্ট রেঞ্জার হইয়াছিলেন। কিন্তু পিতার পান-দোষটারও সম্যক্রূপে উত্তরাধিকারী হইয়াছিলেন। কাজেই পদচ্যুত হন। পরে কোহিমার এক্জিকিউটিভ্ ইঞ্জিনিয়ার অফিসে অস্থায়ীভাবে কেরাণীর পদে নিযুক্ত হন। তথায়ও পান-দোষে কৰ্মচ্যুত হন। পরে তেজপুরে এক্জিকিউটিভ্ ইঞ্জিনিয়ার অফিসে অস্থায়ীভাবে কেরাণীর পদে নিযুক্ত হন। তথায়ও ঐ দোষে চাকরী হারান। কিছুদিন পরে পিতার জীবদ্দশাতেই প্রাণত্যাগ করেন। তৃতীয় শৈলেন্দ্র পূৰ্ত্ত-বিভাগের সব্ ওভারসিয়ারের পদে নিযুক্ত হইয়াছিলেন। কিন্তু পান দোষে পদচ্যুত হন। দ্বিতীয় শৈলেন্দ্র বড়ই চতুর ও বুদ্ধিমান ব্যক্তি, ইনি এখন উড়িষ্যার কোন জেলার এক্জিকিউটিভ্ ইঞ্জিনিয়ারের কার্য্য করিতেছেন এবং রায় বাহাদুর উপাধি লাভ করিয়াছেন। ইনি সাহেব পটাইতে বড়ই মজ্জবুৎ।

চন্দ্রমোহন গোস্বামী মহাশয়ের জীবনী সম্বন্ধে মানসী নামিকা মানিকী পত্রিকাতে ভূতপূৰ্ণ পুলিশ ডেপুটী সুপারিন্টেণ্ডেণ্ট শ্রীযুক্ত বীরেশ্বর সেন মহাশয় শুনিয়াছি কতকগুলি প্রবন্ধ লিখিয়াছেন। আমি ঐ গুলি পড়ি নাই। এই নিমিত্তই আমি তাঁহার সম্বন্ধে এত গুলি কথা লিখিলাম। আমার এই লেখাগুলি ধান ভানিতে শিবের গীত হইয়া পড়িল।

গৌহাটী দ্বিতীয় শ্রেণীর কলেজটা উঠিয়া গিয়া জেলা স্কুলে পরিবর্তিত হইলে উহার তৃতীয় শিক্ষক শ্রীযুক্ত শ্রীনাথ সেন মহাশয় উহার হেড্ মাষ্টার হইয়াছিলেন। পরে ইনি ডিক্রগড় জেলা স্কুলে বদলী হইয়া তথা হইতে ৫৫ কি ৫৬ বৎসর বয়সে পেন্সন্ লইয়া কৃষ্ণনগরের বাড়ীতে আসিয়া বাস করেন। কিন্তু ছুংখের বিষয় দুই কি এক বৎসরের মধ্যেই ইহলোক ত্যাগ করিয়া অমর ধামে চলিয়া যান। শ্রীনাথবাবু কৃষ্ণনগরের হুড়িকুলের একটা উজ্জল রত্ন। ইনি বহু সঙ্গুণে অলঙ্কৃত ছিলেন। ইহারই যত্ন, চেষ্টা ও অর্থব্যয়ে হুড়ি বংশে অনেক উজ্জল রত্নের উদয়



হইয়াছে। একটি উজ্জল রত্ন ইহার ভাগিনেয় লক্ষ্মীনারায়ণ দাস, এম, এ মহাশয় ছিলেন। দ্বিতীয় ইহার ভ্রাতুষ্পুত্র শ্রীযুক্ত দ্বারকানাথ সেন। ইনি কালে বাঙ্গালা দেশের একজন ডেপুটি ম্যাজিস্ট্রেট হইয়াছিলেন। কুম্বনগরের বর্তমান উকীল শ্রীমান্ ত্রিবেণীকুমার সেন এই দ্বারকানাথ বাবুর পুত্র। তাঁহার অপর একটি ভ্রাতুষ্পুত্র ছিলেন শ্রীযুক্ত কৈলাসচন্দ্র সেন। ইনি বহরমপুরের জজ কোর্টে ট্রান্সলেটার বা অনুবাদক ছিলেন। কি বোঝে তাঁহার এই চাকরী যায় জানি না। পরে ইনি ডিব্রুগড় ডেপুটি কমিশনারের অফিসে রেভিনিউ সুপারিন্টেন্ডেন্ট হইয়াছিলেন। উৎকল প্রদেশে অপরাধে ইহার চাকরী যায় এবং ঐ অপরাধে অভিযুক্ত হইয়া ৬০০ টাকা অর্থদণ্ড দিয়া অব্যাহতি পান।

আমি ডিব্রুগড় জেলা স্কুলে ১৮৭৮ সনের ২ই এপ্রিল হইতে ১৮৮০ সনের ৩১শে মার্চ পর্য্যন্ত ৫০০ টাকা বেতনে সেকেন্ড মাস্টার ছিলাম। ঐ সনের ১লা এপ্রিল হইতে ২১শে জুন পর্য্যন্ত ৭৫০ টাকা বেতনে অস্থায়ীভাবে সেকেন্ড মাস্টারের কার্য করি। পরে ২২শে জুন হইতে ১৮৮২ সনের ২২শে জানুয়ারী পর্য্যন্ত ৫০০ টাকা বেতনে তৃতীয় শিক্ষকের কার্য করিতে বাধ্য হই। ডিব্রুগড় জেলা স্কুলের হেড্ মাস্টার ও ডিস্ট্রিক্ট কমিটির সম্পাদক শ্রীযুক্ত ক্ষেত্রচন্দ্র চট্টোপাধ্যায় মহাশয় গোহাটা জেলা স্কুলে হেড্ মাস্টারের পদে বদলী হইয়া বাইবার সময়ে আমার সাভিস্ বৃকে নিয়মিত মন্তব্য লিপিবদ্ধ করিয়া গিয়াছিলেন।

Babu Rameswar Sen is a hard working teacher and is always in earnest in his work. Under the revised scheme of Establishment a graduate has been appointed as Second Master on Rs. 75/- and Rameswar Babu, is, I understand, to act as Third Master on his present pay Rs. 50/- a month. I hope later on he will be provided with another post on an increased pay.

(Sd.) KHETRACHANDRA CHATTERJEE,

18 June 1880.

Secretary,

District Committee of Public Instruction.

অর্থাৎ বাবু রামেশ্বর সেন একজন পরিশ্রমশীল শিক্ষক। ইনি সর্বদাই নিজ কার্য্য অন্তরের সহিত করিতে ইচ্ছুক। স্কুলের শিক্ষকদিগের বেতন সম্বন্ধে যে নূতন ব্যবস্থা হইয়াছে তদনুসারে ৭৫ টাকা মাসিক বেতনে একজন বি, এ, কে সেকেণ্ড মাষ্টারের পদে নিযুক্ত করা হইয়াছে। আমি জানিয়াছি তাঁহার বর্তমান মাসিক বেতন ৫০ টাকাতে রামেশ্বর বাবুকে থার্ড মাষ্টারের কার্য্য করিতে হইবে। আমি আশা করি পরে ইনি অধিকতর বেতনে আর একটা কার্য্য পাইবেন। এই কথাগুলি ক্ষেত্রবাবুর নিজের কথা নহে। স্কুল-ইনস্পেক্টর শ্রীযুক্ত Willson সাহেব বাহাদুর আমার সম্বন্ধে ক্ষেত্রবাবুকে যে আধা সরকারী ( ডেমি অফিসিয়াল ) চিঠিখানি লিখিয়াছিলেন আমি তাহা দেখিয়াছিলাম এবং তাহাতেই ঐ কথাগুলি সাহেব বাহাদুর লিখিয়া ক্ষেত্রবাবুর মারফতে আমাকে সাঙ্ঘনি ও প্রবোধ দিবার জন্ত চেষ্টা করিয়াছিলেন। বাস্তবিকই তিনি চিফ্ কমিশনার বাহাদুরের নিকট হইতে চাপ পাইয়াই এই অন্তায় বন্দোবস্ত করিতে বাধ্য হইয়াছিলেন।

আমি ধুবড়ী জেলা স্কুলের সেকেণ্ড মাষ্টারের কার্য্যে বদলী হইবার সময় তখনকার ডিব্রুগড় জেলা স্কুলের হেড্ মাষ্টার শ্রীযুক্ত ত্রীনাথ সেন মহাশয় আমার সান্তিস বৃক্ষে নিম্নলিখিত মন্তব্য লিপিবদ্ধ করিয়াছিলেন।

Babu Rameswar Sen is an active pains-taking young man. I always found him a useful officer of the school.

( Sd. ) SREENATH SEN,

*Head master, Dibrugarh School.*

অর্থাৎ বাবু রামেশ্বর সেন একজন কার্য্যতৎপর, পরিশ্রমী ও যত্নশীল যুবা পুরুষ। আমি সর্ব সময়ে ইহাকে এই স্কুলের একজন কার্য্যদক্ষ কর্মচারী স্বরূপ পাইয়াছিলাম।

আমার সময়ে ডিব্রুগড় জেলা স্কুলের উন্নৈখযোগ্য ছাত্রদিগের নাম নিম্নে প্রদত্ত হইল।

শ্রীমান্ গণেশ রাম আগরওয়াল

শ্রীমান্ শিবরাম শর্মা

„ গোপীনাথ বর্দলৈ

„ আবদুল মজিদ

„ দেবীচরণ বড়ুয়া

গণেশরামের পিতা শ্রীযুক্ত কাশীনাথ আগরওয়াল একজন সামান্য দোকানদার ছিলেন। গণেশরাম প্রবেশিকা পরীক্ষায় উত্তীর্ণ হইয়া একটা ২০ টাকার বৃত্তি পাইয়াছিল। কিন্তু সে ঐ বৃত্তি লাভ করিয়াও কোন কলেজে পড়িতে যায় নাই। সে বৃত্তি গ্রহণ করে নাই। বৃত্তি লইয়া কোন কলেজে পড়িতে না যাওয়ার কারণ তাহাকে জিজ্ঞাসা করায় সে বলিয়াছিল আমি যে উদ্দেশ্যে ইংরাজী পড়িতে আসিয়াছিলাম তাহা সিদ্ধ হইয়াছে। সাহেবদিগের সহিত এবং বিলাতের বড় বড় কারবারওয়ালাদিগের সহিত ইংরাজীতে লেখালেখি করা এবং স্থানীয় সাহেবদিগের সহিত ইংরাজীতে কথাবার্তা বলিতে পারাই আমার উদ্দেশ্য ছিল। তাহা যখন সফল হইয়াছে তখন আমার বেশী ইংরাজী শিক্ষার কোন প্রয়োজনই নাই। আমি ত চাকরী প্রত্যাশী নহি এখন আমি আমার পিতার দোকানে থাকিয়া উহার উন্নতি সাধন করিবার জন্য বিশেষভাবে চেষ্টা করিব। প্রকৃত পক্ষে সে তাহাই করিয়াছিল। বাস্তবিকই সে একজন বড় ব্যবসায়ী হইয়াছিল। আক্ষেপের বিষয় সে জীবিত নাই। গোপীনাথ বর্দলৈ বি, এল্ পরীক্ষায় উত্তীর্ণ হইয়া যোরহাটে ওকালতী করিতেছে। দেবীচরণ বড়ুয়াও বি, এল্, এবং যোরহাটের উকীল। এখন ইনি ভারত গভর্ণমেন্টের কাউন্সিল অব্ টেষ্টের একজন মাননীয় সদস্য এবং রায় বাহাদুর উপাধি-প্রাপ্ত। শিবরাম শর্মাও বি, এল্, এবং ডিক্রগড়ের একজন লক্ষপ্রতিষ্ঠ উকীল।

আবদুল মজিদ বি, এ, এল্, এল্, বি, ও ব্যারিষ্টার। ইনি এক্ষণে আসাম গভর্ণমেন্টের কার্য্যকরী সভার অন্যতম মাননীয় সদস্য ( একজি-কিউটিভ্ কাউন্সিলার ) এবং সি, আই, ই, উপাধি দ্বারা সম্মানিত।

ইনি যখন ডিক্রগড় জেলা স্কুলের দ্বিতীয় শ্রেণীর ছাত্র সেই সময়ে আসাম প্রদেশের মাননীয় চিফ্ কমিসনার সার চার্লস্ ইলিয়ট বাহাদুর ডিক্রগড়ে শুভাগমন করিয়া জেলা স্কুলটি পরিদর্শন করিতে আসিয়াছিলেন এবং পরিদর্শন করিয়াছিলেন এবং প্রথম ও দ্বিতীয় শ্রেণীর ছাত্রদিগকে কোন কোন বিষয়ে পরীক্ষা করিয়াছিলেন। মজিদের বয়স তখন ১৫ বা ১৬ বৎসর, দেখিতেও খর্বকায়। মজিদের দুই একটি প্রশ্নের উত্তর শুনিয়া চিফ্ কমিসনার বাহাদুর আমার দিকে দৃষ্টিপাত করিয়া বলিলেন The lad seems to be very smart. Is it not Babu? অর্থাৎ এই বালকটাকে দেখিয়া বোধ হইতেছে এটা বিশেষ চতুর ও চালাক। বাবু প্রকৃতই কি ইহা নহে? আমি বলিলাম Yes, your Honour অর্থাৎ হ্যাঁ মাননীয় মহাশয়। চিফ্ কমিসনার বাহাদুর স্কুল পরিদর্শন করিয়া চলিয়া গেলেন। ইনি প্রচলিত রীত্যনুসারে বালকদিগকে ২১ দিনের জন্ত ছুটি দিলেন না। তিনি চলিয়া গেলে বালকেরা যুক্তি করিয়া ছুটির জন্ত একখানি দরখাস্ত লিখিয়া মজিদের হস্ত দিয়া তাঁহার নিকট পাঠাইয়া দিল। চিফ্ কমিসনার বাহাদুর তখন ডিক্রগড়ের মিউনিসিপাল্ অফিস পরিদর্শন করিতেছিলেন বেলাও তখন প্রায় সাড়ে চারিটা। বালকদিগের দরখাস্তের উপরে সাহেব বাহাদুর লিখিয়া দিলেন The boys may be granted a holiday for to-day. মজিদ উহা হাতে করিয়া না পড়িয়াই দুই দিনের ছুটি হইয়াছে মনে করিয়া হঠাৎ চিন্তে দৌড়িয়া আসিয়া আমার হস্তে দরখাস্তখানি দিয়া বলিল মহাশয়, দুই দিনের ছুটি হইয়াছে। আমি উহা পড়িয়া দেখিয়া বলিলাম যে চিফ্ কমিসনার বাহাদুর তোমাদিগকে ফাঁকী দিয়াছেন। একদিনের জন্তও ছুটি দেন নাই। তোমাদের সহিত মজা করিয়াছেন। কই Two days শব্দের “s” অক্ষরটা কোথায়? মজিদ আমাকে একটা টান দেখাইয়া বলিল এইটাই এন্স। তখন আমি বলিলাম তোমার কথা মানিয়া লইলাম Two শব্দের “w” অক্ষরটা কোথায় গেল। তখন

উহার চিক্ কমিসনার বাহাদুরের ফাঁকী বুঝিতে পারিল। ইলিয়াট সাহেব বাহাদুর স্কুল পরিদর্শন করিয়া কখনই ছুটি দিতেন না।

কোন কোন বার ম্যাজিক্ লানটার্ণ সাহায্যে প্রাতঃস্মরণীয়া মহারাণী ভিক্টোরিয়ার ও তাঁহার পুত্রকন্যাগণের প্রতিকৃতি ও অশ্রাব্য ব্যক্তিদিগের ছবি দেখাইয়া বালকদিগের চিত্ত-বিনোদন করিতেন। এই স্বনামধন্য কৃতী পুরুষ আবদুল মজিদ্ সম্বন্ধে অশ্রাব্য কথা পরে বলিব। মজিদের বাড়ী যোরহাটে। ইহার পিতা একজন মৌজাদার ছিলেন। মজিদ্ যোরহাট মধ্য-ইংরাজী বিদ্যালয় হইতে মাইনর বা মধ্য ইংরাজী বিদ্যালয়ের বৃত্তি পরীক্ষায় উত্তীর্ণ হইয়া বৃত্তি লাভ করিয়া ডিক্রগড় জেলা স্কুলে আসিয়া দ্বিতীয় শ্রেণীতে ভর্তি হইয়াছিল; এবং ডিক্রগড়ে তাহার এক আত্মীয়ের বাড়ীতে থাকিত। তখন যোরহাটে হাই স্কুল স্থাপিত হয় নাই। এই ঘটনার কিছুদিন পরে যোরহাটের গভর্ণমেন্ট-মধ্য-ইংরাজী বিদ্যালয়টা হাই স্কুলে পরিণত হইল এবং আমিও ডিক্রগড় হইতে ধুবড়ী বদলী হইলাম। সুতরাং মজিদ্ ডিক্রগড়ের স্কুল ছাড়িয়া যোরহাট হাই স্কুলে যাইয়া ভর্তি হইল। ডিক্রগড় স্কুল ছাড়িয়া যাইতে আমি তাহাকে বার বার নিষেধ করিয়াছিলাম। তদন্তরে মজিদ্ বলিয়াছিল যে যখন যোরহাটে আমার বাড়ী তখন আমার তথায় যাওয়াই শ্রেয়ঃ। আপনি ডিক্রগড়ে থাকিলে হয়ত এ স্থান ছাড়িয়া যাইতাম না। যখন আপনি চলিলেন তখন আমি আর এখানে থাকিব না। মজিদ্ যোরহাট হাই স্কুল হইতে প্রবেশিকা পরীক্ষায় উত্তীর্ণ হইয়া ২০ টাকার একটা বৃত্তি লাভ করিয়া কলিকাতার প্রেসিডেন্সী কলেজে ভর্তি হইয়া তথা হইতে বি, এ, পরীক্ষায় উত্তীর্ণ হইয়া গবর্ণমেন্টের একটা বিশেষ বৃত্তিলাভ করতঃ বিভাগশিক্ষার্থ বিলাতে গিয়াছিল; এবং তথায় বি, এ, ও এল্ এল্ বি, পরীক্ষায় উত্তীর্ণ হইয়া ব্যারিষ্টার হইয়া দেশে ফিরিয়া আসিয়াছিল। মজিদের প্রেসিডেন্সী কলেজে পড়িবার সময় শ্রীমান্ বিশেষ্বর দাস

বি, এ তাঁহার সহায়ী ছিলেন। মজিদ কিছুকালের জন্য অস্থায়ীভাবে কলিকাতা হাইকোর্টের বিচারাগনে অধিষ্ঠিত ছিলেন।

লখিমপুর জেলার (যাহার প্রধান স্থানের নাম ডিক্রগড়) ডেপুটি কমিসনার কর্ণেল গ্রেহাম (Colonel Graham) ও তাঁহার পরবর্তী সিভিলিয়ান ডেপুটি কমিসনার ম্যাকউইলিয়াম সাহেব বাহাদুরদিগের সহক্ষে মিলিটারী ও সিভিল সার্জেন প্রাতঃস্মরণীয় হোয়াইট ও সিউয়ান সাহেব সহক্ষে, হেড্‌মাষ্টারদিগের সহক্ষে ডিক্রগড়স্থ পূর্ব ও পশ্চিম বঙ্গবাসীদিগের মধ্যে যে যে কারণে বিদ্বেষ-বহ্নি জলিয়া উঠিয়াছিল এবং সেই বহ্নিতে যে যে ব্যক্তি বিশেষভাবে দগ্ধ হইয়াছিলেন এবং সঙ্গে সঙ্গে আমার নিজের সহক্ষে কয়েকটি কথা না লিখিয়া ডিক্রগড়ের বিবরণ শেষ করিতে ইচ্ছা হয় না। অতএব অনাবশ্যক বিবেচিত হইলেও ঐ ঐ সহক্ষে কিছু কিছু না লিখিয়া থাকিতে পারিলাম না।

কর্ণেল গ্রেহাম স্কটলণ্ড দেশের লোক; ইনি বাংলাদেশের ভূতপূর্ব ছোটলাট সার জর্জ ক্যাশেল বাহাদুরের মাতুল। কর্ণেল বলাতেই ইনি সৈনিক বিভাগের কর্মচারী বলা হইল। ইনি দীর্ঘকায়, স্থলী, বলবান্ ও বীরপুরুষ ছিলেন।

ইনি অতি স্বাধীনচেতা, স্পষ্টভাষী ও উচিত বক্তা ছিলেন। ইনি নির্ভয়ে ইহার উপরিস্থ কর্মচারীদিগকে এমন কি চিফ্‌ কমিসনার বাহাদুরকেও ত্রাঘ্য ও উচিত কথা বলিতে ও লিখিতে ছাড়িতেন না। তাহার দৃষ্টান্তস্বরূপ কয়েকটি বিষয় এখানে উল্লেখ করিতেছি। ইহার হস্তাক্ষর অতি কদর্য ও অস্পষ্ট ছিল। সহজে ইহার লেখা কেহই পড়িতে পারিতেন না। ইহার কার্যকালে লক্ষ্মীপুর জেলাস্থিত স্কুল ও পাঠশালা সমূহের অবস্থা অতি শোচনীয় ছিল। ডিক্রগড় জেলা স্কুলের অবস্থাও বিশেষ অসন্তোষজনক হইয়া পড়িয়াছিল। প্রায়ই ঘন ঘন শিক্ষক পরিবর্তন হইত। দ্বিতীয় ও তৃতীয় শিক্ষকের পদ অনেক সময়েই শূন্য থাকিত। এই সময়ে আলাম প্রদেশের স্কুল ইনস্পেক্টর

ছিলেন ডাক্তার সি, এ, মার্টিন। পরে ইনি বাংলাদেশের শিক্ষা-বিভাগের ডিরেক্টর হইয়াছিলেন। আমাকে ডাক্তার মার্টিনই ডিক্রগড়ের জেলা স্কুলের সেক্রেণ্ড মাষ্টারের পদে নিযুক্ত করিয়াছিলেন। কেহই ডিক্রগড় জেলা স্কুলের সেক্রেণ্ড মাষ্টারের পদে অধিকদিন টিকিয়া থাকিতেন না। এই সম্বন্ধে কর্ণেল গ্রেহাম ও ডাক্তার মার্টিনের মধ্যে অনেকদিন হইতে অনেক চিঠি পত্র লেখালেখি চলিতেছিল। ডাক্তার মার্টিনের চিঠিপত্রের ভাষার দোষ তিনি প্রায়ই হেড্ মাষ্টার ক্ষেত্রবাবুকে দেখাইয়া বলিতেন মার্টিন আয়র্লণ্ডবাসী। ইনি ইংরাজী ভাষার কি জানেন। এই সমস্ত চিঠিপত্র লেখালেখির ফলে ডাক্তার মার্টিন সেক্রেণ্ড মাষ্টারের পদের বেতন মাসিক ৬০ টাকা, থার্ড মাষ্টারের বেতন ৪০ টাকা ও কোর্থ মাষ্টারের বেতন ৩০ টাকা করিতে হইবে বলিয়া একটা প্রস্তাব চিফ্ কমিসনার সাহেব বাহাদুরের নিকট মঞ্জুরের জন্ত চিঠি লিখিয়া পাঠান। আমার ডিক্রগড় যাওয়ার কিছুদিন পরেই ডাক্তার মার্টিন ডিক্রগড় জেলা স্কুল পরিদর্শন করিতে আসিয়াছিলেন। তাঁহার পরিদর্শন কার্য শেষ হওয়ার পরে সারকিট বান্ধলোয় যাইয়া আমি তাঁহার সহিত সাক্ষাৎ করিয়া জানাই যে ডিক্রগড়ের গ্রায় এত দূরদেশে আসায় এবং ডিক্রগড়ে খাদ্যদ্রব্য মাত্রেরই মূল্য অতিশয় অধিক থাকায় ৫০ টাকা বেতনে আমার চলিতেছিল না। হয় তিনি অনুগ্রহ করিয়া বাংলাদেশের ডিরেক্টর সাহেব বাহাদুরের নিকট একখানি চিঠি লিখিয়া আমাকে পুনরায় বাংলাদেশে বদলী করাইয়া দেন নয় আমার বেতন বৃদ্ধি করাইয়া দেন। এই কথা শুনিয়া ডাক্তার মার্টিন আমাকে বলেন যে শীঘ্রই তোমার বেতন বৃদ্ধি হইবার আশা আছে; এবং তিনি যে চিঠিতে চিফ্ কমিসনার বাহাদুরের নিকট ডিক্রগড় জেলা স্কুলের শিক্ষকদিগের বেতন বৃদ্ধির প্রস্তাব করিয়াছিলেন, সেই চিঠির খসড়াখানি আমাকে দেখান কিন্তু আক্ষেপের বিষয় করেক মাস পরেই ডাক্তার মার্টিন দেড় বৎসরের ছুটি লইয়া বিলাত

চলিয়া যান। বিলাত হইতে প্রত্যাগত হইয়াও আর আসামপ্রদেশে ফিরিয়া যান না। রাজসাহী বিভাগের স্কুল ইনস্পেক্টরের পদে নিযুক্ত হইয়া বাঙ্গালাদেশে থাকেন। ডাক্তার মার্টিনের পরে তাঁহার পদে শ্রীযুক্ত জে উইলসন সাহেব নিযুক্ত হইয়া আসামপ্রদেশে যান।

ইনি ইতিপূর্বে কখনও স্কুল ইনস্পেক্টরের কার্য করেন নাই। পাটনা, ঢাকা প্রভৃতি কলেজের অধ্যাপকতা করিয়াছিলেন। চিফ কমিসনার সাহেব বাহাদুরের নিকটে শিক্ষাবিভাগের ব্যয় বৃদ্ধি করিবার কথা লিখিতে প্রথম প্রথম সাহস করিতেন না। স্ততরাং ডাক্তার মার্টিনের প্রস্তাব বহুকাল চাপা পড়িয়াছিল।

আনি ডিক্রগড়ে যাওয়ার পরে আমাদের শান্তিপুরের শ্রীযুক্ত দীনবন্ধু ভট্টাচার্য মহাশয়কে তৃতীয় শিক্ষকের পদে ও শ্রীমান্ হেমচন্দ্র ভট্টাচার্যকে চতুর্থ শিক্ষকের পদে নিযুক্ত করাইয়া লইয়া গিয়াছিলাম। দীনবন্ধুবাবু বহু পূর্বে শান্তিপুর উচ্চশ্রেণীর ইংরাজী বিদ্যালয়ের সেক্রেটারী ছিলেন। আমি যখন প্রথমে ডিক্রগড়ে বাই তখন ইনি আমাদের গড়ের মধ্য-শ্রেণী ইংরাজী বিদ্যালয়ে হেড্ মাষ্টারের কার্য করিতেছিলেন একথা পূর্বেই একস্থানে লিখিয়াছি। হেমচন্দ্র ভট্টাচার্য কেবল প্রবেশিকা পরীক্ষায় উত্তীর্ণ হইয়া বেকার অবস্থায় বাড়ী বসিয়া ছিল। দীনবন্ধুবাবুকে যখন ডিক্রগড়ে লইয়া যাওয়া হইয়াছিল তখন তাঁহার বয়স ৩৫ বৎসরের কম নহে। ইনি একজন বহুদর্শী প্রাচীন শিক্ষক বলিয়া হেড্ মাষ্টার ক্ষেত্রবাবুকে বুঝাইয়া দিয়াছিলাম। ক্ষেত্রবাবু কর্ণেল গ্রেহামকে ধরিয়া তাঁহারি লেখার জোরে গভর্নমেন্টের নিয়ম বিরুদ্ধ হইলেও এত অধিক বয়সে দীনবাবুকে গভর্নমেন্টের অধীনে উত্তরকালে পেন্সন্ পাঁইবার উপযুক্ত পদে নিযুক্ত করাইয়াছিলেন। দীনবন্ধুবাবু অনেকদিন ডিক্রগড় স্কুলে কার্য করিয়াছিলেন। কিন্তু হেমচন্দ্র ভট্টাচার্য এক বা দেড় বৎসর কাল মাত্র ডিক্রগড়ের স্কুলে কার্য করিয়া স্কুলের শীতকালের বন্ধের সময়ে বাড়ী আসিয়া আর



ফিরিয়া ঘাম নাই। অনেকদিন পূর্বে দীনবাবুর পত্নীবিয়োগ হইয়াছিল। দীনবাবু প্রথমে ঘাইয়া আমাদের নিকটে ছিলেন। পরে পরস্পরায় শুনিতে পাইলাম যে দীনবাবু একটা আসামীয়া রমণীকে বিবাহ করিতে প্রস্তুত হইয়াছেন। এই মেয়েটির বয়স তখন ১৫ বা ১৬ বৎসর। দেখিতেও সুশ্রী, ইহার পিতা পূর্ববঙ্গ-নিবাসী একজন ব্রাহ্মণ। ইনি ডিব্রুগড়ের খাজনাখানায় পোদারের কাজ করিতেন এবং ইহার নাম ছিল রামনাথ। মেয়েটির মাতা ছিল আসামীয়া জীলোক। আমি ইহা জানিতে পারিয়া যাহাতে ঐ বিবাহ না হয় তাহার জন্ত বিশেষভাবে বন্ধপরিকর হইয়াছিলাম। কাজেই এই বিবাহ হয় নাই। দীনবাবু এই নিমিত্ত আমার উপর বড়ই বিরক্ত হইয়াছিলেন এবং আমার অনিষ্ট করিবার চেষ্টা করিতে লাগিলেন। দীনবাবু আমার শিক্ষক ছিলেন। এখন ইনি আমাদের পাড়া ছাড়িয়া আসামীয়া পাড়ায় ঘাইয়া শ্রীযুক্ত কেশবরাম দত্তের বাড়ীতে গিয়া বাসা করিলেন এবং পূর্ববঙ্গ-বাসিদের সহিত পরামর্শ করিতে লাগিলেন। এই সময়ে ইনি যোগীন নামে তাঁহার একটা পুত্রকে ডিব্রুগড়ে লইয়া গিয়াছিলেন। এই পুত্রটির গুণ বিস্তর ছিল। সুযোগ পাইলেই অন্তের টাকা পয়সা আত্মসাৎ করিত। দীনবাবুর চেষ্টায় এবং পূর্ববঙ্গবাসিদের পরামর্শে আসামের কতিপয় যুবক মিলিত হইয়া হেড্‌ মাস্টার ক্ষেত্রবাবুর ও আমার বিরুদ্ধে চিফ্‌ কমিসনার বাহাদুরের সমীপে একখানি মেমোরিয়াল বা আবেদন পত্র প্রেরণ করে। তখন আসামের চিফ্‌ কমিসনার সার ষ্টুয়ার্ট বেলি। চিফ্‌ কমিসনার বাহাদুর কিছুদিন পরে যখন মফঃস্বল ভ্রমণে বাহির হইয়া ডিব্রুগড়ে যান তখন তিনি একদিন তাঁহার প্রধান সেক্রেটারী ( Riddadale ) রিড্‌স্‌ডেল সাহেব, ডেপুটী কমিসনার ও অন্যান্য বহু সাহেব স্থল পরিদর্শনে যান। চিফ্‌ কমিসনার সাহেব বাহাদুর এই আবেদন পত্রখানি পাইবার পরে যখন স্থলে আসিয়াছেন এই সংবাদ প্রচারিত হইল তখন দলে দলে অনেক আসামীয়া ভদ্র ও ইতর লোক স্থল-

প্ৰাক্‌নে যাইয়া উপস্থিত হইল। চিফ্‌ কমিসনার সাহেব বাহাদুৰ প্ৰথম ও দ্বিতীয় শ্ৰেণীৰ ছাত্ৰদিগকে তন্ন তন্ন কৰিয়া ইংৰাজী সাহিত্য ও গণিত পৰীক্ষা কৰিলেন।

প্ৰথম শ্ৰেণীৰ ছাত্ৰেৰা গণিতে খুব ভালই পৰীক্ষা দিয়াছিল এবং চিফ্‌ কমিসনার তাঁহাৰ পৰিদৰ্শন-মন্তব্যে উহাৰ উল্লেখও কৰিয়াছিলেন। দ্বিতীয় শ্ৰেণীৰ বালকেৰাও গণিতে বেশ সন্তোষজনক উত্তৰ প্ৰদান কৰিয়াছিল। তখন দ্বিতীয় শ্ৰেণীতে Lambstales from Shakespear নামক পুস্তকখানি পড়ান হইত। ঐ পুস্তকেৰ কিং লিয়াৰ নামক গল্প হইতে সাহেব বাহাদুৰ বালকদিগকে কয়েকটা প্ৰশ্ন জিজ্ঞাসা কৰিয়াছিলেন। বালকেৰাও প্ৰায় সমস্ত প্ৰশ্নেৰই সন্তোষজনক উত্তৰ দিয়াছিল। কেবল একটা প্ৰশ্নেৰ সহুত্তৰ দিতে পাৰে নাই। এই প্ৰশ্নটিৰ সহুত্তৰ না পাওয়ায় সাহেব বাহাদুৰ হেড্‌ মাষ্টাৰবাবুকে বলিলেন Who teaches English in this class, অৰ্থাৎ এই শ্ৰেণীতে কে ইংৰাজী ভাষা শিক্ষা দেন। হেড্‌মাষ্টাৰবাবু বলিলেন সেকেণ্ড মাষ্টাৰ। তখন সাহেব বাহাদুৰ বলিলেন Where is he অৰ্থাৎ তিনি কোথায়। আমি নিকটেই দাঁড়াইয়াছিলাম। আমাৰ হস্তে পুস্তকখানি দিয়া সাহেব বাহাদুৰ বলিলেন—Babu, will you please explain the grammatical construction of the sentence অৰ্থাৎ বাবু তুমি কি এই বাক্যেৰ ব্যাকৰণ-ঘটিত ব্যাপাৰটা বুঝাইয়া দিবা। আমি তখনই উহা বুঝাইয়া দিলাম। অবশ্য সাহেব বাহাদুৰ আমাৰ ব্যাখ্যা শুনিয়া অসন্তুষ্ট হইলেন না। কিন্তু অশিক্ষিত অনেক লোকই বলিতে লাগিল সেকেণ্ড মাষ্টাৰ বুঝাইয়া দিতে পাৰিল না। এইৰূপে বহু সাহেব ও আসামীয়া ভদ্ৰলোক সমক্ষে আমাৰ এক প্ৰকাৰ পৰীক্ষা হইয়া গেল।

কিছুকাল পৰে শিবসাগৰ জেলা স্কুলেৰ হেড্‌ মাষ্টাৰ ত্ৰীমুক্ৰীনাথ গুহ মহাশয়েৰ মৃত্যু হয়। তিনি মাসিক ১৫০ টাকা বেতন পাইতেন। আমাদেৰ তৃতীয় শিক্ষক দীনবাবু ঐ পদপ্ৰাপ্তি হইয়া

একখানি আবেদন পত্র হেড্‌মাষ্টার ও ডেপুটি কমিসনার বাহাদুরের হাত দিয়া প্রেরণ করিলেন। ডেপুটি কমিসনার কর্ণেল গ্রেহাম্ আবেদন পত্রখানি পাইয়া হেড্‌মাষ্টারবাবুকে জিজ্ঞাসা করিলেন যে আবেদনকারী মাসিক কত টাকা বেতন পান। হেড্‌মাষ্টার মহাশয় বলিলেন ৩০ টাকা মাত্র। সেকেও মাষ্টার কত টাকা বেতন পান জিজ্ঞাসা করায়, হেড্‌মাষ্টার বলিলেন ৫০ টাকা, আপনি কত টাকা পান জিজ্ঞাসা করায় হেড্‌মাষ্টার বলিলেন ১৫০ টাকা। এই সমস্ত কথা শুনিয়া কর্ণেল গ্রেহাম্ বলিলেন যে আপনার থার্ড মাষ্টার কি বিকৃত মস্তিষ্ক? সেকেও মাষ্টার ৫০ টাকা পাইয়াও এই ১৫০ টাকার পদ পাইবার জন্ত দরখাস্ত করিতে সাহস পায় নাই। আর ৩০ টাকা বেতনের তৃতীয় শিক্ষক উহার প্রার্থী হইয়াছে। শিক্ষা বিভাগের বড়ই অবিচার দেখিতেছি যে স্কুলের হেড্‌মাষ্টারের বেতন ১৫০ টাকা, সেই স্কুলের সেকেও মাষ্টারের বেতন মাত্র ৫০ টাকা বড়ই অসামঞ্জস্য। আমি কন্যাই ইহার প্রতিবিধানার্থ লেখনী ধারণ করিব। এই সময়ে মেমোরিয়াল দেওয়ার জন্ত স্কুল ইনস্পেক্টর ও ডেপুটি কমিসনারের মধ্যে অনেক চিঠিপত্র লেখালেখি চলিতেছিল।

এইবারে ডেপুটি কমিসনার কর্ণেল গ্রেহাম্ কৃত্তমূর্ত্তি ধারণ করিয়াছিলেন এবং বড়ই কড়া কড়া চিঠি লিখিতে আরম্ভ করিলেন। একখানি চিঠিতে লেখেন যে যদি ভাল কাজ চাও তবে ভাল বেতন দাও। সেকেও মাষ্টারের পদের জন্ত লোক চাও বি, এ, বা বি, এ ফেল্, অথচ বেতন দিতেছ মোটে ৫০ টাকা। এত অল্প বেতনে বি, এ বা বি, এ ফেল্ ব্যক্তিকে পাওয়া যাইবে কেন? যদিও কোন গতিকে একজন বি, এ বা বি, এ ফেল্ এই পদে আসে তাহা হইলেও সে অধিকদিন এই পদে থাকিতে পারে না। সে আসিয়াই বেশী বেতনের চাকরী খুজিয়া বেড়ায়। আমার অফিসে যে সকল কেরাণী ৮০, ৯০ বা ১০০ টাকা বেতন

পাইতেছে তাহারা বড়জোর খার্ড, সেকেণ্ড বা ফাষ্ট ক্লাস পর্যন্ত পড়িয়াছে। আমার অফিসে একটা ৫০ বা ৬০ টাকা বেতনের চাকরী খালি হইলেই ঐরূপ সেকেণ্ড মাষ্টারেরা দরখাস্ত করিয়া থাকে। আমি আমার অফিসে ভাল শিক্ষিত লোক পাইবার জন্ত সর্বদাই চেষ্টা করিয়া থাকি। যদিও আমি এই জেলার শিক্ষাসঙ্ঘীয় কমিটির ভাইস প্রেসিডেন্ট বা কর্তা তথাপি আমি স্কুলের ইন্টের দিকে দৃষ্টিপাত না করিয়া ঐরূপ সেকেণ্ড মাষ্টারকে পাইলেই আমার অফিসে লই। আরও দেখ গ্রাম্য পাঠশালার শিক্ষকদিগের বেতন মোটে ৫ বা ৬ টাকা কিন্তু একজন ঘোড়ার ঘাস কাটার বেতন ১২ টাকা হইতে ১৫ টাকা। এ অবস্থায় ৫ বা ৬ টাকা বেতনে পাঠশালার শিক্ষকতা করিতে বাহারা আসে তাহারা এককালেই অকর্মণ্য লোক। এইরূপে নানাপ্রকারে কড়া কড়া চিঠি লিখিয়া যে যে সেকেণ্ড মাষ্টার তাঁহার অফিসে বা পুলিশ অফিসে চলিয়া গিয়াছিলেন তাঁহাদের নামের একটা তালিকা করিয়া ইনস্পেক্টর সাহেবের অফিসে পাঠান। কর্ণেল গ্রেহাম্ লিখিত এই সমস্ত কড়া চিঠির মধ্যে একখানি চিঠি হইতে আসামপ্রদেশের স্কুল ইনস্পেক্টর জে উইলসন্ সাহেব একটা বাক্য তাঁহার বাৎসরিক রিপোর্টে উদ্ধৃত করিবার জন্ত কর্ণেল গ্রেহামের অনুমতি চাহিয়া তাঁহাকে একখানি চিঠি লেখেন। তাঁহার অফিসের কেরাণীবাবুদিগের দোষে ঐ বাক্যটি বিকৃত অবস্থায় ঐ লিখিত চিঠিতে স্থান প্রাপ্ত হইয়াছিল। যে কেরাণী-বাবু ঐ চিঠিখানি নকল করিয়াছিলেন তিনি ঐ বাক্যটির কিয়দংশ ও উহার পূর্ববর্তী বাক্যের কতক অংশ একত্রে লিখিয়া একটা অদ্ভুত বাক্যের সৃষ্টি করিয়াছিলেন।

কর্ণেল গ্রেহাম্ এই চিঠিখানি পাইয়া ক্রোধে অধীর হইয়া হেড্ মাষ্টার ও স্কুল কমিটির সেক্রেটারী ক্ষেত্রবাবুকে ডাকাইয়া পাঠাইয়া-ছিলেন। ক্ষেত্রবাবু তাঁহার সম্মুখে উপস্থিত হইলে তিনি তাঁহাকে বলিয়াছিলেন যে, আমি কি পাগল হইয়া ঐ চিঠিখানি লিখিয়াছিলাম?

বাহা হইতে ঐ অদ্ভুত বাক্যটি উদ্ধৃত হইয়াছে। হয় আমি পাগল হইয়া উহা লিখিয়াছিলাম নয় আপনার যে মাষ্টার আমার খসড়া চিঠি হইতে প্রেরিত চিঠিখানি নকল করিয়া উহাতে আমার নাম স্বাক্ষর লইয়া ইনস্পেক্টর অফিসে পাঠাইয়াছিলেন তিনি মূর্খ ও বোকা। পূর্বেই বলিয়াছি যে কর্ণেল গ্রেহামের হস্তাক্ষর বড়ই কদর্যা ও অস্পষ্ট ছিল। অনেকেই উহা পড়িতে পারিত না। আমি তাঁহার লিখিত শিক্ষা-বিভাগীয় সমস্ত চিঠি নকল করিতাম। নকল করিয়া তাঁহার খসড়া চিঠি তাঁহার অফিসে পাঠাইয়া দিতাম। কিন্তু আমাদের সুবিধার জন্ত একখানি বাছা বহীর মধ্যে উহার একখানি নকল রাখিতাম ভবিষ্যতের ব্যবহারের জন্ত। ক্ষেত্রবাবু মনে করিয়াছিলেন যে আমিই ঐ চিঠিখানির ঐ বাক্যটি ঐ ভাবে লিখিয়া ইনস্পেক্টর অফিসে পাঠাইয়াছিলাম। তিনি স্কুলে আসিয়া আমাকে ডাকিয়া বলিলেন যে মাষ্টার, আজ তোমার ভারি বিপদ দেখিতেছি এবং ইনস্পেক্টর অফিস হইতে কর্ণেল গ্রেহামের নামে প্রেরিত চিঠিখানির ঐ অংশটুকু আমাকে দেখাইয়া বলিলেন, তুমি কি এইভাবে ঐ অদ্ভুত বাক্যটি ইনস্পেক্টর অফিসে লিখিয়া পাঠাইয়াছিলে? আমি উহা দেখিয়া প্রথমে অবাক হইয়া পড়িয়াছিলাম। পরে বলিয়াছিলাম যে আমি কি এতই মূর্খ যে ঐরূপ লিখিয়াছি। ভাল, আমাদের অফিসে ত ঐ চিঠির নকল, নকল-বহীর মধ্যে আছে। দেখা যাক্ উহাতে কি লেখা আছে। এই কথা বলিয়া চিঠির নকল বহীখানি আনিয়া ক্ষেত্রবাবুকে দেখাইলাম। ক্ষেত্রবাবু উহা দেখিয়া বলিলেন তুমি এখন রক্ষা পাইলে। আমি চিঠির নকল বহীখানি এখনই লইয়া গিয়া কর্ণেল গ্রেহামকে দেখাইতেছি। এই বলিয়া তিনি ঐ বহীখানি লইয়া গিয়া কর্ণেল বাহাদুরকে দেখাইলেন। আমার ঘাড় হইতে দোষ নামিয়া ইনস্পেক্টর অফিসে গিয়া পড়িল অথবা ইনস্পেক্টর সাহেবের উপর গিয়া চাপিল। এইদিন হইতে আমার সম্বন্ধে কর্ণেল গ্রেহামের মনে একটা ভাল ধারণা জন্মিল।

কর্ণেল গ্রেহাম্ তখন ইনস্পেক্টর সাহেবকে চিঠি লিখিতে বসিলেন। লিখিলেন যে আপনি ইংরাজী ভাল জানেন না, আমার চিঠি হইতে কোন বাক্য আপনার বাৎসরিক রিপোর্টে বা কার্য-বিবরণীতে উদ্ধৃত করিয়া আমাকে মূর্থ বা পাগল প্রতিপন্ন করিবেন না। ক্ষেত্রবাবু ঐ চিঠিখানি পড়িয়া বলিলেন যে এই চিঠিখানি ইনস্পেক্টর সাহেবকে লিখিয়া পাঠাইলে তিনি মনে করিবেন যে হেড্ মাষ্টারই ঐ ভাবে চিঠিখানি লিখিতে বলিয়াছেন, তাহা হইলে তাঁহার অনিষ্ট হইবে। কর্ণেল গ্রেহাম্ বলিলেন যে উহা আমার চিঠি, আমি উহাতে নাম স্বাক্ষর করিতেছি ইহাতে তোমার কি দোষ হইবে? তিনি ঐভাবেই লিখিতে দৃঢ়সঙ্কল্প হইলেন। তিনি সেদিন ক্রোধে অধীর। সেই দিন আর ঐ চিঠিখানি নকল করিয়া পাঠান হইল না। পরদিন রাগ পড়িবার সম্ভব, এইজন্ত পরদিন হেড্ মাষ্টার ক্ষেত্রবাবু কর্ণেল বাহাদুরের নিকট যাইয়া অনেক করিয়া বুঝাইয়া তাঁহাকে ঐভাবে চিঠি লিখিতে নিরস্ত করিলেন। সাহেব বলিলেন যে তোমারা বাঙ্গালী বড়ই ভীক। সুতরাং ঐভাবে আর চিঠি লেখা হইল না। কেবল লেখা হইল যে তাঁহার চিঠি হইতে কোন অংশই যেন উদ্ধৃত করা না হয়। কর্ণেল গ্রেহাম্ যখন পেন্সন্ লইয়া অবসর গ্রহণ করেন এবং ভারতবর্ষ ত্যাগ করিয়া চলিয়া যান তখন তাঁহার পদে একজন সিভিলিয়ান্ ডেপুটী কমিসনার পাঠাইবার প্রস্তাব হয়। ঐ প্রস্তাব শুনিয়া কর্ণেল গ্রেহাম্ চিক্ কমিসনার সাহেব বাহাদুরকে বলিয়াছিলেন যে A Civilian Deputy Commissioner in the Lakhimpur District will be like an old woman অর্থাৎ লখিমপুর জেলায় সিভিলিয়ান্ ডেপুটী কমিসনার একটা বৃদ্ধা স্ত্রীলোকের স্থায় হইবেন। যাহা হউক তাঁহার পদে একজন সিভিলিয়ান্ ডেপুটী কমিসনার প্রেরিত হইয়াছিলেন। ইনি কাছার জেলা হইতে বদলী হইয়া ডিক্রগড়ে আসিয়াছিলেন। ইহার নাম ছিল Mr. Mc. William. কাছারে ইহার বেশ

প্রতিপত্তি ছিল। ইহাঁর নামে কাছার জেলাবাসিরা একটা রোপ্য পদকের সৃষ্টি করিয়াছেন। আসামপ্রদেশের স্কুল সমূহের মধ্য হইতে যে বালকটী বিশ্ববিদ্যালয়ের প্রবেশিকা পরীক্ষায় গণিতে সর্বোচ্চ স্থান অধিকার করিবে সেই উহা পাইবে। এখনও প্রতি বৎসরেই ঐ রোপ্যপদকটি প্রদত্ত হয়। ম্যাক্‌উইলিয়ম্ সাহেব গণিতে এম, এ, ছিলেন। ইনি বড়ই অপক্ষপাতী ছিলেন। ইহাঁর নিকট সাদা কালয় বড় প্রভেদ ছিল না। ইনি ছুট, অত্যাচারী, “চা” কর সাহেবদিগের বম্বরূপ ছিলেন। আমার মনে আছে একজন “চা” কর সাহেব কাছার হইতে বদলী হইয়া লখিমপুর জেলার কোন চা বাগিচার ম্যানেজার হইয়া আসিতেছিলেন, তাঁহার সঙ্গে আমি ষ্টিমারে সেবার ডিক্রগড়ে বাইতেছিলাম। ষ্টিমারের উপর ঐ “চা” কর সাহেবের সহিত আমার বিলক্ষণ আলাপ পরিচয় হইয়াছিল। কথায় কথায় ঐ সাহেব আমাকে জিজ্ঞাসা করিয়াছিলেন যে এখন লখিমপুর জেলার ডেপুটী কমিসনার কে? আমি, ম্যাক্‌উইলিয়ম্ সাহেবের নাম করায় সাহেব বলিয়া উঠিলেন That devil is now here অর্থাৎ ঐ ভূত এখন এই জেলায় আসিয়াছে? ম্যাক্‌উইলিয়ম্ বড়ই রসিক ও কৌতুকপ্রিয় ছিলেন। ডিক্রগড়ে তখন বড়ই বৃষ্টি হইত। একদিন সাহেব তাঁহার একজন উচ্চপদস্থ কর্মচারীকে গম্ভীরভাবে জিজ্ঞাসা করিয়াছিলেন “বল দেখি ডিক্রগড়ে এত বৃষ্টি হয় কেন?” কর্মচারীটা অতিরিক্ত বৃষ্টি হওয়ার বৈজ্ঞানিক তত্ত্বের কথা উঠাইলেন। সাহেব হাসিয়া বলিলেন তা নয়, পরমেশ্বর সমস্ত জগৎ সৃষ্টি করার পরে ডিক্রগড়ের সৃষ্টি করিয়াছিলেন। তখন তাঁহার সৃষ্টির মালমসলা প্রায়ই নিঃশেষ হইয়া পড়িয়াছিল। ডিক্রগড়ের উপরিস্থ আকাশের সৃষ্টিকালে তাঁহার মাল মসলার অনটন হইল, সুতরাং উহার উপরিস্থ আকাশে খানিকটা ছিদ্র রহিয়া গেল; ঐ ছিদ্র থাকার জন্তই এখানে এত বেশী বৃষ্টি হয়। একদিন আমি ইহাঁর সহিত সাক্ষাৎ করিবার জন্ত তাঁহার বাঙ্গলোয় গিয়াছিলাম।

সাহেব অনেক কথার পরে আমাকে জিজ্ঞাসা করিলেন তুমি প্রথম শ্রেণীতে কি পড়াও। আমি বলিলাম গণিত। সাহেব ঐ কথা শুনিয়া আমাকে জিজ্ঞাসা করিলেন তুমি কি Differential Calculus জান? এটা একটি উচ্চ অঙ্কের গণিত। আমি বলিলাম—না।

ডিক্রগড়ে Military ও Civil Surgeon মহাশয় White সাহেবের নাম, ডিক্রগড়ের White Medical School বত দিন বিদ্যমান থাকিবে ততদিনই অক্ষুণ্ণ থাকিবে। তাঁহার পদে কালে আসিয়াছিলেন ডাক্তার ম্যাকেনা। ডাক্তার ম্যাকেনা ডাক্তার হোয়াইটের সম্পূর্ণ বিপরীত-ভাবাপন্ন লোক ছিলেন। তাঁহার পদে পরে আসিয়াছিলেন ডাক্তার সিউয়ান্। ইনি অতি উচ্চমনা ও মহদন্তঃকরণ পুরুষ ছিলেন। ইহাকে একদিন আমাদের বাসার নিকটে কোন “চা” বাগান হইতে আগত একটা বাদ্গালী বাবুর চিকিৎসার্থ আনা হইয়াছিল। ইনি রোগীর রোগ বিলক্ষণ তন্ন তন্ন করিয়া পরীক্ষা করিয়া দেখার পরে ঔষধের ব্যবস্থা করিলেন। উঠিয়া যাইবার সময়ে তাঁহার ফিজ্ স্বরূপ তাঁহার হস্তে ১৬ টাকা দিতে যাওয়ায় তিনি উহা গ্রহণ করিলেন না। বলিলেন তোমাদের দেশীয় লোকদিগকে বলিয়া দিও আমার ফিজ্ ১৬ টাকা নহে মাত্র ৪ টাকা। আমি যদি ১৬ টাকা ফিজ্ লই তবে আমাকে চিকিৎসা কে ডাকিতে পারিবে? যদিও বা প্রাণের দায়ে ডাকে, তাহা হইলে রোগীর শেষ অবস্থায় ডাকিবে। তাহাতে রোগীর কোন উপকারই হইবে না; বরং আমার দুর্নাম হইবে, বলিবে ডাক্তার সাহেবের হাতে রোগী মরিয়া গেল। ইহাও বলিয়া দিও যে সকল লোক অতি দরিদ্র ৪ টাকা ফিজ্ও দিতে অক্ষম তাহারা আমাকে ডাকিলে তাহাদের নিকট হইতে আমি একটা পয়সাও লইব না। ইহাতে যে কেবল তোমাদেরই উপকার করা হইবে এমন নহে আমার নিজেরও যথেষ্ট উপকার হইবে। আমি যত অধিক রোগী দেখিতে পাইব ততই আমার চিকিৎসা কার্যে অভিজ্ঞতা জন্মিবে। যে রোগীটিকে



আমি এখন দেখিতে আসিয়াছি ইহাকে পূর্বে কে চিকিৎসা করিতে-ছিল? আমরা বলিলাম গভর্ণমেন্ট দাতব্য চিকিৎসালয়ের ডাক্তার আবহুলা। তখন বলিলেন বখন এই ব্যক্তি আমার অধীনস্থ ডাক্তার আবহুলায় রোগী তখন আমি কিছুই লইব না। যদি ফিজ় দিতে হয়, তবে আবহুলাকে দিও এই বলিয়া চলিয়া গেলেন, একটি টাকাও লইলেন না। এই ঘটনার কিছুদিন পরে ট্রেনিং বিদ্যালয়ের প্রধান শিক্ষকের জ্যেষ্ঠ শিশুপুত্রটি প্রস্রাব করিতে বড়ই কষ্ট পায়; এমন কি তাহার প্রস্রাব প্রায়ই হয় না, অল্প অল্প হইলেও দারুণ যন্ত্রণা অনুভব করে জানিয়া আমরা ডাক্তার সিওয়ান সাহেবকে ডাকিয়া আনিলাম। ডাক্তার সাহেব রেজিমেন্টের একজন লেক্‌টেন্যান্ট সাহেবের সহিত একত্রে ঘোড়ায় চড়িয়া ঐ শিক্ষকের বাসায় আসিয়া বালকটিকে দেখিলেন; এবং আমাকে বলিলেন ঘোড়াকে দ্রুত চালাইবার জন্ত আমাকে একটা বেত আনিয়া দাও এবং একখানি চিঠি লিখিয়া আমার হাতে দিয়া বলিলেন যে উহাতে যে যে অস্ত্রের ও যন্ত্রের নাম লেখা, আছে সেই সমস্ত সরকারী হাদপাতাল হইতে সম্বরে লইয়া আইস। এই বলিয়া ঘোড়ায় চড়িয়া নিজের বাঙ্গলোয় গেলেন এবং কতকগুলি যন্ত্র ও অন্যান্য দ্রব্য হাতে লইয়া অতি সম্বরেই রোগীর বাড়ীতে ফিরিয়া আসিলেন। রোগীর অস্ত্র-চিকিৎসা করিতে হইয়াছিল। সেই রাত্রিতে রোগীর অনেক পরিমাণে রক্তমিশ্রিত দাস্ত হইয়াছিল। আমরা অত্যন্ত ভীত হইয়া রাত্রি ১১টার পরে ক্যান্টনমেন্টে সাহেবের বাঙ্গলোয় গেলাম। সাহেব তখন নিদ্রিত। তাঁহার বেহারা তাঁহাকে সংবাদ দেওয়ায় সাহেব বলিলেন যে একজন বাবুকে সঙ্গে করিয়া আমার শয়নকক্ষে লইয়া আইস। আমি তাঁহার শয়নকক্ষে গেলাম। সাহেব জিজ্ঞাসা করিলেন যে রোগীর কি হইয়াছে? আমি সমস্ত অবস্থা বলিলাম। সাহেব বলিলেন কোন ডগ্ন নাই বরং ভালই হইয়াছে। আমি কল্য প্রাতে নয়টার সময় বাইয়া রোগীকে দেখিয়া

আসিব। 'পরদিন ঠিক নয়টার সময়ে রোগীকে দেখিয়া গেলেন। এইভাবে প্রায় তিন সপ্তাহ কাল প্রাতে ও অপরাহ্নে রোগীকে দেখিয়া যাইতেন। রোগী সম্পূর্ণরূপে আরোগ্য হইলে উহার পরবর্তী ইংরাজী মাসের ২রা বা ৩রা তারিখে ৫০ টাকার নোট হাতে লইয়া আমরা তিনজনে—আমি, বালকের পিতা ও নূপেন পালিত সাহেবের বাঙ্গলোর বেলা ৪টার পরে উপস্থিত হইলাম। সাহেব তখন টেনিস খেলিতে বাহির হইয়াছেন। আমাদের দেখিয়া জিজ্ঞাসা করিলেন—বাবু, তোমরা কেন আসিয়াছ ? বালকটি বেশ সম্পূর্ণ সুস্থ আছে ত ? আমরা বলিলাম আপনার দয়ায় বালকটি সম্পূর্ণরূপে সারিয়া গিয়াছে। আপনাকে এ পর্যন্ত কিছুই দেওয়া হয় নাই, আজ কিছু দিতে আসিয়াছি। সাহেব বলিলেন কত টাকা আনিয়াছ। আমরা বলিলাম মাত্র ৫০ টা টাকা। সাহেব জিজ্ঞাসা করিলেন বালকের পিতার বেতন কত। আমরা বলিলাম ৫০ টাকা। সাহেব বলিলেন যে সম্ভবতঃ বালকের পিতা গতকল্য বেতন পাইয়াছে। তাহার সমস্ত বেতনের টাকাটা আমাকে দিয়া সে পরিবারসহ এ মাসে কি খাইবে ? আমরা বলিলাম যে, দেশে তাহার জমিজমা আছে, ৫০ টাকা দিলেও তাহার কোন কষ্ট হইবে না। সাহেব বলিলেন যে, যে ব্যক্তি মাসে মাত্র ৫০ টাকা বেতন পায় আমি তাহার ছেলের চিকিৎসা করিয়া কখনই ৫০ টাকা লইতে পারি না। আমি কিছুই লইতে চাহি না, তবে যদি কিছু না লইলে তোমরা দুঃখিত হও তবে কেবল ১২ টা টাকা আমার বেহারার হাতে দিয়া যাও। এরূপ ডাক্তার সাহেব কি আজকাল পাওয়া যায় ? আমার জীবনে আমি এরূপ উচ্চমনা নিয়ন্ত্রিত কয়েকজন ডাক্তার সাহেবকে দেখিয়াছি। রঙ্গপুরের ডাক্তার ঘোষ, ডিক্রগড়ের ডাক্তার হোয়াইট ও ডাক্তার সিউয়ান, কোহিমার ডাক্তার বার্ড (উত্তরকালের কলিকাতা মেডিক্যাল কলেজের সুপ্রসিদ্ধ অস্ত্র-চিকিৎসক ডাক্তার বার্ড), নওগাঁর ডাক্তার হিউজ ও ডাক্তার ম্যাকনট ও তেজপুরের ডাক্তার ম্যাকনামারা। প্রকৃতই ইহারা মহত্বাকারে মূর্তিমান দেবতা।

## ডিক্রগড়ের পূর্ববঙ্গ ও পশ্চিমবঙ্গনিবাসি বাঙ্গালীদিগের মধ্যে বিদ্বেষভাব ও তাহার ফল ।

আমি ইতিপূর্বে এক স্থানে উল্লেখ করিয়াছি যে ডিক্রগড় প্রবাসি পশ্চিমবঙ্গ ও পূর্ববঙ্গনিবাসি বাঙ্গালীদিগের মধ্যে আন্তরিক সম্ভাব ছিল না বরং বিদ্বেষভাবেরই প্রাবল্য ছিল ; ইহার প্রধান কারণ ছিল এই যে, ডিক্রগড় জেলা স্থলের হেড্ মাষ্টার শ্রীযুক্ত ক্ষেত্রচন্দ্র চট্টোপাধ্যায় মহাশয় ছিলেন গোড়া হিন্দু ও স্পষ্টবক্তা । ইনি কাহারও দোষ দেখিলে তাহার মুখের উপরেই উহার উল্লেখ করিতেন । ইনি বহুকাল ডিক্রগড়ে ছিলেন বলিয়া প্রায় সকলেরই পূর্বাভাস জানিতেন । সুতরাং কাহারও বড় খাতির করিতেন না । ডিক্রগড়ের বাঙ্গালীদিগের মধ্যে তখন সদাচার জিনিসটা বড় ছিল না । অনেকেই পানদোষে দোষী ছিলেন । এবং হিন্দুদিগের নিষিদ্ধ খাজদ্রব্য ভোজন করিতেন । সুতরাং হেড্ মাষ্টার মহাশয়ের সহিত তাঁহাদের বড় মেশামেশি ছিল না । পূর্ববঙ্গনিবাসিদের নেতা ছিলেন শ্রীযুক্ত কৃষ্ণকুমার সেন পূর্ববিভাগের একাউন্ট্যান্ট, ও উকীল শ্রীযুক্ত হরিশচন্দ্র বাকুচি । তখন হরিশবাবুর অবস্থা খুবই ভাল হইয়াছিল । হরিশবাবু পূর্বে ক্ষেত্রবাবুর অধীনে সেকেণ্ড মাষ্টার ছিলেন এবং সেকেণ্ড মাষ্টারী করার সময়ে তাঁহার অবস্থা খুবই হীন ছিল । পশ্চিমবঙ্গবাসিদিগের নেতা ছিলেন শ্রীযুক্ত ক্ষেত্রবাবু । ক্ষেত্রবাবু হরিশবাবুকে গ্রাহই করিতেন না । ক্ষেত্রবাবুকে ডিক্রগড় প্রবাসি বাঙ্গালী মাঝেই কর্তা বলিয়া সম্বোধন করিতেন । তাঁহার সাক্ষাতে তাঁহাকে কেহই কিছু বলিতে সাহস করিতেন না বটে, কিন্তু ভিতরে ভিতরে পূর্ববঙ্গনিবাসি বাঙ্গালীরা তাঁহার অনিষ্ট চিন্তা করিতেন এবং তাঁহার কোন অনিষ্ট করিতে না পারিলেও তাঁহার দলের পশ্চিমবঙ্গ-নিবাসি বাঙ্গালীদিগের কাহারও কাহারও অনিষ্টসাধন করিয়াছিলেন ।

স্কুল ডেপুটী ইনস্পেক্টর শ্রীযুক্ত জগদ্বন্ধু সেন ছিলেন পূর্ববঙ্গনিবাসী বৈষ্ণব। কৃষ্ণকুমারবাবুর বাসাতেই ইনি থাকিতেন এবং স্বজাতি হওয়াতে উভয়ের মধ্যে খুব ঘনিষ্ঠতাও ছিল। ইনি লেখাপড়া তত ভাল জানিতেন না এবং বিশেষ বুদ্ধিমানও ছিলেন না। কাজেই কৃষ্ণকুমারবাবুর ও উকীল হরিশবাবুর পরামর্শেই কার্য করিতেন। এই সময়ে ডিক্রগড়ের গভর্নমেন্ট মধ্য-বাঙ্গলা বিদ্যালয়ের হেড পণ্ডিত ছিলেন শ্রীযুক্ত ব্রজনাথ চট্টোপাধ্যায় ও দ্বিতীয় পণ্ডিত ছিলেন শ্রীযুক্ত ব্রজনাথ রুদ্র, উভয়েই পশ্চিমবঙ্গনিবাসী। ক্ষেত্রবাবুর বিশেষ কিছু অনিষ্ট করিতে না পারিয়া এই দুই জনের অনিষ্ট সাধন করিতে ইহারা বিশেষভাবে চেষ্টা করিতে লাগিলেন।

### শাপে বর

বাঙ্গালা স্কুলের পরীক্ষার ফল উপযুক্তপরি কয়েক বৎসর অসন্তোষজনক হওয়াতে ডেপুটী ইনস্পেক্টর জগৎবাবু, কৃষ্ণকুমার ও হরিশবাবুর পরামর্শে শিক্ষা বিভাগের ইনস্পেক্টর সাহেব বাহাদুরের নিকট এই দুই জন পণ্ডিতের বিরুদ্ধে লেখেন। তাহার ফলে হেড পণ্ডিত ব্রজনাথ চট্টোপাধ্যায় মহাশয় গোহাটি বাঙ্গালা বিদ্যালয়ের দ্বিতীয় পণ্ডিতের পদে অবনত হন এবং তাহার বেতন ৪০০ টাকার পরিবর্তে ৩০০ টাকা হয়। দ্বিতীয় পণ্ডিত ব্রজনাথ রুদ্রের চাকরী যায়। ব্রজনাথ চট্টোপাধ্যায়ের শাপে বর হইয়াছিল। ইনি গোহাটিতে বদলী হওয়ার কিছুদিন পরে পানবাজার নামক স্থানে একখানি সামান্য আকারের দোকান খোলেন। এই দোকানে পুস্তক, কাগজ, কলম ইত্যাদি বিক্রীত হইত। এখন এ দোকানখানি খুব বড় হইয়াছে। এখন ইহাতে বস্ত্র, পোষাক, পুস্তক, কাগজ, কলম ইত্যাদি সমস্ত দ্রব্যই পাওয়া যায়। ইনি এখন পেন্সন্ লইয়া ঐ স্থানেই বাস করিতেছেন। বহুল অর্থ সঞ্চয় করিয়াছেন। এবং ঐ স্থানে তিন চারিখানি বাড়ী প্রস্তুত করিয়া ভাড়া দিতেছেন। মাসিক ভাড়া ৬০০ ৭০০ টাকা পান।

## ডিব্রুগড় বঙ্গবিদ্যালয়ের নূতন প্রধান শিক্ষক

শ্রীযুক্ত হৃদয়নাথ দাস ।

হৃদয়বাবু গোঁহাটীতে বঙ্গী হইলে গোঁহাটী বাঙ্গালা স্কুলের দ্বিতীয় পণ্ডিত শ্রীযুক্ত হৃদয়নাথ দাস তৎপদে ডিব্রুগড়ে বাঙ্গালা স্কুলের হেড্ পণ্ডিত হইয়া যান । ইনি ডিব্রুগড়ে আসার পরেই উভয় দলের বাঙ্গালীদিগের মধ্যে বিদ্বেষবহি প্রবলভাবে প্রজ্জলিত হয় । ইনি ছিলেন জাতিতে সাহা । জাতি গোপন করিবার নিমিত্তই ইনি দাস উপাধি গ্রহণ করেন এবং ব্রাহ্ম বলিয়া পরিচয় দিতে থাকেন । তখন গোয়ালন্দে ষ্টিমারে উঠিয়া ডিব্রুগড় পর্য্যন্ত ষ্টিমারে যাইতে হইত । যখন হৃদয়বাবু প্রথম ডিব্রুগড়ে যান তখন আমরাও শীতকালের ছুটির পরে ডিব্রুগড়ে যাইতেছিলাম । গোয়ালন্দে নিয়মিত সময়ে ষ্টিমার না পৌঁছানতে আমরা দুইদিন ষ্টিমারের প্রতীক্ষায় তথায় বসিয়া থাকিতে বাধ্য হই । একটা মুদির দোকানে আমরা বাসা করিয়াছিলাম । হৃদয়বাবুও তখন ডিব্রুগড়ে বাইবার জন্য গোয়ালন্দে অবস্থিতি করিতে-ছিলেন । এবং গগন নামে এক মুদিয়ানীর দোকানে বাসা করিয়া-ছিলেন । এদিকে আমাদের ছুটির দিন ফুরাইয়া আসিতেছিল । তখন তিন চারিখানি দ্রুতগামী ষ্টিমার ছিল । ঐ ষ্টিমারগুলির মধ্যে কোন একখানি পাইলে আমরা ছুটির মধ্যেই ডিব্রুগড়ে পৌঁছিতে পারিব বলিয়াই উহাদের নাম করিতেছিলাম । যখন আমরা ষ্টিমারগুলির নাম করিতেছিলাম, ঠিক সেই সময়ে হৃদয়বাবু আমাদের বাসার সম্মুখে দাঁড়াইয়াছিলেন । তিনি আমাদের কথাবার্তা শুনিয়া আমাদের নিকটে আসিয়া বলিলেন, দেখিতেছি আপনারা আসামবাসী । আপনারা কোথায় যাইবেন ? আমরা বলিলাম ডিব্রুগড়ে যাইব । হৃদয়বাবু বলিলেন আমিও ডিব্রুগড়ে যাইব । আমি জিজ্ঞাসা করিলাম ডিব্রুগড়ে কাহার বাসায় যাইবেন, বলিলেন ডেপুটী ইনস্পেক্টর জগদ্ধামবাবুর বাসায় ।

আমি এই কথা শুনিয়াই বলিলাম আপনি কি হৃদয়বাবু? উনি বলিলেন হাঁ। জ্ঞাতিতে উনি সাহা আমি জানিতাম। অনেকক্ষণ আলাপের পরে উঁহার জ্ঞাতি কি জানিতে চাওয়ায় উনি বলিলেন “দাস”। দাস শুনিয়া আমি বলিলাম—কি কৈবর্ত দাস। বলিলেন—না। আমি বলিলাম তবে কি দাস? উনি বলিলেন দাস নামেই একটা জ্ঞাতি আছে। আমি বলিলাম আপনাদের ব্যবসায় কি? বলিলেন তেজারতি, মহাজনী ইত্যাদি। আমি বলিলাম ইনি নিজের জ্ঞাতি গোপন করিতেছেন। কিছুতেই বলিবেন না। আমি স্পষ্টই বলিলাম যে মহাশয় জ্ঞাতি গোপন করিতেছেন কেন? ডিক্রগড়ে গিয়া দেখিবেন জ্ঞাতিভেদ নাই—সব একাকার। আমাদের আলাপ পরিচয়ের দিনেই অপরাহ্নে শিমলা নামক ষ্টিমার ডিক্রগড় যাইবার জন্ত গোয়ালন্দে পৌঁছিল। তখন শিমলা একখানি তৎকালের দ্রুতগামী ষ্টিমার ছিল। আমরা সন্ধ্যার পরে আহাৰাদি করিয়া ষ্টিমারের টিকেট কিনিয়া ষ্টিমারে বাইয়া শয়ন করিলাম। হৃদয়বাবু মুদিয়ানীর অছুরোধে সে রাত্রিটা আর ষ্টিমারে বাইয়া উঠিলেন না। পরদিন প্রাতে গগন তাহাকে সঙ্গে লইয়া ষ্টিমারে উঠাইয়া দিয়া আসিল। হৃদয়বাবু ডিক্রগড়ে বাইয়া জগদম্বাবাবুর বাসায় না উঠিয়া আমারই বাসায় প্রথমে উঠিলেন এবং আমার বাসায় তিন চারি দিন থাকিলেন। আমি নিজে পাক করিতাম। পাক শেষ হওয়ার পরে নদী হইতে স্নান করিয়া আসিয়া উভয়ের জন্ত পরিবেশন করিয়া আমার শয়ন ঘরে অল্প ব্যঞ্জন লইয়া যাইতাম। হৃদয়বাবু বলিতেন আপনি বিশ্বাস করুন আমিই পরিবেশন করিতেছি। আমি বলিতাম আপনি ত আমার বাসায় বরাবর থাকিবেন না; আপনি আমার অতিথি আপনাকে কাজ করিতে দিব কেন? আমি পূর্বেই বলিয়াছি আমরা গোয়ালন্দে ষ্টিমারের জন্ত অপেক্ষা করিতেছিলাম। আমরা অর্থাৎ আমি ডিক্রগড় জেলা স্কুলের হেড পণ্ডিত ত্রীযুক্ত বঙ্গচন্দ্র সুরস্বতী ও বালালা স্কুলের দ্বিতীয় পণ্ডিত ত্রীযুক্ত ব্রজনাথ রায়। ডিক্রগড়ে যাওয়ার পরেও কোন বাঙ্গালী ভ্রমলোক

হৃদয়বাবুকে জাতির পরিচয় জিজ্ঞাসা করিলে ইনি বলিতেন না। অথচ সকলের হৃৎকায় তামাক খাইতে চাহিতেন। একদিন যদুনাথ তরফদার নামে একটি ব্রাহ্মণ ভদ্রলোক উইলটন্ চা-বাগিচার সৰ্-ম্যানেজার হৃদয়বাবুর জাতির পরিচয় জানিতে চাওয়ায় উনি পরিচয় দেন নাই অথচ তাঁহার হাত হইতে হৃৎকা লইতে যাইতেছিলেন। যদুবাবু তখন বলিলেন আপনি জাতি গোপন করিবেন অথচ সকলের হৃৎকায় তামাক খাইতে চাহিবেন এটা কি ভাল? আপনি এই হৃৎকায় তামাক খাইলে উহা ভাঙ্গিয়া ফেলিব। তৎপর দিনই হৃদয়বাবু ডেপুটী ইনস্পেক্টর জগদ্বন্ধুবাবুর বাসায় চলিয়া গেলেন।

### ডিক্রগড়ে ব্রাহ্ম-সমাজ প্রতিষ্ঠার চেষ্টা

ইহার কিছুদিন পবে নাধারণ ব্রাহ্ম-সমাজের প্রচারক পণ্ডিত রামকুমার বিহারত্ন মহাশয় (উত্তরকালের কাশীধামের রামানন্দ স্বামী) ডিক্রগড়ে বাইয়া একটি ব্রাহ্ম-সমাজ প্রতিষ্ঠা করিবার চেষ্টা করেন। আমি ও নূপেন পালিত ট্রেণিং স্কুলের হেড্‌মাষ্টার শ্রীযুক্ত দ্বারকানাথ সেনের বাসায় থাকিতাম। আমাদের বাসাতেই প্রথম দিন সমাজের অধিবেশন হইবার কথা ছিল। ঠিক এই দিন রেজিমেণ্টের বেনে আনন্দবাবুর কন্যার অন্তপ্রাশন উপলক্ষ্যে আমাদের সরকারী ঠাকুরদাদা মহেশচন্দ্র চট্টোপাধ্যায় মহাশয়ের বাসায় মধ্যাহ্নে ভোজনের নিমন্ত্রণ ছিল। হৃদয়বাবুরও নিমন্ত্রণ ছিল। এই দিন হৃদয়বাবু তাঁহার জাতির পরিচয় না দিলে তাঁহাকে লইয়া একসঙ্গে খাওয়া হইবে না বলিয়া স্থির হয়। হৃদয়বাবু এদিনেও জাতির পরিচয় দিলেন না। এজন্য তাঁহাকে সঙ্গে লইয়া একত্রে ভোজন করা ঘটিল না। সেই জন্ত তাঁহাকে ও ব্রাহ্মধর্ম-প্রচারক বিহারত্ন মহাশয়কে অন্য ঘরে একত্রে খাইতে দেওয়া হইল। এই ঘটনাতে হরিশবাবু, কৃষ্ণকুমারবাবু ও জগৎবাবু বড়ই চটিয়া গেলেন। তাঁহারা বলিলেন আপনারা হুড়ির সঙ্গে একত্রে ভোজন

করেন, হৃদয়বাবু সহিত করিবেন না কেন ? আমরা বলিলাম হৃদয়বাবু হাড়ি হইলেও যদি জাতি গোপন না করিতেন তাহা হইলে তাঁহাকে লইয়া খাইতেও কাহারও আপত্তি হইত না । ইনি জাতি গোপন করেন কেন ? এই দিন ব্রাহ্মসমাজের উপাচার্য কে হইবেন ঠিক করিবার কথা ছিল । কেহ কেহ আমার নাম করিলেন । আমার শরীর তখন স্বস্থ ছিল না । আমার বিদায় লইয়া বাড়ী আসিবার কথা ছিল । ব্রাহ্মধর্ম-প্রচারক বিজ্ঞানন্দ মহাশয় বলিলেন যে রামেশ্বরবাবু ছুটি লইয়া বাড়ী যাইবেন বলিতেছেন সুতরাং উঁহাকে অল্পদিনের জন্য উপাচার্য করিয়া লাভ কি ? কৃষ্ণকুমারবাবু প্রভৃতির ইচ্ছা হৃদয়বাবুকেই উপাচার্য করা হয় । নূপেন পালিত বলিলেন আমার একটা কথা আছে শুনুন, হরিশবাবু বলিলেন তুমি ছেলে মানুষ, চুপ করিয়া থাক । তথাপি নূপেন বলিলেন দ্বারকা-নাথ সেন মহাশয়কে উপাচার্যের পদ দেওয়া হউক । হরিশবাবু বলিলেন যে, যৎকালে আমি সেকেণ্ড মাস্টার ছিলাম তখন দ্বারিকবাবুর সহিত এক বাসায় থাকিতাম, উঁহার চরিত্রে তখন বিস্ময় ছিল না । নূপেন বলিলেন যে হৃদয়বাবু অতি অল্প দিন হইল এখানে আসিয়াছেন, উঁহার চরিত্র যে বিস্ময় তাহাই বা কে বলিতে পারে ? বিশেষতঃ ডিক্রগড়ে আসিবার সময়ে গোয়ালন্দে তিনি যে ভাবে মুন্সিফের দোকানে ছিলেন তাহাতে তাঁহার চরিত্র বিষয়ে সন্দেহ হয় । এই লইয়া বাদামুবাদ হইতে লাগিল । সে দিন আর আমাদের বাসায় সমাজের অধিবেশন হইল না । বিদেহ-বহিও প্রবলতর হইয়া জলিতে আরম্ভ করিল ।

নূপেন পালিতের অন্যান্য কারাদণ্ড এবং কলিকাতা হাই-

কোর্ট কর্তৃক নির্দোষ প্রমাণ ও কারামুক্তি ।

ইহার ফলে দুই তিন বৎসরের পরে, আমি যখন ধুবড়ীতে স্কুল-ডেপুটি ইনস্পেক্টর ছিলাম সেই সময় একটা মিথ্যা নোটচুরির মোকদ্দমায়



নৃপেন পালিতের আচাই বৎসরের মশ্রম কারাদণ্ড হয়। কোন কোন বিশেষ কারণে সাহেবরাও নৃপেন পালিতের বিপক্ষ হইয়া পড়িয়াছিলেন। নৃপেনকে জব্দ ও অপমানিত করিবার জন্য তাঁহাকে রাস্তায় অজ্ঞাত মীচ শ্রেণীর কয়েদীর সঙ্গে পাথর ভাঙিতেও দেওয়া হইয়াছিল। নৃপেনের এই মোকদ্দমার কথা তাঁহার খুল্লতাত ব্যারিষ্টার টি, পালিত বা তাঁহার সহোদরেরা জানিতেন না। দণ্ডদেশ প্রদত্ত হওয়ার পরে টি, পালিত এই সমস্ত জানিতে পারিয়া নিজের ভ্রাতৃপুত্রের জন্য আপনি আদালতে উপস্থিত হওয়াটা লজ্জার কথা মনে করিয়া শ্রীযুক্ত মনোমোহন ঘোষ মহাশয়কে গোঁহাটীতে পাঠাইয়া দিয়াছিলেন। তখন গোঁহাটীতে ব্রহ্মপুত্র উপত্যকার জেলা সমূহের সেনন্ জজ ছিলেন লটম্যান্ জনসন্ সাহেব বাহাদুর। ইনি মোকদ্দমাটা ভাল করিয়া না বুঝিয়াই দণ্ডদেশ আচাই বৎসর হইতে কমাইয়া ছয় মাস করিয়া দেন। মনোমোহন ঘোষ মহাশয় কলিকাতা হাইকোর্টে আসিয়া নৃপেনকে নির্দোষ প্রমাণ করেন এবং তাঁহার কারাদণ্ড রহিত হয়। এই হইল ডিক্রগড়ের বাঙ্গালী-দিগের দলাদলি ও বিদ্বেষের ফল। এ সম্বন্ধে আরও অনেক কথা আছে সে সমস্ত লিখিয়া আর পাঠকবর্গকে (বদি কেহ দয়া করিয়া ইহা পাঠ করেন) বিরক্ত করিতে চাইনা।

ডিক্রগড়ের সহৃদয় শ্রীযুক্ত কালীনাথ বন্দ্যোপাধ্যায় ও

উকীল শ্রীযুক্ত হরিশচন্দ্র বাক্চি।

ডিক্রগড় সম্বন্ধে আর একটি ঘটনার উল্লেখ করিয়া এইখানে নিবৃত্ত হইতে চাই। পূর্বেই সহৃদয় শ্রীযুক্ত কালীনাথ বন্দ্যোপাধ্যায় মহাশয়ের বিবরণ কিঞ্চিৎ বলিয়াছি এবং ধনবান্ উকীল শ্রীযুক্ত হরিশচন্দ্র বাক্চি মহাশয়ের সম্বন্ধেও কিছু বলিয়াছি। হরিশবাবু ডিক্রগড় জেলা স্কুলের দ্বিতীয় শিক্ষকের পদে যখন প্রথম নিযুক্ত হইয়া যান তখন তাঁহার আর্থিক অবস্থা অতি শোচনীয় ছিল এবং প্রথমে কালীনাথবাবুর বাসায়

বাইয়াই উঠেন এবং তাঁহার দ্বারা অনেক বিষয়ে উপকৃতও হইয়াছিলেন। কিন্তু এখন কালচক্রের আবর্তনে এবং ভাগ্যপরিবর্তনে হরিশবাবুই বাদালীবাবুদিগের মধ্যে সর্বাপেক্ষা ধনী হইয়াছেন এবং কালীবাবু অর্থহীন হইয়া পড়িয়াছেন। কালীবাবু হরিশবাবুর নিকট হইতে কিছু টাকা ঋণ গ্রহণ করিতে বাধ্য হইয়াছিলেন। ঐ টাকা স্বেদে আসলে ২০০০ টাকা হইয়া পড়িয়াছিল। আমি এই সময়ে ডিক্রগড় হইতে ধুবড়ী বদলী হইবার আদেশ পাইয়াছি। ৫।৭ দিনের মধ্যেই ডিক্রগড় ছাড়িয়া চলিয়া আসিব। স্থলেরও তখন শীতের অবকাশ হইবার সময় আসিয়াছে।

আমার সহিত সাক্ষাৎ করিবার উদ্দেশ্যেই কালীনাথবাবু একদিন সন্ধ্যার পরে আমাদের বাসায় আসিয়াছিলেন। হরিশবাবুও ঘটনাক্রমে তখন আমাদের বাসায় উপস্থিত। কথায় কথায় হরিশবাবু তাঁহার ঐ প্রাপ্য টাকার কথা উত্থাপন করিলেন এবং কালীবাবুর প্রতি কতকগুলি কক্কশ বাক্য প্রয়োগ করিলেন। কালীবাবু নীরব রহিলেন বটে, কিন্তু তাঁহার গওদেশ বহিয়া অশ্রুজল পতিত হইতে লাগিল। হরিশবাবু আমাদের বাসা হইতে চলিয়া যাওয়ার পরেও কালীবাবু অনেকক্ষণ পর্যন্ত নীরবে বসিয়া অশ্রু বিসর্জন করিতে লাগিলেন। আমি ইহা দেখিয়া বড়ই দুঃখিত হইলাম এবং কালীনাথবাবুকে বলিলাম যে আমি ধুবড়ী বাইতেছি। গোঁহাটী হইয়া আমাকে বাইতেই হইবে। আমি গোঁহাটী হইতে যে কোন প্রকারে ২০০০ টাকা আপনার জন্ত সংগ্রহ করিয়া দিব। নূপেন পালিতও ঐ সময়ে বাড়ী আসিবেন স্থির হইয়াছিল। নূপেনও কালীবাবুকে ঐ রূপে আশ্বাস দিয়া শান্ত করিলেন।

**গোঁহাটীর গবর্নমেন্ট উকিল সদাশয় রামগোপাল চক্রবর্তী**

**ও তাঁহার আত্মীয়গণের কথা।**

এই সময়ে গোঁহাটীতে শ্রীযুক্ত রামগোপাল চক্রবর্তী এম্ এ, বি, এল্

মহাশয় ওকালতী করিতেন এবং ইনিও তখন সমস্ত ব্রহ্মপুত্র উপত্যকার অন্তর্গত জেলা সমূহের গবর্নমেন্ট উকীল ছিলেন। তৎকালে গোহাটীতে ব্রহ্মপুত্র উপত্যকা জেলা সমূহের একমাত্র জজের কাছারি ছিল। এই একমাত্র জজই সফরে বাহির হইয়া সমস্ত জেলায় যাইতেন। এবং প্রত্যেক জেলায় যাইয়া দায়রার বিচার করিতেন। রামগোপালবাবুও তৎকালে একমাত্র গবর্নমেন্ট উকীল থাকায় জজ সাহেবের সহিত সফরে বাহির হইতেন এবং ডিক্রগড়ে যে কয়েক দিন থাকিতেন প্রায়ই আমাদের বাসায় থাকিতেন। এবং তাঁহার আগমন উপলক্ষ্যে আমাদের বাসায় নানা প্রকার আমোদ প্রমোদ হইত। এই ক্ষত্রে তাঁহার সহিত আমাদের বিশেষ সৌহৃদ্য জন্মিয়াছিল। রামগোপালবাবুর বাড়ী ছিল কৃষ্ণনগরের নদের পাড়ায়। ইহার পিতা শ্রীযুক্ত হরিশচন্দ্র চক্রবর্তী মহাশয় অনেকদিন কৃষ্ণনগরের জজের অফিসে অম্মবাদকের কার্য্য করিয়াছিলেন। রামগোপালবাবু কৃষ্ণনগর কলেজ হইতে ইংরাজী সাহিত্যে এম্ এ, পরীক্ষায় উত্তীর্ণ হইয়া বি, এল্, পরীক্ষা দিয়া গোহাটীতে ওকালতী করিতে গিয়াছিলেন। ইহার ইংরাজী ভাষায় ও আইনের জ্ঞান বিশেষ প্রশংসাযোগ্য ছিল। ইহার ভগিনাপতি শ্রীযুক্ত ত্রৈলোক্যনাথ মুখোপাধ্যায় মহাশয় তখন গোহাটীর খাজাঞ্জি বা ট্রেজারের কার্য্য করিতেন এবং আসামের কামরূপ জেলায় তখন তাঁহার যথেষ্ট ভূমি-সম্পত্তিও ছিল। ত্রৈলোক্যবাবুর বাড়ী ছিল মালিপৌতায়। ত্রৈলোক্যবাবুই ইহাকে গোহাটীতে ওকালতী করিতে লইয়া গিয়াছিলেন। এই ত্রৈলোক্যবাবুর জ্যেষ্ঠ পুত্র শ্রীমান্ পাচুগোপাল মুখোপাধ্যায় এম্, এ আজ কাল আসামের কোন জেলার ডেপুটী কমিসনার বা ম্যাজিস্ট্রেট এবং রায় বাহাদুর উপাধিতে সন্মানিত হইয়াছেন। ত্রৈলোক্যবাবুর কনিষ্ঠ পুত্র শ্রীমান্ সন্তোষকুমার মুখোপাধ্যায় একজন বি, এ, এম্, বি, ডাক্তার এবং চিকিৎসা শাস্ত্রে বিশেষ পারদর্শীও হইয়াছেন। শুনিয়াছি ইনি চিকিৎসা

শাস্ত্রে বিশেষ জ্ঞান লাভ করিবার জন্য এখন বিলাতে আছেন। কালীনাথবাবুকে গোঁহাটী হইতে ২০০০ টাকা সংগ্রহ করিয়া দিব বলিয়া আমরা যে আশ্বাস বাক্য দিয়াছিলাম সেটা কেবল রামগোপালবাবু ও ত্রৈলোক্যবাবুর ভরসায়। ডিক্রগড় হইতে ধুবড়ী ও তৎপরে বাড়ী আসিবার সময়ে আমি, নূপেন পালিত ও ট্রেনিং স্কুলের হেড্‌ মাস্টার দ্বারকানাথ সেন এক সঙ্গেই গোঁহাটীতে আসিয়া রামগোপালবাবুর বাসায় গেলাম। ষ্টিমার গোঁহাটীতে এক রাত্রি থাকিত। ত্রৈলোক্যবাবুর বাসাও রামগোপালবাবুর বাসার খুব নিকটেই ছিল। এক বাসা বলিলেও চলে। রামগোপালবাবুর বাসাতেই আমরা সেই রাত্রি আহারাদি করিলাম। আহারান্তে কালীবাবুর প্রতি হরিশবাবুর ব্যবহারটা বেশ ভাল করিয়া বর্ণনা করিয়া বলিলাম যে আমরা কালীবাবুর জন্য তাঁহার নিকটে ২০০০ টাকা ভিক্ষা চাহিতেছি। অবশ্য কালীবাবু এত কৃতজ্ঞ হইবেন না যে তাঁহার টাকাটা প্রত্যর্পণ করিবেন না। কালীবাবুর ডিক্রগড়ে যথেষ্ট ভূমি-সম্পত্তি আছে। অন্য প্রকারে টাকা যোগাড় করিয়া তাঁহার ঋণ পরিশোধ করিতে না পারিলে তাঁহার কোন ভূসম্পত্তি সুবিধা মত বিক্রয় করিয়া তাঁহার টাকা পরিশোধ করিবেন। রামগোপালবাবু বলিলেন, তাহাঁত হরিশবাবুর কালীবাবুর প্রতি ব্যবহারটা বড়ই মর্ম ও হৃদয়বিদারক। তোমরা যখন অল্পরোধ করিতেছ তখন আমি কালীবাবুকে ২০০০ টাকা ঋণ দিয়া সাহায্য করিব। দেখিও যেন আমার কষ্ট-উপার্জিত টাকাটা এককালে নষ্ট না হয়। কালীবাবুকে লিখিয়া দাও যে ৫৭ দিনের মধ্যেই আমি তাঁহার নামে ২০০০ টাকার হাফ নোট রেজিষ্টারি করিয়া পাঠাইব। কালীবাবু উহার প্রাপ্তি স্বীকার করিবা মাত্রই ঐ ২০০০ টাকার নোটের অপরাধ অংশ পাঠাইয়া দিব। তিনি তখন যাহা বলিয়াছিলেন কাছ্যেও তাহা পরিণত করিয়াছিলেন। কোনরূপ দলিল পত্র না লইয়াই ২০০০

টাকা কালীবাবুকে ঋণ দিয়াছিলেন। প্রায় ছয় আস পরে কালীবাবু ঐ টাকার জন্য একখানি বন্ধকী দলিল লিখিয়া তাঁহার নামে পাঠাইয়া দিয়াছিলেন। এবং প্রায় দুই বৎসর পরে তাঁহার ঋণ পরিশোধ করিয়াছিলেন। রামগোপালবাবু কিরূপ সজ্জন, উদার ও সদাশয় পুরুষ ছিলেন তাহা কি এই ঘটনা-হইতে প্রমাণিত হয় না? রামগোপালবাবুর হাঁপ রোগ ছিল এবং অত্যন্ত পান-দোষ ছিল বলিয়া স্বাস্থ্যটা একবারেই নষ্ট করিয়া ফেলিয়াছিলেন। পরে ইনি ওকালতী করিবার জন্য কলিকাতা হাইকোর্টে আসিয়াছিলেন এবং অল্প দিনের মধ্যেই তাঁহার বেশ পসারও হইয়াছিল। তৎকালের হাইকোর্টের কোন লক্স-প্রতিষ্ঠা উকীল বলিয়াছিলেন যে যদি রামগোপালের স্বাস্থ্যটা ভাল থাকে তাহা হইলে অচিরেই ইনি পসারে অনেক উকীলকে ছাড়াইয়া উঠিবেন। কিন্তু দুঃখের ও আক্ষেপের বিষয় এই যে, কলিকাতায় আসার ২১ বৎসর পরেই ইনি ইহলোক পরিত্যাগ করিয়া যান। ইহার অন্ততম সহোদর ছিলেন খ্যাতপন্ন অধ্যাপক গোলাপচন্দ্র চক্রবর্তী এম্, এ, ।

আমি ধুবড়ী হাই স্কুলে বদলী হইয়াছি শুনিয়া রামগোপালবাবু আমাকে জিজ্ঞাসা করিয়াছিলেন যে, ধুবড়ীতে যাওয়া কাহার বাসায় উঠিবা। আমি বলি ধুবড়ীতে আমার পরিচিত কেহই নাই বটে, কিন্তু পরিচয় দিলে বোধ হয় ধুবড়ীর তদানীন্তন এক্সট্রা এসিষ্ট্যান্ট কমিসনার কৃষ্ণনগরনিবাসি শ্রীযুক্ত রামগোপাল খাঁর বাসায় ২১ দিনের জন্য স্থান পাইতে পারি। এই রামগোপাল খাঁ মহাশয় কৃষ্ণনগরের রাজা বাহাদুরের বিখ্যাত দেওয়ান শ্রীযুক্ত কার্তিকেয়চন্দ্র রায়ের ভাগিনেয় ছিলেন।

**ধুবড়ীর একষ্ট্রা এসিষ্ট্যান্ট কমিসনার শ্রীযুক্ত রামগোপাল  
খাঁ ও উকীল শ্রীযুক্ত বিষ্ণুচন্দ্র চট্টোপাধ্যায়  
মহাশয়দিগের পরিচয়।**

রামগোপাল চক্রবর্তী মহাশয় বলিলেন যে ধুবড়ীতে রামগোপাল খাঁর বাসায় বেশী দূর হবার নাই। ধুবড়ীর উকীল শ্রীযুক্ত বিষ্ণুচন্দ্র

চট্টোপাধ্যায় বি; এলের বাসায় উঠিও। আমি তাঁহাকে একখানি চিঠি লিখিয়া দিতেছি এই বলিয়া উভয় রামগোপাল খাঁর ও বিষ্ণুবাবুর নামে এক একখানি চিঠি লিখিয়া দিলেন। বিষ্ণুবাবুর বাড়ী ছিল জিরেট্ বলাগড়ে। ইনি ১৮৭৪ সালে আসাম, বাঙ্গালাদেশ হইতে বিচ্ছিন্ন হওয়ার পরে গোয়ালপাড়া জেলার স্কুল ডেপুটী ইনস্পেক্টরের পদে প্রথমে নিযুক্ত হইয়া যান। এবং পরে গোয়ালপাড়া জেলা স্কুলের হেড্ মাষ্টার হইয়াছিলেন। তৎপরে বি, এল্, পরীক্ষায় উত্তীর্ণ হইয়া গোয়ালপাড়ায় ওকালতী করিতে আরম্ভ করেন। যখন বিষ্ণুবাবু ওকালতী করিতে আরম্ভ করেন তখন গোয়ালপাড়াই উক্ত জেলার হেড্ কোয়ার্টারস্ বা সদর স্টেসন্ ছিল। ধুবড়ী তখন মহকুমা ছিল। পরে গোয়ালপাড়া হইতে ধুবড়ীতে সমস্ত জেলার কাছারি উঠিয়া আসে এবং গোয়ালপাড়া মহকুমায় পরিবর্তিত হয়। বিষ্ণুবাবু গোয়ালপাড়া জেলার সর্বশ্রেষ্ঠ উকীল হইয়াছিলেন।

১৮৮১ সনে ৫ই নভেম্বর তারিখে আসামের স্কুল সমূহের ইনস্পেক্টর বাহাদুর আমাকে ধুবড়ী জেলা স্কুলের সেকেণ্ড মাষ্টারের পদে নিযুক্ত করিয়া তাঁহার আদেশ পত্র বাহির করেন এবং আমাকে লেখেন যে, যে তারিখে ধুবড়ী স্কুল শীতাবকাশের পরে খুলিবে, সেই তারিখে আমাকে ধুবড়ী স্কুলের সেকেণ্ড মাষ্টারের কার্যভার গ্রহণ করিতে হইবে এবং ঐ তারিখটি জেলা স্কুলের হেড্ মাষ্টারকে চিঠি লিখিয়া জানিয়া লইতে হইবে। আমি তদনুসারে ধুবড়ী জেলা স্কুলের তখনকার হেড্ মাষ্টার শ্রীযুক্ত রামমোহন মিত্র, বি, এ, মহাশয়কে একখানি চিঠি লিখি। রামমোহনবাবু তদন্তরে আমাকে জানান যে ১৮৮২ সনের ২৩শে জানুয়ারী তারিখে শীতাবকাশের পরে ধুবড়ী স্কুল খুলিবে। তিনি ঐ চিঠিতে আমাকে ইহাও জানাইয়া দিলেন যে শীতাবকাশের পরে তিনি ১০ দিনের ছুটি পাইয়াছেন। তাঁহার ঐ ১০ দিনের অস্থপস্থিতি কালে আমাকে হেড্ মাষ্টারের কার্য করিতে হইবে।

## ধুবড়ী জেলা স্কুলের হেড্‌ মাস্টার শ্রীযুক্ত

রামমোহন মিত্র বি, এ।

রামমোহনবাবু ইংরাজী সাহিত্যে কিছু কাঁচা ছিলেন এই নিমিত্ত ঐ চিঠিখানি আমাকে লিখিবার সময়ে উহার একখানি খসড়া তাঁহাকে করিয়া লইতে হইয়াছিল, ভ্রম ক্রমে তিনি আসল চিঠিখানি আমার নিকটে না পাঠাইয়া খসড়া চিঠিখানি পাঠাইয়া ছিলেন। উহাতে তাঁহার স্বাক্ষরও ছিল না। এদিকে তিনি লোকের নিকট প্রকাশ করিয়াছিলেন যে তিনি কোন প্রকারেই আমাকে তাঁহার স্কুলের দ্বিতীয় শিক্ষকের পদে গ্রহণ করিবেন না। এই কথাটা ডিক্রগড় পর্য্যন্ত গিয়া পৌঁছিয়াছিল; এবং ডিক্রগড়ের বাদশা স্কুলের হেড্‌ পণ্ডিত শ্রীযুক্ত হৃদয়নাথ দাস মহাশয় উহা ডিক্রগড়ে প্রচারও করিয়াছিলেন। রামমোহনবাবু মুখে যাহা বলিয়া বেড়াইতেন কার্য্যে তাহা করিতে পারিতেন না। তিনি এ সম্বন্ধে ইনস্পেক্টর সাহেব বাহাদুরকে লিখিয়া কিছু জানাইতে সাহস করেন নাই। ইনস্পেক্টর সাহেব বাহাদুর শীতাবকাশের পূর্বে যখন ধুবড়ী স্কুল পরিদর্শন করিতে আসিয়াছিলেন তখন তাঁহাকে বলিয়াছিলেন যে, তিনি আমাকে দ্বিতীয় শিক্ষকের পদে লইতে চান না। এ কথাও বলেন যে, তিনি নিজে ইংরাজী সাহিত্যে কাঁচা এই নিমিত্ত তাঁহার সেকেন্ড মাস্টার শশিধর বরকাকতিকে আগামী বৎসর হইতে প্রথম শ্রেণীতে ইংরাজী সাহিত্য পড়াইতে দিবেন মনে মনে ঠিক করিয়াছিলেন। আমি সেকেন্ড মাস্টার হইয়া তাঁহার স্কুলে আসিলে তাহা ঘটবে না যেহেতু আমি ভাল ইংরাজী জানি না। পূর্বে দ্বিতীয় শিক্ষক ছিলাম, অল্পপয়স্কা বলিয়া তৃতীয় শিক্ষকের পদে অবনত হইয়াছিলাম। সাহেব তাঁহার এই কথা শুনিয়া হাঁসিয়া বসিয়াছিলেন যে রামেশ্বর অল্পপয়স্কা বলিয়া তৃতীয় শিক্ষকের পদে অবনত হইয়াছিল তোমাকে কে বলিল? রামেশ্বর যে ইংরাজী সাহিত্য ভালরূপ জানে না

তাহাই বা তোমাকে কে বলিল? তহুত্তরে রামমোহনবাবু বলেন আমি তাঁহার নিকট হইতে একখানি চিঠি পাইয়াছি তাহা হইতে বুঝিতে পারিয়াছি তিনি ইংরাজী ভাল জানেন না। সাহেব এই কথা শুনিয়া বলেন যে তুমি এ বিষয়ের বিচার করিবার উপযুক্ত ব্যক্তি নহ। আমি নিজের রামেশ্বরকে খুব ভালরূপেই জানি এবং ডিক্রগড়ের ডেপুটী কমিসনার ম্যাক্‌উইলিয়ম সাহেব বাহাদুরের রামেশ্বর সম্বন্ধে ধারণা খুবই ভাল। রামমোহনবাবু ইনস্পেক্টর সাহেব বাহাদুরের নিকটে মুখছোপ পাইয়া আর কিছু বলিতে বা করিতে সাহস করেন নাই। ইনস্পেক্টর সাহেব বাহাদুরের সহিত রামমোহনবাবুর এই কথা-বার্তাগুলি ধুবড়ী জেলা স্কুলের তৎকালের চতুর্থ শিক্ষক শ্রীযুক্ত মৌলভি মসিয়ৎউল্লাহ মহাশয় শ্রবণ করিয়াছিলেন। এবং আমি ধুবড়ী স্কুলে উপস্থিত হইবামাত্র তিনি আমাকে ঐ সমস্ত বৃত্তান্ত অবগত করেন।

### শ্রীযুক্ত মৌলভি মসিয়ৎউল্লাহ সাহেব

মৌলভি মসিয়ৎউল্লাহ অতি অমায়িক, মিষ্টভাষী, সদাশয় ব্যক্তি ছিলেন। পরে ইনি মৌলভিবাজারের স্কুল সর্ব ইনস্পেক্টরের পদে একটিং ভাবে নিযুক্ত হইয়া তথায় কিছুকাল কার্য করেন। তার পরে ধুবড়ী স্কুলে ফিরিয়া আসিয়া কিছুদিন কার্য করিয়া গোহাটী সার্ভে-স্কুলের হেড্‌মাষ্টার হন। তথা হইতে গোহাটীর তদানীন্তন কমিসনার লটম্যান্‌ জন্সন্ সাহেব বাহাদুরের অন্তর্গত সর্ব ডেপুটী কলেক্টর হন। অবশেষে একট্রা এসিষ্ট্যান্ট কমিসনারও হইয়াছিলেন। কিন্তু আক্ষেপের বিষয় তিনি অকালে কালগ্রাসে পতিত হন। তিনি আমার একজন পরম বন্ধু ছিলেন। তাঁহার সহিত আমার কতদূর সৌহৃদ্য ছিল পরে যথাস্থানে প্রকাশ করিব। আমি ডিক্রগড় হইতে চলিয়া আসিবার পূর্বে অনেক বন্ধু-বান্ধব আমাকে নিমন্ত্রণ করিয়া বিদায় ভোজ দিয়াছিলেন। আমিও একদিন রাত্রিতে ডিক্রগড়ের বাঙ্গালী



ভদ্রলোকদিগকে আমার বাসায় খাওয়াইয়াছিলাম। আমি যে দিন সকলকে নিমন্ত্রণ করি সেই দিন পূর্বাহ্নে হৃদয়বাবু প্রকাশ করিয়াছিলেন যে রামেশ্বরবাবু অনর্থক টাকা খরচ করিয়া কেন ভোজ দিতেছেন? হয়ত তাঁহার ধুবড়ী যাওয়াই হইবে না। এই কথা শুনিয়া আমি হৃদয়বাবুকে বলিয়া পাঠাইয়াছিলাম ভয় নাই, যদি আমার ধুবড়ী যাওয়া না হয় তাহা হইলে তাঁহাকে খাওয়াইতে আমার বাহা ব্যয় হইবে তাহা তাঁহার নিকট হইতে আদায় করিয়া লইব না। তিনি নিশ্চিন্ত হইয়া আমার বাসায় আসিয়া খাইয়া যাইতে পারেন। ইহা হইতেই বুঝা যায় যে আমার বিরুদ্ধে কি একটা ষড়যন্ত্র চলিতেছিল।

আমি শীতের বন্ধের সময়ে ধুবড়ী আসিয়া তথাকার উকীল শ্রীযুক্ত বিষ্ণুচন্দ্র চট্টোপাধ্যায় মহাশয়ের বাসায় আমার জিনিসপত্র রাখিয়া বাড়ী আসি। ধুবড়ীতে রামগোপালবাবুর সহিতও দেখা করিয়া আসিয়াছিলাম।

## চতুর্থ অধ্যায়

ধুবড়ী জেলা স্কুলের সেকেণ্ড মাষ্টারের কার্য্য করা

ধুবড়ী

শীতাবকাশের পরে ১৮৮২ সনের ২৩শে জানুয়ারী তারিখে আমি ধুবড়ী স্কুলের সেকেণ্ড মাষ্টারের ও অস্থায়ীভাবে হেড্ মাষ্টারের কার্য্যভার গ্রহণ করি। ২৩শে জানুয়ারী হইতে আরম্ভ করিয়া ঐ সনের ৩০শে এপ্রিল পর্য্যন্ত তথায় কার্য্য করি। পরে ৭৫ টাকা বেতনে নওগাঁ হাই স্কুলের সেকেণ্ড মাষ্টারের পদে নিযুক্ত হইয়া তথায় যাই, এবং ১২ই মে তারিখে নওগাঁ হাই স্কুলের সেকেণ্ড মাষ্টারের কার্য্যভার গ্রহণ করি। সুতরাং আমি ধুবড়ীতে মোটে তিন মাস নয় দিন সেকেণ্ড মাষ্টারের কার্য্য করিয়াছিলাম। এই সময়ে আমি ধুবড়ীতে পরিবার লইয়া গিয়াছিলাম। আমি ধুবড়ীতে পরিবার লইয়া যাওয়ার কয়দিন পরেই তথায় ভয়ানক ওলাণ্ডা রোগ দেখা দিয়াছিল।

ধুবড়ীতে বিসূচিকা রোগের প্রকোপ।

এই রোগাক্রান্ত ব্যক্তিদিগের শুশ্রূষা করিবার জন্ত আমরা কয়েকজন শিক্ষক বাড়ী বাড়ী বাইয়া রোগীদিগের শুশ্রূষা করিতে আরম্ভ করি। এজন্ত স্কুলের কার্য্য নামে মাত্র প্রাতঃকালে দুই ঘণ্টা করিয়া হইত।

ধুবড়ী জেলা স্কুলের তৎকালের শিক্ষকগণের নাম।

তৎকালে নিম্নলিখিত ব্যক্তিগণ ধুবড়ী জেলা স্কুলের শিক্ষক ছিলেন।		
শিক্ষকদিগের নাম	পদ	বেতন
১। শ্রীযুক্ত রামমোহন মিত্র বি, এ,	হেড্ মাষ্টার	১০০

শিক্ষকদিগের নাম	পদ	বেতন
২। শ্রীযুক্ত রামেশ্বর সেন এফ, এ দ্বিতীয় বার্ষিকী শ্রেণী পর্য্যন্ত পড়া	সেকেণ্ড মাস্টার	৬৫
৩। „ কালীমোহন দাস, এফ, এ প্রথম বার্ষিকী শ্রেণী পর্য্যন্ত পড়া	থার্ড মাস্টার	৫০
৪। মৌলভি মসিয়ুউল্লা, এফ, এ পর্য্যন্ত পড়া	ফোর্থ মাস্টার	৩০
৫। শ্রীযুক্ত প্রসন্নচন্দ্র দে, এফ, এ পর্য্যন্ত পড়া	ফিফ্‌থ্ মাস্টার	২৫
৬। „ কালীপ্রসন্ন ঘোষ, প্রবেশিকা পরীক্ষোত্তীর্ণ	সিক্স্‌থ্ মাস্টার	
৭। „ প্রকাশচন্দ্র সেন, ( নন্দ্যাল স্কুলের ছাত্র )	পণ্ডিত	৩০

এই কয়েকজন শিক্ষকের মধ্যে আমি, কালীমোহনবাবু, প্রসন্নবাবু ও কালীপ্রসন্নবাবু রোগীদিগের শুশ্রূষা করিতে যাইতাম ও যাইতেন। আমার সঙ্গে তখন আমার স্ত্রী, আমার কনিষ্ঠা বিধবা ভগিনী, আমার একটা কন্যা, একটা ছয় সাত বৎসরের ভ্রাতুষ্পুত্র এবং চারি পাচ বৎসর বয়স্কা একটা মাতৃহীনা ভাগিনেরী ছিল। আমার ভগিনী আমাকে রোগীদিগকে শুশ্রূষা করিবার জন্ত যাইতে নিবেদন করিত। তখন আমার একটা মাত্র সম্ভান হইয়াছিল। সেটা ঐ কন্যা। তখন তাহার বয়স মাত্র তিন বৎসর। হেড্‌মাস্টার রামমোহনবাবু ও পণ্ডিত প্রকাশবাবু পাছে রোগী দেখিতে গেলে তাঁহারা রোগাক্রান্ত হন, এই ভয়ে বাসার বাহির হইতেন না। এই রোগে সেবারে ধুবড়ীতে অনেকগুলি শিশু ও কয়েকটা বৃদ্ধ লোক মারা গিয়াছিল।

ধুবড়ী স্কুলের সেকেণ্ড মাস্টারের কার্যভার গ্রহণ করার পরেই হেড্‌মাস্টার রামমোহনবাবু আমাকে প্রথম শ্রেণীতে ইংরাজী সাহিত্য

পড়াইতে বলেন। আমি তখন ভয়ানক ব্রুকাইটস বা শ্বাসনালীর শাখায় প্রদাহ রোগে ভুগিতেছিলাম। এইজন্য উহা করিতে অস্বীকার করি। হেড্ মাষ্টার রামমোহনবাবু গণিতে ব্যুৎপন্ন ছিলেন; আমিও গণিত শিক্ষা দিতে ভাল বাসিতাম। সুতরাং আমার ও হেড্ মাষ্টার মহাশয়ের মধ্যে প্রথম শ্রেণীতে গণিত শিক্ষা দিবার একটা ভাগাভাগি বন্দোবস্ত হইয়াছিল। হেড্ মাষ্টার মহাশয় প্রথম শ্রেণীতে পাটীগণিত ও বীজগণিত শিক্ষা দিতেন এবং আমি জ্যামিতি, পরিমিতি ও জরিপ শিক্ষা দিতাম। আমাকে দ্বিতীয় ও তৃতীয় শ্রেণীতে ইংরাজী সাহিত্য শিক্ষা দিতে হইত। তৃতীয় শিক্ষক কালীমোহনবাবু দ্বিতীয় ও তৃতীয় শ্রেণীতে গণিত শিক্ষা দিতেন।

আমার উপরে অফিসের অনেক কার্যভারও পড়িয়াছিল। সরকারী চিঠিপত্র সমস্তই আমাকে লিখিতে হইত। রামমোহনবাবু ভাল ইংরাজী জানিতেন না স্বীকার করিলেও চিঠিপত্রের ভাষা লইয়া সময়ে সময়ে আমার সহিত অনর্থক তর্ক করিতেন। একদিন একখানি চিঠিতে আমি লিখিয়াছিলাম যে I shall make a remittance, রামমোহনবাবু চিঠিখানিতে স্বাক্ষর করিবার সময়ে আমাকে বলিলেন যে make a remittance কিরূপ ইংরাজী ? send a remittance লিখুন। আমি বলি send a remittance অশুদ্ধ ও বাক্পদ্ধতি বিরুদ্ধ; তথাপি তিনি আমাকে make কাটিয়া তাহার স্থলে send বসাইতে বাধ্য করিলেন। আমি বলিলাম বেশ তাহাই করিতেছি আমি উহাতে স্বাক্ষর করিব না। আপনিই ত করিবেন; সুতরাং উহাতে আমার কিছু যায় আসে না। আর একদিন তৎকালের প্রচলিত Barnard Smith's পাটীগণিতের একটা সহজ অঙ্ক লইয়া হেড্ মাষ্টার ও খার্ড মাষ্টারের মধ্যে তুমুল বাক্ বিতণ্ডা হয়। অঙ্কটির ভাষা বিলক্ষণ প্রাজ্ঞ লইলেও উহা লইয়া বিষম গোলমাল উপস্থিত।

অঙ্কটি এই :—A gentleman whose age is now sixty, has

two sons and a daughter. Two years since his age was double of that of his eldest son. The sum of the ages of the father and the eldest son is seven times that of his youngest son. Find the ages of the children.

থার্ড মাষ্টার কালীগোহনবাবু অঙ্কটি এইরূপে সমাধান করেন :—

$$60 - 2 = 58 ; 58 \div 2 = 29,$$

$$29 + 2 = 31 \text{ বৎসর জ্যেষ্ঠপুত্রের বয়স।}$$

$$60 + 31 = 91, 91 \div 7 = 13, 13 \text{ বৎসর কনিষ্ঠ পুত্রের বয়স।}$$

$$60 - (31 + 13) = 60 - 44 = 16, 16 \text{ বৎসর কন্যার বয়স।}$$

থার্ড মাষ্টারের সমাধানই নিতুল।

হেড্ মাষ্টার মহাশয় এইরূপে অঙ্কটি করেন।

$60 + 2 = 62, 62 \div 2 = 31, 31$  বৎসর জ্যেষ্ঠ পুত্রের বয়স  
তৎপরে ঠিক থার্ড মাষ্টার মহাশয়ের করার নত।

$$60 - 2 = 58, 58 \div 2 = 29, 29 + 2 = 31 \text{ এইটিই ঠিক ?}$$

না  $60 + 2 = 62, 62 \div 2 = 31$  এইটিই ঠিক ? এই বিষয়  
লইয়াই গোলমাল।

Since শব্দের অর্থ লইয়াই উভয়ের বাকবিতণ্ডা। Since শব্দের অর্থ বাক্ পদ্ধতি অনুসারে পূর্বে বা অগ্রে হয়। কোন নির্দিষ্ট সময় হইতেও হয় ও যেহেতুও হয়। পরে উভয়ে আমার নিকট আসিয়া উপস্থিত ইহার মীমাংসার জন্ত। আমি বলিলাম যে Since শব্দের অর্থ লইয়া গোলমাল করিতেছেন কেন ? Was শব্দটি দেখিলেই ত হয় ? উহা ত ভূতকাল বাচক। সুতরাং ৬০—২ বিয়োগ করাই উচিত। হেড্ মাষ্টার মহাশয়ের ইংরাজী ভাষার জ্ঞানের পরিচয় পরে অন্য স্থলে তাঁহার রচিত বাক্য হইতেও দেখাইব।

## ধুবড়ী জেলা স্কুলের আমার সময়ের কয়েকটি

### ছাত্রের নাম ও তাহাদের পরিচয় ।

আমি যে তিন মাস নয় দিন ধুবড়ীতে সেকেণ্ড মাষ্টারের কার্য্য করিয়াছিলাম সেই সময় প্রথম শ্রেণীতে যে কয়টি ছাত্র ছিল, তাহাদের মধ্যে এই কয়টির নাম বিশেষ উল্লেখযোগ্য ।

শ্রীমান্ উত্তমচন্দ্র দাস, শ্রীমান্ অশ্বিনীকুমার বসু ও শ্রীমান্ কিশোরীমোহন দত্ত ।

উত্তমচন্দ্র পরে বি, এল্, পাশ করিয়া প্রথমে ওকালতী করেন । কিছুদিন ওকালতী করার পরে একট্টা এসিষ্ট্যান্ট কমিসনার হন । ৪০০ বা ৫০০ টাকা বেতন প্রাপ্তির পরে তাঁহার মৃত্যু হইয়াছে । ইহঁার বাড়ী গোয়ালপাড়ায় ছিল । অশ্বিনীকুমার এখনও জীবিত আছেন । ইনি আসাম গভর্নমেন্টের সেক্রেটারীর দপ্তরে উচ্চ বেতনে চাকরী করার পর সম্প্রতি পেন্সন্ লইয়া অবসর গ্রহণ করিয়াছেন । কিশোরী উচ্চ শিক্ষা প্রাপ্তির পরে অকালে কালগ্রাসে পতিত হইয়াছে ।

দ্বিতীয় শ্রেণীর ছাত্রদিগের মধ্যে শ্রীমান্ যজ্ঞেশ্বর দাসগুপ্ত, শ্রীমান্ প্রসন্নকুমার ঘোষ, অমৃতলাল অধিকারী ও অতুলচন্দ্র দাসগুপ্ত । যজ্ঞেশ্বর দাসগুপ্ত বি, এ, পাশ করিয়া একট্টা এসিষ্ট্যান্ট কমিসনারের পদ পান । এখন ইনি বোধ হয় শ্রীহট্ট অঞ্চলে সদর বা কোন মকঃস্বল মহকুমার ভারপ্রাপ্ত ডেপুটি ম্যাজিষ্ট্রেট । প্রসন্ন বি, এল্, পাশ করিয়া বহুদিন গোয়ালপাড়ায় ওকালতী করার পরে কালকবলে পতিত হইয়াছেন । ইহঁার বাড়ীও গোয়ালপাড়ায় ছিল এবং ইনি জাতিতে গোপ ছিলেন । অমৃত বি, এ, পরীক্ষায় অল্পতীৰ্ণ হইয়া পাঠ বন্ধ করেন । আমি যখন ১৯০৮ সনে ধুবড়ী হইতে পেন্সন্ লইয়া বাড়ী আসি, তখন অমৃত গৌরীপুরের রাজার স্কুলে শিক্ষকতা করিতেছিলেন । অতুল এম্, এ, পাশ করার পরে আমার অধীনে নওগাঁ জেলা স্কুলে কিছুদিনের জন্ত

তৃতীয় শিক্ষকের কার্য্য করেন। পরে ঢাকা ট্রেনিং স্কুলে যান। ঢাকায় বি, এল, পাস করিয়া কিছুদিন ওকালতী করেন পরে মুনসেফ্ হন। ১৯৩১ সনের মার্চ মাসে নোয়াখালি জেলার সব্ জজের পদ হইতে পেন্সন্ লইয়া অবসর গ্রহণ করার পরে এখন ঢাকায় বাস করিতেছেন।

নৌচের শ্রেণীর ছাত্রদিগের মধ্যে দেবেজ্জকুমার মিত্রের নাম বিশেষ উল্লেখ-যোগ্য। ইনি এখানে বি, এ, পাস করার পরে বিলাত যান তথা হইতে কৃষি বিদ্যায় শিক্ষিত হইয়া এখানে আসিয়া ডেপুটী ম্যাজিষ্ট্রেট্ হন। আজকাল বোধ করি ইনি বাঙ্গালা দেশের কোন জেলার ম্যাজিষ্ট্রেট্। মধ্যে ইনি কিছুদিনের জন্ত নদীয়া জেলার ম্যাজিষ্ট্রেট্ হইয়া আসিয়াছিলেন। শশিমোহন দত্তের নামও কম উল্লেখ-যোগ্য নহে ইনি বি, এল, পাস করিয়া ধুবড়ীতে এখন ওকালতী করিতেছেন। ইহার বাড়ী ধুবড়ীতে। ইহার জ্যেষ্ঠ ভ্রাতা শ্রীযুক্ত প্যারীমোহন দত্ত উকীল। প্যারীবাবু রায় বাহাদুর উপাধি লাভ করিয়াছেন।

আমি ধুবড়ীর জেলা স্কুলের সেক্রেণ্ড মাষ্টারের কার্য্যভার গ্রহণ করার অল্প দিন পরে নওগাঁ জেলা স্কুলের সেক্রেণ্ড মাষ্টারের পদ শূন্য হয়। শ্রীযুক্ত প্রসন্নকুমার বসু এম্, এ ইতিপূর্বে ঐ স্কুলের সেক্রেণ্ড মাষ্টার ছিলেন। ইনি বি, এ, পরীক্ষায় উত্তীর্ণ হইয়াই নওগাঁ জেলা স্কুলে আসেন। ঐ স্কুলে কার্য্য করিতে করিতে ইতিহাসে এম্, এ, পরীক্ষা দেন; আইন পড়িবার উদ্দেশ্যে ইনি এই কার্য্য ত্যাগ করিয়া ঢাকায় বাইয়া আইন পড়েন ও বি, এল, পরীক্ষায় উত্তীর্ণ হন। ঢাকায় পরে ওকালতী করিতেন। ইনি ঢাকা জেলার বিখ্যাত মালখা নগরের বসু ছিলেন। ইহার আত্মীয় স্বজন ও বন্ধুবর্গ ইহাকে কহু বলিয়া ডাকিত।

নওগাঁ জেলা স্কুলের সেকেন্ড মাষ্টারের পদের বেতন ছিল ৭৫ টাকা।

আমি ঐ স্কুলে উক্ত পদে বদলী হইবার জন্য ইনস্পেক্টর সাহেব বাহাদুরের নিকটে আবেদন করিয়াছিলাম। নিজেই আবেদন পত্রখানি তাঁহার নিকটে পাঠাইয়া দিয়াছিলাম। হেড্‌ মাষ্টার মহাশয়ের হাত দিয়া পাঠাই নাই; যদিও তাঁহার হাত দিয়া পাঠান উচিত ছিল।

১৮৮২ সনের ২৬শে এপ্রিল তারিখে ঐ পদে নিযুক্ত হই। আমার নিয়োগ পত্র আসিবা মাত্রই ধুবড়ীর বাদশালী ভদ্রলোকদিগের মধ্যে একটা জল্পনা কল্পনা উপস্থিত হইল। সকলেই জানিতে উৎসুক হইলেন, কেন আমি আমার বাড়ীর অপেক্ষাকৃত নিকটস্থ স্থান ধুবড়ী পরিত্যাগ করিয়া দূরবর্তী নওগাঁয় যাইতেছি। আর ধুবড়ী আসার এত অল্প দিন পরেই। হেড্‌ মাষ্টার রামমোহনবাবুর সহিত তাঁহার অধীনস্থ শিক্ষকদিগের বড় একটা বনিবনাও ছিল না। রামমোহনবাবুকে লোকে বগড়াটে বলিয়াও জানিতেন। এজন্য সকলেই অল্পমান করিতে লাগিলেন যে আমার সহিত তাঁহার বনিবনাও না হওয়াতেই আমি ধুবড়ী হইতে চলিয়া যাইতেছি। আমি কেন চলিয়া যাইতেছি অনেকে আমায় এ কথাও জিজ্ঞাসা করিয়াছিলেন। আমি আমার আবেদন পত্রের নকল খানি হইতে তাঁহাদিগকে বুঝাইয়া দিলাম যে আমি নওগাঁয় গিয়া ভাল কার্য্য দেখাইতে পারিব বলিয়াই যাইতেছি। প্রকৃত পক্ষে আমি আমার আবেদন পত্রে ইনস্পেক্টর সাহেব বাহাদুরকে জানাইয়াছিলাম যে আমাকে দয়া করিয়া ধুবড়ীর সেকেন্ড মাষ্টারের পদে নিযুক্ত করিয়াছেন বলিয়া আমি তাঁহার নিকট চির কৃতজ্ঞ থাকিব কিন্তু তিনি এ কথাও জানেন যে আমি গণিত শিক্ষা দিতে বড়ই ভালবাসি। ধুবড়ীর হেড্‌ মাষ্টার রামমোহনবাবুও উহা ভাল বাসেন। তিনি প্রথম শ্রেণীর গণিত শিক্ষার ভার আমার উপরে অর্ধেক পরিমাণে দিয়াছেন আর তিনি



নিজেও অর্ধেক লইয়াছেন। সুতরাং ছাত্রেরা প্রবেশিকা পরীক্ষায় গণিতে উচ্চস্থান অধিকার করিলে আমি তজ্জন্ত প্রসংশা পাইব না। হেড্‌মাষ্টার মহাশয়েরই প্রসংশা হইবে। সুতরাং আমি আমার কার্য্য ভালরূপে দেখাইতে পারিব না। নগাঁ জেলা স্কুলের হেড্‌মাষ্টার মহাশয় বৃদ্ধ হইয়াছেন। তিনি কখনও গণিত শিক্ষা দেন নাই ও এখনও দেন না। এই নিমিত্ত আমাকে তথাকার সেকেণ্ড মাষ্টারের পদে নিযুক্ত করিলে আমার কার্য্য ভালরূপে দেখাইতে পারিব। আমার আবেদন পত্র পাইবামাত্রই ইনস্পেক্টর সাহেব বাহাদুর আমাকে ঐ পদে নিযুক্ত করিয়াছিলেন। এবং ধুবড়ীর থার্ড মাষ্টার কালীমোহন-বাবুকে ধুবড়ীর সেকেণ্ড মাষ্টার করিয়াছিলেন।

আমি ধুবড়ী ছাড়িয়া যাইবার সময়ে হেড্‌মাষ্টার রামমোহনবাবু আমার সার্ভিস বুক্‌কে নিম্নলিখিত মন্তব্য লিপিবদ্ধ করিয়াছিলেন :—

Babu Rameswar Sen, although he served a short time under me, gave me every satisfaction by the due and conscientious discharge of his duties.

The Babu really takes interest and pleasure in his work. He is intelligent, active and possesses an excellent character. I entertain a high opinion of the officer and am of opinion that he is fully qualified for a Headmaster-ship. He was highly spoken of by the Inspector of Schools, and I found him possessed of those. I really regret to part with him.

DHUBRI  
The 1st May 1882.

(Sd.) RAM MOHON MITRA,  
Head Master.

তাৎপর্য্য :—বাবু রামেশ্বর সেন অল্পদিন আমার অধীনে কার্য্য করিলেও তাঁহার কর্তব্য কার্য্য নিয়মিতরূপে ও বিবেক সহকারে সম্পন্ন করিয়া আমাকে প্রত্যেক বিষয়ে সন্তোষ প্রদান করিয়াছেন। এই বাবুটী স্থায়ী কার্য্যে বিশেষ মনোযোগ দেন এবং উহাতে আনন্দ অনুভব

করেন। ইনি বুদ্ধিমান ও কৰ্ম্মঠ, ইহঁার চরিত্রও উৎকৃষ্ট, আমি এই কৰ্ম্মচারী সম্বন্ধে অতি উচ্চভাব চিন্তে পোষন করি। আমার মতে ইনি হেড্‌ মাষ্টার হইবার সম্পূর্ণ উপযুক্ত। ইনস্পেক্টর সাহেব বাহাদুর ইহঁার গুণের বিশেষ প্রশংসা করিয়াছিলেন। এবং ইহঁাতে ঐ সমস্ত গুণ প্রত্যক্ষ করিয়াছি। আমি ইহঁাকে ছাড়িতে হইবে বলিয়া প্রকৃতই আক্ষেপ করিতেছি।

( উপরি উক্ত মন্তব্যের ভাষা এককালে নির্দোষ নহে )।

নগাঁওর সেকেন্ড মাষ্টার প্রসন্নবাবু শীঘ্রই কার্য ত্যাগ করিবেন প্রকাশ হইয়াছিল। শীতাবকাশের পরে ঘটনাক্রমে ধুবড়ীর হেড্‌ মাষ্টার রামমোহনবাবু ও নগাঁওর বুদ্ধ হেড্‌ মাষ্টার শ্রীযুক্ত হারানচন্দ্র চট্টোপাধ্যায় মহাশয় গোয়ালন্দ হইতে একই ষ্টিমারে ধুবড়ী পর্যন্ত আসিয়াছিলেন। কথা প্রসঙ্গে রামমোহনবাবু হারানবাবুর নিকট কয়েক জন বি, এ, পরীক্ষার্থীর্ণ যুবকের নাম করিয়া বলিয়াছিলেন যে ইহঁাদের একজনকে আপনি আপনার স্কুলের সেকেন্ড মাষ্টার করিয়া লইবার চেষ্টা করিবেন। হারানবাবুও ইনস্পেক্টর সাহেব বাহাদুরের নিকট লিখিয়াছিলেন যে উহাদের মধ্যে একজনকে তাঁহার স্কুলের সেকেন্ড মাষ্টারের পদে নিযুক্ত করিয়া পাঠান হয়। আমি ঐ পদে নিযুক্ত হইয়াছি জানিয়া তিনি বিশেষভাবে আপত্তি করিয়া আমাকে লইতে অসম্মতি প্রকাশ করেন।

**আসামপ্রদেশের শিক্ষা বিভাগের ইনস্পেক্টর**

**জে. উইলসন্ সাহেব বাহাদুরের**

**আমার সম্বন্ধে মত।**

তাঁহার সেই চিঠির উত্তরে ইনস্পেক্টর সাহেব বাহাদুর আধা-সরকারী পত্র দ্বারায় আমার সম্বন্ধে তাঁহার মত ব্যক্ত করেন। এবং কেন তিনি আমাকে ঐ পদে নিযুক্ত করিয়া পাঠাইতেছেন তাহার যুক্তিও প্রদর্শন করেন।

*Shillong, 2nd may 1882.*

To—The Head Master,

Nowgong Government High School.

SIR,

The interest of the department required, that I should send you the Second Master from Dhubri. The Babu is strong in Mathematics and knows English very well and I expect, you will find him a very much better man than you were led to suppose.

True his having failed at the F. A. is against him, but many good men have done so before.

I remain,

Yours faithfully,

(Sd.) J. WILLSON.

ইহার তাৎপর্য্য এই যে—

শিলং, ২রা মে ১৮৮২

নওগাঁ গভর্ণমেণ্ট হাই স্কুলের হেড্‌ মাষ্টারের সমীপে ।

মহাশয়,

বিভাগের ( অর্থাৎ শিক্ষা বিভাগের ) ইষ্টই চাহিতেছে যে ধুবড়ী হইতে আপনার সেকেন্ড মাষ্টার পাঠান আমার কর্তব্য । এই বাবুটা গণিতে মজবুত এবং ইংরাজী সাহিত্যও বেশ ভাল জানেন এবং আমি আশা করি আপনি অপরের কথায় তাঁহাকে যেরূপ লোক বলিয়া ভাবিতেছেন তদপেক্ষা তাঁহাকে অনেক ভাল লোক বলিয়া বুঝিতে পারিবেন ।

ইহা সূত্রে যে ইনি এফ্‌, এ, পরীক্ষায় অকৃতকার্য্য হওয়ায় ঐটা

তাঁহার প্রতিকূল হইতেছে কিন্তু ইতিপূর্বেও অনেক ভাল ভাল লোক  
ঐরূপ করিয়াছেন অর্থাৎ এফ, এ, পরীক্ষায় অকৃতকার্য হইয়াছেন।

আপনার বিশ্বস্ত

(স্বাক্ষর) জে, উইলসন্।

তখন নওগাঁ যাইতে হইলে ষ্টিমার যোগে শীলঘাট পর্যন্ত যাইতে  
হইত। তথা হইতে ৩২ মাইল পথ গো-বান করিয়া যাইয়া নওগাঁয়  
পৌছিতে হইত। আমি ধুবড়ী হইতে বাহির হইবার পূর্বে হেড্  
মাষ্টার হারানবাবকে এবং নওগাঁর পোষ্টমাষ্টার আমার পূর্ব পরিচিত  
বাব উমেশচন্দ্র চট্টোপাধ্যায়কে চিঠি লিখিয়া জানাইয়াছিলাম যে  
আমি পরিবার সহ যাইতেছি। শীলঘাটে যেন ২১৩ খানি গরুর গাড়ী  
পাঠাইয়া দেওয়া হয় ও আমার জন্ত একটা বাসা ঠিক করিয়া রাখা হয়।

ইহারা উভয়ে পরামর্শ করিয়া শীলঘাটে তিনখানি গরুর গাড়ী  
পাঠাইয়াছিলেন। এবং নওগাঁ জেলখানার পশ্চাত্তাগে আমার জন্ত  
একটা বাসাও ঠিক করিয়া রাখিয়াছিলেন। কিন্তু আমি নওগাঁয়  
পৌছিবার দুইদিন পূর্বে খুব ঝড় হইয়া গিয়াছিল এবং যে বাসাটি  
আমার জন্ত ঠিক করিয়া রাখিয়াছিলেন ঐ ঝড়ে তাহার চারিদিকের  
বেড়াগুলিও ভাঙ্গিয়া ফেলিয়াছিল। ঘরেরও মটকা উড়িয়া গিয়াছিল।  
পূর্বে ঐ বাসাটি একজন বাঙ্গালী ভদ্রলোকের ছিল। তিনি স্থানান্তরে  
যাওয়ায় ঐ ঘরে কোন এক ব্যক্তি কিছুদিনের জন্ত মুদিখানার দোকান  
করিয়াছিল। অনেকেই উহা দোকান ঘর বলিয়া জানিত এবং জিনিস  
পত্র কিনিবার জন্ত সময়ে সময়ে ঐ স্থানে আসিত। এইজন্ত আমি ঐ  
বাসাটি পরিত্যাগ করিয়া অন্ত্র ভাল বাসায় যাইতে বাধ্য হই। আমি  
নওগাঁয় বেলা ১০টার সময়ে পৌছি। হেড্ মাষ্টার মহাশয় স্কুলে যাইবার  
সময়ে আমার সহিত সাক্ষাৎ করিতে আসিয়াছিলেন। আসিয়াই  
বলিলেন যে তিনি আমাকে চান না বলিয়া ইনস্পেক্টর সাহেব  
বাহাদুরকে লিখিয়াছিলেন। তাঁহার চিঠির উত্তরে সাহেব বাহাদুর

তঁাহাকে যে চিঠিখানি লিখিয়াছিলেন তঁাহার মৰ্ম আমাকে অবগত করিলেন। এবং কিছুদিন পরে ঐ চিঠিখানি আমাকে দিয়াছিলেন। হেড্ মাষ্টার মহাশয় বলিলেন যে সাহেবের চিঠি পাইয়া আমার সম্বন্ধে তঁাহার ভুল ধারণা গিয়াছে। এ কথাও বলিলেন যে তিনি বৃদ্ধ হইয়াছেন। আমি তঁাহার অধীনে সেকেণ্ড মাষ্টার হইয়া গেলেও আমাকেই প্রকৃতপক্ষে হেড্ মাষ্টারের করণীয় সমস্ত কার্য্যই করিতে হইবে। আমি তঁাহাকে বলিলাম যে আপনি আমার মাননীয় শিক্ষক স্থানীয়, যেহেতু আমি যখন শান্তিপুর ইংরাজী স্কুলের ছাত্র ছিলাম, সেই সময়ে আপনি একবার শান্তিপুরে স্কুল-ডেপুটী ইনস্পেক্টর হইয়া গিয়াছিলেন, এবং মুর্শিদাবাদ জেলায় কিছুদিনের জন্ত স্কুল-ডেপুটী ইনস্পেক্টর ছিলেন। আমি বাহা বলিয়াছিলাম পরে সেইরূপ ভাবেই কার্য্য করিয়াছিলাম। এবং তিনিও বাহা বলিয়াছিলেন তদনুসারে কার্য্যও করিয়াছিলেন।

## পঞ্চম অধ্যায়

নওগাঁ হাই স্কুলের সেকেণ্ড মাস্টারের কার্যভার গ্রহণ ।

### নওগাঁ

আমি ১৮৮২ সনের ১২ই মে তারিখে নওগাঁ হাই স্কুলের সেকেণ্ড মাস্টারের কার্যভার গ্রহণ করি। স্কুলে উপস্থিত হইয়া প্রথম শ্রেণীতে বাইবা মাত্র ছাত্রেরা, বোধ হয়, আমার বিজ্ঞাবুদ্ধির পরিচয় লইবার জন্তই সম্মীকরণের একটা জটিল অঙ্ক আমাকে সমাধান করিয়া দিবার জন্ত দিল; বলিল তাহারা উহা করিতে পারে নাই এবং ভূতপূর্ব সেকেণ্ড মাস্টার প্রসন্নবাবুও পারেন নাই। প্রশ্নটি দিবামাত্রই আমি বোর্ডে উহা লিখিয়া অতি অল্প সময়ের মধ্যে এবং অল্প প্রক্রিয়ার দ্বারা উহার সমাধান করিয়া দিলাম। ছাত্রেরা উহা দেখিয়া বিস্মিত ও স্তম্ভিত হইল। উহার মনে করিয়াছিল যে আমি কখনই এত অল্প সময়ের মধ্যে এবং এত অল্প প্রক্রিয়ার দ্বারা উহা করিতে পারিব না। তখন রত্নধর বড়ুয়া নামক একটা ছাত্র আমাকে বলিল যে মহাশয়, আপনি এত অল্প প্রক্রিয়ার দ্বারা উহা কিরূপে সমাধান করিলেন? আমাদের পূর্বকার সেকেণ্ড মাস্টার মহাশয় উহা করিতে না পারায় আমরা স্কুল ইনস্পেক্টর উইলসন্ সাহেব বাহাদুর এই বিজ্ঞালয় যখন গতবারে পরিদর্শন করিতে আসিয়াছিলেন তখন উঁহাকে এই অঙ্কটি দিয়াছিলাম। যদিও উনি করিয়া দিয়াছিলেন বটে, কিন্তু তাঁহার প্রক্রিয়া অতি দীর্ঘ হইয়াছিল। আমি বলিলাম যে, গণিতের সত্যতা কেহই লুকাইয়া রাখিতে পারে না, আমার প্রক্রিয়ার কোন স্থলে ভুল হইয়া থাকিলে দেখাইয়া দাও। তাহারা কোন স্থানে উহার ভুল দেখাইতে পারিল না। সেই দিন হইতেই আমার প্রতি ছাত্রদিগের বিশেষ শ্রদ্ধা ও

ভক্তি হইল। পরে কোন অঙ্কটী যদি দুইদিনও চেষ্টা করিয়া করিতে না পারিতাম তথাপি আমার প্রতি তাহাদের শ্রদ্ধার হাস্য হইত না। রত্নধর বড়ুয়া নামক ছাত্রটী গণিতে বড়ই পাকা ছিল কিন্তু ইংরাজী সাহিত্যে বড়ই কাঁচা ছিল। ইহার পূর্ব বৎসরে প্রবেশিকা পরীক্ষায় সে ইংরাজী সাহিত্যে অকৃতকার্য হইয়া আসিয়াছিল। নওগাঁ স্কুলে যাইয়া আমাকে অত্যন্ত গুরুতর পরিশ্রম করিতে হইয়াছিল। প্রথম শ্রেণীতে আমার ইতিহাস ও গণিতের অধ্যাপনা করিবার নিয়ম ছিল। কিন্তু বৃদ্ধ হেড্‌ মাষ্টার মহাশয় আমার স্বন্ধে ইংরাজী সাহিত্য পড়াইবার ভারও চাপাইয়া দিয়াছিলেন। তিনি আমাকে বলিয়াছিলেন যে ইতিহাস নিয়মিতরূপে আপনাকে শিক্ষা দিতে হইবে না। ছাত্রেরা উহা ঘরেই পড়িবে। আপনি ইতিহাস শিক্ষা দিবার সময়ে ইংরাজী সাহিত্য শিক্ষা দিবেন। হেড্‌ মাষ্টার মহাশয় ইংরাজী ব্যাকরণ শিক্ষা দিয়াই ক্ষান্ত হইতেন। দ্বিতীয় শ্রেণীতে আমাকে ইংরাজী সাহিত্য ও গণিত শিক্ষা দিতে হইত; ঐ সময়ে জরিপ ও পরিমিতি পাঠ্য ছিল। আমি প্রায়ই প্রতিদিন প্রাতে ছাত্রদিগকে সঙ্গে লইয়া মাঠে জরিপ করিতে যাইতাম। জরিপে তখন আমার বিশেষ জ্ঞানও ছিল না। নওগাঁ সাভে স্কুলের হেড্‌ মাষ্টার নন্দকুমার লাহা মহাশয়ের নিকট যাইয়া কয়েকদিন উহা শিক্ষা করিয়া আসিয়াছিলাম। পরে নিজেই উহা অতি উত্তমরূপে করিতে শিখিয়াছিলাম। নওগাঁর বাঙ্গালা স্কুলের প্রাঙ্গণ হইতে আরম্ভ করিয়া ডেপুটী কমিসনার সাহেবের বাঙ্গলো পর্যন্ত সমস্ত স্থানটী জরিপ করিয়া ছাত্রদিগের দ্বারা উহার নক্সা প্রস্তুত করাইয়াছিলাম। প্রথম শ্রেণীর শ্রীমান্‌ ননোমোহন লাহিড়ী নক্সা করিতে বিলক্ষণ পটু ছিল এবং ছবি আঁকিতেও বেশ পারদর্শী ছিল। ননোমোহনের নক্সা ও রত্নধরের নক্সা সর্বশ্রেষ্ঠ ও চিত্তাকর্ষক হইয়াছিল। পরে এ সম্বন্ধে ২১১টী কথা যথাস্থানে বলিব।

নওগাঁর ডেপুটী কমিসনার কর্ণেল ল্যাম্‌ প্রতিদিন প্রাতঃকালে

ভ্রমণ করিতে বাহির হইতেন এবং প্রায়ই আমার জরিপ কার্য মনোযোগ সহকারে দেখিতেন। আমি প্রাতে জরিপ কার্যে বেলা ৯টা পর্যন্ত কাটাইতাম। পরে স্নান আহার করিয়া বেলা ১১টার পূর্বেই স্কুলে যাইতাম। স্কুলের ছুটির পরে অর্থাৎ ৪টার পরে বাসায় আসিয়া জলযোগ করিয়া অল্প বিশ্রাম করিতাম। সন্ধ্যার পরে আবার প্রথম শ্রেণীর ৪৫টা ছাত্রকে লইয়া স্কুল-ডেপুটী ইনস্পেক্টর শ্রীযুক্ত হরিমোহন লাহিড়ী মহাশয়ের বাসায় বসিতাম। আমি সেখানে তখন তাহাদিগকে ইংরাজী সাহিত্য শিক্ষা দিতাম। হরিমোহনবাবু মনোমোহনের জ্যেষ্ঠতাত ছিলেন। ইহার বাড়ী পাবনা জেলার নগরবাড়ী গ্রামে। হরিমোহনবাবু একদিন কথা প্রসঙ্গে আমাকে বলিয়াছিলেন যে মনোমোহন সংস্কৃতে বড়ই কাঁচা। তাহাকে কি প্রবেশিকা পরীক্ষায় উত্তীর্ণ করাইতে পারিবেন? আমি বলিয়াছিলাম যে অবশ্যই পারিব। সংস্কৃত সাহিত্যে কাঁচা হইলেও অল্পবাদে বেশী নম্বর রাখিয়া ঐ বিষয়ে উত্তীর্ণ হইতে পারিবে। উহাতে তিনি বলিয়াছিলেন যে যদি আপনি মনোমোহনকে উত্তীর্ণ করাইতে পারেন তাহা হইলে আমার বিশেষ উপকার করা হইবে। আমি মনোমোহনের পিতাকে ভাল করিয়া লেখাপড়া শিখাইতে পারি নাই। সময়ে সময়ে তিনি আমাকে বলিতেন যে দাদা আমাকে ভাল করিয়া লেখাপড়া শিখাইলে না। এখন আর আমার এই প্রাণের ভ্রাতা ইহজগতে নাই। তাহার পুত্রকে কৃতবিদ্য করিতে পারিলে আমার মনের দুঃখ ও ক্ষোভ বাইবে। মনোমোহন প্রবেশিকা পরীক্ষায় কৃতকার্য হওয়ায়, ২০ টাকার একটি বৃত্তি পাইয়া কলিকাতার কোন কলেজ হইতে এক, এ, ও বি, এ, পাস করিয়া এবং বি, এল, পরীক্ষায় উত্তীর্ণ হইয়া এখন তেজপুর জেলায় ওকালতী করিতেছেন। এখন ইনি সেখানকার গভর্ণমেণ্টের উকীল ও মিউনিসিপ্যালিটির চেয়ারম্যান ও রায় বাহাদুর উপাধি পাইয়াছেন।

আমাকে নওগাঁর স্কুলে সেকেন্ড মাস্টারের কার্য করিবার সময়ে



প্রত্যহ প্রায় ১০।১২ ঘণ্টা পরিশ্রম করিতে হইত। প্রাতে ৬টা হইতে ৯টা পর্য্যন্ত মাঠে জরিপ করিতাম। স্কুলে ১১টা হইতে ৪টা পর্য্যন্ত কার্য করিতাম। সন্ধ্যার পরেও হরিমোহনবাবুর বাসায় ৪।৫টা ছাত্র লইয়া রাত্রি ৯ বা ১০টা পর্য্যন্ত কাটাইতাম। তখন আমার বয়স ৩২ বৎসর মাত্র। পরিশ্রম করিতে কাতর হইতাম না। এই সময়ে প্রবেশিকা পরীক্ষায় ইংরাজী সাহিত্যের নিদিষ্ট পাঠ্যপুস্তক ছিল না। কাজেই নানাপ্রকার পুস্তকের বিষয় লইয়া আলোচনা করিতে হইত। প্রবেশিকা পরীক্ষা আরম্ভ হইবার মাত্র ১৫।১৬ দিন পূর্বে কলিকাতার হিন্দুস্কুলের হেড্‌ মাষ্টার শ্রীযুক্ত ভোলানাথ পাল মহাশয়ের সঙ্কলিত একখানি ইংরাজী রচনা পুস্তক আমার হস্তগত হইয়াছিল। আমি পুস্তকখানির আত্মোপাস্ত মনোবোগ সহকারে পাঠ করিয়া উহার কয়েকটি স্থানে লাল পেন্সিল দিয়া দাগ দিয়াছিলাম এবং আরও ১০।১২টা সাহিত্য সম্বন্ধে প্রশ্ন প্রস্তুত করিয়া রাখিয়াছিলাম। যে চারিটি ছাত্র প্রবেশিকা পরীক্ষার্থ প্রেরিত হইয়াছিল, তাহাদিগকে ঐগুলি অভ্যাস করিতে বলিয়াছিলাম। রত্নধর ও মনোমোহন ঐ গুলি অভ্যাস করিয়াছিল এবং সঙ্গীরাম দাস ও নরেন্দ্রনাথ সেন ঐ গুলি অভ্যাস করে নাই।

১৮৮২ সালে নওগাঁ হাই স্কুলের প্রবেশিকা পরীক্ষার  
ফল আশাতীত সন্তোষজনক ও আমার আশা ও  
মনোবাঞ্ছা পূর্ণ হওয়া।

আমি যে প্রশ্নগুলি অভ্যাস করিবার জন্ত বলিয়া দিয়াছিলাম তাহার মধ্যে প্রায় ৮।১০টা প্রশ্ন প্রবেশিকা পরীক্ষায় প্রদত্ত হইয়াছিল। কাজেই রত্নধর প্রথম বিভাগে ও মনোমোহন দ্বিতীয় বিভাগে উত্তীর্ণ হইয়া ২০ টাকা হারে বৃত্তি পাইয়াছিল। আর সঙ্গীরাম ও নরেন্দ্রনাথ উভয়ে অকৃতকার্য হইয়াছিল। রত্নধর গণিতে বড়ই মজবুত ছিল,

এজন্ম সে প্রথম বিভাগে উত্তীর্ণ হইয়া ইংরাজী সাহিত্যে আসামীয়া ছাত্রদিগের মধ্যে প্রথম স্থান অধিকার করিয়াছিল। এবং গণিতে সমগ্র আসামপ্রদেশের মধ্যে সর্বোচ্চ স্থান অধিকার করিতে সমর্থ হইয়াছিল। এই আশাতীত উৎকৃষ্ট ফলের জন্ম রত্নধর দুইটি মেড্যাল পাইয়াছিল। ইংরাজী সাহিত্যে আসামীয়া ছাত্রদিগের মধ্যে প্রথম হওয়ায়, খগেন্দ্রনারায়ণ চৌধুরী স্মরণপদক ও গণিতে আসামপ্রদেশের মধ্যে প্রথম হওয়ায় ম্যাক্‌উইলিয়ম্ রোপ্যপদক। ম্যাক্‌উইলিয়ম্ সাহেব কাছার জেলায় বহুকাল ডেপুটী কমিসনার ছিলেন এজন্ম কাছারবাসীরা তাঁহার প্রতি শ্রদ্ধা ও ভক্তি প্রদর্শন জন্ম এই মেড্যালটির প্রতিষ্ঠা করিয়াছিলেন। আর গোয়ালপাড়ার মেছুপাড়ার (লক্ষ্মীপুর) জমিদার খগেন্দ্রনারায়ণ চৌধুরী মহাশয় স্মরণপদকটির ব্যয় ভার বহন করিতেন।

আমি যে স্কুল-ইনস্পেক্টর শ্রীযুক্ত জে, উইলসন্ সাহেব বাহাদুরের নিকটে আমার আবেদন পত্রে লিখিয়াছিলাম যে নওগাঁয় আমাকে সেকেণ্ড মাষ্টারের কার্যে বদলী করিলে আমি আমার কার্যে যোগ্যতা প্রদর্শন করিতে পারিব। মঙ্গলময় ভগবানের ইচ্ছায় তাহা প্রকৃতই প্রদর্শন করিতে পারিয়াছিলাম। রত্নধর বড়ুরা কলিকাতা প্রেসিডেন্সী কলেজ হইতে বি, এ, পরীক্ষায় উত্তীর্ণ হইয়া উত্তরকালে আসামের একজন সব-ডেপুটী কলেक्टर হইয়াছিল। কিন্তু নিদারুণ কাল-আজার রোগে আক্রান্ত হইয়া অকালে মৃত্যুমুখে পতিত হইয়াছিল।

এই সময়ে নওগাঁ স্কুলের ছাত্রদিগের মধ্যে কমলচন্দ্র শর্ম্মা ও কৈলাসনাথ শর্ম্মার নাম বিশেষ উল্লেখ-যোগ্য। কমলচন্দ্র বি, এ, পরীক্ষায় ও কৈলাস এম, এ, পরীক্ষায় উত্তীর্ণ হইয়াছিল কিন্তু করাল ব্যাধি কাল-আজার তাঁহাদের উভয়কে গ্রাস করিয়াছে। হেমচন্দ্র গোস্বামী আর একটা ছাত্র। ইনি আজকাল আসামের একজন একষ্ট্রা এসিষ্ট্যান্ট কমিসনার। ইনি রায় বাহাদুর উপাধি পাইয়াছেন। বুদ্ধীজ্ঞানাথ ভট্টাচার্য্যের নামও উল্লেখযোগ্য। সেবারে সম্রাটের

অভিষেককালে বুদ্ধীন্দ্র আসামের প্রতিনিধি শ্রীযুক্ত জগন্নাথ বেজ বড়ুয়া বি, এল্, এর সেক্রেটারী হইয়া বিলাতে গমন করিয়াছিলেন।

এই সময়ে নওগাঁ হাই স্কুলে নিম্নলিখিত ব্যক্তিগণ শিক্ষক ছিলেন।

নাম	পদ	বেতন
১। শ্রীযুক্ত হারানচন্দ্র চট্টোপাধ্যায় (চন্দন-নগর নিবাসী সে কালের ইংরাজী জানা লোক)।	হেড্‌মাস্টার	১২৫/-
২। শ্রীযুক্ত রাধেশ্বর সেন	সেক্রেণ্ড মাস্টার	৭৫/-
৩। " ধর্মেশ্বর গোস্বামী (এফ., এ পর্য্যন্ত পড়া নওগাঁর জখলা বাঁধা সত্রেণ গোস্বামী)।	থার্ড মাস্টার	৫০/-
৪। শ্রীযুক্ত যোগেশ্বর মহান্ত প্রবেশিকা পরীক্ষা পর্য্যন্ত পড়া।	ফোর্থ মাস্টার	৩০/-
৫। শ্রীযুক্ত তুলসীরাম শর্মা	ফিফ্‌থ্‌ মাস্টার	২০/-
৬। শ্রীযুক্ত আনন্দমোহন বসু (ঢাকা নর্থ্যাল স্কুলের পরীক্ষোত্তীর্ণ)।	পণ্ডিত	৩০/-

নওগাঁ হাই স্কুলের বুদ্ধ হেড্‌মাস্টার শ্রীযুক্ত হারানচন্দ্র

চট্টোপাধ্যায় মহাশয় সম্বন্ধে কয়েকটি কথা

হেড্‌মাস্টার হারানবাবু বিস্তর অর্থ সংগ্রহ করিয়া পেন্সন্ লওয়ার পরে কলিকাতার বাহুড়বাগানে ১৩০০০/- টাকা ব্যয়ে একটি বাড়ী করিয়াছিলেন। ইহার দ্বিতীয়পক্ষের জ্যেষ্ঠ পুত্র শ্রীমান্ ভবতারণ চট্টোপাধ্যায় বি, এ, বাংলাদেশের একজন নামজাদা ডেপুটি ম্যাজিস্ট্রেট। মধ্যে কিছু দিনের অল্প ফরিদপুর জেলায় ম্যাজিস্ট্রেটের কার্য করিয়াছিলেন। দ্বিতীয় পুত্র শ্রীমান্ যতীন্দ্রনাথ সাড়ে বার বৎসর বয়সে

ধুবড়ী হাইস্কুল হইতে প্রবেশিকা পরীক্ষায় উত্তীর্ণ হইয়া পরে বি, এল, পাস করিয়া উকীল হইয়াছে।

নওগাঁর বৃদ্ধ হেড্‌ মাস্টার শ্রীযুক্ত হারানচন্দ্র চট্টোপাধ্যায় মহাশয় বড়ই রূপণ-স্বভাবের লোক ছিলেন। এই নিমিত্ত মধ্যে মধ্যে ঐ দোষে ছাত্রদিগের সহিত তাঁহার সংঘর্ষণ উপস্থিত হইত এবং তাঁহার নামে ডিষ্ট্রিক্ট কমিটির চেয়ারম্যানের নিকট অভিযোগ উপস্থিত হইত।

## জেলা স্কুলের হেড্‌ মাস্টার ও স্কুল ডেপুটী ইনস্পেক্টরের পরস্পর সম্বন্ধ।

অভিযোগ উপস্থিত হইলেই চেয়ারম্যান মহোদয় স্কুল-ডেপুটী ইনস্পেক্টর হরিমোহন লাহিড়ী মহাশয়কে উহা তদন্ত করিয়া রিপোর্ট দিবার জ্ঞাত স্কুলে পাঠাইতেন এবং হরিমোহনবাবুও তদন্ত করিতে আসিতেন। হরিমোহনবাবুর বেতন ছিল ১৫০ টাকা এবং হেড্‌ মাস্টারের বেতন ছিল ১২৫ টাকা; সুতরাং সাহেবদের ধারণা ছিল যে হেড্‌ মাস্টার ডেপুটী ইনস্পেক্টরের অধীনস্থ কর্মচারী; অথচ উভয়েই ডিষ্ট্রিক্ট কমিটির মেম্বর ছিলেন। হরিমোহনবাবু মধ্যে মধ্যে স্কুল পরিদর্শন করিতে আসিয়া পরিদর্শন বহীতে তাঁহার মন্তব্য লিপিবদ্ধ করিয়া তাঁহার নাম স্বাক্ষর করতঃ ডেপুটী ইনস্পেক্টর বলিয়া লিখিতেন অথচ স্কুল-ডেপুটী ইনস্পেক্টরদিগের সহিত, জেলা স্কুলের কোনই সম্বন্ধ ছিল না। এবং উহাদের স্কুল-ডেপুটী ইনস্পেক্টর ভাবে জেলা স্কুল পরিদর্শন করিবার ক্ষমতাও ছিল না।

আমি নওগাঁয় যাওয়ার পরে এই ব্যাপারটি দুই তিনবার দর্শন করিয়া হেড্‌ মাস্টার হারানবাবুকে বলিলাম যে আপনি এইরূপে ডেপুটী ইনস্পেক্টরের স্পর্ধা কেন বাড়াইয়া দিয়াছেন? হারানবাবু বড়ই ভীক ছিলেন। মাহুষের দোষ থাকিলে প্রায়ই ভীক হয়। হারানবাবু বলিলেন যে সাহেবদের ধারণা আমি ডেপুটী ইনস্পেক্টরের অধীনস্থ

কর্মচারী, এজ্ঞাই চেয়ারম্যান মহোদয় যে কোন বিষয় তদন্ত করিবার জ্ঞ হরিমোহনবাবুকে স্থলে পাঠান। আমি বলিলাম, যে আপনি সহ্য করিতে পারেন করুন কিন্তু আমি সহ্য করিব না। হারানবাবু বলিলেন, দেখিতেছি আপনি একটা গোলমাল বাধাইবেন। আমি বলিলাম নিশ্চয়ই। আমি শিক্ষাবিভাগের বিধি পুস্তক দেখাইয়া দিয়া বলিলাম যে এই শিক্ষাবিভাগের বিধি পুস্তকে ডেপুটী ইনস্পেক্টর ও হেড্-মাষ্টারের মধ্যে কোন সন্দেহ নাই স্পষ্টই লেখা আছে। আমি একখানি চিঠি লিখিয়া ঐ বিধিগুলির প্রতি চেয়ারম্যান মহোদয়ের মনোযোগ আকর্ষণ করিব। তাহা হইলেই তাঁহার ধারণার পরিবর্তন ঘটবে। আপনাকে ঐ চিঠিখানি স্বাক্ষর করিতে হইবে। অনেক বলার পরে হেড্-মাষ্টার মহাশয় চিঠিখানিতে স্বাক্ষর করিলেন। চিঠিখানি পাইয়াই চেয়ারম্যান মহোদয়ের ধারণার পরিবর্তন হইল এবং তার পরে আর কখনও হরিমোহনবাবুকে তদন্ত করিতে পাঠাইতেন না। ইহার পরে একটা ঘটনা তদন্ত করিবার জ্ঞ রায় গুণাভিরাম বড়ুৱাকে পাঠাইয়াছিলেন। রায় বড়ুৱা বাহাদুর একট্রা এসিষ্ট্যান্ট কমিসনার ও কমিটীর অগ্রতম সদস্য ছিলেন।

এই ঘটনার পর হইতে ডেপুটী ইনস্পেক্টর হরিমোহনবাবু আমার উপর একটু বিরক্ত হইয়াছিলেন এবং ২১টি কার্যের দ্বারা এই মনোভাবটা ব্যক্ত হইয়া পড়িয়াছিল।

নগরীর স্কুল ডেপুটী ইনস্পেক্টর শ্রীযুক্ত হরিমোহন

লাহিড়ী মহাশয়ের দোষ ও গুণ এবং উহার

আত্মসন্মান জ্ঞান ও নির্ভীকতা।

হরিমোহনবাবু একটু অস্বাভাব্য প্রভুত্ব করিতে ভালবাসিতেন কিন্তু তাঁহার অনেকগুলি সদগুণও ছিল। তিনি লোকের সহিত বেশ মিশিতে ও সকলের উপকার করিতে ভালবাসিতেন। ইনি এখন

স্বয়ং বুদ্ধ হইলেও মানসিক, নৈতিক ও দৈহিক বল তাঁহার বিলক্ষণ ছিল। তাঁহার সৎক্ষে একটি ঘটনা বিলক্ষণ উল্লেখযোগ্য বলিয়া এখানে বিবৃত হইল। কালীচরণ খাঁ নামে তাঁহার একমাত্র জামাতা ছিল। এই জামাতাটি তাঁহার নওগাঁর বাসায় থাকিয়া নওগাঁ হাই স্কুলে অধ্যয়ন করিত। শুনিয়াছি যুবকটি বিলক্ষণ বুদ্ধিমানও ছিল। জামাতার কোন অশ্রায় কার্যের জন্ত হরিমোহনবাবু তাহাকে সামান্যরূপ তিরস্কার করিয়াছিলেন। যুবকটি অভিমানে বিষ ভক্ষণ করিয়া আত্মহত্যা করে। যখন সে আত্মহত্যা করে তখন হরিমোহনবাবু মফঃস্বলে স্কুল পরিদর্শন করিতে গিয়াছিলেন। এই হৃদয়-বিদারক ঘটনাটির সংবাদ মফঃস্বলেই পাইয়াছিলেন। সংবাদ পাইয়া চিন্তা করিতে করিতে অস্বাভাব্যে ইনি একটা সাহেবের চা বাগানের মধ্য দিয়া আসিতে-ছিলেন। রাস্তাটি অবশ্য সরকারি ছিল। কিন্তু উহার দুই ধারেই সাহেবের চা বাগান ছিল। ইনি যখন ঘোড়ায় চড়িয়া চা বাগানের মধ্য দিয়া আসিতেছিলেন তখন ম্যানেজার সাহেব তাঁহার বাঙ্গলোর বারান্দায় বসিয়াছিলেন। হরিমোহনবাবু উহাকে সেলাম করিয়া আসেন নাই। সাহেব ইহাতেই ধৈর্য্যচ্যুত হইয়া তাড়াতাড়ি টুপি মাথায় দিয়া হরিমোহনবাবুর ঘোড়ার নিকট আসিয়াই উহার পা ধরিয়া, ঘোড়া হইতে ফেলিয়া দিয়া উহার মুখে একটা ঘুসি মারিলেন। হরিমোহনবাবু ভয় করিবার ছেলে ছিলেন না। তখনই তাঁহার ঘোড়ার চাবুক ( একগাছি বেত ) দ্বারা একরূপ সজোরে সাহেবের মস্তকে ও পৃষ্ঠে আঘাত করিলেন যে তাঁহার টুপিটি দ্বিখণ্ডিত হইয়া পড়িয়া গেল এবং পৈতাম্বর ছায় তাহার পৃষ্ঠে একটা দাগ পড়িল। হরিমোহনবাবু তখন সাহেবকে বলিতে লাগিলেন যে আমি তোমাকে ভয় করি না এবং মৃত্যুকে পর্য্যন্ত ভয় করি না। তুমি বাঙ্গলো হইতে বন্দুক লইয়া আইস আমি এখানে অবিচলিতভাবে দাঁড়াইয়া থাকিব। বাগিচার অনেক কুলি তখন সমবেত হইয়া হরিমোহনবাবুর ও সাহেবের

হৃদযুদ্ধ দেখিতে লাগিল। হরিমোহনবাবুর সহিত মটক্ জাতীয় তাঁহার একটা সহিস ছিল। অস্ত্রের গ্রায় তাহার চেহারা ছিল। সৰুদাই তাহার হাতে একখানি “দা” থাকিত সে ঐ দা খানি কুলীদিগকে দেখাইয়া বলিল যে তোরা দূরে থাকিয়া সাহেবের ও বাবুর যুদ্ধ দেখ ; যদি বাবুর গায়ে হাত দিস্ তাহা হইলে এই দা দিয়া তোদের সকলকেই কাটিয়া ফেলিব। কুলীরা ভয় পাইয়া আর অগ্রসর হইল না। তখন সাহেব বাহাদুর হরিমোহনবাবুকে বলিলেন বাস্ বাস্ বাবু। I respect a Bengali gentleman অর্থাৎ আমি বাঙ্গালী ভদ্রলোককে মান্য করি। এইখানেই এই হৃদযুদ্ধের অবসান হইল বটে, কিন্তু সেদিন রাত্রিতেই উক্ত সাহেব আরও কয়জন সাহেব নওগাঁয় আসিয়া ডেপুটী কমিসনার সাহেব বাহাদুরের নিকট এই ঘটনাটির উল্লেখ করেন। ঐ দিন আসাম-উপত্যকা জেলা সমূহের জজ ও কমিসনার ওয়ার্ড সাহেবও নওগাঁয় উপস্থিত ছিলেন। তাঁহার নিকটেও সাহেবেরা দল বান্ধিয়া গিয়া-ছিলেন। হরিমোহনবাবুকে নওগাঁ হইতে সরাইয়া দিবার প্রস্তাব চলিতেছিল তখন স্বেযোগ আসে নাই। পরে স্বেযোগ উপস্থিত হওয়ায় উহা কার্য্যে পরিণত হইয়াছিল। পরে এ সম্বন্ধে যথাস্থানে সমস্ত বিবৃত হইবে। এই সময়ে নওগাঁ সহরে যে সকল উল্লেখযোগ্য বাঙ্গালী ও আসামীয়া ভদ্রলোক ছিলেন তাঁহাদের নাম নিয়ে প্রদত্ত হইল।

### নওগাঁ সহরের ভদ্রলোকদিগের নাম ও পরিচয়

আসামীয়া ভদ্রলোক—

শ্রীযুক্ত রঘুদেব গোস্বামী, ( জখলা বান্ধা সত্বের কর্তা )।

” শুকদেব গোস্বামী, উইঁার সহোদর ভ্রাতা।

” চন্দ্রহাস গোস্বামী, উইঁার জ্যেষ্ঠ পুত্র।

” নন্দেশ্বর ফুকন, রেভেনিউ সুপারিন্টেন্ডেন্ট্।

” বাবুরাম শর্মা, জুডিশিয়াল সুপারিন্টেন্ডেন্ট্।

শ্রীযুক্ত নন্দীরাম শর্মা, সেরেস্তাদার ।

” চন্দ্রকান্ত বড়ুরা, হেড্‌ ক্লার্ক ।

” রায় গুণাভিরাম বড়ুরা বাহাদুর একট্টা এসিষ্ট্যান্ট কমিসনার ।

## জখলা বান্ধা সত্বে কৰ্ত্তা শ্রীযুক্ত রঘুদেব গোস্বামী মহাশয় ।

শ্রীযুক্ত রঘুদেব গোস্বামী মহাশয়কে সকলেই বিলক্ষণ ভক্তি ও শ্রদ্ধা করিত। ইনি বাঙ্গালী ভদ্রলোকদিগের সহিত বিশেষভাবে মেশামিশি করিতেন। ইহাদিগকে মধ্যে মধ্যে নিমন্ত্রণ করিয়া খাওয়াইতেন। এজন্য ইহাকে বাঙ্গাল গোসাই বলা হইত। ইহাও শুনিয়াছি উঁহার পূৰ্বপুরুষ নাকি বাঙ্গালী ছিলেন। ইনি বাঙ্গালা দেশে আসিয়া শাস্ত্রাধ্যয়ন করিয়াছিলেন। ইনি বাঙ্গালী ঘেসা ছিলেন বলিয়া ইহঁার সহোদর ভ্রাতা শুকদেব গোস্বামী মহাশয় ইহাকে সত্বে কৰ্ত্তৃত্ব হইতে অপসারিত করিবার জন্ত চেষ্টা করিয়াছিলেন। ইহা লইয়া মামলা মোকদ্দমাও হইয়াছিল। শুকদেব গোস্বামী মহাশয় তাঁহার এই চেষ্টায় সফল হইতে পারেন নাই।

## রায় গুণাভিরাম বড়ুরা বাহাদুর

রায় গুণাভিরাম বড়ুরা বাহাদুর ব্রাহ্ম-ধর্মাবলম্বী ছিলেন এবং বিধবা বিবাহ করিয়াছিলেন। ইনি বড়ই মিষ্টভাবী, সদালাপী, বিছোৎসাহী ও সর্বজনপ্রিয় ছিলেন। আরও অনেক গণ্যমান্ত আসামীয়া ভদ্রলোক ছিলেন সকলের নাম স্মরণ নাই।

বাঙ্গালী ভদ্রলোকদিগের মধ্যে নিম্নলিখিত ব্যক্তিগণের নাম সমধিক উল্লেখ-যোগ্য :—

শ্রীযুক্ত জনমেজয় দাস, নওগাঁ হাই স্কুলের পেন্সন্ ও অবসর-প্রাপ্ত হেড্‌ মাস্টার



শ্রীযুক্ত হারানচন্দ্র চট্টোপাধ্যায়, হেড্‌ মাষ্টার ।

” রামদুর্লভ মজুমদার, বি, এল্‌, উকীল ।

” রাজগোবিন্দ সোম, উকীল ।

” গুরুনাথ দত্ত, বাঙ্গাল। স্কুলের হেড্‌ পণ্ডিত ।

” রাসবিহারী সেন, পুলিশ সৰ্‌ ইনস্পেক্টর ।

” মধুসূদন সেনগুপ্ত, ব্যবসাদার ।

” নন্দকিশোর বসু, নাজির ।

” আনন্দমোহন বসু, নওগা হাই স্কুলের পণ্ডিত ।

” উমেশচন্দ্র চট্টোপাধ্যায়, পোষ্টমাষ্টার ।

” জগৎচন্দ্র দত্ত, মোক্তার ।

আর একজন ভদ্রলোক ছিলেন শ্রীযুক্ত জানকীনাথ সেন উকীল । ইহঁার পিতা শ্রীহট্টনিবাসী ছিলেন ও মাতা ছিলেন আসামীয়া রমণী । ইনি বাঙ্গালী বলিয়াই পরিচয় দিতেন । ইনি প্রতি বৎসরই নিষ্ঠা সহকারে দুর্গোৎসব করিতেন ।

**নওগাঁ জেলা স্কুলের অবসর প্রাপ্ত হেড্‌ মাষ্টার শ্রীযুক্ত**

**জনমেজয় দাস আসামপ্রদেশে ইংরাজী শিক্ষার**

**প্রথম পথ-প্রদর্শক ।**

অবসর-প্রাপ্ত হেড্‌ মাষ্টার শ্রীযুক্ত জনমেজয় দাসের বাড়ী ছিল কলিকাতায় । ইনি জাতিতে নাপিত ছিলেন । ইনি সিপাহী বিদ্রোহের সময়ে পাটনা হইতে চট্টগ্রামে বদলী হন । তথা হইতে গোঁহাটী জেলা স্কুলের হেড্‌ মাষ্টার হইয়া আসেন । ইনি যখন গোঁহাটীতে বদলী হন, তখন ইহঁার সঙ্গে ইহঁার দেশের বিবাহিতা স্ত্রী ছিলেন । গোঁহাটীতে তাঁহার ঐ জীবন যুত্ব হয় । সময়ে বিদায় না পাওয়ায় এবং তখন গোঁহাটী হইতে কলিকাতায় যাতায়াত করা বড়ই কষ্টকর ও অস্ববিধা-

জনক ছিল বলিয়া ইনি গৌহাটীর নিকটবর্তী কোন স্থানের এক আশামীয়া ভক্ত পরিবারের কন্যাকে বিবাহ করিয়াছিলেন। তাঁহার মৃত্যু পর্যন্ত তাঁহার এই স্ত্রী জীবিতা ছিলেন। ইঁহার চা-বাগিচা ছিল এবং বন্য হস্তী ধরিবার ব্যবসায়ও ছিল। ইঁহার নিজের দুইটা শিকারী হাতী ছিল। ইঁহার বাকসা নামে শিকারী হাতীটি, হাতী শিকারে বা বন্য হস্তী ধরিবার কার্যে বড়ই দক্ষ ছিল। ইনি নওগাঁতে পাকা ঘর বাড়ী নিশ্চয় করিয়াছিলেন। চা-বাগিচার সাহেবদিগের প্রতি-যোগিতায় নষ্ট হইয়া যাওয়ায় এবং কয়েক বৎসর হাতী ধরিতে না পারায় ইঁহার অবস্থার অবনতি হয়। শেষে মাসে ৭৫ টাকা পেন্সনই ইঁহার উপজীবিকা হইয়া পড়িয়াছিল। আসামপ্রদেশে ইনিই প্রথম ইংরাজী শিক্ষা বিস্তার করেন এবং অনেক গণ্যমান্য আসামীয়া ভক্ত লোক ইঁহার ছাত্র ছিলেন।

ইনি কলিকাতাবাসী হইলেও, কলিকাতার সহিত ইঁহার কোন সংশ্লিষ্ট ছিল না। ইনি যখন চট্টগ্রামে বদলী হন তখন রেলগাড়ীর সৃষ্টি হয় নাই। ইনি কখনও রেলগাড়ী দেখেন নাই।

উকীল রামহুর্দ্দ মজুমদার ও পণ্ডিত গুরুনাথ দত্ত ব্রাহ্ম-ধর্মাবলম্বী ছিলেন ও বিধবা বিবাহ করিয়াছিলেন। ইঁহারা উভয়েই অতি অমায়িক, পরোপকারী, ও সহৃদয় ব্যক্তি ছিলেন। ইঁহাদের উভয়ের স্ত্রীও বিদুষীও পরোপকারিণী ছিলেন। ইঁহাদের নিকট আমি অনেক বিষয়েই শ্রী ছিলাম।

উকীল রাজগোবিন্দ সোম শ্রীহট্টবাসী ছিলেন। শ্রীহট্ট জেলার ও সদর ষ্টেশনের অতি নিকটে আকালিয়া নামক গ্রামে ইঁহার বাস ছিল। কলিকাতা কেপিড্র্যাল মিসন্ কলেজের ভূতপূর্ব ত্রায়দর্শন-শাস্ত্রাধ্যাপক ও পরে হাইকোর্টের উকীল শ্রীযুক্ত জয়গোবিন্দ সোমের ইনি সহোদর ভ্রাতা ছিলেন। খৃষ্টধর্মে ইঁহার বিশেষ আস্বা ছিল। জয়গোবিন্দবাবু খৃষ্টধর্ম অবলম্বন করিয়াছিলেন। ইঁহাকে আসামীয়ারা রজিলা উকীল

বা কোতুকপ্রিয় উকীল বলিত। ইহাঁর বাসা ও আমার বাসা লাগালাগি ছিল বলিয়া ইহাঁর সহিত আমার বিশেষ বন্ধুত্ব জন্মিয়াছিল।

নন্দকিশোর বহু নাজির, গোঁড়া হিন্দু ছিলেন। মধুসূদন সেনগুপ্ত মহাশয় শিক্ষিত ও মার্জিত রুচি সম্পন্ন ছিলেন। ইনিও ব্রাহ্ম ছিলেন।

সরকারি মোকদ্দমা উপলক্ষে গোঁহাটীর খ্যাতনামা উকীল শ্রীযুক্ত রামগোপাল চক্রবর্তী মহাশয় সময়ে সময়ে নওগাঁতে যাইতেন এবং আমাদের মধ্যে কোন ব্যক্তি বিশেষের বাসায় আতিথ্য গ্রহণ করিতেন। তাঁহার আগমনে আমাদের সর্বত্রই আমোদ-আহ্লাদ হইত এবং নৈশ ভোজে তাঁহাকে আহ্বান করিয়া বাসায় বাসায় আনন্দ উৎসব হইত। একটা নৈশ ভোজে আমিও নিমন্ত্রিত হইয়া উপস্থিত ছিলাম। এই নৈশ ভোজে মদের শ্রাব হইতেছিল। রামগোপালবাবুর সহিত ডিক্রগড় থাকা কাল হইতেই আমার বিশেষ বন্ধুত্ব ছিল। এই রাত্রিতে ইনি আমাকে মদ খাওয়াইবার জন্ত বিশেষ পীড়াপীড়ি করিতে লাগিলেন। আমি বলিলাম ডিক্রগড়ে কখনও আমাকে মদ খাইতে দেখিয়াছেন কি? আপনার সঙ্গে ত আমার এই নূতন আলাপ পরিচয় নয়? ইনি বলিলেন তোমরা শিক্ষকগণ, ডুব দিয়া জল খাও। তোমরা বর্ণচোরা আম। রাত্রি ১০।১১ টার পরে অনেক শিক্ষকই মদের আসরে নামেন। এই বলিয়া তিনি শিবসাগর প্রভৃতি কয়েকটা স্থানের কয়েকজন শিক্ষকের নামও করিলেন। কিন্তু আমাকে কিছুতেই মদ খাওয়াইতে না পারিয়া বলিলেন দাদা, বেশ করেছ, মদের অনিষ্টকারিতা আমি বেশই বুঝি, তথাপি ঐ ছাই খাইয়া শরীরটাকে এককালে নষ্ট করিয়া ফেলিয়াছি। আর লোককে দলে টানিতেও বিশেষ চেষ্টা করি। তুমি বেশ করেছ, কখনও মদ খেওনা। যদি মদ খাও তবে ডান হাতে করিয়া বাপের সঙ্গে গু থাইবা। আমি কখনও মদ খাই নাই তবে সাদা চোখে মদের আসরে বেশ আমোদ প্রমোদ করিতে পারিতাম এবং নিজ হাতে করিয়া গ্লাসে মদ ঢালিয়া

মাতালদিগকে খাওয়াইতাম এবং চাট ধ্বংস করিতাম। বুদ্ধপুত্র জেলা স্কুলের চাকরী আরম্ভ করার পর হইতেই সৌভাগ্যক্রমে অনেক উচ্চ-পদস্থ ব্যক্তির সহিত আমার আলাপ পরিচয় হইয়াছিল। এই সমস্ত উচ্চ-পদস্থ ব্যক্তিদিগের মধ্যে কেহ কেহ পানাসক্ত ছিলেন। ইহারা আমাকে মদ খাওয়াইতে বিশেষ চেষ্টা করিয়াও কখনও আমাকে মদ খাওয়াইতে পারেন নাই। ১৮৭৩ সালের জুলাই মাস হইতে আরম্ভ করিয়া এই ১৮৮২ সনের মাঝামাঝি পর্য্যন্ত আমি অনেক উচ্চপদস্থ ব্যক্তিগণ কর্তৃক অনুরুদ্ধ হইয়াও কখনও মত্ত পান করি নাই।

ডেপুটি ইনস্পেক্টর হরিমোহনবাবুর সহিত চা-বাগিচার সাহেবের সহিত মারামারি সম্বন্ধে লিখিয়াছি যে, আসাম উপত্যকা জেলা সমূহের জজ ও কমিসনার ওয়ার্ড সাহেব বাহাদুরের নিকটেও চা-বাগিচার কয়েকজন সাহেব যাইয়া তাঁহাকে এই ঘটনার কথা বলিয়াছিলেন। এই কথাটা ওয়ার্ড সাহেব বাহাদুরের মুখেই প্রকাশ পাইয়াছিল। এই ঘটনার পরে যখন ওয়ার্ড সাহেব বাহাদুর গুনরায় দায়রা বিচার করিবার জন্ত নওগাঁয় গিয়াছিলেন তখন হরিমোহনবাবু তাঁহার সহিত সাক্ষাৎ করিতে গেলে সাহেব বাহাদুর তাঁহাকে বলিয়াছিলেন যে, বাবু আমি শুনিয়াছি আপনার সহিত কোন চা-বাগিচার ম্যানেজারের মারামারি হইয়াছিল। আপনি ঐ সাহেবের নামে ফৌজদারী আদালতে নালিশ করেন নাই কেন? হরিমোহনবাবু তৎক্ষণে বলিয়াছিলেন যে এই বৃদ্ধ বয়সে ফৌজদারী আদালতে উপস্থিত হইয়া আমার মোকদ্দমা করিবার প্রবৃত্তি হয় নাই। Besides I had my own satisfaction I gave him a very good cut. অর্থাৎ তা ছাড়া আমার নিজের সন্তোষ আমি নিজেই আদায় করিয়া লইয়াছিলাম আমি সাহেবকে বেশ একটা মার বা আঘাত দিয়াছিলাম। এই ঘটনার কিছু দিন পরে আসামে জেলা ও স্থানীয় বোর্ডের প্রতিষ্ঠা হইয়াছিল।

ডিষ্ট্রিক্ট বোর্ডের মেম্বর বা সদস্য হওয়াতে ঐ সাহেবকে ও তাঁহার বন্ধু সাহেববর্গকে হরিমোহনবাবুর সহিত একত্রেই বসিতে হইত। এটা তাঁহাদের ভাল লাগিত না। হরিমোহনবাবুকে নওগাঁ হইতে বদলী করাইতে তাঁহাদের একান্ত ইচ্ছা ও চেষ্টা হইয়াছিল। পরে উহার সুযোগও আসিয়াছিল।

আমি যখন নওগাঁ স্কুলের সেকেন্ড মাষ্টারের কার্য্য করিতেছিলাম সেই সময়ে তেজপুর জেলা স্কুলের হেড্ মাষ্টার শ্রীযুক্ত শরচ্চন্দ্র মজুমদার ও দরং জেলার (তেজপুরের) স্কুল ডেপুটী ইনস্পেক্টর শ্রীযুক্ত মহিম-চন্দ্র চক্রবর্তী আসাম প্রাদেশিক অধ্যন্তন সিভিল সার্ভিসে পরীক্ষা দিয়া উত্তীর্ণ হইয়া সর্ব্ ডেপুটী কলেক্টর হইয়াছিলেন।

আসামের পতিত জমি সকলের জরিপ কার্য্য করিবার জন্য ইঁহারা উভয়েই নিয়োজিত হইয়াছিলেন। ইঁহারা জরিপ করিয়া জরিপ করা জমির যে ম্যাপ্ বা নক্সা প্রস্তুত করিয়াছিলেন তাহাতে অনেক জ্ঞাতব্য বিষয় ছিল না। আসামের তদানীন্তন মাননীয় চিফ্ কমিসনার ইলিয়ট সাহেব বাহাদুর ঐ সমস্ত নক্সা দেখিয়া সন্তুষ্ট হইতে পারেন নাই। চিফ্ কমিসনার বাহাদুর আমাদের ইনস্পেক্টর উইলসন্ সাহেবের নিকট এই মন্তব্য প্রকাশ করিয়াছিলেন যে আসামের শিক্ষা-বিভাগের হেড্ মাষ্টার ও ডেপুটী ইনস্পেক্টরেরা জরিপ কার্য্য ভালরূপ জানেন না। ১৮৮৩ সনের শীতকালে ইলিয়ট সাহেব বাহাদুর সফরে বাহির হইয়া নওগাঁয় আসিয়াছিলেন। চিরপ্রথা অনুসারে আমাদের ইনস্পেক্টর সাহেব বাহাদুরও তাঁহার সঙ্গে আসিয়াছিলেন। আমাদের স্কুলের পরিদর্শন কার্য্য সমাপ্ত হইয়া গেলে ইনস্পেক্টর সাহেব বাহাদুর আমাকে জিজ্ঞাসা করিলেন যে ছাত্রদিগকে জরিপ করাইয়া নক্সা প্রস্তুত কবাইয়াছি কিনা। আমি বলিলাম করাইয়াছি। সাহেব তখন জিজ্ঞাসা করিলেন যে ঐ সমস্ত নক্সায় টাইলাইন্ ও টেট্‌লাইন্ দেওয়া

হইয়াছে কিনা। আমি বলিলাম হইয়াছে। সাহেব তখন আমাকে বলিলেন যে ঐ নকশাগুলি লইয়া আমি যেন সেই দিনই মধ্যাহ্নে সার্কিট বান্ধলোয় যাই। আমি তদনুসারে নকশা লইয়া নির্দিষ্ট সময়ে সার্কিট বান্ধলোয় গেলাম। তখন চিফ্ কমিসনার সাহেব বাহাদুর আদালত ও অফিস সমস্ত পরিদর্শন করিতে গিয়াছিলেন। সার্কিট বান্ধলোয় আমাদের সাহেব ও চিফ্ কমিসনারের পাসপোর্ট এসিষ্ট্যান্ট গাইড সাহেব (Geidt) মাত্র উপস্থিত ছিলেন। (পরে ইনি কলিকাতা হাইকোর্টের অগ্রতম জজ হইয়াছিলেন। আমাদের সাহেব নকশাগুলি দেখিয়া বড়ই প্রীত হইলেন এবং গাইড সাহেবকে ঐগুলি দেখাইয়া বলিলেন যে চিফ্ বলিতেছিলেন আমার অধীনস্থ শিক্ষকেরা জরিপ করিয়া নিভুল নকশা প্রস্তুত করিতে জানে না। দেখ দেখি এই নকশাগুলি কেমন সুন্দর ও প্রয়োজনীয় বিষয় সমন্বিত হইয়াছে। এই বলিয়া মনোমোহন লাহিড়ী ও রত্নধর বড়ুয়া অঙ্কিত নকশা দুইখানি রাখিয়া দিলেন এবং আমাকে বলিলেন ঐ দুইখানি নকশা চিফ্ কমিসনার বাহাদুরকে দেখাইব। নকশা দুইখানি রাখিয়া আসিলাম। নকশা দুইখানি বাস্তবিকই অতি সুন্দর ও নিভুল হইয়াছিল। ঐ দুইখানি নকশা চিফ্ কমিসনার বাহাদুরকে দেখাইবার সময়ে আমার কথা তাঁহার নিকটে তুলেন এবং বলেন যে এই সেকেন্ড মাস্টারটি বড়ই সুদক্ষ ও কর্মক্ষম, ইহার স্বাস্থ্য কিছু দুর্বল। আমি ইচ্ছা করি যে ইহাকে শিক্ষকতা হইতে বদলী করিয়া ডেপুটি ইনস্পেক্টর করি। দরং জেলার ডেপুটি ইনস্পেক্টর মহিমচন্দ্র চক্রবর্তী এক্ষণে সব্ ডেপুটি কলেक्टर নিযুক্ত হইয়াছেন। ইহার পদে একজন লোক অস্থায়ীভাবে কার্য্য করিতেছে। ঐ পদে এই সেকেন্ড মাস্টারকে নিযুক্ত করিতে চাই। চিফ্ কমিসনার সাহেব বাহাদুর আমার কার্য্য দর্শনে সন্তুষ্ট হইয়া আমাকে ঐ পদে নিযুক্ত করিবার আদেশ দিলেন। ঐ আদেশ যথা সময়ে আসাম্ গেজেটে প্রকাশিত হইল। আদেশের প্রতিলিপি এই :—

GENERAL DEPARTMENT,

*The 12th June 1883.*

Notification No. 145.—The Chief Commissioner has been pleased to appoint Babu Rameswar Sen, Second Master, Nowgong High School to act as Deputy Inspector of Schools, Fourth Grade, during the absence of Babu Mohim Chandra Chakravarty or until further orders. Babu Rameswar Sen is posted to Goalpara.

ইনস্পেক্টর সাহেব বাহাদুর তাঁহার ১৮৮৩ সনের ২২শে জুন তারিখে ঐ আদেশের অহুলিপি সহ আমাকে তাঁহার ১২৫৩ নং চিঠির দ্বারা জানানাইলেন যে আমি যেন এইরূপ বন্দোবস্ত করিয়া ধুবড়ী রওনা হই যে ২ই বা ১০ই জুলাই তারিখে আমি ধুবড়ীতে তথাকার ডেপুটী ইনস্পেক্টর শ্রীযুক্ত গিরিশচন্দ্র দত্তের নিকট হইতে তাঁহার কার্যভার গ্রহণ করিতে পারি এবং গিরিশবাবু যেন ১১ই কি ১২ই জুলাই তারিখে নওগাঁ অভিমুখে ষ্টিমার যোগে যাত্রা করিতে পারেন।

এই সুযোগে হরিমোহনবাবুকেও নওগাঁ হইতে সাহেবদের ইচ্ছানুসারে সরাইয়া দেওয়া হইল। এইবারে আসামের প্রত্যেক জেলার ডেপুটী ইনস্পেক্টরদিগকে বদলী করা হইল। কামরূপের (গৌহাটীর) ডেপুটী ইনস্পেক্টর শশিভূষণ দত্ত তেজপুর হাই স্কুলের হেড্‌ মাষ্টার হইলেন। তথাকার হেড্‌ মাষ্টার শ্রীযুক্ত শরচ্চন্দ্র মজুমদার ইতিপূর্বেই সর্ব ডেপুটী কলেক্টর হইয়াছিলেন। হরিমোহনবাবুকে গৌহাটীতে বদলী করা হইল। শিবসাগর জেলার ডেপুটী ইনস্পেক্টর রত্নধর দত্ত বড়ুৱাকে লখিমপুর জেলাস্থ ডিক্রগড়ে বদলী করা হইল। ডিক্রগড়ের ডেপুটী ইনস্পেক্টর জগদ্বন্ধু সেনকে দরং জেলায় বা তেজপুরে বদলী করা হইল। গোয়ালপাড়া জেলার (ধুবড়ী) গিরিশবাবুকে নওগাঁয় বদলী করিয়া তাঁহার স্থলে আমাকে পাঠান হইল। শিবসাগরের ডেপুটী ইনস্পেক্টর রত্নধরবাবুর পদে একটা অস্থায়ী বন্দোবস্ত

হইল। ( হরিমোহনবাবুর ছোট পুত্র অনামধন্য রায় শ্রীযুক্ত মহেন্দ্র-মোহন লাহিড়ী বাহাদুর বি, এল, আজ কাল গোঁহাটীর একজন বড় উকীল। মধ্যম বা দ্বিতীয় পুত্র শ্রীমান্ মোহিনীমোহন লাহিড়ী পূৰ্ণ-বিভাগের এসিষ্ট্যান্ট ইঞ্জিনিয়ার, কনিষ্ঠ পুত্র শ্রীমান্ কামাক্যামোহন লাহিড়ী এল, এম, এস, ডাক্তার, তাঁহাদের বাড়ীর নিকটেই ডাক্তারি করিতেছেন )।

### দ্বিতীয়া কন্যার জন্মস্থান ও তারিখ

এই স্থলে একটি বিষয়ের উল্লেখ করিয়া আমার এবারকার নওগাঁর কাহিনী সমাপ্ত করিতে ইচ্ছা করি। ১৮৮২ সনে ২২শে নভেম্বর তারিখে নওগাঁয় আমার একটি কন্যা সন্তান জন্মগ্রহণ করে। একটু অসময়েই ইহার জন্ম হয়। হঠাৎ বেলা ৯টার সময়ে আমার জ্বর প্রসব বেদনা উপস্থিত হয়। নওগাঁয় ব্যবসাদার ধাত্রীর বড়ই অভাব ছিল। বাদ্গালা স্থলের হেড্ পণ্ডিত শ্রীযুক্ত গুরুনাথ দত্তের স্ত্রী শ্রীযুক্তা স্বর্ণলতা দত্ত প্রসব করাইতে সিদ্ধহস্ত ছিলেন বলিলেও অত্যাক্তি হয় না। শুনিবা মাত্রই তিনি ও উকিল বাবু রামচূর্ণভ মজুমদারের স্ত্রী শ্রীযুক্তা সুনীলাবালা মজুমদার আমার বাসায় উপস্থিত হইলেন। তাঁহাদের বাসা ও আমাদের বাসার মধ্যে একটি সদর রাস্তা মাত্র ব্যবধান। ঐ সদর রাস্তায় তখন লোক চলাচল হইতেছিল বলিয়া আমার বাসা সংলগ্ন উকীল রাজ-গোবিন্দবাবুর বাসার বেড়া ভাঙ্গিয়া উঁহারা উভয়ে আমার বাসায় উপস্থিত হইয়া প্রসব কার্য অতি যত্নে ও শ্রুতকৌশলে সম্পন্ন করিয়া দিলেন। আমার বাসার সম্মুখে সিদ্ধেশ্বরী বলিয়া একটি জ্রীলোক একখানি ঘরে বাস করিত। তাহার চরিত্র তত ভাল নয় বলিয়া সে কখন আমার বাসার মধ্যে আসিতে সাহস করিত না। আমার জ্বর প্রসব বেদনা উপস্থিত হইয়াছে এবং তজ্জন্য কান্নাকাটি হইতেছে শুনিয়া সে অতি বিনীতভাবে আমাকে বলিল বাবু, আমাকে অহুমতি দিলে আমি আপনার বাসার মধ্যে যাইয়া আপনার স্ত্রীকে



ধরি ও উঁহাদের সাহায্য করি। আমি বলিলাম স্বচ্ছন্দে আমার বাসার মধ্যে বাইয়া সাহায্য করিতে পার। জীলোকের, হৃদয় কত কোমল ও পরতুঃখ-কাতর এই ঘটনা হইতে কি বুঝা যায় না?

### প্রথমা কন্যার জন্মস্থান ও তারিখ

এই সন্তানটী আমার দ্বিতীয় সন্তান, আমার প্রথম সন্তানটীও একটা কন্যা; ইহার জন্ম আমাদের দেশের বাড়ীতে ১৮৮০ সনের ৮ই ফেব্রুয়ারী তারিখে হইয়াছিল।

### নওগাঁর সিভিল্ সার্জন মহাত্মা ডাক্তার হিউজ

সিভিল্ মেডিক্যাল অফিসার বা সিভিল্ সার্জন ডাক্তার (Hughes) হিউজের নাম উল্লেখ না করিয়া এবারে নওগাঁর কাহিনী সমাপ্ত করিলে নিতান্ত অমানুষের কাজ হইবে বলিয়া এখানে তাহার সম্বন্ধে কিঞ্চিৎ বলিতেছি। ইনি একজন পরম দয়ালু, দরিদ্র-বন্ধু, বহুদশী চিকিৎসক ছিলেন। দরিদ্র লোকের নিকট হইতে একটা পয়সাও গ্রহণ করিতেন না। এজ্ঞা নিজেও চির দরিদ্র ছিলেন। তাঁহার অনেকগুলি ছেলেমেয়ে ছিল। ইহাদিগকে ভাল পরিচ্ছদ দেওয়া দূরে থাকুক জুতা পর্যন্ত দিতে পারিতেন না। ইহার মৃত্যুর পরে ইহার বাক্স খুলিয়া মোটে ১০/১০ পয়সা পাওয়া গিয়াছিল। ইহার মৃত্যুর পরে গবর্ণমেন্ট অফিস করিয়া ইহার একখানি বাদলো কিনিয়া লইয়া ইহার পরিবার-বর্গের তৎকালের গ্রাসাচ্ছাদনের উপায় করিয়া দেন। পরে ইহার জ্যেষ্ঠ পুত্রকে মিলিটারি পুলিশের স্ববেদারের পদে নিযুক্ত করেন।

আমি ১৮৮৩ সনের ৩রা জুলাই তারিখে অপরাক্ষে নওগাঁ হাই স্কুলের সেকেন্ড মাষ্টারের কার্য ভার হইতে অবসর পাইয়া ধুবড়ী রওনা হইবার বন্দোবস্ত করি। আমার পদে ধুবড়ী হাই স্কুলের সেকেন্ড মাষ্টার বাবু কালীমোহন দাস নিযুক্ত হন।

আমার সান্ভিস বৃকে নওগাঁ হাই স্কুলের হেড্ মাষ্টার শ্রী হারানচন্দ্র চট্টোপাধ্যায় মহাশয় নিম্নলিখিত মন্তব্য লিপিবদ্ধ করেন :—

I entertain a very high opinion of Babu Rameswar Sen for his efficiency and devotedness to his work. I part with him with regret. তাৎপর্য—আমি বাবু রামেশ্বর সেনের কার্যকুশলতা ও কর্তব্যপরায়ণতা হেতু তাঁহার সখ্যকে অতি উচ্চভাবে হৃদয়ে পোষণ করি। উঁহাকে আমি ছাড়িয়া দিতে কষ্টবোধ করিতেছি।

জুলাই মাস বধাকাল, নওগাঁর মধ্য দিয়া যে ক্ষুদ্র কলং নদীটি প্রবাহিতা ছিল উহাতে এখন বন্যা আসিয়াছে সুতরাং বড় বড় নৌকা এখন উহার মধ্য দিয়া যাতায়াত করিতে আরম্ভ করিয়াছে। গ্রীষ্মকালে উহাতে স্থানে স্থানে নৌকা চলাচল করিবার উপযোগী যথেষ্ট জল থাকে না। এই সময়ে পূর্ববঙ্গের একখানি বড় নৌকা মহাজনদিগের অনেক মালপত্র লইয়া নওগাঁয়ে আসিয়াছিল। শিশু সন্তান লইয়া গো-বানে করিয়া ৩২ মাইল রাস্তা আসিয়া শিলঘাট ষ্টিমারে উঠিয়া ধুবড়ী আসা অপেক্ষা নৌকাযোগে ধুবড়ী আসা সুবিধা মনে করিয়া ৬০ টাকা ভাড়ায় ঐ নৌকাখানি বন্দোবস্ত করিয়া ধুবড়ী অভিমুখে রওনা হইলাম। পথিমধ্যে গোহাটিতে নামিয়া আমার পরিবারস্থ স্ত্রীলোকদিগকে কামাখ্যা পাখাড়ে উঠাইয়া কামাখ্যা দেবীকে দর্শন করাইলাম। ৫৬ দিনে ধুবড়ী আসিয়া পৌঁছলাম। ইতিমধ্যে ধুবড়ীস্থ কতিপয় বন্ধুকে চিঠি লিখিয়া বাসোপযোগী একটা বাসার বন্দোবস্ত করিয়া রাখিয়াছিলাম।

## ষষ্ঠ অধ্যায়

### ধুব্‌ড়ী

#### গোয়ালপাড়া জেলার স্কুল ডেপুটী ইনস্পেক্টর

১৩ই জুলাই তারিখে আমি ধুব্‌ড়ী পৌঁছিলাম। পৌঁছিবামাত্র হেড্‌মাষ্টার রামমোহনবাবু আমাকে বলিলেন যে ধুব্‌ড়ীর ডেপুটী ইনস্পেক্টর গিরিশবাবু, আমি যাহাতে ভালরূপে ডেপুটী ইনস্পেক্টরের কার্য করিতে না পারি তাহার ব্যবস্থা করিয়া রাখিয়াছেন। ইতিপূর্বেই গোয়ালপাড়ার সর্ব ইনস্পেক্টর শ্রীযুক্ত কালীনারায়ণ দাসকে দীর্ঘকালের জন্য বিদায় দেওয়াইয়াছেন। তাঁহার পদে গোয়ালপাড়া মধ্য-ইংরাজী-বিদ্যালয়ের সেকেণ্ড মাষ্টার শ্রীযুক্ত মহীরাম দাস কার্য করিতেছেন। তিনি তাঁহার কার্যে এককালে অনভিজ্ঞ। তাঁহার বাড়ী গোয়ালপাড়ায়। আগামী কল্যাহ্নিতে তাঁহার ক্লার্ক বা কেরানী শ্রীযুক্ত প্রসন্নকুমার দত্ত এক বৎসরের বিদায় লইয়া বিজ্ঞানীর রাজসরকারে কার্য করিতে যাইতেছেন।

তুমি এখনই ডেপুটী কমিসনার সাহেব বাহাদুরের নিকটে যাও এবং ক্লার্কের বিদায় বন্ধ করিয়া দাও; নচেৎ তুমি কিছুতেই কার্য চালাইতে পারিবা না। যেহেতু তুমি পূর্বে কখনও ডেপুটী ইনস্পেক্টরের কার্য কর নাই এবং অফিসের কার্য-পদ্ধতি জান না। এই কথা শুনিয়াই আমি তৎক্ষণাৎ ডেপুটী কমিসনারের বাঙ্গলার দিকে গেলাম। তখন এ, ই, হিথ্ (A. E. Heath) সাহেব অস্থায়ী ভাবে ডেপুটী কমিসনারের কার্য করিতেছিলেন। পাক ডেপুটী কমিসনার (J. J. S. Driberg) জে, জে, এস, ড্রাইবার্গ সাহেব তখন কয়েক মাসের বিদায় লইয়া দাঙ্গিলিং বাস করিতেছিলেন। তখন বেলা অপরাহ্ন। হিথ্ সাহেব টেনিস খেলিবার জন্য ব্যাট হাতে করিয়া বাহির হইয়াছেন।

তাঁহাকে সেলাম করিয়া এবং নিজের পরিচয় দিয়া ক্লার্ক প্রশংসাবাদ্  
যাহাতে বিদায়ে যাইতে না পারেন সাহেব বাহাদুরকে তাঁহার জ্ঞাত  
বলিলাম। সাহেব বাহাদুর তদন্তের বলিলেন যে বাবু এখন আর  
ক্লার্কের বিদায় বন্ধ করা যায় না; তাঁহার কার্যভার তিনি অঙ্কই  
একটিং ক্লার্ক শ্রীযুক্ত হরেন্দ্রনাথায়ণ নিয়োগীকে দিয়া ফেলিয়াছেন।

হরেন্দ্রবাবু পূর্বেও একবার ঐ কার্য কিছুদিনের জ্ঞাত করিয়াছিলেন।  
কাজ কর্ম সবই জানেন। তোমার কোন অসুবিধাই হইবে না।  
সুতরাং আমি নীরব হইতে বাধ্য হইলাম। হরেন্দ্রবাবু যদিও কার্য-  
পদ্ধতি এক প্রকার জানিতেন বটে, কিন্তু বড়ই অলস প্রকৃতির লোক  
ছিলেন। সুতরাং তাঁহাকে লইয়া আমাকে বিশেষ অসুবিধা ভোগ  
করিতে হইয়াছিল। ক্লার্ক লইয়া যতই কেন অসুবিধা হউক না এক  
প্রকারে চালাইয়া লইতে পারিয়াছিলাম কেননা আমি ইতিপূর্বে  
রাজসাহী বিভাগে স্কুল ইনস্পেক্টর অফিসে কিছুদিনের জ্ঞাত দ্বিতীয়  
কেরানীর কার্য করিয়াছিলাম। কাজেই অফিসের কার্য-পদ্ধতিতে  
আমি এককালে অনভিজ্ঞ ছিলাম না।

### ডেপুটী কমিসনার হিথ্ সাহেব

ডেপুটী কমিসনার হিথ্ সাহেবকে লইয়াই আমি বড়ই মুন্সিঙ্গে  
পড়িয়াছিলাম। সাহেব বাহাদুর শিক্ষা বিভাগের কোন বিষয়েই অভিজ্ঞ  
ছিলেন না। এমন কি মধ্য-ইংরাজী-বিদ্যালয়ের হেড্ মাস্টার ও হেড্  
পণ্ডিত যে দুই জন পৃথক্ ব্যক্তি এবং মধ্য-ইংরাজী-বিদ্যালয় সমূহের  
কার্যনির্বাহক কমিটির এক একজন সেক্রেটারী বা সম্পাদক আছেন এ  
জ্ঞান টুকুও তাঁহার ছিল না। হঠাৎ গোয়ালপাড়া মধ্য-ইংরাজী-  
বিদ্যালয়ের হেড্ পণ্ডিত শ্রীযুক্ত গঙ্গাচরণ সেন এক বৎসরের বিদায়ের  
জ্ঞাত আবেদন করিলেন। উক্ত স্কুলের সেক্রেটারী তাঁহাকে এক বৎসরের  
বিদায় দিয়া অসম্মোদনের জ্ঞাত তাঁহার আবেদন পত্রখানি আমার

অফিসে পাঠাইয়া দিলেন। সাহেবের অল্পমোদনের জন্য আমার সম্ভব্য সহ ঐ আবেদন পত্রখানি তাঁহার নিকট উপস্থিত করিলাম। সাহেব আবেদন পত্রখানি দেখিয়া হাসিয়া আমাকে বলিলেন, যে তুমি নূতন লোক অফিসের কাজ কর্ম কিছুই জান না এবং দেখ না, স্ততরাং এই আবেদন পত্রখানি লইয়া আমার নিকটে আসিয়া আমাকে অনর্থক বিরক্ত করিতেছ। এই হেড্ পণ্ডিত সম্বন্ধে ইতিপূর্বেই আমি একটা আদেশ দিয়াছি। আমিও সাহেবেব কথা শুনিয়া অবাক হইয়া পড়িলাম। অফিসে আসিয়া সমস্ত কাগজ পত্র তন্ন তন্ন করিয়া দেখিয়া দেখিতে পাইলাম যে ইতিপূর্বে উক্ত স্কুলের হেড্ মাষ্টার শ্রীযুক্ত রাজেন্দ্রনাথ চক্রবর্তীর বিদায় সম্বন্ধে সাহেবের একটা আদেশ রহিয়াছে। তারপর দিন রাজেন্দ্রবাবুর দরখাস্ত ও উহার উপরে সাহেবের আদেশ এবং হেড্ পণ্ডিত গঙ্গাচরণবাবুর দরখাস্ত এই দুইখানি লইয়া সাহেবের এজলাসে উপস্থিত হইয়া বলিলাম যে আপনি ইতিপূর্বে হেড্ মাষ্টারের বিদায়ের আবেদন সম্বন্ধে আদেশ দিয়াছেন। এখন এই দরখাস্তখানি হেড্ পণ্ডিত করিয়াছেন। সাহেব আমার এই কথা শুনিয়াই উচ্চ হাস্য করিয়া বলিলেন যে whom we call Head Master in English, you call him Head Pandit in Bengali আরও বলিলেন স্কুলের আবার সেক্রেটারি কে? আমার ডিষ্ট্রিক্ট কমিটির সেক্রেটারি বাবু রামগোপাল খাঁ জেলার সমস্ত স্কুলেরই একমাত্র সেক্রেটারি অর্থাৎ আমরা যাহাকে ইংরাজীতে হেড্ মাষ্টার বলি তোমরা বাঙ্গালাতে তাঁহাকে হেড্ পণ্ডিত বল। স্কুলের আবার সেক্রেটারি কে? আমি ত সাহেবের বিজ্ঞা বুদ্ধি দেখিয়া ও শুনিয়া অবাক হইয়া রহিলাম। এ কথার প্রতিবাদ করিতে গেলে হয়ত অপমানিত হইতাম। আমার সৌভাগ্যক্রমে সেই সময়ে এজলাসে সাহেবের বিচার বিভাগের সুপারিন্টেণ্ডেন্ট শ্রীযুক্ত দুর্গাদাস দত্ত মহাশয় উপস্থিত ছিলেন তিনি তখন সাহেবকে সব তথ্য ও ব্যাপার বুঝাইয়া দিলেন। আমিও মানে

মানে সাহেবের এজলাস হইতে নামিয়া আসিলাম। মনে মনে প্রতিজ্ঞা করিলাম যে, যেহেতু এই গুণধর সাহেব বড় জোর আর দুইমাস কাল এ জেলার ডেপুটী কমিসনারী করিবেন, ইহার কার্যকালে আমি আর সহরে থাকিব না। মফঃস্বলেই এই দুইটা মাস কাটাইয়া দিব। এইটিই স্থির করিয়া তারপর দিন আমার সফরের তালিকা অর্থাৎ কোন্ কোন্ দিন কোথায় থাকিব ইত্যাদি বৃত্তান্ত লিখিয়া উহাতে সাহেবের সম্মতি লইয়া মফঃস্বলে চলিয়া গেলাম। আর ধুবড়ীর দিকে ফিরিলাম না।

আমার মফঃস্বলে যাওয়ার পরে তিন বা চারি সপ্তাহের মধ্যে চিফ্ কমিসনার সাহেব বাহাদুরের আসাম গেজেটে আদেশ বাহির হইল যে প্রত্যেক জেলার সদর ও মহকুমাতে লোক্যাল বোর্ড অর্থাৎ স্থানীয় এক একটা কমিটি গঠিত হইল। এবং প্রত্যেক জেলার সদরে ও মহকুমাতে তৎ কমিটির হস্তে শিক্ষা, চিকিৎসা, পূর্ত ইত্যাদি বিভাগ সমূহের ভার দেওয়া হইল। সুতরাং জেলার সদরে ও মহকুমার সকল বিভাগে সকল প্রকার কার্য বাহা এ পর্যন্ত একসঙ্গে নিষ্পন্ন হইতেছিল তখন হইতে ঐ সমস্ত পৃথক্ পৃথক্ ভাবে সদরে ও মহকুমাতে হইবে। এই আদেশ বাহির হইবার পরেই সাহেব বাহাদুরের চক্ষু স্থির। আমি সদরে ফিরিয়া না আসিলে শিক্ষা বিভাগের কার্য সমূহ সদরে ও মহকুমাতে বিভাগ করিয়া কে দিবে এই সমস্তা তখন সাহেব বাহাদুরের মনে উপস্থিত হইল। সাহেব তখন আমার কেরানীকে ডাকিয়া জিজ্ঞাসা করিলেন আমি কোথায় আছি। কেরানী আমার টুর প্রোগ্রাম দেখিয়া বলিলেন যে আগামী কল্য ডেপুটী ইনস্পেক্টরের আগমনী নামক স্থানে আসিবার কথা আছে। সাহেব তাঁহাকে বলিলেন যে ডেপুটী ইনস্পেক্টরকে চিঠি লিখিয়া দাও যে তোমার চিঠি পাইবা মাত্রই ধুবড়ী চলিয়া আসে। কেরানী আমাকে তদনুসারে ধুবড়ী ফিরিয়া আসিবার জন্য চিঠি লিখিলেন। সাহেব তাঁহার লেখাতে সন্তুষ্ট না

হইয়া পাছে আমি না আসি এইজন্য উহার উপরে স্বহস্তে লিখিয়া দিলেন Come please without delay. Your presence at Dhubri is urgently required. অর্থাৎ বিলম্ব না করিয়া ধুবড়ী ফিরিয়া আইস। এখানে তোমার উপস্থিতি একান্তই আবশ্যক হইয়াছে। আমি বাস্তবিকই তৎপর দিনে আগমনীতে আসিয়া পৌছিষ্যছিলাম। সাহেবের এই চিঠি পাওয়া ভাবিলাম ব্যাপারটাকি, কাজেই ধুবড়ী ফিরিয়া আসিতে বাধ্য হইলাম। ধুবড়ী আসিয়াই সাহেব বাহাদুরের সহিত সাক্ষাৎ করিবামাত্র সাহেব বলিলেন যে, Babu I really do not understand Educational matters. You better do these things for me. অর্থাৎ আমি বাস্তবিকই শিক্ষা বিভাগের কার্য পদ্ধতি বুঝি না, তুমি আমার হইয়া এই সকল কার্য করিয়া দাও।

আমি বলিলাম মহাশয়, আপনার উপরে জেলার সমস্ত বিভাগের কার্যভার গুস্ত আছে। এজন্য প্রত্যেক বিভাগেই আপনাকে সাহায্য করিবার জন্য এক একজন দায়িত্ব-ভার-প্রাপ্ত উপযুক্ত কর্মচারী আছে। আপনি কখনই সমস্ত বিভাগের সমস্ত কার্য ঐ কর্মচারীদিগের সাহায্য ব্যতীত করিতে পারেন না। আপনি আমার উপরে শিক্ষা বিভাগের সমস্ত কার্যভার গুস্ত করিয়া নিশ্চিন্ত হইয়া থাকিতে পারেন। যখন যে বিষয়ে আপনার মতামত আবশ্যক হইবে আপনাকে বুঝাইয়া দিয়া তৎ তৎ বিষয়ে আদেশ লইব। এই দিন হইতে সাহেবের 'সব জাম্ভার' বিশ্বাস গেল। আমিও স্বাধীনভাবে নিজ কার্য করিতে আরম্ভ করিলাম। স্থানীয় বোর্ডের অর্থাৎ ধুবড়ীর সদর বোর্ডের ও গোয়ালপাড়া মহকুমা বোর্ডের সমস্ত বিদ্যালয়ের তালিকা, হিসাব পত্র ও কোন্ বোর্ডে কত টাকা দেওয়া হইবে পৃথক পৃথক করা হইল এবং গোয়ালপাড়া বোর্ডের সমস্ত বিষয় তথাকার লোক্যাল বোর্ডে যথা সময়ে গুস্ত হইল। কেবল গোয়ালপাড়া মহকুমার বিদ্যালয় সমূহ পরিদর্শন করা

ও হিসাব পত্র পর্যবেক্ষণ করা ও সব ইনস্পেক্টরকে ও স্থানীয় বোর্ডকে পরামর্শ দিবার ক্ষমতাটুকু আমার হস্তে ও ডেপুটী কমিসনার বাহাদুরের হস্তে থাকিল।

১৮৮৩ সনের ১৪ই জুলাই তারিখে আমি গোয়ালপাড়া জেলার স্কুল ডেপুটী ইনস্পেক্টরের কার্যভার গ্রহণ করি এবং ঐ পদে ১৮৮৮ সনের ১০ই জুলাই পর্যন্ত কার্য করি।

ইতিমধ্যে দুইবার মাত্র privilege leave বা অল্পগ্রহের বিদায় লইয়াছিলাম। প্রথমবারে তিন মাসের বিদায় ১৮৮৬ সনের ৩রা অক্টোবর হইতে ১৮৮৭ সনের ২রা জানুয়ারী পর্যন্ত; কিন্তু সম্পূর্ণকাল বিদায় ভোগ না করিয়া ১৮৮৬ সনের ৩রা ডিসেম্বর তারিখে স্বীয় কার্যভার গ্রহণ করিয়াছিলাম অর্থাৎ এক মাসের বিদায় কম লইয়াছিলাম। দ্বিতীয়বারের বিদায় এক মাসের ১৮৮৭ সনের ২রা আগষ্ট হইতে।

ডেপুটী ইনস্পেক্টরের কার্য করা কালে যে যে উল্লেখযোগ্য ঘটনা ঘটিয়াছিল তাহা যথাস্থানে পর পর বর্ণিত হইল।

প্রথমে আমি অস্থায়ীভাবে ডেপুটী ইনস্পেক্টরের পদে নিযুক্ত হই।

গোয়ালপাড়া জেলার স্থায়ী ডেপুটী কমিসনার (Driberg) ড্রাইবার্গ সাহেব বিদায় হইতে ফিরিয়া আসার পরে অস্থায়ী ডেপুটী কমিসনার হিথ্ (Henth) সাহেব চলিয়া গেলেন।

### ডেপুটী কমিসনার ড্রাইবার্গ সাহেব

যেদিন আমি প্রথমে ড্রাইবার্গ সাহেবের সহিত সাক্ষাৎ করিতে যাই, সেইদিনই তিনি আমাকে জিজ্ঞাসা করিয়াছিলেন যে আমি ইষ্টার্ন ডুয়াস নামক স্থানে স্কুল দেখিতে গিয়াছিলাম কিনা। ইষ্টার্ন ডুয়াস নামক স্থানটা হইতেছে ভূটান যাইবার পূর্বদ্বার। এ স্থানটা জঙ্গলে পরিপূর্ণ। ইহার মধ্যে মধ্যে ছোট ছোট পাহাড়ও আছে।



এখানে অর্দ্ধ পাহাড়িয়া অসভ্য জাতির বাস। জঙ্গলের মধ্যে শালবৃক্ষের জঙ্গলই অধিক। পূর্বে বাতায়াতের উপযুক্ত রাস্তাও ছিল না। পূর্বে এই অঞ্চলটী, সিদ্দলি ও বিজনীর স্বাধীন রাজাদিগের অধীনে ছিল। সিপাহী বিদ্রোহের পরে উক্ত স্বাধীন রাজাদিগের হস্ত হইতে এই অঞ্চলটী কাড়িয়া লইয়া ব্রিটিশ গভর্নমেন্ট নিজ হস্তে লন। উক্ত রাজাদিগকে সংগৃহীত রাজস্ব হইতে মালিকানা স্বত্ব বলিয়া শতকরা ৩০ টাকা মাত্র দেওয়া হইত। সিদ্দলির রাজার চিরস্থায়ী বন্দোবস্তের জমিদারি ছিল না। সুতরাং তাঁহাকে ঐ মালিকানা স্বত্ব গ্রহণ করিয়াই অতিকষ্টে সংসার যাত্রা নির্বাহ করিতে হইত। সিদ্দলির শেষ স্বাধীন রাজা শ্রীযুক্ত গৌরীনারায়ণ দেব বাহাদুরকে আমি দেখিয়াছি এবং তাঁহার সহিত আমার বিশেষ আলাপ পরিচয়ও ছিল। অনেক সময় আমি তাঁহার দুঃখের কাহিনী তাঁহার নিজ মুখে ব্যক্ত করিতে শুনিয়াছি। বিজনীর রাস্তার চিরস্থায়ী বন্দোবস্তের জমিদারী ছিল এবং এখনও আছে। গোয়ালপাড়া জেলার মধ্যে ইনি সর্বশ্রেষ্ঠ ভূম্যধিকারী।

আমাকে যে সময়ে ডেপুটী কমিসনার ড্রাইবার্গ সাহেব ঐ অঞ্চলে আমি গিয়াছি কিনা জিজ্ঞাসা করিয়াছিলেন, ও আমি বলিয়াছিলাম, না; তখন ঐ অঞ্চলটী এককালে অগম্য বা দুরগম্য ছিল। রাস্তাঘাট ছিল না, পোষ্ট অফিসও ছিল না বলিলেও হয়। মেহ্ (মৈচ্ছ শব্দের অপভ্রংশ) নামে অর্দ্ধ পাহাড়ীয়া একটা অসভ্য জাতি এখানকার প্রধান অধিবাসী ছিল। মধ্যে ২১১টা গ্রামে মদাসী বা মদাহী ও রাজবংশী জাতীয় লোকেরও বাস ছিল। ড্রাইবার্গ সাহেবের একান্ত ইচ্ছা ছিল যে মেহ্ জাতির মধ্যে শিক্ষা বিস্তার করিয়া উহাদের অবস্থার উন্নতি করা। ইহাদিগের মধ্যে শিক্ষা বিস্তার করিবার প্রস্তাব লইয়া আমার পূর্ববর্তী ডেপুটী ইনসপেক্টর গিরিশবাবুর সহিত ড্রাইবার্গ সাহেবের একপ্রকার বাগড়াই হইয়া গিয়াছিল। গিরিশবাবু বলিয়াছিলেন যে উহাদিগের মধ্যে শিক্ষা বিস্তার করা অসম্ভব। গিরিশবাবুর এই কথা

শুনিয়া সাহেব বাহাদুর তাঁহার উপর এতদূর চটিয়াছিলেন যে তাঁহাকে বলিয়াছিলেন Clear out from my sight অর্থাৎ আমার দৃষ্টিগোচর হইতে দূর হও ।

আমাকে প্রথম দিনই বলিয়াছিলেন যে Babu you must do something for these poor people—the Metches অর্থাৎ বাবু তুমি এই হতভাগ্য মেচ্ছ জাতির জন্ত অবশ্যই কিছু করিবা । আমি বলিয়াছিলাম যে আমার সাধ্যানুসারে আমি উহাদের মধ্যে শিক্ষা বিস্তার করিবার চেষ্টা করিব ।

গভর্নমেন্ট এই ইষ্টার্ণ ডুয়ার নামক স্থানটী নিজ হস্তে লইয়াছিলেন বলিয়া উহাকে খাসমহল বলা হইত । এই খাসমহলটী নিম্নলিখিত কয়েকটী বিভাগে বিভক্ত হইয়াছিল ।

শুমা, রিপু, চিরাং, সিদ্দলি ও বিজুনী । শুমা রিপু ও চিরাং এক একজন মৌজাদরের অধীনে ছিল । সিদ্দলি ও বিজুনীতে পাঁচ পাঁচ জন করিয়া মৌজাদার ছিলেন । এই মৌজাদারেরাই ইহার রাজস্ব আদায় করিতেন । এই সমস্ত মৌজাদারের কার্য পরিদর্শন করিবার ও উইাদিগকে উপদেশ দিবার জন্ত ডেপুটি কমিসনারের অফিসে ডয়ার পেক্কার নামে একজন কর্মচারী ছিলেন । তিনি বৎসরের মধ্যে পাঁচ ছয় মাস কাল ঐ অঞ্চলে ভ্রমণ করিতেন । ইহার নাম ছিল শ্রীযুক্ত নিবারণচন্দ্র মুখোপাধ্যায় । এবং ইনি ২৪ পরগণা জেলার সোদপুর গ্রাম নিবাসী ছিলেন । পরে ইনি খাসমহল বিজুনীর তহশিলদার নিযুক্ত হইয়া কয়েক বৎসর কার্য করিয়াছিলেন । সিদ্দলিতেও একজন তহশিলদার হইবার প্রস্তাব হইয়াছিল । যখন ঐ প্রস্তাব হয় তখন ধুবড়ীর স্বনামধন্য উকীল শ্রীযুক্ত বিষ্ণুচন্দ্র চট্টোপাধ্যায় বলিয়াছিলেন যে সিদ্দলিতে তহশিলদারের পদের সৃষ্টি হইলে রামেশ্বরকে ঐ পদ দেওয়া উচিত । রামেশ্বরই সর্বতোভাবে ঐ পদের উপযুক্ত ও যোগ্য ব্যক্তি ।

ড্রাইবার্গ সাহেব ছুটি হইতে ফিরিয়া আসার পরে ছয় মাস মাত্র কাল ধুবড়ীতে ছিলেন। পরে ইনি বদলী হইয়া অগ্নত্র গেলেন Lieutenant Colonel লেফ্টেন্যান্ট কর্ণেল মিচেল সাহেব বাহাদুর ঐ পদে '৮৮৪ সনের মার্চ মাসে আসেন।

ড্রাইবার্গ সাহেবের আদেশ পালন করিবার উদ্দেশ্যে আমি রাজাডাব্রী নামে একটি গ্রাম পর্য্যন্ত প্রথমে গিয়াছিলাম। তথায় পূর্বে একটি নিম্ন-প্রাথমিক বিদ্যালয় বা পাঠশালা ছিল। ঐ পাঠশালাটি তখন উঠিয়া গিয়াছিল। আমি উহা পুনর্বার স্থাপন করিয়াছিলাম। তখন বর্ষাকাল। পাহাড়ীয়া নদী সকল তখন জলে ভরিয়া গিয়াছিল। পাহাড়ীয়া নদী সমস্ত বৃষ্টি হইবা মাত্রই ভরিয়া যায় আবার কয়েকদিন বৃষ্টি না হইলেই শুষ্কপ্রায় হয়। বর্ষার প্রাবল্য হেতু আমি আর ঐ গ্রাম ছাড়াইয়া অগ্নত্র যাইতে পারি নাই। তখন রাস্তাঘাটও বড় একটা ছিল না। ড্রাইবার্গ সাহেব আমাকে বলিয়াছিলেন যে তিনি আমাকে সঙ্গে করিয়া লইয়া যাইবেন। এই কথা বলার পরে তিনি ডিষ্ট্রিক্ট ইঞ্জিনিয়ার শ্রীযুক্ত দুর্গাদাস দাসকে সঙ্গে লইয়া স্থানে স্থানে রাস্তা প্রস্তুত করিবার জন্ত দুই তিন বার গিয়াছিলেন। যখন তাঁহারা ঐ অঞ্চলে যাইতেন, আমি সাহেবের সঙ্গে যাইতে চাহিতাম। সাহেব আমাকে দুই তিনবারই বলিয়া ছিলেন যে এখন তোমাকে ঐ অঞ্চলে লইয়া গেলে তোমাকে মারিয়া ফেলা হইবে। উপযুক্ত সময়ে তোমাকে লইয়া যাইব। কিন্তু এই উপযুক্ত সময় আর আসে নাট। ড্রাইবার্গ সাহেবের আমলে আমি যখন সর্বপ্রথমে ইষ্টার্ণ ডুয়ারে পাঠশালা স্থাপনের জন্ত যাই তখন একটি ঘটনা ঘটিয়াছিল যাহা এখানে বিশেষ উল্লেখযোগ্য মনে করি। তামারহাট নামক স্থানে প্রথমে ইষ্টার্ণ ডুয়ার আরম্ভ হয়। তামারহাটে একটি Subsidised Pathshala ছিল। Subsidised Pathshalaর অর্থ এই যে, এই সকল পাঠশালায় উচ্চ-প্রাথমিক পরীক্ষার পাঠ্য পড়ান হইত এবং ঐ সকল পাঠশালায় গুরু ট্রেনিং বা পাঠশালার

গুরু প্রস্তুত করণের একটি শ্রেণী থাকিত। ঐ শ্রেণীতে ৩৪২ টাকা হারে বৃত্তি দিয়া উপযুক্ত ছাত্র রাখা হইত। ঐ সমস্ত ছাত্র ট্রেনিং পরীক্ষায় উত্তীর্ণ হইয়া পাঠশালার গুরু বা শিক্ষক নিযুক্ত হইত। শিক্ষা দিয়া গুরু প্রস্তুত করার জন্য ঐ সকল পাঠশালার শিক্ষকদিগকে পাঠশালার সাহায্য ৫২ টাকা করিয়া দেওয়া হইত এবং গুরু প্রস্তুত করার জন্য ৫২ টাকা হইতে ১৫২ টাকা পর্যন্ত অতিরিক্ত সাহায্য দেওয়া হইত। গোয়ালপাড়া জেলার মধ্যে ধুবড়ী মহকুমায় এইরূপ সাতটি ও গোয়ালপাড়া মহকুমায় তিনটি পাঠশালা ছিল। ধুবড়ীর সাতটি পাঠশালার মধ্যে তিনটি ইষ্টার্ন ডুয়ারে স্থাপিত ছিল। তন্মধ্যে একটি তামারহাটে আর একটি সিদ্দলির অন্তর্গত কাকড়া গাঁয়ে ও অপরটি বিজনীতে। তামারহাটের শিক্ষক ১৫২ টাকা ও কাকড়া গাঁয়ের ও বিজনীর শিক্ষকদ্বয় ২০২ টাকা হারে বেতন পাইতেন। তামারহাটের পাঠশালাটি পরিদর্শন করিয়া অপরাহ্ন তিনটার সময়ে আমি গোঁসাই গাঁ নামক পাঠশালা পরিদর্শনার্থ বাহির হই। সেই রাত্রে আমার গোঁসাই গাঁয়ে থাকিবার কথা। তামারহাট হইতে ছয় মাইল দূরে বড়বাধা নামে একটি স্থান ছিল ও এখনও আছে। এই বড়বাধা হইতে ছয় মাইল ব্যাপী রক্ষিত-শালবন আরম্ভ হইয়াছে। এই বড়বাধায় বন-বিভাগের কর্তার একটি বাঙ্গলো ছিল। তখন গোয়ালপাড়া জেলার বন-বিভাগের কর্তা ছিলেন ( J. T. Jellicoe ) জে, টি, জেলিকো সাহেব। ইনি বৎসরের অধিকাংশ কালই বড়বাধার বাঙ্গলোয় থাকিতেন। এই স্থানে খাসিয়া জাতীয়া একটি তাঁহার রক্ষিতা স্ত্রীলোক সর্বদাই থাকিত। ধুবড়ীতে যদিও সাহেবের অফিস ও বাঙ্গলো ছিল তথাপি তিনি এই স্থানেই প্রায়ই বাস করিতেন। স্থানটি বিলক্ষণ মনোরম ও নির্জন ছিল। বামনী নামক একটি ক্ষুদ্র শ্রোতস্বতীর তীরদেশে এই বাঙ্গলোটি অবস্থিত ছিল। এ নদীটি পার হইতেই প্রায় সন্ধ্যা হইয়া পড়িল। পার হইয়াই শুনিলাম যে এই স্থান হইতে

ছয় মাইল ব্যাপী রক্ষিত-শালবন আরম্ভ হইয়াছে। ঐ শালবনের মধ্যে আর লোকালয় নাই। ঐ শালবনের অপর পারে আমার গন্তব্য স্থান গোঁসাই গাঁ। ঐ বনে বাঘ, ভালুক, বন্য মহিষ, বন্য হস্তী প্রভৃতির আড্ডা ছিল। সুতরাং আমাকে বাধ্য হইয়া ঐ বড়বাধায় সেই রাত্রি বাস করিবার উদ্যোগ করিতে হইল। শুনিলাম ঐ স্থানে বড়পেটা নিবাসী মমতরাম মেধি নামে একজন আসামীয়া ভদ্রলোক ফরেষ্টার আছেন তাঁহার বাসাও ঠিক নদীর তীরে। রাত্রিকালের জন্ত আশ্রয় পাইবার উদ্দেশ্যে আমি মমতরামবাবুর বাসায় উপস্থিত হইলাম। ঐ ভদ্রলোকটিও আমাকে আশ্রয় দান করিতে সম্মত হইলেন।

গোয়ালপাড়া জেলার বন-বিভাগের কর্তা জেলিকো

সাহেবের সহিত আমার বাক্ষ্যুদ্ধ ও পরে

তাঁহার সহিত আমার বিশেষভাবে মিলন।

আমি যখন বড়বাধায় উপস্থিত হই, তখন ডেপুটি কন্সারভেটর জেলিকো সাহেব ঘোড়ার আস্তাবলে দাঁড়াইয়া ঘোড়ার গা চাপড়াইতে ছিলেন। পরে পিলখানায় হাতীর নিকটে আসিলেন। আমি তাঁহাকে দূর হইতে দেখিয়াছিলাম এবং তিনিও আমাকে দূর হইতে দেখিয়া ছিলেন। কিন্তু দূর হইতে তাঁহাকে অভিবাদন করা স্বকৃতির পরিচয় নহে বলিয়া আমি তাঁহাকে অভিবাদন করি নাই। অধিকন্তু যখন একরাত্রি তথায় থাকিতে হইতেছে তখন পরদিবস বেলা ৮৯টার সময়ে তাঁহার সহিত সাক্ষাৎ করিব মনে মনে স্থির করিয়াছিলাম। কিন্তু সাহেব বাহাদুর আমার অভিবাদন তখনই না পাওয়াতে একটু কষ্ট হইয়া পড়িয়াছিলেন। আমি মমতরামবাবুর বাসায় উঠিয়া পোষাক পরিবর্তন করিতে প্রস্তুত হইতেছি এমন সময়ে সাহেব বাহাদুরের একজন আদালি আসিয়া মমতরামবাবুকে বলিল “সাহেব আপনাকে ডাকিতেছেন”। এই কথা শুনিয়াই আমার মনে একটা ভাবের উদয় হইল যে আমি সাহেবকে

অভিবাদন না করিয়াই তাঁহার বাসায় উঠিয়াছি বলিয়াই সাহেব তাঁহাকে ডাকিয়া পাঠাইয়াছেন। মমতরামবাবু ২১৩ মিনিটের মধ্যে ফিরিয়া আসিয়া আমাকে বলিলেন যে আপনি ডেপুটী কন্সারভেটর সাহেবের সহিত সাক্ষাৎ করেন নাই? আমি বলিলাম, না। আর পোষাক পরিবর্তন না করিয়াই আমি সাহেব বাহাদুরের সহিত সাক্ষাৎ করিতে যাইবার জন্ত প্রস্তুত হইলাম। কিন্তু মনে মনে ভাবিলাম যে হয়ত সাহেব বাহাদুরের সহিত আমার একটি অপ্রিয় ঘটনা উপস্থিত হইবে। ময়মনসিংহ জেলা নিবাসী জগৎচন্দ্র দাস নামে আমার একজন চাপরাসী ছিল। জগৎকে বলিলাম তুমি একটি ছড়ি হাতে করিয়া আমার পশ্চাৎ পশ্চাৎ আইস। যদি সাহেবের সহিত বাকবিতণ্ডা করিতে করিতে সাহেব আমাকে আক্রমণ করেন তবে তখন তুমি আমার সাহায্যার্থ আমার নিকট উপস্থিত হইবা। সাহেবটি দীর্ঘকায়, হুঁপুট, বলবান্ পুরুষ ছিলেন। একটি সাক্ষাৎ অস্থির অবতার বলিয়া বোধ হইত। তাঁহার দেহের ও বলের তুলনায় আমি একটা মশা মাত্র। তথাপি সাহসে নির্ভর করিয়া একগাছি ছড়ি হস্তে আমি সাহেব দর্শনে চলিলাম। মনে করিলাম সাহেব আমাকে পাঁচ ঘা দিলেও আমি কি এক ঘাও দিতে পারিব না। নানা প্রকার ভাবিয়া আমি সাহেবের বান্ধলোর ফটকের নিকট উপস্থিত হইলাম। সাহেব আমাকে দেখিবামাত্রই চীৎকার করিয়া বলিলেন, Who are you, and what are you. Do you know this is a private property. অর্থাৎ তোমার নাম কি, তুমি কি কর এবং এইটি যে ব্যক্তিগত সম্পত্তি তুমি কি অবগত আছ? আমিও চীৎকার করিয়া বলিলাম My name is Rameswar Sen. I am Deputy Inspector of Schools of the Goai para District. This is the first time that I hear so অর্থাৎ আমার নাম রামেশ্বর সেন, আমি গোয়ালপাড়া জেলার স্কুল সমূহের ডেপুটী ইনস্পেক্টর, আমি এই সর্বপ্রথমে শুনিলাম

যে এটা ব্যক্তিগত সম্পত্তি। আমার ধারণা এই যে এটা গবর্ণমেন্টের সম্পত্তি। সাহেব আমাকে সঙ্গেরে উত্তর দিতে দেখিয়া বা শুনিয়া নিরন্তর হইলেন। তখন বলিলেন—Are you all comfortable there? আমি বলিলাম Thanks খুববাদ। এতখানি করার পরে আমার তথ্য বৈশিষ্ট্য ও স্বচ্ছন্দতা হইয়াছে কিনা জিজ্ঞাসা করা অনাবশ্যক। আপনি একটি সেলাম পাইবার জন্ত এত অধীর হইয়া পড়িয়াছিলেন কেন? কোন ভদ্রলোক কোন ভদ্রলোকের সহিত সাক্ষাৎ করিবার জন্ত অশ্বশালায় বা হস্তীশালায় যায় না। আমি আগামী কল্যা এইস্থান হইতে যাইবার পূর্বে শিষ্টাচারসহ আপনার সহিত সাক্ষাৎ না করিয়া কখনই যাইতাম না। এখানে বলা আবশ্যক যে সাহেবরা সর্বদাই তেজের ও গুণের আদর করিয়া থাকেন। এইদিন হইতেই এই সাহেব বাহাদুরের সহিত আমার বেশ ঘনিষ্ঠতা ও বন্ধুত্ব জন্মিয়া গেল। পরবর্তী ঘটনায় উহার পরিচয় পাওয়া যাইবে।

এবারে রাজাডাব্রী নামক স্থানের পাঠশালাটিকে পুনর্জীবিত করিয়া ধুবড়ী ফিরিয়া আসিলাম। শালবনের মধ্য দিয়া যাইবার সময়ে দেখিলাম যে পাছে রক্ষিত-শালবনে আগুন লাগে বলিয়া সাহেব বাহাদুর শালগাছের গায়ে অল্প অল্প ব্যবধানে ইংরাজী ও বাঙ্গালা ভাষায় বিজ্ঞাপন লিখিয়া লটকাইয়া দিয়াছেন যে, এই বনের মধ্যে কেহ যেন তামাক বা চুরুট না খান, এমন কি দেশেলাইএর বাস্তু পর্ধ্যন্ত লইয়া না যান। ঐরূপ করিলে বিশেষভাবে দণ্ডিত হইতে হইবে। ঐ সকল বিজ্ঞাপন দেখিয়া আসিয়া ধুবড়ীতে পৌছিয়া ডেপুটী কমিসনার ড্রাইবার্গ সাহেবের সহিত সাক্ষাৎ করিয়া বলিলাম যে ইষ্টার্ণ ডুয়ারে পুনরায় আমার যাওয়া অসম্ভব হইবে। কেন না ঐ সকল স্থানে দোকান পাট নাই। দেশেলাইটী পর্ধ্যন্ত লইয়া না যাইতে পারিলে কেমন করিয়া পাকা দি করিয়া থাকিব। ড্রাইবার্গ সাহেব এই কথা শুনিয়া বলিলেন ভয় নাই। ঐ সমস্ত বিজ্ঞাপন তোমার মত লোকের জন্ত নহে। তোমার দেশেলাই ধরিয়া

কেহ তোমাকে বাধা দিলে তুমি বিজ্ঞাপনগুলি ছিঁড়িয়া ফেলিয়া দিয়া  
যাইও। তারপর যাহা করিতে হয় আমি করিব।

ইহার কয়েক মাস পরে দীর্ঘকালের জন্ত আমি দ্বিতীয়বার ইষ্টার্ন-  
ডুয়ার যাই। যখন ফিরিয়া আসি সেই সময়ে বেলা প্রায় একটার  
সময়ে গ্রীষ্মকালে প্রথর সূর্য্যতাপের মধ্যে নয় মাইল ব্যাপী পাটগাঁ  
নামক রক্ষিত-শালবনের মধ্যে আসিয়া দেখি রাস্তার দুইধারে শালগাছ  
সব ছ ছ করিয়া জলিতেছে। দুইধারে শালগাছ। মধ্যে ১০।১২ হাত  
প্রশস্ত রাস্তা। ঘোড়ায় চড়িয়া ঐ অগ্নিকাণ্ডের মধ্য দিয়া আসা বিলক্ষণ  
বিপদজনক হইয়া পড়িয়াছিল। রক্ষিত-জঙ্গল-মহলে আগুন লাগিয়া  
গাছ পুড়িয়া গেলে বন-বিভাগের কর্মচারীদিগের দুর্গম হয় এবং তাঁহারা  
তিরস্কৃত হন। এই সময়ে গরুভাষা নামক স্থানে ঐ বিভাগের শ্রীযুক্ত  
দীননাথ কর নামক একজন শ্রীহট্ট দেশবাসী রেজার ছিলেন। তিনি  
ডেপুটী কন্সারভেটর জেলিকো সাহেবকে বলেন যে, স্থল ডেপুটী  
ইনস্পেক্টর রামেশ্বর বাবু এই জঙ্গল দিয়া গিয়াছেন। তাঁহার লোকজন  
হয়ত তামাক খাইবার সময়ে কোনরূপে অসাবধান হইয়া আগুন ফেলিয়া  
গিয়া থাকিবে তাহাতেই রক্ষিত-বন পুড়িয়া গিয়াছে। জেলিকো  
সাহেব তাঁহার এই কথা শুনিয়া হাসিয়া বলিয়াছিলেন যে নিজের  
প্রতিপত্তি অক্ষুণ্ণ রাখিবার জন্ত তুমি একজন নির্দোষ লোকের ঘাড়ে  
দোষ চাপাইতেছ। আমি রামেশ্বরকে ভাল করিয়াই জানি। সে  
একজন দায়ীত্বজ্ঞান বিশিষ্ট সরকারী কর্মচারী। তাহার লোকের দ্বারায়  
এই ভীষণ অগ্নিকাণ্ড ঘটে নাই আমি শপথ করিয়া বলিতে পারি।  
সে তাঁহার লোকজনকে বিলক্ষণ আয়ত্বাধীনে রাখিতে সমর্থ। এইটী  
কি জেলিকো সাহেবের উদারতার পরিচয় নহে? আমাদের এতদৈশীষ  
ডেপুটী কন্সারভেটর হইলে তাঁহার সহিত প্রথম সাক্ষাৎ কালে আমার  
সহিত যে বাক্ বিতণ্ডা হইয়াছিল তাহার প্রতিশোধ লইবার জন্ত তিনি  
অবশ্যই আমার ঘাড়ে দোষ চাপাইয়া আমাকে টানাটানি করিতেন।



যখন আমি ইষ্টার্ণ ডুয়ার অঞ্চলের স্থানগুলির অবস্থা ভাল করিয়া অবগত হই নাই, তখন একবার ডিসেম্বর মাসে আমি ঐ অঞ্চলে গিয়াছিলাম। সন্ধ্যার অল্প পূর্বে আমি গুরু-প্যালা নামক একটা নদীর তীরে উপস্থিত হই। আমি অস্বাভাবিক গিয়াছিলাম, কাজেই আমার লোকজন তখনও তথায় পৌঁছিতে পারে নাই। আমার লোক-জনের তথায় পৌঁছিতে সন্ধ্যা হইয়া গেল। সন্ধ্যার পরে নদী পার হইবার জন্ত চেষ্টা করিয়া ঘাটোয়ালকে না পাইয়া সেইস্থানে নদীর তীরে সুপ্রশস্ত সুনীল আকাশতলে রাত্রি যাপন করিতে বাধ্য হইলাম। এই সময়ে আমার সহিত শান্তিপুর-নিবাসী প্রহ্লাদচন্দ্র প্রামাণিক নামে আমার জনৈক বন্ধু ছিলেন। ইনি ঐ অঞ্চলটি দেখিবার জন্ত কোতুক পরবশ হইয়াই আমার সঙ্গে গিয়াছিলেন। আমার সহিত দুইটা ঘোড়া, একখানি গরুর গাড়ী, দুইজন সহিস, একজন চাপরাসী ও একজন গাড়োয়ান ছিল। ডিসেম্বর মাস, দ্রুত শীত। শীতে নদীর ধারে থরথর করিয়া সকলেই কাঁপিতে লাগিলাম। রাত্তার দুই পার্শ্বে নল-খাগড়ার বন ছিল। শিশিরে ঐ সমস্তই ভিজিয়া গিয়াছিল। অনেক চেষ্টা করিয়াও উহাতে আগুন লাগাইতে পারিলাম না। কিছুদিন পূর্বে অদূরে ঐ রাস্তায় হুনিয়া কুলিরা কাজ করিয়া গিয়াছিল। তাহাদের পরিত্যক্ত একখানি ভগ্ন কুঁড়ে ঘর নদীর ধারে পড়িয়া ছিল। সেইখানি আনিয়া তাহাতে আগুন ধরাইয়া দিয়া আমাদের গা, হাত, পা কতক পরিমাণে গরম করিয়া লইলাম এবং আমার চাপরাসী গোবিন্দকে আমাদের আহারের জন্ত খিচুড়ী চাপাইয়া দিতে বলিলাম। প্রহ্লাদচন্দ্র বলিতে লাগিলেন একটু পরেই বাঘের পেটে ঘাইতে হইবে, এখন আর খাইবার প্রয়োজন কি? আমি বলিলাম আগর উদর পূর্ণ করিয়া খাইলে যদি বাঘে আমাদেরিগকে খায় তাহা হইলে তাহার আহারটা আরও ভাল হইবে। এখানে বলা বাহুল্য যে এ স্থানটি বাঘ, ভালুক, বন্য মহিষ, বন্য-শুকর, বন্য-হস্তী ও গণ্ডারের প্রিয়তম আবাস স্থল। অল্পকণ পরেই

উহাদের ভীষণ গর্জন ও রব আমাদের শ্রুতিগোচর হইতে লাগিল। ষণ্টাখানেক পরে নদীর জলে বহু-মহিষ ও বহু-হস্তী আসিয়া জলক্রীড়া করিতে লাগিল। তথাপি গাড়ীর নীচে আমাদের রন্ধন কার্য চলিতে লাগিল। আমার সহিত সমস্ত খাণ্ডব্যাঁই থাকিত। রন্ধন শেষ হইলে আমি পরিতোষপূর্বক আহাৰ করিলাম, কিন্তু প্রহ্লাদ ভায়া কয়েক গ্রাস মাত্র উদরস্থ করিলেন। ভয়েই তিনি বিহ্বল। রাত্রিটা বসিয়া জাগিয়া কাটাইলাম। পরদিন প্রাতে বেলা ৮টার সময়ে ঘাটোয়াল দেখা দিল। সে রাত্রিতে ঘাটে কেহ ছিল না জিজ্ঞাসা করায় বলিল বাবু রাত্রিতে এখানে কি ভীষণ কাণ্ড হয় তাহা কি দেখিস্ নি? বাঘ, ভালুকের ভয়ে আমি বেলা থাকিতেই নিজের বাড়ী খাগড়াবাড়ী বস্তিতে চলিয়া যাই। আর দিনের বেলাটা ঐ উচ্চ টোঙ্গের উপর বসিয়া কাটাই। যখন ৫।৭ জন লোক পার হইবার জন্ত আসিয়া উপস্থিত হয় তখনই টোঙ্গ হইতে নামিয়া তাহাদিগকে পার করিয়া দিয়াই আবার ঐ টোঙ্গে উঠি। টোঙ্গ অর্থাৎ বড় বড় খুঁটির উপরে বাঁধা একখানি কুঁড়ে ঘর। সে যাহা যাহা বলিল গত রাত্রিতে সমস্তই আমরা প্রত্যক্ষ করিয়াছিলাম।

আর একবার কচুগাঁ নামক থানা হইতে পাটগাঁর ফরেষ্ট অফিসের দিকে রওনা হইয়াছি। পূর্বদিনও রাত্রি কচুগাঁর থানায় ছিলাম। ঐ স্থানেও বন-বিভাগের একখানি বাঙ্গলো ছিল। থানার হেড্ কনস্টেবল ছিলেন নারায়ণচন্দ্র দাস, গোয়ালপাড়া জেলার বোর্টিয়ামারি অঞ্চলের লোক। তিনি পূর্বদিন ছোট জাতীয় খটিয়া হরিণ একটা মারিয়া আনিয়াছিলেন। আমি উহার চামড়াখানি তাঁহার নিকট হইতে চাহিয়া লইয়াছিলাম। সন্ধ্যার কিঞ্চিৎ প্রাক্কালে পাটগাঁ ফরেষ্ট অফিসে গিয়া পৌছিলাম। ঐ স্থানের ফরেষ্টার ছিলেন পাবনা জেলা-নিবাসী শ্রীযুক্ত মাধবচন্দ্র মৈত্র। এই দিনই তাঁহার সহিত আমার প্রথম সাক্ষাৎ। তিনি আমার পরিচয় পাইয়া আমার যথেষ্ট খাতির করিলেন,

কিন্তু বলিলেন যে হরিণের কাঁচা চামড়াখানি ঘরের মধ্যে রাখিবেন না, উহার গন্ধে বাঘ আসিবে। সুতরাং চামড়াখানি বাহিরে একটা গাছের গায়ে ঝুলাইয়া রাখিতে বাধ্য হইলাম। এইবারে আমার সঙ্গে আমার নিজের সহিস ও চাপরাসী ছাড়া মধু বিশ্বাস নামে ডাকের একজন ওভারসিয়ার ছিলেন। তিনি আমাদের পথপ্রদর্শক ছিলেন। ইনি জাতিতে মুসলমান। নদীয়া জেলার মেহেরপুর মহকুমার কোন পল্লী-নিবাসী। লোকটা বেশ মিষ্টভাবী, অমায়িক ও শিষ্টাচারপরায়ণ ছিলেন। আমাদের পাক করা খাদ্য গ্রহণ করিতে তাঁহার কোন আপত্তি না থাকায় ইনি আমাদের অন্ন আহার করিতেন। এই ফরেস্ট অফিসে রাত্রি বাস করিয়া এবং পরদিন মধ্যাহ্নকালে মাধববাবুর অন্ন ধ্বংস করিয়া প্রায় বেলা দেড়টার সময়ে গুরুভাবা ফরেস্ট অফিসে বাইবার জন্ত যাত্রা করিলাম। যখন আমরা যাত্রা করি তখন ফিস্ ফিস্ করিয়া বৃষ্টি পড়িতেছিল। রাস্তার দুই ধারেই নলখাগড়ার বন। তারপর বহুদূর ব্যাপী নিবিড় শাল গাছের জঙ্গল। কিছুদিন পূর্বে রাস্তার উপরের জঙ্গল কাটিয়া দেওয়া হইয়াছিল। কিন্তু আবার ঐ সমস্ত গজাহায়া উঠিতেছিল। পূর্ন্ত-বিভাগের সব ওভারসিয়ার প্রসন্ন-কুমার মুন্সী নামক আমার একজন রসিক বন্ধু বলিতেন যে ইষ্টার্ন-ডুয়ারের রাস্তার উপর জঙ্গলগুলি কাটা হইবামাত্র মাথা খাড়া করিয়া দেখিত যে শালা ওভারসিয়ার আমাদের কাছে কাটিয়া কতদূর গেল রে। এই রাস্তার দুই জন কারিয়া ডাকরণার বা ডাকবাহক থাকিত। আমার জিনীস পত্র বহিরা লইবার জন্ত একটা ঘোড়া ছিল। কিন্তু ডাকের ওভারসিয়ার মধু বিশ্বাসের জিনীস পত্র লইয়া বাইবার জন্ত একজন ডাকরণাকে উহা দেওয়া হইয়াছিল। সে আমাদের সঙ্গেই চলিল, কিন্তু তখনও কচুগাঁ হইতে ডাক আসিয়া উপস্থিত না হওয়ায় অপর রণারটা উহা লইবার জন্ত পাটগাঁয়ের ফরেস্ট অফিসে অপেক্ষা করিতে লাগিল। পাটগাঁ ফরেস্ট অফিস তখন ফরেস্ট বা বনের বহির্ভাগে

অবস্থিত ছিল। রাস্তার অবস্থা দেখিয়া আমি মনে মনে করিতে লাগিলাম যে একজন রনারকে আমাদের সঙ্গে লইয়া আসিয়া অপরটাকে একাকী ছাড়িয়া আসা ভাল কাজ হয় নাই। এইজন্ত আমি বাইতে বাইতে এক একবার ফিরিয়া ফিরিয়া চাইতে ছিলাম যে কতক্ষণে ঐ রণারটা ডাক লইয়া নিরাপদে আসিয়া আমাদের সহিত যোগ দিবে। এইরূপে বার বার পশ্চাদিকে দৃষ্টিপাত করিয়া দেখিতে পাইলাম যেন একটা কোন পশু আমাদের অনুসরণ করিতেছে। প্রথমে ভাবিলাম ওটা কুকুর, কিন্তু পরক্ষণেই মনে হইল যে এখানে লোকালয় নাই সুতরাং এখানে কুকুর আসা সম্ভব নয় তবে কি এটা কুয়াং। কুয়াংকে ইংরাজীতে (Red dog) রেড্ ডগ বলে। রেড্ ডগ দেখিতে ক্ষুদ্র হইলেও বড় ভয়ানক জন্তু। কিন্তু ইহারা দল বান্ধিয়া থাকে। কখনও একাকী থাকে না। ইহারা বহু হস্তী পর্যন্ত শিকার করিয়া মারিতে পারে। ইহাদের প্রস্রাবে এক প্রকার গ্যাস বা দূষিত বায়ু জন্মে। উহা যে জন্তুর চক্ষুর মধ্যে প্রবিষ্ট হইবে সেই জন্তুই কিছুক্ষণের জন্ত দৃষ্টিশক্তি হারাইবে। আর উহারা উহাদের শিকারের জন্ত পড়িয়া গেলে আর তাহার মাংস খাইবে না। যতক্ষণ পর্যন্ত উহারা চলিতে থাকিবে ততক্ষণ পর্যন্ত উহারা উহার মাংস খাবলাইয়া খাবলাইয়া খাইবে। সুতরাং মনে মনে স্থির করিলাম যে ঐ দৃষ্ট জন্তুটী কুয়াংও নহে। অল্পক্ষণ পরেই বুঝিতে পারিলাম এটা একটা ছোট জন্তু নহে। এটা একটা প্রকাণ্ড ব্যাঘ্র। মধু বিশ্বাসকে ডাকিয়া দেখাইলাম যে একটা প্রকাণ্ড ব্যাঘ্র আমাদের অনুসরণ করিতেছে। সম্ভবতঃ আমাদের সহিত আনা হরিণের চামড়ার গন্ধ পাইয়া আমাদের অনুসরণ করিতেছে। মধু বিশ্বাসকে জিজ্ঞাসা করিলাম এখন কি করা কর্তব্য। মধু বলিলেন ঘোড়ায় চাবুব মারিয়া আমরা দ্রুতবেগে ছুটিয়া পলায়ন করি। আমি বলিলাম উহা কিছুতেই করা বাইতে পারে না। আমাদের ঘোড়া দুইটী বোধ হয় বাঘের গন্ধ পাইয়া ভীত হইবে এবং

আমাদিগকে ফেলিয়া দিয়া পলাইবে। ভাল, নয় আমরা রক্ষা পাইলাম কিন্তু আমার ভারবাহী ঘোড়াটার ও আমাদের সঙ্গে লোকজনের কি হইবে, স্ততরাং ঘোড়া ছুটাইয়া যাওয়া উচিত নহে। আমার সঙ্গে একটা সাধারণ গোচের বন্দুক ছিল। আমার চাপরাসী গোবিন্দকে উহা হইতে গুলি ছুটাইতে বলিলাম। কিন্তু দুর্ভাগ্যক্রমে উহার আওয়াজই হইল না। এই সময়ে বন-বিভাগের একটা পোষা হাতী হারাইয়া গিয়াছিল। উহার অব্বেষণ করিবার জন্য বন্দুক হস্তে দুইজন করেষ্ট গার্ড (Forest Guard) আমাদের সঙ্গে সঙ্গে আসিতেছিল। উহাদিগকে বাঘ দেখাইয়া দিয়া বলিলাম যে এরূপ ভাবে গুলি কর যেন বাঘের গায়ে গুলি না লাগে, উহার কাণের কাছ দিয়া গুলি চলিয়া যায়, তাহা হইলে ভয় পাইয়া বাঘটা পলাইতে পারে। কিন্তু আহত হইলে বাঘটা ভীষণ হইয়া উঠিবে এবং আমাদের মধ্যে কাহারও না কাহারও প্রাণনাশ করিবে। আমার উপদেশ অনুসারেই কার্য হইল এবং বাঘটা একটা ভয়ানক শব্দ করিয়া পার্থের জঙ্গল মধ্যে লাফাইয়া পড়িল। দেখিলাম বাঘটার মুখ খুব কাল, লম্বা প্রায় ৪৫ হাত হইবে এবং উচ্চেও দুই হাতের কম নয়। হরিণের চামড়াখানা তৎক্ষণাৎ ফেলাইয়া দিতে বলিলাম এবং কোনরূপে আমাদের প্রাণরক্ষা হইল। সন্ধ্যার কিছুপূর্বে আমরা গুরুভায়ার বন-বিভাগের বাদলোতে আশ্রয় লইলাম।

আর একবার আমি ইষ্টার্ণ-ডুয়ারে ১০টা পাঠশালা স্থাপন করিয়া কচুগাঁয়ের দিকে ফিরিয়া আসিতেছি। আসিবার সময়ে শুনিলাম নিকটে বাসুগাঁও বলিয়া একটা ক্ষুদ্র পল্লী আছে। তথায় একটা পাঠশালা স্থাপন করা যাইতে পারে। আমার লোকজন সকলকে বিদায় দিয়া আমি একাকী ঐ পল্লীর ভিতরে প্রবেশ করিলাম। ঐ স্থান হইতে ফিরিয়া আসিবার সময় শুনিলাম যে প্রস্তাবিত ইষ্টার্ণ-ডুয়ার মহকুমার হাকিম শ্রীযুক্ত রামগোপাল খাঁ মহাশয় একটু পূর্বে কচুগাঁয়ের

দিকে গিয়াছেন। এই রামগোপাল বাবু কৃষ্ণনগরের মহারাজার ভূত-পূর্ব দেওয়ান শ্রীযুক্ত কার্তিকেয়চন্দ্র রায় মহাশয়ের ভাগিনেয় এবং কৃষ্ণনগরেই উঁহার বাসস্থান। ইনি আমার একজন পরম হিতৈষী বন্ধু ছিলেন। রামগোপালবাবুর সহিত সাক্ষাৎ হইলে তাঁহার বাসায় না থাইয়া অন্ত্র যাইবার ঘো ছিল না। জরুরী কোন কাজ থাকিলে যাহাতে তাঁহার সহিত সাক্ষাৎ না হয় তাহারই চেষ্টা করিতাম। কিন্তু ঘটনাক্রমে তাঁহারই সম্মুখে পড়িতে হইত এবং পড়িলেই বলিতেন ফাঁকী দিয়া পলাইতেছিলে বুঝি। আগে আগে রামগোপালবাবু যাইতেছেন শুনিয়া আমি দ্রুতবেগে ঘোড়া ছুটাইয়া আসিতে লাগিলাম। হঠাৎ একস্থানে আসিয়া দেখি যে রক্তমাখা একটা হরিণের কাণ ও খানিকটা রক্ত রাস্তার এক পাশে পড়িয়া রহিয়াছে। কচুগাঁয়ে আসিয়া দেখিলাম একটা প্রকাণ্ড মরা হরিণ বাদ্লোর সম্মুখে পড়িয়া রহিয়াছে। উহার একটা কাণ নাই। অতুস্কানে জানিলাম যে আমার দেখা হরিণের কাণটা ঐ হরিণটারই। একটা বাঘ উহাকে মারিয়া পিঠে ফেলিয়া লইয়া যাইতেছিল। রামগোপালবাবুর ভারবাহী ১৫।১৬ জন মেছ-উহা দেখিয়া বাক লইয়া বাঘটাকে তাড়া করে। বাঘটা শিকার ফেলিয়া পলাইয়া যায়। পরে মেছেরা হরিণটাকে লইয়া আসে। পাঠক দেখুন কেমন স্থানে ঘুরিয়া ফিরিয়া আমি ডেপুটী ইনস্পেক্টরের কার্য্য সুখ্যাতি সহ করিয়া আসিয়াছি।

ডেপুটী কমিসনার ড্রাইবার্গ সাহেব যদিও খুব কড়া মেজাজের লোক ছিলেন এবং অধীনস্থ কর্মচারীদিগকে বিলক্ষণ খাটাইয়া তাহাদের নিকট হইতে কাজ আদায় করিয়া লইতে পটু ছিলেন বটে, তথাপি সময়ে সময়ে ঠাট্টা, বিদ্রূপ ও ব্যঙ্গ্যোক্তি করিয়া তাঁহাদিগকে হাসাইতে ও আমোদ প্রদান করিতে জানিতেন। তাহার একটা দৃষ্টান্ত নিম্নে দিলাম।

এটি একটা গভর্ণমেণ্টের নিয়ম যে যখন কোন কর্মচারী মফঃস্বলে ভ্রমণ করিতে যাইবেন তখনই তাঁহাকে তাহার সফরের একটা লিখিত

বিবরণ উপরিস্থ কর্মচারীর নিকট দিয়া এবং উহা মঞ্জুর করাইয়া লইয়া ভ্রমণে বাহির হইতে হইবে অর্থাৎ কোন দিন কোথায় থাকিবেন এবং কি করিবেন লিখিয়া দিয়া যাইতে হইবে। আর যদি বেশী দিন মফঃস্বলে থাকিতে হয় এবং তাহার পূর্বপ্রদত্ত তালিকার দিন শেষ হইয়া যায়, তাহা হইলে মফঃস্বল হইতে পুনরায় ঐরূপ তালিকা সময়ে সময়ে দিতে হইবে নচেৎ তাঁহার নিকট তাঁহার ডাক ও চিঠিপত্র পাঠাইতে অস্ববিধা হইবে। এই নিয়মানুসারে আমাকেও ঐরূপ একটা তালিকা ডেপুটি কমিসনারের নিকট দিয়া এবং উহা মঞ্জুর করাইয়া লইয়া যাইতে হইত। আমি একবার ইষ্টার্ণ-ডুয়ার পরিভ্রমণে বাহির হইবার পূর্বে ১০।১২ দিনের কার্ধ্যের একটি তালিকা দিয়া মফঃস্বলে চলিয়া গিয়াছিলাম। সেবারে আমি প্রায় ৫০ দিন একাদিক্রমে ইষ্টার্ণ-ডুয়ারে ছিলাম। যেখানে ডাকঘর পাইতাম সেইখান হইতে আবার নূতন তালিকা পাঠাইতাম। কিন্তু ইষ্টার্ণ-ডুয়ারে তখন ২ বা ৩টি মাত্র ডাকঘর ছিল এবং ডাকঘর হইতে অনেক দূরস্থ পল্লীতে আমাকে থাকিতে হইয়াছিল। কাজেই সময় মত আমার সফরের তালিকা ডেপুটি কমিসনারের নিকটে পৌঁছিত না। এজন্য একবার তিনি আমাকে একখানি আমার সফরের তালিকার উপরে নিম্নলিখিত কথা কয়টি ব্যঙ্গ করিয়া লিখিয়াছিলেন। Deputy Inspector, your tour programme is of very little use to me. It reaches me after your tour has been over অর্থাৎ তোমার সফরের তালিকা আমার খুবই কম কাজে লাগে। তোমার সফর শেষ হইয়া যাইবার পরে উহা আমার হস্তগত হয়। এই মন্তব্যটি পাওয়ার পরে আমি আমার সফরের তালিকা দেওয়া এককালেই বন্ধ করিয়া দিই। কিছুদিন পরে অত্র একখানি চিঠি বা কাগজের উপরে আমার নিকটে নিম্নলিখিত কথা কয়টি লিখিয়া পাঠান।

Deputy Inspector, where are you? I know you are somewhere on the North-bank, but for all that, you may

be either at Manikarchar or at Dhupdhara, or at the Exhibition. You should let me know your whereabouts, অর্থাৎ ডেপুটী ইনসপেক্টর তুমি কোথায় আছ, যদিও আমি জানি তুমি ব্রহ্মপুত্র নদের উত্তরপারের কোন স্থানে আছ, তথাপি তুমি মানিকারচরে বা ধুপ্ধাড়াতে থাকিতে পার (মাণিকারচর, ব্রহ্মপুত্রের দক্ষিণ পারে গোয়ালপাড়া জেলার শেষ দক্ষিণপ্রান্তে এবং ধুপ্ধাড়া ঐ পারের শেষ উত্তরপ্রান্তে) অথবা তুমি কলিকাতার প্রদর্শনী দেখিতে গিয়া থাকিতে পার তুমি কোথায় আছ এবং কি করিতেছ আমাকে জানান উচিত। একজীবিসন্ অর্থাৎ কলিকাতার প্রথম প্রদর্শনী বোধ হয় ১৮৮৪ সনের ডিসেম্বর মাসে বা ১৮৮৫ সনের জানুয়ারী মাসে হইয়াছিল।

আমি এই ব্যঙ্গোক্তিপূর্ণ মন্তব্য পাওয়ার পরে কিছুদিনের জন্ত তাঁহাকে আমার কোন সংবাদই দিই নাই। ইষ্টার্ণ-ডুয়ায়ের কার্য শেষ করিয়া এবং ঐ অঞ্চলের মেছ জাতিদিগের পল্লীতে ১০টি পাঠশালা স্থাপন করিয়া একটি স্মদীর্ঘ রিপোর্ট প্রদান করি। তাহাতে ১০টি নব প্রতিষ্ঠিত পাঠশালার জন্ত মাসিক সাহায্য এবং পাঠশালাগুলির গৃহ-নির্মাণ জন্ত এককালীন কতকগুলি টাকার সাহায্য প্রার্থনা করি। ঐ রিপোর্টের উপরে ড্রাহবার্গ সাহেব লেখেন Very satisfactory. All the proposals are approved of and the grants applied for, sanctioned, অর্থাৎ বিশেষ সন্তোষজনক। সমস্ত প্রস্তাব অনু-মোদন করা গেল এবং যে যে টাকার জন্ত প্রার্থনা করা হইয়াছে সবই মঞ্জুর করা গেল।

মফঃস্বল হইতে ফিরিয়া আসিয়া সাহেব বাহাদুরের সহিত সাক্ষাৎ করিয়া বলিলাম যে, সকল কর্মচারীই কলিকাতা প্রদর্শনী দেখিয়া আসিলেন। আমার ভাগ্যে কেবল উহা ঘটিল না। এই বলিয়া একখানি দরখাস্ত দিলাম। এই কথা শুনিয়া সাহেব ঈষৎ হাস্ত করিয়া বলিলেন যে কেবল প্রদর্শনী দেখিতে যাইবা না বাড়ীতেও একবার



যাইবা। আমি বলিলাম যে যখন বাড়ীতে আমার বৃদ্ধা মাতা আছেন তখন এই সুযোগে তাঁহারও ত্রীচরণ একবার দর্শন করিয়া আসিব। এই কথা শুনিয়া সাহেব আমার দরখাস্তের উপরে এরূপভাবে দিন বাঁধিয়া দিলেন যে আমি বাড়ীতে আসিতে না পারি। Leave Dhubri 15th, reach Calcutta 16th and stay there 17th and 18th, leave Calcutta 19th and reach Dhubri 20th. অর্থাৎ ১৫ই তারিখে ধুবড়ী ছাড়, ১৬ই কলিকাতা পৌছ, ১৭ই ও ১৮ই তথায় থাক, ১৯শে কলিকাতা ছাড় ও ২০শে ধুবড়ী পৌছ।

প্রদর্শনী দেখিয়া নির্দিষ্ট দিবসে ধুবড়ী ফিরিয়া গিয়া তৎপর দিবস সাহেবের সহিত সাক্ষাৎ করিলে সাহেব আমাকে জিজ্ঞাসা করিলেন বাড়ী গিয়াছিলে? আমি বলিলাম হাঁ, গিয়াছিলাম। কিরূপে গেলে জিজ্ঞাসা করায় বলিলাম ১৬ই তারিখে বেলা ১১টার কিছু পূর্বে কলিকাতায় পৌছিয়াছিলাম সে দিবস ও তৎপর দিবস বেলা ৩টা পর্য্যন্ত কলিকাতায় থাকিয়া ১৭ই তারিখে বাড়ী রওনা হই। ১৭ই রাত্রি ও ১৮ই দিবারাত্রি এবং ১৯শে বেলা ১২টা পর্য্যন্ত বাড়ী ছিলাম। তারপর রওনা হইয়া আপনার নির্দিষ্ট ২০শে তারিখে ধুবড়ী ফিরিয়া আসিয়াছি। আমার এই কথা শুনিয়া হো হো করিয়া হাসিয়া উঠিয়া আমার পিঠ চাপড়াইতে লাগিলেন।

সাহেব নিত্যান্ত strict বা কার্য আদায়ে কঠোর হইলেও আমার কার্যে কখনও অসন্তোষ প্রকাশ করেন নাই। আমিও কর্তব্য পালনে কখনও অবহেলা করি নাই। আমার পূর্ববর্তী ডেপুটী ইনস্পেক্টর মাসের মধ্যে ২৫।২৬ দিন মফঃস্বলে থাকিয়াও সাহেবকে সন্তুষ্ট করিতে পারেন নাই, কিন্তু আমি প্রতি মাসেই ধুবড়ীতে ৮।১০ দিন করিয়া থাকিতাম। সাহেব আমাকে রামেশ্বর বলিয়াই ডাকিতেন এবং বলিতেন প্রাতঃকাল ৮টা হইতে রাত্রি ৮টা পর্য্যন্ত তোমার যখন আবশ্যক আমার নিকট আসিবা কেবল অপরাহ্ন ২টা হইতে ৩টা পর্য্যন্ত আমার

নিকট আসিবা না। ঐটি আমার নিজের সময়; ঐ সময়ে আরাম কেদারায় বসিয়া চুরোট টানিতে টানিতে আমি বিশ্রাম করি।

সাহেব একদিন হঠাৎ আমাকে জিজ্ঞাসা করিলেন যে রামেশ্বর, What was your father, অর্থাৎ তোমার পিতা কি করিতেন। আমি বলিলাম He was a sugar merchant অর্থাৎ আমার পিতা চিনির ব্যবসায় করিতেন। আমাদের পরিবারের মধ্যে আমিই প্রথম গোলামী করিতে আসিয়াছি। সাহেবের হঠাৎ এইরূপ জিজ্ঞাসা করিবার কারণ বোধ হয় হয়ত কোন ব্যক্তি কোন দিন আমাকে অপদস্থ করিবার জন্ত আমি জাতিতে ময়রা এবং কাজেই নীচ জাতি প্রতিপন্ন করিবার জন্ত সাহেবের নিকট আমার বিরুদ্ধে কিছু বলিয়া থাকিবেন। সেই জন্তই সাহেব আমাকে জিজ্ঞাসা করিয়াছিলেন আমার পিতা কি করিতেন। তিনি চিনির ব্যবসাদার ছিলেন বলাতে আমার প্রতি সাহেবের অনাস্থা হয় নাই।

আর একবার পরোক্ষভাবে বাঘের সহিত আমাদিগকে সাক্ষাৎ করিতে হইয়াছিল। এবারে আমরা দলে যথেষ্ট পুরু ছিলাম। ধুবড়ী হইতে তিনজন বাহির হইলাম আমি, শ্রীযুক্ত স্মৃণময় ঘোষ ধুবড়ী লোক্যাল বোর্ডের ওভারসিয়ার, ইঁহার নিবাস যশোহর জেলার ঘোষপুরে ও শ্রীযুক্ত বিনোদবিহারী মুখোপাধ্যায়, পূর্ত-বিভাগের সব্ ওভারসিয়ার, ইঁহার বাড়ী শ্রীধাম নবদ্বীপে। ধুবড়ী লোক্যাল বোর্ডের সব্ ওভারসিয়ার শ্রীযুক্ত প্রসন্নকুমার মুন্সীর হস্তে এই সময়ে ইষ্টার্ণ-ডুয়ারের রাস্তা ঘাট ও বাঙ্গলো সমূহের কার্যভার ছিল। তাঁহার হস্ত হইতে কার্যভার বুঝিয়া লইবার জন্ত বিনোদবাবু ইষ্টার্ণ-ডুয়ারে যাইতেছিলেন। স্মৃণময়বাবু ধুবড়ী লোক্যাল বোর্ডের পূর্ত-বিভাগের প্রধান কর্মচারী ছিলেন বলিয়া তিনিও ঐ সমস্ত দেখিবার ও শুনিবার জন্ত আমাদের সহিত যাইতে-ছিলেন। প্রসন্নবাবুর আড্ডা ছিল তামারহাটে, যেখান হইতে ইষ্টার্ণ-ডুয়ার আরম্ভ হইয়াছে। প্রসন্নবাবু তথায় সপরিবারে বাস করিতেন।

আমরা বেলা আন্দাজ ১১টার সময় তামারহাটে পৌঁছলাম। প্রসন্নবাবু বাসায় ছিলেন না। তাঁহার স্ত্রী তাঁহার একটা শিশু পুত্রসহ বাসায় ছিলেন। প্রসন্নবাবুর স্ত্রী বিশেষ বুদ্ধিমতী ও শিক্ষিতা ছিলেন এবং বৈষ্ণব ধর্মে তাঁহার বড়ই ভক্তি ও আস্থা ছিল। তৎপূর্ব্বে দিবসে আমরা পাগলারহাট নামক স্থানের বাদ্গলোয় ছিলাম। এবং তথায় আমরা একটা পাটা কাটিয়া উহার সমস্ত মাংসই সন্ধে করিয়া লইয়াছিলাম। উদ্দেশ্য ছিল প্রসন্নবাবুর তামারহাটের বাসায় গিয়া উহা পাক করিয়া খাইব। আমাদের সহিত একজন পাচক ব্রাহ্মণও ছিল। প্রসন্নবাবুর স্ত্রী আমাদের গিয়ে তাঁহার বাসায় থাকিয়া পাকা দি করিয়া খাইবার জন্ত বিশেষরূপে যত্ন ও চেষ্টা করিলেন, কিন্তু প্রসন্নবাবু বাসায় নাই দেখিয়া আমরা থাকিতে সন্দেহ বোধ করিলাম। সুতরাং বড়বাধা অভিমুখে যাত্রা করিলাম, এই আশয়ে তথায় প্রসন্নবাবুর সহিত সাক্ষাৎ হইবে। তামারহাট হইতে মাইল খানিক রাস্তা গিয়াছি এমন সময়ে দেখি যে প্রসন্নবাবু আসিতেছেন। তাঁহার সহিত দেখা হইবা মাত্র তিনি তাঁহার স্বাভাবিক মিষ্ট ভাষায় আমাদের সন্মোদন করিয়া বলিলেন শালা! এই ছুপুর রোদে কোথায় যাচ্ছিস্। ফের, নইলে ভাল হবে না। সুতরাং আমরা সকলেই ফিরিয়া প্রসন্নবাবুর বাসায় আসিলাম। প্রসন্নবাবুর স্ত্রী তখন বলিলেন থাকিবার জন্ত অনেক অনুরোধ করিলাম তখন থাকিলেন না এখন আমার বাসায় স্থান হইবে না। বাসা আমার বাবুর নহে। প্রসন্নবাবুর স্ত্রীর নাম ছিল সারঙ্গনা। আমরা তাঁহাকে সারঙ্গনা দীদী বলিতাম। কাজেই প্রসন্নবাবুর আমাদের মিষ্ট ভাষায় শালা বলিয়া সন্মোদন করিবার অধিকার ছিল। সে দিন প্রসন্নবাবুর বাসায় থাকিয়া তারপর দিন কচুগাঁ অভিমুখে যাত্রা করিলাম। তামারহাটে আর একটা পাটা কাটিয়া সন্ধে করিয়া লওয়া হইল। তাহার মাংস কচুগাঁয়ে গিয়া ভক্ষণ করা হইল। সেদিন কচুগাঁয়ে থাকিয়া তারপর দিন পাটগাঁর দিকে

চলিলাম। পাটগাঁয়ের ফরেষ্ট বান্ধলোয় গিয়া দেখি সেখানকার একখানি ঘরের চালে ছোট ছোট অনেকগুলি লাউ ফলিয়া রহিয়াছে। তিন চারিদিন ক্রমান্বয়ে মাংস খাইয়া মাংসে এক প্রকার বিতৃষ্ণা হইয়া গিয়াছিল। কয়েকটা লাউ পাড়িয়া ও গাছের শাক ও ঝুঁটা কাটিয়া খাইবার বড়ই ইচ্ছা হইয়াছিল। কার্যে উহা পরিণত করা হইল। খাইবার সময়ে দেখি লাউ ও উহার শাক বড়ই তিক্ত। সুতরাং আমি খাইলাম না। সুগময়বাবু ও প্রসন্নবাবুও খাইতে বিরত হইলেন। কিন্তু বিনোদবাবু বলিলেন যে তিক্তদ্রব্য পিত্তনাশক। উহা আমি ফেলিয়া দিব না। বিনোদবাবুকে আমরা পাগল বলিতাম। বিনোদবাবু ঐ তিক্ত দ্রব্যগুলি অধিক পরিমাণে খাওয়ায় ভেদ ও বমন হইতে লাগিল। প্রায় কলেরা বা বিস্ফটিকা হইয়া দাঁড়াইল। তাঁহাকে লইয়া আমরা বিষম বিপদে পড়িলাম। তাঁহার সহিত কয়েকটা হোমিওপ্যাথিক ঔষধ ছিল। রোগের লক্ষণ দেখিয়া ঐ ঔষধ কয়টির মধ্যে দুই তিনটা ব্যবহার করা হইল। কিছুতেই তাঁহার পীড়ার উপশম হইল না। পাটগাঁয়ে আমরা ব্যতীত আর কোন ভদ্রলোক ছিলেন না। সুতরাং আমরা গুরুভাষায় যাইবার জন্ত মনস্থ করিলাম। মনে করিলাম তথায় গিয়া ফরেষ্ট রেঞ্জার ও ফরেষ্টার বাবুদিগকে পাইব। কিন্তু তথায় গিয়া দেখি, বাবুরা কেহই বাসায় নাই। কাজেই গুরুভাষায় না থাকিয়া সিদ্দলী অভিমুখে যাত্রা করিলাম। সিদ্দলীতে একটা পুলিশের ফাঁড়ি ছিল এবং সেখানে একখানি ভাল বিজ্ঞামের বান্ধলোও ছিল। সিদ্দলী যাওয়ার পরেও বিনোদবাবুর পীড়ার কিছুই উপশম হইল না। সিদ্দলী হইতে চিঠি লিখিয়া উত্তরশালমারার পুলিশ্ সৰ্ ইনস্পেক্টরের নিকট একটা লোক পাঠাইয়া দিলাম। তাঁহাকে অনুরোধ করা গেল যে আট জন বেহারা সমেত যেন একখানি পাল্কি পাঠাইয়া দেন। কিন্তু দুর্ভাগ্যক্রমে থানায় সৰ্ ইনস্পেক্টর বাবু ছিলেন না। হেড্ কনস্টেবল্ নারায়ণবাবু এ সম্বন্ধে কোনরূপ সাহায্য পাঠাইলেন না।

আমাদের উদ্দেশ্য ছিল পাল্কি পাইলে বিনোদবাবুকে বিজ্ঞানী লইয়া গিয়া তথা হইতে নৌকা করিয়া গোয়ালপাড়া মহকুমার সদর ষ্টেশন গোয়ালপাড়ায় যাইব। কিন্তু উহা ঘটিয়া উঠিল না। দুইদিন সিদলী থাকার পরে বিনোদবাবু একটু সুস্থ হইলেন। তখন আমরা বাঙ্গলো হইতে দুইখানি চেয়ার লইয়া চেয়ার দুইখানিকে সমুখ-সমুখি করিয়া বসাইয়া তাহার তলে দুইখানি বাঁশ বাঙ্কিলাম। আটজন মেছ কুলি সংগ্রহ করিয়া তাহাদের স্বক্ষে চেয়ার দুইখানি দিয়া বিনোদবাবুকে তাহার উপর বসাইয়া পোপড়ারগাঁ দিকে যাত্রা করিলাম। সিদলী হইতে পোপড়ারগাঁ ৯ মাইল দূরে এবং তথা হইতে বিজ্ঞানী নয় মাইল দূরে অবস্থিত। স্মতরাং পোপড়ারগাঁ ঠিক সিদলী ও বিজ্ঞানীর মধ্যস্থলে। সিদলী এক সময়ে সিদলীর স্বাধীন রাজার রাজধানী ছিল। রাজা এখনও বর্তমান কিন্তু স্বাধীনতা-বিহীন। বিজ্ঞানীতেও বিজ্ঞানীর স্বাধীন রাজা বাস করিতেন তাঁহারও স্বাধীনতা গিয়াছে। রাজা নাই, রাণীরা এখন তাঁহার চিরস্থায়ী জমিদারীর অন্তর্গত ডুমুরিয়া নামক স্থানে বাস করিতেছেন। পোপড়ারগাঁয়ে এক রাত্রি থাকা কালে বিনোদবাবু অনেকটা সুস্থ হইলেন। তারপর দিন বিজ্ঞানী চলিলাম। পোপড়ারগাঁ হইতে ৪ বা ৫ মাইল গেলেই একটা ঘন জঙ্গলময় স্থান পাওয়া যায়। ঐ স্থানে বগু হস্তী, মহিষ, শূকর, ব্যাঘ্র ও ভল্লুক প্রভৃতি হিংস্র জন্তু সর্বদাই বিচরণ করে। বিনোদবাবুকে যে দুইখানি চেয়ারে বসাইয়া লইয়া যাইতেছিলাম তাহার নাম রাখিয়াছিলাম চতুর্দোলা। এই স্থানে পৌছিয়া বিনোদবাবুকে বলিলাম ভাই এখন চতুর্দোলা হইতে নামিয়া ঘোড়ার পিঠে উঠ। এখানে এক্রপভাবে যাওয়া নিরাপদ হইবে না। স্মতরাং তিনি ঘোড়ায় উঠিলেন। আমার ঘোড়াটি ছিল সকলের ঘোড়া অপেক্ষা আকারে বড় ও বেশ স্নায়ুতা, কিছু দেখিয়া সহজে ভয় পাইত না। স্মতরাং আমাকেই সকলের অগ্রগামী হইতে হইল। খানিক দূর এইভাবে গিয়াছি এমন

সময়ে রাস্তার উপরে একটা বগ্ন শূকরের চীংকার শব্দ শ্রুত হইল। কি যেন জঙ্গলের মধ্যে ভয়ে ছুটিয়া পলাইল। চতুর্দোলাবাহক মেছ-কুলিরা আগেই যাইতেছিল। তাহারা একটু অগ্রসর হইয়াই একটা শূকরের বাচ্চাকে অর্দ্ধমৃত অবস্থায় পাইল। তাহার মাথার উপরে বাঘের পাঁচটা দাঁতের দাগ রহিয়াছে এবং ঐ পাঁচটা ক্ষত স্থান হইতে তখনও তাজা রক্ত বাহির হইতেছে। মেছেরা বলিল বাবু শুন্লি না বাঘে ধাড়ী শূয়ারটাকে তাড়া করিয়াছিল। সেটা পলাইয়া যাওয়াতে তাহার বাচ্চাটাকে মারিয়া তাহার পিছনে পিছনে বাঘ ছুটিয়াছে। উহারই বিকট শব্দ তোরা শুনিছিলি। মেছেরা সেই অর্দ্ধমৃত শূকরের বাচ্চাটাকে খাইবার জন্ত মহা আনন্দে উঠাইয়া লইল। এই হইল পরোক্ষভাবে ব্যাঘ্রের সহিত সাক্ষাৎ। আরও দুইতিন বার আমি সম্মুখে বাঘ দেখিয়াছিলাম কিন্তু আক্রান্ত হই নাই। এসব কথা লিখিয়া আর পুঁথি বাড়াইব না এবং পাঠককে বিরক্ত করিব না।

এক্ষণে মেছ-জাতি সম্বন্ধে কিছু লিখিয়া ইষ্টার্ণ-ডুয়ার ভ্রমণ বৃত্তান্ত সমাপ্ত করি। আমি স্থল ও জল পথে এবং হস্তী পৃষ্ঠে ভ্রমণ করিয়া ইষ্টার্ণ-ডুয়ারের অতি দূরগম্য স্থানগুলিতেও গিয়াছি। এবং উহাদের আচার ব্যবহারও লক্ষ্য করিয়াছি। মেছ-ভাষাও আমি কতকটা শিক্ষা করিয়াছিলাম। না শিখিলে ঐ অঞ্চলে ভ্রমণ করা সুকঠিন হইত।

মেছেরা সবলকায়, বলিষ্ঠ ও শ্রমসহিষ্ণু জাতি। ইহারা পূর্বে বড়ই সরল ও শিষ্ট জাতি ছিল। এখন বাঙ্গালী বাবুদের ও আসামের বড়পেটা মহুকুমার অধিবাসীদিগের সঙ্গে মিশামিশি করিয়া চতুর, অসরল ও মামলাবাজ হইয়া উঠিয়াছে। ইহাদের জীলোকেরাও বেশ সরল ও সত্যী ছিল। তাহারাও এখন এই কারণে চরিত্রভ্রষ্ট হইয়া পড়িতেছে। জীলোকেরা পথের মধ্যে ঘোড়ায় চড়া লোক দেখিলে ছুটিয়া জঙ্গলের মধ্যে প্রবেশ করিত। কিন্তু তাহাদের ভাষায় “দাগী দাগী অর্থাৎ ভয় নাই এবং কিলানী লামা দোক “অর্থাৎ কেলায়

বাইবার রাস্তা আছে কি? জিজ্ঞাসা করিলে কত কথাই বলিত। সব কথার অর্থ বুঝিতে পারিতাম না। তখন ইহারা মনে করিত ঘোড়ায় চড়া লোকটা আমাদের নিজ জন—শত্রু নহে। মেছবস্তির মধ্যে কোন পাঠশালা গৃহে যদি কখনও থাকিতাম, তাহা হইলে মেছবস্তির মণীরা কিছু চা'ল দুই একটা কপোতের বাচ্চা বা একটা হাঁস উপঢৌকন লইয়া সন্ধ্যার পরে আমার নিকট পাঠশালা গৃহে আসিত এবং নৃত্যগীত করিত। অবশ্য ইহাদের সঙ্গে কোন না কোন পুরুষ অভিভাবক থাকিত। ইহারা বসিয়া বসিয়া নাচিত ও গান করিত, দাঁড়াইয়া করিত না। উহাদের মানরক্ষার্থ আমাকে অন্ততঃ একটা টাকা দিতে হইত ইহাতে তাহারা পরম পরিতুষ্ট হইত। তাহাদের নৃত্যের মধ্যে অঙ্গীলতার কিছুই পরিচয় পাওয়া যাইত না। অঙ্গ ভঙ্গিতেও কোনরূপ অঙ্গীলভাব লক্ষিত হইত না। মেছবস্তির এত পরিশ্রম ও কষ্ট করিতে পারে যে নদীর বেগ ফিরাইয়া তাহারা অনেক কৃত্রিম নদীর ও খালের সৃষ্টি করিতে সমর্থ। বৃষ্টির অভাবে তাহাদের কোন ফসলই কখনও নষ্ট হয় না। ক্ষেতের মধ্যে একরূপভাবে জল লইয়া যায় যে একই জলধারা উত্তর হইতে দক্ষিণ দিকে এবং ঠিক সেই সময়েই পশ্চিম হইতে পূর্ব দিকে যাইতেছে। ইহাদের এই খাল খননের ব্যাপার দেখিয়া রুড়কির সোলানী একুইডাক্টের কথা মনে পড়ে। Solani aqueduct পূর্ব-বিভাগের একটা অদ্ভুত কীর্তি। নীচে দিয়া সোলানী নদী প্রবাহিত হইতেছে এবং তাহার উপর দিয়া হরিদ্বার হইতে গঙ্গার খাল কানপুরের গঙ্গায় আসিয়া পড়িতেছে; অথচ সোলানী নদীর জল গঙ্গার খালের জলকে কোন স্থানে স্পর্শ করিতেছে না। মেছেদের মধ্যে এই কারণে কখনই হুভিক্ষ উপস্থিত হয় না।

মেছেরা অতি যত্নের সহিত গো পালন করে অথচ গরুর দুধ দৈ বা ঘি কখনও আত্মদান করে না। গরুর দুগ্ধও দোহন করে না;

অথচ শূকর, মুরগী, হাঁস কবুতর ইত্যাদির মাংস খায়। আমরা ইহাদের বস্তুতে গেলে ইহাদের মেয়েরা অতি বড়ের সহিত আমাদের অভ্যর্থনা করিত। ভাল মিহি ধানের চাল তৈয়ার করিয়া দিত। “চা” খাইতাম বলিয়া দুধেরও ঘোগাড় করিত। ৫৭টা দুধবতী গাভী আনিয়া একহস্তে তাহাদের দুধ দোহন করিত। গাভী দোহনের অভ্যাস না থাকায় ৭৮টা গাই দুহিয়া হয়ত ১/২ দুই সের দুধ সংগ্রহ করিত। মেছেদের মধ্যে সিদলীর পঞ্চম সার্কেলের মোজাদার আশ্বিনা মেছের সহিত আমাদের বিলক্ষণ সৌহৃদ্য জন্মিয়াছিল। উহার বাড়ীর বাহিরে আমাদের থাকিবার জন্ত ৪৫ খানা খড়ুয়া ঘর ছিল উহাতে চেয়ার টেবিলও ছিল। মেছেদের মেয়েরা আমাকে আমাদের বাবু বলিত এবং আমাকে বড়ই ভক্তি শ্রদ্ধা করিত।

মেছেরা কতকটা হিন্দু ভাবাপন্ন; রাম নাম স্মরণ করিয়া প্রাতে শয্যা পরিত্যাগ করে। অনেকের মাথায় শিখাও আছে। ইহাদের প্রধান দেবতা সিজদেও অর্থাৎ যে সিজ গাছ পুঁতিয়া আমরা মনসা পূজা করি সেই সিজ গাছই ইহাদের বড় দেবতা। হাঁস, মুরগী ও শূকর ইহার সম্মুখে বলি দেয়। ইহাদের মধ্যে পাঠশালা স্থাপন করিয়া অনেকগুলি বালককে শিক্ষা দিয়াছিলাম। সঁওতাল মিসনের তৎকালের প্রধান কর্তা (Rev. Borison) রেভারেণ্ড বরিশনের অনুরোধে আমি দুইটা মেছ্ বালককে ইংরাজী শিক্ষার্থ বঙ্গদেশের রামপুরহাট নামক স্থানে পাঠাইয়া দিয়াছিলাম। ইহারা তথায় ইংরাজী শিখিয়াছিল এবং ইহাদের নিকট তথাকার মিসনারি সাহেবেরা মেছ্ ভাষা শিখিয়া মেছ্ ভাষায় পুস্তক প্রণয়ন করিয়াছিলেন। মেছেদের লিখিত ভাষা ছিল না সুতরাং অক্ষরও ছিল না। Roman character বা ইংরাজী অক্ষরে মেছ্ ভাষার পুস্তক প্রকাশিত হইয়াছে আজকাল মেছেদের মধ্যে অনেকেই সুশিক্ষিত হইয়াছে। দুই একটা বড় বড় চাকরীও পাইয়াছে। মোজাদার হইয়াছে এবং দুই একজন ডিষ্ট্রিক্ট



বোর্ডের মেম্বর ও অনারারী ম্যাজিস্ট্রেটও হইয়াছে। কিন্তু শিক্ষার দোষে তথাকথিত ভদ্রলোকদিগের সংস্পর্শে আসিয়া পূর্বের নিকলক চরিত্র হারাইতে আরম্ভ করিয়াছে।

আমি যখন প্রথমে ইষ্টাণ-ডুয়ারে ঘাই তখন কোন্ গ্রামে কাহার বাড়ী গিয়া থাকিব এই সমস্ত জ্ঞাতব্য বিষয় ডিষ্ট্রিক্ট ইঞ্জিনিয়ার শ্রীযুক্ত দুর্গাদাস দাস মহাশয়ের নিকট হইতে জানিয়া লইয়াছিলাম। দুর্গাদাসবাবু অতি অমায়িক লোক ছিলেন। বয়সে আমাপেক্ষা অনেক বড় হইলেও উঁহার সহিত আমার বিলক্ষণ সৌহৃদ্য জন্মিয়াছিল। কচুগাঁয়ে পুলিশের থানা ছিল তথায় থাকিবার স্থানাভাব ছিল না। তারপরেই থাকিবার স্থানের বিলক্ষণ অভাব। কচুগাঁয়ের ৬৭ মাইল দূরে দেবর বা দেওরগাঁ। তথায় অর্জুন মেছো নামে একটি লোক ছিল মেছোদিগের মধ্যে প্রধান। দুর্গাদাসবাবুর কথামত আমি অর্জুন মেছের বাড়ী উপস্থিত হইয়া দেখি তথায় আমাদের থাকিবার উপযুক্ত ঘর নাই। বাহিরে একটি ছোট কুঁড়ে ঘর রহিয়াছে এবং তখন তথায় কয়েকটি শূকরও রহিয়াছে। ঘরের মধ্যে মাচা আছে। গাছের ডাল দিয়া মাচাটা তৈয়ার করা, আধ হাত অন্তর এক একটি ডাল। অর্জুন তখন বাড়ী ছিল না। আমরা তাহার সম্মতি না লইয়াই সেই ঘরখানি দখল করিলাম। শূকরগুলি ভাড়াইয়া দিয়া সেই মাচার উপরে বিছানা করাইলাম। ঘরের চারিদিকে কাপড় টাঙাইয়া দিয়া তাহার বেড়া করিলাম। সন্ধ্যার ঠিক পরে অর্জুন বাড়ী আসিয়া দেখিল যে তাহার বিনা অনুমতিতেই আমরা তাহার ঘরখানি দখল করিয়া লইয়াছি। অর্জুন আসিয়া বলিল, কে রে আমার ঘর দখল করিয়াছিস; আমার এখানে জায়গা হবে না। আমি ঘরের বাহিরে আসিয়া বলিলাম, ভাই, অর্জুন তোমার নাম শুনিয়া তোমার বাড়ী আসিয়াছি। আমি স্কুলের ডেপুটী ইনসপেক্টর, তোমাদের এ অঞ্চলে পাঠশালা স্থাপন করিতে আসিয়াছি,

তাড়াইয়া দিলে এই রাত্রিতে এই জঙ্গলের মধ্যে কোথায় যাইয়া বাঘের পেটে যাইব। তখন সে বলিল আচ্ছা থাক, আমার ত কিছু নেই যে তোকে খেতে দিব। আমি বলিলাম আমার সহিত খাবার জিনীস সবই আছে কেবল জালানি কাঠ নাই; আর জল আনিবার জন্ত একটা পিতলের কলসী পাইলে সুবিধা হয়। সে বলিল একটা কেন দুইটা কলসী দিব। জালানি কাঠ যত ইচ্ছা পাবি। আমাদের রক্তনের আয়োজন হইতেছে এমন সময়ে আমার চাপরাসী বলিল যে লবণ ফুরাইয়া গিয়াছে। সেখান হইতে দুই মাইল দূরে কলাই গাঁ নামক স্থানে একজন রাজবংশীর একটা সামান্য মুদিখানার দোকান ছিল, তথায় চাপরাসী ও সহিসটাকে পাঠাইয়া দিলাম। লবণ লইয়া আসিবার সময়ে রাস্তায় একটা মহিষ দেখিয়া ভয়ে দৌড়াইয়া আসিবার চেষ্টা করাতে চাপরাসী পড়িয়া গিয়াছিল তাহার কাপড়ে বাঁধা লবণও মাটিতে পড়িয়া গিয়াছিল। মাটি মাখা কতকটা লবণ লইয়া ফিরিয়া আসিল। মহিষটা কিন্তু বুনো নহে, ঘরোা মহিষ। পাল ছাড়িয়া একাকী দূরে চলিয়া গিয়াছিল। আমাদের রান্না হইতেছে এমন সময়ে অর্জুন আসিয়া বলিল “বাবু আমার ঘরে এসেছিঁস্ আমার কিছু থাকি না।” আমি বলিলাম তোমার দিবার কিছু থাকিলে দিতে পার। তখন সে কিছু লাফা শাক আনিয়া দিল।

মেছেরা ধেনো মদ—যাহাকে তাহার পচুই বলে—খুব খায়। উহা না খাইলে তাহার পরিশ্রমসাধ্য কার্য্য করিতে পারে না। মেছ্ জাতির সম্বন্ধে বলিবার অনেক বিষয় থাকিলেও বাহুল্য ভয়ে আর কিছু লিখিলাম না। জার-মেছ্ নামে একটা ১৬১৭ বৎসর বয়স্ক বালককে ৩ টাকা হারে নিম্ন প্রাইমারি বৃত্তি দান করিয়া আমার বাসায় আনিয়া রাখিয়াছিলাম এবং তাহাকে ধুব্‌ড়ী হাই স্কুলে শিক্ষার্থ ভর্তি করিয়া দিয়াছিলাম। সে দুই বৎসর কাল আমার বাসায় থাকিয়া ধুব্‌ড়ী হাই স্কুলে অধ্যয়ন করিয়াছিল। সে তাহার বাড়ী হইতে খাবার

চা'ল আনিত। অন্ত্যস্ত দ্রব্য কখনও নিজে বাজার হইতে কিনিত বা আমার বাসা হইতে লইত। তাহার স্বভাব খুব ভাল ছিল। বিতালয় ছাড়িয়া পরে সে মেহ্ কুলি লইয়া আসামের চা বাগানে গিয়া কার্য্য করিয়া বিলক্ষণ অর্থ উপার্জন করিয়াছিল।

**চিফ্ কমিসনার সার্ চার্লস ইলিয়টের সহিত মফঃস্বল**

**ভ্রমণ ও তাঁহাকে আসামীয়া ভাষা পড়ান।**

আমি জুলাই মাসে ডেপুটী ইনস্পেক্টরের কার্য্যে নিযুক্ত হই। তাহার পরবর্তী ডিসেম্বর মাসের প্রথমেই আসামের মাননীয় চিফ্ কমিসনার সার্ চার্লস ইলিয়ট ( Sir Charles Elliot ) সাহেব বাহাদুর মফঃস্বল ভ্রমণার্থ দলবলসহ গোয়ালপাড়া জেলায় আসেন। আমাদের স্কুল ইনস্পেক্টর শ্রীযুক্ত ( J. Wilson ) জে, উইল্‌সন্ সাহেবও ঐ সঙ্গে আসেন। সুতরাং আমাকেও উহাদের সঙ্গে মিলিত হইতে হইল। গোয়ালপাড়া পর্য্যন্ত ব্রহ্মকুণ্ড নামক গভর্ণমেণ্টের জাহাজে আসিয়া গোয়ালপাড়ার অপর পারে উত্তর-শালমারা পুলিশ স্টেশন্ পর্য্যন্ত অস্থারোহণে ও পদব্রজে উহার সকলেহ গেলেন। আমি তখনও ঘোড়ায় চাড়িতে ভাল করিয়া শিখি নাই। আমি ধুবড়ী হইতে গোয়ালপাড়া পর্য্যন্ত ষ্টিমারে গিয়াছিলাম। পরে পদব্রজে শালমারা পর্য্যন্ত যাই। অপর পারের রাস্তা দিয়া ধুবড়ী হইতে আমার ঘোড়া শালমারা পর্য্যন্ত যাইবার বন্দোবস্ত ছিল। শালমারায় আমাদের ইনস্পেক্টর উইল্‌সন্ সাহেবের সহিত সাক্ষাৎ হইবামাত্র তিনি আমাকে জিজ্ঞাসা করিলেন যে, তোমার ঘোড়া আসিয়াছে; আন বলিলাম এখনও আসে নাই। সন্ধ্যার মধ্যে বোধ হয় আসিয়া পৌছিবে। সাহেব বলিলেন আমার সহিত তিনটা ঘোড়া আছে। তোমার ঘোড়া আসিয়া না পৌছিলে কল্য সকালে আমার একটা ঘোড়া তোমাকে দিব। পরদিন প্রাতে দেখি সাহেবের একটা ভাল ঘোড়া সজ্জিত হইয়া আমার

নিকটে প্রেরিত হইয়াছে। কিন্তু পূর্ব রাত্রিতেই আমার ঘোড়া শালমারায় পৌঁছিয়াছিল। ধন্যবাদ লহকারে সাহেবের ঘোড়া ফিরাইয়া দিলাম এবং মনে মনে ভাবিলাম—বাঁচিলাম। অত তেজী ঘোড়ায় চড়িয়া উহাকে বাগ মানাইতে পারিতাম কিনা সন্দেহ। শালমারা হইতে ছয় মাইল দূরবর্তী বিজনীর রাজার বাসস্থান ডুমুরিয়া নামক স্থানে আমাদের যাইবার কথা। চিফ্ কমিসনার ইলিয়ট সাহেব হাঁটিতে খুব মজবুত ছিলেন। আমাদের ডেপুটি কমিসনার ড্রাইবার্গ সাহেবও তাঁহার সমকক্ষ ছিলেন। থানা হইতে বাহির হইয়াই সকলে হাঁটিতে আরম্ভ করিলাম। প্রথমে চিফ্ কমিসনার সাহেব পশুর খোঁয়াড় পরিদর্শন করিলেন। তারপর রাস্তায় চলিতে চলিতে মাটি কাটিয়া কুলিরা রাস্তা করিয়া যে চৌকা খনন করিয়াছিল এরূপ একটা চৌকার মধ্যে নামিয়া উহার গভীরতা মাপিলেন। উহার গভীরতা একফুট হওয়া উচিত ছিল। কিন্তু ৯ ইঞ্চি মাত্র হইল। মাপিয়াই ডিক্টিক্ ইঞ্জিনিয়ার দুর্গাদাসবাবুকে বলিলেন, দুর্গাদাস, এ কি, দুর্গাদাসবাবু সত্য মিথ্যা বাহা হউক একটা উত্তর দিতে খুব মজবুত ছিলেন। তিনি বলিলেন যে মাপের বহীতে ৯ ইঞ্চি নিশ্চয়ই লেখা আছে। তাহাতে চিফ্ কমিসনার সাহেব বাহাদুর বলিলেন যে মাপে চুরি না থাকিতে পারে, না থাকিলেও এটা নিতান্তই অব্যবসায়ীর কার্য হইয়াছে। এ রাস্তার কার্যভার কাহার উপরে? দুর্গাদাসবাবু বলিলেন সব্ ওভারসিয়ার রত্নধর শইকিয়ার উপরে। রত্নধরের নামটা চিফ্ কমিসনার বাহাদুর তাঁহার নোটবুকে লিখিয়া লইলেন। রাস্তা হাঁটিতে আবার আরম্ভ হইল। চিফ্ কমিসনার ও ডেপুটি কমিসনার খুব জোরে জোরে হাঁটিতে লাগিলেন। তাঁহার পার্সন্সাল এসিস্ট্যান্ট গাইড্ সাহেব সঙ্গে ছিলেন। ইনি কিছু বাবুধরণের লোক ছিলেন। ইনি পশ্চাৎপদ হইয়া ঘোড়ায় উঠিলেন। ইহার দেখাদেখি আমাদের ইনস্পেক্টর উইলসন্ সাহেবও ঘোড়ায় চড়িলেন। উহাদের দেখাদেখি ডিক্টিক্ ইঞ্জিনিয়ার দুর্গাদাসবাবু

ও পুলিশ সর্ব-ইনস্পেক্টর শশীবাবুও ঘোড়ায় উঠিলেন। আমিও তাঁহাদের পদাঙ্কানুসরণ করিলাম। ভবিষ্যতে এই গাইড্ সাহেব কলিকাতা হাইকোর্টের অন্যতম জজ হইয়াছিলেন। শালমারা হইতে ৪ মাইল দূরে একটা স্থান আছে, দেখিতে পুকুরের মত, কিন্তু তাহাতে জল নাই। ইহাকে রামরাজার গড় বলে। মানসিংহকে আসামে রামরাজা বলে। মানসিংহ যখন আসাম বিজয় করিতে আসিয়াছিলেন, তখন এইস্থানে ছাউনি করিয়া কিছুদিন ছিলেন। তাঁহার সময়ের অতি সুপ্রশস্ত রাস্তা গোয়ালপাড়া জেলায় এখনও অনেক স্থানেই দেখা যায়, কেবল পাথরের বা কাঠের পুলগুলি স্থানে স্থানে ভাঙ্গিয়া গিয়াছে। এই রামরাজার গড় পর্যন্ত ইহার হাঁটিয়া গিয়া পরে ঘোড়ায় উঠিলেন।

বিজ্ঞানীর রাজকাছারী ও অত্রান্ত স্থান পরিদর্শন করিয়া পরে রাজার মধ্য-বাঙ্গালা স্কুলটা পরিদর্শন করিয়া আমরা সকলে শালমারায় ফিরিয়া আসিলাম। শালমারা হইতে বিজ্ঞানী বাইয়া সমস্ত ইষ্টার্ন-ডুয়ার অঞ্চল ভ্রমণ করিবার কথা ছিল। কিন্তু শালমারায় ফিরিয়া আসিয়া সে মত পরিবর্তন করিয়া পাহাড়ের উপর দিয়া চাপড় নামক স্থানে আসিয়া বিলাসীপাড়া, বগুরি-বাড়ী ও গোরাপুর হইয়া ধুবড়ী আসিবার মত হইল। পাহাড়ের উপর হাটুরেদের হাঁটিয়া বাইবার একটা নামে মাজ্জা রাস্তা ছিল। সেই রাস্তাটিকেই একদিনের মধ্যে কিছু প্রশস্ত করিয়া ঘোড়া চলাচলের উপযুক্ত করা হইল। ডিস্ট্রিক্ট ইঞ্জিনিয়ার দুর্গাদাসবাবু এ সব কাজে খুব মজবুত ছিলেন। শালমারা হইতে চাপড় ১৬ মাইল দূরে অবস্থিত। তৎপর দিবস আমরা চাপড়ে আসিলাম। এই স্থানের ঘটনা পরে বর্ণিত হইল। এই স্থানটা বিলাসীপাড়ার ব্রাহ্মণ জমিদারদিগের জমিদারীর অন্তর্গত। বিলাসীপাড়ার জমিদারের জমীদারীকে চাপড় ষ্টেট বলে কেন? শুনিতে পাই এই জমিদারীর সৃষ্টিকর্তা বিজ্ঞানীর রাজার পাচক ব্রাহ্মণ ছিলেন। একদা রাজা ভাউলে করিয়া ব্রহ্মপুত্রের উপরে বেড়াইতে বাহির হইয়াছিলেন। পাচক ব্রাহ্মণ ব্রহ্মপুত্রের চরের

উপরে প্রখর সূর্য্যতাপের মধ্যে গলদঘর্ষ হইয়া পাক করিতেছিলেন। রাজা প্রাতঃকালে ভাউলে হইতে নামিয়া নদীতটে বেড়াইতে গিয়াছিলেন। যখন ভাউলেতে ফিরিয়া আসেন, তখন অনেক বেলা হইয়াছিল। ভাউলেতে উঠিবার সময়ে দেখেন যে তাঁহার পাচক ব্রাহ্মণ গলদঘর্ষ হইয়া চরের উপরে অতিকষ্টে পাক করিতেছেন। রাজা রসিকতা করিয়া বলিলেন ঠাকুর, চরের উপরে পাক করিতে তোমার অত্যন্ত কষ্ট হইতেছে। এই চরটা তোমাকে দান করিলাম। ব্রাহ্মণ বলিলেন বালুকাময় একটা চর লইয়া আমার কি উপকার বা লাভ হইবে? রাজা বলিলেন যে—হয়েছে চর, হচ্ছে চর, ও হব চর তোমাকে দিলাম। ব্রাহ্মণ বলিলেন দিলেন ত খুব কতকগুলি বালির চর। রাজা বলিলেন যে কাজিপাড়া ও সত্যপুর নামক দুইখানি গ্রামও তোমাকে দান করিলাম। কাজিপাড়া ও সত্যপুর নামক গ্রাম দুইখানি, আমি যে চাপড়ের কথা বলিতেছি তাহার অতি নিকটে। তিন প্রকার চর—হয়েছে চর অর্থ—বর্তমান চর, হচ্ছে চর অর্থ—ধোয়াটে পলি পড়িয়া যে চর জমিতেছে ও হব চর অর্থ—ভবিষ্যতে যে চর জন্মিবে; আর গ্রাম কাজিপাড়া ও সত্যপুর লইয়া পাঁচটা ভূমি সম্পত্তি হইল। একটা হাতে পাঁচটা আঙ্গুল; পাঁচ আঙ্গুল লইয়া করতলকে সাধারণতঃ এক চাপড় বলে; সুতরাং এই জমিদারীর নাম হইল চাপড়। এই জমিদারীর সৃষ্টিকর্তা ময়মনসিংহ জেলা-নিবাসী ব্রাহ্মণ ছিলেন।

পাহাড়ের উপর দিয়া নূতন তৈয়ারি রাস্তা দিয়া চাপড় আসিবার সময় চিফ্ কমিশনার বাহাদুর দুর্গাদাসবাবুকে বলিলেন, এ কয় মাইল রাস্তা হইবে? দুর্গাদাসবাবু তৎক্ষণাৎ বলিলেন ১২ মাইল। চিফ্ (Chief Commissioner) বাহাদুর বলিলেন না দুর্গাদাস, ১২ মাইলের বেশী হইবে। দুর্গাদাস বাবু বলিলেন, আপনি হাঁটিতে হাঁটিতে ক্লান্ত হইয়াছেন সেইজন্য বেশী রাস্তা বোধ হইতেছে। কিন্তু পরে মাপিয়া মাইলের খুঁটি বসাইবার সময়ে উহা ১৬ মাইলেরও একটু বেশী

হইয়াছিল। এই সময়ে চাপড়ের বিশ্রাম-বাঙ্গলো প্রস্তুত হয় নাই। চিফ্ কমিসনার ওঠাহার সঙ্কে লোকজনদিগের থাকিবার জন্ত অস্থায়ী ভাবে কতকগুলি দোচালা খড়ুয়া ঘর প্রস্তুত হইয়াছিল। এই স্থানটা চম্পামতী নদীর তীরে অবস্থিত। চিফ্ কমিসনার সাহেব অতি প্রত্যুষে উত্তর-শালমারা হইতে রওনা হইয়া বেলা ১০টার মধ্যে এই স্থানে আসিয়া উপস্থিত হইয়াছিলেন। আমাদের ইনস্পেক্টর সাহেব রাস্তার ধারে কয়েকটা পাঠশালা পরিদর্শন করিয়া বেলা ১১টার পরে এখানে পৌঁছিয়াছিলেন। আমাকে আর কয়েকটা পাঠশালা দেখিয়া আসিতে বলিয়াছিলেন। সুতরাং আমি অপরাহ্ন ৪টার পরে এখানে আসিয়া উপস্থিত হই। সমস্ত দিন আমার আহার হয় নাই। সামান্য-রূপ মাত্র জলযোগ হইয়াছিল। এখানে আসিয়া সকলেই মধ্যাহ্নে ভোজন করিয়াছিলেন। আমার জন্ত খাদ্য প্রস্তুত ছিল না। আমি এখানে আসিয়া পৌঁছিবার পরে চিফ্ কমিসনারের মাছ ধরিবার ইচ্ছা হইল। আমাদের ইনস্পেক্টর উইলসন্ সাহেবের মাছধরা বাতিক বড়ই ছিল। তিনি ছিপ লইয়া চিফ্ কমিসনারের সহিত নৌকায় উঠিয়া ভাটির দিকে ছিপ কেলিতে কেলিতে গেলেন। তাঁহার ছিপে চার লাগাইবার প্রয়োজন হইত না। চামচের মত কয়েকখানা চক্‌মকে দ্রব্য বড়শির সঙ্গে লাগান থাকিত। বড় মাছ সকল ঐ জিনীসগুলিকে ছোট ছোট মাছ মনে করিয়া গিলিয়া ফেলিত। গিলিবা মাত্র বড়শিতে আটকা পড়িত। খানিকদূর ভাটাইয়া গিয়া উজাইয়া আসিতে হইত। ঐ সময়ে বড় মাছ বড়শিতে আটকাইত। অল্পক্ষণ পরেই প্রায় সাত সের আন্দাজ একটা রুই মাছ ধরিয়া সাহেবেরা ফিরিয়া আসিলেন। চিফ্ কমিসনারের হুকুম হইল গৰ্ভমোচা দিয়া রান্ধিয়া ঐ মাছ খাইতে হইবে। ছুগাদাসবাবু গ্রামে লোক পাঠাইয়া দিয়া একটা বড় মোচা আনাইয়া দিলেন। আমি আড্ডায় আসিয়া কিঞ্চিৎ বিশ্রাম করার পরে নদীতে নামিয়া স্নান করিয়া আসিয়া পুনরায় কিছু জলযোগ

করিলাম। এবারকার জলযোগের দ্রব্য একটু বেশী পরিমাণে ছিল। জলযোগ করিয়া অফিসের কাগজ পত্র, বাহা সেই দিনের ডাকে ধুব্‌ড়ী হইতে আসিয়াছিল দেখিতে লাগিলাম। থানিক পরেই সন্ধ্যা হইল। সন্ধ্যার পরে সকলে বসিয়া গল্প করিতেছি এমন সময়ে আমাদের ইনস্পেক্টর সাহেবের একজন চাপরাসী আসিয়া আমাকে সেলাম করিয়া বলিল “বাবু আপনাকে লাট সাহেব সেলাম দিয়াছেন”, সেলাম দেওয়ার অর্থ ই যে লাট সাহেব আমাকে ডাকিয়া পাঠাইয়াছেন। অসময়ে লাট সাহেব আমাকে ডাকিয়া পাঠাইয়াছেন শুনিয়া আমার মনে বিলক্ষণ ভয় হইল। চিফ্ কমিসনারের টুরক্লার্ক শ্রীযুক্ত হরিদাস বন্দ্যোপাধ্যায় আমাদের নিকট বসিয়া গল্প করিতেছিলেন। ইহার বাড়ী বলাগড়ে। ইহার সহিত আমার বেশ বন্ধুত্ব ছিল। ইহাকে বলিলাম ভাই, তোমার লাট সাহেব আমাকে ডাকিতেছেন কেন? আমাদের কোন কাগজ পত্র কি তোমাদের নিকট আছে? যাহার জন্ত লাট সাহেব আমাকে ডাকিয়াছেন। তিনি বলিলেন, না। আমি ত তোমাদের শিক্ষা-সংক্রান্ত কাগজ পত্র আজ দেখি নাই। আমি বলিলাম তোমার লাট সাহেব যে ভয়ঙ্কর লোক, শুধু হাতে তাঁহার নিকটে যাইতে আমার বিলক্ষণ ভয় হইতেছে। হয়ত এমন একটা বিষয়ে প্রশ্ন করিবেন যাহার উত্তর আমি তৎক্ষণাৎ দিতে পারিব না। আমি এখনও একটিং ডেপুটী ইনস্পেক্টর। উত্তর দিতে না পারিলেই আমার কপাল ভাঙ্গিবে; যেমন গতকল্য সর্ব্ ওভারসিয়ার রত্নধর শইকিয়ার কপাল ভাঙ্গিয়াছে। পূর্বেই উল্লেখ করিয়াছি ডুমুরিয়া বাইবার সময়ে গতকল্য মাটিকাটা চৌকার মধ্যে সাহেব বাহাদুর নামিয়া উহার গভীরতা ৯ ইঞ্চি মাত্র মাপিয়া পাইয়াছিলেন, তাঁহার মতে উহার গভীরতা ১ ফুট হওয়া উচিত ছিল। গতকল্য রাজ্রিতে সর্ব্ ওভারসিয়ারদিগের প্রমোশন-রোল সাহেব বাহাদুরের মঞ্জুরের জন্ত তাঁহার নিকট উপস্থিত করা হইয়াছিল, উহাতে রত্নধর শইকিয়াকে এক গ্রেড্ উন্নীত করিবার প্রস্তাব



ছিল। সাহেব তাঁহার নোটবুকে রত্নধরের নাম টুকিয়া লইয়াছিলেন, তাহাকে উন্নীত করিবার প্রস্তাব পাঠ করিয়া সাহেব ঐ কাগজে লিখিলেন আমি অত্যন্ত স্বয়ং ইহার কার্য্যপ্রণালী দেখিয়াছি, ইহাকে এক গ্রেড্ উন্নীত করিতে পারি না।

আমি চাপরাশীর সহিত আমাদের ইনস্পেক্টর সাহেবের ঘরে গেলাম। সাহেব আমাকে দেখিয়া বলিলেন The Chief wants to see you. অর্থাৎ চিফ্ তোমাকে দেখিতে চান। আমি বলিলাম, কি জন্ম। সাহেব বলিলেন আমি জানি না, Let us go to him together চল আমরা দুইজনে একত্রে যাই। এই বলিয়া আমাকে চিফ্ কমিসনারের ( Chief Commissioner ) নিকট লইয়া গেলেন, গিয়াই বলিলেন Here is the Deputy Inspector of Schools অর্থাৎ ডেপুটী ইনস্পেক্টর এখানে আসিয়া উপস্থিত হইয়াছে। দেখি চিফ্ কমিসনার ( Chief Commissioner ) সাহেব একখানি গদি মোড়া চেয়ারের উপর বসিয়া আছেন। তাঁহার বাম পার্শ্বে ঠিক ঐরূপ আর একখানি ( chair ) চেয়ার খালি পড়িয়া আছে। নম্রুথে একটা টেবিলের উপর রাশিকৃত কাগজপত্র রহিয়াছে। দুইধারে দুইটা বাতি আধার মধ্যে জলিতেছে। সাহেবের হাতে একখানি ক্ষুদ্র পুস্তক রহিয়াছে। আমি যাইয়া সেলাম দিবামাত্রই সাহেব বাহাদুর বলিলেন,—বাবু I wish to have a lesson from you in Assamese অর্থাৎ বাবু আমি তোমার নিকট একটু আসামীয়া ভাষা পড়িতে চাই। আমার চক্ষু স্থির। আমি খুব ভাল আসামীয়া জানি না, এখনও একটিং আছি। আসামীয়া ভাষায়, উভয় নিম্ন ও উচ্চ মানে পরীক্ষা দিয়া ঐ ভাষায় উত্তীর্ণ হইতে না পারিলে কোন বাঙ্গালীই স্থায়ীরূপে স্কুল-ডেপুটী-ইনস্পেক্টরের পদে নিযুক্ত হইতে পারে না। আমি ভাবিলাম আমি আসামীয়া ভাষা জানি কি না, পরীক্ষা করিয়া দেখিবার জন্ম সাহেব বাহাদুর এই কান্দ পাতিয়াছেন। সেখানে ঐ খালি চেয়ারখানি ভিন্ন বসিবার আর কোন

আসন ছিল না। আমাকে উহাতে বসিতে বলিলেন। আনাদের ইনস্পেক্টর সাহেব তথায় উপস্থিত। তিনি দাঁড়াইয়া থাকিবেন ও আমি চেয়ারে বসিব কিরূপে হইতে পারে। সাহেব বাহাদুর বলিলেন তুমি এখন আমার শিক্ষক, তুমি আমার পার্শ্বে না বসিলে আমি কেমন করিয়া তোমার নিকট পড়িব। নিকটে একটা ছোট মোড়া ছিল, অগত্যা আমাদের ইনস্পেক্টর সাহেব সেই মোড়াটির উপর বসিলেন। সাহেব বাহাদুরের হাতে দেখি রায় গুণাভিরাম বড়ুয়া বাহাদুর প্রণীত আসামীয়া ল'রামিত্র নামে একখানি ক্ষুদ্র পুস্তক রহিয়াছে। এখানি তিনি পড়িতে চান। আসামীয়া ল'রামিত্র পুঁখীখানির মলাটের উপর ও প্রথম পৃষ্ঠায় (ল'রা শব্দের লএর উপরে Apostrophe বা খুঁটুনি রহিয়াছে) আর পুস্তকের মধ্যে কোন স্থানে ল'রা শব্দের লএর উপর ঐরূপ খুঁটুনি নাই। সাহেব প্রথমেই আমাকে জিজ্ঞাসা করিলেন যে কেন প্রথমে লএর উপরে খুঁটুনি দেওয়া হইয়াছে অথ স্থানে দেওয়া হয় নাই। আমি অবশ্যই উহার প্রকৃত কারণ জানিতাম না। আমি সাহেবকে বলিলাম, আমি বাঙ্গালী, আসামীয়া ভাষা খুব ভালরূপে জানি না। তথাপি আমার মনে ইহার যে যুক্তি উপস্থিত হইতেছে তাহা আপনার নিকট নিবেদন করিতেছি। শব্দটির প্রকৃত উচ্চারণ লোরা কিন্তু লরা লিখিলে উহার প্রকৃত উচ্চারণ নির্দেশ হয় না। গ্রন্থকার উহার প্রকৃত উচ্চারণ দেখাইবার জন্তই ঐ কৌশল অবলম্বন করিয়া ঐ প্রকৃত উচ্চারণটা বলিয়া দিয়াছেন। তারপর আসামীয়ারা ঐ শব্দের যেরূপ সচরাচর বানান লেখেন সেইরূপই পুস্তিকা মধ্যে লেখা রহিয়াছে। আমার যুক্তি ঠিক হইতে পারে বা নাও পারে, আমার যেরূপ বোধ হইল তাহাই আপনার নিকট নিবেদন করিলাম। সাহেব সম্ভবতঃ আমার উত্তরে সন্তুষ্ট হইয়াছিলেন। ল'রা শব্দের অর্থ বালক। সাহেব কয়েক পাতা পড়িলেন। প্রথমে প্রত্যেক শব্দের ইংরাজী প্রতিশব্দ বলিতে হইল, পরে সমুদায় বাক্যের অর্থ ও লিখিবার পদ্ধতি (Idiom) বলিতে

হইল। তারপরে ভাবার্থ বলিতে হইল। সাহেব বাহাদুর প্রায় রাত্রি ৯টা পর্যন্ত পড়িলেন; বলিলেন, তারপর দিন বিলাসীপাড়ায় বাইয়াও ঐরূপে তাঁহাকে আশ্রয়ী ভাষা শিক্ষা দিতে হইবে। আমিও নিশ্বাস ফেলিয়া বাঁচিলাম। এখানে বলা আবশ্যক যে যখন সাহেব ঐরূপে আমার নিকট পড়িতেছিলেন, সেই সময়ে তার পরদিনের ডাকের জন্ত চিক্ কমিসনার বাহাদুরের কোন চিঠিপত্র আছে কিনা জানিবার জন্ত ডেপুটী কমিসনার ড্রাইবার্গ সাহেব তথায় আসিয়া উপস্থিত। বসিবার অল্প কোন আশ্রয় না থাকায় তিনি অগত্যা দাড়াইয়া রহিলেন এবং পড়ান শুনিতে লাগিলেন। ড্রাইবার্গ সাহেব বহুকাল আশ্রয় না থাকায় এবং আসামীয়া পল্লী-বাসিন্দের সহিত মেশামিশি করায় খুব ভাল আসামীয়া লিখিতে ও বলিতে পারিতেন।

পরদিন প্রাতে বিলাসীপাড়ায় আসিতে হইবে। রাস্তার মধ্যে শালকোচা নামক একটা গ্রাম আছে এবং তথায় একটা সাহায্যকৃত উচ্চ-প্রাথমিক বিদ্যালয় ছিল। আমাদের ইনস্পেক্টর সাহেব বলিলেন যে কাল বিলাসীপাড়ায় বাইবার সময়ে ঐ বিদ্যালয়টি পরিদর্শন করিয়া যাইবেন। আমি এই কথা শুনিয়া বিবম সমস্ত্রায় পড়িলাম। পল্লীগ্রামে বেলা ১২টার পূর্বে বিদ্যালয়ে ছাত্র উপস্থিত হয় না। পূর্বের সংবাদ না পাইলে বিদ্যালয়ে কিরূপে ছাত্র সমবেত হইবে। মনে করিলাম রাত্রি ৪টার সময়ে আমি উঠিয়া সাহেবের অগ্রে ঐ গ্রামে বাইয়া ছাত্র সংগ্রহ করাইব। আমার এই প্রস্তাব শুনিয়া ডিষ্ট্রিক্ট ইঞ্জিনিয়ার দুর্গাদাসবাবু বলিলেন, “ছোকরা, চাকরী বজায় রাখিবার জন্ত প্রাণটা খোয়াইব। মাঝে ধীরের ডাঁরা নামে একটা ক্ষুদ্র শ্রোতস্বতী আছে। ঐ স্থানটি নিবিড় জঙ্গলের মধ্যে। ঐ স্থানটি বাঘ ভালুক গণ্ডার মহিষ প্রভৃতি বহু জন্তুর আড্ডা। কখনই শেষ রাত্রিতে ঐ স্থান দিয়া যাওয়া তোমার পক্ষে নিরাপদ নহে। খুব ভোরে যাইও, বাইবার সময় ঘাটোয়ালকে বলিয়া যাইও ফেলাট সাহেব আসিতেছেন। হাতী, ঘোড়া পার করিবার বন্দোবস্ত

করিয়া রাখে।” স্মরণ্য খুব ভোরে আমি রওনা হইয়া ঘাটোয়ালকে উপদেশ দিয়া বেলা ৬টার সময় শালকোচায় পৌঁছিয়া বিতালয়ে ছাত্রদিগকে আনাহঁলাম। খুব দ্রুতবেগে আমি ঘোড়া চালাইয়া গিয়াছিলাম। ঘোড়া হইতে নামিবামাত্র ঘোড়াটা পড়িয়া গেল। যদিও ঘোড়াটা খুব বলিষ্ঠ ভুটিয়া টাট্ট ছিল। সাহেব তথায় পৌঁছিয়া আমার ঘোড়ার অবস্থা দেখিয়া বলিলেন যে উহার অবস্থা এরূপ কেন হইল? আমি কারণ বলিলাম। সাহেব বলিলেন তুমি তোমার স্মন্দর ঘোড়াটা খুন করিলে, ও বাঁচিবে না। ঘোড়াটা মাটিতে পড়িয়া ছটফট করিতে লাগিল। প্রায় দুই ঘণ্টা কাল এরূপ অবস্থায় রহিল। সাহেব বিতালয় পরিদর্শন করিয়া বিলাসীপাড়াভিমুখে রওনা হইলেন। আমি ঘোড়ার জন্ত তথায় খানিকক্ষণ থাকিতে বাধ্য হইলাম। খানিক পরে একটা ঘোটকী তথায় আসিয়া উপস্থিত হইল। আমার ঘোড়াও চিঁহি চিঁহি করিয়া মাটি হইতে উঠিয়া ঘোটকীর নিকট বাইয়া উপস্থিত হইল।

বিলাসীপাড়ায় সাহায্যকৃত একটা মধ্য-বাঙ্গালী বিতালয় ছিল। সেটাও ঐ দিবস পরিদর্শন করিতে হইবে, স্মরণ্য আমি শালকোচা হইতে হাঁটিয়া আসিয়া বিলাসীপাড়ায় পৌঁছিলাম। বিলাসীপাড়া গৌরান্দ্র নামক নদীর তীরে অবস্থিত। গৌরান্দ্র পাহাড় হইতে বাহির হইয়া বিলাসীপাড়ার নিকটে ব্রহ্মপুত্রে পড়িয়াছে। বিলাসীপাড়ার জমিদারের ব্যয়ে সাহেবদের জন্ত নানাবিধ আহাৰ্য্য প্রস্তুত হইয়াছিল। বিলাসীপাড়ার জমিদার জাতিতে ব্রাহ্মণ। তাঁহার বাটিতে আমাদের খাবার নিমন্ত্রণ হইল। তথায় আহাৰ করার পরে ইনস্পেক্টর সাহেবকে লইয়া মধ্য-বাঙ্গালী বিতালয়টি পরিদর্শন করিলাম। সাহেব আমার ঘোড়ার অবস্থা জিজ্ঞাসা করিলেন। আমি সমস্তই বলিলাম এবং কিরূপে ঘোড়া মাটি হইতে গা-ঝাড়া দিয়া উঠিয়া ঘোটকীর নিকট গিয়াছিল তাহাও বলিলাম। সাহেব আমার ঘোড়ার সমস্ত অবস্থা চিফ্ কমিসনার সাহেব বাহাদুরের নিকট বলিয়াছিলেন। অপরাহ্ণে

চিফ্ কমিসনার সাহেব বিলাসীপাড়া গ্রামটা দেখিবার জন্ত বাহির হইয়াছেন। আমিও সেই সময় তাঁহার সম্মুখে গিয়া পড়িলাম। চিফ্ কমিসনার বলিলেন বাবু, আজও সন্ধ্যার পরে আসিও। আজও তোমার নিকট পড়িব। ভাল, তোমার ঘোড়ার কি হইয়াছিল, এবং কিরূপে সে আরোগ্য হইল। আমি সমস্তই বলিলাম। সাহেবদিগের মধ্যে একটা হাসির রোল পড়িয়া গেল। এদিনও সন্ধ্যার পরে লাট সাহেবকে পড়াইলাম। পরদিনও পড়াইবার কথা হইল।

পর দিবস বগ্‌ডীবাড়ী গেলাম। বগ্‌ডীবাড়ী টিপ্‌কাই নদীর তীরে অবস্থিত। এই নদীটাও দুই তিনটা পাহাড়ে নদীর মিলিত নদী। ইহার জল খুব শীতল ও স্বচ্ছ। এ নদীটাও ব্রহ্মপুত্রে যাইয়া পড়িয়াছে। বগ্‌ডীবাড়ীর জমিদারদিগকে পৰ্ব্বত-জোয়ারের জমিদার বলে। ইহারা জাতিতে রাজবংশী। কোচবিহারের রাজ-পরিবারের সহিত ইহাদের আদান প্রদান। তৎকালের জমিদারের নাম ছিল হরেন্দ্রনারায়ণ চৌধুরী। ইনি তখন কেবল সাবালক হইয়াছেন। ইহার জ্যেষ্ঠতাত তেজীয়ান্ শ্রীযুক্ত কালীসিংহবাবু ম্যানেজার ছিলেন এবং শ্রীকান্ত চৌধুরী নামে পাবনা অঞ্চলের একটা ব্রাহ্মণ দেওয়ান ছিলেন। এখানেও একটা সাহায্যকৃত মধ্য-বাঙ্গালা বিদ্যালয় ছিল।

বগ্‌ডীবাড়ী আসিয়াই দেখি যে ধুব্‌ডী হইতে ধুব্‌ডী-ফকিরগঞ্জ থেওয়ার জাহাজ টিপকাই নদীতে আসিয়া নঙ্গর করিয়াছে এবং চিফ্ কমিসনার সাহেব বাহাদুরের সমস্ত মালপত্র ঐ থেওয়ার জাহাজে উঠিতেছে। চিফ্ কমিসনার, ডেপুটী কমিসনার ড্রাইবার্গ সাহেব ও পার্সন্সাল্ এমিষ্ট্যান্ট গাইড্ সাহেব ঐ জাহাজে উঠিয়া ধুব্‌ডী রওনা হইলেন। জাহাজের চালক ছিলেন এন, পিটার সাহেব, আরমেনিয়ান-ফিরঙ্গী। এই স্থান হইতে আমাদের সহিত চিফ্ কমিসনারের ছাড়াছাড়ি হইল। আমাদের ইনস্পেক্টর উইলসন্ সাহেব মাত্র রহিলেন। বগ্‌ডীবাড়ীর মধ্য-বাঙ্গালা ও গৌরীপুরের মধ্য-ইংরাজী

বিদ্যালয় পরিদর্শন করিয়া আমরা ধুবড়ী আসিলাম। চিফ্ কমিসনার কেন হঠাৎ চলিয়া গেলেন এইটা মনে মনে ভোলাপাড়া করিতে লাগিলাম। শুনিলাম দরং জেলার সন্নিহিত আকা নামে পাহাড়ে-জাতিরা তেজপুরের একজন মৌজাদারকে ও ফরেষ্ট অফিসের একটা বাবুকে ধরিয়া লইয়া গিয়াছে এবং ব্রিটিশ গভর্ণমেন্টের বিরুদ্ধে যুদ্ধ ঘোষণা করিয়াছে। মৌজাদারটি তাহাদের হস্তে মৃত্যু-মুখে পতিত হইয়াছিল। অতিকষ্টে ফরেষ্ট অফিসের বাবুটিকে উদ্ধার করা হইয়াছিল। চিফ্ কমিসনার সাহেব বাহাদুর চলিয়া গেলেন, স্ততরাং তাঁহাকে আর আমার পড়াইতে হইল না।

বগুড়ীবাড়ীতে আসিয়া ইনস্পেক্টর সাহেব মাছ ধরিবার ইচ্ছা প্রকাশ করিলেন। জমিদারের ম্যানেজার শ্রীযুক্ত কালীসিংহবাবুকে নৌকার বন্দোবস্ত করিবার জন্ত অনুরোধ করিলাম। সাহেবের জন্ত খেওয়া ঘাটের মাড়ের নৌকাখানির উপরে একটা চন্দ্রাতপ টাঙ্গাইয়া ও দুইখানি চেয়ার পাতিয়া দিয়া সজ্জিত করা হইল। আমাদিগকেও সঙ্গে যাইতে বলায় আমরা একখানি ঘাট-পালি নৌকায় উঠিলাম। সাহেবের সঙ্গে তাঁহার নৌকায় কালীসিংহবাবু গেলেন আর ঘাটপালি নৌকায় দেওয়ান শ্রীকান্তবাবুর সহিত আমি গেলাম। এদিনও একটা মাছ ধরা পড়িল। কিন্তু চাপড়ে ধরা মাছ অপেক্ষা অনেক ছোট।

চিফ্ কমিসনার সাহেব বাহাদুরকে আসামীয়া ভাষা পড়ানর কয়েক মাস পরে আমি একদিন অপরাহ্নে ধুবড়ীর ষ্টিমার ঘাটে বেড়াইতে গিয়া ডিক্রগড় হইতে আগত ডাক ষ্টিমারে উঠিয়া দেখি “অসমীয়া ল’রা মিত্র” রচয়িতা রায় গুণাভিরাম বড়ুয়া বাহাদুর ঐ ষ্টিমারে আছেন। তিনি নওগাঁ হইতে কলিকাতায় যাইতেছিলেন। তাঁহাকে দেখিয়াই আমি ল’রা শব্দের দুই স্থানের বানান “ল’রা” এবং পুস্তকের পাঠের মধ্যে সর্বত্রই “লরা” লেখার কারণ জিজ্ঞাসা করিলাম, এবং বলিলাম যে চিফ্ কমিসনার বাহাদুর ঐরূপ লেখার কারণ

আমাকে জিজ্ঞাসা করিয়াছিলেন। তিনি বলিলেন তুমি উহার কিরূপ যুক্তি দিয়াছিলে। আমি তাঁহাকে আমার প্রদত্ত যুক্তির কথা বলিলাম। তিনি অতীব সন্তুষ্ট হইয়া আমার পিঠ চাপড়াইয়া বলিলেন, “ভাই তুমি ঠিক যুক্তি দিয়াছিলে। পুস্তকের মধ্যে একটা পাদটীকা করিয়া ঐ যুক্তিটা আমার দেওয়া উচিত ছিল; এটা আমার একটা ক্রটির কার্য্য হইয়াছে।” এই কথা শুনিয়া আমার মনের উদ্বেগ ও অশান্তি কাটিয়া গেল। খুব্‌ড়ীতে থাকিলেই আমি ডিক্রগড় হইতে আগত ষ্টিমারে যাইতাম, যেহেতু প্রায় ঐ ষ্টিমারে প্রায়ই উপর ও মধ্য আসামের বন্ধুবর্গের আমার সহিত সাক্ষাৎ হইত।

### আসামীয়া ভাষায় পরীক্ষা দেওয়া

আসামীয়া ভাষার নিম্নমাণের পরীক্ষা ১৮৮৪ সনের ২৮শে এপ্রিল তারিখে গৌহাটীতে গৃহীত হইয়াছিল। আমি ঐ পরীক্ষা দিয়া উত্তীর্ণ হই। ১৮৮৪ সনের ১৪ই জুন তারিখের আসাম গেজেটের ২৮৬ পৃষ্ঠায় ২১১ নং বিজ্ঞাপন দ্বারা ঐ পরীক্ষার ফল প্রকাশিত হইয়াছিল।

১৮৮৩ সনের ২২শে নভেম্বর তারিখ হইতে আমি স্থায়ী ভাবে স্কুল-ডেপুটী ইনস্পেক্টরের পদে নিযুক্ত হই। ১৮৮৪ সনের ৬ই সেপ্টেম্বর তারিখে আসাম গেজেটের ৪৮০ পৃষ্ঠায় ৩০শে আগষ্ট তারিখের ৩৩০নং বিজ্ঞাপনে ইহা প্রকাশিত হয়।

১৮৮৪ সনের ৫ই নভেম্বর তারিখে আমি আসামীয়া ভাষার উচ্চ মাণের পরীক্ষায় প্রশংসা সহকারে উত্তীর্ণ হই। ১৮৮৫ সনের ১৪ই জানুয়ারীর আসাম গেজেটের ১০ পৃষ্ঠায় ৭নং বিজ্ঞাপনে উহার ফল প্রকাশিত হইয়াছিল।

বগ্‌ড়ীবাড়ী হইতে আমাদের স্কুল-ইনস্পেক্টর উইলসন্ সাহেব বাহাদুরকে সঙ্গে লইয়া আমি গৌরীপুরে আসিলাম। গৌরীপুরে একটা সাহায্যকৃত মধ্য-ইংরাজী বিদ্যালয় ছিল। প্রাতঃকালে স্কুলের

কাখ্য করিবার জন্ত আমি পূর্বে সংবাদ পাঠাইয়া দিয়াছিলাম। আমার ঘোড়াটা দুর্বল হইয়া পড়িয়াছিল বলিয়া আমি বগুড়ীবাড়ীর জমিদারের নিকট হইতে একটি হাতী চাহিয়া লইয়া উহার পৃষ্ঠে আরোহণ করিয়া সাহেবের আগমনের প্রায় দেড় ঘণ্টা কাল পূর্বে আসিয়া পৌঁছিয়াছিলাম। চিফ্ কমিসনার সাহেব বাহাদুর আসিবেন বলিয়া তাঁহার জন্ত নানা প্রকার দেশী ও বিলাতী খাতের আয়োজন হইয়াছিল। কিন্তু শিক্ষা-বিভাগের কর্মচারীর ততটা খাতির নাই। সুতরাং জমিদার বাড়ী হইতে কয়েকটা সনেশ ও একছড়া কলা মাত্র আমাদের ইনস্পেক্টর সাহেবের জন্ত প্রেরিত হইয়াছিল। সাহেব আসিয়াই বলিলেন যে কিছু দুধ যোগাড় করিতে পারিবে কি? আমি বলিলাম পারিব। হেড্ মাষ্টার বাবু বাসা হইতে এক বাটা গরম দুধ আনিয়া দিলাম। সাহেব বলিলেন আমি কেমন করিয়া খাইব? এই কথা শুনিয়া আমার পোটম্যান্ট হইতে একটি কাঁচের গ্লাস বাহির করিতে গেলাম। বাটা হইতে দুধ পাইবার সাহেবের অসুবিধা হইবে মনে করিয়া, সাহেব আমার মনের ভাব বুঝিতে পারিয়া বলিলেন যে বাটা হইতে দুধ পান করায় তাঁহার কোন অসুবিধা হইবে না। তবে বাটাতে মুখ দিয়া দুধ পান করিলে বাটাটি অপবিত্র হইয়া নষ্ট হইবে কিনা? আমি বলিলাম যে আমাদের অতটা কুসংস্কার নাই। আপনি অনায়াসেই উহাতে মুখ লাগাইয়া দুধ পান করিতে পারেন। এই সময়ে এখানকার হেড্ মাষ্টার ছিলেন আবুত বঙ্গুবিহারী খাঁ। ইনি কৃষ্ণনগরের মহারাজার ভূতপূর্ব ম্যানেজার স্বর্গীয় কাভিকেশচন্দ্র রায় মহাশয়ের ভাগিনেয়।

গৌরাপুর হইতে ধুবড়ী আসিয়া আমাদের সাহেব এখানে কয়েকদিন অবস্থিতি করিয়া ধুবড়ী হাই-স্কুল, বালিকা-বিদ্যালয়, নিম্ন-প্রাথমিক বিদ্যালয় প্রভৃতি পরিদর্শন করিলেন। ধুবড়ী হইতে ষ্টিমার যোগে আমাদের গোয়ালপাড়ায় যাইতে হইবে স্থির হইল।



## আসাম উপত্যকার কমিসনার শ্রীযুক্ত ওয়ার্ড সাহেব

গোয়ালপাড়ায় আসাম উপত্যকার কমিসনার শ্রীযুক্ত উইলিয়াম ওয়ার্ড সাহেব বাহাদুর আসিবেন। তাঁহার সঙ্গে একত্রিত হইয়া আমরা দক্ষিণপারের প্রধান রাস্তা দিয়া গোহাটীর সীমানা ধুপ-ধাড়া পর্যন্ত যাইতে হইবে স্থির হইল। আমি ইঁটা রাস্তা দিয়া আমার ঘোড়া গোয়ালপাড়ায় পাঠাইয়া দিলাম। আমি সাহেবের সহিত ষ্টিমারে গোয়ালপাড়ায় গেলাম। কমিসনার, ডেপুটী কমিসনার ও আমাদের সাহেব একত্রে সফরে যাইবেন ও রাস্তায় শিকার আদি করিয়া আনন্দ আহ্লাদ করিবেন এই তাঁহাদের উদ্দেশ্য ছিল। আমরা যে রাস্তা দিয়া যাইব এবং যে যে স্থানে থাকিব সে সব গুলিই বিজনীর রাজার চিরস্থায়ী জমিদারীর অন্তর্গত। স্থানে স্থানে বিজনীর জমিদারের ব্যয়ে বড় বড় অস্থায়ী ঘর নিশ্চিত হইল; এবং বিজনীর জমিদারের তহশিলদার প্রভৃতি উচ্চপদস্থ কর্মচারিবর্গ দেশী ও বিলাতী নানা-প্রকার খাদ্যদ্রব্য লইয়া ঐ ঐ স্থানে অপেক্ষা করিতে লাগিলেন।

আমরা একদিন অতি প্রত্যুষে গোয়ালপাড়া হইতে বাহির হইলাম। তিনজন সাহেব—কমিসনার, ডেপুটী কমিসনার ও স্কল-ইনস্পেক্টর। বাঙ্গালীর মধ্যে আমি, পূর্ভ-বিভাগের নব-ওভারসিয়ার শ্রীযুক্ত নবীনচন্দ্র চক্রবর্তী ও পুলিশ ইনস্পেক্টর। নবীনবাবুর বাড়ী বুদ্ধমান জেলার বেগুনে সাতগাছিয়া গ্রামে। ইঁহার পিতা শ্রীযুক্ত কৃষ্ণবিহারী চক্রবর্তী সেকালের সিনিয়র স্কলার এবং বাঁকুড়া প্রভৃতি জেলা স্কুলের হেড-মাষ্টার ছিলেন। সর্বশেষে কৃষ্ণনগর কলিজিয়েট স্কুলের হেড-মাষ্টার হইয়া-ছিলেন। নবীনবাবু বড়ই বুদ্ধিমান চতুর যুবক ছিলেন। আমার সঙ্গে তাঁহার বিলক্ষণ বন্ধুত্ব ছিল। ইনি ব্রাহ্মণ হইলেও স্ববর্ণ-বণিক-দিগের ব্রাহ্মণ ছিলেন। ইঁহার সহিত একটা ভাল ব্রাহ্মণ ছিলেন। পূর্বে ইনি নবীনবাবুর পাচকের কার্য্য করিতেন। পরে আমরা নবীনবাবুকে অনুরোধ করিয়া ইঁাকে তাঁহার অধীনে রোড-মহারার করিয়া

দিই। ইনি নিজের পরিশ্রম, অধ্যবসায়, চেষ্টা ও যত্ন পরে পূর্ণ-  
 বিভাগের সব্ ওভারসিয়ার হইয়াছিলেন এবং এখন পেন্সন্ লইয়া  
 কার্যে অবসর গ্রহণ করিয়াছেন। ইনি অতি চমৎকাররূপে পাক  
 করিতে পারিতেন। সাহেবদের বড় বড় ঘোড়ার সহিত আমরা ছোট  
 ছোট ঘোড়া লইয়া রওনা হইলাম। নবীনবাবুর একটা ক্ষুদ্রকায়  
 মণিপুরী টাটু ঘোড়া ছিল। ঐ ঘোড়াটা দেখিয়া ডেপুটী কমিসনার  
 ড্রাইবার্গ সাহেব উপহাস করিয়া বলিলেন Nabin, where have you  
 got this rat, better put it in your pocket. অর্থাৎ নবীন তুমি  
 এই ইঁদুরটা কোথায় পাইলে, উহাকে জামার পকেটের মধ্যে রাখিলে  
 ভাল হয়; কিন্তু যখন সাহেবদের বড় বড় তাজি ঘোড়ার সঙ্গে দৌড়িয়া  
 এ ঘোড়াটা সকলের আগে ছুটিয়া বাহির হইল তখন সাহেবরা  
 আশ্চর্যান্বিত হইয়া বলিলেন যে, এটা খাণী মণিপুরী ঘোড়া দেখিতেছি।  
 সাবাস্ ঘোড়া। আমার ঘোড়াটা, একটা দেশী ভাড়াটিয়া ঘোড়া ছিল।  
 নিজের ঘোড়াটার শালকোচায় ঐরূপ পীড়া হওয়ায় তাহার পিঠে  
 কিছুদিন চড়া বন্ধ করিয়া দিয়াছিলাম। সাহেবদের ২৩ টা ঘোড়ার  
 ডাক বসে, আর আমাদের একই ঘোড়ায় তাহাদের সহিত যাইতে হয়।  
 সাহেবেরা নিদিষ্ট আড্ডায় পৌছিবামাত্র, নানা প্রকার খাও পান,  
 কারণ পূর্বদিনে তাহাদের বাবুটিদিগকে পরবর্তী আড্ডায় পাঠাইয়া  
 দিবার বন্দোবস্ত ছিল। সুতরাং তাহারা আড্ডায় পৌছিবামাত্রই  
 খাবার পাইতেন; আর আমাদের পাক করিবার লোকজন অনেক  
 বেলা হইলে আড্ডায় পৌছিয়া পাক করিত। আমার চাপরাসী আমার  
 পাকের কার্য করিত। তাহাকে আবার পথের ধারের বিছালয় সমূহে  
 আমাদের আগমন বার্তা জানাইবার জন্ত অতি প্রত্যুষে পাঠাইয়া দিতে  
 হইত; সুতরাং সে আমার পাক করিতে পারিত না। আমি নবীন-  
 বাবুর সহিত একত্রে খাইতাম। আমাদের সাহেব আড্ডায় পৌছিয়া  
 খাওয়া দাওয়ার পরেই কোন কোন দিন বলিয়া পাঠাইতেন যে অমুক

বিদ্যালয়টা এখনই দেখিতে যাইব। প্রাতে হয়ত পথের ধারের তিন চারিটা পাঠশালা দেখিয়া আসা হইয়াছে। একদিন নন্দেশ্বর নামক একটা স্থানে যাইবার বন্দোবস্ত ছিল, তখন বেলা প্রায় সাড়ে বারটা। সাহেবের খাওয়া হইয়াছে। আমি মাত্র স্নান করিয়াছি ; নবীন-বাবুর সহিত খাইতে যাইব এমন সময়ে সাহেবের চাপরাসী আসিয়া বলিল, সাহেব দল্গোমায় যাইবার জন্ত বাহির হইয়াছেন। আপনি শীঘ্র আসুন। আমার আর খাওয়া হইল না। অভুক্ত অবস্থাতেই সাহেবের সহিত দল্গোমা সাহায্যকৃত মধ্য-বাঙ্গালা বিদ্যালয়টা দেখিতে গেলাম। রাস্তার মধ্যে নৌকায় উঠিয়া একটা বিল পার হইতে হইল। সাহেব নৌকায় উঠিয়া আমাকে বলিলেন যে সন্ধ্যার পরে আমার নিকট যাইও, তোমার জেলার ম্যাপের মধ্যে পাঠশালার নাম ও স্থানগুলি ভাল করিয়া লেখা নাই। আমার ম্যাপ দেখিয়া আমার সাক্ষাতে ঐগুলি লিখিয়া লইবা। আমি তখন কিছু বলিলাম না। দল্গোমা স্কুল দেখিয়া ফিরিয়া আসিতে প্রায় ৫টা বাজিয়া গেল। তখন খাইলাম ও একটু বিশ্রাম করিলাম, সন্ধ্যার পরে ইচ্ছা করিয়াই সাহেবের কাছে গেলাম না। পরদিন প্রাতে সাহেব আমাকে জিজ্ঞাসা করিলেন গত সন্ধ্যার পরে তাঁহার নিকট যাই নাই কেন? আমি বলিলাম যে ৮।১০ দিন যাবৎ দিনের বেলায় আমার কপালে ভাত জুটিতেছে না কালও সময়ে জুটে নাই। সাহেব জিজ্ঞাসা করিলেন, কেন জুটে নাই। আমি বলিলাম আমার চাপরাসী আমার পাক করে তাহাকে প্রাতে পাঠশালায় সংবাদ দিতে পাঠান হয় ; ফিরিয়া আসিয়া সে সময়ে পাক করিয়া উঠিতে পারে না। কাল নবীনবাবুর বাসায় খাইতে যাইতেছি এমন সময়ে আপনার চাপরাসী আমাকে গিয়া বলিল, সাহেব বাহির হইয়াছেন, আপনি শীঘ্র আসুন। স্বতরাং রান্না ভাত ফেলিয়া আপনার সহিত আমাকে দল্গোমায় যাইতে হইয়াছিল। সাহেব বলিলেন তুমি বলিতে পারিতে যে আমার এখনও খাওয়া হয় নাই, একটু পরে

যাইতেছি। আমি বলিলাম যে পাছে আপনি বিরক্ত ও অসন্তুষ্ট হন এইজন্যই বলি নাই। সাহেব বলিলেন এখন হইতে না খাইয়া আমার সহিত যাইও না। তখন সাহেবের গোয়ালপাড়া জেলার বিভাগালয় সমূহ দেখার কার্য প্রায় শেষ হইয়া আসিয়াছে। সাহেব আমাকে একথাও বলিয়াছিলেন যে তোমার চাপরাসী সরকারী চাকর, সেই বা তোমার পাকের কার্য করিবে কেন? তদুত্তরে আমি বলিয়াছিলাম যে চাপরাসীর মাসিক বেতন ৬ টাকা মাত্র, মফঃস্বলে আমার সহিত বাহির হইলে দৈনিক দেড় আনা মাত্র ভাতা পায়; এত অল্প বেতনে ও অল্প ভাতায় কি লোক পাওয়া যায়? কাজেই আমি তাহাকে ধুবড়ীর বাসায় ও মফঃস্বলে খাইতে দিই। যখন সে আমার খায়, তখন সে আমার কার্য করিতে বাধ্য। সাহেব আমার এই স্পষ্ট বাক্য শুনিয়া দ্বিধাক্রান্ত করিলেন না।

রঙ্গজুলি নামক পুলিশ আউটপোস্ট হইতে ধানের ক্ষেতের আলির উপর দিয়া আমাদের একটি পাঠশালা দেখিতে যাইতে হইয়াছিল। আমার ঘোড়াটা আলির উপর দিয়া যাইতে অভ্যস্ত। সাহেবের প্রকাণ্ড ঘোড়া আলির উপর দিয়া যাইবার সময়ে পায়ের ভরে আলি ভাঙ্গিয়া ক্ষেতের মধ্যে পড়িতে লাগিল। ক্ষেতের মধ্যে ধানের মাঝে জল ও কাদা। ঘোড়ার পায়ের জল ও কাদায় সাহেবের পোষাক নষ্ট হইয়া যাইতে লাগিল। সাহেব অগত্যা ঘোড়া হইতে নামিতে বাধ্য হইলেন। আলির উপর দিয়া হাঁটিতে লাগিলেন। আমিও ঘোড়া হইতে নামিলাম। সাহেব আমাকে বলিলেন তুমি নামিলে কেন, তোমার ঘোড়াত বেশ যাইতেছে, তুমি ঘোড়ায় চড়িয়া চল আমি হাঁটিয়া যাই। আমার ঘোড়াটা তোমার চাপরাসীকে দিয়া থানায় পাঠাইয়া দাও। আমি বলিলাম আপনি হাঁটিয়া যাইবেন, আর আমি ঘোড়ায় চড়িয়া যাইব এটা ভাল দেখায় না। সাহেব বলিলেন উহাতে দোষ নাই। সুতরাং আমি ঘোড়ায় চড়িয়া গেলাম। সাহেব আমার আগে আগে

হাঁটিয়া গেলেন। সাহেব অনেকদিন আসামে ছিলেন বলিয়া গ্রামগুলির রাস্তা জানিতেন। রাস্তার মধ্যে আমরা অনেকগুলি পাঠশালা দেখিলাম উহার মধ্যে কারিপাড়ার ও রঙ্গজুলির সব্‌সিডাইজড্‌ পাঠশালা দুইটাও ছিল। দরংগিরিতে গভর্ণমেন্টের বিশ্রাম বাঙ্গলো ছিল, সেখানে একটা ভাল পাঠশালাও ছিল। দরংগিরিতে সাহেবেরা একদিনও বিশ্রাম করেন নাই। নন্দেশ্বরের অস্থায়ী বাঙ্গলোতে সাহেবেরা দুইদিন ছিলেন। নন্দেশ্বর হইতে আমরা বরাবর ধুপ্‌ধাড়ায় গিয়াছিলাম। ধুপ্‌ধাড়া স্থানটা গোয়ালপাড়া জেলার দক্ষিণপারের শেষ উত্তর প্রান্তে; ওখানকার বিশ্রাম বাঙ্গলোটা, কামরূপ জেলার অধীন। ঐ স্থানে কামরূপ জেলার (গৌহাটীস্থ স্কুল-ডেপুটী-ইনস্পেক্টর) শ্রীযুক্ত হরিমোহন লাহিড়ীর আসিবার কথা ছিল; কিন্তু তিনি হঠাৎ পীড়িত হইয়া পড়ায় আসিতে পারেন নাই। ধুপ্‌ধাড়া হইতে কমিসনার ও স্কুল-ইনস্পেক্টর সাহেবকে বিদায় দিয়া আমরা অর্থাৎ ডেপুটী কমিসনার ড্রাইবার্গ্‌ সাহেব ও আমি গোয়ালপাড়া অভিমুখে ফিরিলাম। ড্রাইবার্গ্‌ সাহেব হাঁটিতে খুব মজবুত ছিলেন। তাঁহার সহিত আন্দাজ দুই মাইল রাস্তা হাঁটিয়া আমি নিতান্ত ক্লান্ত হইয়া পড়িলাম। সাহেব দরংগিরির দিকে আসিলেন। আমাকে বলিলেন তুমি রাস্তার ধারে ও রাস্তা হইতে অল্প দূরে যে সমস্ত পাঠশালা আছে সেইগুলি দেখিয়া দরংগিরি আসিও। আমি বলিলাম ভাল তাহাই করিব। সাহেবকে বিদায় দেওয়ার অল্প পরেই আমার ভয়ানক পিপাসা হইল। শীতকাল, বেলা তপন আন্দাজ সাতটা; খুব খানিক ঠাণ্ডা জল খাইলাম, কম্প হইতে লাগিল। এই অবস্থায় গ্রামের মধ্যে একটা পাঠশালা দেখিতে গেলাম। সেখানে গিয়া আরও বেশী কম্প হইতে লাগিল।

**মফঃস্বলে ভয়ানক জ্বরাক্রান্ত হওয়া**

সেখানে স্কুল-সব্‌-ইনস্পেক্টরের চাপরাসীর দ্বারা “চা” প্রস্তুত করাইয়া কতকটা গরম গরম চা খাইয়া পাঠশালাটা পরিদর্শন করিলাম।

খানিক পরে অপর একটা স্থানের পাঠশালায় যাইবার সময় অত্যন্ত জ্বর আসিল ; এবং সংজ্ঞাশূন্য হইয়া একটা মাঠের মধ্যে রাখালদের একখানা চারিদিক খোলা কুঁড়ের মধ্যে যাইয়া শুইয়া পড়িলাম। এইভাবে তিন চার ঘণ্টা পড়িয়া রহিলাম। পরে জ্ঞান হওয়াতে এক টুকরা কাগজে পেন্সিল দিয়া ড্রাইবার্গ সাহেবের নামে একখানি রোকা লিখিয়া সব-ইনস্পেক্টরের চাপরাসীকে দিয়া রক্তজুলি থানায় পাঠাইলাম। বলিয়া দিলাম যে থানার হেড্ কন্টেবলকে গিয়া বলিবা যে স্কুল-ডেপুটী-ইনস্পেক্টর শ্রামা গায়ে ভয়ানক জরাক্রান্ত হইয়া পড়িয়া আছেন। গরুর গাড়ী বা অথ কোন যান পাঠাইয়া দিয়া তাঁহাকে লইয়া আনুন। থানার হেড্ কন্টেবলের নাম ছিল গুরুচরণ দত্ত। ইনি দারোগা বা সব-ইনস্পেক্টরী হইতে ক্রমে ক্রমে অবনত হইয়া তৃতীয় শ্রেণীর হেড্ কন্টেবল হইয়া পড়িয়াছিলেন। বলিতেন যে আমাকে অবনত করিয়া গভর্ণমেন্ট কি করিবেন ; আমার টুপিটা বজায় থাকিলেই যথেষ্ট অর্থ উপার্জন করিতে পারিব। আমার প্রেরিত লোকটিকে বলিয়া দিয়াছিলাম যে যদি হেড্ কন্টেবল আমাকে লইয়া যাইবার কোন ব্যবস্থা না করেন, তাহা হইলে তাঁহাকে বলিবা যে ড্রাইবার্গ সাহেবের নামে বাবু রোকা লিখিয়া দিয়াছেন। রোকা লইয়া তাঁহার নিকট দরংগিরিতে চলিলাম। প্রথমে হেড্ কন্টেবল বলিয়াছিলেন যে স্কুলের বাবু, পণ্ডিতেরাই তাঁহাকে তথা হইতে লইয়া আসিবার ব্যবস্থা করিবে। কিন্তু রোকা লইয়া ড্রাইবার্গ সাহেবের নিকট যাইতেছি বলায় তখন তিনি একজন চৌকিদারকে আমার নিকট পাঠাইয়া দিলেন। চৌকিদার আমার নিকট পৌঁছিয়া গ্রামের লোকজনকে ডাকিয়া পাঠাইল। আমি যে স্থানে পড়িয়াছিলাম সে স্থানটী তিনটী জমিদারের জমিদারীর ত্রিসীমানায়। বিজ্ঞানী, গৌরীপুর ও মেছপাড়া জমিদারদিগের তিনটী সীমা। প্রথমে কোন জমিদারের প্রজাই আমাকে সাহায্য করিতে চায় নাই। পরে চৌকিদার

আসিয়া পৌঁছিলে তিন গ্রামের প্রজাই আসিয়া আমার সাহায্য করিতে প্রস্তুত হইল। একখানি চাক বা মাচা বাক্স হইল; অর্থাৎ শব বহন করিয়া লইয়া যাইবার মত একখানি মাচা। মাচাখানির চারি প্রান্তে চারি গাছি দড়া বাঁধিল; সেই দড়া চারিটিকে একত্র করিয়া মাঝখানে একটা গিরা বাঁধিল। গিরার মধ্য দিয়া একটা বাঁশ দিল। আমাকে তাহার উপর শোয়াইয়া আমার বৃকের অল্প উঁচুতে দড়ার গাঁইটের মধ্যে একখানি বাঁশ দিয়া সেই বাঁশখানিতে ৪জন লোক কাঁধ দিয়া আমাকে মরার মত রক্তজুলির পোষ্ট অফিসের ঘরে আনিয়া ফেলিল। যিনি সব্‌সিডাইজড্ পাঠশালার শিক্ষক, তিনিই ব্র্যাক্ পোষ্টমাষ্টার ও খোয়াড় বা পাউণ্ড-মহরার। লোকটিকে আকার প্রকারে দেখিতে ভদ্রবংশজাত বলিয়া বোধ হইত। আমি পোষ্ট অফিসের ঘরে একখানি টেবিলের উপরে প্রায় অজ্ঞান অবস্থায় শুইয়া পড়িয়া রহিলাম। রাত্রি প্রভাত হইলে আমার অল্প জ্ঞান হইল, এবং পিপাসায় বড় কাতর হইলাম। একটু “চা” প্রস্তুত করিবার জন্য পোষ্টমাষ্টারকে বা পণ্ডিতকে বলিলাম। ইহার নাম ছিল উমাচরণ দাস, নামেও বাঙ্গালী বলিয়া বোধ হইয়াছিল। চা প্রস্তুত হইতে বিলম্ব হইতেছে দেখিয়া একটু রাগান্বিত ও বিরক্ত হইয়া বলিলাম কি হে উমাচরণ, এখনও একটু চা তৈয়ার করিয়া দিতে পারিলে না? পিপাসায় যে আমার ছাতি কাটিয়া যাইতেছে। তখন উমাচরণ অতি বিনীতভাবে বলিল মহাশয়, কি করিব আমি চা তৈয়ার করিলে ত আপনার উহা পান করা হইবে না। আমি নীচ জাতীয় লোক, আমি জাতিতে রাভা, জল আচরণীয় নহি। আমার কুয়ার জলও আপনি খাইবেন না। মাড়োয়ারীদের বাসায় একটা কুয়া আছে উহারা এখনও দুয়ার খোলে নাই। দুয়ার খুলিলে উহাদের কূপ হইতে সব-ইনস্পেক্টরবাবুর চাপরাসীর দ্বারায় জল আনা হয় তাহারই দ্বারায় আপনার চা তৈয়ার করাইয়া দিব; এই জন্যই বিলম্ব হইতেছে। লোকটার কথাবার্তা শুনিয়া ও ব্যবহার দর্শনে প্রীত হইলাম। চা পান করার পরে জমিদারের

পাটগিরির বাড়ী হইতে একখানি গরুর গাড়ী আনাইয়া তাহাতে উঠিয়া ড্রাইবার্গ সাহেবের সহিত সাক্ষাৎ করিবার জন্ত দরংগিরি রওনা হইলাম। দরংগিরির বাঙ্গলোতে সাহেব বাহাদুর ছিলেন। সাহেবের সহিত সাক্ষাৎ করায় সাহেব বলিলেন বড়ই দুঃখের বিষয়, তুমি একরূপ পীড়িত হইয়া পড়িলে। তুমি এখান হইতে দল্গোমার ষ্টিমার ঘাটে যাইয়া তথায় ষ্টিমারে উঠিয়া ধুবড়ী যাইও। ভাল হইবা মাত্রই ইষ্টার্ণ-ডুয়ারে যাইও। আমি উহাই করিব বলিয়া দল্গোমা রওনা হইলাম। এখান হইতে চতুর্দোলায় চড়িয়া দল্গোমায় আসিলাম। দল্গোমায় বিজ্ঞানীর রাজার একটি কাছারি ছিল। দল্গোমা কাছারিতে পৌছিয়া কিছু বিস্কুট সহযোগে চা পান করিয়া ষ্টিমার ঘাটে গেলাম। কাছারির কোন কোন কর্মচারী ও মহিম সেন নামে একটি বৈজ্ঞ আমাকে বিস্কুট খাইতে দেখিয়াছিলেন এবং সব-ওভারসিয়ার নবীনবাবুর সহিত বসিয়া একসময়ে ভোজন করিতে দেখিয়াছিলেন। তাহার ফল পরে অত্র এক সময়ে ফলিয়াছিল। দল্গোমা ষ্টিমার ঘাটে আসিয়া ষ্টিমারে উঠিলাম, ঐ ষ্টিমারে বড়পেটা হাই-স্কুলের সেকেণ্ড মাস্টার ছিলেন। তিনি আমার পরিচয় পাইয়া অতি যত্নে আমাকে হাত ধরিয়া ষ্টিমারে উঠাইয়া লইলেন। আমরা একসঙ্গে ধুবড়ী ঘাটে আসিলাম। উক্ত সেকেণ্ড মাস্টারবাবুর সহিত সৌভাগ্যক্রমে আমার সাক্ষাৎ না হইলে আমাকে ষ্টিমারে বড়ই কষ্ট পাইতে হইত।

ধুবড়ী আসিয়া কয়েকদিন থাকার পরে ইষ্টার্ণ-ডুয়ারে রওনা হইলাম, সেখানকার ঘটনাগুলি ইতিপূর্বে বর্ণিত হইয়াছে। ডেপুটী-ইনস্পেক্টরের কার্যে অনেক কষ্ট পাইয়াছি ও সময়ে সময়ে বিপদেও পড়িয়াছি। কিন্তু আরাম, আদর, মান, সম্মান ও অনেক পাইয়াছি। কোন জমিদারের এলাকায় স্কুল দেখিতে গেলে বিশেষতঃ জমিদারের গ্রামের স্কুল দেখিতে গেলে ৭৮ জনের থাক্তের উপযুক্ত চাঁল, দাঁল, ঘৃত, লবণ, তৈল তরকারী ও মিষ্টান্ন প্রভৃতি জমিদারের বাড়ী হইতে হয় সরকারী বিশ্রাম বাঙ্গলোয়,



নয় যেখানে বান্ধলো নাই সেখানে আমি ঝাঁহার বাসায় উঠিতাম, তাঁহার বাসায় প্রেরিত হইত। আমি একদিন আমার লোকজন সহ খাইয়া চলিয়া যাইতাম। সিধার অবশিষ্ট দ্রব্যাদি তথায় পড়িয়া থাকিত। পুলিশের থানায় বা আউটপোষ্টে উঠিলে সেখানকার সব-ইনস্পেক্টর হেড্ কন্টেবল্ ও রাইটার কন্টেবলেরা আমার যথেষ্ট আদর অভ্যর্থনা করিতেন। দারোগা মুসলমান হইলে হিন্দু হেড্ কন্টেবল্ বা রাইটার কন্টেবলের বাসায় খাও দ্রব্যাদি দিয়া আমাকে নিমন্ত্ৰণ করিয়া পাওয়াইতেন। আমি রাইটার কন্টেবল্, হেড্ কন্টেবল্, সব-ইনস্পেক্টর ও ইনস্পেক্টরদিগের সহিত সমান ব্যবহার করিতাম। উঁহারাও আমার যথেষ্ট খাতির করিতেন। এক সময়ে ধুবড়ীর পুলিশ ইনস্পেক্টর শ্রীহট্ট দেশীয় শ্রীযুক্ত জয়চন্দ্র ভদ্র আমাকে বলিয়াছিলেন যে তুমি রাইটার কন্টেবলদিগের সহিত ঐরূপ মেশামেশি কর এটা ভাল দেখায় না। আমি তদন্তেরে তাঁহাকে তৎক্ষণাৎ বলিয়াছিলাম যে জয়চন্দ্রবাবু, দুর্গাচরণ ঘোষাল বা পূর্ণচন্দ্র ভাট্টা রাইটার ও হেড্ কন্টেবলগণ আপনার অপেক্ষা নিম্ন শ্রেণীর লোক নহেন। জাত্যাংশে তাঁহারা আপনার অপেক্ষা শ্রেষ্ঠ। তাঁহাদের অপরাধ এই যে পেটের দায়ে তাঁহারা আপনার অধীনে চাকরী করিতে আসিয়াছেন। আপনার পদবীটা ভদ্র না হইয়া অভদ্র হওয়া উচিত ছিল।

কিছুকাল পরে ধুবড়ীর ডেপুটি কমিসনার শ্রীযুক্ত ড্রাইবার্গ সাহেব লখিমপুর জেলার সদর স্টেশন ডিক্রগড়ে বদলী হইয়া গেলেন। তাঁহার স্থলাভিষিক্ত হইলেন ডেপুটি কমিসনার মহাত্মা কর্ণেল টি, বি, মিচেল্। (Lieutenant Colonel T. B. Michell.) লেফ্টেন্যান্ট কর্ণেল, টি, বি, মিচেল্, ইনি ইতিপূর্বে নাগা পাহাড়ের ডেপুটি কমিসনার ছিলেন। নাগা পাহাড়ের সদর স্টেশনের নাম কোহিমা। কোহিমা হইতে ইনি দীর্ঘকালের বিদায় লইয়া বিলাত গিয়াছিলেন। বিলাত হইতে ফিরিয়া আসিয়া ইনি ধুবড়ীর অর্থাৎ গোয়ালপাড়া জেলার ডেপুটি কমিসনার

হইলেন। ইনি মার্চ মাসের প্রথমেই ধুব্‌ড়ীতে আসিয়া কার্যভার গ্রহণ করিলেন। ড্রাইবার্গ সাহেব ধুব্‌ড়ী পরিত্যাগ করিয়া যাইবার সময়ে আমি তাঁহাকে বলিয়াছিলাম যে, আপনি অল্পগ্রহ করিয়া আপনি যে স্থানে যাইতেছেন সেই স্থানে আমাকে বদলী করাইয়া লইয়া গেলে আমি তথায় যাইতে প্রস্তুত আছি। যেহেতু আপনি আমার কার্যে বিশেষ সন্তুষ্ট ছিলেন এবং আমার প্রতি সর্বদাই সদয় ব্যবহার করিয়া আসিয়াছেন। ড্রাইবার্গ সাহেব হাসিয়া আমাকে বলিলেন রামেশ্বর, তুমি কেন চিন্তিত হইতেছ? ধুব্‌ড়ী তোমার দেশের নিকট। তুমি হৃদ্রবন্তী ডিক্রগড়ে কেন যাইবা? কর্ণেল মিচেল্ অতি ভদ্র ও অমায়িক লোক। তাঁহার অধীনে কার্য করিয়া তুমি পরম সুখী হইবা; এবং কর্ণেল মিচেল্ তোমার কার্যদক্ষতা দর্শনে প্রীত হইয়া তোমার প্রতি বিশেষ সদয় সম্ভাবনার করিবেন। প্রকৃতপক্ষে তাহাই আমার অদৃষ্টে ঘটিয়াছিল। কর্ণেল মিচেল্ জেলার কার্যভার গ্রহণ করার কয়েকদিন পরেই মফঃস্বল ভ্রমণে যাইবার ইচ্ছা প্রকাশ করিয়া আমাকে বলিলেন ডেপুটী ইনসপেক্টর, আমি মফঃস্বল ভ্রমণে যাইব। আমার সহিত তোমার যাইতে হইবে। তুমি যাইবা, দুইজন ক্লার্ক যাইবেন এবং চারজন কন্‌ষ্টেবল্ আমার সহিত যাইবে। সরকারের তালিকা লিখিত হইল। সাহেবের সহিত আমি চলিলাম। যদুনাথ ঘোষ নামে একজন ক্লার্ক এবং ব্রজনাথ নাজির নামে একজন মুহরার চলিলেন। চারজন কন্‌ষ্টেবলও চলিল। কর্ণেল মিচেল্ বাহাদুর যখন নাগা পাহাড়ের ডেপুটী কমিসনার ছিলেন তখন যদুবাবু তথায় তাঁহার ক্লার্ক ছিলেন। যদুবাবুকে তিনি my old friend বা পুরাতন বন্ধু বলিতেন। আমরা ধুব্‌ড়ী হইতে ফেরি জাহাজে ব্রহ্মপুত্র পার হইয়া ফকিরগঞ্জ নামক স্থানে গেলাম। তথা হইতে সেই দিনই জমাদারহাট নামক স্থানে আমাদের যাইতে হইবে। জমাদারহাট ফকিরগঞ্জ হইতে ছয় মাইল দূরে ও উত্তরে। তথায় সরকারী একখানি বিশ্রাম বাঙ্গলো ছিল। কর্ণেল মিচেলের

তখন নিজের ঘোড়া কলিকাতা হইতে খুবড়ী আসিয়া পৌছে নাই। একটা ঘোড়া না পাইলে কিরূপে যক্ষ্মণ ভ্রমণ করিবেন এই কথা উঠায় খুবড়ীর একট্টা এসিষ্ট্যান্ট কমিসনার পাবনা জেলা-নিবাসী শ্রীযুক্ত হরিশ-চন্দ্র চাকি মহাশয় তাঁহার নিজের ঘোড়াটা সাহেবকে দিলেন। চাকি মহাশয়ের ঘোড়াটা আকারে ছোট কিন্তু দেখিতে অতি সুন্দর। আমরা বেলা ১০টার সময়ে ফকিরগঞ্জে পৌছিয়াই অশ্বারোহণে জমাদারহাট অভিমুখে যাত্রা করিলাম। একেত মার্চ মাসের প্রথর রৌদ্র, তাহার উপর আবার সাহেব বাহাদুর দীর্ঘকাল বিলাত বাস করার পরে আসামে আসিয়াছেন। সুতরাং তিনি গলদঘর্ষ হইতে লাগিলেন। চাকি মহাশয়ের ঘোড়ার পিঠে চড়িয়া তিনি দেখিতে পাইলেন যে ঘোড়াটা যাইতে যাইতে ওচট খাইতেছে। উহা দেখিয়াই তিনি বলিলেন যে *This is a very unsafe pony. Mr. Chaki has not got its hoofs cut for the last six months I see.* অর্থাৎ এই ঘোড়াটা নিরাপদ নহে, আমি দেখিতেছি যে চাকিবাবু ইহার সোম বা স্কুর গত ছয় মাসের মধ্যে কাটান নাই। এই বলিয়াই সাহেব ঘোড়া হইতে নামিয়া পড়িলেন এবং পদব্রজে জমাদারহাট যাইবেন বলিয়া সঙ্কল্প করিলেন। আমিও আমার ঘোড়া হইতে নামিয়া পড়িলাম। এবং সাহেবকে বলিলাম যে আপনি আমার ঘোড়ায় চড়ুন। তবে আমার জিনটা তত ভাল নহে জিন বদলাইয়া লই। তাহাতে সাহেব উত্তর করিলেন যে *Your life is more valuable than mine. You are a married man and I am a bachelor. I cannot allow you to ride this unsafe pony.* অর্থাৎ তোমার জীবন আমার জীবন অপেক্ষা মূল্যবান। তুমি বিবাহিত, আমি অবিবাহিত, আমি তোমাকে এই বিপজ্জনক ঘোড়ায় চড়িতে দিতে পারি না। এই বলিয়া সাহেব পদব্রজে যাইতে লাগিলেন। আমি তাঁহার সঙ্গে হাঁটিয়া যাইতে প্রস্তুত হইলাম। সাহেব আমাকে বলিলেন আমার সহিত সহিস আছে

তোমার সঙ্গে সহিস নাই। তুমি ঘোড়ার লাগাম ধরিয়া আমার সহিত  
 হাঁটিয়া যাইতে কষ্ট পাইবা। তুমি ঘোড়ায় চড়িয়া আইস এই বলিয়া  
 সাহেব অগ্রবর্তী হইলেন। এক বা দেড় মাইল সেই প্রথর রৌদ্রে  
 সাহেব হাঁটিয়া ক্লান্ত হইয়া পড়িলেন এবং একটা গাছতলায় যাইয়া বসিয়া  
 পড়িলেন। আমাকে জিজ্ঞাসা করিলেন যে জমাদারহাট আর কতদূরে  
 আছে। আমি বলিলাম যে এখনও আর চার মাইল গেলে আমরা  
 জমাদারহাট পাইব। সাহেব বলিলেন যে আমি ত অনেকদূর হাঁটিয়া  
 আসিয়াছি এখনও তথায় যাইতে আরও চারি মাইল রাস্তা আছে  
 বলিতেছ, উহা হইতেই পারে না। আমি বলিলাম যে আপনি ক্লান্ত  
 হইয়া পড়িয়াছেন এজ্জুই আপনার বোধ হইতেছে আপনি অনেক রাস্তা  
 আসিয়াছেন। আসুন আপনি চাকিবাবুর ঘোড়ায় চড়ুন আমি ঘোড়া  
 দোড়াইয়া যাইব না। আন্তে আন্তে পাশাপাশি হইয়া যাইব। আপনি  
 ঘোড়া হইতে পড়িয়া কষ্ট পাইবেন না। অনেক বুঝানর পরে সাহেব  
 ঘোড়ায় উঠিলেন। এবং আমরা গল্প করিতে করিতে ঘোড়ায় চড়িয়া  
 যাইতে লাগিলাম। গল্পের মধ্যে প্রথমেই ব্রহ্মানন্দ কেশবচন্দ্র সেনের  
 কথা উঠিল। কথা প্রসঙ্গে ধর্ম বিষয়ে আমার মত কি জানিয়া লইলেন।  
 যাইতে যাইতে রাস্তার পার্শ্বে একটা বেগুনের ক্ষেত পড়িল। সাহেব  
 বলিলেন এগুলি কি Brinjal অর্থাৎ বেগুন, I like them very much  
 আমি উহা খাইতে খুব ভালবাসি। বেলা আন্দাজ তিনটার সময়ে  
 আমরা জমাদারহাট পৌছিলাম। ঘোড়া চালাইয়া গেলে বেলা ১২টার  
 মধ্যে আমাদের তথায় পৌছিবার সম্ভাবনা ছিল। সাহেবের জিনিষপত্র  
 লইয়া ফকিরগঞ্জ হইতে তিনখান গরুর গাড়ী গিয়াছিল। সাহেব গরুর  
 গাড়ীর ভাড়া দিবার সময়ে আমাকে জিজ্ঞাসা করিলেন ফকিরগঞ্জ হইতে  
 জমাদারহাট পর্যন্ত গরুর গাড়ীর ভাড়া কত। আমি বলিলাম প্রত্যেক  
 গাড়ীর ভাড়া এক টাকা। সাহেব গাড়োয়ানদিগকে ১২ টাকা  
 হিসাবে ভাড়া দিয়া তিনজন গাড়োয়ানকে ২২ টাকা হিসাবে ৬২ টাকা

বক্সিস্ দিলেন। বলিলেন ইহারা দরিদ্র লোক। গাড়ীর ভাড়াটা গাড়ীর মালিক পাইবে। ইহারা মালিকের চাকর, ইহারা কি পাইবে? আমি বলিলাম ইহারা ইহাদের দৈনিক মজুরি পাইবে। সাহেব বলিলেন যে ইহারা দরিদ্র লোক, হয়ত ইহাদের স্ত্রী পুত্র আছে। ইহাদিগকে আমি ২০ টাকা করিয়া বক্সিস্ দিলাম। পরদিন প্রাতে আমরা জমাদারহাটের উচ্চ-প্রাথমিক বিদ্যালয়টি পরিদর্শন করিয়া লক্ষ্মীপুর অভিমুখে যাত্রা করিলাম। পথিমধ্যে আরও দুইটা পাঠশালা ছিল। সাহেব আমাকে বলিলেন যে তুমি ঐ দুইটা পাঠশালা দেখিয়া লক্ষ্মীপুরে আইস। আমি হাঁটিয়া লক্ষ্মীপুরে যাই। ঐরূপ করাই স্থির হইল। সাহেব হাঁটিয়া চলিয়া গেলেন। লক্ষ্মীপুর গ্রামটা মেছপাড়ার জমিদারদিগের বাসস্থান। জমিদারদিগের সরিক অনেক। বড় তরফকে এগার আনার জমিদার বলিত ও ছোট তরফকে পাঁচ আনার জমিদার বলিত। বড় তরফের দেওয়ান ছিলেন শ্রীযুক্ত নবকুমার সমাদ্দার বি. এ., আর ছোট তরফের দেওয়ান ছিলেন শ্রীযুক্ত বরদানাথ হালদার—দেশবন্ধু চিত্তরঞ্জন দাসের ভাবীশ্বশুর ও বাসন্তীদেবীর এবং ব্যারিষ্টার স্বরেন্দ্রনাথ হালদারের পিতা। তৎকালে বাসন্তীর বয়স বড় জোর নয় বৎসর। বরদানাথ হালদার আমার বিশেষ বন্ধু ছিলেন। বড় তরফের তৎকালের জমিদার ছিলেন শ্রীযুক্ত খগেন্দ্রনারায়ণ চৌধুরী, উদ্ধবচন্দ্র চৌধুরী, ভদ্রেশ্বর চৌধুরী ও তাঁহাদের ভ্রাতা লোকনাথ চৌধুরীর কয়েকটা পুত্র। স্বতরাং উইারা চারি ভ্রাতা প্রত্যেকে এগার পয়সা রকমের মালিক। আমি উদ্ধববাবুর ৪টা পুত্রকে দেখিয়া আসিয়াছি স্বতরাং উইারা তের গুণ তিন কড়া রকমের মালিক। ছোট তরফের বড় কর্তার নাম ছিল ভিলকরাম চৌধুরী ও ছোট কর্তার নাম ভোলানাথ চৌধুরী। ইহাদের পিতার নাম ছিল পৃথ্বীরাম চৌধুরী। ইহারই নামে গোয়ালপাড়া হাই-স্কুলের নাম করণ হইয়াছিল “পৃথ্বীরাম চৌধুরী হাই-স্কুল”। ভোলানাথ-

বাবু এই হাই-স্কুলটি স্থাপন করেন। এখন ঐ স্কুলটি গভর্নমেন্ট হাই-স্কুলে পরিণত হইয়াছে। তিলকরাম চৌধুরী মহাশয়ের সহিত আশার বিশেষ সৌহৃদ্য ছিল। যথা সময়ে তাঁহার ও তাঁহার পত্নীর বিষয়ে কিছু কিছু বলিবার ইচ্ছা রহিল। তিলকরামবাবুর পুত্র সন্তান জন্মে নাই। একটা মাত্র কন্যা হইয়াছিল। আমার পেন্সন লওয়ার সময়ে আমি ঐ কন্যাটাকে পরিণীতা ও পুত্রদ্বয়ের জননী দেখিয়া আসিয়াছি। বরদানাথ হালদার একজন Self made man অর্থাৎ ইনি আপনার বুদ্ধিবলে, কার্যকুশলতায় ও প্রতিভার বড়লোক হইয়াছিলেন। ইনি ঢাকা নর্ম্যাল স্কুল হইতে ত্রৈ-বার্ষিকী পরীক্ষায় উত্তীর্ণ হইয়া সর্বপ্রথমে বগুড়া বালিকা-বিদ্যালয়ের শিক্ষক হন। বগুড়ায় থাকাকালেই ইনি বাসন্তী দেবীর মাতাকে বিবাহ করেন। বাসন্তী দেবীর মাতা বালবিধবা ছিলেন। ইহার পিতার নাম গোলোক পাড়ে হিন্দুস্থানী ব্রাহ্মণ। বরদাবাবু বিক্রমপুর পরগনা-নিবাসী রাঢ়ী শ্রেণীর ব্রাহ্মণ। বরদানাথের খুল্লতাত শ্রীনাথ হালদার মহাশয় একজন গোড়া হিন্দু ছিলেন। ভ্রাতৃপুত্র এইরূপে হিন্দুস্থানী ব্রাহ্মণের বিধবা কন্যার পাণিগ্রহণ করায় তিনি বড়ই অসন্তুষ্ট হন এবং বরদানাথের সহিত সমস্ত সম্বন্ধ পরিত্যাগ করেন। কিন্তু কালের বিচিত্র গতি বোঝা ভার। বরদানাথ যখন বিজনীর রাণীর দেওয়ান, তখন তাঁহার খুল্লতাত শ্রীনাথ হালদার মহাশয়কে তাঁহার গোয়ালপাড়ার বাসায় থাকিতে দেখিয়াছি এবং তাহার পুত্র অনাথনাথকে বরাবরই বরদাবাবুর বাসায় থাকিতে দেখিয়াছি। বরদাবাবুর শ্বশুর মহাশয় গোলোক পাড়েকেও তথায় দেখিয়াছি। তখন তাঁহার পাড়ে উপাধি লুপ্ত হইয়া চক্রবর্তী উপাধি হইয়াছে। বরদানাথ যখন গোলোক পাড়ের বিধবা কন্যাকে বিবাহ করিবার অভিপ্রায় প্রকাশ ও প্রস্তাব করেন, তখন পাড়ে মহাশয়ের একটা কুমারী কন্যা ছিল। পাড়ে মহাশয় বলেন যে আমার বিধবা কন্যার বিবাহ দিলে আমার জাতি যাইবে

এক আমার কুমারী কন্যাকে কেহ বিবাহ করিবে না। এই আপত্তি উপস্থিত হওয়ায় বরদানাথের' জ্যেষ্ঠ ভ্রাতা ক্ষিতিনাথ ঐ কুমারী কন্যাটিকে বিবাহ করেন। বরদাবাবু পরে ডিব্রুগড় গভর্নমেন্ট হাই-স্কুলের হেড পণ্ডিত হন। তৎপরে গোয়ালপাড়া ট্রেনিং স্কুলের হেড মাষ্টার হন। তারপর লক্ষ্মীপুরের জমিদার অনারারী ম্যাজিস্ট্রেট পৃথীরাম চৌধুরী মহাশয়ের পেস্কার ও শেষে তাঁহার পুত্রদিগের দেওয়ান হন। সর্বশেষে বিজনী ষ্টেটের ম্যানেজার হন। ইনি ইংরাজী বলিতে পারিতেন না। ইংরাজী সংবাদপত্র পড়িয়া পড়িয়া কতকটা ইংরাজী শিখিয়াছিলেন। সাহেবদের অনেক কথা বুঝিতে পারিতেন কিন্তু ইংরাজী ভাষায় উত্তর দিতে পারিতেন না। যাক্, ধান ভানিতে শিবের গীত আসিয়া পড়িল, এ বিষয়ে এখন এই পর্য্যন্ত।

কর্ণেল মিচেল্ জমনারহাট হইতে লক্ষ্মীপুরে পদব্রজে আসিয়া, আমি তথায় পৌঁছবার অনেক পূর্বে তথাকার বিশ্রাম বাঙ্গলোয় উপস্থিত হইয়াছিলেন। বেহেতু আমি পথিমধ্যে আরও দুইটা পাঠশালা পরিদর্শন করিয়া আসিয়াছি। আমি বাঙ্গলোয় আসিবামাত্র কর্ণেল বাহাদুর বলিলেন যে বাঙ্গলোয় দুইটা প্রশস্ত কুঠরী আছে, আমি একটায় থাকি তুমি অপরটাতে থাক। তোমার কোন আপত্তি না থাকিলে তুমি আমার সহিত একত্রে ভোজন করিতে পার। আমি তাঁহাকে ধন্যবাদ দিয়া বলিলাম, মহাশয়, আমার কোন বিশেষ আপত্তি না থাকিলেও দেশাচারের বিরুদ্ধে কার্য্য করিতে সমর্থ নহি। আর এক কথা আমরা উভয়ে এক বাঙ্গলোয় থাকিলে উভয়েরই অসুবিধা হইবে। আমি পায়খানায় গিয়া জল ফেলিয়া আসিব, গায়ের কাপড় খুলিয়া তেল মাখিয়া স্নান করিব। ইহাতে আমার মনে বিশেষ সঙ্কোচ হইবে ও আপনারও বিশেষ অসুবিধা ঘটবে। এখানকার দেওয়ান বরদাবাবু আমার বন্ধু, আমি তাঁহার বাসায় গিয়া থাকিব। এই বলিয়া তাঁহার অনুমতি লইয়া আমি বরদাবাবুর বাসার দিকে যাইতেছি এমন

সময়ে সাহেব আমাকে ডাকিয়া বলিলেন একটা কথা শুনিয়া যাও। আমি এখানে আসিবামাত্রই জমিদার বাড়ী হইতে আমার জন্ত একটা প্রকাণ্ড ভেট আসিয়াছিল। উহাতে চা'ল, মাখন, ঘৃত, শাক-সবজি, খাসি, হাঁস, মুরগী ইত্যাদি বহুল পরিমাণে ছিল। আমি একজন উচ্চ-শ্রেণীর গভর্ণমেন্ট কর্মচারী, জেলার ম্যাজিস্ট্রেট, আঠার শত টাকা মাসিক বেতন পাই। মফঃস্বলে বাহির হইলে দৈনিক ৮ টাকা ভাতা ও মাইল প্রতি ১০ আট আনা হিসাবে পাথের পাইয়া থাকি। আমি কেন এই সমস্ত দ্রব্য গ্রহণ করিব? আমি সমস্ত দ্রব্যই ফিরাইয়া দিয়াছি। কিন্তু পাছে জমিদারেরা মনে করেন যে এই সমস্ত দ্রব্য ফিরাইয়া দিয়া আমি তাঁহাদের অবমাননা করিয়াছি এই নিমিত্ত তাঁহাদের বাগানে জাত কয়েকটি কপি ও ফুল রাখিয়া দিয়াছি। তুমি উহাদিগকে বিশেষ করিয়া বুঝাইয়া বলিবা যে আমার উদ্দেশ্য মন্দ নহে তাঁহারা যেন রাগ না করেন।

আমি সাহেবকে বলিলাম যে আমরা হিন্দুজাতি অতিথি-সেবক, আমাদের বাড়ীতে কোন অভ্যাগত অতিথি আসিলে তাঁহার সেবা ও সংকারাথে আমরা যথেষ্ট চেষ্টা করি। আপনি জমিদারদের বাসস্থানে অর্থাৎ তাঁহাদের বাড়ীতে আসিয়াছেন। সুতরাং আপনি তাঁহাদের মাননীয় অতিথি। আপনার সেবার জন্ত সাধ্যানুসারে চেষ্টা করিতে তাঁহারা পরাজুখ হইবেন কেন? তাঁহারা আপনার নিকট অল্প কোন অসহুদ্দেশ্যে এই সমস্ত দ্রব্যাদি পাঠান নাই। এই দ্রব্যগুলি রাখিলে আপনার কোন অবৈধ কার্য হইত না।

আমি বরদাবাবুর বাসায় গিয়া সাহেবের এই সমস্ত কথা বলিলাম। তিলকবাবুকেও পরে বলিয়াছিলাম। বরদাবাবুকে ইহাও বলিলাম শুনিয়া থাকিবেন আমি সাহেবের সঙ্গে আসিতেছি। আমি না আসা কাল পর্যন্ত আপনাদের অপেক্ষা করা উচিত ছিল। এত তাড়াতাড়ি এই সমস্ত দ্রব্য পাঠানর প্রয়োজন কি ছিল? সাহেব এ জেলায় নুতন



আসিয়াছেন। তাঁহার প্রকৃতি ও ভাবগতিক জানিয়া কার্য করা উচিত ছিল। বরদাবাবু বলিলেন যে ইহার পূর্ববর্তী ডেপুটী কমিসনার-গণ তাই সমস্ত দ্রব্য লইতে কখনও আপত্তি করেন নাই। আমি বলিলাম দাদা, সব সাহেবের রুচি ও প্রকৃতি একরূপ নহে। এটা আপনার মত বুদ্ধিমান লোকের জানা উচিত ছিল।

ডেপুটী কমিসনার কর্ণেল মিচেল সাহেব বাহাদুরের অনেকগুলি সদগুণ ছিল। মায়া, দয়া, দাক্ষিণ্য ও ক্ষমাগুণ যথেষ্ট ছিল। তবে মানুষ একেবারে নির্দোষ হইতে পারে না বলিয়া তাঁহারও কোন কোন বিষয়ে দুর্বলতা ও ত্রুটি ছিল। দয়া ও ক্ষমা গুণের পরিচয় নিম্নলিখিত দুইটা ঘটনায় পাওয়া গিয়াছিল। তাঁহার একটা ভৃত্য তাঁহার বাক্স হইতে অনেকগুলি টাকা চুরি করিয়াছিল, তাহার চুরি ধরা পড়াতে তাহাকে ডাকাইয়া সাহেব বাহাদুর বলিলেন “তুই চুরি করিয়াছিস?” সে বলিল “হাঁ করিয়াছি” সাহেব বলিলেন “কাল বেলা ৮টার সময়ে যে ষ্টিমার যাত্রাপুর যাইবে সেই ষ্টিমারে চড়িয়া তুই বাড়ী যাইবি।” যদি ৮টার পরে তাকে এখানে দেখিতে পাই তাহা হইলে আমি নিশ্চয়ই জেলে দিব। আমি ম্যাজিস্ট্রেট তা ত জানিস। আমি তোকে জেলে দিতে পারি।” সে বলিল “জুজুর আমি সবই জানি তবে আমার হাতে একটি পয়সাও নাই কি লইয়া আমি দেশে যাইব? আমার রাস্তা খরচ লাগিবে, বাড়ী গিয়াও পাচ সাতদিন বসিয়া থাইতে হইবে।” সাহেব বাহাদুর বলিলেন “আমার এতগুলি টাকা চুরি করিয়াছিস সে টাকাগুলি কোথায় গেল?” তৎক্ষণে সে বলিল “জুয়া খেলিয়া সে সমস্ত টাকা হারাইয়াছি।” সাহেব বলিলেন “তোমার দেশে যাইতে কত টাকা লাগিবে” সে বলিল “প্রায় ১০০ টাকা।” সাহেব তৎক্ষণাৎ দুইখানি ১০০ টাকার নোট তাহার হাতে দিয়া বলিলেন এই তোমার রাস্তা খরচ ১০০ টাকা ও বাড়ী গিয়া বসিয়া থাইবার জন্য ১০০ টাকা। এই বলিয়া তাহাকে তৎক্ষণাৎ বিদায় দিলেন।

আর একটি ঘটনা এই সাহেবের বাঙ্গলোর ঠিক উত্তর দিকে গদাধর নামে একটি ক্ষুদ্র নদ ও তাহার মরা খাল ছিল। তিনি সম্ভ্যার কিছু পূর্বে তাঁহার বাঙ্গলোর সম্মুখে একখানি চেয়ার পাতিয়া বসিয়া থাকিতেন। একজন জেলে প্রত্যহই বাঁশজাল পাতিয়া সেইখানে মাছ ধরিত। সাহেব দেখিতেন সে প্রতিদিন মাছ ধরিয়া কত টাকা উপার্জন করে। একদিন সাহেব তাহাকে ডাকাইয়া বলিলেন যে তুমি মাছ ধরিয়া প্রতিদিন কত পাও। সে বলিল, হজুর ঠিক নাই। কোন দিন এক টাকা কোন দিন দেড় টাকা, বা কোন দিন বার আনা পাই। সাহেব বলিলেন তুমি রোজ আমাকে চারিটা করিয়া মাছ দিবা। আমি রোজ তোমাকে একটি করিয়া টাকা দিব। সে বলিল, হজুর আমি রোজ চারিটা করিয়া মাছ ধরিতে হয়ত পারিব না। তাহার বিশ্বাস সাহেব চারিটা করিয়া বড় মাছ চান। সাহেব বলিলেন আমি চারিটা করিয়া মাছ চাই, তবে আঙ্গুলের মত ছোট চারিটা মাছ হইলেও তোমাকে রোজ এক টাকা করিয়া দিব। জেলে রোজ তাঁহাকে গুণতিতে ছোটই হক বা বড়ই হক চারিটা করিয়া মাছ দিয়া একটি করিয়া টাকা পাইত। আর মাছ ধরার সময় শেষ হইয়া গেলে যখন সে জাল উঠাইয়া নিজ গ্রামে চলিয়া গিয়াছিল, তখন সাহেব বাহাদুর তাহাকে ১০ টা টাকা দিয়াছিলেন।

### দুর্বলতার পরিচয়

সাহেব যে সময়ে ধুবড়ীতে ডেপুটী কমিসনার ছিলেন সেই সময়ে বিজনীর রাজ্যে (জমিদারিতে) বিজনীর প্রজা-বিত্রোহ হয়। রাজা কুমুদনারায়ণ ভূপ আত্মহত্যা করার পরে বিজনীর বড় রাণী সিদ্ধেশ্বরী দেবী জমিদারির অধিকারিণী হন। জীবনরাম ফুকন নামে তাঁহার একজন সর্বপ্রধান কর্মচারী বা মন্ত্রী ছিলেন। প্রজারা তাহাদের নানাবিধ অশুবিধার কারণ রাণী মহোদয়াকে জানাইবার জন্য রাণীর

তৎকালীন বাসস্থান ব্রহ্মপুত্র নদের তীরবর্তী যোগীঘোণা নামক স্থানে সমবেত হইয়াছিল এবং রাণীর সহিত সাক্ষাৎ করিতে চাহিয়াছিল। ইহাতে জীবনরাম ফুকন তাহাদিগকে তথা হইতে তাড়াইয়া দিবার জন্ত তাহাদের উপর বন্দুকের ফাঁকা আওয়াজ করেন। প্রজারা ইহাতে আপনাদিগকে অপমানিত মনে করিয়া চন্দ্রনারায়ণ শুভা নামক এক ব্যক্তিকে তাহাদের রাজা বলিয়া ঘোষণা করিয়া বিদ্রোহ উপস্থিত করে। বিজ্ঞানীর ভূতপূর্ব রাজা যিনি কুমুদনারায়ণকে পোগুপুত্র গ্রহণ করিয়াছিলেন,—তাহাকে পোগুপুত্ররূপে গ্রহণ করিবার পূর্বে এই চন্দ্রনারায়ণ শুভাকে পোগুপুত্র লইবেন বলিয়া বিজ্ঞানীর তৎকালীন রাজধানী ডুমুরিয়াতে আনেন। চন্দ্রনারায়ণ তাহার পিতার জ্যেষ্ঠ পুত্র বলিয়া বিধি অনুসারে দত্তক পুত্র হইতে পারেন না বলিয়া ইহাঁকে পোগুপুত্ররূপে গ্রহণ করা হয় নাই। কিন্তু ইহাঁর ভরণ-পোষণ-উপযোগী জায়গীর দিয়া ইহাঁকে ভূতপূর্ব রাজা ডুমুরিয়াতে রাখেন। বিজ্ঞানীর রাণী সিদ্ধেশ্বরী দেবীকে প্রজারা কুমুদনারায়ণ ভূপের শাস্ত্রানুসারে বিবাহিতা স্ত্রী বলিয়া স্বীকার না করিয়া চন্দ্রনারায়ণকে রাজা বলিয়া স্বীকার করে এবং বিদ্রোহ উপস্থিত করে। এই বিদ্রোহকে বারপাটগিরির হাঙ্গামা বলা হইত। এই বিদ্রোহের ফলে অনেক খুন জখম হয়। বিজ্ঞানীর রাজধানী ডুমুরিয়াতে হাঙ্গামা হইবার সময়ে মতিয়া কেটেজা নামে একজন লোক জীবন ফুকনকে লক্ষ্য করিয়া একটা বর্ষা নিক্ষেপ করে। জীবন ফুকনকে রক্ষা করিতে গিয়া একজন রিসালদার বর্ষা বিদ্ধ হইয়া মারা যায় এবং রিসালদার মারা যাওয়াতে মতিয়ার উপরে পার্শ্বিক অত্যাচার হয়। মতিয়া তাহার ফলে মরণাপন্ন হয় এবং তাহার একাধিক অঙ্গে পক্ষাঘাত হয়। এই হাঙ্গামা লইয়া গুরুতর মামলা মোকদ্দমা হয়। জীবন ফুকনের পক্ষ সমর্থন করিবার জন্ত কলিকাতা হাইকোর্টের এডভোকেট জেনারল পল সাহেব পর্য্যন্ত খুবড়ী গিয়াছিলেন। এই মোকদ্দমায় জীবন ফুকন অব্যাহতি পান। অব্যাহতি

পাওয়ার পরে আরও ঘোরতর অত্যাচার করিতে থাকেন। ঘর জ্বালানি, খুন, জখম বিস্তর হয়। এই সকল অত্যাচারের ফলে বারপার্টগিরির বিদ্রোহ থামিয়া যায়। কর্ণেল মিচেল্ বাহাদুর দুই বৎসরের কিছু অধিক কালের জন্ত ধুব্‌ডীতে ডেপুটী কমিসনারি করেন। ১৮৮৬ সনের ফেব্রুয়ারী মাসে ইনি পেন্সন্ লইয়া বিলাতে চলিয়া যান। তৎপদে ক্যাপ্টেন্ এম্ এ, গ্রে, এম্, এ, ধুব্‌ডীতে আসেন। তিনি তাঁহার কার্যভার ক্যাপ্টেন গ্রেকে বুঝাইয়া দেওয়ার পরে আসিয়া তাঁহার বাঙ্গলোতে ডাকিয়া পাঠান। আমি তাঁহার সহিত তাঁহার বাঙ্গলোতে দেখা করার পরে তিনি আমাকে বলেন যে: I propose that Phukan (জীবন ফুকন) is the fountain head of all evils. অর্থাৎ বাবু আমি এখন বুঝিতে পারিয়াছি যে জীবন ফুকনই সমস্ত অনিষ্টের মূল। আমি তত্বতরে বলি যে Sir, you have come to this conclusion too late, after you have made over charge of the District to your successor. Had you been pleased to put this Phukan to jail custody or Hajat as an industrial prisoner in the Motia-Katenga case, even for a week, every thing would have gone well and there would have been no trouble. আমি মহাশয়, আপনি এখন জেলার কার্যভার আপনার হুলাভিষিক্ত ব্যক্তির হস্তে ত্যাগ করার পরে এই সিদ্ধান্তে উপনীত হইয়াছেন। আপনার এই ধারণাটা নিতান্ত অসময়ে হইয়াছে। যদি আপনি মতিয়া কেটেরার মোকদ্দমার সময়ে ঐ ফুকনকে এক সপ্তাহের নিমিত্তও হাজতে পাঠাইতেন, তাহা হইলে পরে কোন গোলমাল হইত না; আরও ফুকন জখম হইত। কিছুই হইত না। সকল বিষয়েই শৃঙ্খলা রক্ষা হইত। আমি এই কথা শুনিয়া তিনি কিছুটা আশ্বস্ত হইলেন। তিনি বলেন Every man has his failings, that Phukan, when an infant,

was a very lovely child. I used to pat and kiss him. I could not have the heart to send him to jail. অর্থাৎ বাবু প্রত্যেক ব্যক্তিরই হৃদয়ের দুর্বলতা আছে, ঐ ফুকন বাল্যকালে বড়ই কমণীয় ছিল। আমি তাকে তখন বড়ই ভাল বাসিতাম ও আদর করিতাম। তাকে জেলে দিতে আমার হৃদয়ে বল আসে নাই। এখানে বলা আবশ্যিক জীবন ফুকনের বাড়ী ছিল গোঁহাটীতে। উঁহার পিতার নাম ছিল বলরাম ফুকন। ইনিও এককালে বিজনীর রাজের দেওয়ান ছিলেন। আসাম-প্রদেশের বর্তমানকালে খ্যাতনামা অরুণরাম ফুকন ও তরুণরাম ফুকন তাঁহার সহোদর ভ্রাতা। কর্ণেল মিচেল্ও এক সময়ে গোঁহাটীতে ছিলেন। সেই সময়েই জীবন ফুকনকে খুব ভাল বাসিতেন ও আদর করিতেন। এইটাই তাঁহার হৃদয়ের একমাত্র দুর্বলতার দৃষ্টান্ত।

কর্ণেল মিচেল্ বাহাদুর কার্য্য হইতে অবসর গ্রহণ করার সময়ে অবাচিতভাবে আমাকে একখানি অতি উৎকৃষ্ট সার্টিফিকেট বা প্রশংসা পত্র দিয়া গিয়াছিলেন। এই আত্মকাহিনীর পরিশিষ্ট ভাগে উহা সন্নিবেশিত হইবে।

কর্ণেল মিচেল্ বাহাদুরের কার্য্যকালে অনেকগুলি ঘটনা ঘটিয়াছিল। তাহার মধ্যে কয়েকটি ঘটনার উল্লেখ করিয়া তাঁহার স্মৃতি লিপিতে ক্ষান্ত হইব।

**ধুবড়ীর ডিষ্ট্রিক্ট ইঞ্জিনিয়ার ক্ল্যান্সি সাহেবের সহিত**

**আমার বিবাদ ও পরে মিলন।**

কর্ণেল মিচেল্ বাহাদুর যখন গোয়ালপাড়া জেলার (ধুবড়ীর) ডেপুটী কমিসনার, তখন (D. J. Clancy) ডি, জে, ক্ল্যান্সি নামক একজন সাহেব ধুবড়ীর ডিষ্ট্রিক্ট ইঞ্জিনিয়ার হইয়া আসিয়াছিলেন। তখন ইনি পূর্ব-বিভাগের একজন এসিষ্ট্যান্ট ইঞ্জিনিয়ার ছিলেন।

পশ্চিমাঞ্চল হইতে ইনি আসাম-প্রদেশে অল্পদিন হইল আসিয়াছিলেন। ইনি ডিষ্ট্রিক্ট ইঞ্জিনিয়ার হওয়ায় ডেপুটী কমিসনারের পূর্ত-বিভাগের সেক্রেটারী বা সম্পাদক ছিলেন এবং আমি স্কুল-ডেপুটী-ইনসপেক্টর হওয়ায় ডেপুটী-কমিসনারের শিক্ষা-বিভাগের সেক্রেটারী বা সম্পাদক ছিলাম। লোক্যাল বোর্ডের পূর্ত-বিভাগের আয় ব্যয়ের হিসাব প্রস্তুত করা ডিষ্ট্রিক্ট ইঞ্জিনিয়ারের কাজ। শিক্ষা-বিভাগের হিসাব প্রস্তুত করার ভার আমার উপর, আর চিকিৎসা-বিভাগের হিসাব প্রস্তুত করার ভার সিভিল সার্জনের উপর। সকল বিভাগের আয় ব্যয়ের হিসাব প্রস্তুত হইলে, ডিষ্ট্রিক্ট ইঞ্জিনিয়ারের অধীনস্থ লোক্যাল বোর্ডের অফিস হইতে একটা ঘোঁষ বজ্জেট প্রস্তুত হইয়া লোক্যাল বোর্ডের অহুমোদিত হইলে গভর্নমেন্টের নিকট প্রেরিত হইত। সুতরাং ডিষ্ট্রিক্ট ইঞ্জিনিয়ার, সিভিল সার্জন ও স্কুল-ডেপুটী-ইনসপেক্টর পরস্পরের সহিত পরামর্শ করিয়া বজ্জেট প্রস্তুত করিতেন। ক্যান্সী সাহেব নূতন লোক, কখনও বজ্জেট প্রস্তুত করেন নাই এজ্ঞা পরামর্শ করিবার নিমিত্ত তাঁহার অফিসের একাউন্ট্যান্ট শ্রীযুক্ত শিবচন্দ্র দত্তর দ্বারা আমাকে ডাকিয়া পাঠান। ঐ দিন খুব বৃষ্টি হইতেছিল। আমি তাঁহার অহুরোধে বর্ষাতি পোষাকে আমার শরীর ও পরিচ্ছদ আবৃত করিয়া তাঁহার অফিসে যাই। শিববাবু আমাকে সাহেবের ঘরে যাইতে বলেন। আমি বর্ষাতি পোষাকটা রাখিয়া তাড়াতাড়ি আমার সাধারণ পোষাক পরিধান করিয়া তাঁহার ঘরে যাই। আমার মাথায় একটা cap (hat নহে) টুপি ছিল। এবং বলা বাহুল্য পায়েও জুতা ছিল। আমি তাঁহার ঘরে প্রবেশ করিবামাত্র আমার মাথায় টুপি ও পায়ে জুতা দেখিয়া সাহেব বাহাদুর বড়ই কুপিত হইয়া বলিলেন—I see you are very impertinent. You have come into my room with your hat and shoes on অর্থাৎ আমি তোমাকে বড়ই ধুষ্ট বা অশিষ্ট দেখিতেছি, তুমি আমার ঘরে পায়ে জুতা ও মাথায় টুপি দিয়া আসিয়াছ। আমি বলিলাম

আশাম, উত্তর-পশ্চিমাঞ্চল নহে এখানে কেহই বিশেষতঃ বাঙ্গালী ভদ্রলোকে জুতা ও টুপি খুলিয়া সাহেবদিগের ঘরে যান না। আরও একটা কথা আমার মাথায় এটা cap, hat নহে। Hat হটলে ইংরাজী শিষ্টাচারানুযায়ী আমি উহা মাথা হইতে নামাইয়া হাতে লইয়া আপনার ঘরে প্রবেশ করিতাম। Cap খুলিতে হয় না। সাহেব আর কিছু বলিলেন না বটে, কিন্তু আমাকে বসিবার জন্ত আসন দিলেন না বা বসিতে বলিলেন না। আমিও তৎক্ষণাৎ চলিয়া আসিলাম। তৎপর দিন এ বিষয়টি আমি কর্ণেল মিচেল্কে কৌশলক্রমে জানাইলাম। কর্ণেল বাহাদুর বলিলেন যে বাবু তোমাদেরও একটা দোষ আছে। তোমরা ইংরাজী পোশাক পর অথচ ইংরাজী শিষ্টাচারের প্রথা অনুসারে চল না। Hat মাথায় দিয়া তোমার ক্যান্সি সাহেবের ঘরে যাওয়া উচিত হয় নাই। আমি বলিলাম আমার মাথায় বেটী ছিল সেটা cap, hat নহে, cap খুলিতে হয় না। কর্ণেল বাহাদুর বলিলেন আচ্ছা এ বিষয়ের মীমাংসা করা যাইবে। এ সব কথা তাঁহার এজলাসে অর্থাৎ কাছারিতে প্রকাশ্য বিচার-গৃহে হইয়াছিল। সেইদিনই অপরাহ্নে কর্ণেল বাহাদুর ক্যান্সি সাহেবকে তাঁহার বাঙ্গলোয় ডাকিয়া পাঠান এবং তাঁহাকে বলেন যে তুমি ডেপুটি ইনস্পেক্টরের সহিত বড়ই অগ্রায় ব্যবহার করিয়াছ। তুমি আমার পূর্ত-বিভাগের সেক্রেটারী এবং ডেপুটি ইনস্পেক্টর আমার শিক্ষা-বিভাগের সেক্রেটারি। তুমি গেজেটেড্ অফিসার, সেও গেজেটেড্ অফিসার। তোমার ও তাহার position বা পদ একই প্রকার। তবে তুমি কিছু বেশী বেতন পাও সে তোমার অপেক্ষা কম বেতন পায়; তোমাদের মধ্যে এই একমাত্র প্রভেদ। আমি তোমাকে পরামর্শ দিতেছি যে তুমি আগামী কলাই তাহার নিকট ক্ষমা প্রার্থনা করিবা, না করিলে আমি তোমার বিরুদ্ধে গভর্নমেন্টের নিকট লিখিব। যাহা হউক তৎপর দিবসই ক্যান্সি সাহেব আমার নিকট ক্ষমা প্রার্থনা করিয়াছিলেন। তৎপর দিন আমার

অফিসের সম্মুখে আমি দাঁড়াইয়া আছি এমন সময় ক্ল্যান্সি সাহেব টেনিস খেলিতে যাইতেছিলেন আমাকে দেখিয়াই, আমার নিকট আসিয়া বলিলেন যে, বাবু গতকল্য তোমার সহিত আমার এমন কি হইয়াছিল যে তুমি উহা কর্ণেল মিচেলকে জানাইয়াছ। আমি বলিলাম যাহা হইয়াছিল তাহা সম্পূর্ণই ভদ্রতা বিরুদ্ধ কার্য্য হইয়াছিল। এই কথা শুনিয়াই ক্ল্যান্সি সাহেব বলিলেন—Babu, don't mind. Let us forget and forgive. Let us be friends from to-day. এই বলিয়া করমর্দন করিবার জন্ত তাঁহার হাত বাড়াইয়া দিলেন। অর্থাৎ বাবু কিছু মনে করিও না, এস আমরা এসব কথা ভুলিয়া গিয়া ক্রটি স্বীকার করি, আজ হইতে আমরা পরস্পরের বন্ধু হইলাম। এই বলিয়াই করমর্দন করিবার জন্ত তাঁহার হাত বাড়াইয়া দিলেন ও আমরা করমর্দন করিলাম। এখানে বলা আবশ্যক সাহেবেবরা বড়ই উদার প্রকৃতি। এই ঘটনার পর দিন হইতেই আমাদের মধ্যে বিলক্ষণ সৌহার্দ্য জন্মিয়াছিল।

এই ঘটনাটা আত্মোপাস্ত তৎকালের "সঞ্জিবনী" পত্রিকায় বাহির হইয়াছিল।

এই সময়ে কুশনগরের রাজার ভূতপূর্ব দেওয়ান কার্তিকেয়চন্দ্র রায় মহাশয়ের ভাগিনেয় শ্রীযুক্ত রামগোপাল খাঁ ধুবড়ীতে একষ্ট্র্যা এসিষ্ট্যান্ট কমিসনার ছিলেন। এই ঘটনার পরদিনই কর্ণেল মিচেল রামগোপাল বাবুকে বলিয়াছিলেন—Ramgopal, did you hear that there was a row between the Deputy Inspector and Mr Clancy. What is Mr Clancy? He is born here, and educated at the Roorki College. I think the Deputy Inspector is better born and better educated than Mr Clancy. অর্থাৎ রামগোপাল শুনিয়াছ কি, যে ডেপুটী ইনস্পেক্টর ও ক্ল্যান্সি সাহেবের মধ্যে একটা গোলমাল হইয়া গিয়াছে। ক্ল্যান্সি সাহেব কি?



এই দেশে তাহার জন্ম ও রুড়কি কলেজে শিক্ষিত। আমি মনে করি ডেপুটী ইনস্পেক্টর ক্ল্যান্দি সাহেব অপেক্ষা সদৃশজাত ও সুশিক্ষিত।

১৮৮৫ সনের এপ্রিল মাসে ধুবড়ীতে ভয়ানক অগ্নিকাণ্ড

কর্ণেল মিচেল সাহেব যৎকালের ধুবড়ীর ডেপুটী কমিসনার, সেই সময়ে অর্থাৎ ১৮৮৫ সনের এপ্রিল মাসে ধুবড়ীতে একটা ভয়ানক অগ্নিকাণ্ড হইয়াছিল। বেলা ৩টার পরে ৪টার মধ্যে রামানন্দ সরকার নামে একটা লোকের বাড়ীতে প্রথমে আগুন লাগে। সেই অগ্নি চতুর্দিকে ব্যাপ্ত হইয়া ধুবড়ীর প্রায় সমস্ত গৃহই দগ্ধ করিয়াছিল। স্থল বাড়ী, সার্কিট বাঙ্গলো ও সমস্ত ভাল ভাল বাড়ী ভস্মীভূত হইয়াছিল। গৃহদগ্ধ হওয়ায় প্রায় সমস্ত ভদ্রলোকেই পরিবার সহ রাস্তায় আসিয়া অবস্থিতি করিতে হইয়াছিল। ধুবড়ী সহরে তিন চারখানি বাড়ী ব্যতীত সমস্ত বাড়ীই পুড়িয়া ছাই হইয়া গিয়াছিল। সার্কিট বাঙ্গলোর নীচে গভর্নমেন্টের অনেকগুলি মহামূল্য পটগৃহ বা তাঁবু ছিল। সেগুলিও পুড়িয়া ছাই হইয়া গিয়াছিল।

অগ্নিকাণ্ড একটু প্রশমিত হইলে আমি আমার অফিসের কোন ক্ষতি হইয়াছে কিনা দেখিবার জন্ত বাহির হইয়াছি এমন সময়ে কর্ণেল মিচেলও ঘণ্মাক্ত কলেবরে বাহির হইয়াছেন। রাস্তায় তাঁহার সহিত আমার সাক্ষাৎ হইল। কর্ণেল মিচেল আমাকে সঙ্গে লইয়া প্রায় সমস্ত ভদ্রলোকের দ্বারে দ্বারে গিয়া তাঁহাদিগের পরিবারবর্গের দুর্দশা স্বচক্ষে দর্শন করিয়া তখনই মাননীয় চিফ্ কমিসনার Elliot ( ইলিয়ট ) সাহেব বাহাদুরের নিকট তারে সংবাদ দিলেন যে ধুবড়ী সহর ভস্মীভূত হইয়া গিয়াছে। গভর্নমেন্টের অনেক ক্ষতি হইয়াছে কিন্তু আমি গভর্নমেন্টের ক্ষতির বিষয় ভাবিতেছি না। আমি ভদ্রলোকদিগের দুর্দশা দেখিয়া বড়ই ব্যথিত হইয়াছি। চিফ্ কমিসনার বাহাদুর তখনই সহায়ত্ব প্রকাশ করিয়া তারে উত্তর দিলেন।

ইহার সময়ে শিক্ষা-বিভাগের একটি ঘটনা এখানে উল্লেখ করিতেছি। এই ঘটনাটির সহিত আমি বিশেষভাবে সংশ্লিষ্ট ছিলাম। আমি ডেপুটি ইনস্পেক্টর হইয়া ধুবড়ী আসিবার অনেক পূর্বে হইতেই ধুবড়ীতে কলিকাতা বিশ্ববিদ্যালয়ের প্রবেশিকা পরীক্ষা গ্রহণের একটি Centre বা কেন্দ্র ছিল। ডেপুটি ইনস্পেক্টরকেই উহার জন্ত সমস্ত বন্দোবস্ত করিতে হইত। ইতিপূর্বে প্রতি বৎসর নভেম্বর মাসের শেষ সপ্তাহে বা ডিসেম্বর মাসের প্রথম সপ্তাহে উক্ত পরীক্ষা গৃহীত হইত। ১৮৮৫ সনে এই পরীক্ষা ও বিশ্ববিদ্যালয়ের অগ্রাগ্র পরীক্ষা ১৩ই এপ্রিল তারিখে প্রাতঃকালে আরম্ভ হয়; এবং ক্রমাগত ৭।৮ দিন চলে। কয়েক বৎসর ঐ রূপে এপ্রিল মাসে প্রাতঃকালে বিশ্ববিদ্যালয়ের পরীক্ষাগুলি গৃহীত হইয়াছিল। ধুবড়ীতে ঐ প্রবেশিকা পরীক্ষার সময়ে মধ্য-ইংরাজী, মধ্য-বাঙ্গালা, উচ্চ-প্রাথমিক ও গুরু-ট্রেনিং পরীক্ষাও গৃহীত হইত। মধ্য-ইংরাজী, মধ্য-বাঙ্গালা, ও উচ্চ-প্রাথমিক পরীক্ষা দিয়া বৃত্তি পাইতে হইলে, পরীক্ষার্থিদিগের যথাক্রমে নভেম্বর মাসের ১লা তারিখে, বয়স, ১৭, ১৫, ও ১৩, বৎসর হওয়া আবশ্যক ছিল। কিন্তু পরীক্ষার দিন ৫ মাস ১৩ দিন পিছাইয়া যাওয়াতে আমাদের স্কুল-ইনস্পেক্টর সাহেব একখানি সাকুলার জারি করিয়া জানান যে ১৮৮৫ সনের ঐ সমস্ত বৃত্তি পাইবার উপযোগী বয়স হইল যথাক্রমে ১৭ বৎসর ৫ মাস ১৩ দিন, ১৫ বৎসর ৫ মাস ১৩ দিন ও ১৩ বৎসর ৫ মাস ১৩ দিন। পরীক্ষার্থিদিগের বয়স পরীক্ষা-গৃহেই একটি কমিটির দ্বারা তাহাদের শরীরের গঠন প্রভৃতি দর্শন করিয়া স্থির করিবার নিয়ম ছিল। জমাদারহাট নামক একটি উচ্চ-প্রাথমিক বিদ্যালয় হইতে কয়েকটি ছাত্র উচ্চ-প্রাথমিক পরীক্ষা দিতে আসিয়াছিল। কর্ণেল, মিচেল, সিভিল্ সার্জেন ডাক্তার ডব্লু. ও একট্রা এসিস্ট্যান্ট কমিসনার বাবু রামগোপাল খাঁ এবং আমাকে লইয়া একটি কমিটি গঠিত হইয়া ছিল। ঐ কমিটি, দুইটি ছাত্রের বয়স ১৩ বৎসর ৫ মাস ১৩দিন লিখিয়া

লইয়াছিলেন। পরীক্ষার ফল বাহির হইলে ও বৃত্তিপ্রাপ্ত বালকদিগের নামের তালিকা বাহির হইলে দেখি যে জমাদারহাটের ঐ দুইটা ছাত্র সমস্ত আসাম-প্রদেশের উত্তীর্ণ ছাত্রদিগের মধ্যে তৃতীয় ও চতুর্থ স্থান অধিকার করিয়াছে, কিন্তু তাহারা বৃত্তি পায় নাই। বিশেষ করিয়া দেখিয়া বুঝিতে পারিলাম যে, যে সকল ছাত্রের বয়স ১৩ বৎসরের অধিক লিখিত হইয়াছিল তাহারা কেহই উচ্চ-প্রাথমিক বৃত্তি পায় নাই। এই দেখিয়াই আমার মনে হইল যে স্কুল-ইনস্পেক্টর সাহেবের অফিসের বড় বাবু তাঁহাদের অফিসের সার্কুলারের কথা মনে না করিয়া অত্যাণ্ড বৎসরের ন্যায় ১৩ বৎসরের অপেক্ষা বেশী বয়স যাহাদের হইয়াছে সেই সমস্ত ছাত্রদিগকে বৃত্তি দেন নাই।

### স্কুল-ইনস্পেক্টর সি, বি, ক্লার্ক মহোদয়

এই সময়ে আসাম প্রদেশের স্কুল-ইনস্পেক্টর ছিলেন স্বপ্রসিদ্ধ উদ্ভিদ-বিজ্ঞাবিশারদ, পরম পণ্ডিত, সুবিজ্ঞ, পরমপ্রাজ্ঞ, বিচক্ষণ বহুদর্শী, ঋষিকল্প, চিরকুমার মহোদয় সি, বি, ক্লার্ক। ইহাকে আমি পূর্ক হইতেই জানিতাম। যখন ইনি রাজসাহী-বিভাগের স্কুল-ইনস্পেক্টর ছিলেন এবং যখন ইহার অফিস দাজিলিং এ ছিল সেই সময়ে আমি কিছুদিনের জন্য ইহার অফিসে দ্বিতীয় কেরাণী পদে নিযুক্ত হইয়া কার্য্য করিয়াছিলাম। সুতরাং ইহার প্রকৃতি জানিতাম। বাদ্গলাদেশে শিক্ষা-বিভাগের সৃষ্টি হওয়ার সময় হইতে এ সময় পর্য্যন্ত কলিকাতা সংস্কৃত কলেজের ভূতপূর্ব অধ্যক্ষ ই, বি, কাউয়েল ও ইনস্পেক্টর সি, বি, ক্লার্কের সমকক্ষ ব্যক্তি শিক্ষা-বিভাগে কেহই আসেন নাই। একথা স্বগীয় এন্, এন্, ঘোষ মহাশয় তাঁহার পরিচালিত “ইণ্ডিয়ান নেশন্” (Indian Nation) নামক সাপ্তাহিক পত্রিকায় প্রসঙ্গক্রমে একবার লিখিয়াছিলেন। আমি আসাম গেজেটে বৃত্তিপ্রাপ্ত ছাত্রদিগের তালিকা দেখিয়াই কর্ণেল মিচেলকে জানাই ও গেজেট দেখাইয়া বলি যে সন্তবতঃ ইনস্পেক্টর

সাহেবের অফিসের ভ্রমের জন্তু ঐ দুইটি ছাত্র বৃত্তি পায় নাই। কর্ণেল বাহাদুর উহা দেখিয়াই ঐ ছাত্র দুইটির বিষয়ে বিবেচনা করিবার জন্তু ইনস্পেক্টর সাহেব বাহাদুরের নিকট স্বহস্তে লিখিয়া একখানি খসড়া চিঠি আমাকে দেন। আমার অফিস হইতে আমার কেরাণী উহা নকল করিয়া ইনস্পেক্টর অফিসে পাঠাইয়া দেন। ইনস্পেক্টর অফিস হইতে উহার কোন উত্তরই আসে না। বহুদিন পরে কর্ণেল মিচেল বাহাদুরের সমভিষাহারে আমি মফঃস্বলে যাই। পথের মধ্যে জমাদারহাট স্কুলটি ও দেখা হয়। আমি ঐ সময়ে ঐ দুইটি ছাত্রকে কর্ণেল বাহাদুরকে দেখাই এবং তাহাদের বৃত্তি না পাওয়ার কথা বলি। সাহেব বলেন ধুব্‌ডী ফিরিয়া গিয়া আমার চিঠির তাগিদ দিব। আমি মফঃস্বল হইতে ফিরিবার পূর্বে কর্ণেল বাহাদুর ধুব্‌ডী ফিরিয়া আসিয়া স্কুল-ইনস্পেক্টর অফিসে তাগিদ দিয়া চিঠি লেখেন। সেই চিঠির উত্তরে ইনস্পেক্টর সাহেবের অফিস হইতে চিঠি আসে যে আপনারাই বালক দুইটির বয়স বেশী লিখিয়া দিয়াছেন, সুতরাং তাহারা বৃত্তি পাইবার উপযোগী হয় নাই। আমি কয়েকদিন পরে ধুব্‌ডী ফিরিয়া আসিয়া কর্ণেল বাহাদুরের সহিত তাঁহার এজলাসে দেখা করি। দেখা হইবা মাত্রই তিনি আমাকে ইনস্পেক্টর সাহেবের অফিস হইতে প্রাপ্ত চিঠিখানি দেখান। দেখাইয়া বলেন যে তোমারই দোষে বালক দুইটি বৃত্তি পায় নাই। তোমার বেতন হইতে টাকা কাটিয়া লইয়া উহাদিগকে বৃত্তি দিব। তুমি আর কিছুকাল অর্থাভাবে মাছ খাইতে পাইবা না। আমি বলি মাছ কেন, ভাতও খাইতে পাব না। এই বলিয়া আমি সার্কুলারখানি তখনই আনিয়া তাঁহাকে দেখাই এবং বলি যে আমার দোষ এই যে, ইনস্পেক্টর সাহেব আমার উপরস্থ কর্মচারী ও আমি তাঁহার অধীন। সাহেব বাহাদুর সার্কুলারখানি ভাল করিয়া পড়িয়া বলিলেন যে কোন্ তারিখে পরীক্ষা আরম্ভ হইয়াছিল? আমি বলিলাম ১৩ই এপ্রিল। এই কথা শুনিয়াই তিনি অজুলিতে গণিয়া নভেম্বর, ডিসেম্বর, জানুয়ারী, ফেব্রুয়ারী

৩ মার্চ এই পাঁচ মাস হইল, তারপরে ১৩ই এপ্রিল হইল তের দিন, কাজেই ৫ মাস ১০ দিন হইল। পরীক্ষার প্রথম দিনে ছাত্র দুইটির বয়স ঠিক ১৩ বৎসর ৫ মাস ১০ দিন লেখা হইয়াছিল। বলিলেন Nonsense, exact age অর্থাৎ ঠিক ঠাক বৃত্তি পাইবার বয়স। কি পাগলামি? আমি বলিলাম ঠিক ঠাক বয়স হইলেও বৃত্তি পাইতে পারে। আমার এই কথা শুনিয়া সাহেব বাহাদুর ইনস্পেক্টর সাহেব বাহাদুরের চিঠির উত্তর দিয়া অগ্রাগ্র কথার মধ্যে লিখিলেন You have wrongfully deprived the two boys of their scholarships অর্থাৎ আপনি নিতান্ত অবিচার ও অত্যাচার করিয়া বালক দুইটাকে বৃত্তি হইতে বঞ্চিত করিয়াছেন। এই চিঠিখানি অফিসের বাবুগা গোপন করিয়া রাখিতে না পারিয়া ইনস্পেক্টর বাহাদুর সি, বি, ক্লার্ক মহোদয়কে দেখাইতে বাধ্য হন। ইনস্পেক্টর সাহেব বাহাদুর এই চিঠিখানি পাইয়াই সব বিষয়ই বুঝিতে পারেন; বুঝিয়া কি করেন পরে লিখিতেছি।

কর্ণেল মিচেল্ এই চিঠিখানি ঐরূপ কঠিন ভাষায় লেখাতে আমি বলিয়াছিলাম যে সব দোষই আনার ঘাড়ে পড়িবে। ইনস্পেক্টর সাহেব আমার উপর অসন্তুষ্ট হইবেন। তদন্তের তিনি বলেন তোমার দোষ কি? তুমি তাঁহার অধীন, আমি ত তোমার ইনস্পেক্টর সাহেবের অধীন নহি।

কিছু কাল পরে ইনস্পেক্টর বাহাদুর মণিপুর হইতে আরম্ভ করিয়া বরাবর পাহাড়ের উপর দিয়া পদব্রজে আসিয়া গারো-পাহাড় হইতে গোয়ালপাড়া জেলায় আসিয়া উপস্থিত হন। ব্রহ্মপুত্র নদের অপর পার হইতে খেওয়ার ষ্টিমার যোগে ধুবড়ীতে আসিয়া উপস্থিত হইলেন। আমি খেওয়া ঘাটে তাঁহাকে অভ্যর্থনা করিয়া লইবার জন্ত উপস্থিত ছিলাম। তিনি নামিয়াই বলিলেন যে রামেশ্বর, আমি তোমাকে প্রথমে চিনিতে পারি নাই। তাঁহার সহিত শ্রীযুক্ত কালীনারায়ণ দাস নামে

তাঁহার অফিসের দ্বিতীয় কেরানী উপস্থিত ছিলেন। কালীনারায়ণ-বাবুই আমাকে বলিয়াছিলেন যে ঐ রামেশ্বর ঘাটে দাঁড়াইয়া আছে। এই বলিয়াই বলিলেন রামেশ্বর You have written me all those strong letters. আমি যেন কিছুই জানি না, বলিলাম কোন্ কড়া চিঠির কথা বলিতেছেন? সাহেব বলিলেন about the upper-primary scholarships, আমি বলিলাম যে আমি আপনাকে ঐ বিষয়ে কোন চিঠিই লিখি নাই। সমস্ত চিঠিই কর্ণেল মিচেল লিখিয়াছেন। ইনস্পেক্টর সাহেব বলিলেন যে তুমি চিঠির খসড়া করিয়াছ, কর্ণেল মিচেল মাত্র স্বাক্ষর করিয়াছেন। আমি বলিলাম না, তিনি নিজেই খসড়া করিয়াছেন। সাহেব বলিলেন You are very cunning, you dictated and he wrote অর্থাৎ তুমি বড়ই চতুর, তুমি সমস্ত মুখে মুখে বলিয়া গিয়াছ, কর্ণেল লিখিয়া গিয়াছেন। আমি বলিলাম যে যদি তাহাই সত্য হয় তাহা হইলে উহা আমার গৌরবের বিষয়। আমি একজন বাদ্দালী বলিয়া গিয়াছি আর কর্ণেল মিচেলের গ্রাম একজন উচ্চ-পদস্থ ইংরাজ আমার কথা মত সব লিখিয়া গিয়াছেন। এই সকল কথার পরে ইনস্পেক্টর সাহেব বলিলেন যে, However, I have recommended two extra scholarships to your boys, অর্থাৎ সে যাহাই হউক আমি তোমার ঐ দুইটা বালকের নিমিত্ত দুইটা অতিরিক্ত বৃত্তি দিবার জন্য গভর্ণমেন্টকে লিখিয়াছি। আমি বলিলাম ধন্যবাদ। ইনস্পেক্টর সাহেব দুই তিন দিন ধুবড়ীতে ছিলেন। তিনি ধুবড়ীতে থাকা কালেই আসাম গেজেটে প্রকাশিত হইল যে ঐ দুইটা বালক মাসিক তিন টাকা হারে বৃত্তি পাইল এবং গেজেটে প্রকাশ হইবার তারিখ হইতেই দুই বৎসরের জন্য বৃত্তি পাইবে। ইনস্পেক্টর সাহেব বাহাদুর আমাকে ঐ গেজেট খানি দেখাইয়া বলিলেন যে এখন তুমি সন্তুষ্ট হইলে ত? আমি বার বার ধন্যবাদ দিয়া বলিলাম যে আপনি ইনস্পেক্টর ছিলেন বলিয়াই স্মৃতিচারণ হইল।

গেজেটে উহা প্রকাশ হইবার পূর্বে অর্থাৎ ক্লার্ক সাহেব মহোদয়ের ধুবড়ীতে আসার পরদিনেই প্রাতঃকালে কর্ণেল মিচেলের সহিত দেখা করিবার জন্য তাঁহার বাঙ্গলোয় যাই, গিয়া বলি যে আপনি ঐ বৃত্তি সম্বন্ধে যখন শেষে ঐ কড়া চিঠিখানি লেখেন তখনই আমি বলিয়াছিলাম যে সব দোষই আমার ঘাড়ে পড়িবে। ইনস্পেক্টর সাহেব আমাকে বলিয়াছেন যে আমি ঐ সকল কড়া চিঠি তাঁহাকে লিখিয়াছি। তিনি আমার প্রতি বড়ই অসন্তুষ্ট হইয়াছেন? সাহেব বলিলেন হাঁ, তোমার উপর বড়ই অসন্তুষ্ট হইয়াছেন। সম্ভবতঃ তোমার চাকরী থাকিবে না। পরে হাসিয়া বলিলেন ক্লার্ক সাহেব কালই বিকালে আমার সহিত দেখা করিয়াছিলেন। তিনি বলিলেন যে রামেশ্বর একজন নূতন ডেপুটি ইনস্পেক্টর। প্রথম, দ্বিতীয় ও তৃতীয় শ্রেণীর কোন ডেপুটি ইনস্পেক্টরই আমার ভ্রম দেখাইয়া দিয়া চিঠি লিখিতে সাহস করেন নাই। রামেশ্বর একজন চতুর্থ শ্রেণীর ডেপুটি ইনস্পেক্টর হইয়া আমাকে আমার ভ্রম দেখাইয়া দিয়াছে এবং এক বৎসর কাল ব্যাপিয়া এই বিষয়ে লেখালেখি করিতেছে। সুতরাং সে প্রশংসার যোগ্য।

এই ঘটনার কিছু দিন পূর্বে আমি হেড্‌মাষ্টার হইবার জন্য চেষ্টা করিতেছিলাম। কর্ণেল মিচেল এই সম্বন্ধে ইনস্পেক্টর সাহেব বাহাদুরকে বোধ হয় কিছু বলিয়াছিলেন। ইনস্পেক্টর সাহেব বাহাদুর ধুবড়ীর সমস্ত বিদ্যালয় পরিদর্শন করার পরে গৌরীপুর স্কুল দেখেন। যে দিন গৌরীপুর স্কুল দেখেন সেই দিন অপরাহ্নেই ষ্টিমারে উঠিয়া গোয়ালপাড়ায় বান। আমিও উহার সঙ্গে গোয়ালপাড়ায় যাই। পরদিন প্রাতে গোয়ালপাড়ায় পৌছাই। গোয়ালপাড়ায় পৌছিয়া সাহেবকে সার্কিট বাঙ্গলোর সম্মুখে রাখিয়া আমি আমার বন্ধু শ্রীযুক্ত গঙ্গাচরণ সেনের বাসায় যাই। সেখান হইতে ফিরিয়া আসিয়া দেখি সার্কিট হাউসের চৌকিদার তখন সেখানে না থাকায় উহার ছয়ার

বন্ধ ছিল কাজেই সাহেব ঘরের ভিতর প্রবেশ করিতে পারেন নাই। বাহিরে বাহিরে বেড়াইতে ছিলেন। পাহাড় হইতে অনেক লতা, পাতা, ফুল ও ফল আনিয়াছিলেন। পাহাড়ের এবং ব্রহ্মপুত্র নদের কটো তুলিয়া ছিলেন।

গৌহাটীর হেড্‌ মাষ্টার বাবু ক্ষেত্রচন্দ্র চট্টোপাধ্যায় মহাশয়ের মৃত্যু হওয়ার এবং ধুবড়ীর হেড্‌ মাষ্টার বাবু হারানচন্দ্র চট্টোপাধ্যায় মহাশয়, পেন্সন্‌ লইয়া অবসর গ্রহণ করার আবেদন করায় দুইটা হেড্‌ মাষ্টারের পদ এই এই সময়ে খালি ছিল।

ইনস্পেক্টর সাহেব বাহাদুর ধুবড়ীর হাই-স্কুল পরিদর্শন করিবার সময়ে প্রথম শ্রেণীর ছাত্রদিগকে একটি প্রাকৃতিক ভূগোলের প্রশ্ন জিজ্ঞাসা করিয়াছিলেন। কোন ছাত্রই তাহার উত্তর দিতে পারে নাই। সাহেব বাহাদুর বলিয়াছিলেন যে তোমরা পরে ঐ প্রশ্নের উত্তর লিখিয়া আমাকে সাকিট হাউসে দিয়া আসিও। কিন্তু ছাত্রেরা ঐ প্রশ্নের উত্তর লিখিয়া তাঁহাকে দিয়া আসে নাই। বিজ্ঞাপাড়া পাঠশালা দেখিয়া ফিরিয়া আসিবার সময়ে সাহেব আমাকে বলিয়া ছিলেন যে ছাত্রেরা তাঁহার ঐ প্রশ্নের উত্তর দেয় নাই, তবে কি বুঝিব যে মাষ্টারেরাও ঐ প্রশ্নের উত্তর দিতে অসমর্থ? Am I to understand that the teachers themselves do not know it. এই কথা শুনিয়াই আমি বলি Sir, this is a very uncharitable remark on your part. Do you mean to say that the teachers are so mean and dishonest as to assist the boys to answer the question? অর্থাৎ মহাশয়, এই মন্তব্যটা আপনার পক্ষে বড়ই অসহৃদার, আপনি কি মনে করেন যে শিক্ষকেরা এত নীচ প্রকৃতি ও অসাধু যে তাঁহারা ছাত্রদিগকে এই প্রশ্নের উত্তর দিতে সাহায্য করিবেন বা উহার উত্তর বলিয়া দিবেন? সাহেব আমার এই কথা শুনিয়া একটু লজ্জিত হইয়াছিলেন।



গৌরীপুর ধুব্ড়ী হইতে ৬ মাইল দূরে। সাহেবের সঙ্গে আমিও গৌরীপুর স্কুল দেখিতে যাই। সাহেবের ঘোড়া ও আমার ঘোড়া সঙ্গে গিয়াছিল। সাহেব ঘোড়ায় না উঠিয়া পদব্রজে গেলেন স্ততরাং আমাকেও তাঁহার সহিত হাঁটিয়া যাইতে হইল। বেলা ২ টার সময় ধুব্ড়ী হইতে রওনা হইয়াছিলাম। মার্চ মাসের প্রথম রৌদ্রের তাপে, ফিরিবার সময়েও ঘোড়ায় চড়া হয় নাই। রৌদ্রের তাপে ১২ মাইল রাস্তা হাঁটিয়া আমার পায়ে ফোঁকা পড়িয়া গেল। রাস্তার মধ্যে কোন স্থানে কোন গাছ বা লতা ছিল না, থাকিলে সাহেব ঐ সমস্ত দেখিবার জন্ত আস্তে আস্তে হাঁটিতেন।

সাহেব হেড্‌ মাষ্টারি সম্বন্ধে আমাকে বলিয়াছিলেন যে তোমার নিজের কথা ছাড়িয়া দাও। সেকেণ্ড মাষ্টারদিগের মধ্যে কাহার ঐ পদ পাওয়া উচিত। আমি সৰ্ব্বাপেক্ষা বেশী দিনের সেকেণ্ড মাষ্টার নওগাঁ স্কুলের কালীমোহন দাসের নাম করি। তাহাতে সাহেব বলেন He won't do অর্থাৎ তিনি ঐ পদের অযোগ্য। তৎপরে আমি কাহার স্কুলের সেকেণ্ড মাষ্টার রজনীকান্ত বসুর নাম করি, তাহাতেও সাহেব বলেন He is weak in English অর্থাৎ তিনি ইংরাজী ভাষা ভাল জানেন না। তারপর আমি বলি ডিব্রুগড়ের সেকেণ্ড মাষ্টার হারানচন্দ্র দাশগুপ্ত ভাল ইংরাজী জানেন শুনিয়াছি। সাহেব আমাকে বলেন যে As regards your character and capacity I have no doubt but I doubt whether you will prove a successful Head Master, as you have left the line for a long time অর্থাৎ তোমার চরিত্র ও পারদর্শিতা সম্বন্ধে আমার কোন সন্দেহ নাই, তবে তুমি অনেকদিন শিক্ষকতা ছাড়িয়া দিয়াছ এই নিমিত্ত তুমি হেড্‌ মাষ্টার হইয়া উক্ত কার্যে সফলকাম বা কৃতকার্য হইবে কি না সন্দেহ করি।

যেদিন আমরা গোয়ালপাড়ায় স্কুল দেখি, সেই দিন আসামের

মাননীয় একটা চিফ্‌ কমিসনার বাহাদুর সার উইলিয়ম ওয়ার্ড গোয়াল-পাড়ায় আসেন। তিনিও স্কুলটি পরিদর্শন করেন। ঐ স্কুলটি তখন গোয়ালপাড়া লোক্যাল বোর্ডের সাহায্য-কৃত মধ্য-ইংরাজী বিদ্যালয় ছিল। উহার অবস্থা ভাল ছিল না। যথেষ্ট আয় ছিল না, কাজেই কোন ভাল হেড্‌ মাস্টারই ঐ স্কুলে অধিকদিন কার্য্য করিতেন না। গোয়ালপাড়া যখন জেলার সদর স্থান ছিল তখন ঐ স্থানেই গভর্ণমেন্ট-হাই-স্কুল ছিল। ঐ স্কুল স্থাপন কালে গোয়ালপাড়ার জমিদারেরা চৌদ্দ হাজার টাকা দিয়াছিলেন। সেই চৌদ্দ হাজার টাকার গভর্ণমেন্ট কাগজ এখনও স্কুলের তহবিলে গভর্ণমেন্টের হাতে আছে। যে সকল জমিদার ঐ টাকা দিয়াছিলেন তাঁহাদের মধ্যে অনেকেরই বর্তমান গোয়ালপাড়া মহকুমার মধ্যে বাস ও তাঁহাদের জমিদারিও ঐ মহকুমায়। গোয়ালপাড়া হইতে সদর স্থান ধুব্‌ড়ীতে আসার পরে স্কুলটিও গোয়ালপাড়া হইতে ধুব্‌ড়ী আসে এবং তদবধি উহার নাম ধুব্‌ড়ী হাই স্কুল হয়। আমি এই সমস্ত কথা ইনস্পেক্টর সাহেব বাহাদুরকে বেশ ভাল করিয়া বুঝাইয়া দিয়া প্রার্থনা করি যে ঐ গোয়ালপাড়া মধ্য-ইংরাজী বিদ্যালয়টি গভর্ণমেন্ট নিজ হস্তে লন। ইনস্পেক্টর সাহেব বাহাদুর সমস্ত বিষয় বেশ ভাল করিয়া অল্প-সন্ধান করিয়া আমার প্রস্তাব অল্পমোদন করেন এবং মাননীয় চিফ্‌ কমিসনার সাহেব স্কুল পরিদর্শন করা কালেই তাঁহাকে বলেন। চিফ্‌ কমিসনার বাহাদুরও ঐ প্রস্তাবে সম্মতি দান করেন। অল্পদিনের মধ্যেই স্কুলটিকে গভর্ণমেন্ট নিজ হস্তে লন।

গোয়ালপাড়া স্কুল দেখার পরে উহার নিকটস্থ ভাটিপাড়া নামে একটা পাঠশালা পরিদর্শন করা হয়। ফিরিয়া আসিবার সময়ে পথের মধ্যে সর্ব্‌ ইনস্পেক্টরের চাপরাসী কতকগুলি কমলালেবু আনিয়া ইনস্পেক্টর সাহেব বাহাদুরের সম্মুখে ধরিল। সাহেব বলিলেন ঐ গুলি কাহার জন্ত আনিয়াছে। আমি বলিলাম আপনার জন্ত। সাহেব বলিলেন আমি ত উহা চাই নাই, তবে কেন আনিব। আমি বলিলাম

যে আপনি আমাকে বিজ্ঞানী করিয়াছিলেন এখন কমলালেবু পাওয়া যায় কিনা সেই জন্তই আমি আনিয়াছি। আপনি উহার মূল্য দিবেন, লউন। আমি জানিতাম সাহেব বাহাদুর কাহারও নিকট হইতে কোন উপঢৌকন লন না, সেই জন্তই দাম দিবার কথা বলিলাম। তখন সাহেব লহিতে সম্মত হইলেন এবং সাকিট হাউসে উহা পাঠাইয়া দিতে বলিলেন। আমি চাপরাসীকে বলিয়া দিলাম যে সাহেবের প্রধান খানসামার নিকট হইতে দাম চাহিয়া আনিও।

সাকিট হাউসে চৌকিদার উপস্থিত না থাকায় প্রথম দিন সাহেব ঘরের মধ্যে অনেকক্ষণ প্রবেশ করিতে পারেন নাই এবং সে জালানি কাঠ আনিয়া না দেওয়ায় সাহেবের একবেলা আহার পর্য্যন্ত হয় নাই, তথাপি প্রস্থান কালে সাহেব তাহাকে তিন টাকা ও পানীওয়ালাকে তিন টাকা বকসিস্ দিয়া গেলেন; এবং মেথরের জন্তও তিন টাকা রাখিয়া ছিলেন। কিন্তু মেথর কয়েদি ছিল বলিয়া তাহাকে টাকা দিতে না পারায় সাহেব আক্ষেপ প্রকাশ করিলেন।

প্রস্থানের কিছু পূর্বে সাহেব আমাকে বলিলেন “Rameswar, I have made up my mind to give you a Headmastership. But you won't get Dhubri. You will have to go to Nowgang. Dhubri Headmastership will be offered to Babu Abhaya Charan Dass. M. A. in English, who has been strongly recommended for the Headmastership of Gauhati on Rs. 150 by Mr. Johnson, Commissioner of the Assam Valley Districts. But I won't do any injustice to anybody. Abhaya Charan Sarma, Headmaster of Cachar, who is the senior Headmaster on Rs. 100 will get the Headmastership of Gauhati on Rs. 150. The Headmaster of Nowgang Prasanna Kumar Sen will be transferred to

Cachar. In order to oblige Mr. Johnson, his nominee Abhoya Charan Dass will be posted to Dhubri and you will be posted to Nowgang. আমি তাঁহাকে ধুববাদ দিয়া উহাতে সম্মত হইলাম। কিন্তু সাহেবের অফিস হইতে কোন ক্লার্ক আমাকে লিখিয়া বলেন যে, কেন আপনি ডেপুটী ইনস্পেক্টরি ছাড়িয়া হেড্‌ মাস্টার হইবেন? ডেপুটী ইনস্পেক্টরের পদের বেতন শীঘ্রই বাড়িবে। আমি ধাধায় পড়িয়া হেড্‌ মাস্টার হইতে পরে অসম্মতি প্রকাশ করি। সুতরাং আমার কথা অনুসারে ডিব্রুগড়ের সেকেন্ড মাস্টার হারানচন্দ্র দাশগুপ্ত নওগাঁর হেড্‌ মাস্টার হন এবং পর পর আরও দুইজন সেকেন্ড মাস্টার হেড্‌ মাস্টার হন। এ দিকে ডেপুটী ইনস্পেক্টরের বেতন বাড়িল না। সুতরাং আমার ভবিষ্যৎ উন্নতির পথও রুদ্ধ হইল। অদৃষ্টের ফল কেহই খণ্ডাইতে পারে না। ঐ সময়ে হেড্‌ মাস্টারের পদ গ্রহণ করিলে আমি প্রথম শ্রেণীর হেড্‌ মাস্টার হইয়া ২০০ টাকা বেতন পাইতে পারিতাম এবং ১০০ টাকা পেন্সন্‌ লইয়া অবসর গ্রহণ করিতে পারিতাম।

গোয়ালপাড়া হইতে আমরা উহার ছয় মাইল দূরে ডুবাপাড়ায় একটা পাঠশালা দেখিতে গিয়াছিলাম। ডুবাপাড়ার নীচে একটা ছোট নদী আছে। খেওয়ার নৌকায় উঠিয়া উহা পার হইতে হয়। সাহেব পার হইয়াই আমাকে জিজ্ঞাসা করিলেন পারানি কত দিতে হয়। আমি বলিলাম এক পয়সা মাত্র, এবং সরকারী কর্মচারীর নিকট পয়সা পায় না। সাহেব কিন্তু একটা টাকা খেউনিকে দিলেন, বলিলেন একটা টাকা দিলাম, আমাদিগকে পুনরায় পার করিয়া দিবার জন্ত নৌকা লইয়া ঘাটে বসিয়া থাকিবে। আমি বলিলাম সে আমার জন্তই বসিয়া থাকে আজ ত আপনাকে দেখিয়াছে সে বসিয়া থাকিবেই থাকিবে।

গোয়ালপাড়া হইতে ডুবাপাড়া পর্যন্ত রাস্তার মধ্যে নানা প্রকার ফুল ফলের গাছ ও শালবন থাকায় সাহেব বড়ই সন্তুষ্ট হইয়া বলিলেন যে

This part of the country is very rich. The road from Dhubri to Gouripur is a mere desert অর্থাৎ গোয়ালপাড়া হইতে এই পর্যন্ত রাস্তাটা বড়ই স্থলর ও মনোহর। ধুবড়ী হইতে গৌরীপুর পর্যন্ত রাস্তাটা মরুভূমি ভিন্ন কিছুই নহে। সাহেব অনেক লতা, পাতা, ফুল ও গাছ-গাছড়া সংগ্রহ করিয়া লইলেন, এবং রাস্তার মধ্যে মাঝে মাঝে বসিতে লাগিলেন। নানা বিষয়ে গল্প করিতে করিতে আমরা আসিতে লাগিলাম। সাহেব হঠাৎ আমাকে হিজ্জাসা করিলেন “বল দেখি রামেশ্বর, আমি পূর্বের জায় পরিশ্রম করিতে পারি কি না?” আমি বলিলাম “না, পারেন না” আমি দার্জিলিংএ দেখিয়াছি আপনি অতি প্রত্যুসে উঠিয়া প্রতিদিন তিন মাইল রাস্তা নীচের দিকে যাইতেন এবং সেই তিন মাইল আবার উপর দিকে আসিতেন। অনেক ফুল, ফল, লতা, পাতা গাছ-গাছড়া আনিতেন এবং সেই গুলি লইয়া কাজ করিতেন। তারপর অফিসের কাজ করিতেন। এক দিনও আপনাকে ক্লান্ত হইতে দেখি নাই। আজ ছয় মাইল প্রায় সমভূমিতে হাঁটিয়া আসিয়াছেন এবং ফিরিয়া যাইতেছেন। আজ আপনি ক্লান্ত হইয়াছেন দেখিতেছি। এই কথা শুনিয়াই সাহেব বলিলেন যে তুমি ঠিক বলিয়াছ।

A man must be true to his bread. I shall attain 55 in next September and I must then retire. অর্থাৎ নান্নুষের কাজ করিয়া পয়সা খাওয়া উচিত, ফাঁকী দিয়া পয়সা লওয়া উচিত নয়। আগামী সেপ্টেম্বর মাসে আমার বয়স ৫৫ বৎসর পূর্ণ হইবে ঐ সময়ে আমি অবশ্যই কার্য হইতে অবসর গ্রহণ করিব। প্রকৃত পক্ষে তাহাই করিয়াছিলেন। আসাম হইতে বাঙ্গালা দেশে ফিরিয়া আসার পরে ইনস্পেক্টরের পদ তখন খালি না থাকায়, কলিকাতা প্রেসিডেন্সী কলেজে কিছু দিন অধ্যাপকের কার্য করিয়াই সেপ্টেম্বর মাসে অবসর গ্রহণ করিয়াছিলেন। কি আশ্চর্য্য কর্তব্য জ্ঞান! তিনি আমাকে বলিয়া ছিলেন যে বিলাতে যাইয়া তথায় তাঁহার যথেষ্ট কাজ করিবার মত কাজ

আছে। চৌদ্ধ হাজার উদ্ভিদ পদার্থ তাঁহার হাতে আছে, সেই গুলির গবেষণা করিয়া জীবনের অবশিষ্ট অংশ কাটাইতে পারিবেন। প্রকৃত পক্ষে তাহাই করিয়াছিলেন। উদ্ভিদ-বিজ্ঞান চর্চায়, অল্পশীলনে ও গবেষণায় তিনি উন্নতপ্রায় ছিলেন। নিম্নলিখিত বিবরণটী উহাই সপ্রমাণ করিবে। তিনি যখন আসামের সীমান্ত প্রদেশ সদিয়ার দিকে গিয়াছিলেন, তখন নানাবিধ উদ্ভিদ সংগ্রহ করিয়া আনিয়াছিলেন। ঐ দিকে তখন ভয়ানক বৃষ্টি হওয়ায় তাঁহার কাগজপত্র প্রায় সবই ভিজিয়া গিয়াছিল। ব্রটিশ এর ত্রায় এক প্রকার কাগজ আছে; উহার মধ্যে গবেষণার্থ উদ্ভিদ-পদার্থ সকল, যথা লতা পাতা ইত্যাদি রাখিয়া দিয়া ঐ সকলকে রক্ষা করিতে হয়। ঐ কাগজগুলি সবই ভিজিয়া গিয়াছিল। শিবসাগরে আসিয়া তথাকার ডেপুটী কমিসনার এণ্ডারসন্ সাহেবের বাসলোতে ছিলেন। তাঁহার উহিং নামক খাসিয়া ভৃত্য ঐ কাগজগুলি রাস্তার উপরে রৌদ্রের উত্তাপে শুষ্ক করিবার জন্ত বিছাইয়া দিয়াছিল। তিনি তখন শিবসাগরের কোন স্থল পরিদর্শন করিতেছিলেন। শ্রীযুক্ত অক্ষয়কুমার ঘোষ বি, এল্ উকীল তাঁহার ভৃত্যের কথা গ্রাহ্য না করিয়া ঐ কাগজগুলির উপর দিয়া চলিয়া গিয়াছিলেন। রাস্তার পার্শ্বের ড্রেণ্ দিয়াও তিনি যাইতে পারিতেন। উহিং স্থলে গিয়া সাহেবকে বলে যে একজন উকীল তাঁহার কাগজের উপর দিয়া চলিয়া গিয়া কতকগুলি কাগজ নষ্ট করিয়া দিয়াছেন। সাহেব শুনিয়াই উন্নতপ্রায় হইলেন। উহিংকে বলিলেন ঐ উকীল বাবুকে দেখাইয়া দিতে পারবি? সে বলিল পারব। সাহেব তাহার সঙ্গে আদালত গৃহের বারান্দায় আসিয়া অক্ষয়বাবুকে দেখিতে পাইলেন। দেখিয়াই বলিলেন Are you in charge of the road অর্থাৎ আপনার হাতে কি রাস্তার কাজের ভার আছে? অক্ষয় বাবু বলিলেন, “না”। এই কথা শুনিয়াই তিনি অক্ষয়বাবুর গালে একটা চড় বসাইয়া দিলেন। অক্ষয়বাবুত অবাক হইয়া পড়িলেন। চারিদিক হইতে লোক-

জন ছুটিয়া আসিল। ডেপুটী কমিসনার এণ্ডারসন্ সাহেবের এজলাসে অক্ষয়বাবু সাহেবকে তাঁহার হাত ধরিয়া লইয়া গেলেন। সাহেব অবোধে তাঁহার সঙ্গে সঙ্গে গেলেন। ডেপুটী কমিসনার তখনই চিফ্ কমিসনার সাহেব বাহাদুরের নিকট এই ঘটনার বিষয় ত্বারে জানাইলেন। চিফ্ কমিসনার বাহাদুর তাকে ডেপুটী কমিসনারকে জানাইলেন যে দেখিবেন যেন কেহ ক্লার্ক সাহেবকে অপমান না করে। অক্ষয়বাবু সাহেবের নামে কৌজদারী মোকদ্দমা রুজু করিলেন। এসিষ্ট্যান্ট কমিসনার লেকটেণ্টাণ্ট্ ব্রাউনের উপর এই মোকদ্দমার বিচারের ভার দেওয়া হইয়াছিল। বিচারে ক্লার্ক সাহেবের ৫০ টাকা অর্থদণ্ড হইয়াছিল। অক্ষয়বাবু এক সময়ে ক্লার্ক সাহেবের ছাত্র ছিলেন। তিনি জানতেন যে ক্লার্ক সাহেবের উদ্ভিদ-বিজ্ঞান কোন বস্তু নষ্ট করিলে তাঁহার মনে কতদূর আঘাত লাগে, জানিয়াও ঐরূপ কেন ব্যবহার করিয়াছিলেন বুঝিতে পারিতেছি না। এই ঘটনার উল্লেখ করিয়া আমি ক্লার্ক সাহেব বাহাদুরকে বলিয়াছিলাম যে আপনার নিষ্কলঙ্ক চরিত্রে কেন এই কলঙ্ক হইল। তৎপরে তিনি আমাকে বলিয়াছিলেন যে We, Englishmen do not exchange hot words, but at once come to blows. I gave him a slap just like a school-boy; why did he not return it to me? Why did he go to Court? অর্থাৎ আমরা ইংরাজেরা গালিগালাজ দিয়া বাগড়া করি না। আমরা একেবারে চড়াচড়ি করি। আমি তাঁহার গালে বিজালয়ের ছাত্তের মত একটা চড় দিয়াছিলাম। তিনি আমার গালে চড় দিগেন না কেন? তিনি কেন আদালতের আশ্রয় গ্রহণ করিলেন? একেই বলে বিষয়-বিশেষে উন্মত্ত হওয়া। সাহেব বলিতেন লোকে বলে আমি অবিবাহিত, প্রকৃতপক্ষে আমি উহা নহি। আমি উদ্ভিদ-বিজ্ঞান পাণিগ্রহণ করিয়াছি।

কর্ণেল মিচেল্ সম্বন্ধে আর কয়েকটা কথা বলিয়া এই প্রসঙ্গ সমাপ্ত

করিব। একবার তাঁহার সহিত মফঃস্বলে যাই। গারোপাহাড়ের ঠিক নীচেই মোলাথাওয়া নামক স্থানে একটা সরকারী বিশ্রাম-বাঙ্গলো ছিল। সাহেব সেই বাঙ্গলোয় থাকেন আমি ও তাঁহার দুইজন কেরাণী নিকটস্থ থানায় থাকি। এই সময়ে কৃষ্ণহরি বরা নামে একজন নওগাঁ জেলা-নিবাসী আসামীয়া ভদ্রলোক থানার সব-ইনস্পেক্টর ছিলেন। সাহেব বাহাদুর গরম করা দুধ চায়েব সহিত খাইতে পারিতেন না এবং কোনরূপ বাজনা শুনিলে বড়ই বিরক্ত হইতেন। কৃষ্ণহরি সাহেবের জন্ত যে দুধ আনাইয়া দিয়াছিলেন তাহা জ্বাল দেওয়া দুধ এবং প্রাতি রাত্রিতেই নিকটস্থ গ্রামবাসি-গারোর। মদ খাইয়া বাজনা বাজাইত। আমাকে সাহেব ঐ সব বিষয় আমাকে বলায় আমি ভাল তুধের বন্দোবস্ত কৃষ্ণহরি-বাবুর দ্বারাই করাই এবং যাহাতে গারোর। রাত্রিতে বাজনা না বাজায় তাহার বন্দোবস্তও কৃষ্ণহরিবাবুর দ্বারাই করাই। সাহেব একদিন মোলাথাওয়া হইতে ১৬ বা ১৭ মাইল দূরত্বী মাণিকারচর নামক স্থানে তথাকার থানা দেখিতে গিয়াছিলেন। ফাঁরয়া আসিবার সময়ে রাত্রি হইয়াছিল। মোলাথাওয়ার নীচে জিজিরাম নামক একটা নদী ছিল এবং এখনও আছে। ঐ নদীটি পার হইয়া আসিবার সময়ে ঘাটে ভাল বন্দোবস্ত না থাকায় সাহেব জঙ্গলের মধ্যে ঘাইয়া পড়েন। এবং কাপড় চোপড়ে শিশির লাগায় সমস্ত ভিজিয়া যায়। ঐরূপে ভিজিয়া যাওয়াতে সাহেবের জ্বর হয়। জ্বর হওয়ার পরে আমাকে ডাকিয়া পাঠান এবং আমাকে বলেন যে আমার গায়ে হাত দিয়া দেখ কেমন শক্ত জ্বর হইয়াছে। আমি গায়ে হাত দিয়া দোখ যে ০৪ ডিগ্রি আন্দাজ জ্বর হইয়াছে। ঐ দিন ইংলিশ্‌ম্যান্ কাগজে বাহির হয় যে আসামের চিফ্‌ কমিসনারের ভূতপূর্ব সেক্রেটারী রিডন্‌ ডেল্‌ সাহেব যুক্ত-প্রদেশের কোন এক স্থানে জরে মারা গিয়াছেন। মৃত্যুকালে তিনি যুক্ত-প্রদেশের কোন এক বিভাগের কমিসনার ছিলেন। তাহার মৃত্যু সংবাদ পাইয়াই সাহেব বড়ই বিচলিত হন; এবং আমাকে বলেন যে



কোন প্রকারে আমাকে কালই ধুবড়ী লইয়া যাইতে হইবে। আমি বলি তাহাই হইবে। আমাকে বলেন যে আমি হাঁটিয়া বা ঘোড়ায় চড়িয়া যাইতে পারিব না। আমাকে তবে কিরূপে লইয়া যাইবা? আমি বলি পাক্কী করিয়া লইয়া যাইব। সাহেব বলেন পাক্কী ও বেহারা কোথায় পাইবা? আমি বলি নিকটস্থ স্মৃথচর গ্রামে গৌরীপুরের জমিদারের কাছারি আছে এবং তথায় একজন তহশিলদার আছেন। এখনি তাঁহাকে পরোয়ানা দিব যে কা'ল প্রাতে ভাল একখানি পাক্কী ও আটজন বেহারা চাই, সাহেবকে ধুবড়ী লইয়া যাইতে হইবে। এই কথা শুনিয়া সাহেব বলিলেন তবে তাহাই করিও। তহশিলদারের উপর পরোয়ানা দেওয়া হইল এবং পরদিন প্রাতে পাক্কী ও বেহারা আসিয়া উপস্থিত হইল। কিন্তু পরদিন সাহেবের জর হইল না। সাহেব আমাকে ডাকিয়া বলিলেন যে পাক্কী চড়িয়া একটা বৃদ্ধা জীলোকের গায় আমি যাইতে ইচ্ছা করি না। কা'ল ভাল থাকিলে ঘোড়ায় চড়িয়াই যাইতে পারিব। এখানকার জর একদিন অন্তর হয়, আমি বুঝিলাম, সাহেব কা'ল আবার জর হইলেই অস্থির হইয়া পড়িবেন সুতরাং পাক্কী থানায় রাখিয়া বেহারাদিগকে যাইতে বলিলাম এবং বলিয়া দিলাম কা'ল প্রাতে তোমরা আবার ঠিক এই সময়ে আসিবা। পরদিন প্রাতে আবার সাহেবের জর হইল, আবার আমাকে ডাকিয়া বলিলেন যে পাক্কীতেই যাইতে হইবে। তদনুসারে বন্দোবস্ত করা হইল। আমার ভাত রান্না হইতেছে এমন সময়ে বিগু নামে একজন চাপরাসী আসিয়া বলিল যে সাহেব পাক্কীতে উঠিয়াছেন; আপনাকে সঙ্গে যাইতে হইবে, আপনি শীঘ্র আসুন। আমার ভাত খাওয়া হইল না, তাড়াতাড়ি এক পেয়লা চা খাইয়া ঘোড়ায় চড়িয়া সাহেবের পাক্কীর সহিত আসিতে লাগিলাম। আমার সঙ্গে আসাও নিতান্ত প্রয়োজন ছিল, যেহেতু রাস্তায় পাগলা নামে একটা ছোট নদী ছিল। উহাতে তখন নৌকা চলিবার উপযুক্ত জল ছিল না। নদীতে জলও নিতান্ত কম ছিল না।

বেহারার পাকী কাঁধে করিয়া জলে নামিলে পাকীতে জল উঠিত, স্ততরাং আমি সঙ্গে না থাকিলে সাহেবকে ভিজাইয়া দিত। আমি সঙ্গে থাকিয়া বেহারাদিগকে পাকী মাথায় করিয়া জলে নামাইয়া দিলাম স্ততরাং পাকীতে জল উঠিল না। বেলা প্রায় ১২টার সময়ে আমরা দক্ষিণ-শালমারার নামক একটি স্থানে আসিয়া পৌঁছিলাম। ঐ স্থানে একটি সরকারী বিশ্রাম-বাঙ্গলো ছিল, ও গোরীপুরের জমিদারের একটি কাছারিও ছিল। সেখানে চন্দ্রকুমার অম্বুলী নামে জমিদারের একজন তহশিলদারও ছিলেন। দক্ষিণ-শালমারার বাঙ্গলোয় আসিয়া দেখা গেল যে গারোহিলের বন-বিভাগের ডেপুটী কন্সারভেটর সেভি সাহেব ও আসাম-প্রদেশের ইনস্পেক্টর-জেনারল অফ সিভিল হসপিটালস্ (Inspector-General of Civil Hospitals) ও আসাম-প্রদেশের স্ট্যান্ডার্ড কমিসনারও আছেন। এই দুই জন সাহেবকে তথায় পাইয়া কর্নেল মিচেল্ একটু স্থস্থ হইলেন। পরে শেষ বেলায় আমরা সেখান হইতে বাহির হইয়া সন্ধ্যার একটু পরে ধুবড়ীর অপর পারশ্ব ফকিরগঞ্জ নামক স্থানে আসিয়া পৌঁছিলাম। ফকিরগঞ্জ হইতে খেওয়ার ষ্টিমারে উঠিয়া ব্রহ্মপুত্র পার হইয়া ধুবড়ী আসিতে হয়, কিন্তু ঐ ষ্টিমার বেলা ৪টার সময়ে ফকিরগঞ্জ ঘাট ছাড়ে। কর্নেল মিচেল্ আমাকে রাস্তায় জিজ্ঞাসা করিলেন যে ষ্টিমারত ছাড়িয়া গিয়াছে, এখন কেমন করিয়া ধুবড়ী যাওয়া ঘটিবে। আমি বলিলাম আমি তাহার বন্দোবস্ত করিয়া রাখিয়াছি। ষ্টিমারের কাপ্তেন এন্, পিটার সাহেবকে আমি পূর্বেই চিঠি লিখিয়া জানাইয়াছি যে, যে পর্যন্ত আমরা ঘাটে না পৌঁছি সে পর্যন্ত যেন ষ্টিমার ছাড়া না হয়। আমাদের জন্ত তখনও ঘাটে ষ্টিমার ছিল। আমরা রাত্রিকালে ধুবড়ী পৌঁছিলাম। বেহারাদিগকে ১৬ টাকা দেওয়া হইল।

পূর্বেই বলিয়াছি যে মোলাখাওয়ায় আমার আহার হয় নাই। দক্ষিণ-শালমারায় পৌঁছিলে কালা সর্দার নামে জমিদারের একজন

মুসলমান পাইক আমাকে বলিল যে তহশিলদার ব্রাহ্মণ, তাঁহার বাসাতেই আপনার আহারের বন্দোবস্ত হইবে। এই কথা শুনিয়া আমি নিশ্চিত্ত रहিলাম। বেলা প্রায় ১টার সময় তহশিলদার শালমারার পণ্ডিতকে ডাকাইয়া বলিলেন যে আমার বাসায় তোমাদের ডেপুটী ইনসপেক্টরবাবুর আহারের ব্যবস্থা হয় নাই। তোমাদের বাবুর খাওয়ার জন্ত তোমরা বন্দোবস্ত কর। পূর্বোক্ত কাল সন্দের নিতান্ত আক্ষেপের সহিত আসিয়া আমাকে ব্যাপারটা বলিল; এবং বলিল যে বাবু, আমি আপনার আহারের সমস্ত দ্রব্য দিতেছি। আপনি কাহারও দ্বারা পাক করাইয়া আহার করুন। এবং ইহাও বলিল যে ব্রাহ্মণ হইয়া এত অভদ্র হইতে পারে আমার এ বিশ্বাস ছিল না। আমি বলিলাম তুমি খাবার দ্রব্যাদি দিবা কেন? আমি এখনই তহশিলদারকে সাহেবের দস্তখতি পরোয়ানা দিতেছি, যে আমার রসদ বা খাজদ্রব্যাদি উপস্থিত করুন। কাল সন্দের পরোয়ানা দিতে দিল না। নিজেই খাজদ্রব্যাদি আনিয়া দিল। ঐ স্থানে রাস্তার মুহুরি একজন ব্রাহ্মণ তখন ছিলেন, তিনি পাক করিয়া দিলেন এবং আমার খাওয়া হইল। তহশিলদারের এই অভদ্রতার কথা কোনরূপে গোরাপুর জমিদারের মন্ত্রী বা প্রধান কর্মচারী শ্রীযুক্ত মহেশচন্দ্র লাহিড়ী মহাশয়ের ও দেওয়ানের কর্ণগোচর হয়। উহার ফলে তহশিলদার চন্দ্রকুমার জম্বুলী ঐ স্থান হইতে বদলি হইয়া একটা অপেক্ষাকৃত ক্ষুদ্র স্থানে যান এবং তাঁহার ৫ টাকা জরিমানা হয়।

মহাত্মা কর্ণেল মিচেল্ সশস্ত্রে আরও দুই একটা কথার উল্লেখ আবশ্যক মনে করি। একবার বজেট মিটিংএর সময়ে ধুবড়ী হাসপাতালের মেথর তাহার বেতন বৃদ্ধির জন্ত দরখাস্ত করিয়াছিল। সিভিল সার্জন ডাক্তার ডব্‌সন্ উহার বিরুদ্ধে মত দেন। তাঁহার বিরুদ্ধে মত শুনিয়াই কর্ণেল মিচেল্ বলিলেন যে ডাক্তার ডব্‌সন্, আপনার জানা উচিত যে সিভিল সার্জনের কার্য অপেক্ষা মেথরের কার্য রোগীদিগের

নিকট অধিক মূল্যবান। সাধারণ সাহেবদিগের সম্বন্ধে তাঁহার মত বড়ই প্রতিকূল ছিল। তিনি বলিতেন বিলাতে ইহাদের কাহারও ঘর বাড়ী নাই। ইহারা ভবঘুরে বা হাঘরে। They are homeless vagabonds. ধুবড়ীতে ম্যাক্‌নিল কোম্পানির একটা খুব বড় রকমের নানা প্রকার, দ্রব্য ও যন্ত্রাদি প্রস্তুত করিবার কারখানা ছিল। এই কারখানায় অনেক-গুলি সাহেব কর্মচারী ছিলেন। ধুবড়ী বালিকা-বিদ্যালয়ের সহকারী সম্পাদক শ্রীযুক্ত শ্রীমহেন্দ্র চক্রবর্তী কোন একজন সাহেব কর্মচারীর নিকটে বালিকা-বিদ্যালয়ের টাকা চাহিয়াছিলেন। উক্ত সাহেব মাসিক ১০ টাকা টাকা দিবেন বলিয়া টাঁদার বহীতে স্বাক্ষর করিয়াছিলেন। কর্ণেল মিচেল্‌ মাসিক ৫০ টাকা টাকা দিতেন। তাঁহার নিকট টাকা আনিতে যাওয়ায় তিনি ঐ টাঁদার বহীতে উক্ত সাহেবের নাম ও টাঁদার হার দেখিয়া বলিলেন যে ঐ সাহেব নিজেই খাইতে পায় না উহার নিকট কেন টাকা আনিতে গিয়াছিলে? এরূপে টাকা সংগ্রহ করিলে আমি আর টাকা দিব না। তোমাদের স্কুল তোমরা নিজে চালাইতে পার না?

কর্ণেল মিচেল্‌ ১৮৮৬ সনের মার্চ মাসে পেন্সন্‌ লইয়া কার্য্য হইতে অবসর গ্রহণ করেন। ইহার কয়েক মাস পরে আমাদের ইনস্পেক্টর সি, বি, ক্লার্ক সাহেব আমাকে নওগাঁ জেলা-স্কুলের হেড্‌ মাস্টারের পদে নিযুক্ত করিবার জন্ত প্রস্তাব করেন। আসাম গভর্ণমেন্টও তাঁহার প্রস্তাব মঞ্জুর করেন। গেজেট হইতে কেবল বাকী থাকে। আমার পদে যিনি ডেপুটী ইনস্পেক্টর হইবেন স্থির হইয়াছিল তাঁহার জিনোপত্রও ধুবড়ী আসিয়া পৌছে। কিন্তু আমি ধুবড়ী ছাড়িয়া নওগায় বাইতে অসম্মতি প্রকাশ করিয়া ইনস্পেক্টর সাহেব বাহাদুরকে চিঠি লেখায় আর গেজেট হইল না। আমারও এবারে হেড্‌ মাস্টার হওয়া ঘটিল না। আমার এই অদ্রুতশীতার ফলে আমার ভবিষ্যৎ উন্নতির পথ কিছুকালের জন্ত রুদ্ধ হইল। আমার নৌচের তিনজন দ্বিতীয় শিক্ষক ক্রমে ক্রমে হেড্‌ মাস্টার হইয়া গেলেন। আমি এই সময়ে হেড্‌ মাস্টারের পদ গ্রহণ

করিলে ২৫০৮ টাকার গ্রেড্ হইতে পেন্সন্ লইয়া অবসর গ্রহণ করিতে পারিতাম।

কর্ণেল মিচেলের পরে মেজর এম, এ, গ্রে এম, এ, গোয়ালপাড়া জেলার একটিং ডেপুটী কমিসনার হন। পরে মেজর ম্যাক্সোয়েল স্থায়ীভাবে আসেন। তাঁহার পরে মিষ্টার গডফ্রে আই, সি, এস, আসেন। তাহার পরে মেজর হেগারসন্ আসেন। ইহাদের সময়েও আমি বিলক্ষণ যশ ও প্রতিপত্তি সহকারে কার্য্য করি। ইহাদের প্রদত্ত সার্টিফিকেটগুলি পরিশিষ্টভাগে প্রদত্ত হইবে।

### মেজর গ্রে

যৎকালে মেজর গ্রে ডেপুটী কমিসনার ছিলেন, তখনকার একটা ঘটনার উল্লেখ করা এখানে আবশ্যক বোধ করি। পূর্বেই উল্লেখ করিয়াছি যে ধুবড়ীতে কলিকাতা বিশ্ববিদ্যালয়ের প্রবেশিকা পরীক্ষার একটা সেন্টার বা কেন্দ্র ছিল। ধুবড়ীতে রঙ্গপুর জেলার উলিপুর স্কুলের ছাত্রেরা পরীক্ষা দিবার জন্ত আসিত। এই সময়ে উলিপুরের স্কুলের হেড্ মাষ্টার ছিলেন শ্রীমান্ রজনীকান্ত সরকার। ইনি আমার রঙ্গপুর স্কুলের ছাত্র ছিলেন। রঙ্গপুর স্কুলের কার্য্য করিবার সময়ে ইহার ছাত্র-জীবনের কথা সমস্তই লিপিবদ্ধ করিয়াছি। পুনরায় উহার উল্লেখ করা অনাবশ্যক।

১৮৮৬ সনে প্রবেশিকা পরীক্ষা দিবার জন্ত উলিপুর স্কুল হইতে ৫টা ছাত্র আসিয়াছিল। উহারা ধুবড়ীতে আসিয়া কাহারও কাহারও নিকট প্রকাশ করিয়াছিল যে আমাদের হেড্ মাষ্টার ডেপুটী ইনস্পেক্টরের ছাত্র। আমরা পুস্তক দেখিয়া লিখিলেও উনি আমাদেরকে কিছু বলিবেন না। ঐ ছাত্রদিগের মধ্যে হেমচন্দ্র রায় নামে একটা বড়ই ধূর্ত ছাত্র ছিল। আর চারুচন্দ্র রায় নামে একটা শাস্ত, শিষ্ট ও বুদ্ধিমান ছাত্র ছিল। চারু নামক ছাত্রটি, মহারাজী স্বর্ণময়্যার বাহারবন্দ্ পরগণার স্পার্লিংটোডেন্ট শ্রীযুক্ত শ্রামাচরণ রায় মহাশয়ের পুত্র ছিল। আব হেম-

চন্দ্র হেড্‌ মাষ্টার রজনীবাবুর মামাশুভ ছিল। এবারেও প্রাতঃকালে পরীক্ষা গৃহীত হইতেছিল। ইহার পূর্ব বৎসরে যে সব ছাত্র উলিপুর স্কুল হইতে পরীক্ষা দিতে আসিয়াছিল তাহারা মিছামিছি একখানি চিঠি লিখিয়া ইনস্পেক্টর সাহেব বাহাদুরের অফিসে জানাইয়াছিল যে উলিপুরের ছাত্রেরা পরীক্ষা-গৃহে পুস্তক দেখিয়া প্রশ্নের উত্তর লেখে। সুপারিন্টেন্ডেন্ট ডেপুটী ইনস্পেক্টর বাবু দেখিয়াও দেখেন না। এবারেও আসিয়া পরীক্ষা গৃহের অন্ততম গার্ড সিভিল্‌ সার্জন্‌ ডাক্তার ডব্‌সন্‌কে এই বলিয়া চিঠি লেখে যে উলিপুরের ছাত্রেরা পুস্তক দেখিয়া প্রশ্নের উত্তর দিতে থাকে, এবারও দিতেছে। ডেপুটী কমিসনার গ্রে সাহেবকেও ঐরূপ একখানি চিঠি দিয়াছিল। ডাক্তার ডব্‌সন্‌ তাহার নামের চিঠি-খানি ডেপুটী কমিসনারকে দেখান। প্রশ্নের উত্তরের কাগজগুলি ভাল করিয়া দেখিয়া শুনিয়া কভারের মধ্যে পুরিয়া মোহর করিয়া কলিকাতা ইউনিভার্সিটির রেজিষ্ট্রারের নিকট পাঠাইবার জন্ত আমার ক্লার্ক পার্শ্বের একটি ঘরে বসিয়া থাকিতেন এবং আমার অফিসের কাজও করিতেন। একদিন ডেপুটী কমিসনার গ্রে সাহেব পরীক্ষা-গৃহে আসিয়া সব তন্ন তন্ন করিয়া দেখিয়া পার্শ্বের ঘরে গিয়া আমার ক্লার্ককে কাজ করিতে দেখিয়া বলিলেন ইনি এখানে কেন? যে জন্ত আমার ক্লার্ককে পার্শ্বের ঘরে রাখা হইয়াছিল তাহা বলায় সাহেব বাহাদুর বলিলেন যে “ডাক্তার ডব্‌সন্‌ ঐরূপ একখানি চিঠি পাইয়াছেন যাহাতে লেখা আছে যে চারুচন্দ্র রায় নামক ছাত্রটি পুস্তক দেখিয়া প্রশ্নের উত্তর দেয়। ডেপুটী ইনস্পেক্টর বা.অন্ত কোন গার্ড উহা ধরিতে পারেন না। আমি চারুর নাম শুনিয়াই বলিলাম যে সঠিকই মিথ্যা। চারু খুব ভাল ছেলে, সে তাহার কাগজ হইতে মুখই তোলে না। তাহার লেখার ধরণ দেখিয়া আমি আশ্চর্য হইয়াছি এবং সে কিরূপ উত্তর দেয় দেখিবার জন্ত আমি প্রায়ই তাহার টেবিলের সম্মুখে দাঁড়াইয়া থাকি। সাহেব বাহাদুর আমাকে বলিলেন যাহাই হউক তুমি উহার প্রতি তীক্ষ্ণ দৃষ্টি রাখিবা। সাহেব আমাকে

এইরূপ উপদেশ দিয়া গোয়ালপাড়া মহকুমার অফিসগুলি পরিদর্শন করিবার জন্ত সেই দিনই ষ্টিমারে উঠিয়া গোয়ালপাড়ায় চলিয়া গেলেন। পরদিন ইতিহাসের পরীক্ষা হইতেছিল। এদিন হেমচন্দ্র রায় নামক ছাত্রটি খাতা দেন, ব্লটিং দেন বলিয়া বার বার চীৎকার করিতে লাগিল। আমি বালিকা-বিদ্যালয়-গৃহে গুরু-ট্রেনিং পরীক্ষার্থী যে সমস্ত ছাত্র ছিল তাহারা কি করিতেছে দেখিবার জন্ত যাইতেছি। বালিকা-বিদ্যালয়-গৃহটি ঠিক হাই-স্কুলের পরেই ছিল। আমি যেমন ঐ দিকে গিয়াছি অমনই আমার সর্ব-ইনস্পেক্টর শ্রামাচরণ দত্ত আমার দিকে ছুটিয়া আসিতেছেন দেখিলাম। তিনি আমার নিকট পৌছিয়াই আমাকে বলিলেন যে ব্লটিং কাগজ সকলের মধ্যে একখানি চিঠি পাইলাম। চিঠি খানি সমস্তই লেখা, উহা পরীক্ষা গৃহেরই লেই দিয়া আঁটা। আপনি আসিয়া দেখুন। হেমচন্দ্র রায়ও ঠিক এই সময়ে ব্লটিং দেন, ব্লটিং দেন বলিয়া চীৎকার করিতেছিল। আমি আসিয়াই চিঠিখানি খুলিয়া পড়িয়া দেখিলাম উহাতে লেখা আছে যে চারুচন্দ্র রায়ের ওয়াচ পকেটের মধ্যে রেজিষ্টার-প্রদত্ত রসিদের মধ্যে ইংলণ্ডের ইতিহাসের একখানি পাতা আছে। রসিদ চাহিয়া লইলেই উহা পাইবেন। আমার মনে একটা ভয়ানক সন্দেহ হইল, যে একজন ছাত্রের ওয়াচ পকেটের মধ্যে রসিদ জড়ান পুস্তকের পাতা থাকিলে অল্প কেহ কিরূপে জানিতে পারিবে। বাহাই হউক চারুর রসিদখানি দেখা আবশ্যক। পাছে অল্প কোন স্কুলের ছাত্রেরা কিছু মনে করে এই জন্ত আমি প্রথমেই ধুবড়ী স্কুলের ছাত্রদিগের রসিদ দেখিতে আরম্ভ করিলাম। ক্রমে চারুর পুস্তকে উপস্থিত হইয়া তাহার রসিদ চাইলাম। তখন চারু নিজ মনেই লিখিতেছে। দুই তিনবার রসিদ চাহার পরে সে রসিদ বাহির করিয়া দিয়া আবার লিখিতে লাগিল। আমি রসিদখানি খুলিয়া দেখিয়া বাস্তবিকই উহার মধ্যে একখানি ইংলণ্ডের ইতিহাসের পাতা পাইলাম। উহাতে বিখ্যাত বিখ্যাত ঘটনার সন তারিখ দেওয়া ছিল। উহা

পাইয়াই আমি বলিলাম চারু তোমার রসিদের মধ্যে এ কি? চারু তখনও একাগ্রচিত্তে প্রশ্নের উত্তর লিখিতেছিল। প্রথমে কোন উত্তরই করিল না, পরে ধমক দেওয়ায় বলিল কি মহাশয়, আমি তাহাকে উহা দেখানতে সে বলিল যে আমি উহার কিছুই জানি না, কে আমার সর্বনাশ করিবার জন্য আমার পকেটে এইরূপে উহা রাখিয়াছে। এদিন গার্ড ছিলেন ধুবড়ীর প্রবীণ উকীল শ্রীযুক্ত বাবু প্রসন্ননাথ চৌধুরী। ইনি ইংরাজী জানিতেন না; পার্শি ও উর্দু জানিতেন। উর্দুতেই আদালতে বক্তৃতা করিতেন। তাঁহাকে সমস্ত কথা বলিলাম এবং ইহাও বলিলাম পরীক্ষার নিয়মামুসারে ছাত্রটিকে পরীক্ষাগৃহ হইতে বাহির করিয়াই দিতে হইবে, তবে আমার বিশ্বাস ছাত্রটি নির্দোষী। ডেপুটী কমিসনার সাহেব সহরে উপস্থিত না থাকায় আমি লোক্যালবোর্ডের ভাইস চেয়ারম্যান উকীল শ্রীযুক্ত বিষ্ণুচন্দ্র চট্টোপাধ্যায় বি, এল, মহাশয়কে তৎক্ষণাৎই পরীক্ষাগৃহে একবার আসিবার জন্য লিখিয়া পাঠাইলাম। ইত্যবসরে চারুকে তাহার সমস্ত কাগজ-পত্র পরীক্ষাগৃহে রাখিয়া দিয়া আমার সব ইনস্পেক্টরের সহিত বাহিরে পাঠাইয়া দিলাম। এবং উলিপুরের ছাত্রদিগের বাসা হইতে তাহাদের ইংলণ্ডের ইতিহাসগুলি আনিতে লোক পাঠাইলাম। ঐ ইতিহাসের পুস্তকগুলি দেখিতে দেখিতে, দেখিতে পাইলাম যে হেমচন্দ্র রায়ের পুস্তকের ঐ পাতাখানি নাই। তখন বেশ বুঝিতে পারিলাম যে হেমই চারুর সর্বনাশ করিবার জন্য এই চক্রান্ত করিয়াছে। বিষ্ণুবাবুকে সমস্ত বুঝাইয়া দিলাম এবং তাহার সম্মতি লইয়া চারুকে পুরস্কার পরীক্ষাগৃহে আনাইয়া তাহাকে অবশিষ্ট প্রশ্ন সমূহের উত্তর লিখিতে বলিলাম। ইহাও তাহাকে বলিলাম যে তোমাকে পরীক্ষাগৃহ হইতে বাহির করিয়া দেওয়ায় তোমার যে সময়টুকু নষ্ট হইয়াছে সেই সময়টুকু তোমাকে দেওয়া যাইবে। চারু পুনরায় লিখিতে লাগিল, এবং নির্দিষ্ট সময়ের মধ্যে তাহার সমস্ত প্রশ্নের উত্তর লেখা হইল। যে সময়টুকু



তাহার নষ্ট হইয়াছিল, তাহা আর তাহার লাগিল না। \* অত্যাচ ছাত্র-দিগের সহিত উঠিয়া গেল। চারু বলিল যে ধুবড়ী, বলিয়া এবং আপনি ছিলেন বলিয়াই আমি পুনরায় পরীক্ষাগৃহে প্রবেশ করিতে পারিলাম। সমস্ত ঘটনা আত্মোপাস্ত বিশ্ববিদ্যালয়ের রেজিষ্ট্রার, আসাম-প্রদেশের স্কুল-ইনস্পেক্টর ও ডেপুটী কমিসনারকে জানাইলাম। গ্রে সাহেব সমস্ত শুনিয়া আমার প্রতি বিশেষ সন্তুষ্ট হইলেন। যথা সময়ে পরীক্ষার ফল কলিকাতা গেজেটে প্রকাশ হইলে দেখিলাম চারু প্রথম বিভাগে উত্তীর্ণ হইয়াছে এবং হেম ফেল্ বা অন্ততীর্ণ হইয়াছে। ইহার কয়েক মাস পরে আমি ধুবড়ী হইতে বাড়ী আসিতেছি এমন সময়ে চারুর সহিত আমার কুরিগ্রামে টেনে দেখা হইল। চারু আমাকে দেখিয়া হাসিতে হাসিতে আমার নিকট আসিয়া আমার পায়ের ধূলা লইল এবং বলিল আপনার আশীর্বাদে আমি ১০ টাকার একটা বৃত্তি পাাইয়াছি। সর্বত্রই সত্যের জয়।

### মেজর ন্যাক্সোসোয়েল

ডেপুটী কমিসনার মেজর ন্যাক্সোসোয়েলের সময়েও আমি ষশ ও প্রতিপত্তি সহকারে ডেপুটী ইনস্পেক্টরের কার্য সম্পন্ন করিতে পারিয়াছিলাম। বাৎসরিক রিপোর্ট পাঠাইবার সময়ে তিনি আমার কার্য সম্বন্ধে যে মন্তব্য লিপিবদ্ধ করিয়াছিলেন তাহাও পরিশিষ্ট ভাগে প্রদত্ত হইল।

### জি গড্‌ফ্রে

ইহার পরে জি গড্‌ফ্রে আই, সি, এস্, ডেপুটী কমিসনার হইয়া আসিয়াছিলেন। ইহার সময়ে গোয়ালপাড়া জেলার ডেপুটী ইনস্পেক্টরের পদ উঠিয়া গিয়াছিল। পূর্বে প্রত্যেক জেলায় এক একজন ডেপুটী ইনস্পেক্টর ছিলেন, এখন দুই দুই জেলায় এক একজন করিয়া ডেপুটী ইনস্পেক্টর হইলেন। আসাম-উপত্যকাস্থিত ছয়টা জেলায় তিনটি

ডেপুটি ইনস্পেক্টরের পদ হইল এবং শুধা উপত্যকার জেলায় একজন ডেপুটি ইনস্পেক্টর হইলেন। অপার আসাম-বিভাগে অর্থাৎ লখিমপুর ও শিবসাগর জেলায় একজন, মধ্য আসাম অর্থাৎ নগাঁও দরং জেলায় একজন, এবং নিম্ন আসাম অর্থাৎ কামরূপ ও গোয়ালপাড়া জেলায় একজন এবং ত্রিহট্ট ও কাছার জেলায় একজন ডেপুটি ইনস্পেক্টর হইলেন। স্তত্রাং শিবসাগর, নগাঁও ও গোয়ালপাড়া জেলার ডেপুটি ইনস্পেক্টরদিগকে ( বাহারা চতুর্থ গ্রেড্ ডেপুটি ইনস্পেক্টর ছিলেন ) সব্ ইনস্পেক্টর হইতে হইল ; কিন্তু কাহারও বেতন কমিল না। প্রথম গ্রেড্ ডেপুটি ইনস্পেক্টরের বেতন হইল ২০০ টাকা, দ্বিতীয় গ্রেডের ১৫০ টাকা ও তৃতীয় গ্রেডের ১২২ টাকা ; স্তত্রাং আমাকে এখন সব্ ইনস্পেক্টর হইতে হইল। কিন্তু মধ্য আসাম-বিভাগের ডেপুটি ইনস্পেক্টর এ সময়ে বিদায়ে থাকায় আমি অল্পদিনের জন্ত মধ্য-আসাম-বিভাগেব ডেপুটি ইনস্পেক্টরের পদে একটিং ভাবে নিযুক্ত হইয়া তেজপুরে বদলী হইয়া গেলাম। আমি :৮৮৩ সনের ১৪ই জুলাই হইতে ১৮৮৮ সনের ১০ই জুলাই পর্যন্ত গোয়ালপাড়া জেলার ডেপুটি ইনস্পেক্টরের কার্য করিয়াছিলাম। তৎপরে ১৮৮৮ সনের ১১ই জুলাই হইতে ঐ সনের ১৬ই জুলাই পর্যন্ত ধুবড়ীর সব্ ইনস্পেক্টরের কার্য করি। ১৭ই জুলাই হইতে ঐ সনের ১২শে আগষ্ট পর্যন্ত মধ্য-আসামের ডেপুটি ইনস্পেক্টরের পদে একটিংভাবে কার্য করিয়াছিলাম। ঐ সময়ের জন্ত ১০৬৮৮ হিসাবে মাসিক বেতন পাইয়াছিলাম। পবে ধুবড়ী ফিরিয়া আসিয়া ১৮৮৮ সনের ২০শে আগষ্ট হইতে :৮৯১ সনের ২ই জুলাই পর্যন্ত ধুবড়ীর সব্ ইনস্পেক্টরের কার্য করিতে বাধ্য হইয়াছিলাম।

ডেপুটি ইনস্পেক্টরের কার্য করার সময়ে আর একটা ঘটনার এখানে উল্লেখ করিতে চাই। গোয়ালপাড়া মহকুমায় আগিয়া নামে একটা স্থান আছে। ঐ স্থানে একটা থানা ও একটা মধ্য-বঙ্গ-বিভাগ

ছিল, এখানে একখানি গভর্ণমেন্টের বিশ্রামাগারও ছিল। বিশ্রামাগারটি চাঙ্গ-বাঙ্গলো। এই স্থানটিতে ভয়ানক মশার উপদ্রব। মশাগুলিও খুব বড় বড়, দিনের বেলায়ও মশার উপদ্রবে ব্যতিব্যস্ত হইতে হয়। প্রত্যেক বিশ্রামাগারেই এক একখানি বহী থাকে। উহাতে যিনি বিশ্রামাগারে অবস্থান করেন, তাঁহাকেই নিজ নাম, কয়দিন ছিলেন, চৌকিদার কিরূপ ব্যবহার করিয়াছিল, বাঙ্গলোর অবস্থা ও বন্দোবস্ত কিরূপ ইত্যাদি লিখিয়া যাইতে হয়। আমি একদিন দেখি যে ঐ বহীতে গারোহিল জেলার বন-বিভাগের ভারপ্রাপ্ত কর্মচারী ফিসার সাহেব একটা মশার ছবি আঁকিয়া তাহার পেটের মধ্যে লাল পেনসিল দিয়া সে কতখানি রক্ত সাহেবের শরীর হইতে শোষণ করিয়া লইয়াছিল দেখাইয়াছেন; এবং লিখিয়া রাখিয়াছেন Wellpleased fine specimen of mosquito. অর্থাৎ বড়ই সন্তুষ্ট হইয়াছি। মশার উৎকৃষ্ট নমুনা।

রাত্রিতে বিনা মশারিতে কোন মতেই এখানে শয়ন করা যায় না। দিনের বেলায়ও মশারী খাটাইয়া বসিয়া থাকিলে ভাল হয়। প্রত্যেক বিশ্রামাগারেই দুইটা করিয়া সুসজ্জিত কুঠরী থাকিত। অর্থাৎ চেয়ার, টেবিল, খাট, গদি ইত্যাদি প্রত্যেক কুঠরীতেই থাকিত। স্ত্রতরাং এখানেও ঐরূপ বন্দোবস্ত ছিল। আমি একদিন ঐ স্থানের মধ্য-বঙ্গ-বিদ্যালয়টি পরিদর্শন করিতে গিয়াছিলাম। ঐ বিদ্যালয়টি মেছপাড়ার জমিদারদিগের স্থাপিত। ছাত্রদিগের নিকট হইতে বেতন লওয়া হইত না। লোক্যালবোর্ডের মাসিক সাহায্য ছিল ২৫ টাকা; অবশিষ্ট ব্যয়ের টাকা মেছপাড়ার জমিদার বাবুসাহেব দিতেন। এখানকার হেডপণ্ডিত ছিলেন শ্রীযুক্ত অধিকাচরণ মুখোপাধ্যায়। ইনি আনুষ্ঠানিক ব্রাহ্ম ছিলেন এবং সঙ্গীক এখানে বাস করিতেন। ইহার ব্যবহার ও চরিত্র অতি চমৎকার ছিল। ইনি প্রকৃত ধর্ম্মানুরাগী ছিলেন এবং ধর্ম্মের প্রকৃত অনুষ্ঠান করিতেন। বিদ্যালয়টি পরিদর্শন করার পরে

থানায় ও ইহার বাসায় বসিয়া বিশ্রাম ও সদালাপ করিতে করিতে প্রায় রাত্রি ১০টা হইয়া গিয়াছিল। রাত্রিতে আহারের ব্যবস্থা পণ্ডিত মহাশয়ের বাসাতেই হইয়াছিল। আমার চাপরাসী ও সহিসকে বাঙ্গলোয় পাঠাইয়া দিয়া সেখানে আমার বিছানা করিতে বলিয়া দিয়াছিলাম। ঐ রাত্রিতে ঐ বাঙ্গলোর একটি কুঠরীতে বিজনি ষ্টেটের ম্যানেজার লোগ্যান্ সাহেব ছিলেন। তিনি যে কুঠরীতে আমার বিছানা হইয়াছিল তাহার গদিটীও লইয়া গিয়াছিলেন; সুতরাং আমার বিছানার খাটে গদি ছিল না। খাটের উপর আমার তোষকটী পাতিয়া মশারি খাটাইয়া আমার চাপরাসী আমার বিছানা করিয়া রাখিয়াছিল। খাটের দৈর্ঘ্য ও প্রশস্ততা অপেক্ষা আমার তোষকের দৈর্ঘ্য ও প্রশস্ততা কিছু কম থাকায় খাটের ব্যাটমের ফাঁক দিয়া মশা প্রবেশ করিয়া আমাকে কোনরূপেই নিদ্রা যাইতে দিল না। সুতরাং গদির অভাবটা বড়ই অসুভব করিতে হইল। কাজেই চৌকিদারকে ডাকিয়া গদি কোথায় গেল জিজ্ঞাসা করিতে বাধ্য হইলাম। চৌকিদার জাতিতে গারো ছিল। সে বলিল কি হইয়াছে বাবু, চীৎকার কর্ছিস্ কেন? আমি বলিলাম গদি কোথায় গেল এনে দে। সে বলিল দুইটা গদিই সাহেব লইয়াছেন। আমি বলিলাম যে উহা হইতেই পারে না। সাহেব দুইটা গদি লইবেন কেন? তুই কোথায় রেখেছিস্ উহা এনে দে। তখন রাত্রি প্রায় ১১টা। লোগ্যান্ সাহেব তখন বলিলেন বাবু This is not the time to disturb a gentleman. অর্থাৎ কোন ভঙ্গলোককে উত্যক্ত করিবার এ সময় নয়। আমি বলিলাম মশার কামড়ে আমার ঘুম হইতেছে না; কাজেই আমি চৌকিদারকে ডাকিতে বাধ্য হইয়াছি, উহাতে আপনার নিদ্রার ব্যাঘাত হইয়াছে এজন্য আমি আন্তরিকই দুঃখিত। সাহেব তখন বলিলেন তোমার লোক পাঠাইয়া দাও আমি গদি দিতেছি। তখন গদি আনাইয়া খাটের উপর পাতিয়া আমি নিদ্রা অসুভব করিতে পারিলাম।

## মধ্য-আসাম-বিভাগের একটিং ডেপুটী ইনস্পেক্টর

ইতিপূর্বেই উল্লিখিত হইয়াছে যে আমি ১৮৮৮ সনের ১৭ই জুলাই হইতে ঐ সনের ১২শে আগষ্ট পর্য্যন্ত মধ্য-আসামের একটিং ডেপুটী ইনস্পেক্টরের কার্য্য করিয়াছিলাম।

## ধুবড়ীর সর্ব ইনস্পেক্টর

সুতরাং ঐ সময়টা আমি ধুবড়ীতে ছিলাম না, পরে ধুবড়ী ফিরিয়া আসিয়া সর্ব ইনস্পেক্টরের কার্য্য করি। সর্ব ইনস্পেক্টরের কার্য্য করার সময়ে কোন এক সময়ে গভর্ণমেন্টের খাসমহল অর্থাৎ ইষ্টার্ন-ডুয়ারের বিদ্যালয় সমূহ পরিদর্শন করিতে যাই। তথায় কাকড়া গ্রাম নামক স্থানে একটা উচ্চ-প্রাথমিক বিদ্যালয় ছিল; ঐ বিদ্যালয়ে পাঠশালার শিক্ষক প্রস্তুত করিবার জন্ত একটা শ্রেণীও ছিল। আমি সিদ্দলির রাজার তৎকালীন বাসস্থান বিছাপুর হইতে কাকড়া গ্রামে যাইবার বন্দোবস্ত করি। তৎকালে সিদ্দলির রাজা ছিলেন শ্রীযুক্ত বিষ্ণুনারায়ণ দেব। তাঁহার হাতীটি চাহিয়া লইয়া আমি কাকড়া গ্রামে যাই। ইতিপূর্বেই কাকড়া গ্রামের শিক্ষক শ্রীযুক্ত কুলচন্দ্র রায়কে লিখিয়া জানাইলাম যে আমি অমুক দিন যাইব। আমার আহ্বারের বন্দোবস্ত সেখানে করিয়া রাখিবেন। আমি যেদিন তথায় যাই তৎপূর্ব্বদিনে খুব বৃষ্টি হইয়া গিয়াছিল। বৃষ্টি হইলেই পাহাড়ে শুষ্ক-প্রায় নদীগুলি জলে পরিপূর্ণ হইয়া যায়। সুতরাং কুজিয়া নামক একটা পাহাড়ে নদী জলে পরিপূর্ণ হইয়া যাওয়ায় হাতীর উপরে বসিয়া উহা পার হইবার উপায় ছিল না। কাজেই নৌকার প্রয়োজন হইল। দেখিলাম নদীতে একখানি নৌকা রহিয়াছে। আমি মাহতকে ও আমার চাপরাসীকে বলিলাম যে হাতীর পিটের গদি নামাইয়া ঐ নৌকায় দাও এবং ঐ নৌকা করিয়া আমরা অপর পারে যাই। নৌকার মালিক কিছুতেই

তাহার নৌকায় হাতীর গদি উঠাইয়া নিতে চাহিল না। বলিতে লাগিল যে আমার নিজের নৌকা, খেওয়ার নৌকা নহে। কেন ইহাতে আমি আপনাকে উঠিতে দিব? আমি বলিলাম যে আমি তোমার নৌকায় উঠিয়া পার হইবই হইব। এই বলিয়া উহাতে জোর করিয়া উঠিলাম। তখন সে আমাকে জিজ্ঞাসা করিল আপনি কোথায় যাইবেন এবং কি জন্ত যাইবেন? আমি বলিলাম কাকড়া গাঁয়ে স্কুল দেখিতে যাইব। তখন সে বলিল আচ্ছা বাবু, আগেকার স্কুলের রামেশ্বরবাবু কোথায় গেল? আমি বলিলাম তুমি তাঁহাকে চেন? সে বলিল খুবই চিনি। আমি বলিলাম তুমি তাঁহার নাম শুনিয়াছ তাঁহাকে চেন না। সে বার বার বলিতে লাগিল আমি তাঁহাকে খুবই চিনি। রৌদ্র-নিবারণ জন্ত আমার মাথায় একটা শেলার টুপি ছিল। আমি ঐটা খুলিলাম তখন সে আমাকে দেখিয়া বলিয়া উঠিল বাবু, তুমিই রামেশ্বর বাবু, তবে কেন আমার সঙ্গে ঐরূপ গোলমাল করিতেছিলে। এখন বেলা হয়েছে, এখন তোমার কাকড়া গাঁয়ে যাওয়া হবে না। আমার বাড়ী চল। চিড়ে, দৈ, গুড় আছে, ফলার করিবা। পরে কাকড়া গাঁয়ে যাইবা। আমি বলিলাম কাকড়া গাঁয়ে আমার খাবার বন্দোবস্ত আছে আজই স্কুল দেখিয়া বিছাপুরে ফিরিয়া যাইব। স্ততরাং তাহার আতিথেয়তা গ্রহণ করা হইল না। স্কুলটা দেখিয়া যখন অপরাহ্নে ফিরিয়া আসি, তখন দেখি ভূমেশ্বর পাহাড়ের গায়ে একটা বাঘ শুইয়া ঘুমাইতেছে। আমার মাহুতকে বাঘটা দেখাইলাম। মাহুত কাণে কালা ছিল। তাহার গায়ে হাত দিয়া খোঁচা মারিয়া তাহাকে বাঘটা দেখাইতে হইল। বাঘটা আমাদের খুব নিকটেই ছিল। একবার চক্ষু খুলিয়া আমাদের গকে দেখিল, তারপর আবার ঘুমাইতে লাগিল। মাহুত বলিল অশ্রুদিন আমাদের সঙ্গে বন্দুক থাকে আজ উহা নাই, কি করিব? আমি বলিলাম আমাদের প্রাণরক্ষা হইল এই যথেষ্ট, আর বাঘ মারিতে হইবে না।

## ডেপুটী কমিসনার জি গড্‌ফ্রে

১৮৮৮ সনের প্রবেশিকা পরীক্ষা যৎকালে ধুবড়ীতে গৃহীত হয় সেই সময়ে গড্‌ফ্রে সাহেব ধুবড়ীর ডেপুটী কমিসনার। ইহার পূর্ববর্তী ডেপুটী কমিসনারদিগের কার্যকালে সমস্ত পরীক্ষার প্রশ্নের কাগজই ট্রেজারি গৃহে ট্রেজারি অফিসারের হস্তে থাকিত। ট্রেজারি অফিসার প্রতিদিন ট্রেজারি গৃহে যাইয়া পরীক্ষা আরম্ভ হইবার ১৫ মিনিট পূর্বে আমাকে প্রশ্নের কাগজগুলি দিয়া দিতেন। কিন্তু গড্‌ফ্রে সাহেব উহা না করিয়া প্রশ্নের কাগজগুলি নিজের বাক্সলোতে রাখিয়া দিলেন। প্রথম দিন প্রশ্নের কাগজগুলি তাঁহার বাক্সলোয় (সার্কিট হাউসে) আনিতে গিয়া দেখিলাম সাহেব কুলিডিপো দেখিতে গিয়াছেন। পরীক্ষা আরম্ভ হইবার সময় অতীত হইতে চলিল। কিন্তু সাহেব সার্কিট হাউসে ফিরিলেন না। আমি সার্কিট হাউসে গিয়া সাহেবের আদালিকে বলিলাম যে মেম্ সাহেবকে জিজ্ঞাসা কর যে তাঁহার নিকট সাহেব কাগজ রাখিয়া গিয়াছেন কিনা। সে বলিল সাহেব মেম্ সাহেবের নিকট কোন কাগজ রাখেন না এবং আজও রাখিয়া যান নাই। এদিকে পরীক্ষা আরম্ভ হইবার সময় অতীত হইয়া গেল। অগত্যা আমি আমার চাপরাসীকে কুলিডিপোতে সাহেবের নিকট পাঠাইয়া দিয়া ট্রেজারি বিল্ডিংএ দাঁড়াইয়া থাকিলাম। সাহেব আমার চাপরাসীর নিকট পরীক্ষার কাগজের কথা শুনিয়া সার্কিট হাউসে তাড়াতাড়ি ফিরিয়া আসিয়া আমাকে ট্রেজারি বিল্ডিংএ দাঁড়াইয়া থাকিতে দেখিয়া আমার উপর রাগ করিয়া বলিলেন যে তুমি নির্বোধের স্তায় (Like a fool) ওখানে দাঁড়াইয়া কি করিতেছ? আমার অফিস ঘর হইতে কাগজ লইয়া যাও নাই কেন? আমি বলিলাম আপনার অফিস ঘরে কত মূল্যবান কাগজপত্র আছে, আমি কোন্ সাহসে আপনার অহুপস্থিতিকালে ও আপনার বিনা অহুমতিতে আপনার অফিস ঘরে প্রবেশ করিব? আমি আদালিকে বলিয়াছিলাম যে মেম্ সাহেবকে খবর দাও, হয়ত

তাঁহার নিকট কাগজ থাকিতে পারে। আদালি সাহেবের ভয়ে বলিয়া ফেলিল যে বাবু ত এখানে আসেন নাই। আমি তাঁহার ঐ কথা শুনিয়াই বলিলাম যে He is a damned down right liar অর্থাৎ সে ভয়ানক মিথ্যাবাদী। আপনি মেম সাহেবকে জিজ্ঞাসা করিয়া জানিতে পারেন যে আমি এখানে আসিয়াছিলাম কিনা? সাহেবের ধারণা ছিল যে তিনি তাঁহার টেবিলের উপরে কাগজ রাখিয়া গিয়াছিলেন, কিন্তু তিনি রাখিয়া যান নাই। আমার সাক্ষাতেই সাহেব তাঁহার পকেট হইতে অফিস বাজের চাবি বাহির করিয়া উহা হইতে কাগজ বাহির করিয়া দিলেন এবং আমার প্রতি যে অন্তায় রাগ প্রকাশ করিয়া আমাকে নিকোঁধ বলিয়াছিলেন তাহার জন্ত একটু অপ্ৰতিভও হইলেন। পরদিন হইতে মেম সাহেব কাগজ হাতে লইয়া আমার জন্ত অপেক্ষা করিয়া থাকিতেন। ইনি ধুবড়ীতে ডেপুটী কমিসনার হইয়া আসার কয়েক মাস পরে আমি সর্ব ইনসপেক্টর হই। যখন আমি ডেপুটী ইনসপেক্টর ছিলাম তখন আমি লোক্যাল বোর্ডের মেম্বর ছিলাম, কিন্তু এখন আর মেম্বর নহি। আমি উহার মেম্বর না থাকায় লোক্যাল বোর্ডের মিটিংএ উপস্থিত থাকিবার আমার আর অধিকার ছিল না। একজ্ঞ শিষ্কা-সংক্রান্ত কোন বিষয়ের প্রশ্ন উঠিলে বোর্ডের কার্যের কতকটা অনুবিধা হইতে লাগিল। একদিন মিটিং হইয়া যাওয়ার পরে সাহেব আমাকে লোক্যাল বোর্ডের অফিসের সম্মুখে দাঁড়াইয়া থাকিতে দেখিয়া বলিলেন Why did you not grace the meeting with your presence? অর্থাৎ তুমি মিটিংএ উপস্থিত হইয়া উহার শোভা বর্দ্ধন কর নাই কেন? আমি বলিলাম আমি ত উহার এখন মেম্বর নহি। সাহেব বলিলেন সে কি? এই কথা বলার পরেই গভর্নমেন্টকে লিখিলেন যে সর্ব ইনসপেক্টর বোর্ডের মেম্বর না থাকায় উহার কার্যের অনুবিধা হইতেছে। উহাকে মেম্বর করা হউক। পরে আসাম গেজেটে দেখিলাম আমি উহার মেম্বর নিযুক্ত হইয়াছি; অথচ অন্ত কোন স্থানের



কোন সর্ব-ইনস্পেক্টরই লোকাল বোর্ডের মেম্বর হন নাই। ইহা হইতেই বুঝা যায়, যে গড়ফ্রে সাহেবও আমার কার্যে সন্তুষ্ট ছিলেন।

গড়ফ্রে সাহেব, কমিসনারের পদে উন্নীত হইয়া গোহাটা বদলী হইয়া গেলে কিছুদিনের জন্য কেনেডি সাহেব খুবড়ীর একটিং ডেপুটী কমিসনার হইয়া আসেন। পরে মেজার হেণ্ডারসন স্থায়ীভাবে ডেপুটী কমিসনার হন।

**১৮৯১ সনের সেন্সসু কার্যে চার্জ সুপারিন্টেন্ডেন্ট হওয়া**

ইহার সময়ে ১৮৯১ সনের (Census) আদম সুমারি হয়। আমি মাণিকারচর থানার অধীনস্থ স্থানের সেন্সসু চার্জ সুপারিন্টেন্ডেন্ট হই। যেদিন মাণিকারচর থানার দিকে যাইতেছিলাম, সেইদিন একটা নূতন ঘোড়ায় চড়িয়া যাওয়ার কালে ঘোড়াটা গুঁচট খাইয়া পড়িয়া যায়। আমি উহার সম্মুখ দিকে পড়িয়া যাই। ঘোড়ার মাথাটা আমার পায়ের উপরে খুব জোরে পড়ায় আমার পায়ের খুব আঘাত লাগিয়াছিল; উহার ফলে আমি একমাস কাল পায়ের জুতা দিতে পারি নাই। অথচ ঘোড়ায় চড়িয়া আমাকে উভয় স্কুল ও সেন্সসের কাব্য পরিদর্শন করিতে হইত। হেণ্ডারসন সাহেব একদিন আমার প্রদত্ত একটা রিপোর্টের উপর লিখিয়াছিলেন This Charge Superintendent works admirably well. অর্থাৎ এই চার্জ সুপারিন্টেন্ডেন্ট অতি আশ্চর্য্যভাবে কার্য করিতেছে। ইহার প্রদত্ত সার্টিফিকেট পরিশিষ্টভাগে প্রদত্ত হইল। ইহারই কার্যকালে আমি কোহিমা-গভর্নমেন্ট-হাই স্কুলের হেড্‌ মাষ্টারের পদে একটিংভাবে নিযুক্ত হইয়া কোহিমা বদলী হইয়া যাই। আমাদের সেন্সসু সুপারিন্টেন্ডেন্ট হইয়াছিলেন (Gaib) গেট সাহেব। ইনি পরে বিহার ও উড়িষ্যার ছোট লার্টের পদে নিযুক্ত হইয়াছিলেন।

**জলমগ্ন হওয়া**

ডেপুটী ইনস্পেক্টরের কার্য করিবার সময়ে আমি বর্ষাকালে নৌকায় ভ্রমণ করিতাম। একদিন নৌকায় বসিয়া নদী হইতে জল উঠাইয়া

স্নান করিতেছিলাম। নৌকার নগিগুলা উহার পাশ্বে বাধা ছিল। উহার উপরে পা রাখিয়া নদী হইতে ঘটা করিয়া জল তুলিয়া মাথায় ঢালিতেছিলাম। নগিগুলা বান্ধার দড়ি হঠাৎ ছিঁড়িয়া যাওয়াতে আমি নদীর জলে পড়িয়া যাই। ঐ নদী বা নদের নাম ছিল গন্ধাধর। আমি ১৬ হাত জলের তলে পড়িয়া গিয়াছিলাম। নদীর জলও বড়ই শীতল ছিল। মানুষ জলে ডুবিলেই একবার ভাসিয়া উঠে। আমি ভাসিয়া উঠিয়াই দেখিতে পাইলাম যে নগিগুলা আমার সম্মুখে ভাসিতেছে। আমি ঐ গুলি ধরিয়া মাঝিদিগকে বলিলাম নৌকা ঘুরাইয়া দিয়া আমাকে তুলিয়া লও। উহারা তাহাই করিল। আমি জলমগ্ন হইয়া মৃত্যুমুখে পতিত হইতে রক্ষা পাইলাম। আমি সঁাতার জানিতাম না ও এখনও জানি না। শ্রীশ্রী মঙ্গলময়ের কৃপায় রক্ষা পাইলাম।

১৮৯১ সালের মে মাসের শেষ ভাগে হঠাৎ এক দিন ডিরেক্টর উইলসন্ সাহেব বাহাদুর আমাকে একখানি ডেমি অফিসিয়াল অর্থাৎ আধা সরকারী চিঠি লিখিয়া আমাকে জানান যে কোহিমা-হাই-স্কুলের হেড্‌ মাষ্টার শ্রীযুক্ত চন্দ্রমোহন গোস্বামী ১৮ মাসের বিদায় লইয়াছেন; সুতরাং ঐ কালের জন্ত ঐ স্কুলের হেড্‌ মাষ্টারের পদ খালি হইয়াছে। তুমি ঐ ১৮ মাসের জন্ত কোহিমায় যাইতে চাও কি না ফেরত ডাকে আমাকে জানাইবা। পূর্বেও ডিরেক্টর সাহেব বাহাদুর আমাকে আর একবার কোহিমায় যাইতে বলিয়াছিলেন, সে বারে আমি যাই নাই। তৎপূর্বে ১৮৮৬ সনে আমাকে নগাঁ-হাই-স্কুলের হেড্‌ মাষ্টারের পদে নিযুক্ত করা ঠিক হইয়াছিল। সে বারেও আমি হেড্‌ মাষ্টারের পদ গ্রহণ করি নাই। তখন ডেপুটি ইনস্পেক্টর, সুতরাং গেজেটেড্‌ অফিসার ছিলাম। এখন সব ইনস্পেক্টর ও নন-গেজেটেড্‌ অফিসার হইতে বাধ্য হইয়াছি, সুতরাং এ কাজ আর ভাল লাগিতেছে না। যদি এবারেও হেড্‌ মাষ্টারের পদ গ্রহণ না করি, তাহা হইলে চিরকালই সব ইনস্পেক্টর থাকিতে হইবে আর কোন উন্নতির আশা

থাকিবে না। এই সমস্ত চিন্তা করিয়া সেই দিনই ডিরেক্টর সাহেবকে জানাইলাম যে আমি ১৮ মাসের জন্ত কোহিমায় বাইতে সম্মত আছি। তবে কোহিমায় বাইবার পূর্বে একবার বাড়ী আসিতে চাই। এ জন্ত ১২ দিনের অস্থগ্ৰহবিদায় চাই। ১২ দিনের ছুটি মঞ্জুর হইল। ৪ঠা জুন হইতে ১৫ই জুন পর্যন্ত বিদায় লইয়া বাড়ী আসিয়া ১৬ই জুন কোহিমায় বাইবার জন্ত ধুবড়ী গিয়াছিলাম। কোহিমা নাগা পাহাড়ের সদর স্থান, রেল রাস্তার নিকট নহে। তখন ধনুসিরিমুখ বা নিগ্রিটিং নামক ষ্টিমার-স্টেশনে নামিয়া গো-যানে উঠিয়া নীচুগার্ড পর্যন্ত বাইতে হইত এবং নীচুগার্ড হইতে পদব্রজে বা অশ্বারোহণে কোহিমায় বাইতে হইত। স্ততরাং কোহিমায় যাওয়া বড়ই কষ্টকর ছিল। বিশেষতঃ জুন মাস বর্ষাকাল, যাওয়া আরও কষ্টকর।

মণিপুর রাজ্যে মাননীয় চিফ্ কমিসনার কুইন্টন্ ও

৪ জন উচ্চপদস্থ সাহেব নৃশংসভাবে হত হন।

আর এক কথা ইতিপূর্বে ১৮৯১ সনের ২৪ শে মার্চ তারিখে মণিপুরে আসামের মাননীয় চিফ্ কমিসনার কুইন্টন্ সাহেব বাহাদুরকে মণিপুরের পলিটিক্যাল অফিসার (Grimwood) গ্রিমউড সাহেবকে ৪২ নম্বর গুর্খা রেজিমেন্টের অধিনায়ক কর্ণেল স্কিনকে (Colonel Skene) ৪৩ নম্বর গুর্খা রেজিমেন্টের লেফ্টেন্যান্ট সিম্পসন্ (Lieutenant Simpson) ও চিফ্ কমিসনার বাহাদুরের পাসপ্তাল এসিষ্ট্যান্ট কসিন্স (Cossins) সাহেবকে মণিপুরে অতি নৃশংসভাবে তথাকার লোকে হত্যা করিয়াছিল। কাজেই তখন মণিপুরের সহিত ইণ্ডিয়া গভর্নমেন্টের যুদ্ধ চলিতেছিল। কোহিমা দিয়া মণিপুর বাইবার রাস্তা, স্ততরাং তখন কোহিমায় যাওয়া অত্যন্ত কষ্টকর হইয়াছিল। গো-যান পাওয়া দুর্ঘট হইয়াছিল। এই সমস্ত অসুবিধা থাকা সত্ত্বেও আমি ভবিষ্যৎ উন্নতির পথ উন্মুক্ত রাখিবার জন্ত কোহিমায় বাইতে স্বীকার করিলাম।

বাড়ী হইতে বাইবার সময়ে আমাদের পাড়ার গন্ধবণিক জাতীয় পাঁচকড়ি দে নামক একজন যুবককে চাকরী করিয়া দিব বলিয়া আশা দিয়া সঙ্গে করিয়া লইয়া গেলাম। ধুব্‌ড়ী পৌছিয়া আমার অতি বিখ্যস্ত ভৃত্য শ্রাম রাজবংশীকে ও পাঁচকড়ি দেকে সঙ্গে লইয়া ষ্টিমার বোঙ্গে ধন্‌সিরিমুখ রওনা হইলাম। যে ষ্টিমারে গিয়াছিলাম সেই ষ্টিমারে ডাক্তার ছিলেন কৃষ্ণনগরের নেন্দেরপাড়া-নিবাসী শ্রীযুক্ত অবিনাশচন্দ্র বক্সি। স্ততরাং ষ্টিমারে নানা প্রকারের সুবিধা পাইয়াছিলাম। ধুব্‌ড়ী হইতে বাইবার সময়ে ইঞ্জিনিয়ার অফিসের একাউন্ট্যান্ট শ্রীযুক্ত বাবু শিবচন্দ্র দত্ত সুপার-ভাইজার প্রিচার্ড সাহেবের নামে একখানি চিঠি দিয়াছিলেন। প্রিচার্ড সাহেব এঙ্গলো ইণ্ডিয়ান। ইনি বড়ই ভদ্রলোক ছিলেন। প্রিচার্ড সাহেব এই সময়ে মণিপুরে যুদ্ধের জন্ত আবশ্যক যে সকল জিনীস ষ্টিমার-বোঙ্গে প্রেরিত হইতেছিল, সেই সমস্ত জিনীস রসদ, ঘোড়া, খচ্চর, ইত্যাদি ধন্‌সিরিমুখ হইতে কোহিমায় পাঠাইবার নিমিত্ত ধন্‌সিরিমুখে সর্বদাই উপস্থিত থাকিতেন। ধন্‌সিরিমুখে তাঁহার সহিত দেখা হইবামাত্র শিববাবুর লিখিত চিঠিখানি তাঁহাকে দিলাম। তিনি চিঠি দেখিয়াই বলিলেন যে আপনি এখানে নামিবেন না। এখান হইতে আপনার কোহিমায় যাওয়া সুবিধা হইবে না। আগনি নিগ্রিটিং ঘাটে নামিয়া সেখান হইতে গরুর গাড়ী করিয়া গোলাঘাটে যাইবেন। গোলাঘাটে ভড় কোম্পানির দোকানে উঠিবেন। ভড় কোম্পানীর বাবু বড়ই ভদ্রলোক। তাঁহারা আপনাকে কোহিমায় পাঠাইয়া দিবার সমস্ত বন্দোবস্ত করিয়া দিবেন। স্ততরাং আমি ধন্‌সিরিমুখে না নামিয়া নিগ্রিটিং গিয়া নামিলাম। নিগ্রিটিং ষ্টিমার-ঘাটের সব্‌ এজেন্ট বাবু একজন বাঙ্গালী ছিলেন। তিনি আমাকে বিলক্ষণ যত্ন করিলেন। নিগ্রিটিংএ আমার পূর্বপরিচিত শ্রীযুক্ত বিজয়কৃষ্ণ মুখোপাধ্যায় সব্‌-পোষ্টমাষ্টার ছিলেন। বিজয়বাবুর সহিত ধুব্‌ড়ীতে অনেক দিন একত্রে ছিলাম। বিজয়বাবুর ও সব্‌ এজেন্ট বাবুর যত্নে ও চেষ্টায় একখানি

গরুর গাড়ী পাইলাম। ঐ গাড়ীতে উঠিয়া গোলাঘাট রওনা হইলাম। সেই দিনই গোলাঘাটে পৌঁছলাম। ভড় কোম্পানির দোকান গোলাঘাটের মধ্যে সর্বাপেক্ষা বড় দোকান। সাহেবদিগের ও ভদ্র-লোকদিগের ব্যবহারোপযোগী যে সমস্ত দ্রব্য আবশ্যক তাহা প্রায় সমস্তই ঐ দোকানে পাওয়া যাইত। বিলাতী মদ ও বিলাতী খাণ্ড-দ্রব্যাদি (যাহাকে অয়েলম্যান-ষ্টোর বলে) অর্থাৎ টিনের মধ্যে স্বরক্ষিত মাছ, মাংস, ফলের আচার, বিস্কিট, চকলেট ইত্যাদি সমস্তই ঐ দোকানে মিলিত। ঐ দোকানের মালিক ছিলেন কলিকাতা-নিবাসী তত্ত্ববায় জাতীয় ধনাঢ্য শ্রীযুক্ত বাবু কালীকুমার দাস। ইনি গোঁহাটী স্কুলের হেড-মাষ্টার শ্রীযুক্ত বাবু মহেন্দ্রনাথ দত্তের জ্যেষ্ঠ পুত্রের স্বশ্র। মহেন্দ্রবাবু আমার একজন বন্ধু। এই দোকান প্রথমে স্থাপন করেন কালীকুমার বাবুর ভাগিনেয় অশ্বিনীকুমার ভড়। এজন্যই উহার নাম হইয়াছিল ভড় এণ্ড কোম্পানি। এই সময়ে এই দোকানের প্রধান কর্মচারী ছিলেন কৃষ্ণলালবাবু। ইনি কালীকুমারবাবুর একজন আত্মীয়। ভড় কোম্পানির দোকানে যে কোন ভদ্রলোক অতিথি হইয়া গেলে অতি যত্নের সহিত গৃহীত হইতেন। অতিথি-সংকারের জন্য ইঁহারা প্রসিদ্ধ। পরে কালীকুমারবাবু কোহিমাতেও ঐরূপ একখানি দোকান খুলিয়াছিলেন এবং নিজে একবার কোহিমায়া গিয়া কয়েকদিন ছিলেন। ইনি অতি সদালাপী ও অতি সজ্জন পুরুষ ছিলেন।

গোলাঘাটে যাঁইয়া কোহিমায়া যাইবার জন্য অর্থাৎ নীচুগাড পর্য্যন্ত যাইবার জন্য গো-যান পাওয়া গেল না। তিন দিন সেখানে অপেক্ষা করিয়া আমাকে বসিয়া থাকিতে হইল। পরে ২১ টাকায় একটা হাতী ভাড়া করা হইল। কৃষ্ণবাবুর চেষ্টাতেই হাতীটা পাওয়া গেল। ঐ হাতীতে উঠিয়া আমরা রওনা হইলাম। গোলাঘাট হইতে কোহিমা পর্য্যন্ত ২০ মাইল অন্তর এক একটা গভর্ণমেণ্টের বিশ্রামাগার ছিল এবং এখনও আছে। স্মৃতরাং রাত্ৰায় থাকিতে কোন কষ্ট হইল না। গোলাঘাট

ছাড়িয়াই প্রথমে গরমপানী নামক বিশ্রামাগার পাওয়া গেল ; এই স্থানে উষ্ণ জলের একটি ঝরণা আছে, এই জন্তই ইহার নাম হইয়াছে গরমপানী। গরমপানী ঝরণার জলে গন্ধকের বেশ ভ্রাণ পাওয়া যায়। ২০ মাইল অন্তর বিশ্রামাগারে থাকিয়া থাকিয়া কয়েকদিন পরে আমরা ডিমাপুরে পৌঁছলাম।

### ডিমাপুর

ইহার প্রাচীন নাম ছিল হিড়িম্বপুর। উহার অপভ্রংশে ইহার বর্তমান নাম হইয়াছে ডিমাপুর। দ্বিতীয় পাণ্ডব ভীমসেনের পুত্র ঘটোৎকচের মাতুলের নাম ছিল হিড়িম্ব। এই স্থানটী তাঁহার ও ঘটোৎকচের রাজধানী ছিল। অনেক প্রাচীন কীর্তি এই স্থানে এখনও দৃষ্ট হয়। ডিমাপুরের নীচেই একটি নদী আছে। নৌকাযোগে নদী পার হইয়াই কয়েকটা বাঙ্গালী ভদ্রলোকের সহিত দেখা হইল। ইহাদের মধ্যে একজনের নাম ছিল শ্রীমন্ত চৌধুরী। শ্রীমন্তবাবু পূৰ্ব-বিভাগের সর্ব-ওভারসিয়ার ছিলেন। ইহার জ্যেষ্ঠ ভ্রাতা শ্রীযুক্ত মহিম চৌধুরী বহুকাল ধুবড়ীর ষ্টিমার এজেন্টের অধীনে কেরাণী ছিলেন। ডিমাপুরের সমস্ত বাঙ্গালী ভদ্রলোকই তখন মণিপুরের যুদ্ধ ব্যাপারের নিমিত্তই বিশেষভাবেই এক এক কার্যে নিযুক্ত। বাবুদের সহিত দেখা হইবামাত্র ইহারা আমাকে বলিলেন যে আমাদের এখানে আপনারা আহার করুন। আহাৰ্য্য প্রস্তুত। আহাৰের পরে কিছুকাল বিশ্রাম করিয়া নীচুগার্ড রওনা হইবেন। সন্ধ্যার পূৰ্বে সেখানে পৌঁছিতে পারিবেন। সুতরাং প্রস্তুত অন্ন-ব্যাঞ্জন পাইয়া বেশ পরিতোষ পূৰ্বক আহার করিয়া প্রায় দেড় ঘণ্টা বিশ্রামের পরে নীচুগার্ড রওনা হইলাম এবং সন্ধ্যার পূৰ্বেই সেখানে পৌঁছলাম। তথায় পূৰ্ব-বিভাগের একজন মুহুরি ছিলেন—নাম বিহারীবাবু। বাড়ী হুগলী জেলার বিখ্যাত উত্তরপাড়া গ্রামে। তাঁহার থাকিবার বাসা ছিল এবং তাঁহার বাসার বাহিরে একখানি ছোট বাড়লো ছিল। সেখানে পূৰ্ব-বিভাগের কোন

কর্মচারী আসিলে থাকিতে পাইতেন। সাধারণ ভ্রলোকেরও তথায় থাকিবার জ্ঞান কোন নিষেধসূচক আদেশ ছিল না। তবে এটা অত্যাচার বিশ্রামাগারের ন্যায় বড় ও সজ্জিত ছিল না। আমার হাতী সেখানে পৌছিবামাত্রই বিহারীবাবু জিজ্ঞাসা করিলেন হাতীতে কে আসিয়াছেন? আমার চাকর শ্যাম বলিল কোহিমা স্কুলের হেড্‌ মাস্টার। বিহারীবাবু এই কথা শুনিবামাত্রই বলিলেন যে এই বাঙ্গলোতে তাঁহার থাকিবার জায়গা হইবে না। আমি হাতী হইতে নামিয়া তাঁহাকে নমস্কার করিয়া বলিলাম যে, কেন মহাশয় এখানে আমার জায়গা হইবে না? এটি সরকারী বাঙ্গলো। গভর্নমেন্ট কর্মচারী মাত্রেরই এখানে থাকিবার অধিকার আছে। তিনি বলিলেন অবশ্যই আছে, কিন্তু হেড্‌ মাস্টারকে এখানে থাকিতে দিতে আমি সম্মত নহি। আমি বলিলাম হেড্‌ মাস্টারের অপরাধ কি? তিনি বলিলেন হেড্‌ মাস্টার চন্দ্রমোহন গোস্বামী মহাশয় এখানে থাকিয়া বড়ই উপাত্ত ও অত্যাচার করেন। তিন চারি দিন অনবরত অজ্ঞান হইয়া পড়িয়া থাকেন বমি করিয়া ঘর ভাসাইয়া দেন; কাজেই হেড্‌ মাস্টারকে এখানে থাকিতে দিতে চাহি না। আমি বলিলাম যে আমাকে থাকিতে দিয়া দেখুন আমি তাঁহার মত অত্যাচার ও উপদ্রব করি কি না। অনেক করিয়া বুঝাইয়া তাঁহার সম্মতি লইয়া বাঙ্গলোর মধ্যে প্রবেশ করিতে পারিলাম।

চন্দ্রমোহন গোস্বামী মহাশয়ের সম্বন্ধে ইতিপূর্বে সমস্ত বিষয়ই একবার বলিয়াছি। সুতরাং তাঁহার বিষয় আর এখানে বলিবার কিছু আবশ্যক নাই।

নীচুগার্ড হইতে কোহিমা পর্য্যন্ত রাস্তায় তখন হাতী বা গরুর গাড়ী চলিতে পারিত না। হয় পদব্রজে না হয় অশ্বারোহণে তখন নীচুগার্ড হইতে কোহিমায় যাইতে হইত। সুতরাং নীচুগার্ডে আমি আমার ভাড়াটিয়া হাতীটিকে বিদায় দিলাম। আমার জিনীস পত্র লইয়া যাইবার জন্ত কুলির দরকার হইল। নীচুগার্ডে কুলি পাওয়া গেল না কাজেই

কুলির জন্তু কোহিমায় ডেপুটী কমিসনার বাহাচরকে চিঠি লিখিতে হইল। তিন চার দিন পরে কোহিমা হইতে এজন নাগা কুলি আসিল স্ততঃ আমাকে চারি দিন নীচুগার্ডের বাঙ্কলোয় থাকিতে হইল। বিহারীবাবুও আমার প্রতি প্রসন্ন হইলেন। ইনি বড়ই কৃপণ ছিলেন তথাপি আমার প্রতি প্রসন্ন হইয়া আমাকে কিছু উচ্ছে, বেগুন প্রভৃতি তরকারী ও জঙ্গলী কয়েকটি আম দিয়াছিলেন।

ধুবড়ী হইতে রওনা হইবার পূর্বেই ধুবড়ীর ইঞ্জিনিয়ার অফিসের একাউন্ট্যান্ট শ্রীযুক্ত বাবু শিবচন্দ্র দত্ত, কোহিমার সব-ওভারসিয়ার বাবু যাদবেন্দু চট্টোপাধ্যায়কে আমার উপকারের জন্তু একখানি চিঠি লিখিয়াছিলেন; সেই চিঠিতে নীচুগার্ড হইতে কোহিমায় আমার যাওয়ার জন্তু একটা ঘোড়া পাঠাইতে লিখিয়াছিলেন। যাদবেন্দুবাবু দয়া করিয়া একটা ঘোড়া পাঠাইয়াছিলেন। ঐ ঘোড়াটি ফেরিমা নামক বিশ্রামাগার পর্যন্ত আসিয়াছিল। আমি ঘোড়ায় চড়িয়া তথা হইতে কোহিমা যাত্রা করিলাম। আমার সঙ্গী পাঁচকড়ি দে ও আমার চাকর শ্রাম কুলিদিগের সঙ্গে হাঁটিয়া কোহিমায় যাত্রা করিল।



## সপ্তম অধ্যায় ।

### কোহিমা

আমি প্রথমে কোহিমায় পৌঁছলাম। আমার পৌছানর ঘণ্টা খানেক পরে পাঁচকড়ি ও শ্রাম কোহিমায় উপস্থিত হইল। যাদবেন্দু বাবুর বাসাতেই উঠিলাম। যাদবেন্দুবাবুর বাড়ী ২৪ পরগনার অন্তর্গত স্ককচর গ্রামে। ইনি সপরিবারে কোহিমায় ছিলেন। ইহার সহিত ইহার মাসীমা ছিলেন। যাদবেন্দুবাবু আমার যথেষ্ট আদর করিলেন। আমার সহিত হিন্দু চাকর ছিল বলিয়া মাসীমা বড়ই সন্তুষ্ট ও আনন্দিত হইলেন। বলিলেন এখন আর আমার পানের ও পাকের জন্ত নালা হইতে জল আনিতে হইবে না। হেড্‌ মাষ্টারের চাকরই আনিয়া দিবে। তখন কোহিমায় অতি অল্পসংখ্যক বাঙালী ভদ্র লোক ছিলেন। তাঁহাদের নাম নিম্নে দেওয়া হইল।

- ১। শ্রীযুক্ত বাবু গোপীমোহন বন্দ্যোপাধ্যায়, ইঞ্জিনিয়ার অফিসের একাউন্ট্যান্ট্‌। ইহার বাড়ী ২৪ পরগনায়। ইনি আমাদের শান্তিপুরের উড়িয়া গোস্থামীদিগের বাড়ীর শ্রীযুক্ত বিহারীলাল গোস্থামীর ভগিনীপতি ছিলেন।
- ২। শ্রীযুক্ত যাদবেন্দু চট্টোপাধ্যায়—সব্‌ভারসিয়ার।
- ৩। পূর্ণচন্দ্র দত্ত, ধুবড়ীর শিববাবুর ভ্রাতৃপুত্র বাড়ী ঢাকা জেলায়, ইঞ্জিনিয়ার অফিসের একজন কেরানী।
- ৪। শ্রীযুক্ত বিহারীলাল দাস, ইঞ্জিনিয়ার অফিসের সেক্রেটারী কার্ড বাড়ী নিজ কলিকাতায়।
- ৫। শ্রীযুক্ত গুরুচরণ ধর গভর্নমেন্ট ট্রেজারির একাউন্ট্যান্ট্‌।
- ৬। শ্রীযুক্ত শরৎচন্দ্র সেন, ডেপুটী কমিসনার সাহেব বাহাদুরের অফিসের একজন ক্লার্ক। ইহার বাড়ী ঢাকা জেলায়।

- ৭। শ্রীযুক্ত নন্দলাল মুখোপাধ্যায় ও তাঁহার ভ্রাতা নগেন্দ্রনাথ মুখোপাধ্যায়, বাড়ী শান্তিপুরের নিকট মালিপৌতা গ্রামে। নন্দবাবু ডাক-বিভাগের ওভারসিয়ার ছিলেন।
- ৮। শ্রীযুক্ত আশুতোষ মুখোপাধ্যায়, ইঞ্জিনিয়ার অফিসের একজন কেরানী। বাড়ী শান্তিপুরে মতিগঞ্জের নিকটে, শান্তিপুর স্কুলের সেকেন্ড মাস্টার নন্দবাবুর আত্মীয়।
- ৯। শ্রীযুক্ত কৃষ্ণচন্দ্র মৈত্র, মিলিটারি পুলিশের হেড ক্লার্ক। বাড়ী পাবনা জেলায়।
- ১০। শ্রীযুক্ত গ্রামচাঁদ বসাক পোষ্টমাষ্টার, বাড়ী নিজ ঢাকা সহরে আমার একজন পূর্ব-পরিচিত বন্ধু।
- ১১। শ্রীযুক্ত যোগীন্দ্রনাথ মুখোপাধ্যায় বাড়ী হুগলী জেলায়। ইনি সামান্য রকমের ঠিকাদারি করিতেন।

এতদ্ব্যতীত আর একজন বাঙ্গালী ছিলেন তাঁহার বাড়ী দিনাজপুর জেলায়। ইহাকে লোকে নাগা ভট্টাচার্য্য বলিত। যেহেতু ইনি আতিথে ব্রাহ্মণ ছিলেন কিন্তু নাগিনী লইয়া নাগাবস্তিতেই বাস করিতেন। সামান্য ঠিকাদারের কার্য্য করিতেন। একাউন্ট্যান্ট গোপীমোহনবাবু ব্যতীত আর কেহই হিন্দুয়ানী করিয়া চলিতেন না। যাদবেন্দুবাবু, আশুবাবু ও নন্দবাবু পরিবারসহ ছিলেন। বিহারী-বাবুর একটা নাগিনী গৃহিণী ছিল। গোপীমোহনবাবুর সহিত আমার প্রথম সাক্ষাৎ হইবামাত্রই তিনি আমাকে জিজ্ঞাসা করিয়াছিলেন “সব রকম মাংসই খান ত?” পরে অনেক বাঙ্গালী কোহিমায় আসিয়াছিলেন তাঁহাদের নাম পরে করিব। কোহিমার সকল বাঙ্গালীই যথেষ্টাচারী ছিলেন তবে যাদবেন্দুবাবু একটু সাবধানে চলিতেন। প্রকৃত্তে বড় কিছু কারিতেন না। কোহিমার সাহেবদিগেরও নাগিনী যেম্ ছিল। ডেপুটী কমিসনার, একজিকিউটিভ ইঞ্জিনিয়ার, মিলিটারি পুলিশের কমান্ডান্ট সাহেব মোককুচং মহকুমার ভারপ্রাপ্ত কর্ম্মচারী সকলেই

সাহেব ছিলেন এবং সকলেরই নাগিনী মেম ছিল। ভূতপূর্ব ডেপুটি কমিসনার ম্যাকেব্ সাহেবের ঔরসজাত ও নাগিনীর গর্ভজাত একটি প্রায় ১০।:২ বৎসর বয়স্ক বালিকাও ঐ স্থানে ছিল।

### কোহিমা হাই-স্কুলের হেড্‌মাষ্টার হওয়া

পূর্বেই উল্লেখ করিয়াছি কোহিমা হাই-স্কুলে কোন কাজই ছিল না। নামে হাই-স্কুল, কাজে কোন প্রকার স্কুলই নয়। ছাত্রসংখ্যা খুবই কম। ছাত্রের মধ্যে মিলিটারি পুলিশের সিপাহীদিগের নামও রেজিষ্ট্রারিতে লেখা ছিল। শিক্ষকদিগের মধ্যে একজন হেড্‌মাষ্টার ও একজন ২৫ টাকা বেতনের শিক্ষক। ছাত্রের মধ্যে শুখা ও নাগার ভাগই বেশী। দুই চারিটা আসামীয়া ছিল। বাঙ্গালী মোটেই ছিল না। স্কুলের নিজস্ব ঘরও ছিল না। একখানি ভগ্ন চালা ঘরে স্কুলের কাধ্য হইত। যখন সি, বি ক্লার্ক সাহেব মহোদয় আসামের স্কুল ইনস্পেক্টর ছিলেন এবং মনিপুর পর্যন্ত ভ্রমণে গিয়াছিলেন তখন কোহিমার সর্ব-ডেপুটি কালেক্টার শ্রীযুক্ত রায় যাদবচন্দ্র বড়ুয়া বাহাদুরের বিশেষ অনুরোধে কোহিমার জন্য একটি হাই-স্কুল গভর্ণমেন্ট কর্তৃক মঞ্জুর করাইয়া দিয়াছিলেন। প্রথম হেড্‌মাষ্টার হইয়াছিলেন শ্রীযুক্ত লক্ষ্যদেব বরা বি, এ, দ্বিতীয় শ্রীযুক্ত বৈকুণ্ঠ নাথ সেনগুপ্ত একটিং হেড্‌মাষ্টার। তৃতীয় শ্রীযুক্ত চন্দ্রমোহন গোস্বামী। চন্দ্রমোহন গোস্বামী মহাশয় যখন কোহিমায় হেড্‌মাষ্টার হইয়া যান, তখন তিনি শিবসাগর হাই-স্কুল হইতে পদ্মনাথ বড়ুয়া নামে একটি ছাত্রকে সঙ্গে করিয়া গিয়াছিলেন। এই পদ্মনাথই একমাত্র ছাত্র কোহিমা হাই-স্কুল হইতে প্রবেশিকা পরীক্ষায় উত্তীর্ণ হইয়াছিল। পরে এই পদ্মনাথ আসামীয়া ভাষায় অনেকগুলি পদ্য ও গদ্যগ্রন্থ রচনা করিয়াছিলেন এবং একজন কবি বলিয়া গণ্য হইয়াছিলেন। যখন স্যার ব্যামফিল্ড ফুলার আসামের চিক্ কমিসনার হইয়া যান তখন মধ্য-প্রদেশের দেশী কছর বা ব্যামাম

আসামে প্রচলন করিবার জন্ত পদ্মনাথ বড়ুৱাকে ও ব্রিহট্ট জেলা স্কুলের ২য় শিক্ষক শ্রীযুক্ত বিধুভূষণ মজুমদার বি, এ, কে এই দেশী বছরং শিক্ষা করিবার জন্ত এই প্রদেশে পাঠান। ইহারা এই ব্যায়াম শিক্ষা করিয়া আসিয়া এই সম্বন্ধে ইংরাজী ও আসামীয়া ভাষায় পুস্তক লেখেন। পদ্মনাথ পরে তেজপুর গুরুট্রেনিং স্কুলের হেড্‌ মাস্টার হইয়াছিলেন এবং কালে ইনি আসাম কাউন্সিলের সদস্যও হইয়াছিলেন। এক সময়ে পদ্মনাথ আমার অধীনে তেজপুর হাই-স্কুলে অতিরিক্ত শিক্ষকের পদেও কাজ করিয়াছিলেন।

আমি কোহিমা যাওয়ার পরে যাদবেন্দুবাবু তাহার একটি পুত্রকে ও একটি ভ্রাতৃপুত্রকে কোহিমায় লইয়া গিয়া স্কুলে প্রবিষ্ট করিয়া দিয়া-ছিলেন। পরে ডেপুটী কমিসনার সাহেব বাহাদুরের অফিসের হেড্‌ ক্লার্ক ডিম্বধর দাস তাহার একটি পুত্রকে লইয়া গিয়া কোহিমা স্কুলে পড়িতে দেন; সুতরাং আমার কার্যকালে কোহিমা স্কুলে ২য় ও ৩য় শ্রেণী গঠিত হয়। আমাকে ডিরেক্টর সাহেব বাহাদুর ১৮ মাসের জন্ত কোহিমায় পাঠান, কিন্তু চন্দ্রমোহন গোস্বামী মহাশয়ের ছুটি শেষ হওয়ার পরে পেন্সন্‌ লওয়ায় আমাকে কোহিমার ১৮৯১ সনের ১০ই জুলাই হইতে ১৮৯৩ সনের ১১ই নভেম্বর পর্যন্ত থাকিতে হয় অর্থাৎ দুই বৎসর চারি মাস কার্য করিতে হয়।

আমার সময়ে তিনজন নাগাবালককে ৫৮ টাকা মাসিক বৃত্তি দিয়া স্কুলে ভর্ত্তি করা হয় এবং কোহিমার পাঠশালার শিক্ষক রসেজু নাগাকে হাই-স্কুলে আনা হয় এবং এই পাঠশালাটি হাই-স্কুলের অন্তর্গত হয়। স্কুলের জন্ত একটি প্রস্তরনির্মিত বাড়ী প্রস্তুত করার প্রস্তাব মঞ্জুর হয় এবং আমার রিপোর্টেও ডেপুটী কমিসনার সাহেব মহোদয়ের অনুমোদনে কোহিমা স্কুলটি হাই-স্কুল হইতে মধ্য-ইংরাজী স্কুলে অবনত হয়, যেহেতু কোহিমায় তখন হাই-স্কুলের কোন প্রয়োজনই ছিল না; কেবল গবর্ণ-মেণ্টের অর্থের অপব্যয় হইতেছিল। আমি কোহিমা হইতে নগণা হাই-

স্কুলে বদলী হওয়ায় পূর্বোক্ত পদ্মনাথ ঝড়ুরা কোহিমা মধ্য-ইংরাজী বিতালয়ের হেড্‌ মাষ্টার হইয়া যান। এবং আমি তাঁহাকে কার্যভার বুঝাইয়া দিয়া আসি। আমি কোহিমায় বাইয়া আমার একজন ডিক্রগড় স্কুলের ছাত্র দণ্ডীরাম দাসকে ২৫ টাকা বেতনের সেকেণ্ড মাষ্টার পাই। দণ্ডীরাম পরে পূর্ত-বিভাগে একটা কার্য পাওয়ায় স্কুল ছাড়িয়া যায় এবং যে পাচকড়ি দেকে সঙ্গে লইয়া গিয়াছিলাম, তাহাকে ঐ পদে নিযুক্ত করাই। পরে শ্রীমৎ রায় নামে একজন গুর্বা কিছুদিন ঐ পদে কার্য করেন। অবশেষে আমি ডিরেক্টর সাহেব বাহাদুরকে লিখিয়া এবং আমার নানা প্রকার অস্থবিধা হইতেছে জানাইয়া আমাদের গ্রামের শ্রীমান্‌ জ্যোতিষ্ময় সেনকে ঐ পদে নিযুক্ত করাই।

ক্রমে ক্রমে অনেক বাঙ্গালী ভদ্রলোক কোহিমায় উপস্থিত হন। মণিপুরের যুদ্ধের সময়েই নৌচুগার্ড হইতে কোহিমা পর্যন্ত এমন কি মণিপুর পর্যন্ত গাড়ী চলাচলের রাস্তা করার আবশ্যকতা গভর্ণমেণ্টের হৃদয়ঙ্গম হয় এবং এজন্ট দুইজন অতিরিক্ত একজিকিউটিভ ইঞ্জিনিয়ার ও একজন সুপারিন্টেণ্ডেন্ট অব্‌ ওয়ার্কস্‌ নিযুক্ত হন। ইহাদের ভিন্ন ভিন্ন অফিসে অনেক কেরাণী, ওভারসিয়ার, সব-ওভারসিয়ার, মহরার এবং ডাক্তার নিযুক্ত হন; সুতরাং অনেক বাঙ্গালী, আসামীয়া, হিন্দুস্থানী, পাঞ্জাবী ও খাসিয়া কোহিমায় আসিয়া উপস্থিত হন। আর যুদ্ধের রসদের বন্দোবস্ত করিবার জন্ত এখানে কমিসেরিয়েট অফিস খুলিতে হয়। কোহিমা এখন প্রকাণ্ড সহরে পরিণত হয়। মণিপুর যুদ্ধের অবসান করিবার জন্য প্রত্যহই অনেক সমর-বিভাগের সাহেব কোহিমা দিয়া মণিপুর বাতায়িত করিতে থাকেন। গাড়ী চলাচলের রাস্তা প্রস্তুত করিবার জন্য শ্রাপার মাইনাস্‌ নামক একদল সৈন্য প্রেরিত হয়। ভিনামাইটের সাহায্যে বড় বড় পাহাড় ডাঙ্গিয়া ফেলা হয়।

ইতিপূর্বে একবার গাড়ী চলাচলের রাস্তা প্রস্তুত করার প্রস্তাব হইয়াছিল। একজিকিউটিভ ইঞ্জিনিয়ার রলো সাহেব তিনলক্ষ টাকা

ব্যয়ে রাস্তা নির্মাণের অল্প একটী হিসাব দিয়াছিলেন। চিক্ ইঞ্জিনিয়ার তখন বলেন যে দেড় লক্ষ টাকার একটা এষ্টিমেট দেওয়া হউক। রলো সাহেব তাহাই দিতে বাধ্য হন। কিন্তু তিনি বলেন যে দেড়লক্ষ টাকায় উক্ত কার্য সমাধা করিতে হইলে যে যে স্থান দিয়া রাস্তা করিতে হইবে তাহা সম্ভবতঃ বর্ষার ধোয়াটে ভাঙ্গিয়া যাইবে। ফলে দেড়লক্ষ টাকার এষ্টিমেট মঞ্জুর হয় এবং কতক পরিমাণে রাস্তাও নির্মিত হয় কিন্তু রলো সাহেবের কথাই সত্য প্রমাণ হয়। এক বর্ষার ধোয়াটেই সমস্ত রাস্তাই ধ্বসিয়া পড়িয় যায় এবং অনর্থক গবর্নমেন্টের প্রায় লক্ষ টাকা অপব্যয় হয়। তারপরে কিছুকাল গাড়ী চলাচলের রাস্তা প্রস্তুত করার প্রস্তাব চাপা পড়িয়া থাকে। যখন মণিপুরে হাঙ্গামা হইল তখন গবর্নমেন্টের জ্ঞান হইল যে গাড়ী চলাচলের রাস্তা প্রস্তুত না করিলে আর চলিবে না। সুতরাং প্রায় সাত লক্ষ টাকা ব্যয়ে গাড়ী চলাচলের রাস্তা প্রস্তুত করিতে হইল। না ঠেকিলে গবর্নমেন্ট টাকা ব্যয় করেন না।

এখন যে সকল বাঙ্গালী কোহিমায় আসিলেন তাঁহাদের মধ্যে অনেকেই আমার পূর্বপরিচিত ও বিশেষ বন্ধু ছিলেন। ইহাদের মধ্যে একজনের নাম শ্রীযুক্ত অম্বিকাচরণ মিত্র। ইনি ধুবড়ী লোকাল্ বোর্ডের অধীনে সব্-ওভারসিয়ার ছিলেন এবং এখন গবর্নমেন্টের অধীনে সব্-ওভারসিয়ার হইয়া কোহিমায় প্রেরিত হইলেন। আর একজন শ্রীবিজয়বন্ধু লাহিড়ী। ইনি ধুবড়ী লোকাল বোর্ডের অফিসে একজন কেরানী ছিলেন। এখন কোহিমার অগ্রতম একজিকিউটিভ্ ইঞ্জিনিয়ার অফিসে কেরানী হইয়া গিয়াছিলেন। আর একজন শ্রীযুক্ত বিপিনবিহারী দাস। ইনিও ধুবড়ীতে পূর্বে সব্-ওভারসিয়ার ছিলেন। বিজয়বন্ধু আমাদের বাসাতেই থাকিতেন।

একাউন্ট্যান্ট গোপীমোহনবাবু অল্পত্র বদলী হইয়া যাওয়াতে তৎপদে শ্রীযুক্ত সিদ্ধেশ্বর রায় আসিলেন। কিছুদিন পরে ইনিও বদলী হইয়া যাওয়াতে শ্রীযুক্ত নবীনকৃষ্ণ ভট্টাচার্য একাউন্ট্যান্ট হইয়া

আসিলেন। শ্রীযুক্ত মাধবেন্দ্র দত্ত স্বামী একজিকিউটিভ ইঞ্জিনিয়ার অফিসে হেড্‌ক্লার্ক হইয়া আসিলেন। পরে শ্রীযুক্ত নীলারাম বড়ুয়া ঐ অফিসে আর একজন কেরানী হইয়া আসিলেন। মাধবেন্দ্রবাবুর বাড়ী ডিব্রুগড়ে ও নীলারাম বাবুর বাড়ী গোঁহাটীর নিকটে ব্রহ্মপুত্র নদের অপর পারে ছিল। কোহিমায় এখন নূতন নূতন লোক আসায় কোহিমার বাঙালী ও আসামীয়া সমাজের হাওয়া ফিরিয়া গেল। এখন আর কেহ লোক দেখাইয়া যথেষ্টাচার করিতে সাহস পাইতেন না। রাণীগঞ্জের নিকট নাচনপারল নামক একটা পল্লীর শ্রীযুক্ত প্রমথনাথ বন্দ্যোপাধ্যায় এল, এম, এস্, এসিষ্ট্যান্ট সার্জেন হইয়া আসিলেন। নূতন কাটরোডের লোকজনদিগের চিকিৎসার জন্ত লাহোর মেডিক্যাল কলেজের ডিপ্লোমা-প্রাপ্ত পণ্ডিত অযোধ্যাপ্রসাদ ঐ বিভাগের এসিষ্ট্যান্ট সার্জেন হইয়া আসিলেন। অমৃতলাল বসু নামে আমার পূর্দপরিচিত একব্যক্তি সব-এসিষ্ট্যান্ট সার্জেন হইয়া আসিলেন। নদীয়া জেলার শ্রীযুক্ত শ্রীহরি মুখোপাধ্যায় সব-এসিষ্ট্যান্ট সার্জেন হইয়া আসিলেন; কিন্তু ইহাকে কোহিমা হইতে অনেক দূরবস্তী স্থানে পাঠান হইয়াছিল। আমার বাসায় একজন নওগাঁ জেলা-নিবাসী আসামীয়া ব্রাহ্মণকে পাচকের কার্যে নিযুক্ত করিয়া আমরা ৪৫ জনে একত্রে খাওয়া দাওয়া করিতে লাগিলাম। আগে কোন হিন্দু-ধর্ম্মাংশদ্বী ব্যক্তি কোহিমায় আশিলে থাকিবার স্থান পাইতেন না; এখন আমার বাসায় ব্রাহ্মণ পাচক ও হিন্দু চাকর থাকাতে অনেক গোড়া হিন্দুও আসিয়া আমার বাসায় উঠিয়া দুই চারি দিন থাকিবার সুবিধা পাইলেন। ক্রমে একজন সন্ন্যাসীকে পাইয়া আমরা একটা হিন্দু সভার প্রতিষ্ঠা করিলাম। কোহিমা এখন নূতন আকার ধারণ করিল। সৌভাগ্যের বিষয় সকল লোকেই আমার প্রতি ভালবাসা জন্মিল। কোন কাজ করিতে হইলে আমার সহিত সকলেই পরামর্শ করিতেন। কোহিমায় জুর্গেৎসবের সময়ে মিলিটারী পুলিশের হিন্দু কর্মচারিগণ ও রেজি-

মেণ্টের হিন্দু কৰ্মচারিগণ মহা ধুমধামের সহিত পূজা করিতেন। নাচ, গান খুবই হইত। সাহেবরাও ঐ আমোদ প্রমোদে যোগ দিতেন। তবে প্রতিমা নিৰ্মাণ করিয়া পূজা হইত না। নবীনকৃষ্ণ ভট্টাচার্য্য একাউন্ট্যান্ট গোঁড়া হিন্দু ছিলেন এবং ইহঁার শাস্ত্রজ্ঞান ও দশকৰ্মকরার জ্ঞানও যথেষ্ট ছিল। ইহঁাকে পাইয়া আমরা মহাষ্টমীর দিন মায়ের পূজা করিয়াছিলাম।

### এ, ডব্লিউ ডেভিস্ নাগা হিলের ডেপুটী কমিসনার

আমি যখন কোহিমায় যাই তখন এ, ডব্লিউ, ডেভিস্. (A. W. Davis) আই, সি, এস, নাগা হিলস্ জেলার (কোহিমার) ডেপুটী কমিসনার ছিলেন। ইনি বিলক্ষণ শাস্ত্র, শিষ্ট ও ভদ্রলোক ছিলেন। পরে ইনি দীর্ঘকালের জ্ঞাত বিদায়ে যাওয়াতে মোককুং মহকুমার ভারপ্রাপ্ত কৰ্মচারী ক্যাপ্টেন্ উড্ (Captain wood) ডেপুটী কমিসনার হইয়া আসেন। ডেভিস্ সাহেব পরে ইনস্পেক্টর-জেনারেল অব পুলিশ হইয়াছিলেন। আমার কোহিমা থাকা কালে নিম্নলিখিত কয়েকটি উল্লেখযোগ্য ঘটনা ঘটিয়াছিল।

কোহিমা হইতে প্রায় ৬ মাইল দূরে নীচের দিকে জুব্জা বলিয়া একটা স্থান ছিল ও এখনও আছে। এই স্থানে গিরিশচন্দ্র মজুমদার নামে নূতন কার্টরোডের একজন ওভারসিয়ার ছিলেন। ইনি আমার একজন বন্ধুর জামাতা ছিলেন। মফঃস্বলে যাইবেন বলিয়া বাহির হইয়াছেন এমন সময়ে ইনি হঠাৎ অজ্ঞান হইয়া পড়েন। তাঁহার অধীনস্থ একজন নাগাকুলি এই সংবাদটা আমাদের কাছে কোহিমায় আসিয়া দিল। এই সংবাদ পাইয়াই আমরা মিলিটারি পুলিশ-হাসপাতাল হইতে একখানি ট্রেচার খাট সংগ্রহ করিয়া আটজন নাগা কুলি দিয়া জুব্জায় পাঠাইয়া দিলাম; এবং গিরিশবাবুকে কোহিমায় আনাইলাম। প্রথমে যানবেন্দুবাবুর বাসায় তাঁহাকে আনা হইল। সেখানে রাখিয়া



চিকিৎসার ভাল বন্দোবস্ত হইবে না বলিয়া কেল্লার মধ্যে ডাকঘরে তাঁহাকে লইয়া যাওয়া হইল। কেল্লার মধ্যে গভর্ণমেণ্টের সমস্ত কাছারি, ট্রেজারি বা মালখানা, ডাকঘর ও মিলিটারি হাসপাতাল ছিল। এই সময়ে ডাক্তার বার্ড ( উত্তরকালের কলিকাতা মেডিক্যাল কলেজের সুপ্রসিদ্ধ অস্ত্র-চিকিৎসক ) কোহিমার রেজিমেণ্টের সার্জন ছিলেন।

ডাক্তার বার্ডকে সংবাদ দিবামাত্রই তিনি রোগীকে দেখিতে আসিলেন। রোগীর নাম গিরিশ শুনিয়া তিনি রোগীর কাণের নিকট মুখ দিয়া গিরিশ গিরিশ করিয়া চীৎকার করিতে লাগিলেন। কিছুতেই তাঁহার সংজ্ঞালাভ হইল না। গিরিশ কোনরূপ নেশা করিতেন কিনা তাহাও জিজ্ঞাসা করিলেন। শুনিলেন যে গিরিশ তামাক পর্য্যন্ত খায় না। নাসিকার দ্বারা দিয়া তাঁহাকে ঔষধ সেবন করান ও তরল খাদ্য প্রদান করিতে হইত। এইরূপে ৫৭ দিন গেল। হঠাৎ একদিন বেলা ১১ টার সময়ে গিরিশ শয্যা ত্যাগ করিয়া উঠিয়া ঘরের দেওয়ালের গায়ে পিঠ দিয়া বলিতে লাগিল যে দেওয়ালটা ঝাঁকা হইয়াছে। ঠেলিয়া সোজা করিয়া দাও। তারপর কয়েকদিন গিরিশ পাগলের মত হইয়া পড়িল। বার্ড সাহেবের সূচিকিৎসায় রোগী রোগমুক্ত হইল। এই সময়ে ডাক্তার বার্ড আমাদেরকে বলিয়া দিয়াছিলেন যে যখনই তাঁহাকে ডাকা আবশ্যক হইবে তখনই তাঁহাকে ডাকিতে পারিব। ডাক্তার বার্ড মিলিটারী হাসপাতালের ডাক্তারকে বলিয়া দিয়াছিলেন যে বাবুদের যখন যাহা আবশ্যক হইবে তখনই তিনি যেন উহা দেন। আর একটা ঘটনা এই আমাদের শান্তিপুরের শ্রীযুক্ত আশুতোষ মুখোপাধ্যায় কোহিমার ইঞ্জিনিয়ার অফিসের একজন কেরানী ছিলেন। তিনি আমার বাসার অতি নিকটেই অল্প বাসায় সঙ্গীক বাস করিতোছিলেন। তিনি সময়ে সময়ে অতিরিক্ত মদ খাইয়া অজ্ঞান হইয়া যেখানে সেখানে পড়িয়া থাকিতেন। ইহার জীব বয়স খুবই কম ছিল এবং তখন সসজ্জা ছিলেন। মধ্যে মধ্যে ইহার প্রায়ই জ্বর হইত এজন্য ইহাদেরই আহ্বারাদির

বিশেষ অস্থবিধা হইত। আমাদের বাসায় পাচক ব্রাহ্মণ ছিল। বন্দোবস্ত করিয়া দিয়াছিলাম যে 'আশুবাবু আমাদের বাসায় থাইয়া যাইবেন এবং আমাদের পাচক ব্রাহ্মণ তাঁহার জীৱ জন্ত খাবার তাঁহার বাসায় দিয়া আসিবে। অবশ্য খোরাকি খরচ তিনি হিসাব মতন দিবেন। এইরূপে দুই তিন মাস গেল, হঠাৎ আশুবাবুর জীৱ অত্যন্ত জ্বর হইল। তখন তিনি ৯ মাস সসত্তা। চিকিৎসার বন্দোবস্ত হইল। দুই তিনজন ডাক্তার বলিলেন যে গর্ত্ত্ব সন্তানটাকে নষ্ট করিয়া বাহির করিয়া ফেলিতে হইবে নচেৎ রোগিনীর রোগমুক্ত হওয়া সম্ভবপর হইবে না।

### এসিষ্ট্যান্ট সার্জেন ডাক্তার প্রমথবাবু বন্দ্যোপাধ্যায়

এসিষ্ট্যান্ট সার্জেন প্রমথবাবু বলিলেন যে আমি কিছুতেই গর্ত্ত্ব সন্তান নষ্ট করিতে প্রস্তুত নহি। একদিন রোগিনীর রোগ অতিশয় বৃদ্ধি প্রাপ্ত হইল। তাঁহার জীবনের আশা ত্যাগ করিতে হইল। প্রমথবাবু আমাকে দুইটি ঔষধ দিয়া বলিয়া দিলেন যে ১৫ মিনিট অন্তর ঔষধ দুইটি পাণ্টাপাণ্ট করিয়া দেবন করাইতে হইবে। তাহাই করিতে লাগিলাম; পরে এরূপ অবস্থা হইল যে রোগিনীর শরীরের তাপ পাওয়া দুষ্কর হইল। তখন প্রমথবাবু বলিলেন যে প্রসব-বেদনা না হইলে আর শরীরের তাপ বৃদ্ধি হইবে না। এদিন মহালয়া। কোহিমায় তখন শীতও খুব বেশী। কোহিমায় ভাল ধাত্রী পাওয়া যাইত না। একজন চামারনৌ ধাই ছিল। তাহাকে আনিয়া রোগিনীর নিকট রাখা হইল। শুনিলাম রেজিমেণ্টের একজন জমাদারের জীৱ প্রসব-কার্য্যে খুব দক্ষ। রেজিমেণ্টের স্ববেদার মেজর শ্রীযুক্ত মহেশচন্দ্র থাপার সহিত আমার বিলক্ষণ বন্ধুত্ব ছিল। তাঁহাকে চিঠি লিখিয়া ঐ জমাদারের জীৱকে আনাইবার বন্দোবস্ত করিলাম। জমাদার এই কথা শুনিয়া বলিল যে তাহার জীৱকে বাঙ্গালীর বাসায় পাঠাইয়া দিবে

না। আবার মহেশ খাপাকে চিঠি লিখিলাম। তিনি তদুত্তরে জানাইলেন যে তাঁহার পুত্রকে সঙ্গে দিয়া তিনি শীঘ্রই ঐ জমাদারের জ্বীকে পাঠাইয়া দিতেছেন। খানিক পরে তাঁহার ঐ পুত্র, জমাদারের জ্বী ও অপর একটা সিপাহীর জ্বীর সহিত আশুবাবুর বাসায় আসিলেন। মহেশ খাপার পুত্রও রেজিমেন্টের একজন জমাদার ছিলেন। আশুবাবু মাঝে একবার বাসায় আসিয়া আজ আবার মহালয়া বলিয়া যে পাত্রে আশুন জনিতেছিল তাহাতে আর কয়েকখানি কাঠ দিয়া কোথাঘ চলিয়া গেলেন জানিতে পারা গেল না। এসিষ্ট্যান্ট সার্জেন প্রমথবাবু ও আর ২ জন সব-এসিষ্ট্যান্ট সার্জেন তথায় বসিয়াছিলেন। খানিক পরে খাই চামারনী বলিয়া উঠিল যে বাবু একটা কি বাহির হইতেছে। এট কথা শুনিয়াই প্রমথবাবু বলিলেন দেখ কি বাহির হইতেছে। জমাদারের জ্বী হাত দিয়া দেখিল ও একটা সন্তান ভূমিষ্ট হইল। ভূমিষ্ট হইয়া সন্তানটা কাঁদিল না। প্রমথবাবু সন্তানটাকে হাতে লইয়া আস্তে আস্তে তাহার গায়ে খাবড়া দিতে লাগিলেন, পরে সন্তোজাত সন্তানটা কাঁদিয়া উঠিল। তখন প্রমথবাবু আমাকে বলিলেন যে দেখুন মাষ্টার মহাশয়, জীবিত সন্তানকে কি নষ্ট করা উচিত হইত? প্রসূতি তখন সংজ্ঞা লাভ করিয়া বলিলেন যে আমার বান্ধব মধ্যে গরম কাপড়-চোপড় আছে; কিন্তু বান্ধব চাবি বাবুর কাছে। অনুসন্ধান করিয়া বাবুকে অস্ত্র বাসায় পাইয়া তাঁহার নিকট হইতে চাবি লইয়া গরম কাপড়-চোপড় বাহির করিয়া প্রসূতিকে ও সন্তানকে দেওয়া হইল। পরদিন ডাক্তার বার্ড প্রমথবাবুর মুখে সমস্ত শুনিয়া আমাদের বাসায় আসিলেন। সন্তানটা তখন পঞ্চাশ মলত্যাগ করে নাই বলিয়া ডাক্তার বার্ড আমাকে একটা কুইলপেন আনিতে বলিলেন এবং সন্তানটাকে হাতে লইয়া তাহার গুহদ্বারে কুইলপেনটা প্রবেশ করাইয়া দিয়া বলিলেন যে মলদ্বার আছে। পরে মলত্যাগ করিবে। আশুবাবু খানিক পরে বাসায় আসিয়া বলিলেন যে মাষ্টার, আমার বাসায় ইংরাজী

বাজনা কেন? " ডাক্তার বার্ড আসিরাছিলেন বলিয়া আশুবাবু এই কথা বলিলেন। আমি বলিলাম তোমার ছেলে হইয়াছে, আনন্দ উৎসব করিবার জন্য ইংরাজী বাজনা আনা হইয়াছিল। এই সময়ে আমার ভ্রাতৃপুত্র শ্রীমান্ সুরেন্দ্রনাথ আমার বাসায় ছিল। সে প্রসূতি ও প্রসূতের যথেষ্ট যত্ন করিয়াছিল। সেই উহাদিগকে রীতিমত ঔষধ সেবন করাইত ও পথ্যাদি দিত। সে এই সব কাজে খুবই মজবুত। এই সময়ে কোহিমায় খুব বৃষ্টি হইতেছিল। আশুবাবুর ঘরখানির মধ্যে বৃষ্টির জল খুবই পড়িতে লাগিল। মিলিটারী পুলিশ-হাসপাতাল হইতে একখানি ট্রেনচার আনাইয়া তাহার উপরে প্রসূতিকে শোয়াইয়া আমরা কাঁধে করিয়া তাঁহাকে অন্য বাসায় লইয়া গেলাম। মাস খানেকের মধ্যে প্রসূতি বেশ সুস্থ হইলেন ও সন্তানটীও দিন দিন বৃদ্ধিপ্রাপ্ত হইতে লাগিল। দেশ হইতে ইলিশ মাছ টীনে করিয়া তেল ও লবণ দিয়া রক্ষিত করিয়া ডাকঘোণে উহা কোহিমায় লইয়া গিয়া ঐ ছেলের অন্নপ্রাশন-কার্য সম্পন্ন করা হইয়াছিল। আমি কোহিমা হইতে বদলী হইয়া যখন চলিয়া আসি তখন আশুবাবুর স্ত্রী কাঁদিতে লাগিলেন এবং বলিতে লাগিলেন যে হয়ত পূর্বজন্মে আমি তাঁহার পিতা ছিলাম; নচেৎ এত যত্ন করিব কেন? তিনি নিজ হস্তে রন্ধন করিয়া আমাকে খাওয়াইয়া বিদায় দিয়াছিলেন। এই মেয়েটির নাম ছিল শ্রীমতী ভুবনেশ্বরী দেবী। মেয়েটী বড়ই শাস্ত, স্বশীলা ও শিষ্টা ছিলেন। ডাক্তার প্রমথবাবুর সহিত আশুবাবুর ভাল ভাব ছিল না। ডাক্তারবাবু কেবল আমার খাতিরেই এই মেয়েটির জীবন-রক্ষার জন্য এত যত্ন, চেষ্টা ও পরিশ্রম করিয়াছিলেন। তিনি স্পষ্টই এই কথা বলিয়াছিলেন। আমাকে খাতির করার কারণ এই যে ডাক্তারবাবুর ইতিপূর্বে একবার জ্বর হইয়াছিল; তাঁহার জ্বর হইলে তাঁহার চৈতন্য প্রায়ই লুপ্ত হইত। যেদিন জ্বর হইয়াছিল সেইদিন তাঁহার বাজলোয় আমি দেখা করিতে যাওয়ায় আমাকে বলিয়াছিলেন যে মাষ্টার মহাশয়, আমার

জর হইলে আমার সংজ্ঞা থাকে না। রাত্রিতে আমি আমার নিকট আপনাকে থাকিতে হইবে। যদিও এলিষ্ট্যান্ট সার্জন পণ্ডিত অযোধ্যা-প্রসাদ তাঁহার বাঙ্গলোয় থাকিতেন। আমি সমস্ত রাত্রি একখানি চেয়ারে বসিয়া তাঁহার মাথায় অনবরত জলপটি দিয়াছিলাম। ডাক্তারবাবুর বাঙ্গলো আমাদের বাসা হইতে অনেক দূরে ও থটের মধ্যে ছিল।

### আসামের চিক্ কমিসনার ওয়ার্ড সাহেবের

#### কোহিমায় গমন।

আমার কোহিমা থাকাকালে আসাম-প্রদেশের মাননীয় চিক্ কমিসনার সার্ উইলিয়ম ওয়ার্ড একবার কোহিমায় গিয়াছিলেন। তখন দোলের উৎসবে সমস্ত কাছারি ও স্থল বন্ধ ছিল। ঐ সময়ে বিলক্ষণ ভাবে বসন্ত রোগও দেখা গিয়াছিল; সুতরাং চিক্ কমিসনার বাহাদুর কোহিমায় দুই একদিনের জন্তও অবস্থান করেন নাই। ডেপুটী কমিসনার ডেভিস্ সাহেবের বাঙ্গলোয় উঠিয়াছিলেন এবং তথা হইতে আমাকে ডাকিয়া পাঠাইয়াছিলেন। কোহিমায় গিয়া তথাকার জলবায়ুর গুণে আমি বিলক্ষণ হতপুষ্ট হইয়াছিলাম। সুতরাং আমার পূর্বেকার চোগা-চাপকান্ আমার গায়ে লাগিত না। আমি অতি সাবধানে আমার পূর্বেকার চোগা-চাপকান্ গায়ে দিয়া গিয়াছিলাম। প্রতি মুহূর্তেই ভয় হইতেছিল যে আমার চাপকান্ ফাটিয়া যাইবে এবং আমি অপ্রতিভ হইয়া পড়িব।

### আসামের চিক্ ইঞ্জিনিয়ার রাইট সাহেব

এই সময়ে আসাম-প্রদেশের চিক্ ইঞ্জিনিয়ার ছিলেন রাইট সাহেব (Wright)। ইনি বাতে পঙ্কু ছিলেন। অফিসেও বাইতে পারিতেন না। শিলংএ নিজের বাঙ্গলোতে একখানি আরাম কেদারায় সর্বদাই পড়িয়া থাকিতেন এবং উহাতেই শুইয়া শুইয়া কাগজপত্র স্বাক্ষর করিতেন। তবে খুব ভাল ইঞ্জিনিয়ার ছিলেন। হঠাৎ একদিন কোহিমায়

ইঞ্জিনিয়ার অফিসে তাঁহার চিঠি আসিল যে তিনি অস্বাস্থ্যবোধে শিলং হইতে বাহির হইয়াছেন এবং কোহিমা হইয়া মণিপুর পর্য্যন্ত যাইবেন। তিনি যে অস্বাস্থ্যবোধে কোহিমায় আসিতেছেন এ কথা আমরা কেহই বিশ্বাস করিতে পারিলাম না। কিন্তু নিদিষ্ট দিনে তিনি অস্বাস্থ্যবোধে কোহিমায় আসিয়া পৌঁছিলেন। আমরা তাঁহাকে কোহিমায় প্রত্যক্ষ দেখিয়া বিস্মিত হইলাম। এই সময় কোহিমায় খুব বসন্ত রোগের প্রাদুর্ভাব হইয়াছিল। ডাক্তারী চিকিৎসায় বসন্ত রোগের কিছুই প্রতিকার করিতে পারে নাই। অনেকগুলি নাগা ও কয়েকজন আসামীয়া এই রোগে মারা গিয়াছিল। রাইট্ (Wright) সাহেব কোহিমায় উপস্থিত হইয়া বসন্ত রোগের প্রাবল্যের কথা শুনিয়া জিজ্ঞাসা করিলেন যে, উহার উপশম জন্ত কি উপায় অবলম্বিত হইয়াছে। শুনিলেন ডাক্তার চিকিৎসা হইতেছে। শুনিয়া বলিলেন উহাতে কোন সফল হইবে না। কথায় কথায় শুনিলেন যে একজন সন্ন্যাসীও ঔষধ দিতেছেন। সন্ন্যাসীর কথা শুনিয়া বলিলেন যে ভাল সন্ন্যাসী হইলে রোগের প্রতিকার হইতে পারিবে। এই কথা বলিয়াই নিজের ক্রুরূপে রোগমুক্ত হইয়াছিলেন বলিতে লাগিলেন। বলিলেন যে আমি অশ্রুদিন যেমন আরাম কেদারায় পড়িয়া থাকি, রোগমুক্তির দিনও সেইরূপে পড়িয়া ছিলাম। হঠাৎ একজন উলঙ্গপ্রায় সন্ন্যাসী আমার বাগলোয় আসিয়া বারান্দায় আমি যেখানে ছিলাম সেইখানে একখানি ব্যাজচর্ম খিছাইয়া ঠিক আমার সম্মুখে বসিল এবং একদৃষ্টিতে আমার দিকে চাহিয়া রহিল। আমি ত তাঁহাকে এইরূপে বসিয়া থাকিতে দেখিয়া বড়ই বিরক্ত হইলাম। খানিকক্ষণ পরে সন্ন্যাসী আমাকে বলিল “সাহেব তুমি এমন করিয়া পড়িয়া আছ কেন” আমি বলিলাম যে আমি বাতে পড়ু। আমার উঠিবার শক্তি নাই। সন্ন্যাসী বলিল তুমি উঠ দেখি। আমি বলিলাম আমি উঠিতে পারিবে না। সন্ন্যাসী আমাকে ধমক দিয়া বলিল “তোমাকে উঠিতেই হইবে।” আমি ছড়িতে ভর

দিয়া উঠিলাম। সন্ধ্যাসী বলিল ছড়িতে ভর দিয়া দাঁড়াইতে হইবে না উহা ছাড়িয়া দাও। পরে আমাকে হাঁটিতে বলিল এবং ধমক দিয়া আমাকে হাঁটাইল; কোন ঔষধ দিল না। আমি হাঁটিতে আরম্ভ করিলাম। সন্ধ্যাসী চলিয়া গেল আর তাহার দেখা পাইলাম না। এইরূপে আমি রোগমুক্ত হইলাম। এখন দেখিতেছ আমি ঘোড়ায় চড়িয়া শিলং হইতে বাহির হইয়া কোহিমায় আসিয়াছি এবং মণিপুর বাইতেছি। নানা প্রকার ঔষধ ব্যবহার করিয়া আমার রোগের কিছুই উপশম হয় নাই। আশ্চর্য্য রোগমুক্তি !

আমি কোহিমা হাই-স্কুলে ১৮৯১ সনের ১০ই জুলাই হইতে ১৮৯৩ সনের ২রা মার্চ পর্য্যন্ত একটিং হেড্ মাষ্টার ছিলাম এবং এই কালের জ্ঞান মাসিক ২৫ টাকা হিসাবে বেতন পাইয়াছিলাম। ১৮৯৩ সনের ৪ঠা মার্চ হইতে ঐ সনের ১১ই নভেম্বর পর্য্যন্ত তৎকালের জ্ঞান স্থায়ী হেড্ মাষ্টার হইয়াছিলাম এবং এই সময়ের জ্ঞান মাসিক ১০০ টাকা বেতন পাইয়াছিলাম। কোহিমা হাই-স্কুলের কার্য্যভার শ্রীযুক্ত পদ্মনাথ বড়ুৱাকে বুঝাইয়া দিয়া আমি কোহিমা পরিত্যাগ করিয়া বাড়ী আসিবার জ্ঞান রওনা হইলাম। ইতিপূর্বেই তিন সপ্তাহের অন্ত্রগ্রহ-বিদ্যায়ের জ্ঞান প্রার্থনা করিয়াছিলাম। ১২ই নভেম্বর হইতে ২রা ডিসেম্বর পর্য্যন্ত ঐ বিদ্যায়ও মঞ্জুর হইয়াছিল। এই বিদ্যায়ান্তে নগরী হাই-স্কুলের হেড্ মাষ্টারের কার্য্যভার গ্রহণ করিবার কথা ছিল। আমার মধ্যমা কন্ঠার শুভ পরিণয় কার্য্য সম্পন্ন করিবার জ্ঞান এই বিদ্যায় আবশ্যক হইয়াছিল।

আনি যখন কোহিমা ছাড়িয়া আসি, তখন নীচুগার্ড হইতে কোহিমা পর্য্যন্ত নূতন কার্টরোড বা গাড়ী চলার রাস্তা একপ্রকার হইয়া গিয়াছিল। কোহিমা ছাড়িবার দুইদিন পূর্বে আমার ভৃত্য স্থানকে আমার জিনাস-পত্র লইয়া গরুর গাড়ীতে নীচুগার্ড পাঠাইয়া দিয়াছিলাম। পরে আমি ১২ই নভেম্বর তারিখে বাদবেন্দুবাবুর ঘোড়াটা চাহিয়া লইয়া উহাতে চড়িয়া নীচুগার্ডে ঐ দিন সন্ধ্যার পরে পৌছিয়াছিলাম। কেকাইতুল্লা

নামে আমার একটি ডিক্রগড়ের ছাত্র তখন কোহিমায় পূর্ব-বিভাগে কাজ করিতেছিলেন। তাঁহার ঘোড়াটিও তিনি একদিনের জন্ত আমাকে দিতে চাহিয়াছিলেন। দুইটি ঘোড়ার ডাক বসাইয়া আমার নীচুগাড়ে আসিবার কথা ছিল। কিন্তু আসিবার দিন তাঁহার ঘোড়াটি পাওয়া গেল না। পাংগাডিয়া রাস্তায় একটি ঘোড়ায় ২২।২৩ মাইল রাস্তা আসিতে হইলে ঘোড়ার খুবই কষ্ট হয়। এই জন্ত দুইটি ঘোড়ার বন্দোবস্ত করা হইয়াছিল। কেফাইতুল্লার ঘোড়াটি না পাওয়াতে যাদবেন্দুবাবুকে বলিলাম তবে কি করিব? যাদবেন্দুবাবু অতি ভদ্রলোক ছিলেন। তিনি বলিলেন যে, কোন বন্ধুর উপকার করিতে গিয়া যদি ঘোড়ার কষ্ট হইবে বলিয়া ঘোড়া না দিই তাহা হইলে এমন ঘোড়া রাখিয়া লাভ কি। আপনি আমার ঘোড়াটি লইয়া অনায়াসেই যাইতে পারেন। যাদবেন্দুবাবুর ঘোড়াটি মণিপুরী-কষ্টসহিষ্ণু ঘোড়া ছিল, আকারেও কিছু বড় ছিল। ঐ দিন কোহিমা বাজারের গোপীঠাকুর নামে একজন দোকানদারেরও ঘোড়ায় চড়িয়া নীচুগাড়ে আসিবার কথা ছিল। কিন্তু আহার করিতে একটু বিলম্ব হওয়ায় গোপীঠাকুর আমার আগেই চলিয়া আসিলেন। আমি যাদবেন্দুবাবুর এই ঘোড়াটিতে পূর্বে আর একদিন চড়িয়া পিফিমা নামে একটি বিখ্যাত নাগাবস্তি দেখিতে গিয়াছিলাম। সুতরাং ঘোড়াটির স্বভাব ও গতির বিষয় অবগত ছিলাম। যখন ঘোড়ায় উঠিয়া কোহিম ছাড়া তখন আন্তে আন্তে ঘোড়া হাঁটাইয়া লইয়া আসিতে লাগিলাম। উহা দেখিয়া কয়েকটি বন্ধু বলিলেন যে এইভাবে গেলে নীচুগাড়ে পৌছিতে অনেক রাত্রি হইয়া যাইবে এবং পাহাড়ে রাস্তায় বহু হিংস্র জন্তু থাকায় বিপদের আশঙ্কাও বড় কম হইবে না। বাহা হউক মাইল খানিক রাস্তা আন্তে আন্তে আসার পরে ঘোড়াকে দ্রুত বেগে চালাইতে লাগিলাম। গোপীঠাকুর যদিও আমার দুই ঘণ্টা পূর্বে বাহির হইয়াছিলেন তথাপি মধ্য রাস্তায় আসিয়া তাঁহাকে ধরিলাম এবং খানিকপরে তাঁহাকে পশ্চাতে ফেলিয়া আসিলাম। নীচুগাড পৌছিতে



সন্ধ্যা অতীত হইয়া যাওয়াতে আমার ভৃত্য শ্রাম, আমি আসিতেছি কিনা দেখিবার জন্ত খানিকদূর উপরে গিয়াছিল। নীচুগাড হইতে গো-বানে উঠিয়া তিনদিনে গোলাঘাটে পৌছিয়া ভড় কোম্পানির অতিথি হইলাম। এখানে পূর্বকার গরুর গাড়ীখানি ছাড়িয়া দিলাম। এদিকে আমার কন্যার বিবাহের দিন নিতান্ত নিকট হইয়া পড়িয়াছে, সুতরাং গোলাঘাটে আর থাকিতে পারিলাম না। যেদিন গোলাঘাটে পৌছিয়া-ছিলাম সেই দিন রাত্রিতেই ভড় কোম্পানির একখানি ভাল গরুর গাড়ী লইয়া নিগ্রিটিং অভিমুখে রওনা হইলাম। গাড়ীর গরু দুইটি খুবই ভাল ছিল। কিন্তু দুঃখের বিষয় গাড়োয়ানটী মদ খাইয়া নেশায় অভিভূত হইয়া পড়িয়াছিল। তাহার গাড়ী চালানর দোষে গাড়ীখানি অতি উচ্চ রাস্তা হইতে একটী ধান-ক্ষেতের মধ্যে পড়িয়া গিয়াছিল। ধান-ক্ষেতের মধ্যে জল ও কাদা ছিল। আমার জিনাসপত্রসহ গাড়ী নামেত ধান-ক্ষেতের মধ্যে পড়িয়া গেলাম। সঙ্গে আলো ছিল না তবে রাত্রিটা জ্যোৎস্না রাত্রি ছিল। আমরা ক্ষেতের মধ্যে পড়িয়া গিয়া উপরে উঠিবার রাস্তা খুঁজিয়া পাইতেছিলাম না। চীৎকার করিতেছি, এমন সময়ে দুইটি ভদ্রলোক সেই স্থানে উপস্থিত হইয়া বলিলেন “ভয় নাই আপনাকে উঠাইয়া দিতেছি, আপনার অশ্বেষণেই আমরা এখানে আসিয়াছি। নিগ্রিটিংএর পোষ্টনাষ্টার বাবুর জন্ত কয়েকটা দ্রব্য আপনার সহিত পাঠাইয়া দিব বলিয়া আমরা ভড় কোম্পানির দোকানে গিয়া শুনিলাম আপনি অল্প পুৰ্বেই বাহির হইয়া আসিয়াছেন। এই জন্তই আপনার অশ্বেষণে এই পর্য্যন্ত আসিয়াছি”। ইহারা আমাকে হাত ধরিয়া তুলিলেন। মঙ্গলময় শ্রীশ্রী ভগবান্ আমাদিগকে বিপদ হইতে এইরূপে উদ্ধার করিলেন। আমার ভৃত্য শ্রাম, ভড় কোম্পানির দোকানে কৃষ্ণলালবাবুকে এই বিপদের সংবাদ দিবামাত্রই কৃষ্ণলালবাবু আর একজন ভাল গাড়োয়ান পাঠাইয়া দিয়াছিলেন এবং আর দুইজন বলিষ্ঠ লোক পাঠাইয়া দিয়া গাড়ীখানি ধান-ক্ষেত হইতে উঠাইয়া দিয়াছিলেন।

রাত্রিশেষে আমরা নিশ্চিটিং ঘাটে পৌছিয়া ষ্টিমারে উঠিয়া বাড়ী রওনা হইলাম এবং নির্দিষ্ট সময়ে বাড়ী আসিয়া পৌছিলাম।

বাড়ী আসিয়া মধ্যমা কন্ঠার শুভবিবাহ কার্য সম্পন্ন করিয়া সমস্ত মত নগরায় পৌছিবার বন্দোবস্ত করিলাম। যাইবার জন্য দিন দেখিয়া যাত্রা করিয়া আমার ভাগিনেয় শ্রীমান্ কালীপদর বাড়ীতে আমার স্ত্রী ও ছেলে মেয়েগণকে পাঠাইয়া দিলাম। এমন সময়ে শ্রীমান্ বিপিনবিহারী ইন্ডের প্রথম স্ত্রী শ্রীমান্ বিশ্বেশ্বর দাসের কনিষ্ঠা ভগিনী বিনোদিনী মারা গেলেন। ইহা অনেক দিন অবধি ম্যালেরিয়া জরে ভুগিতেছিলেন, এবং মৃত্যুর সময়ে তাহার দীর্ঘ শ্রীমতী সারদার বাড়ীতে ছিলেন। ইহা হঠাৎ মারা যাওয়াতে বিপিন ইন্ডের ছোট পিনীমা বলিলেন যে বাড়ীর একটা বোঁ মারা গেল এ অবস্থায় আজ তোমাদের কিছুতেই যাওয়া হইতে পারে না। সুতরাং যাত্রা ভঙ্গ করিয়া আমাদের বাড়ী ফিরিতে হইল, এবং একটা আকস্মিক বিপদ আমাদের ঘাড়ে আসিয়া চাপিল। সম্প্রতি আমার মধ্যমা কন্ঠার বিবাহ হইয়া গিয়াছে তখনও আমাদের বাড়ীতে দুই একটা কুটুম্বিনী আছেন। আমার জ্যেষ্ঠা কন্ঠা পীড়িতা সে একটা ঘরে শুইয়া আছে। আমার দ্বিতীয় পুত্র অমলের বয়স তখন আটাই বৎসর তাহারও মধ্যে মধ্যে জ্বর হইত। ডাক্তার কুঞ্জবাবুর ব্যবস্থামত তাহাকে তখন এটকিন্স সিরাপ সেবন করান হইতেছিল। তাহার জ্বর সন্ধ্যার পরে আমার স্ত্রী অল্প ঘরে দুধ গরম করিতে গেছেন; যে ঘরে আমার জ্যেষ্ঠা কন্ঠা শুইয়াছিল সেই ঘরের ছায়াবের মাঝে একটা কেরোসিনের কুপি জলিতেছিল। আমার দাদার ঘরে কয়েকটা স্ত্রীলোক গল্প করিতে ছিলেন। আমার মেজ ও সেজ মেয়ে প্রভৃতিও আমার দাদার ঘরে ছিল। অমল তাহাদের নিকট গল্প শুনিতে যাইতেছিল। তখন শীতকাল। তাহার গায়ে জামা ও দোলাই ছিল। কেরোসিনের কুপির নিকট দিয়া যাইবার সময়ে তাহার গায়ের কাপড়ে আগুন ধরিয়া গিয়াছিল। সে চীৎকার করিয়া উঠায় আমার স্ত্রী বলিয়া উঠিলেন, এ

বুঝি আমার ছেলে পুড়িয়া গেল। সকলে দৌড়াদৌড়ি করিয়া তাহার নিবটে আসিল। আমার দাদার স্ত্রী তাহার গায়ের কাপড় খুলিতে গিয়া তাড়াতাড়ি করাতে তাহার হাতের অনেকটা চামড়া উঠিয়া গিয়াছিল। আমি তখন বাড়ী ছিলাম না। সেই দিন বিকালবেলা শুনিয়াছিলাম যে আমার প্রিয় সহাধ্যায়ী বিখ্যাত গায়ক পুণ্ডরীকাক্ষ মুখোপাধ্যায় জামালপুর হইতে বাড়ী আসিয়াছেন। বহুকাল তাহার সহিত আমার সাক্ষাৎ হয় নাই। তাঁহাকে দেখিবার জন্ত ও তাঁহার গান শুনিবার নিমিত্ত আমার অন্ততম সহাধ্যায়ী হরিচরণ মিত্রের সহিত শান্তিপুরে পুণ্ডরীকাক্ষের বাড়ী গিয়াছিলাম। সেখানে গিয়া শুনিলাম তিনি বাড়ী আসেন নাই, তবে চণ্ড চরণ চট্টোপাধ্যায় (ঝুঁঝুড়ো) বাড়ী আসিয়াছেন। তাঁহার বাড়ী গিয়া শুনিলাম তিনিও বাড়ী আসেন নাই। আমরা তখন শ্রামচাঁদের মন্দিরে গেলাম। সেখানে কয়েকটা ভদ্রলোক তাস খেলিতে ছিলেন। তাঁহাদের খেলা দেখিতে দেখিতে রাত্রি হইয়া গেল। রাত্রিতে বাড়ী আসিব মাত্র আমার মাসভূত দাদা রমানাথ নাগ বলিলেন “রামেশ্বর বড় বিপদ, অমল খুব পুড়িয়াছে।” ঘরে প্রবেশ করিবামাত্র শুনিলাম সে প্রলাপ বাকিতেছে, বলিতেছে মাটির ঠাকুর, চারিটা মুখ ইত্যাদি। হরি মিত্র আমার সঙ্গে সঙ্গে আমাদের বাড়ীর মধ্যে আসিলেন। তিনি নারিকেল তেল ও চূণ একত্র করিয়া কেনাহয়া দধি স্থানে দিতে বলিলেন। আমার দাদা ডাক্তার কুঞ্জবাবুকে হাঁতপুকেই সংবাদ দিয়াছিলেন। কুঞ্জবাবু তখন ময়রা পাড়ায় বসিয়া তামাক খাইতেছিলেন ও গল্প করিতেছিলেন। দাদাকে বলিয়াছিলেন যে ভূমি যাও আমি এখনই যাইতোছি। গল্প পেলো তিনি ত সহজে উঠিতেন না। আমি বাড়ী আসিয়াই দাদাকে জিজ্ঞাসা করিলাম যে কুঞ্জবাবুকে খবর দেওয়া হইয়াছিল কিনা। দাদা বলিলেন যে অনেকক্ষণ পূর্বে তাহাকে সংবাদ দিয়াছি। তিনি ত এখনও এলেন না। হাঁতমধ্যে ডাক্তার ঘাদবাবুর সহিত দাদার দেখা হইয়াছিল। দাদা তাহাকে কিছুই বলেন নাই।

আমি পুনরায় দাদাকে কুঞ্জবাবুর নিকট পাঠাইয়া দিলাম। কুঞ্জবাবু আসিয়াই বলিলেন “কেদার খুড়ো ত আমাকে বলেন নাই যে অমল এত বেশী পুড়িয়াছে।” ইতিপূর্বে কুঞ্জবাবুর জ্যেষ্ঠ পুত্রটি পুড়িয়া মায়্যা গিয়াছিল। অনলের অবস্থা দেখিয়া কুঞ্জবাবুর মনে একটু ভয়ও হইল। এদিকে আমার বিদায়ও ফুরাইয়া আসিয়াছে। আমি আরও কিছুদিনের বিদায়ের জন্ত আমাদের ডিরেক্টার সাহেব বাহাদুরের নিকট টেলিগ্রাফ করিলাম। ডিরেক্টার বাহাদুর নওগাঁয় আসিবেন বলিয়া শিলঘাট পর্যন্ত আসিয়াছিলেন। আমার টেলিগ্রাম পাইয়া নওগাঁয় আসা বন্ধ করিলেন এবং আমাকে বিদায় দিলেন। ১২শে ডিসেম্বর পর্যন্ত আমি বিদায়ে থাকিতে বাধ্য হইলাম। কুঞ্জবাবুর স্ত্রী-চাকরসায় ছেলে ক্রমে ক্রমে ভাল হইয়া উঠিতে লাগিল। পরিবার সঙ্গে লইয়া নওগাঁয় যাওয়া বন্ধ করিতে হইল। একাকী যাইব স্থির করিলাম এবং যাইবার জন্ত যাত্রা করিয়া বাহিরের ঘরে আসিয়া থাকিলাম। এদিন দাস্ত না হওয়ায় অমলের অবস্থা একটু খারাপ হইয়াছিল। প্রাতে কুঞ্জবাবু আসিয়া বলিলেন যে রামেশ্বর খুড়ো, তুমি আজই যাইবে নাকি? আমি বলিলাম যে যাইবার জন্ত ত যাত্রা করিয়া বাহিরে রহিয়াছি। কুঞ্জবাবু বলিলেন যে তুমি যাইতেছ, একবার ডাক্তার যাদববাবুকে আনাইয়া অমলকে দেখাইলে ভাল হহত না? আমি বলিলাম তোমার ইচ্ছা হইলে এখনই যাদববাবুকে আনাইতে পার। যাদববাবুকে আনা হইল। তিনি দেখিয়া জোলাপ দিবার ব্যবস্থা করিলেন এবং ঘরে স্ট্রিট অয়েল ছিল তাহাই দিয়া জোলাপ দিলেন। জোলাপ দিয়া নীচে আসিলে আমি তাঁহাকে জিজ্ঞাসা করিলাম যে ছেলের ধমুষ্টকার হইবার আশঙ্কা নাই? যাদববাবু বলিলেন যে, কোন ডাক্তারই বলিতে পারেন না যে ধমুষ্টকার হইবে কিনা। তবে এখন কোন ভয় নাই। তুমি তোমার চাকরীস্থলে যাইতে পার। আমি সেই দিনই চলিয়া গেলাম। আমার মধ্যম ভ্রাতৃ-পুত্র শ্রীমান প্রিয়নাথ সেনকে আমার সঙ্গে করিয়া লইয়া গিয়াছিলাম।

এখন ডিহিংঘাট নামে ব্রহ্মপুত্রের উপরে একটি ছুতন টিমার-স্টেশন খোলা হইয়াছিল। নওগাঁর হাই-স্কুলের সেকেও মাষ্টার শ্রীযুক্ত কালীমোহন দাস উক্ত ঘাটে একখানি গরুর গাড়ী পাঠাইয়া দিয়াছিলেন। ঐ গাড়ীতে উঠিয়া আমরা নওগাঁয় গেলাম। আমার পূর্বস্বর্তী হেড্ মাষ্টার শ্রীযুক্ত রামমোহন মিত্র বি, এ, সেকেও মাষ্টার কালীমোহন বাবুর হস্তে স্কুলের কার্যভার দিয়া তেজপুর হাই-স্কুলে বদলী হইয়া গিয়াছিলেন।

# অষ্টম অধ্যায়

## নওগাঁ

### নওগাঁ হাইস্কুলের হেড্‌ মাস্টার হওয়া

২০শে ডিসেম্বর তারিখে আমি কালীমোহনবাবুর নিকট হইতে স্কুলের কার্যভার বুঝিয়া লইয়া হেড্‌ মাস্টারের কার্য করিতে লাগিলাম। এই সময়ে আমার পূর্বপরিচিত বন্ধু শ্রীযুক্ত কেদার নাথ বন্দ্যোপাধ্যায় নওগাঁর পোষ্টমাষ্টার ছিলেন। প্রথম দিন তাঁহার বাসাতেই উঠিয়া আহারাদি করিয়া স্কুলে গেলাম। পরে স্কুলের বোর্ডিং হাউসের রেসিডেন্ট মাষ্টার ও স্কুলের ষষ্ঠ শিক্ষক শ্রীমান্ সঙ্গীরাম দাসের বোর্ডিং হাউসে থাকিবার ঘরে গিয়া কিছুদিনের জন্য থাকিলাম। নওগাঁয় আমি ইতিপূর্বে সেকেণ্ড মাষ্টার ছিলাম, সুতরাং নওগাঁর সকল ভদ্রলোকের সহিতই আমার আলাপ পরিচয় ছিল। এখন নিম্নলিখিত এই কয়েক ব্যক্তি নওগাঁয় নূতন আসিয়াছেন— পোষ্টমাষ্টার কেদার বাবু, ডেপুটী কমিসনার অফিসের হেড্‌ ক্লার্ক শ্রীযুক্ত কালীপ্রসন্ন চক্রবর্তী। ইনি ইতিপূর্বে গোয়ালপাড়া মহকুমার সর্ব্ ডিভিসনাল অফিসের হেড্‌ ক্লার্ক ছিলেন। সুতরাং আমার পূর্বপরিচিত। উকীল শ্রীযুক্ত মতিলাল বসু বি, এল, সিভিল্ সার্জনের কেরাণী শ্রীযুক্ত রজনীকান্ত সেন, ডেপুটী কমিসনার অফিসের একজন কেরাণী শ্রীযুক্ত বগলাপ্রসন্ন মুখোপাধ্যায়, পুলিশের একজন সর্ব্-ইনস্পেক্টর শ্রীযুক্ত পূর্ণচন্দ্র চক্রবর্তী ও পুলিশ ইনস্পেক্টর শ্রীযুক্ত বেণীমাধব মজুমদার। ইনিও আমার পূর্বপরিচিত। ইতিপূর্বে ইনি অনেকদিন ধুবড়ী ও গোয়ালপাড়ার পুলিশ সর্ব্-ইনস্পেক্টর ছিলেন।

গভর্ণমেন্ট মধ্য-বঙ্গ বিদ্যালয়ের প্রধান শিক্ষক শ্রীযুক্ত গোলোকচন্দ্র চক্রবর্তী। কালনানিবাসী ডাক্তার কৃষ্ণচন্দ্র চক্রবর্তী এল, এম, এন্স।

ইনি এখানে স্বাধীনভাবে চিকিৎসা ব্যবসায় করিতেছিলেন। লোক্যাল বোর্ডের ওভারসিয়ার শ্রীযুক্ত গোবিন্দচন্দ্র বসু।

বোডিং হাউসে থাকাকালে আমার ভ্রাতৃপুত্র প্রিয়নাথ বাজার হইতে একদিন একটা মিব্‌গেল মাছ কিনিয়া আনিয়াছিল। আসামের হিন্দুগণ মিব্‌গেল মাছ খায় না। সুতরাং বোডিং‌এর ছেলেদের মনস্তৃষ্টির জন্ম মাছটা ফেলিয়া দিতে হইয়াছিল এবং প্রিয়নাথকে লোকদেখান একটা ধমক দিয়া বলিয়াছিলাম যে তুমি কি মাছ চেন না? এ মাছ কি হিন্দুতে খায়?

পূর্বে বলিয়াছি ধুবড়ী হাই-স্কুলের ভূতপূর্ব চতুর্থ শিক্ষক মৌলভি মফিয়ৎ উল্লা সঘন্ধে পরে দুই একটা কথা বলিব। ইনি এখন একষ্ট্রা এসিষ্ট্যান্ট কমিসনার হইয়া নওগাঁয় আসিয়াছেন। ইনি প্রায় প্রতিদিন প্রাতঃকালে আমার বাসায় আসিতেন। আমি পাকঘরে পাক করিতাম। বাহিরে বসিবার জন্ম ইঁহাকে একখানি চেয়ার দিতাম, ও রাঁধিতে রাঁধিতে গল্প করিতাম।

১৮৯৪ সনে নওগাঁ হাইস্কুল হইতে ২টা ছাত্র প্রবেশিকা পরীক্ষার্থ প্রেরিত হইয়া একটা দ্বিতীয় বিভাগে ও অপরটা তৃতীয় বিভাগে উত্তীর্ণ হইয়াছিল। এ বৎসরের পরীক্ষার ফলের সহিত আমার কোন সম্বন্ধ ছিল না। যেহেতু ইহারা আমি নওগাঁয় হেড্‌ মাষ্টার হইয়া আসিবার পূর্বেই পরীক্ষার্থ প্রেরিত হইয়াছিল।

১৮৯৫ সনে আমার সময়ে ৪টা ছাত্র প্রবেশিকা পরীক্ষার্থ প্রেরিত হইয়াছিল, তন্মধ্যে ২টা দ্বিতীয় বিভাগে ও ১টা তৃতীয় বিভাগে উত্তীর্ণ হইয়াছিল। এই বৎসরের পরীক্ষার ফল বাহির হওয়ার পরেই আমি স্বাধীভাবে হেড্‌ মাষ্টারের পদে নিযুক্ত হইলাম।

নওগাঁ জেলা স্কুলে আমি কিকিদ্দিক ৬ বৎসর কাল হেড্‌ মাষ্টারের কার্য করিয়াছিলাম। এই ছয় বৎসরে আমি প্রবেশিকা পরীক্ষার্থ ২৭টা ছাত্র পাঠাইয়াছিলাম তন্মধ্যে ১৬টা উত্তীর্ণ হইয়াছিল। ৪টা

প্রথম, ২১টি দ্বিতীয় ও ৩টি তৃতীয় বিভাগে। এই ১৬টি ছাত্রের মধ্যে ২টি ছাত্র আসামীয়া উত্তীর্ণ ছাত্রদিগের মধ্যে প্রথম স্থান অধিকার করিয়াছিল।

আমি যখন নওগাঁয় হেড মাষ্টার হইয়া যাই, তখন নওগাঁ হইতে ৬ মাইল দূরে পুরাণি-গুদাম নামক স্থানে ও নিজ নওগাঁ সহরে কালী আজ্ঞারের বিলক্ষণ প্রাবল্য হইয়াছিল। আমার অনেক ভাল ভাল ছাত্র বি, এ, ও এম, এ, পরীক্ষায় উত্তীর্ণ হইয়া যারা পড়িয়াছিল। স্কুলের ছাত্র সংখ্যা খুবই কমিয়া গিয়াছিল, এবং উহার অবস্থাও অতি শোচনীয় হইয়া দাঁড়াইয়াছিল। স্কুলের প্রায় সমস্ত শিক্ষকই আমার পূর্বপরিচিত ছিলেন; এবং ইহাদের সহিত যখন আমি দ্বিতীয় শিক্ষক ছিলাম তখন একত্রে কার্য্য করিয়াছিলাম। সেকেও মাষ্টার শ্রীযুক্ত কালী-মোহন দাসের সহিত ধুবড়ী জেলা স্কুলে তিনমাসের কিঞ্চিদধিক কাল একত্রে কার্য্য করিয়াছিলাম। বষ্ঠ শিক্ষক সঙ্গীরাম দাস আমার নওগাঁ স্কুলের ভূতপূর্ব ছাত্র ছিলেন।

দুই মাস কাল বোর্ডিং হাউসে থাকার পরে রেভিনিউ সুপারি-টেণ্ডেন্ট শ্রীযুক্ত নিমাইচরণ বিশ্বাসের বাসা বাড়ীটা ভাড়া লইয়া তথায় উঠিয়া গেলাম এবং কিছুদিন পরে তথায় পরিবার লইয়া গেলাম। আমার পরিবার সহ ডাক্তার কুঞ্জবাবুর পরিবারও নওগাঁয় গিয়াছিলেন। যৎকালে নওগাঁয় পরিবার লইয়া যাওয়া হয় তখনও অমলের হাতের পোড়া ঘা সম্পূর্ণরূপে ভাল হয় নাই এবং তখনও তাহার ম্যালেরিয়া জ্বর ক্ষান্ত হয় নাই। নওগাঁয় কালী আজ্ঞার হইতেছে এ অবস্থায় অমলকে তথায় লইয়া যাওয়া উচিত কিনা ডাক্তার কুঞ্জবাবুকে জিজ্ঞাসা করায় তিনি বলিয়াছিলেন যে, যে কোন স্থানে ম্যালেরিয়া জ্বরাক্রান্ত ব্যক্তিকে স্থানান্তরিত করিলে সে তাঁহার ম্যালেরিয়া জ্বর হইতে মুক্ত হইতে পারে। কুঞ্জবাবুর পরামর্শেই নওগাঁয় পরিবার লইয়া যাওয়া হইয়াছিল।



আমি যে সময়ে নওগাঁয় যাই সেই সময়ে আসাম-বঙ্গ-রেলপথ নির্মিত হইতে আরম্ভ হইয়াছিল। উক্ত রেলপথের পার্শ্বত্ব অংশটি নওগাঁয় ও কামরূপ জেলায় পড়িয়াছিল। ছাপরমুখ নামক স্থানে একটী রেলওয়ের একজিকিউটিভ ইঞ্জিনিয়ার অফিস স্থাপিত হইয়াছিল। রায় কালীশঙ্কর চট্টোপাধ্যায় বাহাচুর একজিকিউটিভ ইঞ্জিনিয়ার ছিলেন। শান্তিপুরের হরিনাথ মুখোপাধ্যায় ঐ বিভাগের ওভারসিয়ার ছিলেন এবং সাতগাছিয়া নিবাসী আমাদের গুরুকুলের শ্রীযুক্ত গৌরমোহন গোস্বামী মহাশয় পেন্সন্ লওয়ার পরে পুনরায় ক্যান্সিয়ার বা খাজাঞ্জি হইয়া তথায় গিয়াছিলেন। এখন ইনি নামের পরে আর গোস্বামী লিখিতেন না, মুখোপাধ্যায় লিখিতেন। বাল্যকাল হইতে ইহার সহিত আমার আলাপ পরিচয় ছিল। নিমাইচরণ বিশ্বাসের বাসায় কয়েকমাস থাকার পরে পশ্চিমপাড়ায় উকীল মতিবাবুর বাসার নিকটে একজিকিউটিভ ইঞ্জিনিয়ার বলীনারায়ণ বরার ভ্রাতা হরনারায়ণ বরার প্রকাণ্ড বাসাটি আমি কিনিয়া লইয়া তথায় উঠিয়া গেলাম। ঐ বাসাটি না কিনিলে তখন আমার নওগাঁ থাকা বিশেষ অসুবিধা জনক হইত। আসাম-বঙ্গ-রেলপথের নওগাঁ জেলার অধীন পার্শ্বত্ব অংশটিতে যাইতে হইলে নওগাঁ সহর ভিন্ন অত্র কোন স্থান দিয়া যাইবার উপায় ছিল না। ইঞ্জিনিয়ার, কন্ট্রাক্টর ও অত্রাঙ্ক কর্মচারীগণ নওগাঁ দিয়া ক্রমাগতই ঐ অংশে যাতায়াত করিতেন। আমাদের শান্তিপুরের বড় বড় কন্ট্রাক্টর—কিশোরীমোহন গোস্বামী, মনোহর পাল, বংশীধর প্রামাণিক গোবিন্দচন্দ্র প্রামাণিক, কালীনাথ মুখোপাধ্যায় প্রভৃতি স্বয়ং ও তাঁহাদের কর্মচারীগণ সর্বদাই ঐ অংশে যাইবার কালে আমার বাসায় ২ বা ১ দিন করিয়া থাকিতেন। মধ্যে মধ্যে উহাদের জন্ম হাতী ও গরুর গাড়ী সংগ্রহ করিয়া দিতে হইত। আমার বাসায় দুইখানি প্রকাণ্ড বাঁধলো, ঘোড়ার আস্তাবল, বাহিরে স্বতন্ত্র একখানি পাকঘর ও আর একখান বড় ঘর ছিল। স্বতরাং উহাদের থাকিবার কোন অসুবিধা হইত না।

হরিনাথ মুখোপাধ্যায়ের মাতাঠাকুরাণী ও তাঁহার স্ত্রী ও গৌরমোহন মুখোপাধ্যায়ের স্ত্রী আমার বাসায় উঠিয়া একদিন করিয়া থাকিয়া ছাপর-মুখে নিজেদের বাসায় গিয়াছিলেন। এই সময়ে আমি ১০০ টাকা মাত্র বেতন পাইতাম। ঐ অল্প বেতনে আমার ব্যয়বাহুল্য হওয়ায় কিছুতেই কুলাইত না। আমাকে ঋণগ্রস্ত হইতে হইয়াছিল। আমার বাসায় প্রতিদিন প্রায় দশ সের করিয়া চাউল খরচ হইত। রাত্রি ১২টার পরেও হয়ত কোন অপরিচিত ভদ্রলোক আমার বাসায় আসিয়া উপস্থিত হইতেন। আমার বাসা ভিন্ন নওগাঁয় অত্র কোন বাঙ্গালীর বাসায় থাকিবার পর্য্যাপ্ত স্থান না থাকায় আমার বাসাতেই প্রায় সকলকেই উঠিতে হইত।

এই রেল রাস্তাটী কেন যে ঐ পার্কত্যা অংশ দিয়া গিয়াছিল তাহার কারণ নিয়ে প্রদত্ত হইল।

এক সময়ে আসামের মাননীয় চিফ্ কমিসনার ( Elliot ) ইলিয়ট সাহেব বাহাদুর উত্তর কাছারের গঞ্জ মহকুমা পরিদর্শন করিতে গিয়াছিলেন। সঙ্গে তাঁহার টুর ক্লার্ক বলাগড়নিবাসী শ্রীযুক্ত হরিদাস বন্দ্যোপাধ্যায় ছিলেন। হরিদাসবাবু তথায় যাইয়া পীড়িত হইয়া পড়েন। স্বতরাং চিফ্ কমিসনার বাহাদুরের সহিত গঞ্জ পাহাড় হইতে নামিয়া আসিতে পারেন নাই। চিফ্ কমিসনার বাহাদুর হরিদাসবাবুকে বলিয়া আসেন যে অমুকদিন আমি গোলাঘাটে থাকিব, তুমি ভাল হইয়া সেইদিন গোলাঘাটে যাইবা। হরিদাসবাবু ভাল হওয়ার পরে দেখিলেন যে নির্দিষ্ট রাস্তা দিয়া আসিলে তিনি কিছুতেই নির্দিষ্ট দিনে গোলাঘাটে পৌঁছিতে পারেন না। স্বতরাং বড়ই চিন্তিত হইয়া পড়িলেন। গঞ্জ মহকুমার সব-ডিভিসনাল অফিসার বেকার সাহেব হরিদাসবাবুকে বলিলেন যে যদি তুমি সাহস করিয়া অপরিচিত জাতির মধ্য দিয়া ও অজানা স্থান দিয়া যাইতে পার, তাহা হইলে তুমি নির্দিষ্ট দিনের পূর্বেই গোলাঘাটে পৌঁছিয়া চিফ্ কমিসনার বাহাদুরের সহিত

মিলিত হইতে পারিবা। যে জাতির বাসস্থান দিয়া যাইবা সে জাতির ভাষা ভূমি বুঝিতে পারিবা না; এবং তোমার কথাও তাহার বুঝিতে পারিবে না। কিন্তু তিনটি কথাতেই তোমার কাজ চলিয়া যাইবে। কথা তিনটি এই—মহারানী, দারোগা, দয়াং থানা। দয়াং থানা কাছার ও নওগাঁ জেলার সন্ধিস্থল। হরিদাসবাবু সাহস করিয়া ঐ অপরিজ্ঞাত রাস্তা দিয়া আসিতে প্রস্তুত হইয়া গঙ্গা হইতে নামিয়া কোন একটা নদীতীরস্থ স্থানে উপস্থিত হইলেন। বেকার সাহেব ঐ সব জাতির সর্দারগণের নামে পরোয়ানা জারি করিয়াছিলেন। হরিদাসবাবু ঐ নদীতীরস্থ স্থানে আসিয়া ঐ তিনটি কথা বলিলেন। তিনজন লোক তাঁহাকে একখানি ক্ষুদ্র নৌকায় উঠাইয়া তাহাদের এলাকা হইতে অল্প এলাকায় পৌছাইয়া দিল। পর পর এক এক এলাকার লোক অল্প এলাকায় তাঁহাকে পৌছাইয়া দিতে লাগিল। এইরূপে তিনি নওগাঁয় আসিলেন। নওগাঁয় একদিন থাকিয়া গরুর গাড়ী করিয়া গোলাঘাটে নির্দিষ্ট দিনের দুই দিন পূর্বে বাইয়া পৌছিলেন। (Elliot) ইলিয়ট সাহেব বাহাদুর হরিদাসবাবুর মুখে ঐ সব স্থানের বিবরণ অবগত হইয়া আসাম-প্রদেশের মানচিত্রে লাল পেনসিল দিয়া একটা দাগ দিলেন। ঐ লালচিত্রিত স্থান দিয়াই আসাম-বঙ্গ-রেলওয়ের পথ নির্মিত হইল।

যে ছয় বৎসর নওগাঁ জেলা-স্কুলের হেড্‌ মাষ্টার ছিলাম সেই ছয় বৎসর কাল পরম স্নেহে কাটাইয়াছিলাম। স্কুলের শিক্ষকদিগের সহিত আমার বিলক্ষণ সদ্ভাব ছিল। আমি যখন ইতিপূর্বে ঐ স্কুলের দ্বিতীয় শিক্ষক ছিলাম তখন কোন বিশেষ কারণে পণ্ডিত মহাশয় শ্রীযুক্ত আনন্দমোহন বসুর সহিত আমার একটু মনোমালিঙ্গ ঘটিয়াছিল; কিন্তু এবারের তাঁহার সহিত আমার বিশেষ প্রণয় জন্মিয়াছিল। তিনি আমার পূর্ববর্তী হেড্‌ মাষ্টারদিগের কার্যকালে কাজে ফাঁকী দিতেন। কিন্তু এবার স্পষ্টই বলিয়াছিলেন যে এখন রায়রাজ্য পাইয়াছি, আর

কাজে ফাঁকি দিব না। প্রকৃতপক্ষে তিনি আমার সময়ে অন্তরের সহিত কার্য্য করিয়াছিলেন। তাঁহার তেলের ব্যবসায় ছিল। নওগাঁয় বৈজ্ঞানিক ও কায়স্থবংশের ঝাঙ্গালীদিগের মধ্যে কাহারও কাহারও ঘানি গাছ ছিল ও তাঁহার। তেলের ব্যবসায় করিতেন। একবার কোন ব্যক্তি পণ্ডিত মহাশয়ের তেলের ব্যবসায় আছে বলিয়া একখানি বেনামী চিঠি ডিরেক্টর সাহেব বাহাদুরের নিকট লিখিয়াছিল। সাহেব বাহাদুর ঐ বেনামী চিঠিখানি পাইয়া যখন নওগাঁ স্থল পরিদর্শন করিতে আসিয়াছিলেন তখন ঐ চিঠিখানি আমাকে দেখান এবং প্রকৃত বিষয় জানিতে চান। এখানে বলা আবশ্যক যে বিশেষভাবে অহুমতি না লইয়া কোন শিক্ষকই কোন ব্যবসায় এমন কি গৃহ-শিক্ষকের কার্য্য পর্য্যন্ত করিতে পারিতেন না। আমি সাহেবকে স্পষ্টই বলি যে পণ্ডিত মহাশয় ৩০ টাকা মাত্র বেতন পান, তাঁহার অনেকগুলি ছেলে মেয়ে, তাঁহাকে এই কার্য্য করিতে অহুমতি না দিলে তাঁহাকে একটা সিঁধ কাটা প্রস্তুত করিতে বলা আবশ্যক। সাহেব বলেন যে কাজটা অবৈধ হইতেছে। আমি বার বার অহুমতি দিবার আদেশ চাওয়ায় আমাকে বলেন যে আমি শিলংএ গিয়া আদেশ দিব। শিলংএ গিয়া তাঁহার হেড্‌ এসিষ্ট্যান্টকে দিয়া আমাকে একখানি চিঠি লিখিয়া জানান যে পণ্ডিত মহাশয়কে বলিবা যে, যেন তিনি তাঁহার তেলের ব্যবসায়টা তাঁহার জীবন নামে করেন। বোর্ডিংএর রেসিডেন্ট মাস্টার সঙ্গীরাম দাসের বিরুদ্ধে মিসিস্ ব্র্যাক্‌স্টোন নাম স্বাক্ষর করিয়া কোন ব্যক্তি সাহেবের নিকট একখানি দরখাস্ত পাঠাইয়াছিল। তাহাতে লেখা ছিল যে সে ছোটলোক, তাহাকে রেসিডেন্ট মাস্টারের কার্য্যে রাখা উচিত নহে। সঙ্গীরাম জ্ঞাতিতে আহম ছিলেন। আমি সাহেবকে বলি যে আহমেরা এক সময়ে আসামের স্বাধীন রাজা ছিলেন। সুতরাং সেই বংশে জন্মিয়া সঙ্গীরাম ছোটলোক হইতে পারেন না। কাজেই সঙ্গীরাম সত্বে আর কোন কথা উঠে

নাই। অশ্রান্ত স্থানীয় বাঙ্গালী ও আসামীয়া ভ্রাতৃলোকদিগের সহিতও আমার বিশেষ সম্ভাব ছিল।

এই স্থলে কার্য্য করিবার সময়ে যে কয়েকটি ঘটনা ঘটয়াছিল, সেই সমস্ত উল্লেখ করা আবশ্যক। একবার টেট্ পরীক্ষা হইয়া গেলে, কোন ছাত্র-প্রদত্ত প্রশ্নের উত্তর-কাগজখানি কেহ বদলাইয়া দিবার জন্ত চেষ্টা করিয়াছিল। উত্তরের কাগজগুলি স্থলঘরের মেজেয় পোতা লোহার সিন্দুকের মধ্যে ছিল। এক রাত্রিতে কয়েকটি লোক স্থলঘরের তাল খুলিয়া ঘরের মধ্যে প্রবেশ করিয়া ঐ কাগজখানি বদলাইয়া দিবার চেষ্টা করে। উকো দিয়া তাল কাটিয়া যেমন ঘরের ছুয়ারের লোহার হুকো খুলিয়া ঘরের মধ্যে প্রবেশ করিতে যায়, অমনি একটা শব্দ হওয়ায় চৌকিদার মধু জানিতে পারে। সে ঘরের বারান্দায় আসিয়া দেখে যে কয়জন লোক তথায় দাঁড়াইয়া আছে। সে উহাদিগের মধ্যে একজনের গায়ের আলোয়ান খানি ধরে। ঐ ব্যক্তি আলোয়ান খানি ফেলিয়া পলাইয়া যায়। পরদিন মধু প্রাতে আলোয়ানখানি লইয়া আমার বাসায় আসে। আমি ঐ আলোয়ানখানি লইয়া ধোপাদের বাড়িতে বাইয়া ধোপার চিহ্ন দেখিয়া ঠিক করিতে পারি যে নওগাঁর একজন মুসলমান বন্দুকওয়ালার পুত্রের ঐ আলোয়ানখানি। স্থলের চতুর্থ শিক্ষক যোগেশ্বর মহাস্তের সহিত পরামর্শ করিয়া চৌকিদার দ্বারায় থানায় এজাহার দেওয়াই। বন্দুকওয়ালার পুত্রকে পুলিশে ধরে ও তাহার হাজত হয়। পরে মোকদ্দমা উঠিলে কালোরাম চৌধুরী মহাশয় আমাকে তাহার এজলাসে ডাকিয়া পাঠান ও আমাকে জিজ্ঞাসা করেন যে আমার স্থলের কোন জিনীস চুরি গিয়াছে কিনা। আমি বলি কিছুই চুরি যায় নাই। আসামীকে সাবধান করিয়া দিয়া হাকিম তাহাকে মুক্তি দেন। এই মোকদ্দমায় তাহার প্রায় তিন শত টাকা ব্যয় হইয়া গিয়াছিল। হেড্ কনেষ্টবল্ পদনাথ বস্বা একদিন আমার বাসায় আসিয়া বলেন যে যদি আমি মোকদ্দমার বিশেষ তদ্বির না করি

তাহা হইলে পদ্মনাথ কিছু বেশী টাকা পাইতে পারেন। আমি বলি যখন আমার কোন জিনীস চুরি যায় নাই, তখন আমি মোকদ্দমার কোন তদ্বিরই করিব না। শুনিয়াছিলাম পদ্মনাথ ১০০ টাকা পাইয়াছিলেন।

এম শিক্ষক তুলসীরাম শর্ম্মার মৃত্যু হওয়ায় তৎপদে প্রবেশিকা পরীক্ষোত্তীর্ণ মিজিরুদ্দীন নামে একটা মুসলমান যুবককে নিযুক্ত করাই। স্কুলের মৌলবি ইংরাজী না জানাতে ছাত্রদিগের অসুবাদ দেখার অস্ববিধা হইতেছিল এইজন্তই এই মুসলমান যুবকটিকে নিযুক্ত করা হয়। ইনি ডেপুটী কমিসনার অফিসে চাকরী পাইয়া বিদ্যালয় ছাড়িয়া গেলে, সাহাবুদ্দিন নামে প্রবেশিকা পরীক্ষায় উত্তীর্ণ আমার একটা ছাত্রকে ঐ পদ দেওয়াই। ইতিমধ্যে চট্টগ্রাম মাদ্রাসার শেষ পরীক্ষোত্তীর্ণ মৌলবী আক্কার রোফ মৌলবীর পদে নিযুক্ত হন। ইনি ইংরাজী জানিতেন। তৃতীয় শিক্ষকের পদে প্রায়ই কেহই অধিক দিন থাকিতেন না। আমার ধুবড়ী স্কুলের সুযোগ্য ছাত্র শ্রীমান্ অতুলচন্দ্র দাশগুপ্ত এম, এ, পরীক্ষায় উত্তীর্ণ হইলে তাঁহাকে কিছুদিনের জন্ত একটি তৃতীয় শিক্ষক করা হয়। তিনি টাকা ট্রেনিং স্কুলে একটা চাকরী যোগাড় করিয়া চলিয়া যান। শ্রীমান্ অতুল টাকা হইতে বি, এল্ পরীক্ষায় উত্তীর্ণ হইয়া কিছুদিন ওকালতী করেন। পরে মুনসেফ হন। ১৯৩১ সনের মার্চ মাসে ইনি পেন্সন্ লইয়া অবসর গ্রহণ করিয়াছেন। অবসর গ্রহণকালে ইনি নোয়াখালির সব-জজ্ ছিলেন। অতুলচন্দ্র চলিয়া গেলে কিছুদিনের জন্ত বি, এ, পরীক্ষায় অসুত্তীর্ণ মৌলভী তায়েব আলি ঐ পদে কার্য করেন। শিক্ষা-বিভাগের ডিরেক্টার অফিসে কেরাণী হইয়া তিনি চলিয়া গেলে বি, এ, পরীক্ষায় অসুত্তীর্ণ শ্রীযুক্ত কামাখ্যাচরণ সেন কিছুদিন তৃতীয় শিক্ষকতা করেন। তারপরে শ্রীহট্ট জেলা স্কুল হইতে তথাকার পঞ্চম শিক্ষক শ্রীযুক্ত আমানল-বিহারী দাশগুপ্ত ঐ পদে বদলী হইয়া আসেন। তাঁহার নিবৃত্তি দোষেই

তিনি পুনরায় শ্রীহট্ট জেলা স্কুলে প্রত্যাবর্তন করিতে বাধ্য হন। তৎপরে শ্রীযুক্ত হরিচরণ চক্রবর্তী বি, এ, কাহার হইতে তৃতীয় শিক্ষক হইয়া আসেন।

আমি যখন পশ্চিম-পাড়ার বড় বাসায় ছিলাম তখন ফরেষ্ট রেঞ্জার শ্রীযুক্ত নীলকান্ত মুখোপাধ্যায় মহাশয় একটি একট্রা-এসিষ্ট্যান্ট কন্সারভেটর হইয়া নওগাঁ ফরেষ্ট বা বন-বিভাগের কর্তা হইয়া আসেন। ইনি অনেকদিন আমার বাসার বাহিরের ঘরে বাস করিয়াছিলেন। ইনি অত্যন্ত বদলী হইয়া গেলে, শ্রীহট্টবাসী শ্রীযুক্ত তারাকিশোর গুপ্ত, নওগাঁ বন-বিভাগের কর্তা হইয়া আসেন। নীলকান্তবাবু বহুকাল পরে শ্রীহট্ট জেলার বন-বিভাগের কর্তা হন ও একট্রা ডেপুটী কন্সারভেটরের পদে নিযুক্ত হন এবং রায় সাহেব উপাধি পান। শ্রীহট্টে বদলী হইবার পূর্বে ইনি গারোহিল জেলার বন-বিভাগের ভারপ্রাপ্ত কর্মচারী ছিলেন। ইহার বাড়ী ছিল ২৪ পরগনা জেলার অন্তর্গত কলিকাতার নিকটবর্তী বেহালা গ্রামে। ইহার সহিত আমার বিলক্ষণ সৌহার্দ্য জন্মিয়াছিল। পরে ইহার সম্বন্ধে কিছু কিছু বলা আবশ্যক হইবে।

আমি নওগাঁ থাকাকালে শান্তিপুরের ডাবরেপাড়া-নিবাসী শ্রীযুক্ত রামকৃষ্ণ দাস নওগাঁ জেলার রহাকেত্রেয় স্কুল-সব-ইনস্পেক্টর ছিলেন মধ্যে মধ্যে ইনি আমার বাসায় আসিতেন। পরে নওগাঁয় বদলী হইয়া আসিয়াছিলেন এবং আমার পূর্বপাড়ার শেষ বাসার নিকট একটি বাসা প্রস্তুত করিয়া অনেক দিন ছিলেন। আমি নওগাঁয় বদলী হইয়া আসার কিছুদিন পরে আবু হেনরী কটন আসাম-প্রদেশের মাননীয় চিকিৎসকমিসনার হন। ইনি আমার কাছাকাছে দুইবার নওগাঁ জেলায় পরিভ্রমণ করিতে আসেন এবং আমার স্কুল পরিদর্শন করেন। ইনি কথায় কথায় ঠাট্টা তামাসা করিতে বড়ই ভালবাসিতেন এবং বেশ কালের সহিত মিশিতেন। ঠাট্টা বিক্রপের উপযুক্ত উত্তর

পাইলে বড়ই সন্তুষ্ট হইতেন। ইনি স্কুল-পরিদর্শনকালে ছাত্রদিগের নাম জানিতে চাহিতেন। আমি ছাত্রদিগের নাম এবং তাহাদের অভিভাবক-গণের নাম পর্য্যন্ত তাঁহার নিকট বলিতে পারায় তিনি বলিয়াছিলেন যে তুমি ছাত্রদিগের অভিভাবকগণের নাম জান, এটা বড়ই ভাল। নওগাঁ স্কুলে আমার নিজের কোন পুত্র পড়ে কিনা জিজ্ঞাসা করায় আমি বলিয়াছিলাম যে আমার জ্যেষ্ঠ পুত্রটী সর্ব্বনিম্ন শ্রেণীতে পড়ে। জানিতে চান ছেলেটী কেমন, আমি বলি Not so intelligent অর্থাৎ তত বুদ্ধিমান্ নহে। এই কথা শুনিয়াই বলেন not so intelligent as the father অর্থাৎ বাপের মত বুদ্ধিমান্ নহে। আমি তদন্তরে বলি বাপ বুদ্ধিমান্ হইলে শিক্ষকের বৃত্তি অবলম্বন করিতেন না। বিদ্যালয় পরিদর্শন করিয়া তিনি পরিদর্শন বহিতে আমার সম্বন্ধে যে মন্তব্য লিপিবদ্ধ করিয়াছিলেন পরিশিষ্ট ভাগে উহা প্রদত্ত হইবে।

সুবিশাল ব্রিটিশসাম্রাজ্যাধিকারী অশেষ গুণালঙ্কৃত মহারাণী ভিক্টোরিয়া মহোদয়ার ৬০ বৎসর রাজত্বকাল পূর্ণ হওয়াতে হীরক-জুবিলি নামে স্মারনন্দোৎসব উপলক্ষ্যে ভারতবর্ষের প্রত্যেক স্থান হইতে অভিনন্দন দিবার প্রস্তাব হইয়াছিল। নওগাঁ মিউনিসিপ্যালিটী যে অভিনন্দন দিতে চাহিয়াছিলেন তাহার রচনা করার ভার মিউনিসিপ্যালিটীর ভাইস চেয়ারম্যান শ্রীযুক্ত রামহুল্লভ মজুমদার বি, এল, মহাশয়ের উপরে দেওয়া হইয়াছিল। আর সমস্ত জেলা হইতে যে অভিনন্দন দিবার কথা ছিল তাহার রচনা করার ভার লণ্ডন বিশ্ববিদ্যালয়ের এম, এ উপাধিধারী মিশনারী শ্রীযুক্ত জন্সন্ সাহেবের ও আমার উপরে হস্ত হইয়াছিল। কথা ছিল আমরা দুইজনে পরামর্শ করিয়া উহা রচনা করিব। ঐ উদ্দেশ্যে আমি ২৩ দিন মিশনারী সাহেব মহোদয়ের বাসলোতে গিয়াছিলাম। কিন্তু মিশনারী সাহেব মহোদয় পরে আমাকে বলিলেন যে এস আমরা দুইজনে পৃথক পৃথক ভাবে অভিনন্দন রচনা করি। স্মরণেই যাহার রচনা অল্পমোদন করিবেন সেইটাই গৃহীত হইবে। সুতরাং



পৃথক পৃথক ভাবে আমরা অভিনন্দন রচনা করিলাম। অনেকেই আমার রচনাই গ্রহণ করিলেন, ভাষার উৎকর্ষ জন্ত নহে—ভাবের উৎকর্ষ জন্ত মিশনারী সাহেব সাম্রাজ্যীকে যে চক্ষে দর্শন করিয়াছিলেন আমি সে চক্ষে করি নাই। তিনি তাঁহার দেশের লোক ও স্বজাতি বলিয়া তাঁহার গুণাবলির বর্ণনা করিয়াছিলেন। আর আমি রাজভক্ত-প্রজার চক্ষে তাঁহাকে দর্শন করিয়া তাঁহার মাহাত্ম্য ও সদ্গুণাবলির প্রশংসা করিয়াছিলাম; কিন্তু আক্ষেপের বিষয় এই যে দৈব-বিড়ম্বনায় আমরা আনন্দ উৎসব করিতে পারিলাম না। এই দৈব বিড়ম্বনা ১৮২৭ সনের ১২ই জুন তারিখের প্রচণ্ড ভূমিকম্প। বাহাতে গারো পাহাড় হইতে আরম্ভ করিয়া সমস্ত আশাম-প্রদেশ প্রায় বিদ্ধান্ত হইয়া গিয়াছিল, বাহাতে মহামূল্য জীবন নষ্ট হইয়াছিল, বাহাতে স্বসজ্জিত সৌধাবলি চূর্ণ বিচূর্ণ হইয়া গিয়াছিল। যেখানে নদী ছিল, সেখানে জলশূন্য মরুভূমি হইয়াছিল; উচ্চ ভূমি, নদী, খাল বিলে পরিবর্তিত হইয়াছিল। এই দিন মহরমের শেষ দিন ছিল। তাজিয়া সকল বাহির হইবার কথা ছিল। সমস্ত সরকারী অফিস আদালত ও বিতালয় সমূহ বন্ধ ছিল। স্তত্রাং আমরা সকলে নিজ নিজ বাসায় ছিলাম। হেড্‌ ক্লার্ক কালীপ্রসন্ন চক্রবর্তী মহাশয়ের বাসায় তাস খেলা হইতেছিল। আমি তাঁহার বাসায় বসিয়া খেলা দেখিতে ছিলাম। আমার চাকরকে বলিয়া দিয়াছিলাম সে যেন আমাকে ঐ স্থান হইতে ডাকিয়া লইয়া আমার সহিত ঢাকাই পটিতে গিয়া কোন কোন দ্রব্য লইয়া আসে। বেলা প্রায় ৫ টার সময়ে সে ঐ বাসায় গিয়া আমাকে ডাকিল। আমি তথা হইতে বাহির হইয়াছি মাত্র, এমন সময়ে ভয়ানক কম্পন আরম্ভ হইল। আমি রাস্তার উপরে দাঁড়াইয়া থাকিতে পারিলাম না, বসিয়া পড়িলাম। অল্প পরে আমার বাসার দিকে ছুটিলাম। বাসায় ফিরাবার সময়ে দেখিলাম যে একটা ছোট রাস্তা ধলুকের মত বক্র হইয়া গিয়াছে। একটা নিম্নস্থান ভরাট হইয়া গিয়াছে। আমার

বাসায় গিয়া দেখি যে আমার বাসায় দুইদিকে মাটি কাটিয়া জল বাহির হইতেছে। বাসায় থাকা নিরাপদ নহে মনে করিলাম। কেবল ক্যান্স বাক্সটী হাতে লইয়া ছোট ছোট ছেলে মেয়েদিগকে ও আমার স্ত্রীকে লইয়া বাসার সমস্ত জিনীসপত্র যেখানে যাহা ছিল সেই স্থানেই রাখিয়া মাঠের দিকে চলিয়া গেলাম। দেখিলাম সকল লোকই মাঠের দিকে ছুটিতেছে। সন্ধ্যা হইল। কম্পন সমভাবেই হইতে লাগিল। সমস্ত রাত্রিই নওগাঁর সমস্ত লোকজন ঐ মাঠের মধ্যে থাকিতে বাধ্য হইল। রাত্রি আন্দাজ ১০ টার সময়ে আমি নিকটস্থ একটি গাড়োয়ানের খালি গাড়ীখানি মাঠের মধ্যে লইয়া গিয়া তাহাতে ছোট ছোট ছেলে মেয়েগণকে শোয়াইয়া রাখিলাম। কেহ কিছুই খাইতে পাইল না। দুই তিন দিন থাকিয়া থাকিয়া কম্পন হইয়াছিল। নওগাঁর ভাল ভাল বাড়ী ভগ্ন ও নষ্ট হইয়া গিয়াছিল। ডাক্তার সাহেবের বাঙ্গলো হইতে আরম্ভ করিয়া সার্কিট হাউস পর্যন্ত একটি চারি পাচ হাত গভীর গর্ত হইয়া পড়িয়াছিল। হাই-স্কুলের প্রায় দশ হাজার টাকা মূল্যের চারিটা নূতন কুঠরীর মধ্য দিয়া একটা প্রকাণ্ড গভীর গর্ত হইয়া গিয়াছিল। কেবল বড় চালা ঘর থানি ঠিক ছিল। উহার মেজের ও ভিতের তলায় প্রকাণ্ড প্রকাণ্ড পাথর বসান ছিল। এই নিমিত্ত ঐ ঘরটির পাকা দেওয়ালগুলি ভাঙ্গিয়া পড়ে নাই। ডেপুটী কমিসনার সাহেবের বাঙ্গলোটা ভূমিসাৎ হইয়া পড়িয়াছিল। সমস্ত আসাম প্রদেশেরই এই শোচনীয় অবস্থা হইয়াছিল। বিশেষতঃ নওগাঁ ও কামরূপ জেলার। শিলংএর সর্বাপেক্ষা অধিক অনিষ্ট ও ক্ষতি হইয়াছিল। লোকে ধনে প্রাণে নষ্ট হইয়াছিল।

নওগাঁর অধিকাংশ ভদ্রলোকের বিশ্বাস ছিল যে আমি টেট পরীক্ষার প্রশ্ন বড় কঠিন করি এবং উত্তরের কাগজ দেখিয়া কম নম্বর দিই। লোকের এই ভ্রমাত্মক বিশ্বাস দূর করিবার জন্ত ১৮৯৯ সনের টেট পরীক্ষা নিজে না করিয়া তৃতীয় শিক্ষক শ্রীযুক্ত হরিচরণ চক্রবর্তী বি, এ

কে ইংরাজী সাহিত্য ও ব্যাকরণের পরীক্ষক নিযুক্ত করি। হরিবাবু চারিটা ছাত্রকে ঐ বিষয়ে পাস করেন, কিন্তু আমি বলি যে মহম্মদ মসিন্ নামক ছাত্রটি ইংরাজীতে কাঁচা আছে, সে প্রবেশিকা পরীক্ষার্থ প্রেরিত হইলে নিশ্চয়ই অকৃতকার্য হইয়া আসিবে। দ্বিতীয় শ্রেণী হইতে ছাত্রেরা প্রথম শ্রেণীতে উন্নীত হইলেই, আমি ঠিক বলিতে পারিতাম কোন্ কোন্ ছাত্রের প্রবেশিকা পরীক্ষায় উত্তীর্ণ হইবার সম্ভব। হরিচরণবাবু বলিলেন যে মসিন্ ত বেশ ভাল উত্তর দিয়াছে, সুতরাং আমি ৪টা ছাত্রকেই পরীক্ষার্থ পাঠাইব মনে করিলাম। প্রথম শ্রেণীতে বৃন্দাবন গোস্বামী বলিয়া একটা ছাত্র ছিল। সে গণিতে বেশ পাকা ছিল কিন্তু ইংরাজী সাহিত্যে সে বড়ই কাঁচা ছিল। তাহাকে পাঠাইব না স্থির করিয়াছিলাম। তাহার খুড়া শ্রীযুক্ত গুণহাস গোস্বামী রহা-তহশিলের তহশিলদার ছিলেন এবং এক সময়ে আমার ছাত্রও ছিলেন। ইনি সাহেব পটাইতে বেশ ভালরূপই জানিতেন। ইনি ইহার ভাতৃপুত্রকে প্রবেশিকা পরীক্ষায় পাঠাইবার জন্ত কৃতসংকল্প হইয়াছিলেন। আমি উহাকে পরীক্ষার্থ পাঠাইবনা শুনিয়াই ডিরেক্টর সাহেবের নামে টেলিগ্রাম করেন। ঠিক এই সময়ে ডিরেক্টর উইলসন্ সাহেব বঙ্গ-প্রদেশে বদলী হন; এবং তৎপরে বিখ্যাত গণিত-শাস্ত্রবিদ ডাক্তার বুথ্ আসাম-প্রদেশে যান। ডাক্তার বুথ্ ঐ টেলিগ্রামের কোন উত্তরই দেন না। তাহার নিকট হইতে উত্তর না পাইয়া ডেপুটী কমিসনার ও পুলিশ সুপারিটেন্ডেন্ট সাহেবদিককে ধরেন। ডেপুটী কমিসনার সিভিলিয়ান ছিলেন। তাহার ইচ্ছা থাকিলেও তিনি আমাকে এই বিষয়ে অহরোধ করা অত্যাশ্রয় মনে করিয়া আমাকে অহরোধ করেন নাই। কিন্তু পুলিশের গার্ডন্ সাহেবের সে বুদ্ধি ও জ্ঞান ছিল না। তিনি আমাকে একদিন বেলা ৯ টার সময় ডাকিয়া পাঠান। তিনি যে জ্ঞান ডাকিয়াছেন তাহা আমি বুঝিতে পারিয়া ছাত্রদিগের যে করম পূর্ণ করিয়া বিশ্ববিদ্যালয়ের রেজিষ্ট্রারের নিকট

আবেদন করিতে হয় সেই ফরম একখানি সঙ্গে লইয়া তাঁহার সহিত দেখা করিবার জন্ত তাঁহার বাদ্দলোয় গেলাম। সাহেব প্রথমে অল্প কথা পাড়িলেন, পরে বলিলেন যে বাবু, বৃন্দাবনকে পরীক্ষার্থ পাঠাইতে তোমার আপত্তি কি? আমি বলিলাম সে ইংরাজী সাহিত্য ভাল জানে না এই জন্ত তাহাকে পাঠাইতে পারি না। ফরমখানি দেখাইয়া বলিলাম যে এই ফরমে আমাকে লিখিতে হইবে যে সকল বিষয়ে তাহার উত্তীর্ণ হইবার সম্ভাবনা আছে। যখন তাহার ইংরাজীতে উত্তীর্ণ হইবার সম্ভাবনা নাই তখন আমি কেমন করিয়া ঐ ফরমখানি স্বাক্ষর করিয়া পাঠাইব। তাহাতে সাহেব বলিলেন যে তুমি লিখিয়া দিতে পার যে ইংরাজী সাহিত্য ব্যতীত অগ্ৰাণ্ড বিষয়ে তাহার উত্তীর্ণ হইবার সম্ভাবনা আছে। আমি বলিলাম যে এ কথা লিখিলে রেজিষ্ট্রার মহোদয় তাহার আবেদন গ্রাহ্য না করিয়া ফেরত দিবেন। তথাপি সাহেব আমাকে বার বার অতুরোধ করিতে লাগিলেন। পরে গুণহাস গোস্বামী বন-বিভাগের কর্ত্তা তারাকিশোরবাবুকে ধরেন। তারাকিশোরবাবু তাঁহাকে বলেন যে অল্প কাহাকেও ধরিয়া তোমার অভীষ্ট-সিদ্ধি হইবে না। কাজেই গুণহাস একদিন আমার বাসায় আসিয়া বলেন যে বৃন্দাবনকে পাঠাইতেই হইবে। আমি তহুস্তরে বলি যে তুমি ত সাহেবদিগের মধ্যে সকলকেই ধরিয়াছ এখন আমার নিকট কেন আসিয়াছ? বৃন্দাবনকে এ বৎসর পাঠাইলে কোন ফল হইবে না। আগামী বৎসরে সে প্রথম বিভাগে নিশ্চয়ই উত্তীর্ণ হইবে। তখন গুণহাস আমার পা জড়াইয়া ধরিতে গেলেন। আমি বলিলাম গুণহাস তুমি ব্রাহ্মণ সন্তান। তুমি আমার পা ধরিও না। গুণহাস বলিলেন যে আমি ব্রাহ্মণ সন্তান হইলেও আপনার ছাত্র। আমি প্রথমে আপনার নিকট না আসিয়া নিতান্তই অত্যাচার করিয়াছি। এক সময়ে আপনার ছাত্র ছিলাম, এখনও আমার পাছায় আপনার বেতের দাগ আছে, না হয় এখন আর কয়েক ঘা বেত আমার পাছায় লাগাইয়া

দেন। বেত লাগাইয়া দিয়া বৃন্দাবনকে পাঠাইয়া দেন। আমি বলিলাম আমার বিশ্বাস বৃন্দাবন কিছুতেই ইংরাজী সাহিত্যে উত্তীর্ণ হইতে পারিবে না। তথাপি আমার ইচ্ছার বিরুদ্ধে 'উহাকে পাঠাইয়া দিতে সম্মত হইলাম। কিন্তু পক্ষপাতীত্ব করিতে পারিব না বলিয়া ইংরাজী সাহিত্যে টেণ্টে ফেল আরও তিনটি ছাত্রকে পাঠাইয়া দিতে বাধ্য হইলাম। প্রবেশিকা পরীক্ষার ফল বাহির হইলে দেখিলাম যে তিনটি ছাত্র উত্তীর্ণ হইবে বলিয়াছিলাম সেই তিনটিই উত্তীর্ণ হইয়াছে। মসিন্ ও অপর চারিটি ছাত্র অর্থাৎ পাঁচটি ছাত্রই ইংরাজীতে ফেল হইয়াছে। তিনটি উত্তীর্ণ ছাত্রের মধ্যে ১টি প্রথম বিভাগে ও অপর ২টি দ্বিতীয় বিভাগে উত্তীর্ণ হইয়াছিল। ৮টি ছাত্রের মধ্যে এ বৎসর ৫টি ছাত্র ইংরাজীতে ফেল হইয়াছিল, যাহা আমার কার্যকালে আর কখনই হয় নাই। আগি যাহা বলিয়াছিলাম তাহাই হইয়াছিল। পর বৎসরে অর্থাৎ ১৯০০ সালে বৃন্দাবন প্রথম বিভাগে উত্তীর্ণ হইয়াছিল।

একটি কথা আছে যে অমঙ্গলের মধ্য দিয়াও মঙ্গল আসে। আমার স্কুলের ১৮৯৯ সালের পরীক্ষার ফল তাহাই প্রমাণ করিয়াছিল।

### ডিরেক্টার ডাক্তার বুথ্

ডাক্তার বুথ্ নূতন ডিরেক্টার হইয়া আসিয়াছিলেন। আমার সহিত তাঁহার কোনরূপ জ্ঞানা শুনা ছিল না। আমি হেড্-মাষ্টার হইবার পূর্বে ডেপুটী ইনস্পেক্টর ছিলাম। তাঁহার মনে এই বিশ্বাসটী বদ্ধমূল হইয়া গিয়াছিল যে আমি ভাল ইংরাজী জানি না। এই জন্তই ৮ জন ছাত্রের মধ্যে ৫ জন ইংরাজীতে ফেল হইয়াছে। এই বিশ্বাসের বশবর্তী হইয়া তিনি নওগাঁ হাই-স্কুল পরিদর্শন করিতে বা আমাকে পরীক্ষা করিতে আসেন। ভূমিকম্পে স্কুল-গৃহের উৎকৃষ্ট ৪টি কুঠরী ভাঙ্গিয়া যাওয়াতে তখন স্কুলের কার্য নানা স্থানে হইতেছিল। কয়েকটি শ্রেণী স্কুলের বড় চালাঘরে, কয়েকটি ব্যায়ামগৃহে ও কয়েকটি বাঙ্গালা স্কুলের

ঘরে বসিতেছিল। ব্যায়াম গৃহের একটা শ্রেণীতে বসিয়াই সাহেব আমাকে বলিলেন যে আমি এবারে তোমার স্কুলের ছাত্রদিগকে পরীক্ষা করিতে আসি নাই। ভূমিকম্পে স্কুলগৃহের, কিরূপ ক্ষতি হইয়া গিয়াছে এবং এখন কিরূপ নূতন গৃহ প্রস্তুত করিতে হইবে দেখিতে আসিয়াছি এবং প্রবেশিকা পরীক্ষার্থী ৮ জন ছাত্রের মধ্যে ৫ জন কেন ইংরাজী সাহিত্যে ফেল হইয়াছে এইটা বিশেষ করিয়া জানিতে আসিয়াছি। এই কথা বলিয়াই তিনি স্কুলের বড় চালাঘরের বারান্দায় গেলেন এবং কেন ৫ জন ছাত্র ইংরাজীতে ফেল হইয়াছে তাহার কারণ অনুসন্ধান করিতে লাগিলেন। আমি তাঁহাকে টেবু, পরীক্ষার ফল যেৰূপ হইয়াছিল তাহা বহী হইতে দেখাইলাম এবং বলিলাম আমি যে তিনটা ছাত্র উত্তীর্ণ হইবে বলিয়া-ছিলাম সেই তিনটাই উত্তীর্ণ হইয়াছে। কিরূপে বৃন্দাবন গোস্বামীকে পাঠাইয়া দিবার জন্ত পুলিশ সাহেব ও বাঙ্গালী ভদ্রলোকগণ কর্তৃক প্রত্যক্ষভাবে এবং ডেপুটী কমিসনার কর্তৃক পরোক্ষভাবে অনুরুদ্ধ হইয়া-ছিলাম তাহাও বলিলাম। ডাক্তার বুথ, বলিলেন যে চিফ্ কমিসনার কর্তৃক অনুরুদ্ধ হইলেও অনুপযুক্ত ছাত্রদিগকে তোমার পাঠান উচিত হইত না। আমি বলিলাম যে ডেপুটী কমিসনার ও পুলিশ সাহেবকে অসন্তুষ্ট করিয়া আমার নওগাঁয় থাকা চলিতে পারে না। তাঁহারা যদি অগ্রায় করিয়াও আমাকে একদিনের জন্ত হাজতে পাঠান, তাহা হইলেও আমাকে হাজতে যাইতে হইবে। আপনি শিলংএ থাকিয়া আমাকে রক্ষা করিতে পারিবেন না। একথাও বলিলাম যে, যখন বৃন্দাবন গোস্বামীকে পাঠাইতে বাধ্য হইয়াছিলাম তখন পক্ষপাতীত্ব না করিয়া যে যে ছাত্র টেবু ইংরাজীতে ফেল হইয়াছিল তাহাদিগকে পাঠাইয়া দিয়াছিলাম। ৫ জন ইংরাজীতে ফেল হইবে জানিয়াই পাঠাইয়া দিয়াছিলাম। ডাক্তার বুথ তৎপরে বারান্দায় পাচালি করিয়া বেড়াইতে লাগিলেন এবং নানা-বিষয়ে আমার সহিত প্রায় এক ঘণ্টাকাল গল্প করিলেন। ডাক্তার বুথ গণিত ভিন্ন অল্প কোন বিষয়ে বিজ্ঞান্যের ছাত্রগণকে কখনও পরীক্ষা

করিতেন না। স্তত্রাং কয়েকটি শ্রেণীর ছাত্রদিগকে ঐ বিষয়ে পরীক্ষা করিয়া পরিদর্শন কার্য সমাপ্ত করিলেন। পরিদর্শন কার্য শেষ হইলে তিনি যে দিন নওগাঁ ছাড়িয়া চলিয়া যাইবেন সেইদিন প্রাতে তাঁহার সহিত সাক্ষাৎ করিবার জন্য সার্কিট হাউসে গিয়াছিলাম। সাহেব তখন তথায় ছিলেন না। টুর-ক্লাক শ্রীযুক্ত দুর্গাধর বরকটকী তখন সার্কিট হাউসে ছিলেন। তিনি বলিলেন সাহেব এখন বেড়াইতে গিয়াছেন; আপনি বেলা ১টার পরে আসিয়া তাঁহার সহিত সাক্ষাৎ করিবেন। তিনি আমাকে এ কথাও বলিলেন যে আপনার সম্বন্ধে সাহেবের মত ও ধারণা অতি উৎকৃষ্ট। তিনি স্পষ্টই আগাকে বলিয়াছেন যে হেড্-মাষ্টার খুব ভাল ইংরাজী জানেন তবে কেন এতগুলি ছাত্র ইংরাজীতে ফেল হইয়াছে বুঝিতে পারিতেছি না। বেলা ১টার পরে বঙ্গ-বিদ্যালয়ের প্রধান শিক্ষক শ্রীযুক্ত গোলোকচন্দ্র চক্রবর্তীকে সঙ্গে লইয়া সাহেবের সহিত সাক্ষাৎ করিতে গেলাম। সাহেব বঙ্গ-বিদ্যালয়ের প্রধান শিক্ষক গোলোকবাবুর পিঠ চাপড়াইয়া বলিলেন যে পণ্ডিত মহাশয়, আপনার বিদ্যালয়টী এ প্রদেশের বঙ্গ-বিদ্যালয়ের মধ্যে একটি উৎকৃষ্ট বিদ্যালয়। পরে আমাকে বলিলেন “হেড্-মাষ্টার, আমি দেখিলাম যে তুমি বেশ ভাল ইংরাজী জান। লিখিতে বা বলিতে তোমার একটাও ভুল হয় না। আমি যেরূপ ইংরাজী বলি তুমিও সেইরূপ শুদ্ধ ইংরাজী বলিতে পার। তবে তোমার এতগুলি ছাত্র কেন ইংরাজীতে ফেল হইয়াছে আমি কিছুতেই ঠিক করিতে পারিতেছি না। আমি বলিলাম যে এতগুলি ছাত্র ইংরাজীতে ফেল হইবে আমি তা জানিয়াই উহাদিগকে পরীক্ষার্থ পাঠাইয়াছিলাম। আমি তা সমস্ত বিষয়ই আপনাকে বলিয়াছি। এই দিন হইতেই আমার প্রতি সাহেবের ধারণা অন্তরূপ হইয়া গেল। এই সকল কথার পরে আমি বলিলাম যে আমার স্কুলের সেকেন্ড মাষ্টার শ্রীযুক্ত কালীমোহন দাস ১৬ বৎসর সেকেন্ড মাষ্টারের কার্য করিতেছেন। তিনি প্রথম শ্রেণীতে গণিত এবং ইতিহাস ও

ভূগোল শিক্ষা দিয়া থাকেন। এই ১৬ বৎসরের মধ্যে কোন ছাত্রই ঐ দুই বিষয়ে প্রবেশিকা পরীক্ষায় অকৃতকার্য হয় নাই। তাঁহার অপেক্ষা অল্প দিন সেকেণ্ড মাষ্টারী করিয়াছেন এমন ৩ জন সেকেণ্ড মাষ্টার ক্রমে ক্রমে হেড্ মাষ্টার হইয়া গিয়াছেন। কালীমোহনবাবুর বয়স ৫২।৫৩ বৎসর হইয়া গিয়াছে। মাহুষের উন্নতির আশা না থাকিলে তাহার কাজ করিতে ক্ষুণ্ণি হয় না। হয় তাঁহাকে হেড্ মাষ্টারী দিন না হয় পেনসন্ দিন। সাহেব বলিলেন “সে কি, লোকটা ১৬ বৎসর সেকেণ্ড মাষ্টারী করিতেছেন তথাপি হেড্ মাষ্টার হইতে পারেন নাই।” আমি বলিলাম “না”। তবে এ কথা সত্য ইনি ইংরাজী তত ভাল জানেন না। যে স্কুলের সেকেণ্ড মাষ্টার ভাল ইংরাজী জানেন সেই স্কুলে ইহাকে হেড্ মাষ্টার করিয়া পাঠাইতে পারেন। সাহেব বলিলেন যে এখন ত হেড্ মাষ্টারী খালি নাই। আমি বলিলাম যে আপনি আপনার স্মারক বহীতে কালীমোহনবাবুর নাম লিখিয়া লউন। হেড্ মাষ্টারী খালি হইলে তাঁহাকে হেড্ মাষ্টারী দিবেন। সাহেব লিখিয়া লইলেন। আমি জানিতাম ডিক্রগড় জেলা-স্কুলের হেড্ মাষ্টার শ্রীযুক্ত কেশবনাথ ফুকন ডেপুটী ইনস্পেক্টর হইবেন; এবং তথাকার সেকেণ্ড মাষ্টার শ্রীযুক্ত তারাকান্ত ভট্টাচার্য ইংরাজী ভাল জানেন। পরে আমি বলিলাম যে আমি এই কালা-আজারের আবাসস্থল নগরী প্রায় ৬ বৎসর আছি, অনুগ্রহ করিয়া আমাকে অগ্রত্ব বদলী করুন। সাহেব ইহাতেও সম্মত হইলেন।

আমি বাসায় ফিরিয়া আসিয়াই কালীমোহনবাবুকে বলিলাম যে পোষাক প্রস্তুত করুন; শীঘ্রই হেড্ মাষ্টার হইবেন। হেড্ মাষ্টারের করণীয় কার্যগুলি এখন হইতে করিতে শিখুন। কালীমোহনবাবু কিছুতেই আমার কথা বিশ্বাস করিতে পারিলেন না। এই সময়ের কিছু দিন পরে ডিরেক্টর সাহেবের অফিস হইতে একখানি চিঠি আসিল যে কোন শিক্ষকের কোনরূপ ব্যবসায় থাকিলে এমন কি গৃহ-



শিক্ষকের কার্য থাকিলেও সাহেবের বিশেষ অমুমতি না লইয়া কেহই কোন ব্যবসায় করিতে পারিবেন না। যে যে শিক্ষকের কোন ব্যবসায় বা গৃহ-শিক্ষকতা ছিল সকলকেই অমুমতি দেওয়া হইল।

কালীমোহনবাবুর স্ত্রী কারবার ছিল। তাঁহাকে অমুমতি দেওয়াই-লাম না; পরন্তু তাঁহাকে বলিয়া দিলাম যে বাহার বাহার নিকটে আপনার টাকা পাওনা আছে সব আদায় করিয়া লউন। নচেৎ এখান হইতে বদলী হইলে বিশেষ ক্ষতিগ্রস্ত হইবেন। সকলের অমুমতি আসিল অথচ কালীমোহনবাবুর অমুমতি আসিল না জানিয়া তাঁহার বিদুষী ও পরোপকারিণী পত্নী শ্রীমতী চিন্ময়ী দাস বিশেষ দুঃখিতা হইলেন; এবং আমার স্ত্রীকে বলিলেন “সে কি, হেড্‌ মাষ্টারের সহিত ত সেকেণ্ড মাষ্টারের বিশেষ সৌহৃদ্য আছে। দুই জন ত প্রায়ই সর্বদাই একত্রে থাকেন। এরূপ অবস্থায় সেকেণ্ড মাষ্টার স্ত্রী কারবার করিবার অমুমতি পাইলেন না কেন? আমি আমার স্ত্রীকে বলিয়া দিলাম যে তোমার দীদীকে বলিও যে ইহার কারণ পরে জানিতে পারিবেন। সেকেণ্ড মাষ্টারের স্ত্রী প্রসবকার্যে সিদ্ধহস্তা ছিলেন এবং কাহারও প্রসব বেদনা উপস্থিত হইয়াছে জানিতে পারিলেই ও তাঁহাকে লইয়া যাইবার জন্ত গাড়ী পাঠাইলেই তিনি যে কোন ভদ্রলোকের বাড়ী গিয়া প্রসব করাইয়া আসিতেন। ইহাঁর নিকটে ও উকীল শ্রীযুক্ত রামচন্দ্র ভট্ট মজুমদারের স্ত্রী শ্রীমতী সুষীলাবালা মজুমদারের নিকট আমরা বিশেষভাবে ঋণী। ইহাঁদের দয়া, গমতা, উপকারিতা ও সৌজন্য জীবন থাকিতে ভুলিতে পারিব না। বিশেষ আত্মীয়ের অপেক্ষাও ইহাঁরা আমাদের আত্মীয়া ছিলেন। সকল সময়েই ইহাঁদের সাহায্য ও সহায়ভূতি পাইয়াছি।

ডাক্তার বুথ পরিদর্শন করিয়া যাওয়ার মাস দুই পরে আসাম গেজেটে প্রকাশিত হইল যে ডিব্রুগড় জেলা-স্কুলের হেড্‌ মাষ্টার শ্রীযুক্ত কেশব-নাথ ফুকন দরং জেলার ডেপুটী ইনস্পেক্টর হইলেন এবং তৎপদে

নওগাঁ জেলা-স্কুলের সেক্রেটারি মাষ্টার শ্রীযুক্ত কালীমোহন দাস হেড্, মাষ্টার নিযুক্ত হইয়া ডিব্রুগড়ে বদলী হইলেন। ইহার মাসখানিক পরে গেজেটে প্রকাশ হইল যে আমি তেজপুর জেলা-স্কুলের হেড্, মাষ্টারের কার্যে বদলী হইলাম, এবং তেজপুর হাই-স্কুলের হেড্, মাষ্টার শ্রীযুক্ত রামমোহন মিত্র বি, এ, শিবসাগর জেলা-স্কুলের হেড্, মাষ্টার হইলেন।

আমি যে ৬ বৎসরকাল নওগাঁ জেলা-স্কুলের হেড্, মাষ্টার ছিলাম সেই সময়ের জন্ম নওগাঁ Assamese Text-Book Committee বা আসামীয়া ভাষার পাঠ্য-পুস্তক নির্বাচনী সভার সভ্য ছিলাম এবং পাঁচ বৎসরকাল নওগাঁ মিউনিসিপ্যাল কমিটির কমিসনার ছিলাম ও ভাইস চেয়ারম্যান উকীল শ্রীযুক্ত রামভুল্লভ মজুমদার বি, এল, এর অস্থপস্থিতি কালে ভাইস চেয়ারম্যানের কার্য করিয়াছিলাম।

কোন এক সময়ে আসাম-উপত্যকা জেলা সমূহের কমিসনার জি, গডফ্রে সাহেবের সহিত আসামীয়া ভাষা সম্বন্ধে নওগাঁর সাকিট্ হাউসে আমার কথোপকথন হয়। আমি বলি যে আসামীয়া ভাষা প্রকৃতপক্ষে ভিন্ন ভাষা নহে। বাদ্বালা ভাষার রূপান্তর মাত্র। তাহাতে কমিসনার সাহেব বাহাদুর বলেন যে তাহা হইলে তুমি ফরাসী ভাষাকেও ইংরাজী ভাষার রূপান্তর বলিতে পার। যখন আমাদের আসামীয়া ভাষা সম্বন্ধে কথাবার্তা হইতেছিল, তখন পার্শ্বের ঘরে তাঁহার পেশ্কার শ্রীযুক্ত দুলাল-চন্দ্র চৌধুরী বসিয়াছিলেন ও আমাদের কথাবার্তা শুনিয়াছিলেন। তিনি এই কথা তাঁহার বন্ধু বান্ধবের মধ্যে প্রচার করিয়াছিলেন, তাহার ফলে আসাম-প্রদেশের তৎকালের মাননীয় চিফ্, কমিসনার স্তার উইলিয়ম ওয়ার্ড বাহাদুরের নিকটে কেহ কেহ আপত্তি করিয়া লেখেন যে হেড্, মাষ্টার রামেশ্বর সেন বাঙ্গালী ও নওগাঁর পাদ্রী রেভারেন্ড মুর আসামীয়া ভাষার পাঠ্য-পুস্তক নির্বাচনী সভার সভ্য হইতে পারেন না। চিফ্, কমিসনার বাহাদুর শিক্ষা-বিভাগের ডিরেক্টর উইলসন্ সাহেবকে

চিঠি লিখিয়া জানিতে চান যে একজন বাঙ্গালীকে ও আর একজন সাহেবকে কেন ঐ সভার সভ্য মনোনীত করা হইয়াছে। আসামের ডিরেক্টর সাহেব চিফ্ কমিসনার সাহেব বাহাদুরের এই সম্বন্ধে চিঠি পাওয়ার কিছুদিন পরে নওগাঁয় আসিয়া আমাকে জিজ্ঞাসা করেন যে এ সম্বন্ধে কি উত্তর দেওয়া যায়। আমি তাঁহাকে বলি যে মুর সাহেব আসামীয়া ভাষায় পবিত্র বাইবেলের অনুবাদ করিয়াছেন, উহা হইতে বৃষ্টিতে হইবে তিনি আসামীয়া ভাষায় বিশেষ ব্যুৎপন্ন এবং আমি যখন ডেপুটী ইনস্পেক্টর ছিলাম তখন আসামীয়া ভাষায় উচ্চমানের পরীক্ষা দিয়া বিশেষ প্রতিপত্তি সহকারে উত্তীর্ণ হইয়াছিলাম। ঐ পরীক্ষার ফল ১৮৮৫ সনের ১৪ই জানুয়ারী তারিখের আসাম গেজেটের ১০ম পৃষ্ঠায় ৭নং বিজ্ঞাপনে প্রকাশিত হইয়াছিল। ডিরেক্টর সাহেব বাহাদুর আমার কথামত কৈফিয়ৎ দেন; এবং চিফ্ কমিসনার সাহেব বাহাদুর ঐ কৈফিয়ৎ পাইয়া সন্তুষ্ট হন। এ বিষয়ে আর কাহারও কখনও কোন আপত্তি হয় নাই।

আমি যে ৬ বৎসরকাল নওগাঁ জেলা-স্কুলের হেড্ মাস্টার ছিলাম; সেই সময়ে নওগাঁয় ডেপুটী কমিসনার ছিলেন বথাক্রমে ন্যাক্সেন, আর বথনট্, লীজ, গ্রুনিং ও কেনেডি সাহেব। প্রথম ৪ জন সিভিলিয়ান ছিলেন ও কেনেডি সাহেব পূর্বে কিছুকাল সৈনিক-বিভাগে কার্য্য করিয়াছিলেন। ন্যাক্সেন ও গ্রুনিং সাহেব বড় কড়া মেজাজের লোক ছিলেন। পূর্বে সময় নিদ্দিষ্ট না করিয়া ইঁহাদের সহিত সাক্ষাৎ করিতে পারা যাইত না। আর বথনট্ সাহেব অনেকগুলি ভাষা জানিতেন এবং সদাশয় লোক ছিলেন, কিন্তু কার্য্য করিতে চাহিতেন না। কেনেডি সাহেব বিশেষ জনপ্রিয় ও অমায়িক লোক ছিলেন। ইঁহার সহিত প্রায় যখন তখন দেখা করিতে পারা যাইত। সময়ে সময়ে ইনি স্নান করার পরেই গেঞ্জি গায়ে দিয়াও আমার সহিত গল্প করিতেন। দুঃখের বিষয় ইনি ভীষণ মারাত্মক ব্যাধি কাল-আজ্ঞারে আক্রান্ত হইয়া অকালে

নওগাঁয় প্রাণ হারান। ইহার সমাধি দিবসে বাকালী, হিন্দুস্থানী, মাড়োয়ারী ও আসামীয়া ভদ্রলোক মাত্রেই সমাধিক্ষেত্রে যাইয়া সমাধি কার্যে যোগদান করিয়া শোক প্রকাশ করিয়াছিলেন।

আমি ইচ্ছা করিয়া নওগাঁ হইতে বদলী হওয়ায় নওগাঁর ভদ্রলোক মাত্রেই দুঃখিত হইয়াছিলেন এবং অনেকেই বলিয়াছিলেন যে আমাদের অনর্থক দুঃখ দিয়া গেলেন ইহার জ্ঞাত মনস্তাপ করিতে হইবে। উহাদের অভিসম্পাত আমার উপরে বিলক্ষণ কার্য করিয়াছিল। আমি তেজপুরে যাইয়া স্থায়ী হইতে পারি নাই। বিলক্ষণ শারীরিক, মানসিক ও আর্থিক কষ্ট পাইয়াছিলাম। সে সকল বিষয় যথাস্থানে বর্ণিত হইবে। গ্রীষ্মাবকাশ আরম্ভ হওয়ার পরে আমি নওগাঁ জেলা-স্কুলের নূতন দ্বিতীয় শিক্ষক শ্রীযুক্ত ধর্মেশ্বর গোস্বামীকে বিদ্যালয়ের কার্যভার বুঝাইয়া দিয়া তেজপুরে যাইবার বন্দোবস্ত করিলাম। আমি যখন এই বিদ্যালয়ের দ্বিতীয় শিক্ষক ছিলাম তখন ধর্মেশ্বর গোস্বামী মহাশয় তৃতীয় শিক্ষক ছিলেন। সুতরাং আমার পরিচিত। ইনি মধ্যে তেজপুর স্কুলের তৃতীয় শিক্ষকের পদে বদলী হইয়াছিলেন এবং সেখানে কয়েক বৎসর ছিলেন। এখন দ্বিতীয় শিক্ষকের পদে উন্নীত হইয়া আবার নওগাঁয় আসিয়াছেন। ইহার বাড়ী নওগাঁয় এবং ইনি জখলা-বান্ধা সত্রে গোস্বামী।

নওগাঁয় আমার নিজের বাসা ছিল। সুতরাং আমি গ্রীষ্মাবকাশ কালটা নওগাঁয় কাটাইতে পারিতাম। কিন্তু কোন স্থানে কোন বিভাগে কর্তৃত্ব করিয়া উহার কার্যভার স্থলাভিষিক্ত ব্যক্তিকে বুঝাইয়া দিয়া তথায় থাকিলে পূর্বের ত্রায় খাতির থাকে না বলিয়াই আমি গ্রীষ্মাবকাশের মধ্যেই চলিয়া আসিলাম। ইতিপূর্বে আমি মাস খানেকের জ্ঞাত একবার মধ্য-আসামের একটি ডেপুটি ইনস্পেক্টর হইয়া তেজপুরে গিয়াছিলাম। সুতরাং তেজপুরের ভদ্রলোকদিগের সহিত আমার আলাপ পরিচয় ছিল, কেবল একট্রা-এসিষ্ট্যান্ট কমিসনার শ্রীযুক্ত নৃত্য-

গোপাল চট্টোপাধ্যায় বি এল, মহাশয়ের সহিত ইতিপূর্বে কখনও পরিচয় হয় নাই। নৃত্যগোপালবাবুর বাড়ী ২৪ পরগণা জেলার অন্তর্গত শ্রামনগরে। ইনি বড় অমায়িক ও সদাশয় ছিলেন। পরে ইঁহার সহিত আমার বিশেষ বন্ধুত্ব হইয়াছিল। বিশেষতঃ আমার আত্মীয় শ্রীমান্ জ্যোতির্ষ্ময় সেন ডেপুটী কমিসনারের অফিসে এখানে এখন চাকরী করিতেছিলেন। এই সমস্ত বিবেচনা করিয়া গ্রীষ্মাবকাশের বন্ধের সময়ে তেজপুরে আসিলে কোন অসুবিধা হইবে না মনে করিয়া তেজপুরে এই সময় আসা কর্তব্য মনে করিয়া আসিলাম।

## নবম অধ্যায়

### তেজপুর

#### তেজপুর হাই-স্কুলের হেড্‌মাস্টার হওয়া

তেজপুর সहरটি ক্ষুদ্রাকারের হইলেও দেখিতে অতি সুন্দর ও মনোহর। এই সহরের দুইধার দিয়া ব্রহ্মপুত্র প্রবাহিত আছে। সহরের নিকটেই পাহাড় ও স্বাভাবিক বন আছে। কৃত্রিম হ্রদ ও কৃত্রিম দ্বীপও আছে। পদ্মপুকুর বলিয়া একটি বৃহৎ পুকুর আছে। পদ্মফুল ফুটিলে, উহার শোভা অতি মনোহারিণী হয়। এটি প্রকৃত-পক্ষে পুকুর নহে। ব্রহ্মপুত্রের পুরাতন খাত। ঐ খাতের উপর দিয়া কয়েকটি পাকা রাস্তা প্রস্তুত করিয়া উহাকে পুকুরে পরিণত করা হইয়াছে। যখন কর্ণেল গ্রে, এখানে ডেপুটি কমিসনার ছিলেন তখন এই সহরটিকে তিনি আরও সুন্দর ও মনোহর করিয়া গিয়াছিলেন। গ্রে সাহেব যখন যে সহরে ডেপুটি কমিসনার থাকেন তখনই তাহার সৌন্দর্য্য বৃদ্ধি করেন। ধুবড়ীকেও ইনি সুন্দর ও শ্রীসম্পন্ন করিয়া গিয়াছিলেন। তেজপুর সহরটি দেখিতে যেন একখানি সুন্দর ছবি। অনেক সাহেবের মুখে শুনিয়াছি যে একাধারে বৃহৎ নদী, পর্বত, পাহাড় ও সুন্দর স্বাভাবিক বন, ভারতবর্ষের অত্র কোন সহরে নাই। তেজপুরের বর্তমান ডেপুটি কমিসনার মেজর কোলও তেজপুর সহরকে আরও সুন্দর করিতে আরম্ভ করিয়াছেন। ইনি একটি সুন্দর উদ্যান প্রস্তুত করিয়াছেন; এবং এখনও উহার সৌন্দর্য্য বৃদ্ধি করিতেছেন। তাঁহার নামেই ঐ উদ্যানের নাম হইয়াছে কোল পার্ক অর্থাৎ কোল উদ্যান। এই উদ্যানটী তেজপুর হাই-স্কুলের বাড়ীর পূর্বধারে। স্কুল বাড়ী ও উদ্যানের মধ্যে একটি কৃত্রিম হ্রদ মাড়

ব্যবধান। ফুল বাড়ীর দুই ধারে ডুরাণ্ডা নামক গাছ দিয়া সুন্দর বেড়া করিয়া দিয়াছেন। রুচি-বিজ্ঞানে ইহার বিলক্ষণ তীক্ষ্ণ জ্ঞান ও দৃষ্টি আছে। লোকটীও অতি মিষ্টভাষী, সদাশয় ও মহদন্তঃকরণ। দেখিতেও অতি সুন্দর ও সুশ্রী। ইহাকে দেখিলেই, ইহার প্রতি আকৃষ্ট হইতে হয় এবং ইহাকে ভালবাসিতে ও শ্রদ্ধাভক্তি করিতে প্রবৃত্তি হয়। ইহার সম্বন্ধে আরও অনেক কথা এখন বলিতে রহিল।

তেজপুর জেলা-স্কুলের আমার পূর্ববর্তী হেড্‌মাষ্টার শ্রীযুক্ত রামমোহন মিত্র বি, এ, ঐ স্কুলের কার্যভার দ্বিতীয় শিক্ষক শ্রীযুক্ত বীরেন্দ্রকুমার বসু বি, এ, কে দিয়া গ্রীষ্মাবকাশের বন্ধে বাড়ী চলিয়া গিয়াছিলেন। বীরেন্দ্রবাবুও বন্ধের সময়ে বাড়ী গিয়াছিলেন। প্রচলিত রীতি অনুসারে রামমোহনবাবু আমার অবগতি ও সুবিধার জন্ত একখানি বহীতে কতকগুলি বিষয় লিপিবদ্ধ করিয়া বীরেন্দ্রবাবুর হস্তে রাখিয়া গিয়াছিলেন।

আমি নগরী হইতে আদিবার পূর্বে আমার আত্মীয় জ্যোতির্শ্রম্য সেনকে চিঠি লিখিয়া একটা ভাল বাসা বন্দোবস্ত করিয়া রাখিতে বলিয়াছিলাম। তদনুসারে তাঁহার বাসার নিকটে হেড্‌মাষ্টার চন্দ্রমোহন গোস্বামীর পুত্র শরদিন্দু গোস্বামীর বাসাটা আমার জন্ত ভাড়া করিয়া রাখিয়াছিলেন। বাসাটীতে অনেকগুলি বড় বড় ঘর ছিল। স্থানও যথেষ্ট ছিল। একটা ফুলবাগান ছিল এবং একখানি ছোট চালাঘরের মধ্যে একটা পাতকুয়াও ছিল। আমি যেদিন তেজপুরে আসি সেই দিন ষ্টিমার ঘাটে বিতালয়ের চতুর্থ শিক্ষক শ্রীযুক্ত আনন্দহরি বসাক চৌকিদার প্রহ্লাদ সিং সহ কয়েকখানি গরুণ গাড়ী লইয়া উপস্থিত ছিলেন। আনন্দহরিবাবুর বাড়ী নিজ ঢাকা সহরে এবং লোকটি বেশ শাস্ত, শিষ্ট ও পরোপকারী ছিলেন। চৌকিদার প্রহ্লাদ সিং খুব ভাল লোক ছিল এবং আমার সুবিধার জন্ত অনেক কাজ কর্ণের সুবন্দোবস্ত করিয়া দিত।

পূর্বেই বলিয়াছি যে তেজপুরে আসিয়া আমি স্থখী হইতে পারি নাই। শারীরিক, মানসিক ও আর্থিক কষ্ট যথেষ্ট পাইয়াছিলাম। তেজপুরে জলের কষ্ট খুবই বেশী। কাছারির নিকট একটা ইন্দারা আছে। হয় সেই ইন্দারা হইতে স্নান, পান, পাক ও অন্যান্য কার্যের জন্ত জল আনিতে হয়, নয় ব্রহ্মপুত্র হইতে আনিতে হয়। আমার বাসা যেখানে ছিল সেখান হইতে ইন্দারার জল লওয়াই সুবিধাজনক ছিল। আমি যখন তেজপুরে যাই তখন গ্রীষ্মকাল, ভয়ানক গরম। স্তবরাং স্নানের জন্ত অধিক পরিমাণে ঠাণ্ডা জলের প্রয়োজন হইয়াছিল। আমি তেজপুরে পৌছিয়াই, চাকরের ভাল বন্দোবস্ত করিতে পারি নাই। বাসায় যে পাতকুয়াটা ছিল তাহার জলেই স্নান করিতে লাগিলাম। উহার জলটা খুব ঠাণ্ডা ছিল। অধিক পরিমাণে ঐ জল ব্যবহার করায় আমার জ্বর হইল। পাগলা-গারদের ডাক্তার শ্রীযুক্ত গিরিশচন্দ্র দাস আমার চিকিৎসা করিতে লাগিলেন। হঠাৎ একদিন পাখানা হইতে আসিবার সময় আমি মূর্ছিত হইয়া পড়িয়া গেলাম। বাসায় কান্নাকাটি উঠিল। আমার বাসার সম্মুখের বাসায় লোক্যালবোর্ডের একাউন্ট্যান্ট শ্রীযুক্ত শিবেশ্বর দাস ও তাঁহার ভ্রাতা উকীল শ্রীযুক্ত চন্দ্রকান্ত দাস বি, এল, বাস করিতেন। শিবেশ্বরবাবুর বিধবা ভগিনী, আমাদের বাসায় কান্না শুনিয়া ছুটিয়া আমাদের বাসায় আসিলেন। এই সময়ে তেজপুরের সিভিল সার্জন উদার-হৃদয় ডাক্তার ম্যাকনামারা বিদায়ে ছিলেন। নগরার এসিষ্ট্যান্ট সার্জন শ্রীযুক্ত নারায়ণচন্দ্র বসু তখন তেজপুরের একটা সিভিল সার্জন। তিনি পাগলা-গারদের ডাক্তার গিরিশবাবুর বাসাতেই থাকিতেন। নারায়ণবাবু আমার পূর্বপরিচিত বন্ধু। তাঁহাকে সংবাদ দেওয়ায় তিনি ও গিরিশবাবু উভয়েই আমাকে দৌধিতে আসিলেন। নারায়ণবাবু আমার রোগ পরীক্ষা করিয়া গিরীশবাবুকে জিজ্ঞাসা করিলেন যে তিনি কি রোগের চিকিৎসা করিতেছেন। গিরীশবাবু বলিলেন সাধারণ জ্বরের চিকিৎসা



করিতেছি। নারায়ণবাবু বলিলেন সে কি গিরীশ, ইহাঁর যে ডবল্ নিউমোনিয়া হইয়াছে। স্ততরাং ঔষধের পরিবর্তন হইল, বৃকে পুন্টিশ দিবার বন্দোবস্ত হইল। আমার পুত্রেরা তখন সকলে অল্প বয়স্ক। স্ততরাং পাড়ার ভদ্রলোকগণ ও আমার আত্মীয় জ্যোতিষ্ময় আমার শুশ্রূষা করিতে লাগিলেন। উকীল মহেন্দ্রনাথ দাঁ বি, এল, হাকিম নৃত্যগোপালবাবু, উকীল মনোমোহন লাহিড়ী বি, এল, প্রভৃতি ভদ্রলোক মাত্রেই আমার সংবাদ লইতে লাগিলেন। উকীল মনোমোহন আমার ছাত্র। পাড়ার শিবেশ্বরবাবু, চন্দ্রকান্তবাবু ও তাঁহাদের ভগিনী, আমার এই আকস্মিক পীড়া ও বিপদের সময়ে যথেষ্ট পরিশ্রম, চেষ্টা ও যত্ন করিয়াছিলেন। উহাঁরা সকলে মিলিত হইয়া এত যত্ন ও চেষ্টা না করিলে আমার রোগমুক্ত হইবার সম্ভাবনা খুবই কম ছিল।

মাসাধিককাল কষ্ট পাওয়ার পরে ভাল হইয়া উঠিলাম বটে, কিন্তু তখনও দুর্বলতা যায় নাই। আমার দ্বিতীয় পুত্র অমলেরও ম্যালেরিয়া জ্বর হইল। হাকিম নৃত্যগোপালবাবুর ও উকীল মহেন্দ্রবাবুর হোমিওপ্যাথিক্ চিকিৎসায় সেও অনেকদিন ভুগিয়া আরোগ্যলাভ করিল। কালা-আজারের আবাস-স্থল নওগাঁয় সাড়ে ছয় বৎসর থাকি কালে আমার বা আমাদের ছেলে মেয়েগণের কাহারও কোন পীড়া হয় নাই। অথচ স্বাস্থ্যকর স্থান তেজপুরে আসিয়া আমি সাজঘাতিক পীড়ায় পীড়িত হইয়া পড়িলাম। এবং আমার ছেলে মেয়েগণেরও ক্রমে ক্রমে সকলেরই পীড়া হইতে লাগিল। পরে তাহাদের পীড়ার কথা, চিকিৎসার ও স্থান পরিবর্তনের বিষয় বলিব।

আমি তেজপুরে আসিয়াই নিউমোনিয়া রোগে আক্রান্ত হওয়ায় ডেপুটী কমিসনার সাহেবের সহিত সাক্ষাৎ করিতে পারি নাই। তাঁহার বাঙ্গলো পাহাড়ের উপরে অবস্থিত ছিল। শরীরে একটু বল পাওয়ার পরে একদিন অতি কষ্টে ছড়িতে ভর দিয়া তাঁহার বাঙ্গলোয় যাইয়া তাঁহার

সহিত সাক্ষাৎ করিয়া তাঁহাকে জানাইলাম যে পীড়ার জন্তই তাঁহার সহিত এতদিন দেখা করিতে পারি নাই। আজ অতি কষ্টে আসিয়াছি। ডেপুটী কমিসনার মেজর কোল আমার পীড়ার কথা শুনিয়া বলিলেন যে তুমি আরও কয়েকদিন পরে শরীরে যথেষ্ট বল পাইলে আমার সহিত সাক্ষাৎ করিতে আসিলে কোন দোষ হইত না; মেজর কোল যতদিন তেজপুরে ছিলেন ততদিনই আমার প্রতি সদয় দৃষ্টি রাখিয়াছিলেন। তিনি তেজপুর হইতে বদলী হইয়া গেলে কতকগুলি দুষ্ট প্রকৃতির লোক আমার অনিষ্ট সাধন করিবার জন্ত চেষ্টা করিয়াছিল এবং আমাকে নানা প্রকারে ব্যতিব্যস্ত করিয়া তুলিয়াছিল। সে সকল কথা পরে বলিব।

গ্রীষ্মাবকাশের পরে দ্বিতীয় শিক্ষক বীরেন্দ্রবাবু বাড়ী হইতে ফিরিয়া আসিয়া আমার সহিত দেখা করিবার জন্ত একদিন আমার বাসায় আসিলেন। আমি তখনও খুব দুর্বল। ভদ্রতা করিয়া আমি তাঁহাকে বলিলাম যে দেখুন আমার বয়স প্রায় ৫০ বৎসর হইয়া গিয়াছে। আমার কার্য হইতে অবসর গ্রহণ করার সময় নিকট হইয়া আসিয়াছে। আমার এ বয়সে অতিরিক্ত পরিশ্রম করা পোষাইবে না। আপনি তরুণ ও সুশিক্ষিত যুবক। আপনি মনে করিবেন যে আপনিই যেন স্কুলের প্রধান শিক্ষক। আপনার উপর বিদ্যালয়ের সমস্ত কার্যের ভার দিয়া আমি নিশ্চিন্ত থাকিতে চাই। আমি কেবল প্রথম শ্রেণীতে পড়াইয়াই আমার সমস্ত করণীয় কার্য করা হইল মনে করিতে পারি এরূপভাবে আপনি কার্য করিবেন। বীরেন্দ্রবাবু বি, এ, ছিলেন এবং আসাম-প্রদেশের মধ্যে অত্যন্ত প্রধান শিক্ষকগণ অপেক্ষা তাঁহার পিতা শ্রীহট্ট জেলা-স্কুলের প্রধান শিক্ষক শ্রীযুক্ত দুর্গাকুমার বসু অধিক বেতন পাইতেন; এবং তিনি তাঁহার পিতার খাতিরে বি, এ, পাস করিয়াই একেবারে দ্বিতীয় শিক্ষক হইয়াছিলেন বলিয়া তাঁহার মনে বিলক্ষণ অহঙ্কার ছিল। আমি যে ভদ্রতার খাতিরে বিনয় করিয়া তাঁহাকে এতগুলি কথা বলিয়াছিলাম তাহা না বুঝিয়া তিনি বুঝিয়াছিলেন যে

আমি বি, এ, নহি, স্ততরাং তত যোগ্য প্রধান শিক্ষক নহি। এহ ধারণা লইয়াই তিনি আমার সহিত অন্তায় ব্যবহার করিতে আরম্ভ করিলেন। যখন তাঁহার নিকট হইতে বিদ্যালয়ের কাৰ্য্যভার বুঝিয়া লই, তখন তিনি পূৰ্ববৰ্ত্তী হেড্ মাষ্টার রামমোহনবাবুর একখানি নোট বুক আমাকে দিয়া বলিয়াছিলেন যে এই নোট-বুকের যে কয়েকখানি পাতা নৃত্য দিয়া একত্র করিয়া বাঁধা আছে ঐ পাতাগুলিতে রামমোহনবাবুর ব্যক্তিগত কতকগুলি বিষয় লিখিত আছে, ঐগুলি আপনি দোঁখবেন না। আমি তাঁহার কথায় বিশ্বাস স্থাপন কারিয়া ঐগুলি কিছুকাল দোঁখি নাই। বিদ্যালয়ের কাৰ্য্যভার গ্রহণ করার পরে আমি তাহাকে বলিলাম যে প্রায় সকল হাই-স্কুলের সেকেন্ড মাষ্টারেরা প্রথম দুই শ্রেণীতে গণিত শিক্ষা দিয়া থাকেন এবং প্রধান শিক্ষক ঐ দুই শ্রেণীতে ইংরাজী সাহিত্য শিক্ষা দেন। আপনি কি প্রথম শ্রেণীতে গণিত শিক্ষা দিবেন? তদুত্তরে তিনি বলিলেন এবারকার প্রথম শ্রেণীতে তত ভাল ছাত্র নাই, এ বৎসর আমি প্রথম শ্রেণীতে গণিত শিক্ষা দিতে ইচ্ছা করি না। আগামী বৎসরে দিব। রামমোহনবাবু বলিধা গিয়াছেন যে চতুর্থ শিক্ষক আনন্দহরিবাবু গণিত ভাল জানেন, তাহাকে প্রথম শ্রেণীতে গণিত শিক্ষা দিতে বলিয়া গিয়াছেন। আমি বলিলাম যে যদি আপনি প্রথম শ্রেণীতে গণিত শিক্ষা না দেন তাহা হইলে আমাকেই উহা শিক্ষা দিতে হইবে। পূৰ্ববৰ্ত্তী হেড্ মাষ্টার রামমোহনবাবু গণিত ভাল জানিতেন, এক্ষণে তিনিই প্রথম ও দ্বিতীয় শ্রেণীতে গণিত শিক্ষা দিতেন। যদি আমি প্রথম শ্রেণীতে গণিত শিক্ষা না দিয়া চতুর্থ শিক্ষক আনন্দহরিবাবুকে উহা শিক্ষা দিবার ভার দিখ তাহা হইলে সকল লোকেই মনে করিবে যে আমি গণিত জানি না। স্ততরাং আমি নিজেই প্রথম শ্রেণীতে গণিত শিক্ষা দিতে প্রস্তুত হইলাম। আমি যখন দ্বিতীয় শিক্ষক ছিলাম তখন প্রথম দুই বা তিন শ্রেণীতে বরাবরই গণিত শিক্ষা দিতাম। তবে ১৮৮৩ সনের জুলাই মাস হইতে অর্থাৎ ডেপুটী ইনস্পেক্টর নিযুক্ত

হওয়ার পর হইতে প্রায় ৭ বৎসরকাল গণিত শিক্ষা দিই নাই। কোহিমা হাই-স্কুলে প্রথম শ্রেণী ছিল না কাজেই উহা সেখানে শিক্ষা দিতে হয় নাই। এখন গণিত শিক্ষা দিতে প্রথম প্রথম একটু বাধ, বাধ, বোধ হইতে লাগিল। আর, আর এক কথা আমি এ পর্য্যন্ত চশমা ব্যবহার করি নাই। এখন বীজগণিত শিক্ষা দিবার কালে শক্তিবাক্য ক্ষুদ্র ক্ষুদ্র সংখ্যাগুলি দেখিতে কষ্ট বোধ করিতে লাগিলাম। কাজেই এখন চশমা ব্যবহার করিতে বাধ্য হইলাম। গণিত শিক্ষা দিতে লাগিলাম এবং পূর্বের অভ্যাস ফিরিয়া পাইলাম। একথা এখানে বলা আবশ্যক যে দ্বিতীয় শিক্ষক বীরেন্দ্রবাবু গণিতে ব্যুৎপন্ন ছিলেন না।

তেজপুর জেলা-স্কুলেও তৃতীয় শিক্ষক ঘন ঘন পরিবর্তিত হইতে লাগিল। এক সময়ে রজনীকান্ত ঘোষ নামে বি, এ, ফেল একজন তৃতীয় শিক্ষক হইয়া আসিয়াছিলেন। ইনি পূর্বের ডিব্রুগড় জেলা-স্কুলের চতুর্থ শিক্ষক ছিলেন। আসাম-প্রদেশের নিম্ন সিভিল সার্ভিস পরীক্ষা দিয়া ইনি সব-ডেপুটী কালেক্টর হইয়াছিলেন। কাছার জেলায় কার্য করার সময়ে ইনি হঠাৎ উন্নত পাগল হইয়া যান। সুতরাং তাঁহার সে চাকরী যায়। তখনও উহার নাম শিক্ষা-বিভাগের অন্তর্গত ছিল। বহুকাল বিদায়ে থাকার পরে উনি পুনরায় শিক্ষা-বিভাগে কার্য করিতে আসেন। বিদায় হইতে আসার পরে প্রথমে তাঁহাকে গোহাটিতে ডেপুটী ইনস্পেক্টর ক্রীযুক্ত গিরিশচন্দ্র দত্তের অধীনে ক্লার্কের পদে নিযুক্ত করা হয়। গিরিশবাবু তাঁহার বিরুদ্ধে রিপোর্ট করায় তাঁহাকে তেজপুর জেলা-স্কুলের তৃতীয় শিক্ষকের পদে ডাক্তার বুথ নিযুক্ত করিয়া পাঠান। রজনীবাবু বেশ ভাল শিক্ষক ছিলেন। যখন তিনি প্রকৃতিস্থ থাকিতেন তখন তিনি খুবই ভাল শিক্ষক। কয়েক মাস আমার অধীনে তৃতীয় শিক্ষকতা করার পরে আবার হঠাৎ একদিন পাগল হইয়া পড়েন। প্রথমে তাঁহাকে পাগলা-গারদে দিতে বাধ্য হই। তাঁহার একটা ভাই রঙ্গপুরে কাছনগো ছিলেন। তাঁহাকে চিঠি লেখাতে তিনি একজন

লোক পাঠাইয়া দেন। ঐ লোকসঙ্গে তাঁহাকে তাঁহার দেশে পাঠাইয়া দিই। রজনীবারু পাগল হওয়ার পরে অনেক দিন পর্যন্ত অনেকে একটি তৃতীয় শিক্ষকের কার্য করেন। এক সময়ে হেড্‌ মাষ্টার 'প্রসন্নচন্দ্র মুখোপাধ্যায়ের পুত্র শ্রীমান্ চারুচন্দ্র মুখোপাধ্যায় বি, এ, কিছুদিন একটি তৃতীয় শিক্ষক ছিলেন। পরে শ্রীহট্ট জেলা-নিবাসী শ্রীযুক্ত বারীন্দ্রনাথ আদিত্য বি, এ, স্থায়ীভাবে তৃতীয় শিক্ষক হইয়া আসেন। পঞ্চম শিক্ষকের পদ শূন্য হওয়ায় গোয়ালপাড়া গভর্ণমেন্ট-মধ্য-ইংরাজী বিদ্যালয়ের প্রধান শিক্ষক শ্রীযুক্ত কালীপ্রসন্ন চট্টোপাধ্যায় পঞ্চম শিক্ষক হইয়া আসেন। ইহার বাড়ী বলাগড়ের নিকট কালীয়াগড়ে। ইনি বহুদিন আমার অধীনে লক্ষ্মীপুর মধ্য-ইংরাজী বিদ্যালয়ের প্রধান শিক্ষক এবং কয়েক বৎসর ধুবড়ীতে স্কুল সর্ব-ইনস্পেক্টর ছিলেন। অতিরিক্ত শিক্ষক ছিলেন আসামবাসী শ্রীযুক্ত চন্দ্রনাথ শর্মা বি, এ, ফেল। ষষ্ঠ শিক্ষক ছিলেন শ্রীযুক্ত ভুরাম ভুয়া। তেজপুরের নিকটেই একটা পল্লীতে ইহার বাড়ী। পণ্ডিত ছিলেন শ্রীযুক্ত কালীপ্রসন্ন মজুমদার। ইনি স্টিভি বা ধবল রোগগ্রস্ত ছিলেন। এই বিদ্যালয়ে মুসলমান ছাত্র না থাকাতে মৌলভি ছিলেন না।

দ্বিতীয় শিক্ষক বীরেন্দ্রবাবু ক্রমশঃই নানা বিষয়ে আমার সহিত অসদ্ব্যবহার করিতে লাগিলেন। আমাদের স্কুলের ছুটির তালিকাতে জন্মষ্টমী উপলক্ষ্যে একদিন ছুটি ছিল এবং তাহার দিনও ধার্য ছিল। কিন্তু আসামীয়া ভদ্রলোক মাত্রেই বিশেষতঃ মহাসন্তগণ একবাক্যে বলিলেন যে ঐ দিন বিদ্যালয় বন্ধ না রাখিয়া তার পরদিন বন্ধ রাখিলেই ভাল হয়। তাঁহাদের ইচ্ছা ও মতানুসারে আমি পরদিন বন্ধ দিলাম। আমাদের ডিরেক্টর অফিসের তালিকার ছুটির দিনে বিদ্যালয়ের কার্য রীতিমত হইল। বীরেন্দ্রবাবু ঐ দিনে বিদ্যালয়ে উপস্থিত হইলেন না, বা উপস্থিত না হইবার কারণও লিখিয়া জানাইলেন না। বিদ্যালয়ের শিক্ষকদিগের বেতনের বিল বীরেন্দ্রবাবুই করিতেন। পণ্ডিত মহাশয়

বীরেন্দ্রবাবু মনের ভাব জানিতেন। পণ্ডিত মহাশয় মাসের শেষদিনে আমাকে বলিলেন যে তাঁহার টাকার বিশেষ প্রয়োজন হইয়াছে, যেন বেতনের বিলখানি ১লা তারিখেই হয় এবং সেই দিনই যেন বেতন পাওয়া যায়। আমি বলিলাম এবারে বিল আমি নিজেই করিব। আমি নিজে বিল প্রস্তুত করিলাম এবং বীরেন্দ্রবাবু আমাকে না জানাইয়া জন্মাষ্টমীর সময়ে যে দিন স্কুলের কার্য্য হইয়াছিল সেইদিন বিতালয়ে উপস্থিত না হওয়ায় বিলে তাঁহাকে ঐ দিন বিনা বিদায়ে অনুপস্থিত দেখাইয়া তাঁহার একদিনের বেতন কর্তন করিলাম। বেতন লইবার সময়ে তিনি চৌকিদার প্রহ্লাদ সিংকে বলিলেন তাঁহার টাকা কম কেন? চৌকিদার আমাকে ঐ কথা বলাতে, আমি বলিলাম যে তিনি বিনা বিদায়ে একদিন অনুপস্থিত ছিলেন। এজ্ঞ এক দিনের বেতন কাটা গিয়াছে। উত্তোরন্তর তাঁহার সহিত আমার মনো-মালিঙ্গের বৃদ্ধি হইতে লাগিল। আমার ধৈর্য্যচ্যুতি হইল। আমি বাধ্য হইয়া ডিরেক্টর ডাক্তার বৃথ্কে জানাইলাম যে দ্বিতীয় শিক্ষক বীরেন্দ্রবাবুর সহিত আমার বনিতেছে না, হয় তাঁহাকে অগ্রত্ব বদলী করুন, নয় আমাকে স্থানান্তরিত করুন। তাঁহার অবাধ্যতার ও ধৃষ্টতার কয়েকটি নিদর্শনও ঐ চিঠিতে দিলাম। ডাক্তার বৃথ্ আমার এই চিঠি পাইয়াই তাঁহার হেড্ এসিষ্ট্যান্ট শশিমোহনবাবুকে ডাকিয়া বলিলেন যে রামেশ্বর বীরেন্দ্র সম্বন্ধে যাহা যাহা লিখিয়াছে পূর্ববর্ত্তী হেড্ মাষ্টার রামমোহনবাবুও ঐরূপ অভিযোগ অনেকবার করিয়াছিলেন কিন্তু আমি রামমোহনবাবুকে ঝগড়াটে বলিয়া জানিতাম। এজ্ঞ ঐ বিষয়ে কিছু করি নাই। কিন্তু রামেশ্বরকে আমি শাস্ত ও শিষ্ট প্রকৃতির লোক বলিয়া জানি। যখন রামমোহনবাবুর ও রামেশ্বরের অভিযোগ ঠিক একই প্রকার, তখন বীরেন্দ্রই নিশ্চয়ই দোষী। দেখ কোন হাই-স্কুলের তৃতীয় শিক্ষকের বেতন সর্বাপেক্ষা কম, সেই বিতালয়ে বীরেন্দ্রকে তৃতীয় শিক্ষকের পদে অবনত কর। যোরহাট হাই-স্কুলের

তৃতীয় শিক্ষকের বেতন তখন ৪০ টাকা ছিল। ঐ পদে তাঁহাকে অবনত করার জন্ত ডাক্তার বুধ্ আদেশ দিতে উত্তত হইলেন। শশীবাবু তাঁহাকে অনেক করিয়া বুঝাইয়া সে দিন আদেশ দিতে নিরস্ত করিলেন। শশীবাবু বীরেন্দ্রবাবুর পিতা। শ্রীহট্ট জেলা-স্কুলের হেড্‌মাষ্টার শ্রীযুক্ত দুর্গাকুমার বসুর বন্ধু ও একস্থানের লোক। এজন্ত বীরেন্দ্রর পক্ষ অবলম্বন করিয়া অনেক কথাই বলিলেন কিন্তু ডাক্তার বুধ্ সে সব কথা শুনিলেন না। ৪০ টাকা বেতনে তৃতীয় শিক্ষকের পদে অবনত করিলে অতি কঠোর শাস্তি হয়, শশীবাবু বুঝাইয়া বলায় বুধ্ সাহেবের আদেশ হইল যে ৬২ টাকা বেতনে বীরেন্দ্রকে বোরহাটের দ্বিতীয় শিক্ষকের পদে বদলী করা হইল। এবং বোরহাটের দ্বিতীয় শিক্ষক শ্রীযুক্ত চন্দ্রকান্ত রায়কে তেজপুর হাই-স্কুলের দ্বিতীয় শিক্ষকের পদে ৭৫ টাকা বেতনে দেওয়া হইল। বীরেন্দ্রর ১০ টাকা বেতন কমিয়া গেল ও অপেক্ষাকৃত অসুবিধার স্থানে তাঁহাকে যাইতে হইল। চন্দ্রকান্তবাবুর ১০ টাকা বেতন বৃদ্ধি হইল এবং ইনি ভাল স্থানে আসিলেন। চন্দ্রকান্তবাবু বীরেন্দ্র শ্রেণীর ব্রাহ্মণ। বাড়ী রাজসাহী জেলায় এবং হেড্‌মাষ্টার চন্দ্রমোহন গোস্বামী মহাশয়ের জামাতা। ইনি বি, এ, কেল হইলেও ইংরাজী সাহিত্যে ও গণিতে ইঁহার বেশ দখল ছিল। লোকসীও বিশেষ শাস্ত্র শিষ্ট। ইঁহার সহিত কাজ করিয়া আমি বেশ সুখ পাইয়াছিলাম। বীরেন্দ্রর বদলীর আদেশ পাওয়ায় পরে, আমি রামমোহনবাবুর নোট বকের স্মৃতি দিয়া গাঁথা পাতাগুলি খুলিয়া দেখি যে ঐ পাতাগুলিতে বীরেন্দ্রর সমস্ত দোষের কথা লেখা রহিয়াছে। যে দিন ডাকে বীরেন্দ্রর বদলীর চিঠি আসে সেই দিন প্রাতঃকালে আমি হাকিম নৃত্যগোপালবাবুর বাসায় বেড়াইতে গিয়া দেখি যে বীরেন্দ্র সেখানে স্নান মুখে বসিয়া রহিয়াছেন ও নৃত্যগোপালবাবুকে কি বলিতেছেন। আমি তখন কিছু বুঝিতে পারিলাম না। বাসায় ফিরিয়া আসিয়া আমার চিঠি পড়িয়া সমস্ত বুঝিতে পারিলাম। ডাক্তার

বৃষ্ ১ বৎসরের বিদায়ে যাওয়াতে প্রথিরো সাহেব তাঁহার পদে আসামের ডিরেক্টর হইয়া আসিয়াছিলেন। তাঁহার সময়ে সকল হাই-স্কুলের ভিন্ন ভিন্ন সহকারী শিক্ষকদিগের বেতন সমান হইয়াছিল। স্তরায় বীরেন্দ্রর বেতনও ৭৫ টাকা হইয়াছিল; এবং শশীবাবু চেষ্টায় বীরেন্দ্র ধুবড়ী হাই-স্কুলে বদলী হইয়াছিলেন। ডাক্তার বৃষ্ বিদায়ান্তে ফিরিয়া আসিয়া ধুবড়ীতে উঠিয়া দেখেন যে বীরেন্দ্র ধুবড়ীতে আসিয়াছেন। তিনি বীরেন্দ্রর উপর এতই বিরক্ত ও অসন্তুষ্ট হইয়াছিলেন যে তাঁহাকে ধুবড়ীতে দেওয়া জিজ্ঞাসা করিলেন যে তুমি এখানে কেন? বীরেন্দ্র বলিলেন প্রথিরো সাহেব তাঁহাকে এখানে বদলী করিয়াছেন। এই কথা শুনিয়াই ডাক্তার বৃষ্ বলিলেন যে আমি তোমাকে তোমার দোষের জন্ত শাস্তি দিয়াছিলাম। তুমি আমার অল্পপস্থিতির স্বযোগ পাইয়া এখানে আসিয়াছ। আমি তোমাকে এখনই মৌখিক আদেশ দিতেছি যে তুমি সপ্তাহকাল মধ্যে পুনরায় ঘোরহাটে যাইবা। আমি শিলংএ গিয়া লিখিত আদেশ দিব। কার্যো তাহাই হইয়াছিল। বীরেন্দ্র পরে সব-ডেপুটী কালেক্টর হইয়াছিলেন কিন্তু বড়ই দুঃখের বিষয় যে সব-ডেপুটী হওয়ার অল্পকাল পরেই তিনি অকালে কালগ্রাসে পতিত হইয়াছিলেন। বীরেন্দ্র ঘোরহাটে বদলীর আদেশ পাইয়া আমাকে বলিয়াছিলেন যে তাঁহার লঘু পাপে গুরুদণ্ড আমি কেন করাইলাম। আমি তখন তাঁহাকে বলিয়াছিলাম যে আপনার শাস্তি হইবে আমি মনে করি নাই। তবে যখন আপনার সহিত আমার বনিতেছিল না তখন আমরা উভয়ে একত্রে থাকিতে ইচ্ছা করি নাই; এবং এই জন্তই ডাক্তার বৃষ্কে লিখিয়াছিলাম।

১৯০০ সনের ১৮ই জুন হইতে ১৯০৪ সনের ১৯শে জুন পর্য্যন্ত আমি তেজপুর হাই-স্কুলের হেড্-মাষ্টার ছিলাম। ঠিক ৪ বৎসর ১ দিন এই স্কুলে ছিলাম। এই সময়ের মধ্যে অনেক ঘটনা ও দুর্ঘটনা ঘটিয়াছিল।

আমি তেজপুর স্কুলের কার্যভার গ্রহণ করিয়াই দেখি যে প্রথম



শ্রেণীতে মোটে ভাল ছাত্র নাই। সুতরাং ১৯০১ সনের প্রবেশিকা পরীক্ষার্থী ভাল ছাত্র প্রথম শ্রেণীতে ছিল না। দ্বিতীয় শ্রেণীতে একটা ভাল ছাত্র ছিল, তাহার নাম বিষ্ণুচন্দ্র মজুমদার। এই ছাত্রটির পিতা গোয়ালপাড়ায় মোক্তারি করিতেন। তেজপুরের পুলিশ ইনস্পেক্টর ক্রীযুক্ত শশিভূষণ সেনের বাসায় এই ছাত্রটী থাকিত, ও শশীবাবুর মামাত ভাই ছিল। শশীবাবু আমার বহুকালের পরিচিত বন্ধু। ইহাকে আমি প্রথমে গোয়ালপাড়া জেলার আগমনী থানাতে হেড্‌ কনেটবলের কার্য্য করিতে দেখিয়াছিলাম। বিষ্ণুচন্দ্র বেশ বুদ্ধিমান ছিল। ডিরেক্টার ডাক্তার বুথের বিশেষ অমুমতি লইয়া ইহাকে আমি দ্বিতীয় শ্রেণী হইতে ১৯০১ সনের প্রবেশিকা পরীক্ষার্থ পাঠাই এবং প্রথম শ্রেণী হইতে ২য় ছাত্রকে পাঠাই। ৩ জনেই উত্তীর্ণ হয়। এই দ্বিতীয় শ্রেণীর ছাত্রটী ও প্রথম শ্রেণীর ১টা ছাত্র দ্বিতীয় বিভাগে উত্তীর্ণ হয় এবং অপর ছাত্রটী তৃতীয় বিভাগে হয়।

বিষ্ণু বৃত্তি পাইবার উপযোগী হইলেও, দ্বিতীয় শ্রেণী হইতে পরীক্ষা দিয়াছে বলিয়া ডাক্তার বুথ তাহাকে বৃত্তি দেন না। এই সময়ে অনেক লেখালেখি হওয়ার পরে বুথ সাহেব বিদায়ে গেলে, প্রথমে সাহেবের কার্য্যকালে ইহার বিষয় বিবেচনা করিয়া চিফ্‌ কমিসনার সার্ব্‌ হেনরি কটন্‌ ইহাকে একটা দশটাকার বৃত্তি প্রদান করিয়াছিলেন। ইহার বৃত্তি পাইবার গেজেট প্রায় ছয় মাস পরে হয় সুতরাং এ ছয়মাস পরে গোঁহাটীর কটন্‌ কলেজে ভর্তি হইয়া বিশেষ অস্থবিধায় পড়ে। আমার পরামর্শে এ ইহার বৃত্তি ডিব্রুগড় বেরি হোয়াইট্‌ মেডিক্যাল স্কুলে পরিবর্তন করিয়া লয়। ইহার পক্ষে শাপে বর হইয়া দাঁড়াইল। দুই বৎসরের স্থলে ৪ বৎসরের বৃত্তি হইল। চারি বৎসরের শেষে বিষ্ণু মেডিক্যাল স্কুলের শেষ পরীক্ষায় উত্তীর্ণ হইয়া গভর্নমেন্টের অধীনে সর্ব্‌-এসিষ্ট্যান্ট সার্জন্‌ হইয়াছিল।

১৯০২ সনে প্রথম শ্রেণীতে নয়টা ছাত্র ছিল। সকলকেই প্রবেশিকা

পরীক্ষার্থ পাঠাইয়া দিয়াছিলাম এবং সকলেই উত্তীর্ণ হইয়াছিল। একটি প্রথম বিভাগে, তিনটি দ্বিতীয় বিভাগে ও পাঁচটি তৃতীয় বিভাগে। যে ছাত্রটি প্রথম বিভাগে উত্তীর্ণ হইয়াছিল সেটি আসাম-প্রদেশের উত্তীর্ণ ছাত্রদিগের মধ্যে দ্বিতীয় স্থান অধিকার করিয়াছিল, এবং ২৫ টাকা কার একটি প্রাদেশিক বৃত্তি পাইয়াছিল। ইহার নাম ছিল শ্রীমান্ প্রফুল্লকুমার সেনগুপ্ত। কৃষ্ণনগরের বর্তমান উন্নতিশীল উকীল শ্রীমান্ খগেন্দ্রচন্দ্র গাঙ্গুলী দ্বিতীয় বিভাগে উত্তীর্ণ হইয়া একটি ১০ টাকা কার বৃত্তি পাইয়াছিল, এবং ভূপেন্দ্রমোহন সেনগুপ্ত নামে আর একটি ছাত্র ১০ টাকা কার বৃত্তি পাইয়াছিল। প্রফুল্ল ও ভূপেন্দ্র উভয়েই ডাক্তার অতুলচন্দ্র রায়ের শ্রাগিনেয় ছিল। প্রফুল্ল ও খগেন্দ্র সম্বন্ধে এখানে কয়েকটি কথা বলা আবশ্যক।

প্রফুল্ল সম্বন্ধে কথা এই যে প্রফুল্ল প্রবেশিকা পরীক্ষায় উত্তীর্ণ হইয়া অতি উচ্চ স্থান অধিকার করিলেও তাহার বৃত্তি পাইবার সম্ভাবনা ছিল না। আসামে বাঙ্গালী ছাত্রদিগকে বৃত্তি পাইতে হইলে তাহাদের পিতা বা অভিভাবকগণের আসামে দীর্ঘকাল থাকা আবশ্যক। প্রফুল্ল বরাবরই তাহার মাতুল ডাক্তার অতুলচন্দ্র রায়ের সহিত বাস করিতেছিল। তাহার মাতাও বরাবরই ডাক্তার অতুলবাবুর বাসাতেই থাকিতেন। প্রফুল্লর পিতাও অনেকদিন ডাক্তার অতুলবাবুর বাসাতেই ছিলেন। তিনি কোন কাজকর্ম করিতেন না। তাহার মৃত্যু হইলে প্রফুল্ল তাহার মাতুল অতুলবাবুর অগ্নে প্রতিপালিত হইতেছিল। দেশে তাহার খুড়া ছিলেন। তাহার খুড়ার বাড়ীতে প্রফুল্ল কখনও আসে নাই বা থাকে নাই। আইন অল্পসারে প্রফুল্লর খুড়াই তাহার অভিভাবক। মাতুল ডাক্তার অতুলবাবু আইন অল্পসারে তাহার অভিভাবক হইতে পারেন না। স্বতরাং প্রফুল্লের অভিভাবক আসামে না থাকায় প্রফুল্ল আসাম-প্রদেশের বৃত্তি পাইতে পারে না। আমার পূর্ববর্তী হেড্‌মাষ্টার রামমোহনবাবু অনেক চেষ্টা করিয়াও প্রফুল্লকে বৃত্তি

পাইবার অধিকার দেওয়াইতে পারেন নাই। আমি যখন তেজপুর হাই-স্কুলে হেড্‌মাষ্টার হইয়া যাই, তখন প্রফুল্ল দ্বিতীয় শ্রেণীতে পড়িতেছিল। তাহাকে দুই চারিদিন দেখিয়াই আমার মনে হইয়াছিল সে বিলক্ষণ মেধাবী ছাত্র। অথচ কোন অন্তরায় না থাকিলে সে নিশ্চয়ই বৃত্তি পাইবার উপযুক্ত ছাত্র। আমি ডাক্তার অতুলবাবুকে একদিন কথায় কথায় বলিলাম যে প্রফুল্ল যাহাতে বৃত্তি পাইবার অধিকারী হইতে পারে তাহার জন্য চেষ্টা করিলে ভাল হয় না? অতুলবাবু বলিলেন হেড্‌মাষ্টার রামমোহনবাবু বিস্তর যত্ন ও চেষ্টা করিয়া এ বিষয়ে কিছুই করিতে পারেন নাই। আমি বলিলাম যে আমি একবার চেষ্টা করিয়া দেখিব যে কিছু করিতে পারি কি না। তবে আমি যেরূপ বলিব সেইরূপ কার্য্য আপনাকে করিতে হইবে। অতুলবাবু হাসিয়াই আমার কথা উড়াইয়া দিলেন। কিন্তু আমি প্রতিজ্ঞা করিলাম যে উহাকে বৃত্তি পাইবার অধিকারী করিবই করিব। আসামে প্রত্যেক স্কুলেই ছাত্রদিগের এক একখানি স্কলার্শ' রেজিষ্টার আছে। উহাতে ছাত্রদিগের প্রত্যেক পরীক্ষার ফল, স্বভাব, আচরণ, চরিত্র প্রভৃতি লিপিত থাকে; এবং প্রত্যেক মাস শেষ হইলেই উহা ছাত্রের অভিভাবকের নিকটে পাঠাইয়া দিয়া উহাতে তাঁহার স্বাক্ষর লইতে হয়। এ পর্য্যন্ত ঐ বহীতে অতুলবাবুই অভিভাবকরূপে স্বাক্ষর করিতেছিলেন। আমি এখন উহাতে অতুলবাবুর স্বাক্ষর না লইয়া প্রফুল্লর মাতার স্বাক্ষর লইতে লাগিলাম; এবং তাঁহাকে দিয়া আসামের ডিরেক্টর সাহেবের নিকট একখানি আবেদন পত্র পাঠাইলাম। উহার মর্ম্ম এই :—প্রফুল্লর মাতা লিখিতেছেন যে, আমি একজন পদ্মনশীন বাঙ্গালী ভদ্র মহিলা। বাঙ্গালী ভদ্রমহিলারা কখনও কোন অপরিচিত ভদ্রলোককে চিঠি লেখেন না। আমি বৈষ্ণবকুলসম্প্রদায় এবং আমার বিবাহ একজন কুলীন দরিদ্র বৈষ্ণব সন্তানের সহিত হওয়ায় আমি কখনও আমার স্বামীগৃহে যাই নাই বরং আমার

স্বামী তাঁহার জীবনের মধ্যে অনেক সময় আমার ভ্রাতা ডাক্তার অতুলচন্দ্র রায়ের বাড়ীতে ও বাসায়ে বাস করিয়া পরলোক গমন করিয়াছেন। আমার দেবরদিগের সহিত আমার কখনও দেখাশুনা পর্য্যন্ত হয় নাই। আমার পুত্র প্রফুল্ল বরাবরই আমার সহিত আমার ভ্রাতার অল্পে প্রতিপালিত ও তাঁহার অর্থে শিক্ষিত হইতেছে। এ অবস্থায় আমার ভ্রাতাকে আমার পুত্রের অভিভাবিকা বলিয়া স্বীকার না করিলেও আমাকে তাহার অভিভাবিকা বলিয়া স্বীকার করা উচিত। যদি আমি পদ্মনাশীন ভদ্র মহিলা না হইয়া, সাধারণ দোকানী পসারী হইতাম, তাহা হইলে ত আমাকে আমার পুত্রের অভিভাবিকা বলিয়া স্বীকার করিতে হইত? আমি ভদ্রমহিলা বলিয়াই কি আমার বুদ্ধিমান পুত্রটি বৃত্তিলাভে বঞ্চিত হইবে? আমার বিনীত প্রার্থনা যে আমাকে আমার পুত্রের অভিভাবিকা বলিয়া অনুগ্রহ করিয়া স্বীকার করিয়া লউন। ডাক্তার বৃথু এই আবেদনখানি পাইবামাত্র প্রফুল্লর মাতাকে তাহার অভিভাবিকা বলিয়া স্বীকার করিয়া প্রফুল্লকে বৃত্তি পাইবার অধিকার দিলেন। তখন ডাক্তার অতুলবাবু বলিলেন যে আপনি ত অতি উত্তম যুক্তি দিয়াছিলেন। প্রফুল্ল বৃত্তি পাইবে না বলিয়া বিশেষ যত্ন করিয়া পড়িত না। এখন হইতে বিশেষ যত্ন সহকারে পড়িতে লাগিল। প্রফুল্ল প্রকৃতই বিলক্ষণ মেধাবী ও তীক্ষ্ণ বুদ্ধিসম্পন্ন ছিল। ইংরাজী সাহিত্যে তাহার বিশেষ দখল ছিল। তাহাকে পড়াইবার সময়ে সে একরূপ সব প্রশ্ন উপস্থিত করিত যে লায়ব্রারির অনেক পুস্তক ঘাঁটিয়া তাহার প্রশ্নের উত্তর দিতে হইত। তাহার সমস্ত প্রশ্নের সঙ্গত উত্তর দিবার জন্য আমাকে সর্বদাই প্রস্তুত থাকিতে হইত এবং তজ্জগৎ কলিকাতা হইতে কয়েকখানি নূতন পুস্তকও লায়ব্রারির জন্য কিনিতে হইয়াছিল। ভূতপূর্ব দ্বিতীয় শিক্ষক বীরেন্দ্রবাবু প্রফুল্লকে কতকটা বিগড়াইয়া দিয়া গিয়াছিলেন। নূতন দ্বিতীয় শিক্ষক চন্দ্রকান্তবাবু আসিয়া ছাত্রদিগকে বিশেষ যত্ন সহকারে শিক্ষা দিতে

লাগিলেন। একদিন তিনি দ্বিতীয় শ্রেণীর ছাত্রদিগকে প্রাকৃতিক ভূগোল সম্বন্ধে কতকগুলি প্রয়োজনীয় বিষয় লেখাইয়া দিতেছিলেন। তিনি বাহা বাহা লিখিয়া লইতে বলিয়াছিলেন তাহা প্রফুল্লর জানা ছিল। প্রফুল্ল ঐ সকল লিখিয়া না লইয়া মিছামিছি কাগজের উপর পেন্সিল ঘুরাইতেছিল এবং তাহার সহাধ্যায়ীগণকে বলিতেছিল “লেখ লেখ।” চন্দ্রকান্তবাবু উহা বুঝিতে পারিয়া আমার নিকট আসিয়া বলিলেন যে প্রফুল্ল এইরূপ ব্যবহার করিতেছে। আমি আর এ বিদ্যালয়ে কার্য্য করিতে চাই না। আমাকে অন্ত্র বদলী করাইয়া দেন। আমি টাঁহার এই কথা শুনিয়াই, দ্বিতীয় শ্রেণীতে গিয়া প্রফুল্লকে জিজ্ঞাসা করিলাম যে, কেন সে ঐ সমস্ত লিখিয়া লইতেছে না? প্রফুল্ল বলিল ঐ নকল অমুক পুস্তকে আছে আমার উহা লিখিয়া লইবার প্রয়োজন নাই। আমি বলিলাম তোমার ঐ সমস্ত জানা থাকিলেও যখন তোমার শিক্ষক লিখিয়া লইতে বলিতেছেন তখন তুমি লিখিয়া লইতে বাধ্য। আমার সহিত প্রফুল্ল তর্ক করিতে আরম্ভ করায় আমি তাহার গালে ঠাস করিয়া একটা চড় বসাইয়া দিয়া তাহাকে বলিলাম যে তুমি বিদ্যালয় হইতে এখনই দূর হও। এমন অবাধ্য ছাত্রকে বিদ্যালয়ে রাখিতে চাই না। প্রফুল্ল তাহার শ্রেণী হইতে বাহির হইয়া বাসায় চলিয়া গেল। বিদ্যালয়ের ছুটি হইলে আমি বাসায় আসার পরে অতুলবাবুর মাতাঠাকুরাণী আমার বাসায় আসিয়া বলিলেন যে বাবা, আজ প্রফুল্লকে স্কুল হইতে তাড়াইয়া দিয়াছ কেন? আমি তাঁহাকে সব কথাই বলিলাম এবং ইহাও বলিলাম যে তাহার গালে একটা চড়ও বসাইয়া দিয়াছি। তিনি বলিলেন আরও টোঁ চড় দাও তবে আর কিছু করিও না। অতুল এখন স্থানান্তরে রহিয়াছে। আমি বলিলাম আপনি অনর্থক চিন্তা করিতেছেন কেন? সে যখন অতুলের ভাগিনেয় তখন আমারও ভাগিনেয়। তখন তিনি বলিলেন তবে প্রফুল্লকে কাল স্কুলে পাঠাইয়া দিব ত? আমি বলিলাম “অবশ্যই দিবেন”।

ডাক্তার অতুলবাবু তখন আবার অভিযানে সৈন্তদল সহ মদিয়ার দিকে ছিলেন। অতুলবাবুর বাসা আমার বাসার খুবই নিকটে ছিল। তাঁহার মাতা সর্বদাই আমার বাসায় আসিতেন এবং আমাকে তাঁহার নিজের পুত্রের ত্রায় স্নেহ করিতেন।

তেজপুর বিদ্যালয়ের ছাত্রদিগের মধ্যে প্রফুল্লই সর্বাপেক্ষা বুদ্ধিমান ছিল। তাহার গালে চড় দেওয়াতে অত্যন্ত ছাত্রগণ বলিতে লাগিল যে নূতন হেড্‌ মাষ্টার দেখিতে ভাল মানুষ, কিন্তু আসল কাজে খুবই দঢ় (দৃঢ়)। সকল ছাত্রই এখন হইতে সায়েস্তা হইয়া গেল।

প্রফুল্ল সন্ধ্যাে যাহা বলিবার ছিল তাহা সমস্তই বলিলাম এখন খগেন্দ্র গাঙ্গুলী সন্ধ্যাে কয়েকটা কথা বলিতে চাই। খগেন্দ্রর পিতা যোগীন্দ্রচন্দ্র গাঙ্গুলী (এখন রায় বাহাদুর) আমার বহুদিনের পরিচিত বন্ধু। আমি যখন ডিক্রগড় হাই-স্কুলেব দ্বিতীয় শিক্ষক ছিলাম সেই সময়ে যোগীনবাবু ঝড়কী ইঞ্জিনিয়ারিং কলেজের পরীক্ষায় উত্তীর্ণ হইয়া প্রথমে সর্ব ওভারসিয়ার হইয়া ডিক্রগড়ে আসেন। ইহার বাড়ী নদীয়া জেলার বীরনগর বা উলার সম্মিহিত বাঘরাল গ্রামে এবং ইহার মামার বাড়ী বাঘআঁচড়ায়। একই জেলার এবং খুব নিকটবর্তী গ্রামের লোক হওয়ায় আমাদের পরস্পরের মধ্যে বেশ ভালবাসা ও সন্তান জন্মিয়াছিল। পরস্পরে বহুকাল বিচ্ছিন্ন থাকার পরে আমি তেজপুরে বদলী হইয়া আসার কিছুদিন পরে যোগীনবাবু শ্রীহট্ট হইতে তেজপুরে বদলী হইয়া আসিলেন এবং তেজপুর হাই-স্কুলের বাড়ীর খুব নিকটেই ইহার বাসা হইল। ইনি তেজপুরে আসায় খগেনও ইহার সহিত তেজপুরে আসিয়া প্রথম শ্রেণীতে ভর্তি হইল। খগেন বেশ বুদ্ধিমান ছেলে ছিল। তবে পড়াশুনায় খুব বেশী মন দিত না। টেষ্ট পরীক্ষায় খগেন গণিতে ফেল হইল। যোগীনবাবুর মনে ধারণা হইয়াছিল যে দ্বিতীয় শিক্ষক চন্দ্রকান্তবাবু খগেনকে অগ্রায় করিয়া গণিতে ফেল করিয়াছেন। যোগীনবাবু আমাকে বলিলেন যে খগেনের গণিতের প্রশ্নের

উত্তরগুলি তোমাকে পুনরায় দেখিতে হইবে। আমি বলিলাম না, তাহা করা বাইতে পারে না। উহা শুনিয়া তিনি বলিলেন তবে ছুতন প্রশ্ন দিয়া তাহাকে পুনরায় পরীক্ষা করা হউক। আমি বলিলাম যে তাহাও করা বাইতে পারে না। উহা করিলে আমার দ্বিতীয় শিক্ষককে অপমান করা হইবে। তখন যোগীনবাবু বলিলেন তবে কি খগেন এ বৎসর প্রবেশিকা পরীক্ষা দিতে পারিবে না? আমি বলিলাম পারিবে। সে গণিতে ফেল হইলেও তাহাকে পরীক্ষার্থ পাঠাইয়া দিব। যোগীনবাবু আর কিছু বলিলেন না। গণিতে সে টেট্ পরীক্ষায় ফেল হইলেও প্রবেশিকা পরীক্ষার্থ তাহাকে পাঠাইয়া দেওয়া হইল।

পূর্বেই বলিয়াছি যে এই বৎসর প্রথম শ্রেণীতে ৯টি ছাত্র ছিল। সকলকেই পরীক্ষা দিতে পাঠাইয়াছিলাম এবং সকলেই উত্তীর্ণ হইয়াছিল। সকলকেই পাঠাইয়া দিবার একটা কারণ ছিল। কারণটি এই:—

প্রথম শ্রেণীতে মন্মথ ঘোষ নামে একটা ছাত্র ছিল। ছেলেটি মোটেই বুদ্ধিমান ছিল না। তবে শিষ্ট, শাস্ত ও পরিশ্রমী ছিল। ইহার পিতার নাম শ্রীযুক্ত রাজকৃষ্ণ ঘোষ। জাতিতে গোপ। বাড়ী ২৪ পরগণা জেলায়। ইনি পূর্ভ-বিভাগের সব ইঞ্জিনিয়ার ছিলেন এবং পেন্সন্ লইয়া অবসর গ্রহণ করিবেন বলিয়া দীর্ঘকালের জ্ঞাত বিদায় লইয়াছিলেন। ইহার বাসা আমার বাসার নিকটে ছিল। ইহার সহিতও আমার বহুদিনের আলাপ পরিচয় ছিল। আমি আসাম-প্রদেশের অনেকগুলি স্থানে ছিলাম সুতরাং অনেকের সহিতই আমার আলাপ পরিচয় ও সদ্ভাব ছিল। ইহার তিন চারিটা পুত্র ছিল। এইটিই সকলের ছোট। ইহার কোন পুত্রই প্রবেশিকা পরীক্ষায় উত্তীর্ণ হয় নাই। এমন কি পরীক্ষার্থ প্রেরিতও হয় নাই। রাজকৃষ্ণবাবু এক দিন আমাকে আক্ষেপ করিয়া বলিলেন যে, তাই আমার এমনই দুর্দৃষ্ট যে একটা ছেলেকেও প্রবেশিকা পরীক্ষা দেওয়াইতে পারিলাম না। তোমার সহিত আমার অনেক দিনের আলাপ। তুমি যদি

দয়া করিয়া আমার এই বোকা ছোট ছেলেকে পরীক্ষা দিবার জন্য পাঠাইয়া দাও তাহা হইলে আমার মনের ক্ষোভ যাইবে। বলিতে পারিব যে একটা ছেলে প্রবেশিকা পরীক্ষা দিয়াছিল। উত্তীর্ণ না হইলেও দুঃখিত হইব না। রাজকৃষ্ণবাবুর এই কথাগুলি শুনিয়া আমার মনে বড়ই দুঃখ হওয়াতে আমি তাঁহার নিকট স্বীকার করিয়াছিলাম যে মন্থথকে পরীক্ষার্থ পাঠাইয়া দিব। কিন্তু মন্থথকে পাঠাইতে হইলে সকল ছাত্রকেই পাঠাইতে হয়। নয় এক বৎসর পরীক্ষার ফল মন্দ হইবে এই মনে করিয়াই সকল ছাত্রকেই পাঠাইয়া দিয়াছিলাম। খগেনকে পাঠাইয়া দিব ইতিপূর্বেই বলিয়াছি। এখন সকলের সাক্ষাতেই বলিলাম যে এ বৎসর প্রথম শ্রেণীর সকল ছাত্রকেই পরীক্ষার্থ পাঠাইয়া দিব। দ্বিতীয় শিক্ষক চন্দ্রকান্তবাবু ইহা শুনিয়া বড়ই রাগ প্রকাশ করিলেন এবং আমাকে বলিলেন যে এখন আপনার পেন্সন্ লইবার সময় ঘনাইয়া আসিয়াছে এখন পরীক্ষার ফল মন্দ হইলেও আপনার কোন ক্ষতি হইবে না। কিন্তু পরীক্ষার ফল মন্দ হইলে বিশেষতঃ আমি যে যে বিষয়ে শিক্ষা দিই তাহাতে অধিক সংখ্যক ছাত্র অকৃতকার্য হইলে আমার আর হেড্‌ মাষ্টার হইবার কোন আশাই থাকিবে না। আমি বলিলাম যে আপনি অনর্থক চিন্তা করিবেন না। এখনও পরীক্ষা হইবার দুই মাস সময় আছে। এই দুই মাস খুব পরিশ্রম করিয়া শিক্ষা দেন। মঙ্গলময় ভগবানের রূপায় ও ইচ্ছায় সব ছাত্রই উত্তীর্ণ হইবে। সকলেই বিলক্ষণ পরিশ্রম করিতে লাগিলাম। ছাত্রদিগকে প্রতিদিন লিখিত প্রশ্ন দিয়া তাহাদের উত্তর শুদ্ধ করিয়া দিয়া ঐ গুলি অভ্যাস করাইতে লাগিলাম। ভগবানের ইচ্ছায় সকলেই উত্তীর্ণ হইল। খগেন প্রবেশিকা পরীক্ষায়, ইতিহাসে খুব কম নম্বর পাইয়াছিল; ভূগোলে সে কিছু বেশী নম্বর পাওয়ায় পাস করিতে পারিয়াছিল।

১৯০৩ সনে তিনটি ছাত্রকে পরীক্ষার্থ পাঠাইয়াছিলাম। তিনটিই উত্তীর্ণ হইয়াছিল। একটা দ্বিতীয় বিভাগে ও দুটি তৃতীয় বিভাগে।



১৯০৪ সনে তেরটা ছাত্র পাঠাইয়াছিলাম। তন্মধ্যে ছয়টি মাত্র উত্তীর্ণ হইয়াছিল, দুটি দ্বিতীয় বিভাগে ও চারটি তৃতীয় বিভাগে। এ বৎসরে অনেক বিদ্যালয়ের পরীক্ষার ফলই অসন্তোষজনক হইয়াছিল। সাহেবদিগের মধ্যে একটা বিশ্বাস আছে যে ১৩ সংখ্যাটি ভাল সংখ্যা নহে। ইহারা ১৩ জন লোক এক সঙ্গে ভোজন করেন না। ১৩ জন লোক এক সঙ্গে কোন স্থানে যান না। ঐ ১৩ সংখ্যাটি আমার পক্ষেও প্রতিকূল হইয়াছিল।

১৯০০ সনের ১৯শে নভেম্বর তারিখে আসামের মাননীয় চিফ কমিসনার সার হেনরী কটন্ তেজপুর হাই-স্কুল পরিদর্শন করিয়া যে মন্তব্য লিপিবদ্ধ করিয়াছিলেন তাহা পরিশিষ্ট ভাগে প্রদত্ত হইবে। আমার সম্বন্ধে তিনি বেশ ভাল মতই প্রকাশ করিয়াছিলেন। ইহার শিক্ষা-বিভাগের প্রতি বিলক্ষণ সদয় দৃষ্টি ছিল; এবং বিদ্যালয় সমূহের ডিরেক্টর বা ইনস্পেক্টরগণ যেরূপ ভাবে ছাত্রদিগকে পরীক্ষা করিয়া থাকেন ইনিও ঠিক সেই ভাবেই পরীক্ষা করিতেন। পূর্বেই বলিয়াছি যে ইনি ঠাট্টা বিক্রপ করিতে বড়ই ভাল বাসিতেন; এবং উপযুক্ত উত্তর পাইলে বেশ সন্তুষ্টও হইতেন। ইনি বিলক্ষণ কৌতুকপ্রিয়ও ছিলেন। তেজপুর হাই-স্কুলের প্রথম শ্রেণীতে ভূগোলের পরীক্ষা করিতে করিতে ইনি ছাত্রদিগকে মানচিত্রে আমেরিকার অন্তর্গত টর্কি দেখাইতে বলিলেন। আমেরিকা মহাদেশে টর্কি বলিয়া অবশ্য কোন স্থান নাই। ছেলেরা ত তাহার প্রশ্ন শুনিয়াই অবাক। ছেলেরা উহা দেখাইতে পারিল না। ডেপুটি কমিসনার কোল সাহেব তাঁহার সঙ্গে ছিলেন। কটন্ সাহেব বাহাদুর তাঁহাকে সোধোধন করিয়া বলিলেন “কোল, তুমি কি উহা দেখাইতে পার?” তিনি বলিলেন “না”। পরে আমাকে বলিলেন “রামেশ্বর, তুমি উহা দেখাইতে পার?” আমি বলিলাম, “সম্ভবতঃ পারি”। বলিলেন দেখাও দেখি, উহা কোন্ স্থানে। আমি পেরুদেশ দেখাইয়া বলিলাম যে এইটাই আমেরিকা

দেশের টকি। ইংরাজী টকি শব্দের একটা বাঙ্গালা অর্থ পেরু নামক এক প্রকার পক্ষী; সুতরাং পেরুই আমেরিকা মহাদেশের টকি। তিনি হো হো করিয়া হাসিয়া উঠিলেন এবং বলিলেন যখন এসিয়ায় ও ইউরোপে টকি আছে তখন আমেরিকায় উহা থাকিবে না কেন ?

কটন্ সাহেব বাহাদুরের এই পরিদর্শনই শেষ পরিদর্শন। তিনি কিছুদিন পরেই পেন্সন্ লইয়া অবসর গ্রহণ করিবেন ঠিক হইয়া গিয়াছিল।

তেজপুরবাসীরা এইবারে তাঁহাকে অভিনন্দন দিয়া শেষ বিদায় দিতে ইচ্ছা করিয়া টাউনহলে একটা সভা আহ্বান করিয়াছিলেন। টাউনহলটা বেশ সাজান হইয়াছিল। রাত্তার দুই ধারে অনেক দূর পর্যন্ত কদলী বৃক্ষ লাগাইয়া ও উহাতে ফুলের মালা ও লতাপাতা দিয়া সাজান হইয়াছিল। বিদ্যালয়ের শিক্ষকগণ ছাত্রবৃন্দসহ টাউনহলে উপস্থিত ছিলেন। অগ্রাগ্র অনেক গণ্য মান্য ভদ্রলোকও সভায় উপস্থিত হইয়া উহার শোভা বর্দ্ধন করিয়াছিলেন। তেজপুর হাই-স্কুলের একটা অল্প বয়স্ক ছাত্র টাউনহলের মধ্যে একখানি বেঞ্চেতে বসিয়াছিল। এমন সময়ে একটা মাড়োয়ারী ধনী লোকের পুত্র সভাগৃহে আসিল। স্কুলের সেই ছোট ছেলেটাকে বেঞ্চ হইতে উঠাইয়া দিয়া একটুটা এসিষ্ট্যান্ট কমিশনার শ্রীযুক্ত কৃষ্ণচন্দ্র চৌধুরী ঐ বেঞ্চেতে সেই মাড়োয়ারী বালকটাকে বসাইয়া দিলেন। স্কুলের ছেলেটাকে আর কোন স্থানে বসাইয়া দিলেন না। ছেলেটা কাদ কাদ হইয়া আমার দিকে দৃষ্টিপাত করিতে করিতে উঠিয়া গেল। আমার মনে বড়ই দুঃখ হইল। আমি স্কুলের ছাত্রদিগকে সঙ্খোদন করিয়া বলিলাম যে যদি তোমাদের আত্ম-সম্মান জ্ঞান থাকে তাহা হইলে সকলেই একযোগে, কোনরূপ গোলমাল না করিয়া এই স্থান পরিত্যাগ করিয়া বিদ্যালয় গৃহে চলিয়া যাইবা। শিক্ষকগণও ছাত্রদিগের সহিত চলিয়া যাইবেন। আমার এই কথা শুনিবামাত্র সমস্ত ছাত্রই টাউনহল পরিত্যাগ

করিয়া বিদ্যালয়ের দিকে চলিল। কয়েক জন ছুট ছাত্র আমাকে বলিল যে যদি আপনি অহুমতি দেন তাহা হইলে রাস্তার দুই ধারে লাগান কলাগাছ গুলি উঠাইয়া ফেলাইয়া দিয়া যাই। আমি বলিলাম কোনরূপ অত্যাচার আচরণ করিও না। এই ব্যাপার লইয়া একটা জল্পনা কল্পনা হইতে লাগিল। এমন সময়ে ডাক্তার অতুলবাবু আসিয়া আমাকে অত্বরোধ করিয়া ছাত্রগণসহ টাউনহলে ফিরাইয়া লইয়া গিয়া বসিবার জগু উপযুক্ত স্থানে উপযুক্ত আসন দিলেন। এই ঘটনার খানিক পরে কটন সাহেব বাহাদুর টাউনহলে আসিয়া অভিনন্দন গ্রহণ করিলেন। এইদিন হইতে হাকিম কৃষ্ণচন্দ্র চৌধুরী আমার উপর অত্যন্ত অসন্তুষ্ট হইয়া প্রতিশোধ লইবার জগু অত্যাচার আসানীয়া ছুট লোকের সহিত পরামর্শ করিতে লাগিলেন; এবং প্রতিশোধও লইয়াছিলেন। উহা পরে বর্ণিত হইবে।

তেজপুর হাই-স্কুলে অনেকগুলি বয়স্ক ছাত্র ছিল। তাহারা লেখা-পড়া এককালেই করিত না, ছুটামি করিয়া বেড়াইত। আমাদের শিক্ষা-বিভাগের একটি বিধিতে নিদিষ্ট ছিল যে যদি ১৪ বৎসর বয়স হইলে কোন ছাত্র চতুর্থ শ্রেণীতে উঠিতে না পারে বা পর পর দুই বৎসর পরীক্ষা দিয়া ফেল হইয়া পরবর্তী উচ্চ শ্রেণীতে উঠতে না পারে তাহা হইলে তাহাকে আর বিদ্যালয়ে রাখা হইবে না। ঐ বিধি অনুসারে আমি কয়েকজন ঐরূপ ছাত্রের নাম কাটিয়া দিই। ইহাতে আমার বিরুদ্ধে ডেপুটি কমিসনার সাহেবের নিকট অভিযোগ উপস্থিত হয়। তখন ডেপুটি কমিসনার ছিলেন সিভিলিয়ান ডি, এইচ, লিঙ্গ্ সাহেব। তিনি, কেন আমি ঐ সমস্ত ছাত্রের নাম কাটিয়া দিয়াছি, জানিতে চাহিয়া আমাকে চিঠি লেখেন। আমি তাহার চিঠির উত্তরে যে বিধি অনুসারে উহা করিয়াছি তাহা জানাই এবং ঐ বিধিটি দেখাইয়া দিই। লিঙ্গ্ সাহেব অতি বিস্ময়বান্ধ ছিলেন। তিনি ঐ বিধি দেখিয়া আমাকে আর কিছু বলেন না; কিন্তু কয়েকজন লোক তাহার নিকটে দাইয়া

বলেন যে ঐ বিধি অমুসারে এ পর্য্যন্ত কোন হেড্‌ মাস্টার কখনও কোন ছাত্রের নাম কাটিয়া দেন নাই। উহার কোন কার্যকারিতা নাই। সাহেব তাঁহাদিগকে বলেন তোমরা আমাকে দেখাইয়া দাও যে ঐ বিধিটি পরে অত্র কোন বিধির দ্বারা খণ্ডিত হইয়াছে। তাঁহারা তাহা দেখাইতে পারেন না। সুতরাং তিনিও আমাকে আর কিছু বলেন নাই। পরে এই লিড্‌ সাহেব বাঙ্গালা দেশের বর্দ্ধমান-বিভাগের কমিসনার হইয়াছিলেন এবং অবসর গ্রহণ কালে লাট সাহেবের রেভিনিউ মেম্বর ছিলেন।

রাধাকান্ত হাজারিকা নামে একটি ছুট্ট ছেলেকে তাহার বিশেষ কোন অত্যাচারের জন্ত ডিরেক্টর সাহেবকে লিখিয়া বিদ্যালয় হইতে বহিস্কৃত করিয়া দিই। তাহার বয়স প্রায় ২১।২২ বৎসর হইয়াছিল। কিন্তু তাহার স্কলার্স রেজিষ্টার অমুসারে তাহার বয়স তখন ১৮ বৎসর।

এই সকল কারণে কতকগুলি ছুট্ট লোক আমার প্রতি ক্রুট হইয়াছিল। এই সকল ছুট্ট লোকের সহিত পরামর্শ করিয়া হাকিম কৃষ্ণচন্দ্র চৌধুরী আমাকে অপমান করিবার জন্ত ক্রমাগতই চেষ্টা করিতে লাগিলেন।

নিউমোনিয়া রোগ হইতে মুক্ত হইয়া আমি বাসা পরিবর্তন করিয়াছিলাম। থানারপুকুরের পূর্ব্বদ্বারে রাস্তার অপর পাশ্বে আগর-ওয়ালাদের বাসাটি ভাড়া করিয়া ঐ বাসায় উঠিয়া আসিয়াছিলাম। পরে বাসাটি কিনিয়াও লইয়াছিলাম। বাসাটি সদর রাস্তার ধারে এবং উহাতে একখানি বেশ বড় ঘর ও আরও তিন চারিখানি ঘর ছিল। আরও এক সুবিধা হইল এই বাসার ঠিক গায়ে ও ঠিক পূর্ব্বদিকে গভর্নমেন্ট বঙ্গ-বিদ্যালয়ের প্রধান শিক্ষক শ্রীযুক্ত গুরুনাথ দত্তর বাসা ছিল। আমি যখন নওগাঁ হাইস্কুলের দ্বিতীয় শিক্ষক ছিলাম তখন গুরুনাথবাবু নওগাঁ গভর্নমেন্ট বঙ্গ-বিদ্যালয়ের প্রধান শিক্ষক ছিলেন

এবং তাঁহার স্ত্রী শ্রীমতী স্বর্ণলতা দত্ত নওগাঁ বালিকা বিদ্যালয়ের শিক্ষয়িত্রী ছিলেন। যখন আমি মধ্য-আসাম-বিভাগের একটি ডেপুটী ইনস্পেক্টর হইয়া যাই তখনও ইঁহারা নওগাঁয় ছিলেন এবং আমার অধীনে কার্য্য করিয়াছিলেন। বহুকাল হইতেই আমাদের সহিত ইঁহাদের খুব সম্ভাব ছিল। আমাদের স্মরণাগড়ের ৬বামাচরণ মল্লিকের পৌত্রী ও ৬কালচাঁদ মল্লিকের জ্যেষ্ঠা কন্যা শ্রীমতী ব্রজবালা ও তাঁহার জামাতা ও কন্যাও আমার বাসার অতি নিকটে অন্য বাসায় বাস করিতেছিলেন। আপদে বিপদে ইঁহাদের নিকটে বিশেষ সাহায্য ও সহায়ভূতি পাইয়াছিলাম।

১৯০২ সনে আমার তৃতীয়া কন্যা দেশে ম্যালেরিয়া জরাক্রান্ত হইয়া খুবই ভুগিতেছিল। দেশে তাহার চিকিৎসার কোন সুব্যবস্থা হয় নাই, এবং তাহাকে বহু করিবার জন্তও দেশে কেহই ছিল না। শ্রীমান ললিতমোহন ইন্ড্রের সহিত তাহার বিবাহ হইয়াছিল। তখন ললিতের বৈষয়িক অবস্থাও বেশ স্বচ্ছল ছিল না। ঐ সনের গ্রীষ্মাবকাশের সময়ে আমার জ্যেষ্ঠ পুত্র শ্রীমান শরদিন্দুকে দেশে পাঠাইয়া দিয়া তাহাকে তেজপুরে লইয়া গিয়াছিলাম। দৌলতগঞ্জে আমার জ্যেষ্ঠা কন্যাও ম্যালেরিয়া জরে ভুগিতেছিল এবং আমার জ্যেষ্ঠ জানাতা স্বীরেন্দ্রকুমার ইন্ড্রও উদরি রোগে ভুগিতেছিলেন। তখন আমার তেজপুরের বাসায় কাহারও বিশেষ কোন পীড়া ছিল না। আমার তৃতীয়া কন্যা তেজপুরে বাওয়ার পরে একটু অপেক্ষাকৃত সুস্থ হইয়াছিল কিন্তু তাহাকে সেইখানে লইয়া বাওয়ার পরে আমার জ্যেষ্ঠ পুত্রের ভয়ানক ম্যালেরিয়া জর হইল।

ঐ সনের সেপ্টেম্বর মাসের প্রথম ভাগে আসাম-পাঠ্য-পুস্তক-নির্বাচনী সভার অধিবেশন গোহাটীতে হইয়াছিল। আমি ঐ সভার একজন সভ্য ছিলাম; সুতরাং ঐ সময়ে আমাকে গোহাটীতে আসিতে হইয়াছিল। আমি যখন তেজপুর ছাড়িয়া গোহাটীতে আসি তখন আমার তৃতীয়া কন্যাকে ভালই দেখিয়া আসিয়াছিলাম। গোহাটীতে ২৮

দিনের মধ্যেই সভার কার্য শেষ হইবে মনে করিয়াছিলাম কিন্তু উহার কার্য শেষ হইতে ৫৬ দিন লাগিল। আমি গোহাটী হইতে তেজপুরে যে রাত্রিতে ফিরিয়া আসি সে রাত্রিতে বৃষ্টি হইতেছিল এবং আকাশ বিলক্ষণ মেঘাচ্ছন্ন ছিল। আমার চাকর আমাকে ষ্টিমার ঘাট হইতে আনিতে গিয়াছিল। সে আমার সম্মুখে উপস্থিত হইবামাত্রই তাহাকে জিজ্ঞাসা করিলাম বাসায় সকলে ভাল আছে ত? সে বলিল ভাল আছে। কিন্তু বাসায় আসিয়া দেখিলাম আমার তৃতীয়া কন্যা অজ্ঞান হইয়া পড়িয়া আছে। তাহার অবস্থা দেখিয়া বোধ হইল তাহার মৃত্যু নিকট। আমি বাসায় না থাকায় তাহার চিকিৎসারও বিশেষ ভাল বন্দোবস্ত হয় নাই। তখন আমার জ্যেষ্ঠ পুত্রের বয়স ১৬ বৎসর মাত্র। আমার অল্পপস্থিতি কালে গুরুনাথবাবুর স্ত্রী ও ৬বামাচরণ মল্লিকের পৌত্রী আমার তৃতীয়া কন্যার বথেষ্ট যত্ন করিয়াছিলেন। তাহারা যত্ন করিলেও কোন সফল হয় নাই। আমি গোহাটী হইতে ফিরিয়া আসার পরে তৃতীয় দিবসে আমার ঐ কন্যাটি মারা গেল। আমি ফিরিয়া আসার পরে তাহার আর মোটেই সংজ্ঞা লাভ হয় নাই। তেজপুরে এক জ্যোতির্ষ্ময় সেন ভিন্ন আর কেহ আমার স্বজাতি ছিল না। তাহার সংকার-কার্য্য করুণে সম্পন্ন করিতে সমর্থ হইব এই চিন্তাতেই আমি আকুল হইলাম। নিকটেই জানকীনাথ মুখোপাধ্যায় নামে বিক্রমপুরনিবাসী একটা ভদ্রলোক ছিলেন। তাঁহার আফিমের দোকান ছিল। তিনি ষ্ট্যাম্প কাগজও বিক্রয় করিতেন এবং তেজপুরে তাঁহার কিছু ভূসম্পত্তিও ছিল। তাঁহাকে বলায় তিনি বলিলেন আপনি ভাবিতেছেন কেন? যদি কেহ না যায় আমি ব্রাহ্মণ হইলেও আপনার তৃতীয়া কন্যার শবদেহ বহন করিয়া শ্মশান ঘাটে লইয়া যাইব। বাস্তবিকই আমাকে কিছু করিতে হইল না। কয়েকজন বৈজ্ঞ ও কায়স্থ বন্ধু আসিয়া সকল বিষয়েরই বন্দোবস্ত করিলেন। আমার স্কুলের দপ্তরী, বোর্ডিং হাউসের চাকর ও আমার বাসার চাকরও সঙ্গে গেল। শ্মশান

ঘাটের নিকটেই একটা আম গাছ কেনা হইল। স্থলের দপ্তরী, বোডিং হাউসের চাকর ও আমার বাসার চাকর গাছ কাটিয়া কাঠ প্রস্তুত করিয়া দিল। শবদাহ করা শেষ হইল। তাহার মৃত্যু সংবাদ আমাদের বাড়ীতে দিলাম। অনেক দিন পরে আমার সম্বন্ধী শ্রীমান্ বিপিনবিহারী ইন্দ্রকে তাহার মৃত্যু সংবাদ দিয়া একখানি চিঠি লিখিয়াছিলাম। বুদ্ধিমান্ বিপিন তত্বতরে লিখিলেন যে তেজপুরের বিপদের কথা জানিলাম এবং সম্ভবতঃ আপনি এখানকারও বিপদের কথা এতদিন জানিয়া থাকিবেন। আমি বিষম চিন্তায় পড়িলাম। তখন আমার জ্যেষ্ঠা কন্যা ও জামাতা কঠিন রোগে ভুগিতেছিল। চিঠিখানি স্থলে বসিয়া পাইলাম এবং ভাবিলাম হয় আমার জ্যেষ্ঠ কন্যা মারা গিয়াছে নয় জামাতার মৃত্যু হইয়াছে। চিঠিখানি পড়িয়াই পণ্ডিত মহাশয়কে বলিলাম যে যদি আমার জামাতার মৃত্যু না হইয়া কন্যার মৃত্যু হইয়া থাকে তাহা হইলে আমি স্থখী হইব। এই চিঠি পাইয়াই দাদাকে টেলিগ্রাম করিলাম এবং তাহার উত্তরে জানিলাম যে ১৩০৯ সনের ২৬শে আশ্বিন তারিখে অর্থাৎ ১৯০২ সনের অক্টোবর মাসে আমার জ্যেষ্ঠা কন্যা দুর্গাপূজার বিজয়ার দিনে দৌলতগঞ্জে মারা গিয়াছে। সন্ধ্যার একটু পূর্বে রাস্তায় দাদার টেলিগ্রাম পাই। টেলিগ্রামখানি পাইয়া পুলিশ ইনস্পেক্টর শ্রীযুক্ত শশিভূষণ সেনের বাসায় প্রায় রাত্রি ১০টা পর্যন্ত থাকিয়া বাসায় আসিলাম। বাসায় আসিয়া বলিলাম তোমরা সকলে ভাত খাও, আমি শশীবাবুর বাসায় খাইয়া আসিয়াছি। প্রকৃতপক্ষে আমি শশীবাবুর বাসায় কিছুই খাই নাই। পরদিন অতি প্রত্যুষে গুরুনাথবাবুর স্ত্রীকে ও ব্রজবালাকে আমাদের বাসায় ডাকিয়া আনিয়া আমার স্ত্রীকে এই নূতন নিদারণ শোকের সংবাদ দিলাম। প্রায় এক মাসের মধ্যেই ২টা কন্যা মারা গেল; এবং ছেলেটা ম্যালেরিয়া জরে ভুগিতে লাগিল। ঠিক এই বিপদের সময়ে হাকিম কৃষ্ণ চৌধুরী আমার কিসে অনিষ্ট করিতে পারিবেন তাহার উপায় অবলম্বন করিতে লাগিলেন। অথচ আমার

তৃতীয়া কক্ষা মারা যাওয়ার পরদিনেই একজিকিউটিভ ইঞ্জিনিয়ার লাল। ব্রিজমোহনলাল আমার বাসায় আসিয়া সহায়ভূতি প্রকাশ করিয়া গেলেন। ইহার কিছুদিন পূর্বে তাঁহার শ্রীধর ও বিজাধর নামে দুইটি প্রবেশিকা পরীক্ষার উত্তীর্ণ উপযুক্ত পুত্র মারা গিয়াছিল। একটা বিবৃতি রোগে এলাহাবাদে ও অপরটা ঐ রোগে গোহাটীতে।

আমার এই সমস্ত বিপদের সময়ে ডেপুটী কমিসনার মেজর কোল্ অগ্ৰহ চলিয়া গেলেন। মঙ্গলদৈ মহকুমার সব-ডিভিসনাল অফিসার সিভিলিয়ান এফ্ ডবলিউ ষ্ট্রং সাহেব জেলার একটিং ডেপুটী কমিসনার হইয়া তেজপুরে আসিলেন।

হাকিম কৃষ্ণচন্দ্র চৌধুরী ইতিপূর্বে মঙ্গলদৈ মহকুমার দ্বিতীয় অফিসার বা হাকিম ছিলেন। সুতরাং তাঁহার সহিত ইহার বেশ জানাশুনা ছিল। কৃষ্ণচন্দ্র এই সুযোগে আমার অনিষ্ট চেষ্টা করিতে লাগিলেন। তিনি চক্রান্ত করিয়া শ্রীযুক্ত হরবিলাস আগরওয়ালাকে ও শ্রীযুক্ত ভবানী-কান্ত শম্মাকে একদিন বোর্ডিং হাউসে পাঠাইয়া দিলেন। এই দুটি ভদ্রলোকই বুদ্ধ ও তেজপুরের মধ্যে সম্ভ্রান্ত লোক কিন্তু ঘোর বাঙ্গালী-বিদ্বেষী ছিলেন। ইহারা বোর্ডিং হাউস দেখিয়া উহার অপরিচ্ছন্নতা ও অগ্ৰাণ্য দোষের উল্লেখ করিয়া একটিং ডেপুটী কমিসনার ষ্ট্রং সাহেবকে একখানি চিঠি লেখেন। উহাদের সহিত বিতালয়ের কোন সম্বন্ধই ছিল না। অথচ অযাচিতভাবে, কৃষ্ণচন্দ্রের পরামর্শে ও প্ররোচনায় এই চিঠিখানি লেখেন। ষ্ট্রং সাহেব এই চিঠিখানি পাইয়াই কৃষ্ণচন্দ্রের সহিত পরামর্শ করেন; এবং বোর্ডিং হাউস দেখিতে আসিবেন স্থির করেন। আমি তেজপুর হাই-স্কুলের কার্যভার গ্রহণ করিয়া বোর্ডিং হাউসের তদ্বিধা দেগিয়া ১৯০০ সনের নভেম্বর মাসে ভিরেক্টর ডাক্তার বুদ্ধ সাহেবকে সমস্ত অবস্থা এবং কি উপায় অবলম্বন করিলে উহার উন্নতি সাধন হইবে জানাইয়া একখানি চিঠি লিখিয়াছিলাম। ঠিক ২ বৎসর অতীত হইতে চলিল উহার কোন উত্তরই পাই নাই। ১৯০২



সনের ১৭ই নভেম্বর তারিখে বেলা ৯ টার পরে কৃষ্ণচন্দ্রের নিকট হইতে একখানি সংক্ষিপ্ত পত্র পাইলাম। ঐ পত্রে লেখা ছিল যে আজ বেলা ৯টার সময়ে একটাং ডেপুটী কমিসনার ষ্ট্রং সাহেব বোর্ডিং হাউস পরিদর্শনে যাইবেন। আপনি ঐ সময় তথায় উপস্থিত থাকিবেন। কিন্তু চিঠিখানি ৯টার পরে আমার হস্তগত হইয়াছিল। আমি তখনও স্নান আহার করি নাই। চিঠিখানি পাইয়াই তাড়াতাড়ি করিয়া পোষাক পরিয়া বোর্ডিং হাউসে গেলাম। উহা আমার তৎকালের বাসার খুব নিকটেই ছিল। যাইয়াই দেখি যে সাহেব বোর্ডিং হাউসের খুব নিকটেই আসিয়াছেন। বোর্ডিং হাউসের নানাস্থানে জঙ্ঘাল আদি পড়িয়াছিল ও পায়খানাও খুবই অপরিষ্কার ছিল। সাহেব উহার ঐ অবস্থা দেখিয়া ভয়ানক অসন্তুষ্ট হইয়া আমাকে অনেক কথাই বলিলেন এবং ইহাও বলিলেন যে আমার বিরুদ্ধে রিপোর্ট করিবেন। আমি বলিলাম বোর্ডিং-এর এই জঘন্য অবস্থার জন্য আমি কোনরূপে দায়ী নহি। তথাপি সাহেব বলিতে লাগিলেন যে আমার বিরুদ্ধে রিপোর্ট করিবেন। আমি বলিলাম যে আপনি যাহা ইচ্ছা করিতে পারেন। আপনার রিপোর্টে আমার বিশেষ কিছু অনিষ্ট হইবে না। আসাম-প্রদেশে তেজপুর ছাড়া আরও আটটা গভর্ণমেণ্টের হাই-স্কুল আছে। আপনার রিপোর্টের ফলে উহার কোন একটাতে আমি বদলী হইয়া যাইব; এ ছাড়া আমার আর কিছুই হইবে না। হরত তেজপুর অপেক্ষা ভাল স্থানে বদলী হইয়া যাইব। সাহেবের রাগ কিছুতেই কমিল না। আমাকে আদেশ দিলেন যে বোর্ডিং হাউসের ছাত্রগণকে লইয়া সেইদিন বেলা ২টার সময়ে কাছারিতে তাঁহার খাস কামরায় গিয়া তাঁহার সহিত সাক্ষাৎ করিতে হইবে। ঐই আদেশ দিয়া চলিয়া গেলেন। আমি বাসায় ফিরিয়া আসিয়া স্নান করিয়া যথা সময়ে স্কুলে গেলাম। স্কুলে গিয়া আমি বোর্ডিং হাউস সম্বন্ধে ডিরেক্টার ডাক্তার বুথকে ও তেজপুর মিউনিসিপ্যালিটির চেয়ারম্যানকে যে চিঠি লিখিয়াছিলাম তাহার নকল

লইয়া আমার স্কুলের চৌকিদারকে সঙ্গে লইয়া নির্দিষ্ট সময়ে সাহেবের গাস কামরাতে গিয়া উপস্থিত হইলান। দেখিলাম সাহেব সেখানে বসিয়া আছেন এবং হাকিম কৃষ্ণচন্দ্র চৌধুরীও তথায় একখানি বেঞ্চেতে বসিয়া আছেন।

আমাকে একাকী সেইখানে উপস্থিত হইতে দেখিয়া সাহেব একটু রোষ প্রকাশ করিয়া বলিলেন যে তোমার বোর্ডিং হাউসের ছাত্রগণ কোথায়? আমি বলিলাম তাহাদিগকে আমি নাই। আরও বলিলাম যে আমি ফৌজদারী মোকদ্দমার আসামী নহি যে ছাত্রগণ আমার পক্ষে বা বিপক্ষে সাক্ষ্য দিতে আসিবে। সাহেব আমার এই কথা শুনিয়া আরও রাগান্বিত হইয়া বলিলেন যে বাবু, তুমি মনে করিও যে তুমি ডেপুটী কমিসনারের সহিত কথা কহিতেছ। আমি ততুস্তরে বলিলাম যে ডেপুটী কমিসনার বাহাদুরকে ও একষ্ট্রা এসিষ্ট্যান্ট কমিসনার বাহাদুরকে (ঠাট্টার ছলে) যথা বিহিত সম্মান প্রদর্শন করিয়া আমি বলিতেছি যে আমি আমার ছাত্রগণকে সাক্ষ্য দিবার জন্ত এখানে অবশ্যই আনিব না। সাহেব আমার তেজ দেখিয়া বলিলেন যে তবে আমার বাদ্দলোয় উহাদিগকে লইয়া আইস। আমি বলিলাম যে তাহাও আমি অবশ্যই করিব না। আমার ছাত্রগণকে কাছারিতে কিম্বা আপনার বাদ্দলোয় লইয়া আসিলে আমি সাধারণ লোকের নিকট অবজ্ঞাত হইব। আমি কিছুতেই তাহাদিগকে স্কুলের বা বোর্ডিং হাউসের বাহিরে আনিব না। সাহেব বলিলেন তবে কি হইবে? আমি বলিলাম আপনার ইচ্ছা হইলে আপনি স্কুলে বা বোর্ডিং হাউসে যাইয়া তাহাদিগকে বাহা ইচ্ছা জিজ্ঞাসা করিতে পারেন। সাহেব তখন বলিলেন তবে কাল প্রাতঃকালে স্কুলে যাইয়া আমি তাহাদিগকে জিজ্ঞাসা করিব। বাহিরে কয়েকটা বাকালী ভদ্রলোক ছিলেন। তাঁহারা সাহেব ও আমার মধ্যে যে কথাবার্তা হইতেছিল সবই শুনিয়াছিলেন। শুনিয়া তাঁহারা বলিয়াছিলেন যে হেড্‌মাষ্টার কাপুরুষ নহে বাপের বেটা। তারপর দিন

সাহেব বাহাদুর প্রাতে স্থলে আসিলেন। আমি ডিরেক্টর ডাক্তার বুথকে ১৯০০ সনের নভেম্বর মাসে বোর্ডিং হাউস সম্বন্ধে যে চিঠি লিখিয়াছিলাম তাহার নকল ও তেজপুরের মিউনিসিপ্যালিটির চেয়ারম্যানকে যে চিঠি লিখিয়াছিলাম তাহার নকল এবং ঐ সম্বন্ধে আর আর যে চিঠি পত্র ছিল সবই দেখাইলাম। বোর্ডিং হাউসের ছাত্রগণকে সাহেব আর ডাকিতে বলিলেন না। আমাকে বলিলেন যে আমার সহিত আমার খাস কামরায় এস। আমি ডাক্তার বুথকে ডেমি অফিসিয়াল বা আধা সরকারী চিঠি লিখিব। হাকিম কৃষ্ণ চৌধুরী সঙ্গে ছিলেন তিনিও সঙ্গে গেলেন। সাহেব ডাক্তার বুথকে একখানি দীর্ঘ পত্র লিখিলেন। পত্রখানি লিখিয়া আমাকে পড়িতে দিলেন। আমি কতকটা গ্রাফা মাজিয়া কৃষ্ণচন্দ্র চৌধুরীকে চিঠিখানি দেখিতে দিয়া বলিলাম কৃষ্ণবাবু আমি সাহেবের সব লেখা পড়িতে পারিতেছি না। আপনি এই এই স্থান পড়িয়া সাহেব কি লিখিয়াছেন আমাকে বলিয়া দেন। বলা বাহুল্য যে ডেমি অফিসিয়াল চিঠি সাহেবেরা অপর কাহাকেও পড়িতে দেন না অথচ আমাকে দিলেন। সাহেব ঐ চিঠিতে স্পষ্টই লিখিয়াছিলেন যে হেড্‌ মাস্টার যখন বোর্ডিং হাউসের সুপারিন্টেন্ডেন্ট তখন উহার অপরিচ্ছন্নতার জন্য তিনিই দায়ী এই মনে করিয়া আমি তাঁহার প্রতি ককর্শ বাক্য প্রয়োগ করিয়াছিলাম। কিন্তু হেড্‌ মাস্টার কতকগুলি চিঠি পত্রের নকল আমাকে দেখানতে আমি আমার মনের ভাব পরিবর্তন করিতে বাধ্য হইলাম। এ বিষয়ে হেড্‌ মাস্টারের কোন দোষই নাই ইত্যাদি অনেক কথা। সাহেবের ঐ চিঠির নকল পরিশিষ্টভাগে প্রদত্ত হইবে। কৃষ্ণচন্দ্র চৌধুরী এবারেও আমার কোন অনিষ্ট সাধন করিতে পারিলেন না বটে কিন্তু কি করিয়া যে আমার অনিষ্ট সাধন করিবেন সর্বদাই চিন্তা করিতে লাগিলেন।

এই সময়ে তেজপুর হইতে “বন্তি” নামে একখানি আসামীয়া

সাপ্তাহিক পত্র বাহির হইতে আরম্ভ করিল। উহার লেখার দ্বারা বাকালী-বিদ্যেব আরও বাড়িতে লাগিল। তেজপুর ট্রেনিং স্কুলের হেড্‌ মাষ্টার শ্রীযুক্ত পদ্মনাথ বড়ুয়া ও হাই স্কুলের অতিরিক্ত শিক্ষক শ্রীযুক্ত চন্দ্রনাথ শর্মা প্রচ্ছন্নভাবে উহাতে লিখিতে লাগিলেন। প্রায় প্রতি সপ্তাহের কাগজেই আমার বিরুদ্ধে কোন না কোন কথা বাহির হইতে লাগিল। ডিরেক্টর ডাক্তার বুথ্ ইতিপূর্বেই আমাকে খুব্‌ড়ী হাই-স্কুলে বদলী করিবেন মনে মনে স্থির করিয়াছিলেন; কিন্তু আমার বিরুদ্ধে সম্বাদ-পত্রে আলোচনা হইতেছিল দেখিয়া আমাকে বদলী করেন নাই; যেহেতু ঐ সময় আমাকে বদলী করিলে লোকে মনে করিতে পারিত যে সম্বাদপত্রের আন্দোলনের জন্তই হেড্‌ মাষ্টারের বদলী হইল।

তেজপুরে আমার তৃতীয়া কন্ঠার মৃত্যু ও দেশে আমার জ্যেষ্ঠ কন্ঠার মৃত্যুর পরেই আমি ডিরেক্টর ডাক্তার বুথ্‌কে একখানি চিঠি লিখি যে প্রায় এক মাসের মধ্যেই আমার দুটি কন্ঠার মৃত্যু হইয়াছে এবং আমার জ্যেষ্ঠ পুত্রটী তেজপুরে ম্যালেরিয়া জরে ভুগিতেছে। তাহার চিকিৎসার্থ তাহাকে কলিকাতায় লইয়া যাওয়া আবশ্যক। অতএব আমাকে দুই মাসের বিদায় দিলে ভাল হয়। ঐ চিঠির উত্তরে ডাক্তার বুথ্‌ আমাকে জানান যে এ সময়ে তোমাকে বিদায় দিলে তোমার মানসিক অবস্থা ভাল না হইয়া বরং মন্দই হইবে। সুতরাং তোমাকে বেশী দিনের ছুটি দিব না। তুমি ১০ দিনের ছুটি লইয়া তোমার পুত্রকে কলিকাতায় রাখিয়া আসিতে পার। কাজেই সেইরূপ বন্দোবস্ত করা হইয়াছিল। আমার পরিবারস্থ সকলকেই কলিকাতায় রাখিয়া আসিয়া আমি আমার দ্বিতীয় পুত্রসহ তেজপুরে রহিলাম।

কিছু দিন পরে সিভিলিয়ান্‌ পি, ই, ক্যামিয়েড্‌ সাহেব তেজপুরে একটিং ডেপুটী কমিসনার হইয়া আসিলেন। আবার কৃষ্ণচন্দ্র চৌধুরী আমার অনিষ্ট করিবার জন্ত চেষ্টা করিতে লাগিলেন। এক দিন আমি ক্যামিয়েড্‌ সাহেবের সহিত সাক্ষাৎ করিবার জন্ত তাঁহার বাঙ্গলোর

দিকে যাইতেছি এমন সময়ে সামান্য বৃষ্টি পড়িতে লাগিল। আমি পোষ্ট অফিসের ঘরের মধ্যে প্রবেশ করিলাম। সেখানে গিয়াই দেখি যে কৃষ্ণচন্দ্র ঐ স্থানেই আছেন। কৃষ্ণচন্দ্র আমাকে জিজ্ঞাসা করিলেন “কোথায় যাইতেছেন?” আমি বলিলাম “ডেপুটী কমিসনারের সহিত দেখা করিতে যাইতেছি”। তিনি বলিলেন “আমিও যাইতেছি, ভালই হইল, চলুন এক সঙ্গে যাই।” ক্যামিগেড্ সাহেবের সহিত দেখা হইবামাত্রই তিনি আমাকে বলিলেন তুমি বাঙ্গালী, তোমার কি দেশে চাকরী জুটে নাই আসামে আসিয়াছ? আমি বলিলাম যখন আমি ১৮৭৮ সনে আসামে প্রথম আসিয়াছিলাম তখন আসামে শিক্ষিত লোক খুব অল্পই ছিল। একজন মাত্র বি, এ, ছিলেন। তাঁহার নাম জগন্নাথ বড়ুয়া। তাঁহাকে লোকে বি, এ, জগন্নাথ বলিত। আর ছিলেন চারি জন বিলাত ফেরত উচ্চ শিক্ষিত ব্যক্তি। একজন আনন্দীরাম বড়ুয়া, সুপ্রসিদ্ধ সিভিলিয়ান, দ্বিতীয় ব্যক্তি বলীনারায়ণ বরা ইঞ্জিনিয়ার, তৃতীয় ব্যক্তি সার্জর্ন মেজর শিবরাম বরা ও চতুর্থ ব্যক্তি সার্জর্ন মেজর জালহুরালি। তখন দ্বিতীয় শিক্ষকের কার্য সম্পাদনে সমর্থ, কোন শিক্ষিত আসামীয়া ভদ্রলোক ছিলেন না। এখন যত আসামের, বি,এ, এম, এ, ও বি,এল প্রভৃতি শিক্ষিত ব্যক্তি দেখিতেছেন ইহারা হয় আমার ছাত্র, নয় আমার মত অন্ত কোন বাঙ্গালীর ছাত্র। তখন কৃষ্ণচন্দ্র বলিলেন যে আমিও উহার ছাত্র। সাহেব বলিলেন “কৃষ্ণবানু তোমার ছাত্র নাকি?” আমি বলিলাম “যদি ইনি দয়া করিয়া আমার ছাত্র বলিয়া স্বীকার করেন তবে ইনিও আমার ছাত্র”। আমি একথাও বলিলাম যে ১৮৭৮ সনে আসামের তৎকালীন স্কুল ইনস্পেক্টর ডাক্তার মাটিন্ আমাকে বিশেষ চেষ্টা ও যত্ন করিয়া ডিব্রুগড় হাই-স্কুলের দ্বিতীয় শিক্ষকের পদে নিযুক্ত করিয়া আনিয়াছিলেন। এই দিন এইরূপ ভাবেই তাঁহার সহিত আলাপ হইল।

ইতিপূর্বেই বলিয়াছি যে ডাক্তার বৃথ্ এক বৎসরের বিদায় লইয়া চলিয়া যাওয়াতে তাঁহার স্থলে ডিরেক্টরের কার্য্য করিবার জন্ত অধ্যাপক প্রথিরো সাহেব আসিয়াছিলেন। ইনি ১৯০২ সনের ২৫শে ও ২৬শে ফেব্রুয়ারী তারিখে তেজপুর হাই-স্কুল পরিদর্শন করিয়া এবং ছাত্রদিগকে পরীক্ষা করিয়া বিলক্ষণ সন্তুষ্ট হইয়াছিলেন। ইহার মন্তব্যের মর্ম্ম পরিশিষ্টভাগে প্রদত্ত হইবে।

ইহার কার্য্যকালে তেজপুর হাই-স্কুলের দ্বিতীয় শিক্ষক শ্রীযুক্ত চন্দ্রকান্ত রায়কে গোহাটী স্কুল-সব্-ইনস্পেক্টরের পদে বদলী করিবার আদেশ হইয়াছিল এবং তৎপদে স্কুল-সব্-ইনস্পেক্টর শ্রীযুক্ত শশিধর বরকাকতিকে নিযুক্ত করা হইয়াছিল। শশিধর বরকাকতি দ্বিতীয় শিক্ষকের কার্য্যভার গ্রহণ করিবার জন্ত তেজপুরে আসিয়া উপস্থিত হইয়াছিলেন। কিন্তু আমি আমার উপযুক্ত কর্তব্যপরায়ণ দ্বিতীয় শিক্ষক চন্দ্রবাবুকে ছাড়িয়া দিয়া তৎপদে বরকাকতিকে লইতে ইচ্ছা না করিয়া চন্দ্রকান্তবাবুকে বলিলাম যে এই অপেক্ষাকৃত অধিক বয়সে তাঁহার সব্-ইনস্পেক্টরের কার্য্যে যাওয়া উচিত নহে; এবং বরকাকতিকে বলিলাম যে ১৭১৮ বৎসর ডেপুটী ও সব্-ইনস্পেক্টরের কার্য্য করার পরে তাঁহার দ্বিতীয় শিক্ষকতা করা ভাল লাগিবে না, বিশেষতঃ তিনি এক সময়ে দ্বিতীয় শিক্ষকের পদে আমার অপেক্ষা অধিক বেতন পাইতেন। এখন আমার অধীনে কার্য্য করা তাঁহার পক্ষে কষ্টকর হইবে। উভয়কেই এই ভাবে বুঝাইয়া ডেপুটী কমিসনারকে মধ্যস্থ রাখিয়া এই বদলী বন্ধ করিয়া দিয়াছিলাম। শশিধর বরকাকতি তেজপুরের দ্বিতীয় শিক্ষক হইলে তাঁহাকে দিয়া বিদ্যালয়ের কার্য্য করাইতে পারিতাম না; বরং আসামীয়া ও বাঙ্গালীর মধ্যে বিদ্বেষ ভাব আরও বাড়িয়া যাইত।

আমার জ্যেষ্ঠ পুত্রটিকে কলিকাতায় রাখিয়া প্রসিদ্ধ কবিরাজ গুপ্তপল্লী নিবাসী শ্রীযুক্ত গোপীচরণ রায়গুপ্ত এবং বিক্রমপুর নিবাসী কবিরাজ কৈলাসচন্দ্র সেনগুপ্তের দ্বারা চিকিৎসা করাইয়া নীরোগ

করিতে না পারিয়া আমি কলিকাতায় আসিয়া আমার সহাধ্যায়ী প্রসিদ্ধ ডাক্তার শ্রীযুক্ত বিপিনবিহারী মৈত্র এম, বি, এর পরামর্শ লইয়া এবং তাঁহার সাহায্যে তাহাকে মধুপুরে পাঠাইয়া দিই। তাহার সহিত আমার স্ত্রীকে, দুটি ছোট ছেলেকে, একটি ছোট মেয়েকে এবং আমার মধ্যমা কণ্ঠাকেও পাঠাইয়া দিয়াছিলাম। আমার বৃদ্ধা মাতাঠাকুরাণী ও আমার বিধবা ভগিনীও তথায় তাহার সঙ্গে কিছুদিন ছিলেন। মধুপুরের জলবায়ুর গুণে এবং ডাক্তার বিপিনবিহারী মৈত্রের পরামর্শ অনুযায়ী চলিয়া সে বিনা চিকিৎসায় রোগমুক্ত হইয়াছিল। ডাক্তার বিপিনবাবু এই সময়ের বহুপূর্বেই এলোপ্যাথিক চিকিৎসা প্রণালী ছাড়িয়া দিয়া একজন লক্ষপ্রতিষ্ঠ হোমিওপ্যাথ হইয়াছিলেন।

একটিং ডেপুটী কমিসনার ষ্ট্রং সাহেবের আধা সরকারী চিঠি পাইয়া ডিরেক্টর ডাক্তার বুখ্ তেজপুরের বোডিং হাউসের সংস্কার করিতে প্রবৃত্ত হইলেন। ১৯০০ সনের নভেম্বর মাসে বোডিং হাউস সংস্কারে যাহা যাহা করা আবশ্যক বলিয়াছিলাম ১৯০২ সনের নভেম্বর মাসের চিঠিতেও একটিং ডেপুটী কমিসনার ষ্ট্রং সাহেবও সেই সমস্ত উপায় অবলম্বন করিবার জন্ত লিখিয়াছিলেন। এখন সেই সমস্ত করাই স্থির হইল এবং সেইরূপ কার্য আরম্ভ হইল। ষ্ট্রং সাহেবের অভিপ্রায় অনুসারে বোডিং হাউসের রেসিডেন্ট-মাষ্টারের পদে একজন আসামীয়া শিক্ষককে নিযুক্ত করা কর্তব্য, ডিরেক্টর ডাক্তার বুখেরও মত হইল।

অতিরিক্ত শিক্ষক চন্দ্রনাথ শর্ম্মার অধীনে বোডিং হাউস রাখা স্থির হওয়ায়, তাঁহার বাসের জন্ত বোডিং হাউসের নিকট জমি কিনিয়া বাসা প্রস্তুত হইতে লাগিল। আসামের হাই-স্কুল সমূহের বোডিং হাউসের অবস্থা ভাল নয় জানিয়া, তৎকালের মাননীয় চিফ্ কমিসনার সার্ ব্যাম্ফিল্ড্ কুলার ডিরেক্টর ডাক্তার বুখ্কে চিঠি লিখিলেন যে বোডিং হাউসে কোন গোলমাল উপস্থিত হইলে হেড্ মাষ্টারদিগকে তৎক্ষণ দায়ী করিতে হইবে। গ্রীষ্মাবকাশের বন্ধে আমি আমার জ্যেষ্ঠ

পুত্রের নিকটে মধুপুরে গিয়াছিলাম। সেখানে গিয়া ডাক্তার বুথের ঐ মঞ্চে একখানি চিঠি পাইয়া তথা হইতে তাঁহাকে এই বলিয়া একখানি চিঠি লিখিলাম যে যদি তিনি আমাকে বোডিং হাউসের জন্ম দায়ী করিতে ইচ্ছা করেন তাহা হইলে বোডিং হাউসের নিকটে গভর্ণমেন্টের ব্যয়ে আমার জন্ম বাসা প্রস্তুত করিয়া দিতে হইবে। কেন না আমি বোডিং হাউস হইতে অনেক দূরবর্তী স্থানে নিজের বাসায় থাকিয়া বোডিং হাউসেয় ছেলেরা রাত্রিতে কি করে না করে জানিতে পারিব না। সুতরাং তাহাদের অন্যায আচরণের জন্ম আমি কিছুতেই দায়ী হইব না। ডাক্তার বুথ আমার এই চিঠিখানি মাননীয় চিফ্ কমিসনারের নিকটে প্রেরণ করাতে চিফ্ কমিসনার বাহাদুরের আদেশ হইল যে আমাকেই বোডিং হাউসের রেসিডেন্ট মাষ্টার করিতে হইবে এবং আমার বাসোপযোগী বাসা তাহার নিকট প্রস্তুত করিয়া দিতে হইবে। আমি তেজপুরে ফিরিয়া আসার পরে একজিকিউটিভ ইঞ্জিনিয়ার আমার সহিত পরামর্শ করিয়া আমার বাসোপযোগী বাসা প্রস্তুত করিয়া দিলেন। হাকিম কৃষ্ণচন্দ্র চৌধুরীর অভীষ্ট এবারেও সিদ্ধ হইল না। ক্রমে আমার প্রতি তাঁহার বিদেহ বাড়িতে লাগিল।

ইতিমধ্যে ডিরেক্টর ডাক্তার বুথ তেজপুর স্কুল পরিদর্শন করিতে আসিলেন। তাঁহাকে সমস্ত বিষয় বলিলাম। তিনি বলিলেন তোমাকে খুবড়ী বদলী করিব স্থির করিয়াছিলাম কিন্তু “বস্তি” কাগজে তোমার বিরুদ্ধে লেখা বাহির হইতেছে এ অবস্থায় তোমাকে বদলী করিলে লোকে মনে করিবে যে “বস্তির” লেখাতেই তোমাকে বদলী করা হইয়াছে এজন্য তোমাকে এখন বদলী করিব না। আরও এক বৎসরকাল তোমাকে এখানে রাখিব। “বস্তিতে” ট্রেনিং স্কুলের হেড্ মাষ্টার পদ্মনাথ বড়ুয়া ও হাই-স্কুলের অতিরিক্ত শিক্ষক চন্দ্রনাথ শর্মা আমার বিরুদ্ধে লিখিতেছেন বলায় এবং মধ্য-আসামের ডেপুটী ইন্সপেক্টর ত্রীযুক্ত হারানচন্দ্র দাশগুপ্ত আমার



এই কথা সত্য বলিয়া প্রকাশ করায় ডাক্তার বুথ বলিলেন যে উহাদিগকে শীঘ্রই স্থানান্তরিত করিতেছি। কিছুদিন পরে অতিরিক্ত শিক্ষক চন্দ্রনাথ শর্মাকে গোহাটী হাই-স্কুলের সপ্তম শিক্ষকের পদে বদলী করার আদেশ আসিল এবং তথাকার সপ্তম শিক্ষক তেজপুরের অতিরিক্ত শিক্ষক হইয়া আসিলেন। কিন্তু চন্দ্রনাথ শর্মা গোহাটী স্কুলের সপ্তম শিক্ষকের পদে যাইতে অনিচ্ছুক হইয়া তেজপুরের পুলিশ সুপারিন্টেন্ডেন্টের অফিসে একটি চাকরীর ঘোষণা করিলেন। কিন্তু পুলিশ অফিসে না গিয়া বসিয়া বহিলেন। ঠিক এই সময়ে গোয়ালপাড়ার স্কুল সর্ব-ইনস্পেক্টর শশিধর বরকাকতি কোন গুরুতর অপরাধে সম্পেণ্ড হইলেন। চন্দ্রনাথ এখন আমার নিকটে আসিয়া অতি বিনীতভাবে অহরোধ করিতে লাগিলেন যে আপনি দয়া করিয়া আমার অহুকূলে ডাক্তার বুথকে লিখিলেই আমি ঐ পদটি পাইতে পারি। আমি প্রতিহিংসা গ্রহণ করিতে কখনই ইচ্ছা করি নাই। আমি তাঁহার অহুকূলে ডাক্তার বুথকে লেখায়, তিনি ঐ পদ পাইয়াছিলেন এবং কালে এসিষ্ট্যান্ট ইনস্পেক্টরও হইয়াছিলেন। তেজপুর ট্রেনিং স্কুল উঠিয়া যাওয়ায় পরে ঠিক এই সময়ে চন্দ্রনাথ বড়ুয়া তেজপুর হাই-স্কুলের অতিরিক্ত শিক্ষকের পদে নিযুক্ত হইয়া কিছুকাল কাব্য করিয়াছিলেন। পরে যোরহাট হাই-স্কুলে বদলী হইয়াছিলেন।

কৃষ্ণচন্দ্র চৌধুরী কোনরূপে আমার কিছু অনিষ্ট করিতে পারিলেন না। কিন্তু জানি না কাহার পরামর্শে পূর্বোক্ত রাধাকান্ত হাজারিকা—বাহাকে ভিরেক্টর ডাক্তার বুথকে লিখিয়া স্কুল হইতে বহিস্কৃত করিয়াছিলাম—১৯০৩ সালের ২২শে সেপ্টেম্বর তারিখে তেজপুরের বাজারে আনাকে অকস্মাৎ আক্রমণ করে। তখন বেলা অপরাহ্ন ৬টা। আমি বাজারের মধ্যে মাছ কিনিতেছিলাম। আমার সহিত হাই-স্কুলের পঞ্চম শিক্ষক শ্রীযুক্ত কালীপ্রসন্ন চট্টোপাধ্যায় ছিলেন। তিনিও মাছ

কিনিতেছিলেন। রাধাকান্ত একগাছি বেত হাতে করিয়া হঠাৎ আমার সম্মুখে উপস্থিত হইয়া আমার মুখে, বুকে ও পিঠে তিন চার বার ঐ বেত দিয়া আঘাত করিয়া দৌড়িয়া পলাইয়া গেল। কালীপ্রসন্নবাবু চীৎকার করিয়া বলিলেন যে, রাধাকান্ত হেড্-মাষ্টারকে বেত দিয়া আঘাত করিয়া ঐ পলাইয়া যাইতেছে। অনেকেই শুনিল কিন্তু কেহই তাহার পশ্চাতে ছুটিয়া গেল না। বলা বাহুল্য যে বাজারের মধ্যে তখন যে সকল লোক ছিল তাহাদের মধ্যে অনেকেই আসামীয়া। তুই, তিনটা মাত্র অল্প বয়স্ক বাঙ্গালী তখন ঐ স্থানে উপস্থিত ছিল। রাধাকান্তের খুড়া পুলিশ সৰ্ভ-ইনস্পেক্টর রত্নকান্ত হাজারিকাও তখন ঐ বাজার মধ্যে উপস্থিত ছিল। আমি প্রথমে থানায় গিয়া জানাইয়া উকীল শ্রীযুক্ত মহেন্দ্রনাথ দার নিকট গিয়া সমস্ত ঘটনা বর্ণনা করিলাম। মহেন্দ্রবাবু আমাকে পরামর্শ দিলেন যে এখনই আপনি ডেপুটি কমিসনার ক্যামিয়েন্ড্ সাহেবের নিকট যাইয়া সমস্ত বিষয় বলুন গে। ক্যামিয়েন্ড্ সাহেব তখন ক্লব্ ঘরে ছিলেন। তাহার সহিত তাহার মেমও ছিলেন। আমি এক টুকরা কাগজে কয়েকটা কথা লিখিয়া দিয়া উহা ক্লব্ ঘরে পাঠাইয়া দিলাম। পাচ মিনিটের মধ্যেই সাহেব মেমসহ বাহিরে আসিলেন ও সমস্ত বিষয় জানিলেন। সাহেব আমাকে রাধাকান্তের বিরুদ্ধে তৎপর দিনই ফৌজদারী মোকদ্দমা রুজু করিতে বলিলেন। আমি বলিলাম যে রাধাকান্ত তেজপুর ছাড়িয়া অগত্যা পলাইয়া যাইবে তাহাকে গ্যারেট করা হউক। সাহেব বলিলেন সে কোথায় পলাইয়া যাইবে? তাহার খুড়া রত্নকান্ত পুলিশ সৰ্ভ-ইনস্পেক্টর আছে; সে উহাকে হাজির করিয়া দিতে বাধ্য হইবে। সাহেবের উপদেশানুসারে ফৌজদারী আইনের ৩১৫ ধারা অনুসারে মোকদ্দমা রুজু করা হইল। তেজপুরের সমস্ত বাঙ্গালী উকীলই আমার পক্ষে উকীল হইলেন। কোন বাঙ্গালী উকীলই রাধাকান্তের উকীল হইলেন না। ডালিমচন্দ্র বরা নামে একজন আসামীয়া উকীল তাহার উকীল হইলেন। মোকদ্দমার

বিচারের দিনে কিজ্ সাহেব নামে একজন ব্যারিষ্টার তাহার পক্ষ সমর্থন করিবার জন্য আদালতে উপস্থিত হইয়াছিলেন। তখন ইনি তেজপুরে ব্যারিষ্টারী করিতেন। পরে ইনি কলিকাতার দ্বিতীয় প্রেসিডেন্সি ম্যাজিষ্ট্রেট হইয়াছিলেন। এই সময়ে দুর্গাপূজা উপলক্ষে দেওয়ানী আদালত সকল বন্ধ থাকায় আমার প্রধান উকীল শ্রীযুক্ত মহেন্দ্রনাথ দাঁ, তাহার কলিকাতা হরিষোষের ট্রিটের বাড়ীতে আসিয়াছিলেন। মোকদ্দমার শুনানির দিনে তিনি তেজপুরে উপস্থিত হইতে পারেন নাই। মহেন্দ্রবাবু তেজপুরে উপস্থিত না থাকায়, আমি ক্যামিয়েড্ সাহেবকে বলিয়াছিলাম যে মহেন্দ্রবাবু তেজপুরে ফিরিয়া না আসা পর্যন্ত মোকদ্দমার শুনানি বন্ধ রাখিলে ভাল হয়। তাহাতে সাহেব আমাকে বলেন যে বাবু, তাহা হইলে এই মোকদ্দমার বিচারের ভার আমার নিজ হস্তে না রাখিয়া হাকিম কৃষ্ণবাবুর উপর বিচারের ভার দিব। কৃষ্ণবাবুর হাতে মোকদ্দমা পড়িলে আসামীর কোন শাস্তি হইবে না, মনে করিয়া বলিলাম, যে তবে মহেন্দ্রবাবু না আসিলেও আপনি মোকদ্দমার বিচার করিতে পারেন। ২৮শে অক্টোবর তারিখে মোকদ্দমার বিচার হয়। সাহেবের পাস কামরাতে বিচার হইয়াছিল। সাহেব আসামী বাধাকান্ত হাজরিকাকে জিজ্ঞাসা করিলেন তোমার বয়স কত? সে গ্লাস' রেজেষ্টারিতে তাহার যে বয়স লেখা ছিল তাহাই বলিল অর্থাৎ ১৮ বৎসর বলিল। সাহেব ২২ বৎসর লিখিয়া লইলেন। তাহার গ্লাস' রেজেষ্টারিতে Conduct বা আচরণের ঘরে লেখা ছিল bad অর্থাৎ মন্দ, কিন্তু Character বা চরিত্রের ঘরে লেখা ছিল fair অর্থাৎ মধ্যম প্রকার।

ব্যারিষ্টার কিজ্ সাহেব আমাকে জিজ্ঞাসা করিলেন যে এরূপ অনামঞ্জস্য মন্তব্য তুমি কেন লিখিয়াছ? আমি বলিলাম যে যদি আপনি Conduct ও Character র শব্দদ্বয়ের অর্থের পার্থক্য না জানেন তবে ভাল অভিধান দেখুন গে। আমার পক্ষে

আমার ভূতপূর্ব ছাত্র মনোমোহন লাহিড়ী বি, এল (আজকাল রায় বাহাদুর) ও উকীল চন্দ্রকান্ত দাস বি, এল উপস্থিত ছিলেন। এদিকে হাকিম কৃষ্ণচন্দ্র চৌধুরী আইনের পাতা উন্টাইতেছিলেন; এবং বলিতেছিলেন যে সাহেব কি অনর্থক বিচার করিতেছেন। বালক অপরাধীর প্রথম অপরাধ বলিয়া কয়েক ঘা বেত আসামীকে দিয়া ছাড়িয়া দিলেই হয়। কিন্তু সাহেব বিশেষ বিবেচনা করিয়া বিচার করিয়া আসামী রাধাকান্ত হাজরিকার এক মাস সশ্রম কারাদণ্ড ও ১০০ টাকা জরিমানা করিলেন। জরিমানার টাকা না দিলে আরও এক মাস সশ্রম কারাদণ্ড ভোগ করিতে হইবে। জরিমানার টাকা আদায় হইলে, ক্ষতিপূরণ স্বরূপ আমাকে দিতে হইবে। সাহেবের বিচার দেখিয়া কৃষ্ণচন্দ্র বলিলেন যে অতি কঠোর শাস্তি হইল। ক্যামিয়েড্ সাহেব তাঁহার রায়ে স্পষ্টই লিখিয়াছিলেন যে এটা হেড্ গাষ্টারকে অপমান করা নয়; এটা আসামীয়া ও বাঙ্গালীর বিদ্বেষভাব-প্রণোদিত মোকদ্দমা। শুনিয়াছি আমাকে আক্রমণ করার কথা ক্যামিয়েড্ সাহেবের মেম্ জানিতে পারিয়া তাঁহাকে বলিয়াছিলেন যে ক্যামিয়েড্, ঐ বৃদ্ধ ভদ্রলোকটী প্রকাশ্য স্থানে অপমানিত ও প্রহারিত হইয়াছেন ইহার কি কোন প্রতীক্য নাই? তদুত্তরে সাহেব বলিয়াছিলেন যে ইহার উপযুক্ত প্রতীকার করা হইবে। জরিমানার ১০০ টাকা আদায় হইয়াছিল এবং আমি উহা পাইয়াছিলাম।

আসাম উপত্যকা জেলা সমূহের দায়রা জজ্ ফিলিমোর সাহেব বি, এ, মিভিলিয়ানের নিকট এই মোকদ্দমার আপীল হইয়াছিল। আপীলের বিচার শিবসাগরে হইয়াছিল। শিবসাগরের দুইজন প্রধান উকীল শ্রীযুক্ত অক্ষয়কুমার ঘোষ বি, এল, ও শ্রীযুক্ত প্রমোদকিশোর রায় বি, এল, আমার পক্ষে উপস্থিত হইয়াছিলেন। জজের বিচারে আপীল ডিসমিস্ হইয়াছিল। বলা বাহুল্য যে কোন উকীলই আমার নিকট হইতে একটি পয়সাও গ্রহণ করেন নাই। সেসনের আপীলের

বিচার যে কোন জেলায় হইতে পারিত। সব জেলাতেই আমার পক্ষে উপস্থিত হইবার জ্ঞান প্রধান প্রধান উকীল ইচ্ছুক ছিলেন। শিবসাগরের উকীল অক্ষয়বাবুকে তেজপুরের উকীল মহেন্দ্রবাবু চিঠি লিখিয়া জানিতে চাহিয়াছিলেন তাহার কিজ কত টাকা পাঠাইতে হইবে। তত্বতরে অক্ষয়বাবু মহেন্দ্রবাবুকে লিখিয়াছিলেন যে কি পাগলামীর কথা? হেড্‌ মাষ্টারকে একখানা ওকালতনামা লিখিয়া পাঠাইয়া দিতে বলিবেন। ক্যান্নয়েড্‌ সাহেবের ও জজ্‌ ফিলিমোর সাহেবের রায়ে নকল পরিশিষ্টভাগে প্রদত্ত হইবে।

আমার তৃতীয়া কথা যে দিন ও যে সময়ে তেজপুরে মারা গিয়াছিল, সে দিন ও সময়টা পঞ্জিকা মতে প্রতিকূল থাকায়, ত্রিপাদ দোষ পাইয়াছিল। এই নিমিত্ত সে বাগাটা বিক্রয় করিয়া ফেলিয়া পর পর তিনটা বাসায় আমার দ্বিতীয় পুত্রসহ বাস করিয়াছিলাম। আমার জ্যেষ্ঠ পুত্র ম্যালেরিয়া ব্যাধির হস্ত হইতে মুক্ত হওয়ায় পরে আমি পুনরায় তেজপুরে পরিবার লইয়া গিয়াছিলাম। এবারে পরিবারসহ বোডিং হাউসের রেসিডেন্ট মাষ্টারের জ্ঞান যে বাসা নিশ্চিত হইয়াছিল, সেই বাসায় বাস করিয়াছিলাম।

কোল্‌ উদ্যানের ঠিক সম্মুখে ও কৃত্রিম হ্রদের এই পার্শ্বে স্কুলের চৌকিদারের পাক করিবার জ্ঞান একখানি দোচাল ঘর ছিল। এই ঘরখানি উদ্যানের সম্মুখে থাকায় উহার সৌন্দর্যের হানি হইতেছিল। কোল্‌ সাহেব আমাকে অনেকবার বলিয়াছিলেন “হেড্‌ মাষ্টার, তোমার স্কুলের এই ঘরখানি ঐ স্থানে থাকায় উদ্যানটির শোভা ও সৌন্দর্য্য নষ্ট করিয়া দিয়াছে। আমি মিউনিসিপ্যালিটির ব্যয়ে ঐ ঘরখানি বাঙ্গালা-স্কুলের প্রাঙ্গণে উঠাইয়া দিতে ইচ্ছা করিয়াছি, তুমি কি বল? বাঙ্গালা-স্কুলের ও হাই-স্কুলের বাড়ী পরস্পরের খুব নিকটেই ছিল। আমি সাহেবকে বলিয়াছিলাম, যে আমাদের স্কুলের বিধির মধ্যে লিখিত আছে যে চৌকিদার সর্বদাই স্কুলঘরে উপস্থিত থাকিবে

কখনও অগ্রত্ব যাইতে ও থাকিতে পারিবে না। ঐ বিধি অনুসারে উহার ঘর অগ্রত্ব সরাইয়া দেওয়া যাইতে পারে না। আপনি এই জ্ঞাত্ব অসন্তুষ্ট হইবেন না। আমি মনে মনে স্থির করিয়াছি যে যদি ঐ ঘরখানিকে চৌকিদারের পাক ঘর না বলিয়া শিক্ষকদিগের বিশ্রামের ঘর বলা যায় এবং আপনি যদি আমার প্রস্তাব সমর্থন করেন তাহা হইলে একখানি সুন্দর ঘর ঐ স্থানে নিশ্চিত হইতে পারে। তিনি উহাতে সম্মত হইলেন এবং কয়েক মাস মধ্যেই ৬০০ টাকা ব্যয়ে একখানি সুন্দর ক্ষুদ্র ঘর ঐ স্থানে প্রস্তুত হইল।

স্কুলের দুই ধারে সাহেব ডুরাগা গাছ দিয়া সুন্দর বেড়া দিয়াছিলেন। মিউনিসিপ্যালিটি প্রথমে ঐ কার্য্য সম্পন্ন করিয়াছিলেন। মার্চ মাসের ২০শে বা ২১শে তারিখে মিউনিসিপ্যালিটির চেয়ারম্যানস্বরূপে সাহেব ঐ কার্য্যটির জন্য ৭৫ টাকার একখানি বিল করিয়া আমার নিকটে টাকা চাহিয়াছিলেন। আমি সাহেবের সহিত দেখা করিয়া বলিলাম যে আমার স্কুলের তহবিলে ঐ কার্য্যের জন্য কোন টাকা নাই। আমি কোথা হইতে টাকা দিব? সাহেব বলিলেন যে মিউনিসিপ্যালিটির ঐ বেড়া দিতে অনেক টাকা ব্যয় হইয়াছে। টাকা না দিলে মিউনিসিপ্যালিটি বিশেষ ক্ষতিগ্রস্ত হইবে। আমি বলিলাম টাকা মঞ্জুর করিয়া আনিবার একটা উপায় আছে। আপনার মিউনিসিপ্যালিটির ঐ বিলখানি আমাদের ডিরেক্টর সাহেবের অফিসে আপনার হাত দিয়া পাঠাইয়া দিই। আপনি ডেপুটি কমিসনারস্বরূপ ঐখানি পাঠাইয়া দেন এবং ঐ টাকাটা যে শিক্ষা-বিভাগ হইতে দেওয়া উচিত আপনি জোর করিয়া লিখুন তাহা হইলেই এই মার্চ মাসের মধ্যেই টাকা মঞ্জুর হইয়া আসিবে এবং আমি বিল প্রস্তুত করিয়া টাকা ট্রেজারি হইতে লইয়া মিউনিসিপ্যালিটিকে দিতে পারিব। সাহেব বলিলেন উহাতে অনেক সময় লাগিবে। মার্চ মাসের মধ্যে টাকা পাওয়া কঠিন হইবে। যাহা হউক আমার পরামর্শ অনুসারে কার্য্য করা হইল এবং সম্বরই টাকা

মঞ্জুর হইয়া আসিল। ৩১শে মার্চের মধ্যে মিউনিসিপ্যালিটিকে টাকা দেওয়া হইল।

কোল সাহেব দিল্লি হইতে যে একখানি চিঠি লিখিয়াছিলেন এবং একখানি সার্টিফিকেট পাঠাইয়া দিয়াছিলেন তাহার নকল পরিশিষ্টভাগে প্রদত্ত হইবে। তেজপুর হাই-স্কুলে আমি চারি বৎসরকাল হেড্‌ মাষ্টারের কার্য্য করিয়াছিলাম। এই চারি বৎসরে প্রবেশিকা পরীক্ষার্থ ২৮ জন ছাত্র পাঠাইয়াছিলাম তন্মধ্যে ২১ জন উত্তীর্ণ হইয়াছিল। একজন প্রথম বিভাগে, ৮ জন দ্বিতীয় বিভাগে, ও ১২ জন তৃতীয় বিভাগে, শতকরা ৭৫ জন উত্তীর্ণ হইয়াছিল। যে ছাত্রটি প্রথম বিভাগে উত্তীর্ণ হইয়াছিল, সেটি আসাম-উপত্যকা জেলার মধ্যে প্রথম এবং সমস্ত প্রদেশের মধ্যে দ্বিতীয় স্থান অধিকার করিয়াছিল।

## দশম অধ্যায় ।

### ধুবড়ী

#### ধুবড়ী হাই-স্কুলের হেড্‌ মাস্টার হওয়া ।

তেজপুরে আমি নানা প্রকারে কষ্ট পাইয়াছিলাম ও জালাতন হইয়া-  
ছিলাম । অবশেষে আমার ইচ্ছানুসারে ডিরেক্টর ডাক্তার বুখ্ আমাকে  
ধুবড়ীতে বদলী করিয়াছিলেন । তেজপুর হাই-স্কুলের কার্যভার আমি  
দ্বিতীয় শিক্ষক চন্দ্রকান্তবাবুকে ১৯০৪ সনের ১৯শে জুন তারিখে বুঝাইয়া  
দিয়া চলিয়া আসিয়াছিলাম ; এবং ২২শে জুন তারিখে ধুবড়ীতে কার্য-  
ভার গ্রহণ করিয়াছিলাম । ধুবড়ী হাই-স্কুলের প্রধান শিক্ষক শ্রীযুক্ত  
প্রসন্নচন্দ্র মুখোপাধ্যায় তেজপুর হাই-স্কুলে বদলী হইয়াছিলেন । ধুবড়ী  
আমার পুরাতন পরিচিত স্থান । উহাকে আমার দেশ বলিলেও দোষ  
হয় না । এবারে ধুবড়ী আসিয়া অনেকগুলি পুরাতন বন্ধুকে আর  
দেখিতে পাইলাম না । ইহাদের মধ্যে নিম্নলিখিত ব্যক্তিগণের নাম  
বিণেয় উল্লেখযোগ্য :—রামগোপাল খাঁ বি, এল, একট্রা এসিষ্ট্যান্ট  
কমিসনার । ইনি আর এ জগতে ছিলেন না । বিষ্ণুচন্দ্র চট্টোপাধ্যায়  
বি. এল, উকীল, ইনি এখন দুরারোগ্য রোগে পীড়িত হইয়া কলিকাতায়  
ছিলেন । কিছুদিন পরে কলিকাতাতেই তাঁহার মৃত্যু হইয়াছিল । উকীল  
প্রসন্নচন্দ্র চৌধুরি আর এ জগতে ছিলেন না । জমিদারগণের মধ্যে  
মেছপাড়ার পাঁচ আনির বড়-কর্তা তিলকরাম চৌধুরীও এখন আর  
বর্তমান ছিলেন না । পর্বতজোয়ারের আট আনির জমিদার হরেন্দ্র-



নারায়ণ চৌধুরী ও ঐ ষ্টেটের তিন আনির জমিদার গোবিন্দনারায়ণ চৌধুরী, গৌরীপুর রাজের মন্ত্রী মহেশচন্দ্র লাহিড়ী, সিদ্দিকির রাজা বিষ্ণুনারায়ণ দেব, সর্ব ওভারসিয়ার প্রসন্নকুমার মুন্সী ও আরও কয়েক জন বন্ধু এখন আর এ জগতে ছিলেন না। নিম্নলিখিত ব্যক্তিগণকে এবার নূতন বন্ধুরূপ পাইলাম। উকীল শ্রীযুক্ত উপেন্দ্রনাথ বসু বি,এল, আমার পূর্ববন্ধু স্বর্গীয় ব্রজনাথ বসু উকীলের ভ্রাতা, উপেন্দ্রনাথ চট্টোপাধ্যায় বি,এল, নিশিকান্ত গাঙ্গুলী বি,এল, কেদারনাথ গুহ উকীল, যামিনীকান্ত বসু বি,এল, আমার পূর্ববন্ধু রজনীকান্ত বসুর পুত্র; এবং বামাচরণ গাঙ্গুলী উকীল বি.এল। পরবর্ত্তজোয়ারের স্বর্গীয় জমিদার হরেন্দ্রনারায়ণ চৌধুরীর স্থলে তাহার পিতৃমাতৃহীন শিশুপুত্র শ্রীমান্ হরেন্দ্রনারায়ণ চৌধুরীকে পাইলাম। ইনি এখন ইহার গৃহ-শিক্ষক ও দেওয়ান শ্রীমান্ নরেন্দ্রনাথ সেন ও উর্দাদের বহুকালের বিশ্বস্ত কর্মচারী শ্রীযুক্ত উমেশচন্দ্র চৌধুরী সহ দুবুড়ী হাই-স্কুলের অতি নিকটে ইহাদের নিজ বাসায় বাস করিতেছিলেন। দেওয়ান নরেন্দ্রনাথ সেন আমার নগণ্য স্কুলের ছাত্র। হরেন্দ্র এখন নিতান্তই ছেলেমানুষ, ইনি দুধ খাইতে মোটেই ভালবাসিতেন না। কিন্তু দৈ ইহার প্রিয় খাদ্যবস্তু ছিল। ইহার একটা পিতলের গোপালমূর্ত্তি ছিল। প্রত্যহ গোপালের পূজা করিবার সময়ে বর চাহিতেন যে সব গাই গরু বলদ হইয়া যাউক তাহা হইলে আর দুধ খাইতে হইবে না। যদি আমরা জিজ্ঞাসা করিতাম তাহা হইলে দৈ কোথায় পাইবা? তখন বলিতেন যে বলদের পেট হইতেই দৈ বাহির হইয়া আসিবে। আর মেছোপাড়ার স্বর্গীয় জমিদার তিলকরান চৌধুরীর স্থলে দুব ডাঁতেই পাইলাম তাহার বিধবা পত্নীকে। ইনি তখন ইহার একমাত্র কন্যা ও জামাতা শ্রীমান্ বিপ্রনারায়ণ দেব বি,এ, সহ দুইটা অতি অল্প বয়স্ক দৌহিত্র লইয়া দুবুড়ীতে বাস করিতে-ছিলেন। জামাতা বিপ্রনারায়ণ দেব কোচবিহার রাজবংশসম্বৃত। পরে ইহাদের সম্বন্ধে কয়েকটা কথা বলিবার ইচ্ছা থাকিল।

ধুবড়ীতে এবার আমার বাসা হইয়াছিল হাই-স্কুলের বাড়ীর ঠিক সম্মুখে ও পশ্চিমদিকে। আমার বাসা ও স্কুলের বাড়ীর মধ্যে একটা মাত্র সদর রাস্তা ব্যবধান। বিজ্ঞানিহল, বালিকা বিদ্যালয় ও ব্রাহ্মসমাজ-মন্দিরও আমার বাসার খুব নিকটে ছিল। পুণিয়া জেলা-নিবাসী হিরামন সা নামে একটা বৃদ্ধকে স্কুলের চৌকিদার পাইলাম। এ জাতিতে হালুইকর এবং বিশেষ বিশ্বস্ত ভৃত্য ছিল। এই ব্যক্তি আমার নানা প্রকারে উপকার করিয়াছিল।

আমি ১৯০৪ সনের ২২শে জুন তারিখে ধুবড়ী হাইস্কুলের দ্বিতীয় শিক্ষক শ্রীযুক্ত ব্রজনাথ বড়ুয়ার নিকট হইতে বিদ্যালয়ের কার্যভার গ্রহণ করিয়াছিলাম। শিক্ষকদিগের মধ্যে প্রায় সকলেই আমার পূর্বে পরিচিত। দ্বিতীয় শিক্ষক শ্রীযুক্ত বড়ুয়া এক, এ, পরীক্ষোত্তীর্ণ ও বহুদিনের শিক্ষক। তৃতীয় শিক্ষক শ্রীযুক্ত গোবিন্দচন্দ্র সেন বি, এ, ফেল। ইনি গণিতে ব্যুৎপন্ন ছিলেন কিন্তু ইংরাজী সাহিত্যে অপটু ছিলেন। চতুর্থ শিক্ষক শ্রীযুক্ত প্রসন্নচন্দ্র দে এফ, এ, ফেল। ইনি পূর্বে আমার অধীনে নওগাঁ স্কুলে চতুর্থ শিক্ষক ছিলেন। পঞ্চম শিক্ষক শ্রীযুক্ত মাধবচন্দ্র কৰ্মকার প্রবেশিকা পরীক্ষায় উত্তীর্ণ। ষষ্ঠ শিক্ষক শ্রীযুক্ত ভগবান্চন্দ্র পাল প্রবেশিকা পরীক্ষায় উত্তীর্ণ। ইনি কলিকাতা মেডিক্যাল কলেজের তৃতীয় বায়িকী শ্রেণী পর্য্যন্ত পড়িয়াছিলেন কিন্তু চিকিৎসা ব্যবসায় করিতে ইহার প্রবৃত্তি ছিল না। পণ্ডিত শ্রীযুক্ত মোহিনীমোহন লাহিড়ী বিদ্যারত্ন। ইনি ইংরাজী জানিতেন এবং এফ, এ, পর্য্যন্ত পড়িয়াছিলেন। গ্রীহট্ট জেলা-নিবাসী ইংরাজী জানা একজন মোলভিকেও পাইয়াছিলাম। ধুবড়ীতে আসিয়া কাহারও সহিত আমার কোন দিন কোনরূপ বিবাদ বিসম্বাদ হয় নাই। এখন পূর্ববঙ্গ ও আসাম বলিয়া এ প্রদেশের নূতন নাম হইয়াছিল। স্মৃতরাং বঙ্গদেশের অনেক যোগ্য ব্যক্তিকে এখন হাকিমী ও অত্যান্ত সরকারী কার্যে পাইয়াছিলাম। তারা প্রসন্ন আচার্য্য বি, এল, নামে একজন

বাংলা দেশের স্বযোগ্য ডেপুটি ম্যাজিষ্ট্রেট এখন ধুবড়ীতে বদলী হইয়া আসিয়াছিলেন। ইহার সহিত আমার বিলক্ষণ সৌহৃদ্য জন্মিয়াছিল। আমরা দুইজনে প্রত্যহই প্রাতে একসঙ্গে বেড়াইয়া বেড়াইতাম। ধুবড়ী আসিয়া আমার একটা নূতন কার্য হইয়াছিল— হোমিওপ্যাথিতে চিকিৎসা ও ঔষধ বিতরণ করা। যে কোন সময়ে বিতালয়ের সময়বাদে যে কেহ আমার নিকটে আসিলে ঔষধ পাইতেন। বাড়ী বাড়ী গিয়াও রোগীকে দেখিয়া আসিতাম। রাত্রি ৩ বা ৪ ঘটিকার সময়েও আবশ্যক হইলে ঔষধ দিতাম এবং রোগীকে তাহার বাড়ীতে গিয়া দেখিয়া আসিতাম। তেজপুরের উকীল শ্রীযুক্ত মহেন্দ্রনাথ দাঁর নিকট হোমিওপ্যাথি চিকিৎসা সম্বন্ধে অনেক শিক্ষা ও উপদেশ পাইয়াছিলাম।

আমার এবারে ধুবড়ী আসার কিছুদিন পূর্বে একষ্টা এসিষ্ট্যান্ট কমিশনার শ্রীযুক্ত নৃত্যগোপাল চট্টোপাধ্যায় বি, এল তেজপুর হইতে ধুবড়ী বদলী হইয়া আসিয়াছিলেন। আর একজন উচ্চপদস্থ কর্মচারী আসিয়াছিলেন পুলিশ সুপারিন্টেণ্ডেন্ট শ্রীযুক্ত রাসবিহারী বিশ্বাস। ইনি কর্তব্যপরায়ণতা ও কার্যদক্ষতাগুণে সাধারণ কনষ্টেবল হইতে আরম্ভ করিয়া শেষ জীবনে প্রথম শ্রেণীর পুলিশ সুপারিন্টেণ্ডেন্ট হইয়াছিলেন। ইহার সম্বন্ধে পরে যথাস্থানে দুই একটা কথা লিখিব।

ধুবড়ীর সমস্ত ভদ্রলোকের নিকট হইতেই বিপদে আপদে যথেষ্ট সাহায্য ও সহানুভূতি পাইয়াছিলাম। মধ্যে একবার আমার তৃতীয় ও চতুর্থ পুত্রের টাইফয়েড জ্বর হইয়াছিল। উহারা দুইজনে প্রায় দুই মাস কাল ঐ জ্বরে ভুগিয়াছিল। এই সময়ে বিতালয়ের তখনকার ও তাহার পূর্বসময়ের চাত্রগণ তাহাদিগের অভিভাবকগণ এবং অন্যান্য হৃদয়বান ভদ্রলোকেরা উহাদিগের সেবা শুশ্রূষা ও ঔষধ খাওয়ান প্রভৃতি সমস্ত কার্যই করিয়াছিলেন। উহাদের জন্য আমাদিগকে কিছুই করিতে হয় নাই। এসিষ্ট্যান্ট সার্জন লিংডো সাহেবও যথেষ্ট চেষ্টা ও যত্ন

করিয়্যা উহাদের চিকিৎসা করিয়া উহাদিগকে আরোগ্য করিয়াছিলেন। ধুব্‌ড়ীতে আমার বহুকালের বন্ধু লোক্যাল বোর্ডের ওভারসিয়ার শ্রীযুক্ত স্ব্থময় ঘোষ ও পুলিশ ইন্সপেক্টর শ্রীযুক্ত শশিভূষণ সেন থাকায় আমার কখনও কোন বিষয়ে অভাব হয় নাই। ইহারা দুইজনে আমার সহোদর ভ্রাতা অপেক্ষাও নিজ জন ও আত্মীয় ছিলেন।

হোমিওপ্যাথিক চিকিৎসা সম্বন্ধে এখানে দুই একটি কথা উল্লেখ করা আবশ্যিক। এক সময়ে শ্রীমান্ শরচ্চন্দ্র ভৌমিক নামে এক ব্যক্তি তাঁহার নিজ বাড়ী পাবনা জেলার কোন পল্লী হইতে তাঁহার কন্যা, জামাতা ও আর একটি লোকসহ ধুব্‌ড়ী আসিতেছিলেন। যখন তিনি দেশ হইতে বাহির হন তখন তাঁহার দেশে ভয়ানক বিসৃচিকা রোগের প্রাবল্য ছিল। ষ্টিমারে উঠিয়া তাঁহার সঙ্গে লোকটী ঐ রোগে আক্রান্ত হইয়া মারা যায়। জামাতাটীও ঐ রোগে আক্রান্ত হন। ধুব্‌ড়ী আসিয়া জামাতাটীকে চিকিৎসার্থ ইঁসপাতালে দেওয়া হয়। তথায় জামাতাটীও মারা যান। শরৎবাবু তাঁহার কন্যাসহ তাঁহার পরিচিত একটি ভদ্রলোকের খালি বাসায় উঠেন। মেয়েটী তখন সসজ্জা ছিল। এই বাসায় উঠিয়াই শরৎবাবুও ঐ ভয়ানক রোগে আক্রান্ত হইলেন। ধুব্‌ড়ীর স্বাধীন ব্যবসায়ী ডাক্তার প্রসন্নকুমার সেন তাঁহার চিকিৎসা করিতে লাগিলেন। শরৎবাবু গৌরীপুরের রাজার দক্ষিণশালমারার তহশিলদার ছিলেন। সেখানে যাইবেন বলিয়াই ধুব্‌ড়ী আসিয়াছিলেন। গৌরীপুরে সংবাদ দেওয়াতে তথা হইতে ঈশ্বরবাবু নামে একজন হোমিওপ্যাথিক ডাক্তার উঁহার চিকিৎসার্থ আসিয়াছিলেন। ধুব্‌ড়ী হাই-স্কুলের পণ্ডিত মহাশয় আমাকে সংবাদ দেওয়াতে আমি শরৎবাবুকে দেখিতে গেলাম। ডাক্তার প্রসন্নবাবুর সহিত গৌরীপুর হইতে প্রেরিত ডাক্তার ঈশ্বরবাবুর চিকিৎসা বিষয়ে মতের অমিল হইতে লাগিল। অথচ আমার সহিত বেশ মিল হইতে লাগিল। আমরা উভয়ে পরামর্শ করিয়া শরৎবাবুর চিকিৎসা করিতে

লাগিলাম। ক্রমে ক্রমে ইনি একটু ভাল হইলেন। একটু ভাল হইলে আমি তাঁহাকে জিজ্ঞাসা করিলাম যে এখন আপনি কেমন আছেন? তখন তাঁহার বেশ জ্ঞান হইয়াছিল ও একটু স্বস্থ বোধ করিতেছিলেন। আমার কথা শুনিয়া শরৎবাবু বলিলেন যে আমাকে আপনি, আপনি বলিবেন না, আমি এক সময়ে আপনার ছাত্র ছিলাম। তাঁহার এই কথা শুনিয়া তাঁহাকে আরও অধিকতর যত্ন করিতে লাগিলাম। ক্রমে তিনি রোগমুক্ত হইলেন। রোগমুক্ত হইয়া অল্পপথ পাওয়ার পরে হাসপাতালে তাঁহার জামাতার মৃত্যু হইয়াছে তাঁহাকে জানিতে দিলাম। মেয়েটী সসস্তা ছিল বলিয়া এই নিদারুণ শোক-সংবাদ তখন তাহাকে দেওয়া হইল না।

আর একদিন রাত্রি ৩টার সময়ে মোক্তার লালমোহন দেব বাসা হইতে সংবাদ আসিল যে তাঁহার একটা চারি বৎসর বয়সের ছেলের খুব কঠিন পীড়া হইয়াছে। তখনই তাঁহার বাসায় গিয়া ছেলেটির শয্যার পার্শ্বে অনেকক্ষণ বসিয়া থাকার পরে আমার মনে হইল যে ছেলেটির ডিপ্‌থিরিয়া রোগ হইয়াছে। লালমোহনবাবুকে জিজ্ঞাসা করিলাম “কে চিকিৎসা করিতেছেন?” শুনিলাম অক্ষয়বাবু নামে একজন হোমিওপ্যাথিক ডাক্তার চিকিৎসা করিতেছেন। অক্ষয়বাবুকে ডাকিতে বলিলাম। তাঁহার বাসা খুব নিকটেই ছিল। তিনি আসিলে তাঁহাকে জিজ্ঞাসা করিলাম যে কি রোগের চিকিৎসা করিতেছেন। তিনি বলিলেন সে সর্দিজ্বরের চিকিৎসা করিতেছি। আমি বলিলাম যে আমার সন্দেহ হইতেছে যে ছেলেটির ডিপ্‌থিরিয়া হইয়াছে। আমার নিকট ঐ রোগের ঔষধ নাই। আপনার নিকটে থাকিলে ঐ রোগের ঔষধ দিন। অক্ষয়বাবু আমার কথা শুনিয়া চটিয়া উঠিলেন। বলিলেন আপনি চিকিৎসার কি জানেন। অগত্যা আমি নীরব হইলাম। সৌভাগ্যক্রমে লালমনিহাটের রেলওয়ের এসিষ্ট্যান্ট সার্জন ডাক্তার বনমালী মুখোপাধ্যায় তার পরদিন প্রাতে তাঁহার আত্মীয় উকীল বামাচরণবাবুর বাসায় আসিয়াছিলেন। তাঁহাকে

ডাকিয়া ছেলেটিকে দেখানতে তিনিও বলিলেন যে তাহার ডিপ্‌থিরিয়া হইয়াছে এবং সেই সময়ে তাঁহার সহিত ডিপ্‌থিরিয়া রোগের একটি ইন্‌জেকসন্‌ও ছিল। তখন ঐ ইন্‌জেকসন্‌টী দেওয়া হইল এবং কলিকাতা হইতে ঔষধ আনাইবার বন্দোবস্ত হইল। ভগবানের কৃপায় ছেলেটী বহুদিন রোগভোগের পরে নীরোগ হইল। আর একদিন রাত্রি ৪টার সময়ে শ্রীযুক্ত মহেশচন্দ্র দত্তর বাসা হইতে সম্বাদ আসিল যে তাঁহার একটি শিশুকণ্ঠা অত্যন্ত পীড়িত। মহেশবাবু আমার বহুকালের বন্ধু। সম্বাদ পাইয়াই তাঁহার বাসায় গেলাম। যাঁহায়াই দেখিলাম যে মেয়েটির ক্রুপ (কাশরোগ বিশেষ) হইয়াছে। তাঁহার বাসার নিকটেই এসিস্ট্যান্ট্‌ সার্জন্‌ ডাক্তার লিংডোর এবং মহিলা ডাক্তারের বাসা। হাসপাতালও খুবই নিকটে। তাঁহাদিগকে ডাকিয়া আনা হইল। রোগনির্ণয় সম্বন্ধে আমাদের মতভেদ হইল না। ডাক্তার লিংডো বলিলেন “ঐ রোগের প্রকৃত ঔষধ তাঁহার হাসপাতালে নাই। ঐ রোগের হোমিওপ্যাথিক্‌ ঔষধও তখন আমার নিকটে ছিল না। ডাক্তার লিংডো বলিলেন যে কলিকাতা হইতে ঔষধ আনাইতে পারিলে চিকিৎসা হয়। ঔষধের মূল্যও প্রায় ৪০ টাকা হইবে। আমি বলিলাম কলিকাতায় টেলিগ্রাম করিলেও ত ২৪ ঘণ্টার মধ্যে ঔষধ ধুবড়ী আসিয়া পৌঁছবে না। কিন্তু প্রায় দেখা যায় যে এই রোগে সময়মত উপযুক্ত ঔষধ প্রয়োগ করিতে না পারিলে ২৪ ঘণ্টার মধ্যেই রোগী মারা যায়। হাসপাতালে যে ঔষধ ছিল তাহাই ডাক্তার লিংডো দিলেন। ২৪ ঘণ্টার মধ্যেই মেয়েটি মারা গেল।

কলিকাতা ভবানীপুরের সুপ্রসিদ্ধ ডাক্তার শ্রীযুক্ত আতনাথ বহুর ভ্রাতা গোপালচন্দ্র বহু ধুবড়ীর ইঞ্জিনিয়ার অফিসে চাকরী করিতেন। তাঁহার বিষ্মটিকা রোগ হইল। আতনাথবাবু তাঁহার সাজ্জাতিক পীড়ার সম্বাদ পাইয়া ধুবড়ীতে আসিয়া উপস্থিত হইলেন। রোগীর বিলক্ষণ সঙ্কটাপন্ন অবস্থা দেখিয়া নিজে চিকিৎসা করিলেন না।

আমাদিগকে চিকিৎসা করিতে বলিলেন। রোগীর এরূপ অবস্থা হইয়া পড়িল যে তাঁহার গায়ে বেড় সোর ঘা হইতে আরম্ভ করিল। কিছুতেই তাঁহাকে ভাল করা গেল না। ৪ বা ৫ দিন রোগযন্ত্রণা ভোগ করিয়া তিনি মারা পড়িলেন। তাঁহার জ্যেষ্ঠ পুত্র শ্রীমান্ মণিমোহন বহু তখন ধুবড়ী হাই-স্কুলে প্রথম শ্রেণীতে পড়িতেছিল, এবং টেষ্ট-পরীক্ষা দিয়া উহাতে উত্তীর্ণ হইয়াছিল। ধুবড়ীর প্রবেশিকা পরীক্ষাখিগণকে গোঁহাটা যাইয়া পরীক্ষা দিতে হইত। ভাইস্ চ্যান্সলার সারু আশুতোষ মুখোপাধ্যায় মহাশয়কে ধরিয়া মণিমোহনের পরীক্ষা কলিকাতাতেই গৃহীত হইয়াছিল এবং সে প্রবেশিকা পরীক্ষায় উত্তীর্ণ হইয়াছিল। ডাক্তার আত্মনাথ বহু আমাদের ডাক্তার কুঞ্জবাবুর সহাধ্যায়ী ছিলেন।

হিন্দু মুসলমান যে কোন জাতির বাড়ী হইতে সম্বাদ আসিলেই আমি রোগী দেখিতে দাইতাম এবং আমার সাধ্যানুসারে রোগীর চিকিৎসা করিতাম।

বঙ্গ-ব্যবচ্ছেদের পরে অর্থাৎ পূর্ববঙ্গ ও আসাম প্রদেশ গঠিত হইলে আমি নানা প্রকার বিদ্রোহস্থচক কাগজ ও চিঠিপত্র পাইতে লাগিলাম। সোনার বাঙ্গালা বলিয়া একখানি কাগজ একদিন পাইয়া উহা ডেপুটী কমিসনার মেজর হাউয়েলের নিকট পাঠাইয়া দিয়াছিলাম। তিনি আবার শিলংএ উহা পাঠাইয়া দিয়াছিলেন। গভর্নমেন্টকর্তৃক ইংরাজী ভাষায় উহার অনুবাদ করা হইয়াছিল। উহা লইয়া অনেক গোলমালও হইয়াছিল।

বঙ্গ-ব্যবচ্ছেদের পরে বিদেশী দ্রব্যবর্জ্জন ও স্বদেশী দ্রব্যের প্রচলন-কল্পে বিলক্ষণ চেষ্টা হইয়াছিল। ধুবড়ী স্কুলের ছেলেরা বিদেশী চুরট ও অন্যান্য দ্রব্য ঢাকাইপটির ব্যাপারীদের ঘর হইতে আনিয়া প্রায় ২৫০ টাকা মূল্যের দ্রব্য পুড়াইয়া দিয়াছিল। ঢাকাইপটির ব্যাপারীরা তাহাদের বিদেশী দ্রব্যাদি পোড়াইয়া দিয়া তাহাদিগকে ক্ষতিগ্রস্ত করিলেও ছেলেরদের নামে কোন মোকদ্দমা করে নাই ও তাহাদের প্রতি

কোন অত্যাচারও করে নাই। এই সময়ে অশোকাষ্টমী উপলক্ষে ব্রহ্মপুত্রে স্নান করা বিধান ছিল। দ্বারবজ্রের মহারাজা রমেশ্বর সিংহ বাহাদুর কামাখ্যাদর্শনে যাইতেছিলেন। অষ্টমীর দিনে ব্রহ্মপুত্রে স্নান ও তর্পণ করিবার জন্ত তিনি একদিন ধুবড়ীতে অবস্থান করিয়াছিলেন। স্কুলের ছেলেরা তাঁহার নিকটে যাইয়া বলিয়াছিল যে ঢাকাইপটির ব্যাপারীদিগকে তাহারা এইরূপে ক্ষতিগ্রস্ত করিয়াছে। ব্যাপারীদিগের ক্ষতির টাকা দিবার ক্ষমতা তাহাদের নাই। মহারাজা জিজ্ঞাসা করিয়াছিলেন ক্ষতির পরিমাণ কত টাকা? তাহারা বলিয়াছিল ২৫০৮ টাকা। মহারাজা তাহাদিগকে ঐ ২৫০৮ টাকা দিয়া গিয়াছিলেন।

ধুবড়ী স্কুলের ছাত্রেরা স্বদেশী ব্যাপারে বিলক্ষণই লাগিয়াছিল। কিন্তু সাহেবেরা জানিতেন যে ধুবড়ীর ছেলেরা কিছুই অস্ত্রায় আচরণ করিতেছিল না।

বঙ্গ-ব্যবচ্ছেদ হইবার পূর্বেই সার্ব্ ব্যাম্ফিল্ড্ ফুলার আসাম-প্রদেশের চিফ্ কর্মসন্যাস ছিলেন। তাঁহার সহিত আসামের শিক্ষাবিভাগের ডিরেক্টর ডাক্তার বুথ্ সাহেবের অনেক বিষয়ের মতভেদ হইত; এজন্য ডাক্তার বুথ্ আসাম-প্রদেশ পরিত্যাগ করিয়া বঙ্গপ্রদেশে আসিয়া রাজসাহী বিভাগের ইনস্পেক্টর হইয়াছিলেন। আবার যখন রাজসাহী বিভাগ ঢাকা ও চট্টগ্রাম বিভাগসহ পূর্ববঙ্গ ও আসাম-প্রদেশে সংযুক্ত হইবার প্রস্তাব হইল, তখন ডাক্তার বুথ্ রাজসাহী বিভাগ পরিত্যাগ করিয়া বিহারে চলিয়া গিয়াছিলেন। আসাম-শিক্ষাবিভাগের ডিরেক্টরের পদত্যাগ করিয়া চলিয়া যাইবার ঠিক পূর্বেই ইনি ধুবড়ী পরিদর্শন করিয়া লিখিয়াছিলেন যে 'The staff on paper looks weak, but it is very efficient, অর্থাৎ বিদ্যালয়ের শিক্ষকগণের বিত্তাবুদ্ধি কাগজে হীন দেখাইলেও প্রকৃতপক্ষে শিক্ষকগণ বিলক্ষণ কার্যক্ষম ও কার্যদক্ষ। কথায় কথায় তিনি আমাকে বলিয়াছিলেন যে বাবু, আমি এপর্যন্ত বলিতে



পারি যে আমি কাহারও কোন অনিষ্ট করি নাই। এই কথা শুনিয়াই আমি বলিয়াছিলাম যে তবে কি আপনি এই প্রদেশ ত্যাগ করিয়া যাইতেছেন? বলিলেন “হাঁ”। ইতিপূর্বে একবার আমি ধুবড়ী হাই-স্কুলের দ্বিতীয় শিক্ষক শ্রীযুক্ত ব্রজনাথ বড়ুৱাকে খাঁটি আসামে বদলী করিবার জন্ত তাঁহাকে অনুরোধ করিয়াছিলাম। শ্রীযুক্ত ব্রজবাবু আমাকে বলিয়াছিলেন যে ধুবড়ী প্রকৃতপক্ষে আসাম দেশ নহে; উহা বঙ্গালা দেশ। ধুবড়ীতে আসামীয়া ভদ্রলোক না থাকাতে তাঁহাকে নানা বিষয়ে অসুবিধা ভোগ করিতে হয়। তিনি খাঁটি আসামে বদলী হইতে চান। ডাক্তার বুথকে এই বিষয়ে অনুরোধ করায় তিনি আমাকে বলিয়াছিলেন যে ব্রজবাবুকে কোথায় বদলী করিবেন? আমি গোহাটী, তেজপুর, নওগাঁ, ঘোরহাট, শিবসাগর ও ডিব্রুগড় স্কুলের নাম করায় আমাকে বলিয়াছিলেন যে ব্রজবাবু কোন বিদ্যালয়েই দ্বিতীয় শিক্ষকের কার্য চালাইতে পারিবেন না। তদন্তরে আমি বলিয়াছিলাম যে তাহা হইলে ধুবড়ীতেই বা তিনি কিরূপে কাজ চালাইবেন? তাহাতে আমাকে বলিয়াছিলেন যে তুমি যে কোন লোক লইয়া কাজ চালাইতে পার আমি জানি। সুতরাং এ বিষয়ে আমি তাঁহাকে আর কিছুই বলিতে পারি নাই।

### ডিরেক্টার হালওয়াড

ডাক্তার বুথের পরে নামজাদা হালওয়াড সাহেব তাঁহার পদে ডিরেক্টার হইয়া আসিয়াছিলেন। ইনি যখন কটক কলেজের অধ্যক্ষ ছিলেন তখন কোন স্বাধীন রাজার পুত্রকে বেত মারিয়াছিলেন। যখন ঢাকায় ছিলেন তখন কোন কনষ্টেবলকে প্রহার করিয়া অর্থদণ্ডে দণ্ডিত হইয়াছিলেন। ইহাঁর কাৰ্য্যকালে আমার বয়স ৫৫ বৎসর ৬ মাস হইয়াছিল। ৫৫ বৎসর বয়সের পরে আমি স্বপদে থাকিবার জন্ত এক বৎসর অতিরিক্ত সময় পাইয়াছিলাম; আর ছয় মাস পরেই আমার

পেন্সন্ লইয়া অবসর গ্রহণ করিবার কথা, কিন্তু তখন অবসর গ্রহণ করিলে আমার কিছুতেই চলে না; যেহেতু তখন আমার জ্যেষ্ঠ পুত্রটী ডিব্রুগড় বেরি-হোয়াইট মেডিক্যাল স্কুলে পড়িতেছিল ও দ্বিতীয় পুত্রটী কটন কলেজে পড়িতেছিল। তখন পেন্সন্ লইলে সংসারের ব্যয় চালাইয়া তাহাদের শিক্ষার ব্যয় কিছুতেই চালাইতে পারিতাম না। এক্ষণ হইয়া আর ২ বৎসর স্বপদে থাকিবার ক্ষণ অতিরিক্ত সময় আমাকে দেওয়া হউক, নয় তখনই আমাকে অবসর দেওয়া হউক বলিয়া আমি ডিরেক্টর সাহেবের নিকটে প্রার্থনা করিয়াছিলাম। এই সময়ে ধুবড়ীর ৬ মাইল দূরবর্তী গোরীপুন্ডের রাজার স্কুলের হেড্‌মাষ্টারের পদ খালি হইয়াছিল। আমি ঐ পদপ্রার্থী হওয়ায় আমাকে গোরীপুর স্কুলের কর্তৃপক্ষেরা ঐ পদে নিযুক্ত করিয়াছিলেন এবং শীঘ্রই ঐ স্কুলে যাইয়া কার্যভার গ্রহণ করিতে অস্বরোধ করিয়াছিলেন। এই ক্ষণই আমি তখনই অবসর চাহিয়া ছিলাম। আমাকে অবসর না দিলে আরও দুই বৎসরের অতিরিক্ত সময় পাইবার প্রার্থনা করিয়াছিলাম। কিন্তু নূতন ডিরেক্টর হালওয়াড সাহেব আমার ঐ চিঠির কোন উত্তরই তখন পর্যন্ত দেন নাই। হালওয়াড সাহেব ১৯০৬ সনের ১০ই জানুয়ারী তারিখে ধুবড়ী হাই-স্কুল পরিদর্শন করিয়াছিলেন। ছাত্রদিগকে পরীক্ষা করিবার পূর্বেই তিনি বিদ্যালয়ের হিসাবপত্র দেখিতে আরম্ভ করিলেন। ট্রেজারিতে টাকা জমা দিবার চালান অগ্ণাত স্কুল হইতে তিনখানি করিয়া প্রস্তুত করিবার প্রথা ছিল। একখানি চালান গভর্নমেণ্টের হিসাবরক্ষক একাউন্ট্যান্ট জেনারলের অফিসে ট্রেজারি হইতে যাহত, একখানি চালান স্কুলের মাসিক হিসাবসহিত ডিরেক্টর অফিসে যাহত এবং তৃতীয় চালানখানি স্কুলের হিসাবসহিত রক্ষিত হইত। কিন্তু ধুবড়ীর ট্রেজারর একাউন্ট্যান্ট তিনখানি চালান সহ করিতে আপত্তি করায় আমি এই বিদ্যালয়ে আসিবার পূর্বেই দুইখানি করিয়া প্রস্তুত হইত।

কাজেই একখানি চালান স্কুলে থাকিত না। হালওয়াড সাহেব হিসাব পরীক্ষা করিবার সময়েই বলিলেন যে কেন তোমার ঐ চালান নাই? আমি উহার কারণ বলাতে আমার কথায় বিশ্বাস করিলেন না। বলিলেন তুমি এই সব টাকা জমা দিয়াছ তাহার প্রমাণ কি? আমি বলিলাম ট্রেজারিতে একখানি স্বতন্ত্র বহী আছে উহাতে প্রত্যেক মাসে শিক্ষাবিভাগ হইতে ট্রেজারিতে কত টাকা জমা দেওয়া হইয়াছে তাহা লেখা আছে। আপনি ঐ বহীখানি আনাইয়া আমার হিসাবের সহিত মিলাইয়া দেখিতে পারেন। তখনই ডেপুটী কমিসনারকে চিঠি লিখিয়া ঐ বহীখানি আনাইয়া আমার হিসাবসহিত মিল করিলেন।

পরে আর এক কথা উঠিল। স্কুলের ছাত্রদিগকে দেশী বছরৎ-বা দেশী ব্যায়াম শিক্ষা দেওয়া হইত। প্রথম ও দ্বিতীয় শ্রেণীর ছাত্রেরা ঐ ব্যায়াম না করিতেও পারে। উহাদের ইচ্ছার উপরে উহা নিভর করে। সাহেব বলিলেন কোথা ঐ বিধি আছে। আমি বলিলাম শিক্ষা-বিভাগের বিধিপুস্তকে উহা লিখিত আছে। ডেপুটী ইনস্পেক্টর ত্রিযুক্ত জগচ্চন্দ্র ঘোষ সঙ্গে ছিলেন। তিনি ঐ বিধিপুস্তক দেখিয়া বলিলেন যে উহাতে ঐরূপ বিধি নাই। জগৎবাবু হাই-স্কুলের ঐ বিধি না দেখিয়া মধ্য-বঙ্গ ও মধ্য-ইংরাজী বিদ্যালয়ের বিধি দেখিয়া ঐ কথা বলিয়াছিলেন। আমি বলিলাম উহা ঐ পুস্তকে লিখিত আছে যে প্রথম ও দ্বিতীয় শ্রেণীর ছাত্রদিগের ইচ্ছার উপর নিভর করিতেছে যে—উহারা ঐ ব্যায়াম শিক্ষা করিবে কি না করিবে। আমি জগৎবাবুর হস্ত হইতে ঐ বিধিপুস্তকখানি লইয়া সাহেবকে উহা তখনই দেখাইয়া দিলাম। সাহেব বলিলেন যে তুমি আমার সহিত তর্ক করিতেছিলে। আমি বলিলাম যে আমি আমার উপরিস্থ কক্ষ-চারায় সহিত তর্ক করিব কেন? আমি আপনাকে কেবল যুক্তিযুক্ত দেখাইতেছিলাম। তারপর সাহেব কয়েক শ্রেণীর ছাত্রদিগকে পরীক্ষা করিয়া বলিলেন যে উহাদিগের উচ্চারণ ভাল নহে। আমি বলিলাম

যে আমি এই স্কুলে আসিবার পূর্বে উহাদের উচ্চারণ আরও খারাপ ছিল। যেহেতু আমার পূর্ববর্তী হেড্‌মাষ্টারগণ সকলেই পূর্ব-বঙ্গের লোক ছিলেন। সাহেব বলিলেন যে তোমার উচ্চারণ কি ভাল? আমি বলিলাম যে আমি তাহা কিরূপে বলিব? সাহেব বলিলেন যে তুমি মিশনারি কলেজে পড়িয়াছিলে তোমার উচ্চারণ ভাল হইবার কথা। আমাকে দুই বৎসরের অতিরিক্ত সময় দিবার কথাগ্রসঙ্গে কোন উত্তরই দিলেন না। আমি বলিলাম যে আমি গৌরীপুর স্কুলের হেড্‌মাষ্টারের কার্য্য পাটয়াছি। আমায় একটা ঠিক কথা বলুন, আমাকে সময় দেওয়া হইবে কিনা। জিজ্ঞাসা করিলেন যে গৌরীপুর এখান হইতে কতদূর। আমি বলিলাম ছয় মাইল। শুনিয়া বলিলেন ধুবড়ীর খুবই নিকটে। আর কিছুই বলিলেন না। স্কুল পরিদর্শন করিয়া বিশেষ সন্তুষ্টই হইয়াছিলেন। তাঁহার মন্তব্য পরিশিষ্টভাগে প্রদত্ত হইবে।

ধুবড়ী স্কুল পরিদর্শন করিয়া সাহেব রংপুর চলিয়া গেলেন। সেখানে তাঁহাকে চিঠি লিখিলাম। তাহারও কোন উত্তর দিলেন না। এদিকে গৌরীপুর স্কুলের সেক্রেটারী আমাকে ঐ স্কুলে যাইয়া কার্য্যভার গ্রহণ করিবার জন্ত বারবার চিঠি লিখিতে লাগিলেন। অবশেষে আমি সাহেবকে তাঁহার নোয়াখালির ঠিকানায় টেলিগ্রাম করিলাম। ঐ দিন সাহেব নোয়াখালিতে ছিলেন না। ময়মনসিংহে ছিলেন। ঐ দিন লাট ফুলার সাহেব বাহাদুরও ময়মনসিংহে ছিলেন। তাঁহাকে আমার ঐ টেলিগ্রাম দেখানতে তিনি বলিলেন যে ধুবড়ীর সেই বৃদ্ধ ভক্তলোক হেড্‌মাষ্টার? তাঁহাকে এই বিষয় গোলযোগের সময়ে ছাড়িয়া দিতে পারা যায় না। তাঁহাকে দুই বৎসরের অতিরিক্ত সময় দেওয়া হউক। স্তবরাং আমাকে ধুবড়ীতেই থাকিতে হইল। আমার গৌরীপুর যাওয়া ঘটিল না।

১৯০৬ সনের ৮ই সেপ্টেম্বর তারিখে আসাম-উপত্যকা ও পার্শ্বভা

জেলা সমূহের স্কুল ইনস্পেক্টর শ্রীযুক্ত জে. আর. ব্যারো বি, এ, মহোদয় খুব ভীর্ণ হাই-স্কুল পরিদর্শন করিতে আসিয়াছিলেন। ইতিপূর্বে আসাম-প্রদেশে স্কুল ইনস্পেক্টরের পদ ছিল না। এখন দুইটা স্কুল ইনস্পেক্টরের পদের সৃষ্টি হইল—একটা আসাম-উপত্যকা ও পার্বত্য জেলা সমূহের জন্য, অপরটা গুয়া উপত্যকা বা শ্রীহট্ট ও কাছার জেলার জন্য। ব্যারো সাহেব আসাম-উপত্যকায় আসিলেন এবং যোরহাটে তাঁহার অফিস হইল। ইনি অক্সফোর্ড বিশ্ববিদ্যালয়ের বি, এ, এবং যখন এই পদে নিযুক্ত হন তখন ইহার বয়স ২৫ বা ২৬ বৎসর মাত্র। শ্রীহট্ট মুরারিচাঁদ কলেজের অধ্যক্ষ শ্রীযুক্ত প্রমোদকুমার বসু এন, এ, শ্রীহট্ট ও কাছার জেলার স্কুল ইনস্পেক্টর হইলেন এবং তাঁহার অফিস হইল শ্রীহট্টে। মুরারিচাঁদ কলেজের সহিত তখন গভর্নমেন্টের কোন সংস্রব ছিল না। প্রমোদবাবু এক দময়ে ১২৫ টাকা বেতনে স্কুল ডেপুটী ইনস্পেক্টরের পদ পাইবার জন্য চেষ্টা কাব্যছিলেন। কিন্তু তখন তিনি উহাও পান নাই। এক সময়ে প্রমোদবাবুর পিতা স্যার ব্যাম্‌কিন্ড্‌ ফ্লারের অধীনে চাকরী করিয়াছিলেন। তাঁহার খাতিরে প্রমোদবাবু এখন ৫০০ টাকা বেতনে স্কুল ইনস্পেক্টর হইলেন। আসাম-উপত্যকা ও পার্বত্য জেলার ইনস্পেক্টর ব্যারো সাহেব বাহাদুর অতি ভদ্র, বিনয়ী ও পরম পণ্ডিত লোক ছিলেন। আমার সহিত প্রথম সাক্ষাৎ হইবামাত্র আমাকে জিজ্ঞাসা করিলেন যে আমি কতদিন শিক্ষাবিভাগে কাধ্য করিতেছি। আমি বলিলাম ৩৩ বৎসর শিক্ষাবিভাগে কাধ্য করিতেছি। এই কথা শুনিবামাত্রই বলিলেন যে বাবু আমি শিক্ষাবিভাগে এই নূতন প্রবেশ করিয়াছি। আমি এ বিভাগের কোন কাজই জানি না। আপনাদের জ্ঞান বৃদ্ধ হেড্‌ মাস্টারদিগের নিকট আমার অনেক বিষয় শিক্ষা করিবার আছে। আমি বলিলাম যখন আমি আপনার অধীনস্থ কর্মচারী, তখন আপনি যখন যে কোন বিষয় জানিতে চাহিবেন তখনই উহা আমি অতি আত্মদায়কভাবে

আপনাকে জানাইয়া দিব। ঠিক এই সময়ে আসাম-শিক্ষাবিভাগের কোন কোন পরীক্ষা ধুবড়ীতে গৃহীত হইতেছিল। ঐ সকল পরীক্ষার কাধ্য পর্যবেক্ষণ করিবার ভার আমার উপর হস্ত ছিল। কোন্ দিন কোন্ বিষয়ে পরীক্ষা হইবে তাহার তালিকা আমি পাইয়াছিলাম। কিন্তু পরীক্ষকদিগের নাম ও ঠিকানার তালিকার কাগজ তখনও আমার হস্তগত হয় নাই। প্রশ্নের কাগজ সমস্তই ডেপুটী কমিসনারের নামে আসিয়াছিল এবং ঐ সমস্ত কাগজ ট্রেজারিতে ট্রেজারি অফিসারের হস্তে ডবল তালা দেওয়া সিন্দুকের মধ্যে বদ্ধ ছিল। পরীক্ষা গ্রহণ-সম্বন্ধে কোনরূপ ব্যাঘাত ঘটিবার সম্ভাবনা ছিল না; তবে প্রশ্নের উত্তর-গুলি কোথায় পাঠাইতে হইবে তাহা ঠিক করিবার উপায় ছিল না। সাহেবকে ঐ কথা জানাইলে তিনি অস্থির হইয়া পড়িয়া আমাকে না বলিয়াই বোরহাট অফিস হইতে ঐ সমস্ত কাগজ পাঠাইয়া দিবার জন্ত টেলিগ্রাম করিয়া অনেকগুলি টাকা অনর্থক ব্যয় করিয়া কেলিলেন। আমি এই বিষয় জানিতে পারিয়া সাহেবকে বলিলাম যে তাঁহার অফিসে টেলিগ্রাম করিলেও ত ঐ কাগজগুলি ২৩ দিনের পূর্বে ধুবড়ী আসিয়া পৌছবে না। পরীক্ষকদিগের নাম ও ঠিকানা না পাওয়া পর্যন্ত আমরা পরীক্ষার্থিদিগের প্রশ্নের উত্তরগুলি ট্রেজারি অফিসারের হস্তে দিয়া ট্রেজারির সিন্দুকের মধ্যে নিরাপদ করিয়া রাখিতে পারিব। সাহেব আমার কথা শুনিয়া কতকটা নিশ্চিন্ত হইলেন। সাহেবের অফিসের বাবুদের দোষেই এইরূপ ঘটিয়াছিল। তাঁহারা পরীক্ষা সম্বন্ধের অগ্ন্যস্ত্র সমস্ত কাগজ-পত্র ডেপুটী কমিসনারের নামে পাঠাইয়াছিলেন কিন্তু পরীক্ষকদিগের নাম ও ঠিকানার কাগজগুলি ডেপুটী ইনস্পেক্টরের নামে পাঠাইয়া-ছিলেন। ডেপুটী ইনস্পেক্টর মফঃস্বলে থাকায় ঐ কাগজগুলি তাঁহার বাসায় আসিয়া পড়িয়াছিল। তাঁহার পুত্রকে জিজ্ঞাসা করিলে, তিনি বলিয়াছিলেন যে ঐ কাগজগুলি তাঁহাদের বাসায় নাই। ডেপুটী ইনস্পেক্টর ত্রীযুক্ত জগদ্বন্দ্র ঘোষ, নূতন ডেপুটী ইনস্পেক্টর হওয়ায়

এসমন্ত বিষয়ের স্বব্যবস্থা করিয়া রাখিতে পারেন নাই। এ সময়ে তাহার মফঃস্বলে থাকা উচিত হয় নাই। তিনি পরীক্ষা আরম্ভ হইবার পরে ধুবড়ী আসিয়া পৌছিয়াছিলেন।

ইনস্পেক্টর সাহেব প্রথম শ্রেণীর মধ্যে প্রবেশ করিয়াই আমাকে বলিলেন যে আপনি প্রত্যাহ যে ভাবে পড়াইয়া থাকেন, আজও সেইভাবে পড়ান : মনে করুন আমি যেন এখানে নাই। আমি মনে করিলাম যে এই ছেলেমানুষ ইনস্পেক্টর সাহেবটা আজ আমাকে পরীক্ষা করিতে চাহিতেছেন। যাহা হউক আমি পড়াইতে লাগিলাম, ইনি বসিয়া পড়ান শুনিতে লাগিলেন। আমার পড়ান শেষ হইলে আমি যে ভাবে পড়াইয়াছিলাম সেইভাবে ছাত্রদিগকে প্রশ্ন করিতে লাগিলেন। প্রায় সব শ্রেণীগুলি পরীক্ষা করিলেন। বিদ্যালয়ের অবস্থা ভাল বলিয়াই উহার ধারণা হইয়াছিল। পরিদর্শনের পরে ভালই মন্তব্য প্রকাশ করিয়াছিলেন। উহার মন্তব্য পরিশিষ্টভাগে প্রদত্ত হইবে।

ডেপুটি ইনস্পেক্টর সম্বন্ধে উহার ধারণা ভাল হয় নাই। এই ব্যারো সাহেবই পরে কলিকাতার প্রেসিডেন্সী কলেজের অধ্যক্ষ হইয়াছিলেন।

বিদ্যালয়ের শিক্ষকদিগের মধ্যে আমার কার্যকালে অনেকগুলি পরিবর্তন ঘটিয়াছিল। আমার চেষ্টাতে দ্বিতীয় শিক্ষক শ্রীযুক্ত ব্রজনাথ বড়ুয়া গোহাটি কটন কলেজিয়েট স্কুলে বদলী হইয়া গিয়াছিলেন। তৎপদে কাছার জেলা স্কুলের তৃতীয় শিক্ষক শ্রীযুক্ত কান্তিচন্দ্র চট্টোপাধ্যায় আসিয়াছিলেন। তৃতীয় শিক্ষক শ্রীযুক্ত গোবিন্দচন্দ্র সেন দ্বিতীয় শিক্ষকের পদে উন্নত হইয়া ক্রীষ্ট জেলা স্কুলে বদলী হইয়া গিয়াছিলেন। তৎপদে শ্রীযুক্ত বিপিনবিহারী রায় বি, এ, আসিয়াছিলেন। বিপিনবাবুর গণিতে ও ইংরাজী সাহিত্যে বেশ জ্ঞান ছিল। শ্রীযুক্ত রসিকচন্দ্র চক্রবর্তী বি, এ, চতুর্থ শিক্ষক হইয়া আসিয়াছিলেন। শ্রীযুক্ত কালীপ্রসন্ন

চক্রবর্তী বি, এ, কে আগি চেষ্টা করিয়া ২০ টাকা বেতনে সপ্তম শিক্ষকের পদে নিযুক্ত করিয়াছিলাম। ইনি ইহাঁর খুড়া ও ভাতার সহিত অনেকদিন হইতেই ধুব্‌ড়ীতে ছিলেন। ধুব্‌ড়ী হাই স্কুল হইতে প্রবেশিকা পরীক্ষায় উত্তীর্ণ হইয়াছিলেন। পরে ইনি বি, এল পরীক্ষায় উত্তীর্ণ হইয়া ধুব্‌ড়ীতে ওকালতী করিতে আরম্ভ করিয়াছিলেন।

## ডিরেক্টার সার্প সাহেব

ডিরেক্টার হালওয়ার্ড সাহেব বঙ্গপ্রদেশে ফিরিয়া আসার পরে লাটসাহেব সার্স ব্যামফিল্ড ফুলার বাহাদুরের ইচ্ছামত মধ্য-প্রদেশ হইতে এচ, সার্প এম, এ, কে আসামের শিক্ষাবিভাগের ডিরেক্টার করিয়া আনা হইয়াছিল। ইনি অক্সোলিয়ান ছিলেন ও বেশ কাজের লোকও ছিলেন; কিন্তু বড়ই কড়া লোক ছিলেন। ইনি লঘুপাশে শিক্ষকদিগকে গুরুদণ্ডে দাওত করিতেন। ইহাঁর সহিত কলিকাতা বিশ্ববিদ্যালয়ের ভাইন্স চ্যান্সেলর সার্স আশুতোষ মুখোপাধ্যায় মহাশয়ের শিক্ষাসংক্রান্ত কোন বিষয় লইয়া তুমুল বিবাদ বাধিয়াছিল। ইনি পরে গভর্ণর জেনারলের অধানে শিক্ষা বিভাগের সেক্রেটারী হইয়াছিলেন।

ইনি ১৯০৭ সালের ১৫ই মার্চ তারিখে ধুব্‌ড়ী হাই-স্কুল পরিদর্শন করিয়া ভিন্ন ভিন্ন শ্রেণীর ছাত্রদিগকে নানা বিষয়ে পরীক্ষা করিয়াছিলেন। পরীক্ষা করিয়া সন্তোষ প্রকাশ করিয়াছিলেন। ইহাঁর মন্তব্য পরিশিষ্ট-ভাগে প্রদত্ত হইবে।

ইহাঁর কার্যকালে নিয়ম হইয়াছিল যে ছাত্রদিগের সমস্ত বৎসরের অম্বুবাদ, শ্রুতলিপি প্রভৃতি লেখার বহাগুলি রাখিয়া দিতে হইবে। ইনস্পেক্টর বা ডিরেক্টার স্কুল পরিদর্শনে আসিলে উহা তাঁহাদিগকে দেখাইতে হইবে। কোন বিষয়ের কোন অথপুস্তক ও ছাপান নোট ব্যবহৃত হইতে পারিবে না।



ঐ সমস্ত অনুবাদ ও ঐতলিপির বহী প্রত্যেক শ্রেণীর শিক্ষকের শুদ্ধ করিয়া দিতে হইবে। উহাতে কোনরূপ অশুদ্ধি বাহির হইলে শিক্ষকগণ দায়ী হইবেন এবং কঠোর শাস্তি পাইবেন। ঘটনাক্রমে দ্বিতীয় শ্রেণীর অনুবাদ বহীতে একটি অশুদ্ধি রহিয়া গিয়াছিল। উহা দেখিয়াই সাহেব আমাকে জিজ্ঞাসা করিলেন যে এই অনুবাদ কোন শিক্ষক শুদ্ধ করিয়া দিয়াছেন। বদিও আমার বিশ্বাস ছিল যে নূতন দ্বিতীয় শিক্ষক শ্রীযুক্ত কান্তিচন্দ্র চট্টোপাধ্যায় উহা শুদ্ধ করিয়া দিয়াছিলেন তথাপি আমি তখন বলিলাম বিশেষ অচ্যুতসন্ধান না করিয়া আমি ঐ সম্বন্ধে হঠাৎ কিছু বলিতে পারিব না। সাহেব বলিলেন, অচ্যুতসন্ধান করিয়া উহার ফল আগামী কল্যা আমাকে জানাইবা। আমি বলিলাম তাহাই করিব। আমি শুনিয়াছিলাম যে রাজসাহী কলেজিয়েট স্কুলের কোন শ্রেণীতে ঐতলিপি সম্বন্ধে একটি অশুদ্ধি বাহির হইয়াছিল। যে শিক্ষক ঐ ঐতলিপি শুদ্ধ করিয়া দিয়াছিলেন, তিনি মালদহ জেলা স্কুল হইতে রাজসাহীতে বদলী হইয়া আসিয়াছিলেন। পূর্বাপেক্ষা তাঁহার বেতন ২৫ টাকা বৃদ্ধিত হইবার কথা ছিল এবং ঐ ২৫ টাকা হারে তাঁহার বেতন ১৩ মাস পূর্ব হইতে তাঁহার পাইবার কথা ছিল। এই অশুদ্ধিটি বাহির হওয়ায় তাঁহার বেতন বৃদ্ধি হইল না ও তাঁহার উন্নতি স্থগিত রহিল। বাসায় আসিয়া দ্বিতীয় শিক্ষক কান্তিবাবুকে সমস্ত বিষয়ই জানাইলাম। তিনি আমায় বলিলেন যে এই বৃদ্ধি ব্রাহ্মণকে নারিতে হয় মারুন। আমি তাঁহার নাম করিলে সাহেব নিশ্চয়ই তাঁহাকে তৃতীয় শিক্ষকের পদে অবনত করিতেন। আমি বিষম সমস্যায় পড়িলাম। চতুর্থ শিক্ষক রসিকবাবু বি. এল, পরীক্ষায় সম্প্রতি উত্তীর্ণ হইয়াছিলেন এবং গ্রীষ্মাবকাশের পরেই ওকালতি করিতে আরম্ভ করিবেন স্থির করিয়াছিলেন। তাঁহাকে ডাকিয়া আনিয়া বলিলাম যে প্রকারান্তরে কান্তিবাবুর দোষটা তাঁহার ঘাড়ে চাপাইয়া দিতে চাই নচেৎ কান্তিবাবুকে রক্ষা করিতে পারিব না। অথচ তিনি

যখন শিক্ষাবিভাগ পরিত্যাগ করিয়া বাইতেছেন তখন তাঁহার কোন ক্ষতি হইবে না। তিনি আমায় বলিলেন যে আপনার যাহা ইচ্ছা করিতে পারেন। তৎপর দিবস প্রাতঃকালে সাকিট হাউসে গিয়া সাহেবের সহিত সাক্ষাৎ করিলাম। অমুসন্ধানের ফল জানিতে চাহিলে আমি বলিলাম যে এই বৎসরে, দ্বিতীয় শ্রেণীর অনুবাদ দ্বিতীয় চতুর্থ ও সপ্তম শিক্ষক দেখিয়া শুদ্ধ করিয়া দিয়াছেন। আমার বোধ হইতেছে চতুর্থ শিক্ষকের অসাবধানতায় ঐ ভুলটী রহিয়া গিয়াছে। চতুর্থ শিক্ষক বি, এল, পাস করিয়াছেন। গ্রীষ্মাবকাশের পরেই তিনি ওকালতী আরম্ভ করিবেন। সাহেব শুনিয়া বলিলেন তোমার চতুর্থ শিক্ষক এখন কোথায়? আমি বলিলাম বারান্দায় বসিয়া আছেন। সাহেব বলিলেন তাঁহাকে ডাক। তাঁহাকে সম্মুখে লইয়া গেলে, সাহেব তাঁহাকে বলিলেন “তুমি বি, এল পাস করিয়াছ, কখন ওকালতী আরম্ভ করিবা?” তিনি বলিলেন “বে আগামো জুলাই বা আগষ্ট মাসে”। সাহেব বলিলেন তুমি গ্রীষ্মাবকাশের বেতনটা লইতে চাও দেখিতেছি। তিনি বলিলেন “নিশ্চয়ই।

আমি ধুবড়ী হাই-স্কুলে ১৯০৪ সনের ২-শে জুন হইতে ১৯০৮ সনের ১৪ই জুন পর্য্যন্ত হেড্-মাষ্টারের কার্য্য করিয়াছিলাম। ১৯০৮ সনের ১৫ই জুন হইতে পেন্সন্ লইয়া অবসর গ্রহণ করিয়াছি। অবসর গ্রহণকালে আমি দ্বিতীয় শ্রেণীর হেড্-মাষ্টার ছিলাম। কেন আমাকে এই সময়ে পেন্সন্ লইতে হইয়াছিল তাহা পরে বর্ণিত হইবে।

আমার সময়ে ধুবড়ী হাই-স্কুল হইতে চারি বৎসরে ৩০টী ছাত্র প্রবেশিকা পরীক্ষাধে প্রেরিত হইয়াছিল। তন্মধ্যে ২২টী ছাত্র উত্তীর্ণ হইয়াছিল। ৪টী প্রথম বিভাগে, ৮টী দ্বিতীয় বিভাগে, ও ১১টী তৃতীয় বিভাগে। শতকরা ৭৬.৬ জন উত্তীর্ণ হইয়াছিল।

নওগাঁ হাই-স্কুল হইতে শতকরা ৬২.৭ ও তেজপুর হাই-স্কুল হইতে শতকরা ৭৫ জন উত্তীর্ণ হইয়াছিল। এই তিন স্কুল হইতে গড়ে ৭১.২৬

জন ছাত্র উত্তীর্ণ হইয়াছিল। আমি ধুবড়ীতে যে চারি বৎসর হেড্‌ মাষ্টার ছিলাম সেই সময়ে স্থায়ী ডেপুটী কমিসনার ছিলেন মেজর হাউয়েল ও টি, ই, ইমারসন্ সিভিলিয়ান। আমার পেন্সন্ লইবার কয়েক মাস পূর্বে, টি, ই, ইমারসন্ সাহেব বরিশাল হইতে ধুবড়ী আসিয়াছিলেন। এই সময়ের মধ্যে দুইজন একটি ডেপুটী কমিসনারও ছিলেন। আমার উপরে মেজর হাউয়েলের বিলক্ষণ বিশ্বাস ছিল। কোন বিষয়ে আমাকে কিছু হঠাৎ বলিতে হইলে তিনি স্বয়ং আমার বাসার সম্মুখে আসিয়া আমাকে ডাকিতেন। ইনি এক দিন ধুবড়ী হাই-স্কুল পরিদর্শন করিয়া যে মন্তব্য লিপিবদ্ধ করিয়াছিলেন তাহা পারশিষ্টভাগে প্রদত্ত হইবে।

বঙ্গব্যবচ্ছেদের পরে নবগঠিত পূর্ববঙ্গ ও আসাম প্রদেশের লাট সাহেব নার ব্যাম্ফিল্ড ফুলার ১৯০৫ সনের ২রা ডিসেম্বর তারিখে প্রাতঃকালে ধুবড়ী হাই-স্কুল পরিদর্শন করিয়া যে মন্তব্য লিপিবদ্ধ করিয়াছিলেন তাহা পারশিষ্টভাগে প্রদত্ত হইবে। পঞ্চম শ্রেণীর বালকদিগকে দেশী কসরতে পরীক্ষা করিয়া এতই সন্তুষ্ট হইয়াছিলেন যে তাহাদিগকে দশটাকা পুরস্কার দিয়াছিলেন। লাট সাহেব ধুবড়ী হাই-স্কুল পরিদর্শন করিয়া আমাকে বলিয়াছিলেন যে হেড্‌ মাষ্টার, তুমি স্কুলের নিয়ম ও শৃঙ্খলার প্রতি বিশেষ দৃষ্টি রাখিয়া কাৰ্য্য করিবা এবং উহাতে আমার আন্তরিক সহায়-ভূতি ও সাহায্য পাইবা।

১লা ডিসেম্বর তারিখে তাহার সহিত সাক্ষাৎ করিবার জন্য আমাকে তাহার “ব্রঙ্কহুও” নামক জাহাজে ডাকিয়া পাঠান। আমাকে দেখিয়া বলেন যে হেড্‌ মাষ্টার, তুমি তোমার ছাত্রগণকে দমনে রাখিতে পারিয়াছ জানিয়া আমি বড়ই আশ্বাসিত হইয়াছি। তোমার স্কুলে কি স্বদেশী আন্দোলন আছে? আমি বলিলাম “আছে বটে, কিন্তু অসাধুভাবে নহে।”

আমাকে এখন যে পেন্সন্ লইতে কেন হইল তাহার বিবরণ নিম্নে

সংক্ষেপে প্রদত্ত হইল। বঙ্গ-ব্যবচ্ছেদের পরে পূর্ববঙ্গ বিশেষতঃ বরিশাল জেলায় রাজনৈতিক আন্দোলন ঘোরতর ভাবে হইয়াছিল। বরিশাল জেলার পিরোজপুর সাহায্যকৃত হাই-স্কুলের হেড্‌ মাস্টার শ্রীযুক্ত ক্ষীরোদ-চন্দ্র সেন বি,এ, ছাত্রদমনে ও অশান্ত লোকের প্রতি কঠোর ব্যবহার করিয়া লাট সাহেব সার্ব্‌ ব্যাম্‌ফিল্ড ফুলারের মনস্তৃষ্টি সাধন করিয়া তাহার প্রিয়পাত্র হইয়াছিলেন। ক্ষীরোদবাবু অনারারী ম্যাজিষ্ট্রেটও ছিলেন, সুতরাং লাট সাহেবের অপ্রিয় ব্যক্তিদিগের প্রতি কঠোর ব্যবহার করিবার ক্ষমতা ও স্বযোগও তাঁহার যথেষ্ট ছিল। ইনি ইহার কাৰ্য্যের পুরস্কার স্বরূপ ৫০ বৎসর বয়সের সময়ে গভর্ণমেণ্টের অধীনে কোন ভান চাকরী পাইবার আশা করিয়াছিলেন। মনে করিয়াছিলেন একটা ডেপুটী ম্যাজিষ্ট্রেট ও ডেপুটী কলেক্টরের পদ পাইবেন, কিন্তু তাঁহাকে ঐ পদ না দিয়া গভর্ণমেণ্ট তাঁহাকে ১০০ টাকা বেতনে স্কুল সৰ্ভ-ইনস্পেক্টরের পদ দিবার প্রস্তাব করিয়াছিলেন। ক্ষীরোদবাবু এই প্রস্তাব জানিতে পারিয়া গভর্ণমেণ্টকে লেখেন যে তাহার এই বয়সে তিনি স্কুল সৰ্ভ-ইনস্পেক্টরের কার্য্য করিতে অক্ষম। ঠিক এই সময়ে আমার দ্বিতীয় এক্সটেন্সন্‌ বা দ্বিতীয়বার স্বপদে রাখিবার জন্ত যে দুই বৎসর অতিরিক্ত সময় প্রদত্ত হইয়াছিল তাহা ১৯০৮ সনের ১৪ই জুন তারিখে শেষ হইবার কথা; সুতরাং এই স্বযোগে আমাকে পেন্সন্‌ দিয়া ক্ষীরোদবাবুকে আমার পদে নিযুক্ত করা ঠিক হইয়া গিয়াছিল। আমি এ কথা পূর্বেই জানিতে পারিয়া আর এক বা দুই বৎসর স্বীয় পদে থাকিবার জন্ত চেষ্টা করি নাই, তবে শিক্ষাবিভাগের ডিরেক্টর সার্প সাহেববাহাদুর আমাকে অন্য উপায়ে চাকরীতে রাখিবার জন্ত যত্ন ও চেষ্টা করিয়াছিলেন। ইতিপূর্বে গৌরীপুরের রাজা শ্রীমান্‌ প্রভাতচন্দ্র বড়ুয়া তাহার পুত্রকে শিক্ষা দিবার জন্ত আসাম-উপত্যকার কমিসনার সাহেব বাহাদুরকে লিখিয়াছিলেন যে শিক্ষাবিভাগ হইতে একজন উপযুক্ত কন্‌শ্চারীকে তাঁহার পুত্রকে শিক্ষা দিবার জন্ত গভর্ণমেণ্ট তাঁহাকে দেন। ঐ কন্‌শ্চারী

তাহার তৎকালের বেতন ও তাহার উন্নতি হইবার সময় আসিলে যে বেতন পাইবেন তাহা তাঁহাকে দিবেন। ডিরেক্টর সার্প সাহেব আমাকে গৌরীপুর রাজার পুত্রের শিক্ষক মনোনীত করিয়া লেখেন যে ধুবড়ী হাই-স্কুলের স্বযোগ্য হেড মাষ্টারের পেন্সন্ লইবার সময় হইয়াছে। তাহাকে তাহার বর্তমান কালের বেতন দিয়া তিনি লইতে পারেন। তবে তিনি গভর্ণমেন্টের চাকরীতে আর ৬ মাস কাল থাকিতে পারিলে তাহার বেতন ২০০ টাকা হইবার কথা। ৬ মাসের পরে তাঁহাকে ঐ ২০০ টাকা হারে বেতন দিতে হইবে। ইতিপূর্বে উক্ত হইয়াছে যে ১৯৬ সনের জাছুয়ারী মাসে গৌরীপুর হাইস্কুলের হেড মাষ্টার হইয়া আমার তথায় যাইবার কথা ছিল। কিন্তু গভর্ণমেন্ট আমাকে দুই বৎসরের জন্ত সময় দিয়া আমাকে ধুবড়ী হাই-স্কুলে রাখিয়াছিলেন। আমি গৌরীপুর স্কুলে বাইতে পারি নাই। গৌরীপুরের রাজার ও তাহার নাতাঠাকুরাণী শ্রীযুক্তা রাণী ভবানীপ্রিয়ার আমাকে লইবার বিলক্ষণ ইচ্ছা থাকিলেও তাহাদের দেওয়ানের বিশেষ আপত্তিতে লইতে পারেন নাই। দেওয়ান শ্রীযুক্ত দ্বিজেন্দ্রচন্দ্র চক্রবর্তী বি, এ, ডিরেক্টর সার্প সাহেবকে লেখেন যে তাঁহারা রাজপুত্রের শিক্ষকের জন্ত একজন যুবা ব্যক্তিকে চান। ঐ যুবা ব্যক্তির অশ্বারোহণে, শিকারে, ও নৃত্যগীতাদিতে দক্ষ হওয়া আবশ্যক। সুতরাং আমি ঐ পদ পাইলাম না। গৌরীপুরের হেড মাষ্টারি গ্রহণ না করাতেই দ্বিজেন্দ্রবাবু আমার প্রতি অসন্তুষ্ট ছিলেন এবং এই জন্তই আমাকে লন নাই। সুতরাং আমাকে অবসর গ্রহণ করিতে হইল।

এই সময়ের কিছু দিন পূর্বে ইনার্সন্ সাহেব ধুবড়ীর ডেপুটী কমিসনার হইয়া আসিয়াছিলেন। আমাকে পেন্সন্ দিয়া অবসর দেওয়া হইবে তিনি এপষ্যন্ত জানিতে পারেন নাই। গ্রীষ্মাবকাশের সময়ে বাড়ী আসিবার পূর্বে আমি ১৯০৮ সনের ৪ঠা মে তারিখে তাহার সহিত সাক্ষাৎ করিতে গিয়া বলি যে হয়ত তাহার সহিত

আমার এই শেষ সাক্ষাৎ। তিনি এট কথ্য শুনিয়াই আমাকে বলিলেন “তুমি এ কথা বলিতেছ কেন?” আমি বলিলাম যে আগামী ১৫ই জুনে আমাকে পেন্সন্ লইয়া অবসর গ্রহণ করিতে হইবে। তিনি আমার তখন বয়স কত জানিতে চাওয়ায় আমি বলিলাম যে ৫৮ বৎসর। তিনি আমার মুখের দিকে দৃষ্টিপাত করিয়া বলিলেন যে তোমার মুখ দেখিয়া ত তোমার এত বয়স হইয়াছে বুঝা যায় না। তিনি বলিলেন তুমি এখনই একখানি আবেদনপত্র আমার হাত দিয়া পাঠাও ও উহাতে লিখ যে তুমি এখনও চাকরীতে থাকিতে চাও। আমি বলিলাম যে সবই ঠিক ঠাক হইয়া গিয়াছে। আমাকে ১৫ই জুন তারিখে অবসর গ্রহণ করিতে হইবে ; তথাপি তিনি ছাড়িলেন না। আমাকে দিয়া তখনই ঐ মধ্যে একখানি আবেদনপত্র লেখাইয়া লইলেন এবং উহার উপরে এই কয়টি কথা লিখিয়া ডিরেক্টার অফিসে পাঠাইয়া দিলেন। Forwarded. Strongly recommended. The applicant is quite fit for the extention and is still capable of doing much useful work. অর্থাৎ পাঠাইয়া দেওয়া গেল। বিশেষভাবে সুপারিস্ করা গেল। আবেদনকারী অতিরিক্ত সময় পাইবার জন্ত সম্পূর্ণ উপযুক্ত। ইনি এখনও অনেক কাজের মত কাজ করিতে সক্ষম। আমার এই আবেদনপত্র তাঁহার মন্তব্যসহ ডিরেক্টার সাহেবের হস্তগত হইল। কিন্তু তখন সমস্ত বন্দোবস্ত হইয়া গিয়াছিল। আমার স্থলাভিষিক্ত ব্যক্তির নামটা কেবল গেজেটে প্রকাশিত হইতে বাকি ছিল। প্রাণবাক্যশের বন্ধের মধ্যেই আমার স্থলে শ্রীযুক্ত ক্ষীরোদচন্দ্র সেন বি, এ, নিযুক্ত হইয়া ধুবড়ীতে আসিবেন গেজেটে প্রকাশ হইল। শুনিয়াছি এই গেজেটখানি পাইয়া ইমার্সন্ সাহেবের মুখ লাল হইয়া গিয়াছিল এবং বলিয়াছিলেন যে, কি আমার সুপারিস্ অতুল্যে কার্য্য হইল না? ডিরেক্টার সাপ সাহেব সব বন্দোবস্তই করিয়া ফেলিয়াছিলেন। এখন আর

উহার পরিবর্তন করিতে পারিলেন না। কাজেই একটি লাট সাহেব সার্ চার্লস্ বেলি সাহেব বাহাদুরকে সমস্ত বিষয় জানাইতে বাধ্য হইলেন। লাট সাহেব বাহাদুর বলিলেন যে এখন সব বন্দোবস্ত হইয়া গিয়াছে, এখন আর আমি এই বিষয়ে হস্তক্ষেপ করিতে চাহি না। ডিরেক্টর সার্প সাহেব ভদ্রতা ও সৌজন্য প্রকাশ করিয়া আমাকে একখানি চিঠি লিখিয়াছিলেন। ঐ চিঠিখানির নকল পরিশিষ্টভাগে প্রদত্ত হইবে।

এদিকে হুতরাগড়ের নদীয়া মহারাজাব হাই-স্কুলের অবস্থা তখন বিলক্ষণ শোচনীয় হইয়া দাঁড়াইয়াছিল। অর্থাভাবে শিক্ষকেরা সময়-নত বেতন পাইতেন না। হেড্‌মাষ্টার শ্রীযুক্ত হরিশচন্দ্র দাস বি. এ, কার্য ত্যাগ করিয়াছিলেন। দ্বিতীয় শিক্ষক ব্রহ্মশাসননিবাসী শ্রীযুক্ত সতীশচন্দ্র চট্টোপাধ্যায় এম, এ, ও কার্য ছাড়িয়া দিবেন জানাইয়া-ছিলেন। ছাত্রসংখ্যা কমিয়া গিয়াছিল। স্কুল-ম্যানেজিং কমিটির তিনজন মেম্বর শ্রীযুক্ত পাচগোপাল ইন্দ্র, কালিদাস বিশ্বাস, ও রামগোপাল আস আমাকে একখানি চিঠি লেখেন যে, আপনি পেন্সন্ লইয়া আসিয়া গড়ের স্কুলের কার্যভার গ্রহণ করুন। আপনাকে এখন মাসিক ২৫ টাকা হিসাবে বেতন দিব। আপনি ২৫ টাকা বেতন পাইলেও স্কুলের প্রধান কক্ষচারী হইবেন। আপনার উপরে স্কুলের ভার দিয়া আমরা নিশ্চিন্ত থাকিতে পারিব। তখন সম্পাদক ছিলেন রামগোপাল মুন্সী মহাশয়। গড়ের স্কুলের উপরে আমার একটা বিশেষ আন্তরিক টান ছিল। এই চিঠিখানি প্রভাসচন্দ্র নন্দীর হাত দিয়া লেখা কিন্তু শ্রীযুক্ত পাচগোপাল ইন্দ্র, কালিদাস বিশ্বাস ও রামগোপাল আস উহাতে স্বাক্ষর করিয়াছিলেন। আমি উহাদের কথামত গ্রীষ্মাবকাশে বাড়ী আসিয়া স্কুলের ছাত্রগণকে পড়াইতে লাগিলাম। লালবিহারী মুস্তফিও পড়াইতে লাগিলেন। পরে শ্রীযুক্ত সীতানাথ ভবানী বি, এ, কে পাইয়া উহারা উহাকে হেড্‌মাষ্টারের

পদে ৭০ টাকা বেতনে নিযুক্ত করিলেন। আমাকে স্থপারিণ্টেণ্ডেন্টের পদে নামে ৭০ টাকা বেতনে নিযুক্ত করিলেন। কিন্তু আমাকে ২৫ টাকা হারে বেতন দিতে লাগিলেন। পরে আমার প্রতি তত ভাল ব্যবহার করেন নাই, এমন কি ঐ চিঠিখানিতে তাঁহাদের যে স্বাক্ষর ছিল তাহা তাঁহাদের স্বাক্ষর নহে বলিয়াছিলেন। প্রায় এক বৎসর পরে আমাকে সহকারী হেড্‌মাষ্টার বা সোজা কথায় সেকেন্ড মাষ্টার করিতে চাহিয়াছিলেন। আমি আত্মমর্য্যাদা রক্ষা করিবার জন্ত এই স্থল পরিত্যাগ করিয়াছিলাম। এখন সম্পাদক রামগোপাল মুন্সী মহাশয় জীবিত ছিলেন না। শ্রীযুক্ত কাঠিকচন্দ্র দাস এখন স্থলের সম্পাদক হইয়াছিলেন।

আমি গ্রীষ্মাবকাশের পরে ধুবড়ী যাইয়া ১৫ই জুন তারিখে অবসর গ্রহণ করি। ঐ সময়ে ডেপুটী কমিসনার ইমারসন্ সাহেব বাহাদুরের সহিত সাক্ষাৎ করায় তিনি আমাকে স্পষ্টই বলিয়াছিলেন যে বরিশাল জেলা স্থলের ও ব্রজমোহন কালেক্টর ছাত্রগণ তাঁহাকে বড়ই জ্বালাতন করিয়াছিল। তিনি মনে করিয়াছিলেন যে ধুবড়ীতে আমি হেড্‌মাষ্টার থাকিলে তিনি তথাকার ছাত্রবৃন্দকর্তৃক উত্তর হইতেন না। নূতন হেড্‌মাষ্টার ক্ষীরোদবাবুকে তিনি বিলক্ষণ জানিতেন। তাঁহার সময়ে সাহেব বাহাদুরের শাস্তিলাভের আশা খুবই কম ছিল।

আমার ধুবড়ী হইতে আসিবার সময়ে মেছপাড়ার স্বর্গীয় জমিদার তিলকরাম চৌধুরির জ্যৈষ্ঠ ও তাঁহার জামাতা শ্রীমান্ বিপ্রনারায়ণ দেব বি, এ, আমাকে ধুবড়ীতে রাখিবার জন্ত বিশেষ চেষ্টা করিয়াছিলেন। তিলকবাবুর শিশু দৌহিত্র ও ভাবি উত্তরাধিকারীর গৃহশিক্ষক করিয়া আমাকে রাখিতে চাহিয়াছিলেন। বলিয়াছিলেন তখন আমাকে মাসিক ২৫ টাকা বেতন দিবেন। সপারবারে বাস করিবার উপযোগী একটা বাসা দিবেন এবং অল্প ভাবেও সাহায্য করিবেন। আমাকে রাখিবার জন্ত তাঁহাদের এত চেষ্টা করিবার একটা কারণও ছিল। আমি ঐ শিশুটির



চিকিৎসা করিয়া 'আমাশয়' রোগ হইতে তাহাকে মুক্ত করিয়াছিলাম। সিভিল সার্জন পর্য্যন্ত তাহার চিকিৎসা করিয়াও তাহাকে রোগযুক্ত করিতে পারেন নাই। আমি থাকিতে অনিচ্ছুক হওয়ায় উঁহার একটু দুঃখিতও হইয়াছিলেন। আমাকে একটি ওয়াচ ঘড়ী উপঢৌকন দিয়া ছিলেন। আমি চিকিৎসা করিয়া কিছু লই না বলায় উঁহার বলিয়া-ছিলেন যে চিকিৎসা করার পুরস্কার দিতেছেন না। তিলকবাবুর সহিত আমার বিশেষ সৌহৃদ্য ছিল বলিয়া তাঁহার স্বতি-রক্ষার্থ তাঁহার ব্যবহৃত ঘড়ীটি আমাকে দিতেছেন। অগত্যা আমি উহা লইতে বাধ্য হইয়াছিলাম। ঘড়ীটি রদারহাম নিম্নিত ঘড়ী। উহার তৎকালের মূল্য প্রায় ২০০ টাকা ছিল। ঘড়ীটি আমি আজ পর্য্যন্ত ব্যবহার করিতেছি।

আমি হেড্‌ মাস্টারের পদে নিযুক্ত হইবার পর হইতেই আসাম প্রদেশের মধ্যইংরাজী ছাত্রবৃত্তি পরীক্ষার্থী ছাত্রদিগের ইংরাজী অনুবাদ ও রচনার পরীক্ষক নিযুক্ত হইয়াছিলাম এবং ১৯০৮ সন পর্য্যন্ত ঐ বিষয়ের পরীক্ষক ছিলাম। কেবল প্রথমবারে মধ্যবঙ্গ, ও মধ্যইংরাজী ছাত্রবৃত্তি পরীক্ষার মৌখিক অঙ্কের পরীক্ষক হইয়াছিলাম।

ইতিপূর্বেই বলিয়াছি যে পুলিশ সুপারিন্টেন্ডেন্ট শ্রীযুক্ত রাসবিহারী বিশ্বাস সঙ্কল্পে পরে দুই একটি কথা বলিব। সে কথাগুলি এই—রাসবিহারীবাবু ধুবড়ীতে বদলী হইবার পূর্বে করিমপুর জেলার পুলিশ সুপারিন্টেন্ডেন্ট ছিলেন। লার্জ ব্যাম্‌ ফিল্ড্‌ কুলার লার্ট সাহেব হইয়া করিমপুর পরিদর্শনে যাইলে তথায় টেনন্‌ হইতে তাঁহার মালপত্র সাকিট্‌ হাউসে তুলিবার জন্য একটি কুলিও পান নাই। কনষ্টেবল দিয়া তাঁহার মালপত্র তুলিতে হইয়াছিল এই জন্যই রাসবিহারীবাবুর প্রতি অসন্তুষ্ট হইয়া তাঁহাকে ধুবড়ীতে বদলী করেন। রাসবিহারীবাবু পুলিশ সুপারিন্টেন্ডেন্ট হইলেও বোর স্বদেশী ব্যবসায় প্রচলনের পক্ষপাতী ছিলেন। তিনি ধুবড়ীতে আসার পরে একটি বৈষ্ণব গুহ কতকগুলি

স্বদেশী ছবি কলিকাতা হইতে লইয়া গিয়া ধুবড়ীতে বিক্রয় করিতে আরম্ভ করে। ঐ ছবিগুলিতে ইংরেজ জাতির প্রতি বিদ্বেষভাব প্রকাশক অনেক বস্তু ছিল। ধুবড়ী থানার দারোগাবাবু ঐ ছবিগুলি ছেলেটীর দোকান হইতে লইয়া গিয়া রাসবিহারীবাবুকে দেখান। রাসবিহারীবাবু ঐ ছেলেটীকে তাহার বাঙ্গলোয় ডাকিয়া লইয়া গিয়া তাহাকে বলিয়াছিলেন যে এরূপ ছবি আর আনিও না। ছবিগুলি রাখিয়া দিয়া তাহার ক্রেম ও কাচগুলি ছেলেটীকে ফেরত দিয়াছিলেন এবং ছবিগুলির মূল্যও তাহাকে দিয়াছিলেন।

একদিন রাত্রিতে ধুবড়ীর বিজনী হলে বরিশালের সুপ্রসিদ্ধ মুকুন্দদাসের যাত্রাগান হইয়াছিল। ঐ যাত্রাগানে স্বদেশী আন্দোলনের সমস্ত বিষয়ই সুন্দররূপে বর্ণিত ও গীত হইয়াছিল। রাসবিহারীবাবু সমস্ত রাত্রি ঐ যাত্রা শুনিয়াছিলেন। ঐ যাত্রার গান শুনিবার জন্ত শ্রীহট্টদেশীয় একজন মুসলমান একট্রাএসিষ্ট্যান্ট কমিসনার উপস্থিত ছিলেন। ইনি ঐ সমস্ত গানে ইংরেজ-বিদ্বেষভাব প্রকাশ আছে মনে করিয়াছিলেন; এবং মুকুন্দদাসকে বলিয়াছিলেন যে আপনাদের যাত্রাগানের বহীখানি আমাকে দেন। মুকুন্দদাস বলেন যে আমাদের একখানি মাত্র বহী আছে। উহা দিলে আমাদের কিছুতেই চলিবে না। সুতরাং বহীখানি একট্রা এসিষ্ট্যান্ট কমিসনার বাহাদুর পান নাই। কিন্তু একট্রা এসিষ্ট্যান্ট কমিসনার বাহাদুর ডেপুটী কমিসনার মেজর হাউয়েলকে বলেন যে গানগুলি ভয়ানক ইংরাজ-বিদ্বেষমূচক গান মেজর হাউয়েল রাসবিহারীবাবুকে ডাকিয়া লইয়া ঐ সকল গান ইংরাজ-বিদ্বেষমূচক কিনা জিজ্ঞাসা করেন। রাসবিহারীবাবু বলেন যে আমি নিজে সমস্ত রাত্রি জাগিয়া ঐ গানগুলি শ্রবণ করিয়াছিলাম। ঐগুলি ইংরেজ-বিদ্বেষমূচক নহে। ইহাও বলেন যে একট্রাএসিষ্ট্যান্ট কমিসনার শ্রীহট্ট-নিবাসী ও জাতিতে মুসলমান। তিনি আমাদের পৌরাণিক বৃত্তান্তের মধ্য কিছুতেই বুঝিতে পারিবেন না। সুতরাং

তাহার মতের কোন মূল্যই নাই। বলা বাহুল্য মেজর হাউয়েল অতি উদার প্রকৃতির লোক ছিলেন। তিনি এ বিষয়ে এক কালেই হস্তক্ষেপ করেন নাই।

তেজপুরের ঘটনা বর্ণনাকালে বলিয়াছি যে আসাম-প্রদেশের তদানীন্তন মাননীয় চিফ কমিসনার সার হেনরী কটন্ পেন্সন্ লইয়া অবসর গ্রহণ করিবেন বলিয়া তেজপুরবাসিরা তাহাকে অভিনন্দন দিয়া বিদায় দিগাছিলেন। তিনি আমাদিগের নিকট হইতে বিদায় গ্রহণকালে বলিয়াছিলেন যে আমি বিলাত হইতে পুনরায় আর একবার ভারতবর্ষে আসিব। তবে সরকারী বা বেসরকারী কাজে আসিব কিনা এখন তাহা বলিতে পারি না। প্রকৃতপক্ষে তিনি আর একবার আমাদিগকে দর্শন দিয়াছিলেন। এবারে কংগ্রেসের সভাপাত হইয়া ভারতবর্ষে আসিয়াছিলেন এবং আসাম-প্রদেশে যাইয়াও আমাদিগের বাসনা পূর্ণ করিয়াছিলেন। তিনি যখন কংগ্রেসের সভাপতিত্ব করিয়া আসামে আসিয়াছিলেন তখন আমি ধুবড়ীতে। বলা বাহুল্য যে তিনি সৰ্বজন-প্রিয় ছিলেন। ধুবড়ীতে রেলষ্টেশনে নানিয়াই তিনি গোহাটি যাবার জন্ত ষ্টিমারঘাটে যাইবেন কথা ছিল। ধুবড়ীবাসিরা তাহাকে সাদরে রেলওয়ে ষ্টেশনে অভ্যর্থনা করিবার জন্ত তথায় সমবেত হইয়াছিলেন। ধুবড়ার মিউনিসিপ্যালিটির ভাইস্ চেয়ারম্যান্ অ্যুক্ত উপেন্দ্রনাথ বসু বি, এল, উকীল আমাকে বলিয়াছিলেন, যে বিজ্ঞালয়ের ছাত্রগণও পতাকা হস্তে করিয়া রেলওয়ে ষ্টেশনে উপস্থিত থাকিবে। আপনি উহাদিগকে তথায় বাইতে অস্বস্তি দিবেন। এখন লাট্ সাহেব ফুলারের রাজ্য। বঙ্গ-ব্যবচ্ছেদ ব্যাপার লইয়া এখন তুমুল আন্দোলন চলিতেছিল। স্বতরাং মহামতি কটন্ সাহেবকে এরূপ ধুমধামের সহিত অভ্যর্থনা করা তখনকার কোন সাহেবেরই ইচ্ছা ছিল না। আমি উপেন্দ্রবাবুকে তাহার প্রস্তাবের উত্তরে বলি যে বিজ্ঞালয়ের ছাত্রগণ যখন বিজ্ঞালয়ের বাহিরে থাকে তখন তাহারা তাহাদের পিতা বা অভিজ্ঞাবক-

গণের আদেশ অনুসারে চলিতে পারে। তখন কোন কার্য করিবার জ্ঞতা তাহাদের শিক্ষকের অনুমতি আবশ্যক করে না। আপনারা ইচ্ছা করিলে তাহাদের হস্তে পতাকা দিয়া তাহাদিগকে রেলওয়ে ষ্টেশনে লইয়া যাইতে পারেন; এজন্য আমার অনুমতি বা সম্মতি আবশ্যক করে না। সুতরাং ছাত্রগণ পতাকা হস্তে কটন সাহেব বাহাদুরকে রেলওয়ে ষ্টেশনে সাদরে ও সম্মানে অভ্যর্থনা করিতে গিয়াছিল। বিজ্ঞানকের কার্য আরম্ভ হইবার অনেক পূর্বে কটন সাহেব বাহাদুর রেলওয়ে ষ্টেশনে পৌঁছিয়াছিলেন। তথায় অপেক্ষা করিবার জ্ঞতা তাঁহার যথেষ্ট সময়ও ছিল না। যেহেতু ট্রেন আসার অল্প পরেই গোহাটী অভিমুখে ষ্টিমার ছাড়িয়া বাইবার কথা। তাঁহাকে অভ্যর্থনা করিবার জ্ঞতা ধুবড়ীর কোন সাহেবই ষ্টেশনে বা ষ্টিমার ঘাটে যান নাই। ডাক্তার সাহেব ইহার আগমনের অল্প পূর্বেই কুলি ডিপোয় যাইয়া কুলিদিগকে পরীক্ষা করিয়া আসিয়াছিলেন। ডেপুটী কমিসনার মেজর হাউয়েল্ পূর্বরাত্রিতে মফঃস্বল হইতে ধুবড়ী ফিরিয়া আসিয়া ছিলেন। এদিন তিনি ধুবড়ীতে থাকিলেও ষ্টেশনে উপস্থিত হন নাই। সরকারী কন্সটারিদিগের মধ্যে আমরা তিন জনমাত্র উপস্থিত ছিলাম—একট্রা এসিষ্ট্যান্ট কমিসনার 'শ্রীযুক্ত নৃত্যগোপাল চট্টোপাধ্যায়, পুলিশ ইনস্পেক্টর 'শ্রীযুক্ত শশিভূষণ সেন ও আমি। কটন সাহেব বাহাদুর নৃত্যগোপালবাবুকে দেখিয়াই বলিলেন যে নৃত্যগোপাল, তুমি ধুবড়ীতে বদলী হইয়া আসিয়াছ। আমি অবসর গ্রহণের পূর্বে তোমাকে ধুবড়ীতে বদলী করিবার প্রস্তাব করিয়া গিয়াছিলাম। আমাকে দেখিয়াই বলিলেন যে রামেশ্বর, তুমিও ধুবড়ী আসিয়াছ? তোমরা বেশ ভাল আছ ত? মেজর হাউয়েলকে না দেখিয়া বলিলেন তিনি কি মফঃস্বলে আছেন? নৃত্যগোপালবাবু বলিলেন তিনি মফঃস্বলে ছিলেন বটে, গত রাত্রিতে ধুবড়ীতে ফিরিয়া আসিয়াছেন। শুনিয়া বলিলেন তাঁহাকে আমার সাদর সন্মিলন জানাইও। কটন

সাহেব বাহাদুর গোহাটিতে পৌঁছিলেও তথাকার কোন সাহেবই তাঁহার সহিত সাক্ষাৎ করেন নাই। গোহাটিতে যাইয়া তাঁহার তথাকার ডেপুটী কমিসনারের বাঙ্গলোয় অবস্থিতি করিবার কথা ছিল; কিন্তু ডেপুটী কমিসনার সাহেব বাহাদুর তাঁহার গোহাটি পৌঁছিবার পূর্বেদিনে গোহাটি ছাড়িয়া ৬ মাইল দূরে গিয়া তাৎক্ষণিক বাস করিতেছিলেন। কটন সাহেব বাহাদুর গোহাটি হইতে ফিরিয়া চলিয়া গিয়াছিলেন আর কোন স্থানে যান নাই।

নওগাঁর কথা বলিবার কালে বলিয়াছি যে বন-বিভাগের একট্রা এসিষ্ট্যান্ট কন্সারভেটর শ্রীযুক্ত নীলকান্ত মুখোপাধ্যায় সম্বন্ধে পরে কিছু বলিব। এখন উহা বলিতেছি। আমার খুব ডী আসিবার কিছু কাল পূর্বে ইনি গারোহিল জেলার বন বিভাগের কর্তা হইয়া গারোহিল জেলার সদর স্থান টুরায় আসিয়াছিলেন। কলিকাতা হইতে গারোহিল যাইতে হইলে খুব ডী হইয়া যাইতে হয়; স্বতরাং নীলকান্তবাবু মধ্যে মধ্যে আমার খুব ডীর বাসায় আসিতেন এবং দুই এক দিন থাকিতেন। একবার বিদায় লইয়া কলিকাতায় আসিয়াছিলেন। কলিকাতা হইতে গারোহিলে ফিরিয়া যাইবার সময়ে পাঙ্কী চড়িয়া আমার বাসায় উপস্থিত হইলেন। ভয়ানক জ্বর হওয়ায় টেন্সন হইতে হাটিয়া আমার বাসায় আসিতে পারেন নাই। তখন কলিকাতায় বিলক্ষণ প্রেগ হইতেছিল। তাঁহার জ্বরের অবস্থা দেখিয়া আমার মনে খুব ভয় হইল। এসিষ্ট্যান্ট সার্জন শ্রীযুক্ত বামাচরণ কৰ্ম্মকারকে ডাকিয়া আনিয়া তাঁহার চিকিৎসা করাইতে লাগিলাম। বামাচরণবাবু পরীক্ষা করিয়া দেখিয়া বলিলেন যে তাঁহার নিউমোনিয়া হইয়াছে। ইতিপূর্বেই তাঁহার পাচক ব্রাঙ্কন ও একজন চাকর আমার বাসায় ছিল। তাঁহার পীড়ার অবস্থা দেখিয়া বলিলাম যে কলিকাতায় সম্বাদ দিয়া তাঁহার স্ত্রীকে ও জ্যেষ্ঠপুত্র নিশিকান্তকে আনাইব কিনা? তিনি বলিলেন—না। কলিকাতায় সম্বাদ দিবার কোন প্রয়োজন নাই।

আপনাদের চেষ্টা ও যত্নে ভাল হইব। কিছুতেই কলিকাতায় সম্বাদ দিতে দিলেন না। অনেক যত্ন, চেষ্টা, সেবা ও শুশ্রূষায় প্রায় এক মাস কাল পরে রোগমুক্ত হইলেন। রোগমুক্ত হইবার পরে কলিকাতায় সম্বাদ দেওয়া হইয়াছিল। বন্ধুর প্রতি বন্ধুর এইরূপ বিশ্বাস থাকা বিশেষ বাঞ্ছনীয়।

বহুকাল বিদেশে থাকার পরে দেশে আসিয়া অগ্রায় জেদের বশবর্তী ধনগর্বে গর্বিত কয়েকজন লোকের চক্রান্তে স্বজাতিবৃন্দের নিকট হইতে যে নিগ্রহ, নির্যাতন ও লাঞ্ছনা পাইয়াছিলাম তাহা বর্ণনা করিয়া আর পুরান কথা নূতন করিয়া তুলিতে চাই না। স্মৃতরাং এই আত্মকাহিনী এইখানেই সমাপ্ত করিলাম।

সমাপ্ত।

## পরিশিষ্ট ।

আমি ১৮৭৮ সনের ৯ই এপ্রিল তারিখ হইতে ১৯০৮ সনের ১৪ই জুন পর্যন্ত অর্থাৎ ত্রিশ বৎসর এক মাস ছয় দিন চাকরী উপলক্ষে আসাম-প্রদেশে ছিলাম। সুতরাং আসাম-প্রদেশ সম্বন্ধে দুই চারিটা কথা বলিবার অধিকার আমার আছে। সেই কথাগুলি সংক্ষেপে এখানে বলিতেছি। এই প্রদেশের নাম আসাম হইল কেন? “আসাম” শব্দের দুইটা ব্যুৎপত্তি প্রদর্শিত হয়। কেহ কেহ বলেন “অসম” শব্দ হইতে “আসাম” শব্দের উৎপত্তি হইয়াছে। প্রদেশটা পর্বত ও পাহাড়ে পরিপূর্ণ; সুতরাং অসম অর্থাৎ সমতল ক্ষেত্র নহে। কেহ কেহ বলেন এই প্রদেশের বিজ্ঞতা আহম্ জাতির নাম হইতে প্রদেশের নাম হইয়াছে আসাম। আসাম-বাসীরা দন্ত্য “স” এর উচ্চারণ “হ” এর স্থায় করে। “আহম্” অর্থে অসম বুঝায় অর্থাৎ যে জাতির সমান বা সমকক্ষ অথবা কোন জাতি নাই। আহমেরা শ্রাম দেশ হইতে আসিয়া এই প্রদেশ আক্রমণ করিয়া নিজেদের হস্তগত করিয়াছিলেন এবং সদীয়া হইতে আরম্ভ করিয়া গোয়ালপাড়া জেলার বিজ্ঞনী-রাজ্য পর্যন্ত ইহাদের আধিপত্য বিস্তার করিয়াছিলেন। আহমেরা বলেন যে, তাহারা ইন্দ্রদেবতা হইতে সন্তৃত। যে সময়ে বঙ্গদেশের নিম্নপ্রদেশ সমূহ সমুদ্র গর্ভে নিমজ্জিত ছিল, তখনও আসাম স্বসভ্যদেশ বলিয়া পরিগণিত হইত; মহাভারত ও রামায়ণ মহাকাব্যের বর্ণিত অনেক ঘটনাই আসামপ্রদেশে সংঘটিত হইয়াছিল। কক্সবীহরণ ও উষাহরণ আসামেই হইয়াছিল। কামরূপ জেলার পূর্ব নাম ছিল প্রাগুজ্যোতিষপুর। কামরূপ জেলার বর্তমান সদর স্থান গৌহাটীর

নিকটে ব্রহ্মপুত্র নদের তীরে একটি পাহাড়ময় স্থান আছে। উহার নাম অশ্বক্লান্ত। অর্থাৎ ভগবান্ শ্রীকৃষ্ণ কৃষ্ণগী দেবীকে হরণ করিয়া আনিবার সময়ে এই স্থানে তাঁ হার রথের অশ্ব ক্লান্ত হইয়াছিল বলিয়া এখানে কিছুদিন বাস করিতে বাধ্য হইয়াছিলেন। কুরুক্ষেত্রের যুদ্ধের সময়ে প্রাগজ্যোতিষপুরের রাজা ছিলেন মহাবল ভগদত্ত। ঐ যুদ্ধে তাঁহার যে হস্তী হত হইয়াছিল তাহার সমাধি হইয়াছিল একটি পাহাড়ের নিম্নদেশে। ঐ পাহাড়টিকে এখনও হাতীমুড়ার পাহাড় বলে। পাণ্ডবেরা বনবাসকালে প্রাগজ্যোতিষপুর পর্যন্ত গিয়াছিলেন। যে স্থান পর্যন্ত গিয়াছিলেন সেই স্থানে একটি শিবলিঙ্গের প্রতিষ্ঠা করিয়াছিলেন। ঐ শিবলিঙ্গটিকে পাণ্ডুনাক বলে এবং ইহার নামে ঐ স্থানের নাম হইয়াছে পাণ্ডুনাক। ঐ স্থানের উত্তরে আর যান নাই, এজন্ত উহার উত্তরভাগকে পাণ্ডব-বজ্জিত দেশ বলে। গোহাটী হইতে শিলং যাইবার রাস্তার ধারে (রাস্তা হইতে অনেকটা দূরে) একটি মনোরম স্থান আছে উহার নাম বশিষ্ঠাশ্রম। এটি একটি তীর্থস্থান। ডিমাপুর (হিড়িমপুর) দ্বিতীয় পাণ্ডব ভীমসেনের পুত্র বটোৎকচের ও তাঁহার মাতুল হিড়িম্বরাজের রাজধানী ছিল। তৃতীয় পাণ্ডব অর্জুন মণিপুরে বক্রবাহন জননী চিত্রাঙ্গদাকে বিবাহ করিয়াছিলেন এবং নাগকণ্ঠা উলপীকেও বিবাহ করিয়াছিলেন। সুতরাং তৃতীয় পাণ্ডব নাগাপাহাড় ও মণিপুরে গিয়াছিলেন। ভগবান্ শ্রীকৃষ্ণের পৌত্র অনিরুদ্ধ তেজপুরে যাইয়া বাণরাজ-পুত্রী উষাকে হরণ করিয়াছিলেন। বাণরাজার রাজধানীর নাম ছিল শোণিতপুর। আসামবাসীরা শোণিত বা রক্তকে তেজ বলে। শোণিতপুরকেই আসামবাসীরা তেজপুর বলে। তেজপুরে এখনও উষার মন্দিরের ধ্বংসাবশেষ দৃষ্ট হয়।

শোণিতপুরের যে স্থানে মহাদেবের সহিত যজুবংশীয় বীরগণের যুদ্ধ হইয়াছিল, সে যুদ্ধক্ষেত্রও আসামবাসীরা এখনও দেখাইয়া দেয়। তেজপুর সহরের বহির্ভাগে প্রকাণ্ড প্রকাণ্ড চারিটি মন্দির ও তাহাদের



মধ্যে শিবলিঙ্গ প্রতিষ্ঠিত ছিল। এখনও একটি প্রকাণ্ড মন্দির ও একটি প্রকাণ্ড শিবলিঙ্গ ঐ স্থানে দৃষ্ট হয়। তেজপুর থাকা কালে শিবচতুর্দশী উপলক্ষ্যে আমি সপরিবারে ঐ স্থানে যাইয়া রাত্রিতে কয়েকবার পূজা দিয় আসিয়াছিলাম। দুর্গাবাড়ীর অল্প দূরে উবার মন্দির ছিল। চাঁদ সদাগরের কীর্তিরও চিহ্ন আসামে দৃষ্ট হয়। গোয়ালপাড়া জেলার বিলাসীপাড়া গ্রামের অনেক উত্তরে একটি স্থান ও একটি পাহাড় আছে, উহাকে চাঁদর ডিঙ্গা বলে। ঐ স্থানে চাঁদ সদাগরের বাণিজ্যপোত ব্রহ্মপুত্র নদমধ্যে নিমজ্জিত হইয়াছিল। একখানি প্রকাণ্ড নৌকা (ডিঙ্গা) কাত হইয়া পড়িলে যে ভাবে থাকে ঐ পাহাড়টির আকৃতি ঠিক ঐরূপ। নিজ্ ধুবড়ী সহরে নেতোধোপানীর প্রস্তরনির্মিত বিশালঘাটের ধ্বংসাবশেষ এখনও রহিয়াছে। ধোপাবুড়ী হইতেই ধুবড়ী নামের উৎপত্তি।

গোয়ালপাড়া মহকুমায় শ্রীসূর্য্যর পাহাড় প্রভৃতি অনেকগুলি দ্রষ্টব্য স্থান আছে। ঐ সকল পাহাড়ে অনেক দেব দেবীর মূর্তি এখনও বিদ্যমান রহিয়াছে।

গোয়ালপাড়া সহরের প্রায় সোজাহুজি ব্রহ্মপুত্র নদের অপর পার্শ্বে যোগীধোপা বলিয়া একটি স্থান আছে। ঐ স্থানে ব্রহ্মপুত্র নদের তটের উপরে একটি পাহাড় আছে, উহার গায়ে অনেকগুলি ধোপা অর্থাৎ একজন মানুষ দাঁড়াইতে, বসিতে ও শুইতে পারে এমন কতকগুলি মনুষ্যকর্তৃক কর্তিত স্থান আছে। লোকে বলে যে, উহার মধ্যে যোগীগণ বাস করিতেন। এই জন্ত উহার নাম হইয়াছে যোগীধোপা। গোয়ালপাড়া মহকুমার আগিয়া থানার ৩৪ মাইল দূরে খেনমহরা নামক পল্লীর নিকট শোভাচল নামক পাহাড়ের উপরে টুকুরেশ্বরীর মন্দির দর্শনযোগ্য। প্রবাদ ঐ স্থানে সতীদেবীর বাম উরু পতিত হইয়াছিল।

ডিক্র নদীর ধারে একটি গড় ছিল, এখনও একটি ক্ষুদ্র গড় আছে, এই জন্ত ইহার নাম হইয়াছে ডিক্রগড়।

নিজ শিবসাগর সহরে আহম্ম রাজাগণের রাজধানী ছিল। উহার পূর্ব নাম ছিল 'রঙ্গপুর'। শিবসাগর নামে একটা প্রকাণ্ড পুষ্করিণীর তটে বর্তমান সহরটী অবস্থিত বলিয়াই উহার নাম হইয়াছে শিবসাগর। নওগাঁ জেলার সদরস্থান পূর্বে যে স্থানে ছিল, তাহার নাম এখন হইয়াছে পুরাণিগুদাম। বর্তমান সদরস্থান নূতন হইয়াছে বলিয়া উহার নাম হইয়াছে নওগাঁ (নূতন গ্রাম)।

আসামের অধিকাংশ ভদ্রলোকই একেশ্বরবাদী। ইহাদিগকে মহাপুরুষিয়া বলে। ইহারা দেব দেবীর মূর্তির পূজা করেন না। কেবল নাম গান করেন। যে ঘরে নাম-কীর্ত্তন হয়, তাহাকে নামঘর বলে। আসামের ধর্ম-সংস্কারক মহাপুরুষের নাম ছিল শঙ্করদেব বা শঙ্করদেও। ইনি জাতিতে কায়স্থ ছিলেন এবং বড়পেটা অঞ্চলে ইহার বাস ছিল। ইনি শ্রীচৈতন্যদেবের সমসাময়িক পুরুষ; তবে চৈতন্যদেবাপেক্ষা বয়সে বড় ছিলেন। ইনি শ্রীধাম নবদ্বীপে ৬ পুরাতে চৈতন্যদেবের সহিত অনেক সময় কাটাইয়াছিলেন। চৈতন্যদেবের নিকট দীক্ষা লইতে ইচ্ছা করিয়াছিলেন। কিন্তু শঙ্করদেব বয়সে বড় বলিয়া শ্রীচৈতন্যদেব তাঁহাকে মন্ত্রশিষ্ট করেন নাই।

চৈতন্যদেবের কোন পর্বদের সহিত যুক্তি ও পরামর্শ করিয়া ইনি একদিন অতি প্রত্যাষে জগন্নাথদেবের মন্দিরের মধ্যে প্রবেশ করিয়া ভূতলশায়ী হইয়া পড়িয়াছিলেন। শ্রীচৈতন্যপ্রভু অতি প্রত্যাষে মন্দিরে যাইয়া জগন্নাথমূর্তি দর্শন করিতেন। শঙ্করদেব ভূমিতলে পড়িয়াছিলেন, পর্যাপ্ত আলোকাভাবে শ্রীচৈতন্যপ্রভু তাঁহার শরীরের উপরে যাইয়া পড়েন। তাঁহার শরীরের উপরে পদক্ষেপ করিবা মাত্রই "রাম রাম" বলিয়া উঠেন। শঙ্করদেব ঐ "রাম রাম" শব্দই তাঁহার দীক্ষা মন্ত্র হইল বলিয়া জপ করিতে আরম্ভ করিলেন। আসামীয়া ও উড়িষ্যাঙ্গের মধ্যে অনেক বিষয়ে সাদৃশ্য আছে। এমনকি অনেক উড়িয়া শব্দ

আসামীয়া শব্দ হইয়া পড়িয়াছে। মহাপুরুষিয়া দল ছাড়া আর একটি দল আছে, তাহাকে চৈতন্যপন্থী বলে।

শিমলা মালিপৌতার ভট্টাচার্য মহাশয়গণও আসামে বাইয়া অনেক শিষ্য-সেবক করিয়াছেন। আমরা ইহাঁদিগকে এখানে আসামে ভট্টাচার্য বলি। ইহাঁরা আসামে বাইয়া গোস্বামী হইয়াছেন। আসামে অনেক শিষ্য-সেবক ও কামরূপ জেলায় অনেক জমিদারীও করিয়াছেন। ইহাঁরা গোহাটিতে বাস করেন। ইহাদের শিষ্যগণের মধ্যে কেহ কেহ শাক্ত, তবে অধিকাংশই বৈষ্ণব।

গোহাটির প্রকৃত আসামীয়া নাম গুবাহাটি (গুবাক) অর্থাৎ যে হাটে স্তূপারি বিক্রয় হইত। এটি কামরূপ জেলার সদর স্থান। এই সহর হইতে কামাখ্যা পাহাড় প্রায় ৩ মাইল দূরে, কামাখ্যা পাহাড়ে কামাখ্যা দেবীর, ভুবনেশ্বরীর ও দশমহাবিষ্ণুর মন্দির আছে। কামাখ্যা দেবীর মন্দিরই সর্বাপেক্ষা বড় ও সুন্দর। ছিন্নমস্তার মন্দির নাই। কামাখ্যা একটি হিন্দুদিগের প্রধান তীর্থ স্থান। এখানকার পাণ্ডারা অসংখ্য তীর্থস্থানের পাণ্ডাদিগের স্ত্রী দুঃস্থ ও অর্থলোলুপ নহেন। আসামের মহাস্ত্র ও গোস্বামিদিগের বাসস্থান বা ধর্মোপদেশ দিবার স্থানকে সত্র বলে। আসাম প্রদেশের ভিন্ন ভিন্ন জেলায় অনেকগুলি সত্র আছে, তন্মধ্যে শিবসাগর জেলার মাজুলী বা আউনিয়াহাটি সত্রই সর্বপ্রধান। এখানকার গোস্বামী বা গুরুদেবকে ব্রহ্মচর্য্য অবলম্বন করিয়া সমস্ত জীবন বাপন করিতে হয়। আমি যে সময়ে আসামে ছিলাম সেই সময়ের আউনিয়াহাটির সত্রাধিকারি-গোস্বামি মহাশয় পরম পণ্ডিত ও পরম ভাগবত ছিলেন। ইহার মান-সম্মত ও যথেষ্ট ছিল। স্বয়ং লার্টসাহেবও ঐ সত্রে বাইয়া ইহাঁর সহিত সাক্ষাৎ করিয়া আসিতেন। আসামের ভ্রূলোকদিগের মধ্যে অনেকরই পূর্ব বাসস্থান শিবসাগর জেলায়।

## APPENDIX

I am glad to certify that Babu Rameswar Sen is a very able and hard-working teacher, and justly deserves the popularity he has always enjoyed with his pupils whom I have known to carry in their minds a great regard and esteem for him both during the time they are taught by him and after. This in my opinion is the best assurance a teacher can have of his merits being acknowledged and the best testimony the public can have of his superior parts, his great experience as a teacher, and above all his fitness to be entrusted with the noble and responsible charge of educating their children. I have been acquainted with Babu Rameswar in the official-way for a period of more than nine months during the time I had charge of examining now and then the junior classes of this High School and of reporting their general progress from time to time in their respective subjects of study. It is but justice to remark that the pupils of Babu Rameswar, though too many for a single class and teacher (being nearly forty and fifty in each class) have always shewn a fair progress in the subjects taught them, and that this in the case of best boys of the classes, has even been marvellous indeed.

The High School,  
RANGPORE,  
November 15, 1877.

(Sd.) TARAPADA GHOSHAL.  
*Offg. Second Master.*

Good, hard-working, conscientious, willing to please and very intelligent.

(Sd.) SIVADAS BHATTACHARYYA.

25th February 1878. *Head Master, Maldah Zila School.*

Babu Rameswar Sen is a hard-working teacher and is always in earnest in his work. Under the revised scheme of establishment, a graduate has been appointed as 2nd master on Rs. 75 and Rameswar Babu is, I understand, to act as 3rd master on his present pay Rs. 50 a month. I hope later on he will be provided with another post on an increased pay.

(Sd.) KHETRA CHANDRA CHATTERJI.

18th June 1880. *Secy., D. S. Committee, Lakhimpur,*

Babu Rameswar Sen is an active, painstaking young man. I always found him a useful officer of the school.

(Sd.) SRINATH SEN.

22nd January 1882. *Head Master, Dibrugarh High School.*

Babu Rameswar Sen, although he served a short time under me, gave me every satisfaction by the due and conscientious discharge of his duties. The Babu really takes interest and pleasure in his work. He is intelligent, active and possesses an excellent character. I entertain a high opinion of the officer and am of opinion that he is fully competent for a Headmastership. He is highly spoken of by the Inspector of Schools and I found him possessed of those. I really regret to part with him.

(Sd.) RAM MOHAN MITRA.

30th April 1882. *Head Master, Dhubri High School.*

I entertain a very high opinion of Babu Rameswar Sen for his efficiency and devotedness to his work. I part with him with regret.

(Sd.) HARAN CHANDRA CHATTERJI.

4th July 1883.

Head Master, Nowgong High School.

The Deputy Inspector Babu Rameswar Sen is energetic and hard-working and the Board have every confidence in him. The Goalpara-Sub-Inspector, Mohiram Das, does his duty well and gives satisfaction.

DHUBRI,

(Sd.) T. B. MICHELL, Lt.-Colonel.

12th May 1885.

Deputy Commissioner, Goalpara.

As I am now leaving the district and retiring from the service, I wish to record my sense of good service performed by Babu Rameswar Sen, Deputy Inspector of Schools, during the two years, he has served under me. He is zealous and hard-working, has at all times been anxious to give me his best advice and I have never had cause to regret acting on it. He would make an excellent Head Master of a High School and I hope he will before long obtain that appointment.

DHUBRI,

(Sd.) T. B. MICHELL, Lt.-Colonel.

24th February 1886

Deputy Commissioner of Goalpara.

Babu Rameswar Sen has given satisfaction as Deputy Inspector of Schools in this District during the time that I held charge of the latter, as Officiating Deputy Commi-

ssioner, and I know of no reason why he should not be allowed to apply for the post he now seeks to obtain. He has asked me to forward his application to Deputy Commissioner.

23rd November 1887.

(Sd.) M. A. GRAY, Major.

I have much pleasure in reporting favourably on Babu Rameswar Sen, Deputy Inspector of Schools, he is an active and industrious officer and works his department with credit. He speaks well of the Sub-Inspectors of the two Sub-Divisions of Dhubri and Goalpara.

DHUBRI,  
12th May 1888.

(Sd.) H. MAXWELL, Major.

*Deputy Commissioner of Goalpara.*

Babu Rameswar Sen, Sub-Inspector of Schools was under me for 8 months about. I was exceedingly satisfied with this officer's work. He worked well and gave loyal assistance in the Census as Charge-Superintendent.

DHUBRI,  
2nd June 1891.

(Sd.) P. E. HENDERSON, Major.

*Deputy Commissioner of Goalpara.*

I have known Babu Rameswar Sen, the Head Master of the Kohima High School, for about one year. He has always appeared to me to take great interest in his duties.

KOHIMA,  
3rd October 1892.

(Sd.) A. W. DAVIS.

*Deputy Commissioner.*

*A copy of the inspection remarks made by Sir Henry Cotton, the then Chief Commissioner of Assam.*

I visited the school to-day and spent some time examining one or two classes. Only 2 boys out of 3 candidates passed the Entrance at the last examination and I hope that this result may be improved on next time. The school appears to be recovering from the depression, into which it was thrown by the natural calamities, which have affected the district and seems to be entering in more prosperous times. The Head Master Rameswar Sen seems efficient.

NOWGONG,

(Sd.) H. COTTON. \*

18th November 1898.

I visited the school and find that the number of boys on the roll and for the past six years in November, are as noted in the margin.

1895—182
1896—195
1897—226
1898—245
1899—236
1900—241

They show an increase but the figures for the past three years can hardly be considered satisfactory. The new Head Master Babu Rameswar Sen is a capable officer and I was much pleased with the condition of the first and second classes I examined. There were 5 candidates for the Entrance Examination last year, all of whom passed.

TEZPUR,

(Sd.) H. COTTON.

19th November 1900.

Chief Commissioner of Assam.





DATE OF INSPECTION 25TH AND 26TH FEBRUARY 1902.

It is always more pleasant to express satisfaction than the reverse and I am glad to express my opinion that the general condition of the school is very satisfactory.

TEZPUR,

(Sd.) M. PROTHERO.

26th February 1902

Offg. Director of Public Instruction.

RAMESWAR BABU,

I wrote to Mr. Booth from the Brahmakunda and told him that I considered the complaints against you were frivolous. I enclose a certificate testifying my appreciations of the manner in which you performed your duties while I was in Tezpur and wish you every prosperity in the future.

(Sd.) H. W. COLE,

2nd November 1902

Deputy Commissioner.

Babu Rameswar Sen was Head Master of the Tezpur High School during the 2½ years I was in charge of Tezpur. He performed his duties to my satisfaction and he always struck me as being a capable and efficient officer.

DELHI,

(Sd.) H. W. COLE.

2nd November 1902.

Deputy Commissioner.

*See page 458.*

DEAR BOOTH,

I visited the School-boarding-house here yesterday morning in consequence of some complaints which were made to me regarding the management of it. I found as far as the condition of the boarding-house went, that the complaints were justified but I do not consider the Head Master against whom the complaints were made to be responsible for this condition.

I found the compound in a disgracefully dirty state and the latrine which is too close to the residential quarters and cooksheds had apparently not been cleaned for two days.

There is no effective Supervision of any kind over the boarders. The Second Pandit of the Vernacular School is allowed to live on the premises but he, from the fact that he is a master in an inferior school, has very little influence over the boys and besides this he goes home from Saturday to Monday leaving the boys to their own devices for two nights in the week.

The sweeper only gets Rs. 2-8 a month for his duties and out of this he has to pay As. 8 a month to the Municipality for the use of one of the night-soil carts. Good work cannot be expected for such a remuneration. The Chowkidar gets Rs. 10 a month but he has his work cut out for him to supply the boarders with 2 Kalsis of water per diem each.

At present there are only 13 boarders and one Pandit to be supplied but if the No. be increased there being room for 36 boys in the boarding-house, I do not think that one Chowkidar would be sufficient as he has other minor duties besides supplying water.

I think another Chowkidar on pay Rs. 7 a month is urgently required.

As to the sweeper's work I propose to have the work of the school and boarding-house done by the Municipality which will assure better work and more regularity.

I think in an institution like the one under consideration a resident master is urgently required and proper quarters should be provided for him, I think such a master certainly be an Assamese.

On finding the state the Establishment was in, I spoke rather sharply to the Head Master as I considered that he being Superintendent was responsible but I have since had occasion to change my mind on the Head Master's showing me a letter of Nov. 1900 to the D. P. I. reporting fully on the state of the boarding-house and recommending those changes which I have recommended.

To this letter he says no answer has up-to-date been received.

Also he showed me a letter to the Chairman of the Municipality asking him to take over the sweeper's work but this application was for some reason refused.

Under the circumstances, I am of opinion that the Head Master is not in any way to blame for the state of the boarding-house nor for the resulting discontent amongst the boys.

In this connection I might mention that no provision had been made in the Educational Budget for keeping the school-compound clean.

This work is at present performed by the Municipality who spend some Rs. 100 a year on it as the school being in a prominent position the site would otherwise be an eyesore.

I notice that the Head Master made some provision for this in his budget but it has been struck off.

As under the rules the Municipality are expected to perform any part of this work I think that some part of the cost at least should be provided from Educational funds.

Your's Sincerely,  
(Sd.) F. W. STRONG.

18-11-02.

*Extract from the Inspection Memo of the Dhubri Government High School.*

I was pleased with the way the Head Master teaches his class.

19th July 1905. (Sd.) A. A. HOWELL, Major.  
Deputy Commissioner of Goalpara.

*Extract from the Inspection Memo of the Dhubri Government High School.*

I have always had a high opinion of this school and my opinion was strengthened by this morning inspection.

I examined the 5th class in *Deshi Kassarut*. The performance was very satisfactory.

2nd December 1905. (Sd.) J. B. FULLER.  
Lieutenant-Governor.

*Extract from the Inspection Memo of the Dhubri Government  
High School.*

The Entrance results have been very satisfactory of late years. 5 passes in each of the three years 1902, 1903, 1904 with a success of 100 per cent., and 7 passes out of 9 candidates in 1905.

This seems to show that the teaching capacity and energy of the masters responsible for the Entrance candidates are satisfactory.

10th January 1906.

(Sd.) N. L. HALLWARD.  
Director of Public Instruction.

*Extract from the Inspection Memo. of the Dhubri Government  
High School.*

This is certainly one of the best managed schools in the Valley.

(Sd.) J. R. BARROW.

8th September 1906. Inspector of Schools, Assam-Valley and  
Hill Districts.

This staff, numerically strong, is qualitatively weak. But it has managed to produce creditable examination-results, 5 of 7 candidates passing even in the last disastrous year.

15th March 1907.

(Sd.) H. SHARP.  
Director of Public Instruction.

Eastern Bengal Office of the Director of Public Instruction,  
 & Assam Eastern Bengal & Assam  
 Educational Department Dated Shillong the 20th May 1908.

MY DEAR SIR,

I received your representation asking for extension. It came rather late for acceptance ; and, even had it come earlier, I fear I could not have recommended it. You have had considerable extensions already ; and it is not possible to go on giving extensions indefinitely.

I am sorry your wishes cannot be met. But I trust you will long enjoy your well-earned rest and pension.

I shall be interested to hear where you will settle, and, if there is anything that I can do, by way of testimonials, etc., to assist you, I shall be happy to do it.

I am,

Yours truly

H. SHARP.

To

Babu Rameswar Sen.

(Sd.) UMES CHANDRA DE.  
 Criminal Serishtadar.

31-10-03

Authorised under Section 76 of 1872.

Proceedings of the Criminal Court, present P. E. Camniade, Esq., Deputy Commissioner, Darrang. Dated Tezpur the 28th October 1903 Case No. 867 of 1903.

*Complainant*—Rameswar Sen.

vs.

*Accused*—Radhakanto Hazarika.

Charge under Section 355 Indian Penal Code.

*Judgment.*

The case is that the complainant who is the Head Master of the local High English School was buying fish at the Tezpur bazar, and that he was assaulted by the accused, with a stick, and beaten on the back, face, and chest. The motive of the assault was enmity which is admitted to exist between complainant and accused, and which arose in consequence of the Head Master's having caused an order of rustication to be passed against the accused, who had formerly been one of his pupils at the High English School. For the defence it is alleged, that the accused, though in the bazar at the time of the occurrence, was not near the complainant ; and that the assault was committed by some person other than the accused whom in the uncertain light, the complainant mistook for the accused. The question is purely one of identification. The complainant has stated clearly in his deposition what he did after the occurrence ; and there is no mistake about the time of the occurrence being 6 P.M. at which time towards the end of September there is still plenty of light to see by. There is no reason why the assailant should not have been recognised by the complainant as well as by all the bystanders. The complainant identified his assailant and named him at once. No one was in a better position than the complainant to see who his assailant was, considering that his assailant was facing him while he struck the blows on the complainant's face and chest.

It is alleged that there are other boys who have been at the school who owe the complainant a grudge ; and it is suggested that one of these might have struck the complainant, but if this was so, there was no particular reason for the complainant's naming the accused as his assailant.

The other witnesses for the prosecution who have supported the complainant's story are all Bengalis ; while the one witness for the prosecution who has stated that he did not recognise the assailant and the witnesses for the defence are all Assamese. This case has therefore been made a race dispute ; and impartial evidence cannot be obtained. There are two persons, however, whose evidence there can be no hesitation in believing ; and these are the Head Master and Fifth Master who was with him. The witnesses for the defence have undoubtedly come forward to save an Assamese from punishment on the prosecution of a Bengali. I find the accused guilty of an offence under Section 355 Indian Penal Code, because undoubtedly that was the object of the assault as the hurt caused did not amount to very much, although one of the strokes fell on the face and drew blood ; and I sentence the accused to one month's rigorous imprisonment and a fine of Rs. 100 or in default to another month's rigorous imprisonment. The fine if recovered, will be paid to the complainant as compensation under Section 545 Criminal Procedure Code.

28th October 1903.

(Sd.) P. E. CAMMIADÉ.

*Deputy Commissioner.*

Copied by

• (Sd.) P. W. SINGHA.

No. 435 Dated 30-11

In the Court of the Sessions Judge of the Assam Valley Districts dated the 17th November 1903. *Present J. E. Phillimore, Esq., B.A., I.C.S., Sessions Judge, Assam Valley Districts.*



Criminal Appeal No. 193 of 1903.

Appeal from the order of Mr. P. E. Cammiade, I.C.S.,  
offg. Deputy Commissioner of Darrang, dated 28th October  
1903.

Radhakanta Hazarika—*Appellant*.

*vs.*

Emperor—*Respondent*.

Srijut Kali Prosad Chaliha for Appellant. Babus Akhoy-  
kumar Ghose and Promodekishore Rai for Respondent.

*Sentence*—One month's rigorous imprisonment and fine  
of Rs. 100 in default another month's rigorous imprisonment  
Section 355 Indian Penal Code.

*Judgment.*

The only points for determination are whether the evidence of identification is sufficient, and whether the sentence is excessive. The complainant and Kali Prasanna Chatterjee both depose that the appellant was the person who struck the complainant, they knew the appellant before, and as the occurrence took place in the day light, I think, that they are not likely to have made any mistake as to the identity of the assailant. The defence witnesses say that it was some one else who struck the complainant, but it is a remarkable circumstance that none of these defence-witnesses can say who it was that struck the complainant, if the appellant was not the person who struck the complainant. I think that there is no reasonable doubt that the complainant was assaulted by the appellant. As regards sentence I consider that an assault in a public place upon a person occupying the position of Headmaster

should be severely dealt with, and that the sentence passed is not unduly severe.

The appeal is dismissed.

(Sd.) J. PHILLIMORE.

17th November 1903. Sessions Judge, Assam Valley Districts;

Certified to be a true copy.

(Sd.) HASHMATULLA,

Sheristadar, Assam Valley Districts.

Judge's Office,

Authorised under Section 76 Act I of 1872.

Copied by

JOYNARAN DAS.

8th December 1903.





